

四庫全書存目叢書編纂委員會編

齊魯書社

四庫全書存目叢書

集部
第三七五冊



責任編輯：孫言誠 賀 偉

ISBN 7-5333-0615-5



EB17/05

四庫全書存目叢書·集部三七五

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 53.25 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第三七五冊目次

集部·總集類

南園前五先生詩五卷

〔明〕葛徵奇編
首都圖書館藏清同治九年南海陳氏樵山草堂重刻本

..... 一

里先忠三先生文選十四卷

〔明〕胡接輝選
復旦大學圖書館藏明崇禎十年廬陵胡氏刻本

..... 五四

玉臺文苑八卷續玉臺文苑四卷

〔明〕江元禧輯 江元祚續輯
中國人民大學圖書館藏明崇禎刻本

..... 二七五

元四大家詩集二十七卷

〔明〕毛晉編
北京師範大學圖書館藏明崇禎毛氏汲古閣刻本

..... 五一〇

南園前五先生詩五卷

〔明〕葛徵奇編

首都圖書館藏清同治九年南海陳氏樵山
草堂重刻本

附《四庫全書總目·南園五先

生集二卷》提要

重正五先生詩選舊序

我皇太祖平定華夏歸馬放牛聿興文教維時海內
人學士彬彬輩出自江以南尤沾聖教之先吳下則有
四傑閩有十才子廣則有五先生皆一時詩人之選也
四傑集吳中今尙存十才子集昔時或刻或傳寫之者
今已湮沒失傳矣五先生詩選廣有舊刻歲久朽落僅
人家有藏本而亦弗全嘉靖丁巳督府譚公大參王公
咸興詩教求五先生集於太史泰泉黃公處僅得黃李
孫王而失其一乃以汪右丞集並刻藩署足五先生數
云迨甲子歲余承乏至廣得觀是集而私訝焉右丞回
淮人也不當列於廣況先生之稱乃後進目其先哲之
辭右丞帥廣於五先生有統攝之分不當與鄉大夫伍
而並先生之稱耳雖疑之而未獲其人與集乙丑夏少
叅峒峰曹公乃於梁中舍家得其祖父文康公家藏舊
本乃知黃李孫王之外而有趙臨清者攜其本以授余
余喜其疑之得釋命工刻之以補五先生之闕而以汪
右丞詩別自爲集竊怪趙臨清之詩刻厲奇崛何以失
傳豈以孫王黃李皆國初縉紳而趙布衣士與然盛唐
時有王孟高岑四作者而孟亦布衣也何嫌於並稱况
志稱臨清性狷不喜接貴官達士勸李韓毋應薦卽其
志固輕軒冕而士莛其官爵也視浩然不才明主棄之
句猶有不見用之怨其人品固甚懸絕得不爲廣之高

南園前五先生詩選舊序

葛徵奇

樵山草堂

士乎高士而先生之固宜夫以縉紳之士而與布衣高士共品列足以徵當時縉紳之賢固非以重布衣而於縉紳之士不爲輕也蓋或以其詩僅五六篇而故遺之乎則趙嘏以倚樓一句稱鄭谷以鷓鴣一篇名詩之可傳詎在多乎哉刻成余爲序于末使人知嶺表故多賢而不必借才於異土也嘉靖乙丑五月朔閩人閻窓陳暹謹識

重訂五先生詩集舊敘

粵山森秀甲天下而著者爲羅浮次則星巖禺峽非粵山盡於此山之所宗足以盡粵也嶺海逶迤浩淼蔚爲人文風雅代開狎主齊盟而首宗者則稱五先生五先生之才之遇亦差相彷彿而更造霸于吳四傑闕十才子之間亦猶山之宗羅浮星巖禺峽云上下三百年榛莽未闢運會方新有志之士皆抱其孤致以相角于騷壇茗壘此南園所爲社也其身隱其名彰或爲高曠或爲幽深或爲元淡仙才鬼語各臻其妙豈遂知後世有尸而祝之者哉聲韻之道非至性不傳非至事不傳非至人不傳遠公之白社溫公之洛社惟其至耳有五先生不可無南園有南園不可無五先生譬之山有巖者有偃仰者有蓋而覆者有嶽峙者有坦而蜿蜒者無羅浮星巖禺峽以爲之宗則嵒嶺之質其于中原不啻邱垤尙可與天下爭洞天福地哉五先生皆粵產而其至性至事有難湮沒弗傳者則五先生之詩不足盡五先生而五先生之品之集自足以盡粵詩也俯仰沈澗向北坳山下索問南園主人今安在耶會余代置于役時黎孝廉遂球詩名藉甚得古本而進之讀未竟不禁擊節三嘆如陟羅浮躡星巖登禺峽而思一坐卧其下也舊刻謾滅不可識復手訂而命諸梨棗以付南海蔣令秦距嘉靖乙丑之刻已七十餘載矣不敢謬加詮次悉

從其舊誌不朽也因屬蔣令敘之以行崇禎十一年戊寅長至日按粵使者虎林葛徵奇漫書

南園前五先生詩卷首

葛序

四

燕山草堂

重刻南園五先生詩舊序

太史公謂齊魯文學其天性粵於詩則有然矣我國家以淮甸爲豐鎬則粵應江漢之紀風之所爲首二南也而五先生以勝國遺迭與吳四傑闕十才子並起皆南音風雅之功於今爲烈去城南山川壇數武人得而指之曰此五先生締社之所夷攷其時罹黨籍者二人不仕者獨趙臨清亦就道不免諸所著撰散失固多人皆稱南園五先生而五先生不有其南園其廢則爲總鎮行館而其興則以祀宋之三忠誦詩論世可知已矣五先生任草昧之功而後世湮其已嚮之利不得與王豹綿駒等亦非所以妥忠靈也假如聲音可以盡廢則是

南園前五先生詩卷首

陳序

五

燕山草堂

五經當去詩六藝當輟樂也而可乎此葛介龕使君修祀三忠復不忘南園意也夫陳詩觀風備諸古制諮謀詢度實系臣誼自天子不巡狩輶軒使者采覽方言以被管絃金石豈直存十一於千百者故曰醴酒之用而元酒之尚莞簟之安而橐籥之設貴其始也今天下五言七言自矜名家者非妖浮之音則鞞屨之樂耳其去詩日益千里葛公代興風雅誕敷巡省溯流窮源樹之風聲用意甚盛因下訪山中目余不佞可與言也者則以詩道在粵較五先生稿刻於南園而命之序序成四韻附解頤云聲音亦成俗功在啟荆榛南國高皇化明風正始陳海潮深曲垞香火得比隣並及輶軒問翻令

杞宋新雲淙山人陳子壯題

南園前五先生詩卷首

陳序

六

樵山草堂

重刻南園五先生詩序

南園五先生詩選由來舊矣歲久湮沒失傳嘉靖丁巳督府譚公大叅王公求五先生集於太史泰泉黃公家僅得黃李孫王而失其一誤以汪右丞集並刻藩署以足五先生之數越乙丑少叅峒峰曹公於梁中舍家得其祖父文康公家藏詩選舊本乃知黃李孫王外而有趙公介者因以與陳公暹陳公命工刻之而五先生之姓名於是乎正至崇禎間距嘉靖七十餘載是選亦復湮沒按院葛公徵奇又繼譚王曹陳四公旁搜古本乃得於黎公遂球家因屬南海令蔣公棻付之剞劂而陳公子壯爲之序是五先生詩選凡四刻矣今去葛公之刻未百年士大夫家素號藏書者予嘗詢之已不可復得而五先生家集亦散失無存惟孫先生詩雜見諸書頗多至四先生則詩選之外罕有也五先生與吳之四傑間之十才子開有明一代風雅之宗而趙先生詩止存六章王先生止十有四章友嘗病其少然自嘉靖之刻已然昔劉潤之刻大厯十才子詩夏侯審止得咏絳鞋織錦圖二首嘗謂楊公慎曰兩個棗子如何泡茶予慮趙王兩先生不將爲棗子泡茶而并爲坡仙龜飯也予家藏有舊本同學羅子履先屢囑付刻然年來多病去歲又丁先子憂是以不果今秋因曝先人手澤復爲黃子惺若之請知不可固辭乃授之以梓若夫孫先生

南園前五先生詩卷首

李序

七

樵山草堂

詩不敢增入悉從舊本亦猶葛公序所云而已嗚呼梓
力幾何三百餘年五先生詩選幾絕者五矣能無望於
後之繼予而刻乎是爲序

崑

康熙庚子七夕五羊李琯朗漫書於石塘春草亭

南園前五先生詩卷首

年序

八

樵山草堂

南園前五先生姓氏內各有傳

趙介字伯貞稱臨清先生番禺人贈監察御史

孫黃字仲衍稱西菴先生順德人授翰林典籍

王佐字彥舉稱聽雨先生南海人授給事中

李德字仲修稱易菴先生番禺人授洛陽長史

黃哲字庸之稱雪蓬先生番禺人授翰林待制

南園前五先生詩卷首

姓氏

九

樵山草堂

五先生詩評載明徐泰詩談

徐豐厓曰嶺南孫仲衍黃王彥舉佐黃庸之趙伯貞
介李仲修德時稱五傑惟仲衍清圓流麗明珠走盤不
能自定彥舉雄俊豐麗殆敵手也德慶李文彬亦時勛
敵後瑣山邱濬詞雖豐腴警秀則少矣

南園前五先生詩卷首詩評

十
拙山草堂

南園前五先生詩目錄

卷之一 趙臨清

長門宮

步虛詞

寓山家留壁

懷仙吟題玉樞經卷後

南樓對月

瑤池

卷之二 孫西菴

擬古詩十九首

雜詩五首

南園前五先生詩卷首目錄

十一
拙山草堂

南園

南園夏日飲酬趙王二公子澄佐

道上作

期羅浮蕭鍊師不至

寄琪林黃道士墨竹

寄關大舉隱士

南園懷李仲脩

北上

寄王給事佐

寄鄭進士毅德宏

車駕遊天界寺應制

朝回呈諸閣老

送王給事還

秋風詞三首

將進酒

紫驢馬

望行人

長相思

行路難

湘妃曲

白紵四時詞四首

梁父吟

南園前五先生詩卷首 目錄

士 撫山草堂

楊白花

蔣陵兒

長安篇

上京行

短歌行

長歌行

古意二首

織婦詞

古鏡詞

休洗紅

南園歌贈王給事彥舉

廣州歌

羅浮歌寄洛陽李長史仲脩

南京行

驪山老妓行補唐天寶遺事戲效白樂天作

高昌老翁行

飛仙歸來詞題武林朱以方招鶴軒

送何三元帥北上

題高彬白雲山房手卷

白雲山

題黃萬戶德清羅浮圖

贈關元帥景熙

南園前五先生詩卷首 目錄

士 撫山草堂

戲贈端孝思

送何都閩濟南省親至京還廣

往平原別高彬

送翰林典籍張敏行之官西土

捕魚圖

過隋宮故址

次武昌

題錢叔昂瀟湘圖

桂巖題王昌泰卷

題綿州同知曾係古雪卷

題張侍儀貞白獨冷軒

題蘇名遠畫竹圖

題唐僊方伎圖布政徐本所藏

雨中寄友

山中寫懷

光孝寺

酬王道原

過東阿懷雪蓬

羅浮遊息

鍾山應制

駕遊鍾山應制

新春從幸天界寺次詹象宰鍾山應制韻

南園前五先生詩卷首 目錄

古 鍾山草堂

駕幸天界寺和朱太史帝韻

陪翰林宋承旨遊鍾山

寄彭萬里給事時叅山西政

園正大祀

奉饒承旨宋潛溪先生致仕歸金華

淮上憶京

圯上懷古

紅菊

黑竹

昭君

題蒲萄

畫梅二首

送翰林宋先生致仕歸金華二首

寄王彥舉

過揚州

巫山

出蜀

閨怨

紅梅

楊太真對鏡圖

寄高彬

臨清軒題壁

南園前五先生詩卷首 目錄

古 鍾山草堂

關門書所見

卷之三 王聽雨

應制賜宋承旨馬

唐仙方伎圖

題桑直閣江山勝槩圖

戊戌客南雄

憶舍弟彥常

和元正見寄

酬孫典籍仲衍見寄

發龍灣別王惟吉張廷彥

舟次匡廬寄同朝諸公

午日呈鄭久誠參政、

題李谷清雪景

百馬圖

竹枝詞

美人紅葉圖

卷之四 李易菴

神釋

雜詩

孟夏五日感興

種麻

送友回真定

南園前五先生詩卷首 目錄

六 橫山草堂

暇日遊城西元妙觀

紫芝山房爲湖廣鄭大參賦

歲月徂遷未有歸止寓迹江漢懷抱索然時維杪

秋淒其絀綌偶有所述用簡同志

仙人

贈虛明道人

同詩社諸公遊白雲寺分韻得千字

留題鄆步山莊

宿栖雲菴

問居

憶南園

栖雲菴

對鸚鵡洲

題陶淵明像

亭亭水上渠

柳塘書舍圖

觀白鷺

寄孫典籍仲衍

河陽月簡顏光宏

燕歌行

青樓曲

王彥舉南雄省親

南園前五先生詩卷首 目錄

七 橫山草堂

秋情

天上謠

房中思

十二月樂章十三首

出城

梅花曲

送友人

立秋日登漢陽朝宗樓懷鄉中諸友

濟南寄孫仲衍

金陵逢趙汪中

峽山寺

春興六首

社後謾興

寄妻弟鄭子玉

塘上行

題扇

卷之五 黃雪篷

臨高臺

戰城南

白芷詞

雉朝飛

烏棲曲

南園前五先生詩卷首 目錄

太 焦山草堂

自君之出矣

初入書閣呈董宗文博士兼簡同舍諸公

十月二十二日四望山陪祀禮成呈諸執事

過梁昭明太子墓

送道士蔣玉壺還茅山

東平謁堯祠

曲阜里謁廟

洪範祠龍池禱雨獲應答隱士劉文正暨邑中羣

彥

用陳思王

贈劉宗弼司業赴浙西僉事

秋夜雜興呈涂典籤穎

擬古

簡涂叔良朱仲雅二博士

寓官署候鄺雄飛使回不至

秋月篇

與伯貞或華二友會

題蒲澗讀書處

秋日懷友

分韻得也字贈林生瑛克貢

餞區伯寬領歸善邑教

贈錙仁仲昆季還浙東

南園前五先生詩卷首 目錄

太 焦山草堂

遊泰山

河渾渾

奉和聖製鍾山禱雨獲應

行路難爲洪都義士楊安賦

寓治穀城寄京華親友

費將軍凱還歌

醉歌行爲鄺復初雄飛昆仲賦

王彥舉聽雨軒

題招鶴軒

分題賦羅浮山贈何景先百川

將進酒贈彭生秉德

短歌行與藍山陳彥中

題劉千戶英武舟卷

扶溪春望爲鄺茂才賦

詩僧杞上人得旨歸鄱陽堇親二十二韻

遊黃陂五十韻

寄道士蕭止菴二首

贈陳憲使還嘉興

楊氏湛碧軒

送邵李二巡簡赴京

贈白守中之湖廣

贊相國李公善長

南園前五先生詩卷首 目錄

呈張昶叅政

呈汪朝宗叅議

北提應制

送董文啟之江夏宰

贈王深之官永康

正月初四日南郊禮成

謁黃石公廟

舟泊龍灣寄孫仲衍

贈洗口于巡簡

喜故人孫仲衍歸

贈戴雲

青宮哀詞

次韻仲衍巫峽秋懷

從軍行贈費指揮使

秋夜雜興二首

折楊柳枝詞戲贈朱文昭

游洪範池與劉文正

小塘山居

王孫挾彈圖

寄復初景翔諸友

題野塘景

南園前五先生詩目錄終

南園前五先生詩卷首 目錄

臨清集序

唐韓昌黎論文謂氣盛則言之長短聲之高下皆宜予謂詩亦然氣有所養則性發乎情者出於天真情止乎禮義者有關世教所謂言與聲之皆宜者豈非繇乎氣之盛與然則詩文之有資於氣也尚矣羊城趙先生伯貞氣充才贍發爲詩歌實肖其人當元季吾郡有南園詩社諸公賦詠盛於一時長篇短章葩華光彩至今猶晃耀人目于時先生實與之更倡迭和往往度越流輩非特人品之高才華之俊亦由氣之盛也入國朝詩社諸公若孫翰林王給事鄭御史李長史相繼從仕中外惟先生韜隱于家守約處晦內自足而無所營於外益

南園前五先生詩卷一

趙序

得肆力於詩雖出入漢魏盛唐諸大家闢輿而尤究心三百篇之旨以故所作出乎性情止乎禮義有關世教讀之可以見其志固非世之絢彩色調聲響者所能及也惜乎徒有其氣有其才而弗獲試用于時齋志而歿可見於世者特詩焉耳今先生子純由名進士拜監察御史卓有風裁著聲天朝益以張大其門然則天之報施有德於是可見純與余篤斯文之好間出先生所著臨清詩一帙屬余序其後故書之以識平昔景慕之意因念詩社諸公今不復見不能不重余慨也永樂十九年龍集辛丑秋日掌滁州事中奉大夫直隸揚州府知府同郡陳璉序

見廣州藝文志

臨清先生傳

趙介字伯貞番禺人博通六籍雖豚官醫卜之說浮屠老子之書靡所不究氣宇豪邁與物無芥蒂興至卽揮毫賦詩人莫測其涯也父瑒元臨江路治中與母連喪介孤憤讀書遂無復仕進意植二松于所居軒扁曰臨清蓋以彌明自健也時有李韓者南海文士也以薦起介力止之謂曰堯天雖長劉日實短子獨不動高堂念乎韓竟去後倅南康坐累歎曰伯貞真高士也介行嘗以一囊自隨遇景卽投詩其中絕不爲人留題縉紳恆病其狷性復不喜接達官貴人曰往還西樵石間獨與八十翁劉樂善相倡和以自娛屢爲有司所薦皆苦辭

南園前五先生詩卷一

趙傳

一

免洪武乙巳以家累有旨逮赴京師卒于舟中年四十六介顏如渥丹丰度類神仙中人尤善教子四子絜純繹純皆有文名後純貴贈介爲監察御史有臨清集行于世方孫費王佐結詩社南園時一時名士如李德黃哲暨別駕黃楚金徵士蔡養晦黃希貢長史黃希文架閣蒲子文進士黃原善趙安中安中之弟通判澄徵士訥皆與焉豪吟劇飲更倡迭和文士宗之而介自成一家言世以蕭佐德哲並之稱五先生云

見廣州人物傳

南園前五先生詩卷一

番禺趙 介伯貞著

五言古詩

長門宮

翠華朝望迴長門夕思孤螢流金殿暝露下玉階
蕭蕭作鳴陽鳳今爲繞樹烏愁顏空似玉咳唾不
成珠寶鏡塵將滅羅裳色漸枯淚將寒漏水夜夜
滴空壺

步虛詞

采采清露英皎潔玉不如元和合真一飲之極甘
腴自然生羽翼何用登雲車迢迢大漢上瓊臺曠
清虛永從衆仙去天風搖珮琚

南園前五先生詩卷一 趙臨清

二 撫山草堂

寓山家留壁

有客來何方駕言自華胥囊中無一物手把太極
書象罔爲我御鴻濛爲我徒朝觀赤城標夕弄滄
海珠去來了無礙所憩卽安居青山出屋上修竹
當坐隅好鳥時一鳴景寂心亦虛泛泛巫峽舟迢
迢大行車人心自高下於我良晏如

七言古詩

懷仙吟題玉樞經卷後

我昔采藥羅浮嶺仙人招我遊諸天天門洞開
三十六琳宮貝闕相連延瑤臺百丈空中起玉女
燒香月明裏天王宴坐擁羣真環佩珊珊滿人耳
中有一人號雷師

龐眉皓首拜玉墀奏云侍從五千劫未聞至論窮元機

天王含笑揮玉拂舉首向空如畫一羣真意領叙不宣

但見琪花散空碧我時目覩心欣然萬物得一天何言

乃知至道本無物豈有文字人間傳人間所見皆幻影

欲吸晨霞駐清景須臾月落仙馭旋蕊闕瑤臺風露冷

回看閭闔不可攀白雲與我留山間倚劍長歌一壺酒

龍吟萬壑松聲寒

南樓對月

夜上南樓看月色水晶簾捲銀河碧冰輪倒射滄波寒
對此清光是何夕舉酒邀月真吾酬夜長不用秉燭游
萬里涼風滿襟袖洞庭七澤涵清秋秋聲冷拂珊瑚樹

南園前五先生詩卷一 趙臨清

二 撫山草堂

湘娥鼓瑟鮫人語試吹玉管過行雲曲中彷彿霓裳舞

霓裳舞罷迴明璫北斗已挂西山傍但願清尊長對月

今人古人何足傷

七言絕句

瑤池

宴罷瑤池暮雨紅碧桃花落幾番風重來八駿無消息

擬逐青鸞入漢宮

南園前五先生詩卷一終

番禺陳起榮奎垣校字

西菴先生傳

孫黃字仲衍南海平步人

景泰三年設順德今爲順德人

性敏邁資表

秀偉於書無所不讀爲詩文多不屬藁開卷仰紙立筆

而就初若不甚經意而氣象雄渾與喻深致駸駸乎魏

晉之風自少負節槩不妄交耕夫販婦望而目之曰孫

先生元季避亂山澤間東莞何真保有南海洪武改元

戊申征南將軍平章廖永忠至真求黃作書請歸附曲

盡誠款永忠不戮一人而南海帖然者黃之力也永忠

尋徵黃典郡教三年庚戌始詔天下設科取士黃以詩

經中高選會試中書入對大廷皆在前列賜進士出身

瑯琊登科記郭紫勇大詔及諸志書皆不載進士出身舊選引廣州人物傳誤授工部織染局

南園前五先生詩卷二

孫傳一

焦山草堂

使尋出主虹縣簿時經兵燹十室九空加意勞來民還

其業甫一載被選入爲翰林典籍學士宋濂樂韶鳳承

旨詹同亟稱許之日侍上左右奏對敏便而容觀飄逸

灑輩皆自以爲莫及八年預修洪武正韻九年以奉常

之節監祀于西川居翰林三載力求補外爲平原簿無

何以事逮繫有旨輸左校板築蕭牆望都門謳吟爲嘯

聲督工者以聞召至上前陳所作詩皆忠愛語特命釋

之十一年罷歸田里放迹雲林中益肆力於問學所見

益深有輕死生齊物我之意嘗和陶潛歸去來辭以寫

其情其一曰懷靈荃志不忘君也十五年被召拜蘇州

府經歷蘇爲東吳劇郡素號難治黃贊畫有方政用大

和二十二年以事謫戍遼東怡然就道酌酒賦詩無異

平日時都帥梅思祖節鎮三韓素聞黃名迎置家塾是

年竟以黨禍見殺人皆勸其以疏自明黃不答歌一詩

長嘯以就刑天下冤之年五十有六門人黎貞時亦在

戍奉樞荃于安西之陽黃平生課述甚富有通鑑前編

綱目七卷孝經集善一卷理學訓蒙一卷西菴集八卷

和陶集一卷集古句律詩一卷傳于學者孝經集善則

宋濂爲之序焉黃既沒諸書多零落弗存其詩文今行

世者爲黎貞所編番禺趙絢作黃傳稱其究極天人性

命之理濂洛關閩之學爲嶺表儒宗歷仕雖不甚顯而

所至有聲出處窮達夷險一致云

見廣州人物傳

焦山草堂

南園前五先生詩卷二

孫傳一

焦山草堂

南園前五先生詩卷二

南海孫一黃仲衍著

古詩

擬古詩十九首

行行重行行

歧路一尊酒送君久遠行交持未及竟絲管激哀聲冉冉歲華暮悠悠雲氣征馳車戒往路惻惻傷我情我情默已傷歡愛不可忘昔爲春花妍今爲秋草芳秋草芳有時夫君見無期獨宿坐長夜淚落如綆縻白日憊回照孤懷君所知

青青河畔草

南園前五先生詩卷二 孫西卷一

樵山草堂

青陽煦林薄春氣匝道周婉變都人子采桑南陌頭修眉婉清揚玉顏和且柔明粧照碧落五馬爲久留久留諒奚爲安非貴者儔負守蓬蓬條獻食獨安羞

青青原上栢

置酒高堂上賓友列長筵綺食羅雕盤烹醴膳能膺回風吹繡縠悲管聞清彈遺響妙入雲慷慨有餘懽流光若逝水安得長駐顏薄酒聊斟酌幽襟良可嘆

今日良宵會

南園有佳人窈窕桃李顏容華一何麗顧盼生光妍進退禮自防秉德幽且閒良媒候嘉意君子希令言鴻鴈念儔侶睢鳩鳴河間盛年若流水隱處獨長嘆

西北有高樓

華月散高樹列曜何參差流光射結綺思婦慘中閨良人涉遠道感嘆夜何其清聲發妙曲宛轉有餘哀妙曲固可聽餘哀知爲誰春至桃李妍歲暮華色衰居然獨處廓顧影久徘徊

涉江采芙蓉

故人隔千里寄我清琅玕琅玕色美好愛重若邱山感茲纏綿意將以遺所懽路遙不知至欲插排風翰

明月皎夜光

離離谷中樹燦燦春華芳枝葉何盛茂忽然隨風揚流光有凋換物理安可常擾擾路傍子哀歌使我傷杪秋天氣肅白露結嚴霜攬衣不能寐起視夜何長明月出東壁衆星羅縱橫歲暮鵝鳴百草青自黃遠道者誰子驅車登太行太行鬱鬱戕天路無津梁興言念同志涕下沾衣裳

冉冉孤生竹

青樓何高高顯敞臨道傍美女娛永夜皓齒發清倡玉顏羞掩媚妙曲婉成章含宮亦泛羽忽復轉徵商行雲駐遠漢飛塵遶虹梁識曲世所稀遺音空飄揚歌竟夜寥聞悠悠哀思長

庭中有奇樹

洞庭木葉下悲吹激微寒美人倚修竹凝睇九疑山層

雲沒遠巘軒車絕來還既懷文玉佩復采澧水蘭結言
欲有贈天路遠險艱沉憂坐將老歲月銷令顏

迢迢牽牛星

北風吹雪霰同雲四垂陰惠而能好我寄我瑤華音蟋
蟀入牀下晨風飛北林川梁限楚越思子閨傷心

迴車駕言邁

壯士悲白日達人愛景光景光無停留鬢髮青以蒼嚴
霜被野草行旅思故鄉禽鳥有所適百蛩知潛藏如何
不罷勉老至空自傷

東城高且長

咸陽九原上昔日冠蓋場秋風動禾黍曠野浩茫茫大

南園前五先生詩卷二

孫西菴

三

撫山草堂

化無停留榮耀安可常煙雲迷五柞榛棘沒長楊時運
理則然來者徒自傷所以放志意酣歌稱我觴鳴篳縱
繁響緩此幽思長回車長樂坂將去復彷徨願爲雲中
鴈寥廓恣高翔

驅車上東門

良辰集賓友載酒登北邙百草何離離高墳被山岡四
野生悲風夕日寒無光狐狸穴空墳稚子覓亡羊人生
寄一世奄逝若朝霜高堂與大宅終作荆棘場蓬萊隔
弱水仙說成荒唐及時且行樂勿用徒悲傷

去者日以疎

白日無留光逝水無迴波浮生類轉燭運盡歸山阿松

栢夾長路高墳起巖巖古來皆若此咄咄將奈何誰絃
羅門琴和此薤露歌

生年不滿百

日月遞朔望推遷無時停鼎鼎百年內所爲竟何成賢
者解斯理達生外其形良辰有美酒日對賓友傾迢遙
閭風邱奇樹秀瑤英周王八駿沒天路杳冥冥

凜凜歲暮

江潭十月交霜露萃郊原卉木無留榮百草日夜乾鴻
鴈鳴洲渚猿狖悲空山閨人念遠道撫節涕洟瀾川梁
一瞬隔魂夢夜不安厚愛君詎知新恩忘前權忠誠不
見白剖心良獨難望望千里道無繇生羽翰

南園前五先生詩卷二

孫西菴

四

撫山草堂

孟冬寒氣至

愁人起視夜北斗低復昂中垣耀室壁良月知載陽客
行涉遠道葛屨履嚴霜願欲同辛苦江漢愁且長臨風
付書札鴻鴈無來翔悄悄閨闈心歲暮惟獨傷

客從遠方來

妾有錦繡段文采裁爲衾上羅連理枝下織雙飛禽惜
此嫁時物珍之比南金良人隔山海歲月亦已深願因
飛鴻翼寄以表此心

明月何皎皎

歡愛夏日短憂愁春夜長房帷徹虛白對此華月光薄
寒凄以至入我羅衣裳悵悵感心目欲寐還回遑良人

遠行役三載滯遠方別時木葉落今已花卉芳無由達
衷曲悵望隔河梁

雜詩五首

飄風振長薄夕日潛無輝良人久楚蜀今在沅水西別
時春花發秋葉忽已飛無絲通精神夢寐長相隨欲寄
一尺書臨風久徘徊游鱗沒水曲征鴈杳雲涯哀猿常
對吟凍鳥亦並栖居然獨處廩坐使恩愛違何能一會
晤以慰悽惻懷

浮萍無根株泛泛江海間狂風簸巨浪漂泊何當還亦
似離家客長年去鄉關莽莽涉萬里迢迢度千山沉憂
損精魂遠道多苦顏無爲歌此詞惻愴傷肺肝

南園前五先生詩卷二

孫西庵

五 樵山草堂

大隄有游女盛服珮鳴璫冶容麗皎日錦綺華若英含
情采秋絲薄暮不盈筐問女何所思疊疊哀怨長夫君
久離索杳邈江與湘寒涼入短褐波浪汎舟航芙蓉謝
初夕巖桂亦已芳渺渺燕北歸飛飛南鴈翔風飄流塵
起水落天雨霜俯觀慚遊魚仰視愧七襄此情君詎察
懷玉空自傷

邊城巨長雲迢迢接沙漠時平宣威遠壯士從軍樂霜
風朝出獵錦旆明輝霍營田懸雨狼都護挂雙貉前矛
擁宛駟後勁吹羌角官勲四時轉征戰胡塵邈腐儒身
計疎中夜思奮躍何能投章甫從爾上麟閣

十月良家子從征上邊州明月照劍匣北風吹馬頭少

年有奇志思欲分國憂誰能學李廣百戰不封侯

南園

詩社良讌集南園清夜遊條風振絡組華月照鳴騶高
軒敞茂樹飛甍落遠洲移筵對白水列燭散林鳴雅興
殊未央旨酒詠思柔玉華星光粲錦綵雲氣浮麗景不
可虛衆賓起相酬長吟間劇飲楚舞雜齊謳陵陽杳仙
駕韓衆非我儔聊爲猗時序娛樂忘百憂

南園夏日飲酬趙王二公子澄佐

郡城多暇日公子專幽尋招攜無俗士歡宴盡華簪臨
水釣遊魚凌風弋高禽南園當盛夏灝氣滌煩襟澍雨
朝浥道流雲豁輕陰芙蓉被曲渚灌木秀窮林展席羅

南園前五先生詩卷二

孫西庵

六 樵山草堂

長筵美酒對坐斟交交黃鳥嘒嘒元蜩吟歲時遞遷
幹賢聖皆銷沉於時不痛飲負此芳賞心

道上作

高林翳當道莽莽秋向深回風亂落木驕陽亦化霖我
行泥塗中淒厲入我襟白日晦平陸元雲生夕陰歸鳥
靜不飛暝猿長哀吟感此時景邁况將陽月臨不怨行
路難所嗟歲駸尋悲鳴激楚奏思苦調南音鍾儀久已
死誰復知此心

期羅浮蕭鍊師不至

石室松桂秋涼風滌殘暑柴門敞空曲曠夕懷仙侶巢
笙久不至鶴馭今何許朗月流清輝山中幾延伫

寄琪林黃道士墨竹

漾漾太湖水娟娟文玉叢龍光起夕霧鳳羽生秋風冰輪出寒梢瘦影飾玲瓏因之懷所思邈在蓬萊宮

寄關大舉隱士

秋陽化爲霖流潦漲平陸陰霾晦萬象歲暮時遲速居者窘營爲行者困馳逐晨興起慨嘆旅懷傷局促颯風報澣薄泥塗沒車軸庭樹全無柯原草變餘綠靜念窮居士杳然蒼山麓短褐才掩脰糗糲常不足從事屢失會養高動違俗空匿隋侯珠誰明卞氏玉貧賤少知己隱淪愧親族厲節希世賢君子善自勗

南園懷李仲修

南園前五先生詩卷二 孫西巷 七 松山草堂

幽獨據雅懷逍遙步南園繁卉耀陽德嘉禾秀春暄青陽煥土膏流澌漲通川荃蘭楊朱英山礬炫文軒垂楊列曲渚鳴鳥何闕闕展席芳醕陳開觴羣物妍顧瞻失倚侶高情寄所宣馳思望遠人遙在伊洛埏賢勞事會計日昃不遑安聊復縱長吟引領希令言何能此會合宴樂舒我顏

北上

京華文物盛東南紫氣浮祥雲開甲第春陽藹道周觀國方振纓彈冠始鳴騶皋夔預接武多士爲我儔如何於此去北上賦遠遊揚帆渡淮水驅馬入青州青州非故鄉鬱鬱難久留西望太行巔南臨清濟流行日以

遠役役不得休微官宦况薄旅邸芳歲道嚴風被草木密雪沾衣裘迢遙百越地杳邈炎海陬那能計歸日苦道阻且修

寄王給事佐

休沐展幽眺步出鍾阜阿卉木春氣盎淮水揚素波泛波上鷗游泳鮮羽儀端坐愧此鳥長游成蹉跎安得理歸櫓翩然解珮珂揚舲過關右鼓枻入江沱友干事讌集物候方陽和酌酒南園上與君同笑歌

寄鄒進士毅德宏

步出城東門豁我幽素懷茂樹交綠柯鍾陵傲雲崖有鳥鳴春樹顧聲何啻啾靜言感物理心思寡所諧生念

南園前五先生詩卷二 孫西巷 八 松山草堂

同門友襟期曠以乖亨衢未接武邱樊向高栖王道今清夷縉紳若雲來鳴珂登鳳闕曳履上鸞臺誰憐抱孤貞甘分棄草萊朝吟小山篇暮詠猛虎詞會酬盍簪願天意諒不違

車駕遊天界寺應制

車書混文軌海嶽獻嘉祥皇風載清穆王度日隆昌開歲時豐慶九域會冠裳璇文星再紀五色日重光順令下宸游招搖隨西行靈雨浥馳道條風清太常萬騎羅長雲千官沸鳴璫翠華旋地軸黃道闕天閭紺殿開祗林金蓮燦上方百靈儼屢躍龍象肅周行于時春始和淑氣播青陽卿雲籠羽蓋瑞旭炫虹梁多士溢詞林侍

從參翺翔玉音聞警欬御翰灑琳琅廣歌詳舜訓文思
粲堯章天顏穆以愉清宴樂未央願言敷聖澤仁風被
八荒

朝回呈諸閣老

承恩入翰苑竊祿侍彤幃日月行黃道璣衡耀紫微菲
才忝下列丹衷無繇披凌晨陪稷契日宴拊咎夔海岳
方冀安神人亦恬熙歛蓋瞻變馭鳴珂集鳳池遙望雙
闕門飛觚切雲霓交疏羅綺綺初柳轉文鸞輕裾隨風
旋綠樹畫景移明良感嘉會文物應昌期濯濯聯華采
翺翺秀羽儀宣情寄芳藻聊用頌清夷

送王給事還

南園前五先生詩卷二 孫西卷 九 焦山草堂

良時幸一遘嘉運難再逢流序若飛電倏忽歲云終羨
子瑚璉器林麓隱高蹤適此徵俊彥奮起惠家邦觀光
充上賓恩禮赫以隆金門拜給事百辟肅敬恭迴翔忽
歛翼言歸滄海東昔若雲中鳳今若南飛鴻出處各有
道顯晦詎能同微君慚荷祿仰首慕清風文成德亦著
節立道斯崇願言秉夙志永保貞素躬

樂府

秋風詞三首

秋風嫋嫋天意晶寒蟲唧唧霜露零白雲孤飛鴈南征
念君歲闌遠遊行長年驅馳竟何成閨閣盼望空熒熒
哀來傷秋百感生感極涕淚沾衣纓何人月高彈鳴箏

繁絃急絲攪離情銀河橫天湛空明哀猿寥寥共淒清
微禽安栖夜不驚夫君胡爲未遑甯

秋風颯颯林木空吳山楚山千萬重湛湛江水上有楓
念君遊行遠從戎不遑甯居走西東寂寞空閨敞房櫳
獨宿涕淚沾襟胸悵望不見憂怔忡長雲遙天叫孤鴻
哀音嗷嗷思無窮黃姑斜河夜正中牽牛七襄淡橫從
夫君胡爲苦忽忽

秋風淅淅庭宇虛日行南陸露如珠江空木落芳歲徂
念君遠遊今何如別離不得尺素書妾久悲傷惜居諸
惻惻涕淚盈衣裾凝思關山倚踟躕南鄰誰家吹笙竽
清聲撩人思煩紆繁星麗天明月孤城頭夜栖白頭烏

南園前五先生詩卷二 孫西卷 十 焦山草堂

夫君胡爲未甯居

將進酒

青瑤案上離鸞琴一徽已直千黃金開尊花下對明月
欲彈一曲還沉吟沉沉吟吟幾低首彈商聲勸君酒雍
門風樹春蕭蕭地下田文骨應朽

紫驕馬

紫驕馬黃金羈兒家夫婿金陵兒金陵正值繁華時日
與遊俠相追隨追隨遊俠金陵下長跨金羈紫驕馬賭
勝初登蹴鞠場縱酒還來鬪雞社越羅越練照晴空飛
輕揚鞭去似龍卻轉端門回輦路斜穿夾道過行宮行
宮夾道通三市長使傍人誇意氣紫陌春融錦繡連青

樓日暮簫笙起青樓媚女研羅裙清歌宛轉駐流雲歌
闌陌上春風度舞罷樓前璧月新陌上樓前相識多相
陪相引屢經過房櫳寂寞交疏裏雲鬢粧成奈爾何

望行人

高樓臨廣路朝日麗綺疏美人盛容飾凝睇何踟躕脚
踟躕長太息愁思鬱煩紆愁思知何爲自言惜離居將期
歲暮返忽歷三載餘昔如春園花今若秋水葉盛年詎
可再獨宿誰與娛思逐北風翔相從十里餘中途儻相
失浩歎何所如

長相思

洞庭清秋灝氣多金盤彩月搖碧波湘靈朱絲奏雲和

南園五先生詩卷二 孫西菴

十一

熊山草堂

九疑木落風娑娑長相思渺何極湘山雪斷湘水深淚
竹年年雨花碧

行路難

龍門西接崑崙邱中有一帶黃河流風雷噴薄不可以
利涉鬼浪吐雪龍爲愁我行欲濟無方舟長吟澤畔成
久留暮天搖落對羈客白石楚楚青楓秋行路難歲將
夕靈槎八月秋風生安得乘之沂空碧

湘如曲

沉江水葉下洞庭秋水多湘靈美清夜隱約倚層阿冰
雪耀玉容遠山歛翠蛾風鬟散香霧美盼溢回波明瑤
結珠珮皎皎夾素羅金支色璀璨翠鞋光盪摩小環奏

玉簫雙成鼓雪和瑤管雜哀怨清彈閒嘯歌妙曲隨風
揚餘意泛流霞林端舞鸞鶴水際起蛟龍問汝何所思
慨歎慕重華軒車去杳邈黃陵起嵯峨汀洲生蘼蕪松
栢挂女蘿清涕下灑竹爛斑隱成花日暮天氣肅星移
歲蹉跎靈荃不可見婉孌悲如何九原儻可作千載復
來過

白紵四時詞四首

姑蘇臺上春風和江花亂落江水波交疏楊柳綠參差
華筵夜列開綺羅當筵西施間羣娥朱顏爲君起微酡
自拈紅牙節清歌飛花著人思繁多華月耿耿度斜河
疎星出河夜欲過烏啼啞啞奈爾何

南園五先生詩卷二 孫西菴

十二

熊山草堂

閨門輦路薰風時江光歛澹芙蓉披翠羽霓旌照洲渚
鑾輿出遊初避暑西施含顰嬌不語羣娥闕起歌白紵
回風舞袖爲君舉歌聲窈窕一何長白紵之白白如霜
木瓜花紅荔子香東江月出西江光銀壺酒多樂未央
館娃宮畔風蕭蕭芙蓉隕香楊柳凋銀河影淡烏鵲橋
熒熒雙星麗碧霄美人微醉臉紅潮筵前舉袖催玉簫
舉歌白紵闕妖嬈越羅練風飄飄此時奉君情欲絕
銅龍夜深宮水咽銀牀低轉梧桐月

北風吹江日宛宛江天飛雪簾櫳滿美人臺上關腰肢
羽觴流霞照華瑄筵前西施含醉眼歌停綠水聲欲緩
羣娥玉環低欸欸別宿臺前水仙館芙蓉帳高錦雲暖

儂覺寒宵作那短

梁父吟

江水何深深青楓映雲林衡門一盃酒抱膝梁父吟君
不見夷吾奮袂投南冠故人薦引登君門揚眉吐論下
荆楚糾合冠裳朝至尊又不見樂生徒步從西來燕平
一擁帚調笑黃金臺轅門一日見旌節七十齊城生暮
埃古來英俊人所遇皆有立袖拂驪龍珠能令鬼神泣
而我獨何爲幽泉凍蛟蟄荒蘿縹屋秋雨涼山鬼吹燈
冷光濕幾欲乘風朝太清芙蓉縹緲白玉京天田角井
散煙霧阿香布鼓瑯瑤鳴星辰可望不可即把瑣珣
空復情爲臣自古良獨難我更懷之摧肺肝田疆古治

南園前五先生詩卷二 孫西菴

三 撫山草堂

三猛士昔者虎視青齊間悞罹相國二桃計恨血今爲
春草斑白頭黝舊且如此何況新知而覩顏梁父吟聲
正苦日落未落天星黃西園灌木秋楚楚青青千里草
如霧兀兀當塗高踞虎長陵百尺空嵯峨夜半山精泣
風雨世無女媧五色石天柱欲倩誰人補荊州水碧岷
峨青思美王孫渺何許梁父吟聲苦傷歌闌玉壺缺白
髮千丈長起坐舉長劍仰天悲流光西歸白日爲誰晚
東流之水何泱泱青冥黃鶴儺垂翅我亦凌風隨爾翔

楊白花

楊白花花離離隨風化萍草蕩漾無還期仙桃醉日甌
觥暖荔枝漿凍黃金盤連臂歌殘翠華館愁來玉環低

欵欵春宵長春宵短

蔣陵兒

蔣陵健兒身手捷青年好遊仍好俠錦衣繡帽絲絲
綠鬢惹龍映朱顏春風二月蔣陵西柳暗秦淮花滿堤
窈窕金鞍搖日出輕盈紫燕踏花嘶佳人執扇和詩贈
上客金瓶帶酒攜上客留連正及時佳人妙舞鬬腰肢
舞回璧月當空見歌罷楊花似雪飛楊花似雪紛紛落
酣醉人前誇恨諱自然不分揖金張况肯低頭拜衛霍
意氣繇來凌七貴豪華豈必資三畧五侯宅裏聽啼鸚
廷尉門前彈羅雀揚雄寂寞掩柴扉草得元成餐若絲
歲歲年年書閣底惟應羨殺蔣陵兒

南園前五先生詩卷二 孫西菴

四 撫山草堂

長安篇

長安形勝地京華富才雄北開左馮翊南列右扶風漢
道方全盛象魏何穹窿逶迤長樂坂壯麗未央宮游俠
多少年妖女秀華容凌雲飛甲第照日輝文窓行樂正
及時綺羅繡繡惹龍珠葉搖蠅鬢銀鞍被玉驄千花色炫
爛萬柳景昭融擊鞠都門外闕離馳道東青樓散夕月
瑤箏拂春空良時逝不留流運會有終且極娛心意無
爲虛景光

上京行

京華全盛日江南鉅麗時鳳閣凌天翥雕甍向日披隄
楊垂苑轉清水去逶迤萬國年方泰三陽景載熙少年

縱娛游游俠相追隨載酒聯絲絡乘驄控玉羈關雞初
賭錦擊鞠復爭馳百卉照眼明步障隨風移珍禽哢幽
響咬啞一何悲日暮宴青樓稱觴侑瓊姬開筵列上客
急管聞哀絲爲樂殊未央但惜白日歛豪雄極志意黃
髮以爲期

短歌行

擊長劍扣短歌短歌聲無歡調促情苦多盼流光疾逝
波青銅霜飛奈老何

長歌行

彈鳴絃發清商悲吹激林木歌聲一何長歌聲長絃聲
緩百年鼎鼎不易滿

南園前五先生詩卷二

係西卷

五 據山草堂

古意二首

山礬花落春風起吹妾芳情渡湖水夢中蝴蝶相交飛
門前鵲聲郎馬歸

梧桐初落金井牀斷蛩聲裏月如霜沉沉玉漏清秋夜
妾顏如花恐愁謝

織婦詞

吳中白紵白如霜春風入衣蘭麝香二月城南桑葉綠
新蠶初出微於粟採桑日晏攜筐歸夜半懸燈待蠶熟
繰成素絲經上機兩日一疋猶苦遲織成裁衣與郎著
妾甯辛苦教郎樂家中貧富誰得知郎無衣著他人嗤

古鏡詞

貧女池邊得銅鏡鄰媼歡呼喜相慶持歸鉛粉三日磨
龍影模糊面猶瑩機中剪素爲鏡囊紫絲繡作雙鴛鴦
橫看豎照心不厭借插金釵學上堂廢銅雖舊惜於寶
無錢買新舊亦好誰識青樓金鏡開珍珠綴匣瓊爲璫

休洗紅

休洗紅洗紅顏色落莫思君思君懷抱惡君恩原不淺
妾命繇來薄君如白日不回光妾有芳情向誰托休洗
紅洗紅休莫莫

歌行

南園歌贈王給事彥舉

昔在越江曲南園抗風軒羣英結詩社盡是琪林仙南

南園前五先生詩卷二

係西卷

七 據山草堂

園二月千花明當門綠柳啼春鶯羣英組綰照江水與
予共結滄洲盟滄洲之盟誰最雄王郎獨有謫仙風狂
歌放浪玉壺缺刺飲淋漓宮錦紅青山日落情未已王
郎拂袖花前起歡呼小玉彈鳴箏醉倚庭梧按官徵哀
絃冷冷樂未終忽看華月出天東裁詩復作夜游曲銀
燭飛光白似虹當時意氣凌寰宇湖海詩聲萬人許酒
徒散落黃金空獨臥茅簷夜深雨分飛幾載遠離羣歸
來城市還相親閑來重訪舊遊處蒼煙萬頃波粼粼波
粼粼日將夕西風一葉凌虛舟猶可題詩寄青壁

廣州歌

廣南富庶天下聞四時風氣長如春長城百雉白雪裏

坡下一帶春江水少年行樂隨處佳城南南畔更繁華
朱簾十里映楊柳簾櫳上下開戶牖閨姬越女顏如花
蠻歌野曲聲咿啞尙裝大舶映雲日賈客千家萬家室
春風列屋豔神仙夜月滿江聞管絃良辰吉日天氣好
翡翠明珠照煙島亂鳴鼉鼓競龍舟爭觀金釵鬪百草
遊冶留連望所歸千門燈火爛相輝遊人過處錦成陣
公子醉時花滿堤扶留葉青峴灰白盆釘檳榔邀上客
丹荔枇杷火齊山素馨茉莉天香國則來風物不堪論
寥落秋花對酒尊回首舊遊歌舞地西風斜日淡黃昏

羅浮歌寄洛陽李長史仲修

亭亭西樵峰宛在南海湄日華麗仙掌影漾金銀池我

南園前五先生詩卷二 孫西庵 七 楊山草堂

昔扁舟恣長往凌風浩蕩煙霞想尋幽更欲探神奇復
向羅浮事仙賞仙家三十六洞天羅浮實與滄洲連丹
霞射影四山靜羣真環珮來翩翩藻珠之峯數千丈君
時與我緣蘿上水簾直下飛晴虹萬壑天風度流響山
中劉郎司玉臺仙書授我琅函開心如明月炯虛照身
與浮雲同去來此時會合那能再塵土分飛忽三載我
行奏賦登金門君亦乘輅渡淮海淮海迢迢煙樹深相
思歲晚結愁心長風萬里碧雲遠何由一寄遼山吟山
中洞房春寂寂山中之人長嘆息松花酒熟人不歸瑞
草春風幾回碧

南京行

南京自古說豪雄遠勝秦中與洛中吳越千山高拱北
巴江一道遠朝東秦淮水入丹陽郭北固城連六代宮
岌嶮石頭如踞虎逶迤鍾岳似盤龍龍樓鳳閣天中起
萬戶千門霄漢裏太乙釣陳紫極通翔鸞舞鶴珠峰峙
卻日稜觚駕寥廓行空複道侵箕尾仙掌銅盤玉作流
靈芝華蓋霞爲綺華蓋靈芝粲綺霞御橋金水正當衝
五門彩旭朝天仗馳道香風散日華細柳千章爭拂地
嬌鸞百轉競啼花紫電龍光飛武庫雕臺甲第列侯家
侯家卿相真才彥玉笋蟬聯奉天殿屈宋摘文入石渠
韓黥耀武專方面黃閣承恩宣雨露烏臺執法行霜霰
環珮聲清散早朝葡萄酒綠沾春宴春宴春風坐百花
歸來里巷關香車金張富貴人爭羨王謝風流世共誇
隱約商筇隨赤羽葳蕤大纛映彤牙盤陀寶輦光前導
組絡鳴鑣隘狹斜斜斜西下通三市紫霧紅塵拂天起
南陌東廂馬似龍烏衣朱雀人如蟻爭看買珠輕薄兒
亦訝探丸游俠子猶懷鳳臺醉李白無復新亭泣周顒
井傍美人悲麗華道上行人譚綺綺綺綺臨春總可憐
龍河一帶但寒煙天界叢林開象魏冶亭高閣豔神仙
神仙盡是蓬瀛侶更畫秦臺玉簫女渺渺青鸞月下來
飄飄彩鳳雲中舉別有青樓大道傍煙花萬樹儼成行
飛瓊裊裊翠羅袖小玉峨峨紅粉粧小玉飛瓊兩少年
清歌妙舞闌嬌妍舞態盤迴芳樹底歌喉宛轉落花前

南園前五先生詩卷二 孫西庵 大 楊山草堂

彩雲作雨朝朝合璧月流光夜夜圓朝朝暮暮長如此
秋月春花若流水去歲今年景不殊南來北去人相似
生緣羅屏遮上客流蘇暖帳邀公子爛漫三春錦繡城
空濛一片笙歌市繁華佳麗樂無邊我獨胡爲因一塵
已似揚雄栖白屋還如司馬臥文園誰將積業三千牘
換取揚州十萬緡桃李風前歌扇底看花騎馬過年年

驪山老妓行補唐天寶遺事戲效白樂天作

秋風楊柳凋金縷冷露芙蓉落芳渚寒香晚色何所如
驪山唐姬教坊女蛾眉淡掃山遠碧蟬鬢半拋雲亂吐
時粧無復新妖嬈態猶存舊嬌嫵我作咸陽縱冶遊
冶遊爛漫遍西州青山直抵雙龍關綠水橫過五鳳樓

南園五先生詩卷二 孫西菴 九 驪山草堂

南園佳人金錯落長安公子玉驂騑銀壺送酒青絲絡
皓齒當筵白雪詠琵琶橫笛空聒耳唐姬擲筭妙無比
請彈一曲久含羞呼喚百迴方強起移柱相參鴈成列
調絃未就人先喜僂首斜拖珠步搖向人高露春纖指
樓高韻發響泠泠急管悲歌一霎停初聽乍如風雨至
再彈還作鳳凰鳴清如玉女鈞天奏壯似雕戈出塞聲
澗水帶冰時哽咽春雷震石忽憑陵憑陵未已旋清悄
清悄漸凝聲漸小四座無言俱寂寥餘音已斷猶縈繞
溶溶宛宛復悠悠切切淒淒還窈窕深閨斷腸怨寒宵
淺谷嬌慵破春曉纏綿萬恨與千愁婉意柔情不肯休
蔡琰胡笳悲紫塞班姬團扇掩清秋樓前皓月明如練

天外行雲凝不流促拍未終南內曲新腔忽過小梁州
梁州一摺月向午唐姬此時心獨苦銀甲悲深不忍彈
東腸斷盡無由語低籠翠袖搵香泪翻使歡娛變淒楚
訴盡平生富與貧可憐人世今成古憶昔開元正太平
兒家生長在天京十三學舞曾驚座十四搊箏能擅名
玉貌羞花長窈窕宮腰怯柳更輕盈春寒不離鴛鴦枕
日晏方開孔雀屏五陵年少秦川客爭愛兒家好顏色
雨尤雲最惜公追歡買笑南論值聲名每出流輩上
風致獨覺傍人惜承恩況得登掖庭宛轉隨龍侍君側
海宴河清入息兵四夷賓貢盡充庭炎方已見來丹荔
交趾還聞進雪鸞耀日香車連紫陌飛雲畫棟列朱甍

南園五先生詩卷二 孫西菴 三 驪山草堂

空濛一片笙歌海浩蕩三春錦繡城驪山山上多樓閣
萬戶千門通碧落大駕深居在九重四時多暇惟行樂
已營連昌勝結綺復起芳鳳齊花萼壺飛玉女遞更籌
舟戲金龍動鱗角侍臣傳敕選嬌容特許兒家步輦從
官扇影移花雨外山呼聲沸錦雲中千株火樹爭明月
萬炬金蓮闕彩龍子夜歌詞翻白雪霓裳舞隊散旋風
歌停舞歇徘徊久銀箏獨進纖纖手明眸麗質一當前
含顰美人俱在後數聲清響動絃索八面涼風生戶牖
豔曲新裁粵綠華中官催賜葡萄酒年年秋月復春花
多在宮中少在家嬌笑不愁宮監怒豔粧長得阿嬌誇
朝遊複道瞻天表夜步西廂拜月牙鬪草經春陪虢國

藏圖竟夕伴昭華韶光忽逐流年轉野鹿銜花上林苑
鐵騎東來鳳闕空金根西狩蛾眉遠上方無復聽宣召
新籍甫辭避差遣約臂金環雨雪寬凌波錦被風埃塞
星移物換得無情復向驪山悄地行紫禁無人芳草合
瑤階雨過綠苔生歌臺索莫花千樹舞榭蒼涼月半櫺
繡閣秋陰連瑣闥銅仙清淚落金莖高梧隕翠蓮飄玉
太乙鈞陳看不足百子樓寒霧影昏長生殿古煙光綠
宮牆瓦落見蓬蒿路塵生走麋鹿舞馬雕牀惱夢思
花奴羯鼓驚心目故宅新人作宴遊內家紅錦別纏頭
珠簾繡柱俄成夢鳳管龍笙總是愁舊曲聞來眉自歛
盛年說著口應羞飛蓬短鬢離禁白老屋疎茅不奈秋

南園前五先生詩卷二 孫西庵 主 撫山草堂

舞衫長借鄰人着同伴相呼只推卻臉玉香隨翠靨消
淚珠暗逐燈花落憂來倒插黃金鳳夢裏時彈白翎雀
百感中來不自由芳心一片從誰托唐姬言語一何長
句句凄其字字傷滿座聞之聲唧唧沾巾我亦爲浪浪
滄桑轉瞬誰能識富貴浮雲安可常覽鏡每聞悲素髮
舉杯長欲勸流光唐姬亦莫懷抱惡自古佳人多命薄
傾城西子逐鴟夷絕代明妃嫁沙漠尊前有酒且懽笑
身外閒愁付真漠皎月秋來幾度圓穠花春盡從渠落
唐姬攢涕復陳情請作驪山老妓行桃李風前霜月下
長吟亦足慰平生不因水上琵琶語那識江州司馬名
爲爾臨風歌一曲百年哀怨起秦箏

高昌老翁行

高昌老翁肖隆然黃鬚高鼻毛髮拳自言少小家幽燕
生長適值繁華年出身從戎事西邊十七八九南營田
雕戈如雲護中堅流蘇帳煖垂蜿蜒三珠虎符誰喜懸
偏裨盡戴黃金蟬軍中無事惟游畋錦袍白馬青連錢
胡鷹一掣冲九天駕鵝洒血來連連夜闌愛月醉不眠
衆賓呼盧各爭先輸籌唱酒開錦筵美人照座紅娟娟
凉州蒲萄斗十千金盤丹荔明珠圓野駝之酥香不膾
爭持寶刀誇割鮮忽爾不樂心悵悵琵琶催張鳳凰絃
纖歌一曲清聲傳華嚴天魔間采蓮美人起舞關嬈妍
腰肢宛轉飛花旋玉釵斜橫翠袖偏春風徐來拂筵前

南園前五先生詩卷二 孫西庵 主 撫山草堂

此時意氣如熊虎伯仲聯翩享珪組青雲頭上高楚楚
卻笑傍人不好武一朝零落來南土白髮蕭蕭守環堵
北風怒號翔雪舞羊裘無溫徹不補人間俯仰成今古
老翁毋乃獨愁苦灞陵將軍舊征西青門秦侯亦開府
浮榮飄風何足數

飛仙歸來詞題武林朱以方招鶴軒

飛仙兮歸來無徘徊平臨皋蜀江雪落灘嘈嘈潛龍起
舞風怒號霜明赤壁山月高瓊琬仙翁魂夢夢飛仙兮
歸來無容與平青田春龍破玉耕紫煙羣仙環珮聲鏘
然思乘逸響盤九天羽衣不得長踰躐飛仙兮歸來無
留戀乎高軒華蟲冠多禍衍漳河之水流潺湲商都

綠草生芊，縣崇居廣廈，不可以久延。飛仙兮歸來，無噤
喉乎華亭。琳琅金薤，慚世英文章。錦綺身後名，終古白
璧多青蠅。三吳雲間，不可以久甯。飛仙兮歸來，無浩蕩
乎遼海。離家一去三千載，屈氣罡風晦。文宋華表凌寒
欲誰待。城郭如故，人民改。飛仙兮歸來，歸翺翔乎餘杭。
武林水，綠山青，蒼海潮。八月來錢塘，湖頭白馬神龍驤。
西湖凱風，菱芙蓉，三高琪樹，可以棲元裳。飛仙兮歸來，
歸同隱于越。山臨清，屑蘇雲，半間晴窗。月榭開雕闌，畫
楹翠筠玉珊珊。素琴鳴，絲朝罷，彈匏尊濁酒，可和顏衣。
汝以五彩之春雲，食汝以百斛之琅玕。軒庭不驚樂，且
開飛仙歸來莫盤桓。

南園五先生詩卷二 孫西臺 重

送何三元帥北上

春風吹花江，水波江頭楊柳綠。差差臨期送別，增悵慨
我與何郎情最多。何郎昔年十六七，明珠虎符光照室。
錦臂蒼鷹掣暮雲，青絲白馬嘶晴日。此時我作座上賓，
星樓月帳長相親。班超英傑恥投筆，孫楚兀傲猶參軍。
何郎嚴親初入覲，何郎笑解封侯印。鵲血弓弰滿壁懸，
青門瓜地從人問。今年會陪蔣陵西，爛熳花醉欲迷。
梧桐葉落風臺曲，楊柳煙籠白下堤。何郎於我情最厚，
此別甯堪酌春酒。平原北上路迢迢，白鴈南還寄音否。

題高彬白雪山房手卷

高彬昔年喜學武，七尺長軀力如虎。往昔追強過營門，

日來從戎事藩府。錦袍白馬金連錢，騎將校獵城南邊。
鼻頭火發不知熱，耳後風生猶著鞭。秦楚山川歲華改，
萬人零落惟彬在。腰間不插黃金符，卻向詞林學文彩。
白雲遠在瀋陽陰，彬馳足馬悉幽尋。秦臺古樹挂秋色，
堯澗冰泉清客心。娛遊日夕歡不足，更傍山腰結茅屋。
多種琅玕引鳳凰，大開門徑邀麋鹿。雨龍歸洞白雲閑，
幾翬綿聯窓戶間。月映餘輝長不夜，雲拖曉靄似巫山。
山中白雲如白石，高彬與雲同枕席。雲來萬樹似開花，
雲去千巖同一色。何年作客帝皇州，卻按新圖憶舊遊。
紅樹不知淮水晚，白雲遙認故山秋。故山白雲長自好，
且莫看雲被山惱。他年謝病解朝衣，我亦從君拾瑤草。

南園五先生詩卷二 孫西臺 重

白雲山

白雲山下春光早，少年野遊風景好。載酒秦陀避暑宮，
踏青劉鋹呼鸞道。木棉花落鷓鴣啼，朝漢臺前日未西。
歌罷美人簪茉莉，飲闌稚子唱銅鞮。繁華往似東流水，
昔時少年今老矣。荔子楊梅幾度紅，柴門寂寂秋風裏。
題黃萬戶德清羅浮圖

將軍昔年在東都，虎頭鐵面專城居。重營柳暗流蘇帳，
左掖花明金虎符。東都郭外多林壑，將軍公餘事行樂。
露冕旌旄臨北山，行廚賓從如東洛。紫雲白雲千萬峰，
羅浮更在二雲東。古木千章排疊嶽，飛泉百道瀉晴虹。
仙家洞天三十幾，羅浮復出滄洲裏。紫極房櫺倚日開，

黍珠樓觀經天起，食霞道士不知年。夜禮星辰誦內篇，
龍種玉芝耕赤谷。鶴銜瑤草下青田，將軍此時事幽討。
追攀直欲凌穹昊，扶桑縹緲徐福舟。輦路依稀漢陵道，
別來倏忽幾幾冬。春京洛相逢車馬塵，石室琅函仙夢遠。
朱衣瓊瑤歲華新，新圖誰爲將軍摸。點染猶能記編述，
雨過琪花定滿壇。星沉寶氣應連閣，我與將軍總可憐。
遠遊經歲復經年，羅浮清賞如堪載。同賦陶潛歸去篇，

贈關元帥景熙

君在前朝帥東閩，虎符三珠秩二品。轅門裨將懸金章，
黃頭奴子州縣尹。楊侯樓船下瀨時，君隨左相入京師。
端門萬錢宴珠履，躡蹻路干花明錦衣天。官宗伯司刑典，

南園前五先生詩卷二

孫西菴

蘇山草堂

藻鑑論君第高選，君言下國羈旅臣。生來好武文筆淺，
願縮銅章佐北征。還來作吏錦官城，宣勞豈言爵高下。
貴在晚節完虛名，歲華荏苒容髮改。朋舊飄零滿湖海，
晨星霜木餘幾人。我與蟾溪老高在前，年佐縣淮山陰。
今春待詔入詞林，比來奉節領祀事。會面錯愕驚愁心，
聊簡新酒凝寒翠。清夜懸燈共君醉，醉來自起彈鳴箏。
一曲清歌數行泪，有歌有酒君莫辭。人生會遇信有時，
百年莽莽任新適。不必借箸籌前期，但憐奔波稀會面。
北去何時復相見，明朝挂席下瞿塘。我似伯勞君似燕，
君不見長安遊俠兒。銀鞍白馬青春時，朝出呼盧夜飲

戲贈端孝思

酒美人娟娟，照窓牖。若爲君作梅花仙，不隨桃李爭春
妍。臨流自做書畫軒，獨夜可憐邀月飲。一春長是背花
眠

送何都閩濟南省親至京還廣

伊昔關河事征戰，君家嚴君擁方面。君拜元戎領大藩，
虎旗耀日光於電。北山之北，南河之南，鯨波虎壘相巖巖。
轅門上日開將閫，白馬朱纓銀作銜。軍中呼盧日向午，
錦筵置酒夜擊鼓。龍潭降卒解西歌，翁源女兒學東語。
有時俘賊珠海頭，海門六月如九秋。牙旗輝天虎豹怒，
霹靂迸火魚龍愁。銀漢淋漓洗空昊，嚴親入覲承恩早。
角巾還第誰最高，君與君家兄弟好。竭來甯親東入齊，

南園前五先生詩卷二

孫西菴

蘇山草堂

歸舟一繫蔣陵西，鶯花爛熳春如海。歌舞留連醉似泥，
蟾溪高彬故部曲。開宴斗門橋下屋，宣州梨子鵝兒黃。
吳姬指纖白如玉，酒酣耳熱悲故鄉。孫黃在座情更傷，
關河北去五千里。目斷南天如許長，秦淮水生風似雨。
十幅蒲帆醉中舉，龍灣江口解故人。小孤洲北及前侶，
知君第宅遠西湖。門對羅浮列畫圖，梅花白自想猶昨。
盧橘青青今有無，三即今年三十幾。平生與舊最知已，
明歲春還若寄書。玉堂華館西清裏，

往平原別高彬

銀壺綠酒沾春宴，環珮朝回奉天殿。平生不作兒女悲，
獨向高彬淚如霰。高彬昔年桑梓雄，好賢乃有古人風。

東林詩社靜來結北海酒尊長不空竭來弓劍已蕭索
短髮如絲猶好客塞上葡萄火齊紅宣州梨子鵝兒白
沉綿不獨重相知文彩今還勝昔時小樓焚香每讀易
淨几把筆常題詩今晨我作平原別高彬不意情欲絕
芙蓉香冷不堪贈楊柳枝黃末宜折龍灣江口石城頭
一幅蒲帆萬里秋暮雲紅樹儻相憶應有音書慰別愁

送翰林典籍張敏行之官西土

燉煌城下沙如雪燉煌城頭無六月關西勁卒築防秋
捷書夜半飛龍樓九重下詔徵貔虎推轂上將開都府
黃旗捲日大軍行旄頭化石夜有聲燉煌迢迢五千里
十月卽渡黃河水上將翩翮才且雄平戎不數貳師功
叱咤猶在輪臺北正馬已入渠黎國左校偏裨晚射鵰
倚鞍醉索單于朝西山黑風吹墮瓦霜角啾啾塞垣下
太平今見遠宣威君往從戎幾日歸幕下文儒兼解武
詞林從此有光輝

捕魚圖

小孤洲前春水綠泛湖小船如小屋白頭漁父不解愁
往來捕魚湖水頭得魚換米納官稅妻孥衣食長優游
大兒十三學網罟小女七歲能搖櫓江口賽神夜吹角
村邊賣魚朝打鼓雨來維稍依古岸風起鳴榔入長浦
荻芽短短桃花飛鰕魚上水鰕魚肥鰕魚燒筍醉明月
蠻歌唱和聲咿咿月明在天光在水但願年年只如此

南園五先生詩卷二

孫西庵

樓山草堂

無風無浪安穩眠湖中有魚魚得錢

過隋宮故址

伊昔隋家全盛年周陳部曲按三邊端門徹夜笙歌合
琪樹經春錦繡纏經春錦繡何搖漾別有迷樓九霄上
關拱連雲次第開珠簾繡柱森相向樓中美女花蔥龍
寫翠圖黃照曉空壁月瓊花新態度臨風結綺舊丰容
碧山螢火光於電更傍沉香山底冥窈窕清歌來夢兒
輕盈妙舞蓮花旋行樂還來爛熳遊天京移蹕望楊州
高起離宮連鳳闕斜穿汴水入龍舟龍舟錦纜映牙樁
玉簫金管切雲長仙禽自蛻歲髮羽野鳥還爲鸞鳳翔
櫻歌楊柳春風晚扇影芙蓉秋露香芙蓉秋露香飄玉

南園五先生詩卷二

孫西庵

樓山草堂

次武昌

大風吹船如馬走船頭水聲作牛吼挂帆初發岳陽磯
轉松俄灣武昌口武昌城頭黃鶴樓飛簷遠映鸚鵡洲
漢陽樹白煙景濕行人如鷗沙際近江南風土寒氣遲
居人九月著紵衣酒旗隔江開竹屋簷墟小姬能楚曲
蜻蜒船尾旋回風今夕停船酒家宿

題錢叔昂瀟湘圖

遠山如游龍近石如踞虎秋陰迢迢樹楚楚乃是洞庭
瀟湘之極浦西來白波浮太虛鬼物似與空濛俱潭深
蜃氣結樓閣鮫人踏浪隨游魚纖綃更泣明月珠綴成
懸璫素裙襦九疑並迎翠華輦絳節影底羣真趁須與
長風起木末高林側亞葉亂脫浮雲散盡天宇豁雲水
遙連帶青瀾蒼松翠竹黯未分殘霞斷靄餘斜抹錢郎
毛骨清畫此兼衆妙疎疎臨水花白白遠山燒恍疑一
葉寒流中雨後開筵展清眺日落君山吹鳳簫水雲相
間作篇韶荒祠二女應魂斷試把芙蓉天外招

桂巖題王昌泰卷

南園前五先生詩卷二

係西卷

三

撫山草堂

桂樹叢生山之垺巖石磊落枝交撐隱如虬龍出滄溟
元雲盤盤圓紫清源湫石底金龜生天香紛飄浩盈盈
廣寒落陰湛空明五岳印影青巖亭珠光鄰鄰搖洞庭
美女倒躡黃鶴翎玉簫吹秋入冥冥嬌娥酌以玻璃觥
飛廉列缺撼不醒歸來芳洲呼禰衡記余天游神所經
仙家篆作山中銘

題綿州同知會偕古雪卷

開風軒望古雪瓊崖瑤嶂千萬尋琪樹珠林互明滅此
雪千年亦不消寒光灑彩長岩巖火雲六月燠金石膝
六萬片天花飄會侯仙中人胸次同皎潔公餘對雪開
風軒巖壑窓扉兩奇絕高寒上與元氣通水光可道飛

白虹羣真縹緲下遙夕高駕縞車乘玉龍我作神遊共
清賞羽服翛翛恣長往浩水花明載酒船天池月照披
風縵蛾眉蒼翠接仙臺縹緲坡翁跨鶴來桃花犬吠空
齋裏黃竹柴門君自開

題張侍儀貞白獨冷軒

留侯之孫瓊玉相脩然竄立洞八荒頽如梅花開曉芳
曲眉煙霏婉清揚朗吟碧虛古洞章飄風流鈴韻何長
璧月瑩瑩夜未央天壇萬籟鳴清商歸來人間寄徜徉
寒山返谷開雲房層冰嵯峨照座光虬龍松檜交青蒼
飛廉怒號滕六狂舞霰不作天花香四簷銀竹聲琅琅
山鬼獨速神蛇藏漁童樵青凍欲僵先生兀然方坐忘

南園前五先生詩卷二

係西卷

三

撫山草堂

虛室生白萃吉祥金彪不躍龍不驤華池神水淡汪汪
開元丹田內煒煌幽齋無人隙軒窓雲封茶竈籠筆牀
故人山陰回酒航老鶴赤壁愁橫江神遊清都朝帝鄉
珍珠爲樓玉爲堂羣真環珮參翺翔皆騎素麒白鳳凰
塵中六月川氣黃我行汗雨如迸漿桂舟無楫川無梁
安得送我置汝傍衣之織女青霓裳酌以西母玻璃觴
頓令煩歎化清涼毛骨爽颯三千霜

題蘇名遠畫竹圖

蘇郎寫竹如寫帖珊瑚爲枝篆籀葉寒梢不及三尺長
遠勢直與青真接青真不辨西與東雲光竹色俱空濛
飛廉排山振驚濤霹靂迸火驚蛟龍奇搜不獨竹色老

竹傍有石仍更好想其落筆當酒酣人間屏幃愁絕倒
近時吳興趙子昂最能寫竹窮青蒼蘇郎晚出繼芳躅
湖海二妙相輝光十年不到瀟湘浦環珮空懷玉簫女
相期共泛書畫船濃墨淒迷掃煙雨

題唐僊方伎圖布政徐本所藏

九重春色浮金鰲柳彈雕簷畫陰轉閣門無事簡書稀
朝下三郎幸南苑仗底微風拂赭黃熏爐別殿送天香
昭容宛變萃娥女內史委蛇宮錦囊飄飄野老來何許
賜坐從容陪談語卦氣初生石鼎丹清風自是蓬壺侶
奚童忽啟文書箱白驪隨地走如羊金華不識紫煙容
那得化石初平方驪山未起朝天閣誰遣那前方伎作

南園前五先生詩卷二

孫西菴

三

撫山草堂

招邀青鳥天際來勾引霓裳月中落漁陽鐵騎戰塵生
雲棧縈紆路不平此時安得僊翁術化作潼關百萬兵

五言律

雨中寄友

客有還家夢空山雨正來寒生衣袖薄風急樹雲開掩
戶坐終日思君重幾迴琴邊有清興能復醉深杯

山中寫懷

野館愁俱寂空林日未斜看雲偏憶母爲客久辭家獨
自嗟萍梗非關戀物華晚來山雨裏猶見杜鵑花

光孝寺

雨葉菩提樹天花落箇林廬機方外息幽趣靜中深野

色蓮香積秋聲雜梵音隨緣僧共裏子亦長禪心

酬王道原

鳳池鸞鶴侶幾載此南遷柳色迎征櫂薇香憶盛年訟
庭栽白蠟官步到紅船我亦金門客逢君思黯然

過東阿懷雪簷

故人今不見孤客悄誰憐事業清時困名聲舊邑傳紫
髯風獵獵紗帽月娟娟儒遂幽園約琴尊共晚年

七言律

羅浮遊息

四百峰巒列海圖飛雲絕頂敞元都丹砂五色時光焰
紫翠中天半有無觀裏松栢皆住鶴山中竹葉盡成符

南園前五先生詩卷二

孫西菴

三

撫山草堂

鐵橋歸去尋清賞爛醉仙人白玉壺

鍾山應制

蒼翠巍峩插昊穹紫金突起大江東三山避跡投鯨海
五嶽齊肩擁帝宮珠樹鳳鸞鳴瑞日寶圻龍虎壯威風
萬年聖壽高堪並嘗有神人祝華嵩

駕遊鍾山應制

玉宸警蹕出蓬萊近望名山翠色開松柏屯雲車駕過
峰巒簇錦節旄來九成奏樂喧泉澗百職聯班蹴躡苔
譚賞太平當賦詠小臣侍從愧非才

新春從幸天界寺次詹家宰鍾山應制韻

天界叢林開象魏朱衣環佩儼羣仙瑞露迎變飛扈蹕

皇都佳氣萬新年玉宸香滿三千界蓮座光浮尺五天
敕使御前催應制侍臣簪筆思如泉

駕幸天界寺和朱太史芾韻

冥語從容對上方侍臣揮翰筆如扛從行衛士隨僧拱
出定經聲歇梵腔驚嶺曉雲扶輦轂龍河春水漾旌幢
清平自覺文章盛長憶天兵未渡江

陪翰林宋承旨遊鍾山

天上禪關敞薜蘿每緣休沐得經過雲籠梵宇青蓮濕
地接皇居紫氣多甘露結花凝木末醴泉和雨落巖阿
欲陪謝傅金屏約未解朝簪奈爾何

寄彭萬里給事時參山西政

南園聖先生詩卷二 孫西菴

聖 樵山草堂

與君文采舊同朝翠管文章上九霄輦路香風隨函簿
天壇花雨聽無韶鵲鸞一別京關遠雲月三年楚水遙
誰寄清詩慰寥闕汴河東去近無潮

園正大祀

松柏蕭森倚半空天壇高峙帝城東宸旒肅穆千官合
鹵簿輝煌萬國同上界清都移碧落泰階黃道隱晴虹
相如莫獻青鸞賦不是祈靈太乙宮

奉餞承旨宋潛溪先生致仕歸金華

鰲峰朝日鵲聲稀內使傳宣下紫微與告不須留秘閣
許歸仍及賜春衣恩濃玉檢天書溼人去金莖瑞氣晞
况是陽和二三月都門柳色正依依

淮上憶京

去歲斯辰客帝畿蒨陵西曲鴈蜚蜚秋風叢菊開芳逕
落日浮雲滿翠微老去吟邊芳物改別來天上故人稀
登臨復對清尊酒醉倚淮山憶禁闈

圯上懷古

草沒荒臺煙樹疎維舟凝眺久脚踏凌波見說求仙履
博浪曾聞誤副車勲業赤龍三尺劍風雲黃石一編書
獨憐衣赭人如玉鴻鵠歌殘怨有餘

七言絕

紅菊

龍山九日宴斜曛萬朵秋香散彩雲醉岸綸巾對芳物
南園聖先生詩卷二 孫西菴

聖 樵山草堂

西風應識舊參軍

黑竹

洞庭春盡水溶溶錦瑟聲寒起睡龍行客欲投蒼水佩
亂雲遮斷九疑峰

昭君

莫怨嬋娟墮朔塵漢宮胡地一般春皇家若起凌煙閣
功是安邊第一人

題蒲萄

驪龍弄影照高秋萬斛明珠露氣浮還憶玉人歌舞散
紫駝銀甕出涼州

畫梅

小國佳人窈窕姁春風環佩素綃裳千年獨抱靈均怨
夜結明璫獻楚王

仙樓十二敞春風千樹桃花似錦紅瑤水玉娥清宴罷
素鸞歸去月明中

送翰林宋先生致仕歸金華

華髮朱顏六袞餘還鄉猶駕軟輪車龍江關吏如相識
應止青牛乞著書

晚出金閨望故鄉芙蓉峰影月蒼蒼歸途跨得銀鞍馬
原是天閑小乘黃

寄王彥舉

綠楊陰下玉驄嘶絲絡銀瓶帶酒攜夢入南園聽夜雨

南園前五先生詩卷二

孫西巷

三

楓山草堂

不知身在蔣陵西

過揚州

江上垂楊覆白蘋斜陽啼鳥斷吟魂朱樓翠箔今何在
一帶寒城鎖暮雲

巫山

巫山高高知幾重朝雲暮雨楚王宮人心對面有巖巖
更勝高唐十二峰

出蜀

白帝秋高木葉黃蜀中長是雨浪浪瞿塘水落漩渦小
一路看山到岳陽

閨怨

洞庭暮雨起春波翠旆金韉帝子過遙想泊舟明月渚
夜深欹枕聽雲和

紅梅

瑤池王母閨風西夜譙羣仙錦繡園月落參橫天向曙
醉騎丹鳳繞湖歸

楊太真對鏡圖

舞鸞金背隱清光中有開元墮馬粧一線枕痕春色淺
夜來知是夢漁陽

寄高彬

條風吹綠滿蟾溪蠟屐行春日向西獨木橋邊烏桕樹
鴛鴦飛上上頭啼

南園前五先生詩卷二

孫西巷

三

臨清軒題壁

思君幾日不相見特向城南問隱居巢鶴不驚流水靜
一爐香炷數編書

闕門書所見

隱隱旌旗颭落暉方山遙望錦成圍平蕪一帶香塵合
知是諸王射獵歸

南園前五先生詩卷二終 番禺陳起榮奎垣校字

聽雨先生傳

王佐字彥舉家世本河東元末侍父宦南雄後遂占籍南海時孫黃與佐結詩社于南園開抗風軒以延一時名士佐才思雄渾體裁甚工黃甚重之時謂構辭敏捷王不如孫句意沉着孫不如王云會何真開署求士與黃首被禮聘真敬二人皆使掌書記軍旅事多見咨詢洪武六年部使者薦于朝謂佐有才學當倚顧問徵至京師拜給事中論思補闕恆稱上意學士宋濂嘗拜賜黃馬上為歌命諸詞臣和之佐斯須而就有臣騎黃馬當赤心之句上覽之而喜賜鈔一錠上游幸或遇會心處多命之賦詩劉三吾嘗同詠署中桂驚其才語高妙

南園前五先生詩卷三 王傳

焦山草堂

以為名世之作其為名流所重如此佐性不樂樞要居官二載即乞骸骨上憐其誠特命所請陸辭日賜鈔五十千以為道路費士林羨之蓋天威嚴重臣僚自陳者多被譴斥十人而九佐以恭順得歸故當時以為難云佐天性孝悌父沒時有廖元正為料理喪事殯諸南雄之五里山終身事之如父既貴後元正之子犯法復以已資贖之終身哀慕形於著述有聽雨集瀟洲集多散逸郡人彭森刻於建安者僅詩一卷評者比之高適岑參見廣州人物傳

南園前五先生詩卷三

南海王 佐彥舉著

七言古詩

應制賜宋承旨馬

聖明天子齊唐虞四方混一同車書大宛西域總臣附萬馬八貢皆名駒天閑十二森成列牝牡驪黃色俱別羅帕輕籠錦作轡絲韁穩鞿金為勒玉堂學士真老臣日日趨朝侍紫宸承恩特賜飛黃馬騎出通衢不動塵飛黃之精直天駒四足騰驤若星駛况拜親題御製詩奎壁垂芒照人世須知君恩如海深臣騎黃馬當赤心風雲會遇有如此彤筆宜書煥古今

南園前五先生詩卷三 王傳

焦山草堂

唐仙方技圖

開元天子承平日錦繡山河壯京室金殿璇題表集賢玉屏粉繪圖無遊藝龍接武居阿衡萬方旭日當文明衡山老僊何所有亦復通籍承恩榮縞衣白髮配顏老自說時來致身早絲篴初開玉仗分白驪突出銀鞍小榻前製號賜通元始信人間別有天樓船未遣蕊珠腸歲籥俄更天寶年九齡歸臥曲江上牛即又入中書相花雨香飄蘭若鐘柳雲春撲金雞帳萬機日少樂事多梨園法譜聲相和闌離舞馬看不足不獨仙人呈白驪仙人豈是呈仙技畫者傳之有深意延秋門外羽書飛却駕青驪向西避青驪劍閣雨淋鈴一段閒愁尚不勝

不道畫圖今若此碧雲芳樹滿昭陵

題桑直閣江山勝槩圖

我昔趨神京道出匡廬峰手持綠玉杖遍踏金芙蓉是時秋高天氣肅最愛秋聲滿巖谷萬頃湖光帶白蘋九疊屏風挂飛瀑結果便欲栖雲間夔龍趨赴鵷鷺班才名用世果何有贏得歸來雙鬢斑至今夢想煙霞趣擬托毫纖寫情素君家此圖誰所摸似我當時舊游處遠山縹緲如游龍好處盡在煙嵐中晴波落日曳澄練枯林老葉鳴秋風層巒高下林間起水色山光盡圖裏軟紅無路到柴扉空翠常時撲書几中流放棹知何人錦袍坐岸方烏巾若非高潔魯連子應是風流賀季真我

南園前五先生詩卷三 王聽雨 二 焦山草堂

生垂老願未酬魯人詎識東家邱圖中勝槩倘易致便從此地營菟裘

五言律詩

戊戌客南雄

寂寞江城晚依依獨立時迴風低鴈驚返照散旌旗家在無人問愁來只自知幾回揮涕淚忍誦北征詩

憶舍弟彥常

庭草秋仍綠江楓晚漸稀年光隨水去事業與心違遠海猶傳箭殊方未授衣翩翩南去鴈故作一行飛

七言律詩

和元正見寄

早歲承書問草萊忍將懷抱向人開秋霜荊棘關頭暮寒雨釣船海上臺鬚髮已從青鏡改夢魂曾逐片帆回天涯一掬思親淚待灑灑肝萬樹梅

酬孫典籍仲衍見寄

憶昨交游日盛懽清時曾擬共彈冠春風草檄將軍帳夜月聯詩羽客壇江海只今來遠信雲霄無復望飛翰惟應厭醖陶尊酒遲爾歸來共歲寒

發龍灣別王惟吉張廷彥

日日摘毫紀玉音敢明清夢到山林賈生對策曾前席疏傳歸來更賜金日月行瞻丹闕迴煙霞歸去草堂深相看已是康衢叟擊壤無忘報國心

南園前五先生詩卷三 王聽雨 三 焦山草堂

舟次匡廬寄同朝諸公

翰墨同時侍禁闈恩榮南謂及寒微舍人舊掌絲綸詔御史新裁錦繡衣天上鴟鵂還接武江邊鸛鷺已忘機他時行部如相覓秋水蘆花是釣磯

午日呈鄭久誠叅政

百頃芙蓉罨畫船賀家湖上水平天金盤送果沉冰碗羅扇題詩散舞筵往事氛埃成遠夢佳辰風雨憶華年澗蒲九節根如玉服食于今笑學仙

七言絕句

題李谷清雪景

梁園飛雪玉繽紛坐列金貂酒半醺借問當時誰授簡

相如詞賦最凌雲

百馬圖

蹄影參差踏軟紅
會觀萬馬擁飛龍
旌旗不動金笳歇
一片川原錦繡中

竹枝詞 粵音作雪蓬詩誤

竹林塘西越女歸
雙雙采蓮歌夕暉
蘭舟蕩槳忽分去
兩岸風花高下飛

美人紅葉圖

謝家夫人詠柳絮
黃陵女兒歌竹枝
誰信長門秋澹澹
西風黃葉斷腸詞

南園前五先生詩卷三

王德雨

四 樵山草堂

南園前五先生詩卷三終

番禺陳起榮奎垣校字

易菴先生傳

李德字仲修番禺人博覽羣籍尤邃於經學明毛詩尙書洪武庚戌以明尙書薦至京師上親策問賜徐大全等出身有差德預焉授洛陽長史繼遷濟南西安二郡幕非其好也政暇遍覽帝王遺墟嘗著論西安南陽皆天下大形勝所在建不拔之基當擇而都之江東非其匹也士林雖其識歷郡十餘年年薄暮矣自陳不能吏乃就湖廣漢陽教諭當兵革初靜蠻金駱蓬蘽中生徒僅十數輩皆野蠻不可語德盡心訓迪之言諸有司羅致民間子弟之俊穎者館穀焉自是絃誦誦誦人知向學矣秩滿改任廣西義甯縣其俗尤陋德立法凡遇家有吉甯事當告假者隨貧富以楮幣周之孜孜勤諭使約束鄉鄰不得爲惡習俗日美科貢漸盛當道方薦達之而德以倦游南歸卒于家德爲詩多效長吉太白孫蕢笑之曰子真混元皇帝遠孫也德乃力追古作有易菴集行于時序者以爲跨晉唐而踈宋元云少嘗自號采真子著論如子書晚更潛心伊洛故世稱有理學者必曰李長史子字底信亦能詩

見廣州人物傳

南園前五先生詩卷四

李傳一

樵山草堂

南園前五先生詩卷四

香禺李 德仲修著

五言古詩

神釋

大哉渾淪妙索篇自無窮細縕一已構界付出至公靈
臺本無物而我處其中清虛爲我體昭明爲我庸倏忽
入無間忽來歸寂空既作百骸長蔚爲萬世宗毋從衆
形擾順適與天通

雜詩

人生更代謝閭闔爲之機盛衰無常理生死乃其宜始
來本自無終往奚足悲擾擾依形立百歲以爲期通勉

南園前五先生詩卷四 李易菴

撫山草堂

返吾初侯命復奚疑

孟夏五日感興

春陽舍我去四序無時停鬱鬱當軒柳珍禽時一鳴素
琴寓我適濁酒陶我情顏鬢雖云改寸心有所憑偃仰
東窓下聊以寄吾生

種麻

種麻滿東園種花亦盈畝麻生但芄芃花發映戶牖容
華能幾時零落他人手豈如爲綸綍與君同永久向來
灼灼姿于今復何有

送友回真定

君自邯鄲來復向邯鄲去邯鄲月色好夜照江南樹大

行多岐坂中有羊腸路往來不憚煩知君爲親故

暇日遊城西元妙觀

還辭束帶累偶涉尋真路松吹度鈞天篆煙生細霧
翻塵外侶杳杳雲中步儒道雖異途同歸在清素

紫芝山房爲湖廣鄭大參賦

芝山何處紫芝煙煙產靈秀美人慕園綺開地做雲構
圖書資悅懌枯壑含昏晝佳氣藹川原和風散巖岫松蘿
被廣陰泉澗環清澈抱冲昔若遺理劇今豈後鍾英良
有自瑞世非常觀明良共一時千載此其侯

歲月但遷未有歸止寓迹江漢懷抱索然時維杪

秋凄其締結偶有所述用簡同志

南園前五先生詩卷四 李易菴

撫山草堂

杪秋氣方肅寒風動涼戶羈人未授衣適體甯捐故雲
開漠皋路目送征鴻度山容欲受寒園芳已溥露故交
久零落新知偶愜素時資盍簪益聊以慰遲暮

仙人

瀛洲飛彩雲萬樹桃花春翩翩騎鳳侶恐是避秦人側
窺渾淪妙幽探元化真徒令多欲者千古恨迷津

贈虛明道人

渾沌無本象表裏同一照古今若須與羣真資衆妙五
陰絕纖翳幽陽播靈耀王喬并羨門吾與爾同調

同詩社諸公遊白雲寺分韻得千字

捫蘿扣禪關長嘯青雲嶺山開西北日水豁東南天涼

葉散虛席旗林啼清猿浮雲觸石起頃刻遍大千悟言
道真適談空忘至言何當登絕頂俯視蒼蒼煙

留題郎步山莊

出門望南山山翳林木稠飛鳥欣有託吾生念歸休行
行度前坂褰裳涉荒溝好風吹我懷禾黍亦盈疇人生
衣食爾過此欲何求日夕返窮廬聊以忘吾憂

宿栖雲菴

衆壑忽已曠遠近響清湍山中對僧定疎雨掩柴門柳
暗猿猱集氣交風霧寒攢衣中夜起羅月在巖端

閒居

北窓林影寂南湖水氣涼園荷始泛綠叢蘭漸吐芳撫

南園前五先生詩卷四 李易菴

三

棲山草堂

節迹猶滯神閑機已忘無論喧與寂彌心即義皇

憶南園

南園蝴蝶飛綠草述行迹青嶺掃長蛾娟娟弄春碧錦
屏千里夢寂寞愁芳色小字寫長箋鱗鴻坐相隔

栖雲菴

石室凝紫煙空洞懸石乳陰崖含風泉終日灑飛雨臨
流結精舍六月不知暑道人養清虛適與高僧處垢淨
俱已忘孰爲舍與取諸幻既遠離白雲日相與何當謝
時人來作塵外侶

對鸚鵡洲

芳洲采杜蘅日夕春水生不特嗟鸚鵡深令憶禰衡因

悲才勝者祇使寸心驚

題陶淵明像

淵明節概士遠慕羲皇風榮名奚足道甘分固其窮得
酒卽爲歡簞瓢常展空朝出山澤遊暮歸衡宇中豪華
非所貴但願歲時豐秋菊或盈園栖栖誰與同濁醪共
斟酌日入會田翁此士不再得吾生焉所從

亭亭水上葉

亭亭水上葉皎皎沼中藕花落子亦成色衰心不朽中
藏千萬渚處汚垣自守不學楊白花隨風入窓牖

柳塘書舍圖

遠山出白雲近水明秋色煙波漫浩浩日莫歸舟急隱

南園前五先生詩卷四 李易菴

四

棲山草堂

約叢薄閒茅茨倚蒼石中有柳塘翁看看似相識

觀白鷺

河洲雙白鷺皎皎照清流所希在鮮食所願亦易酬朝
飛浦漱曠暮宿林塘幽寄言採薇客吾與爾同遊

七言古詩

寄孫典籍仲衍

南園草色參差綠忽憶佳人美如玉玉堂揮翰事成陳
草屋懸燈照幽獨江湖狂客未言歸翹首東南淚濕衣
何時淨拂青溪石與爾橫竿釣落暉

河陽月簡顏光宏

胡角啾啾悲石裂顏郎夜醉河陽月越姬場春舞秋風

蘆筍含商五情熱請看天上青雲道桂花落盡霜娥老
雌鸞驚怨玉樓寒三尺青絲變秋草

燕歌行

秀頸紅唇臉花碧秋波湛湛傾人色高樓霧縠四時春
蝴蝶飛來歸不得迴轍轉香風催引商按徵雲徘徊
鳴鍾考鼓玉邱頽詎識樂極生悲哀

青樓曲

青樓春酣鸚鵡杯孔雀屏風錦繡開銀鸞玉鳳嬌聲歇
楊柳斜飛舞迴雪越娘含醉弄絲桐十纖宛恨哀絃中
調成白雪惱芳容長卿茂陵髮如蓬

王彥舉南雄省親

南園前五先生詩卷四

五

橫山草堂

神工剪水寒凝指南浦頽雲吹不起王郎氣酣走馬去
三尺龍泉拂流水玉壺愁破酒如兵鵝管鳴咽不鳴
幽紅啼露香凝幙蜀錦縫衣寄君着象牀醉臥紫氍毹
鳳簫封題草字書北樹南雲一千里願攜徑尺托雙魚

秋情

蠟炬搖紅紗隙隙沉香帳底鴛鴦夢芙蓉波冷薄霜凝
一夜離鸞憶單鳳梧桐金井曙啼鴉夢郎封侯歸妾家
開門自掃枇杷花

天上謠

玉樓瓊宇曉瓏璫雲耕電轂輾迴風自從羿射九日落
帝遣羲和驅六龍六龍奔屬成今古海水生塵變成土

瀛洲花發幾番春誤殺秦皇并漢武桂宮珠露滴秋香
仙仗徘徊朝紫皇鳳吹紛紛九成奏羽衣金節韻琳瑯
金河流水連雲注織女牛郎在何處淋漓元氣浩茫茫
白鶴千羣駕煙霧女媧鍊石良可嘆此事荒唐奚足疑
直憐世上人心改至理渾淪那得移

房中思

金井烏啼風撼撼桂樹團團江月白洞房秋思滿嬌娥
淚滴珊瑚眠不得玉臺塵鑑少光輝彷彿孤鸞彩翼垂
蓮枯蕙折無人惜露濕綺疏生網絲

十二月樂章

正月

南園前五先生詩卷四

六

橫山草堂

東方日出香茸茸長條短條花眼紅柔雲弱雨暗填空
茫茫蝴蝶破春風鸞帕抹煙仙夢濃蕭颯愁思開暝容
江頭湓湓水聲動微和着柳黃金重

二月

燕梁元玉溼蜂密花房曉銅龍噴水微翡翠含波小石
問薛蝕舊蒲根古魂啾啾啼曉昏紅芳碧蕊亂殷殷蠻
女剪煙插翠雲游絲縈春懸錦綺渚閑沙白鴛鴦喜

三月

花飲容柳刷翠扇薄欲裁絃飆香思剪蕙桐英寂寂沉
寒波粉綠倚倚日影多六街煙花淨如掃千年古血生
青草

四月

碧雲屯午風熏熏五絲曲奏元霜紋湘皋野龍拔新玉
擁鱗健角蕭蕭綠蕙香小妓扇輕羅半掩櫻唇試新穀
金九落落絃紅脂石池青細溢碧漪

五月

沙上短蒲綠赤菱紫茨離披熟越奴青髮艾懸香踏踏
采蓮塘上曲游龍撇波海水飛黃頭仗鼓吹參差少年
搖曳澹忘歸

六月

皇天高厚地裂白日河庭泣魚鱉湘神抱瑟愁波濤顏
陽畢化穉陰結焉知海上黃金闕萬丈丹梯到寥次喬
南園前五先生詩卷四 李易菴 七 樓山草堂

松相攜弄白雪

七月

洞風刮帳無春溫赤精解綬佩金神銀浦橋成鵲濟津
遙遙帝子度長雲野芳萋萋日杲杲十萬蛾眉鏡中老
錦樓折竹夜迎仙越秀吳都巧不眠

八月

玉露溥清虛銀雲擁明月空濛白夜涼遠近商聲發桂
子落秋香寒娥能孤潔誰家理素琴調急絃應絕

九月

清颺激素商遠客生歸夢茱萸委匣香玉腕勝金重幽
芳垂晚逕汲綆霜華凍洞庭木葉空臨水悲相送

十月

沉寒凝海霜班班蘆鴻叫叫蒼梧間仙雞警曉蟠桃乾
天鼓無聲澤龍閑

十一月

軒轅玉管還初氣絲絲紆迴報長至瑤花散落滿寥天
萬戶千門夜明媚南山幽翠淨如削內屋紅爐春自若
瘡癢迴幹見天心姬氏騎龍班歲朔

十二月

北斗璇光射幽土四氣絲環若朝暮壑底驚蛇挽不留
官街力獸歇寒去

閏月

南園前五先生詩卷四 李易菴 八 樓山草堂
羸皇當極黃楊死一寸霜皮生不起嶧陽老幹青銅根
王葉排秋十二子鬱華羿妃緩兩轡遲回二萬八千二
春秋九十短長勻青紅白黑上下均千秋萬歲奉明君

出城

越王宮春風起何處散芳塵垂楊沙逕裏舞羅衣揮鳳
尾鳴簫發貝齒懷洞庭悲帝子海波竭彭鏗死義和
影如流水

梅花曲

軒后登天時騎龍乘紫雲三千宮貌附龍鱗瑤瑤月佩
荷絲裙夜入羅浮醉僊子酒樓明月神具水夢闌霜冷
蛾眉死

送友人

關雲櫛櫛吹沙黃瑤華拂劍春風香鵝黃淺泛玻璃光
越妓舞衫金縷長江津白白黃鸝月神魚撇波龜甲裂
湘娥凝綠染春衣踏踏青雲郎馬歸

五言律

立秋日登漢陽朝宗樓懷鄉中諸友

湖山興不淺而我亦淹留得罪緣微祿懷君屬早秋
雲鄉樹遠孤月旅情幽借問衡陽鴈何時到廣州

濟南寄孫仲衍

南園虛夜月風景罷登臨翠洛成塵跡青齊入苦吟
升沉凋壯節匡濟負初心薄宦容身得甯辭雪滿簪

南園前五先生詩卷四 李易老

九 廬山草堂

金陵逢趙任中

十年長契濶萬里各分飛歧路風煙杳江湖消息稀
加食俱努力訪舊各沾衣春草無勞綠王孫自不歸

峽山寺

峽雲藏絕壁峽水積寒流寶樹籠香閣天花散彩樓
梵音晴隱隱鐘韻夜悠悠聞道金仙宅飛來最上頭

七言律

春興六首

萬里春風二月花十年塵土一烏紗
惟將素節酬知己豈有黃金買歲華
愁邊熟食無煙火江上堅城有鼓笳
憶我舊游如昨日繡簾青舫越天涯

終南山色翠含煙太白峯高尺五天春煖鶯花連萬室

月明笙鶴會羣仙黃塵白髮三千里流水浮雲十二年

齊楚飄零成潦倒令人猶自憶秦川

洛陽城裏雪初消流水天津尚有橋
漢寢隋陵春寂寞龍門伊闕晚岩巖
相如完璧無遺恨王子吹笙擬見招

爲報山人休索價可能容我伴癡獃

日射天門萬象新繡衣朱履侍楓宸
雲移仙仗千官肅日映龍顏四海春
金梳玉篸來內侍紫泥丹詔下王人

十年趨走金陵道到老低垂漢水濱

漢水東流日向西孤村煙樹鷓鴣啼
纖纖岸草迎人眼

踏踏江花映馬蹄
有客問奇仍載酒故人相遇輒留題

南園前五先生詩卷四 李易老

十 廬山草堂

暮年正爾逢知己布襪青鞋信杖藜

江漢漂零今六載故園迢遞尚三千
新春隱几看雲坐遙夜懸燈聽雨眠

彭澤官貧猶有酒杜陵身老未歸田

桃花流水深千尺擬向溪頭理釣船

社後漫興

寄妻弟鄭子玉

社燕西飛節物過年華世事兩蹉跎
晴天白鳥來無數落日浮雲看漸多
黃菊何人歸短棹紅蕖秋水澹洪波
寂寥多恨憑誰遣搖落無心奈爾何

聞道菊松無恙在可能歸去覓菟裘

五言絕句

塘上行

露濕藕花香花折藕絲長豈無鳬與鴈不似錦鴛鴦

七言絕句

題扇

涼風吹動影蛾池百頃秋波漾素輝十二玉闌閑倚徧

桂花清露濕人衣

南園前五先生詩卷四 李易菴

十一

焦山草堂

南園前五先生詩卷四終

番禺陳起榮奎垣校字

雪簷先生傳

黃哲字庸之番禺人世爲荔灣著姓哲弱冠而孤刻苦讀書通五經嘗借人文選手鈔之沉玩究竟遂能作詩造晉唐奧域性好山水結廬蒲澗棲息其中往來羅浮峽山南華諸名勝自以爲未足乃辭家度庾嶺過吳楚游燕齊間一時湖海英豪皆與游焉當風雪時泊舟秦淮遇朱文昭涂穎輩相與握手吟咏沽酒大噱二人皆曰君才如白雪吾雖知音如寡和何自是益有名龍鳳中太祖爲吳王駐師金陵招徠名儒哲爲丞相李善長參政張景汪廣洋所知交薦之乙巳建吳國拜哲翰林待制入書閣侍太子讀書尋兼翰林典籤輔導盡職丙

南園前五先生詩卷五 黃傳一

焦山草堂

午六月左丞相徐達北伐捷聞上命賦詩稱旨及鍾山祈雨獲應御製七言詩志喜命哲廣之其見重如此洪武初奉使青徐諭諸反側尋出知山東東阿縣吏胥初以儒士易之哲剖決如流案牘無停者且不事繳繞苛察民樂其寬值旱詣洪範池祠禱詞旨哀惻甘澍應時優洽民謹曰此黃公雨也狼溪有怪物善爲幻能竊人啗之哲爲文禱于天須臾風雨大作一青蛟斃水上邑人訝以爲通神時經毛貴亂後民多流徙他處聞哲善政復其業者亡慮數千人辛亥四月升東平府通判東阿士民遮道攀泣抵府境乃返是歲黃河決梁山中書省發民疏濬哲董東平之役經畫有方民不告勞有司

欲堰黃陵岡哲建議謂此乃胡元之覆轍不可以爲法
事遂寢尋上疏陳時務數十事上怒其狂誹會山東分
省奏哲捐俸修先聖祠築水隄湖有成績乃釋不問哲
亦乞歸得允既南還有司請哲領郡較事橫經授徒歲
凡數百人乙卯四月朝廷取回山東治在郡註誤竟置
于法郡邑人士家爲奠祭哲始北上時倚篷聽雪常自
詫曰天下奇音妙韻出自然者莫是過也歸構一軒名
聽雪篷學者稱曰雪篷先生子德輿輯其詩文十卷行
于世嘗經昭明太子惠作詩弔之說者謂混選詩中殆
不可甲乙其精工如此

見廣州人物傳

南園前五先生詩卷五 黃傳三

撫山草堂

南園前五先生詩卷五

番禺黃 哲庸之著

古樂府

臨高臺

臨高臺高臺百仞凌雲開丹霞曙色明九垓咸陽王氣
何佳哉交疏結綺紛崔嵬虹橋複道雲中來直過南山
表雙闕遙連北極正三階宛轉朱闌臨渭水悲簾觀閣
通天起銅龍高拱日華鮮青雀翻翻月明裏鳴瑤搖珮
溢層城錦幄芙蓉翠屏寶鼎香酥調玉食金莖瑞露
屑瑤英瑤英玉食知難老鸞鏡青蛾爲誰好君王八駿
上瑤池日暮長門怨芳草芳草年年換物華瑤池歌管
醉流霞皆傳阿母桃成實又獻安期棗似瓜蟠桃碩果
真堪羨方朔詠諸侍懽宴題詩爭擬柏梁新求仙豈意
桑田變願得眉臺更萬重崑崙西望接崆峒能共赤松
鞭彩鳳仍隨軒后駕蒼龍下顧淒淒茂陵道惟餘隴樹
生秋風

戰城南

君不聞陰山敕勒川胡兒飲馬來翩翩狼頭大纛三萬
落彎弧注架雄燕然烏桓古道黃沙塞青塚荒原白骨
田漢將鷹揚遙度磧戎兵獸駭復窺邊邊烽夕照甘泉
殿殺氣浮空白如練右地連營夜合圍左賢鳴鏑朝馳
戰聞道嫺姚新築城先令都護出奇兵三門八陣互纏

繞萬衆一心同死生偏轉關血凝肘箭鋒流星餓
吼卷甲遙舉大校旗橫戈怒落單于首愁雲慘日凝沙
漠敗馬號鳴霜草枯金裘寶玦青珊瑚關氏花顏泣路
隅含悲掩袂辭窮廬彫盤晚進紫駝酥軍中推牛日高
會蒲萄寒香濃不醉振旅先論衛霍功封侯未數金章
貴封侯意氣本雄豪誰識沙場汗馬勞惟有城南征戰
地髑髏京觀長蓬蒿

白苧詞

長洲宮中花月輝彩雲夜傍瓊樓飛吳姬娉婷白苧衣
揚蘭拂蕙春風歸花等傳觴注紅玉月鏡當筵掩明燭
低環按節宮調促嫣然一轉亂心曲夜長雨多懽未足

南園前五先生詩卷五

黃雲蓬

二

熊山草堂

驚鳥啼向東苑樹星河闌干正當戶明眸豁齒歌白苧
蛾眉嬋娟花月妬含情奉君君莫顧雲中璧月易盈虧
葉底穠華多盛衰願爲寶階千歲石長近君王雙屐綦

雄朝飛

野田無人蒿草薄羣雉班班草中落五月禾熟桐風清
南陂北陂聲啞啞東方漸高晨露稀金翎繡項爭光輝
桑畦如霧行不見雄鳴挾雌驚復飛渴飲幽澗泉饑啄
野田粟羣雛來哺聲啾啾向郊原抱耿介不羨雲霄
競高逐魯恭慈仁桑陰自馴鯨鯢傷憤牧采薪下防
虞羅上畏鵬鵠朵頤垂涎羣動交虐聖人祝網天網疎
八紘山澤無敗漁蓬機艾戈無齒圖朝出陌上飛莫還

蒿下居翼衆離兮行且呼飲而啄兮甯爾軀維兮維兮
樂何如慎勿變化陳倉爲怪誣

烏棲曲

九月過姑蘇江頭霜草枯秋風吹葉盡愁殺夜棲烏棲
烏月明裏霜重驚還起無處托安巢啞啞渡江水江波
淺復深東去無還心白苧吳宮曲能成哀怨音只言懽
樂長相保青春幾時秋又老可憐西子斷腸花不及虞
姬美人草舞罷垂楊金縷衣椒房絳燭明星稀越騎爭
馳海山動吳歌尙繞梁塵飛梁塵飛飛白苧哀鳥啼夜
半閨門開鴟夷浮江麋鹿來月明猶照姑蘇臺

自君之出矣

南園前五先生詩卷五

黃雲蓬

三

熊山草堂

自君之出矣無處托鱗音思君如畫燭淚盡不明心
五言古詩

初入書閣呈董宗文博士兼簡同舍諸公

河關歇王氣淮泗擅英靈天眷迪皇運人謀歸聖能石
城雄虎踞鍾阜宛龍騰紫署宏東閣青門踐北陵來王
玉帛至訪道蒲輪徵髦英起幽谷俊乂羅明庭變豹蔚
華彩非能聞作興朝儀制述美錫賚恩庥承前席思賈
誼橫經推戴愚奚爲遠枝鵠亦企圖南鵬芸軒蠹簡輯
蘭署鸞班升高策屢懷董名流知慕膺追陪虎禁入被
遇龍門登仍慙匠石顧用匪輿輪勝毋云弃擗朽庶以
從規繩

十月二十二日四望山陪祀禮成呈諸執事時北征師

元明開朔序禮類卜辰良武成遵誓命汾峙備馨香惟
皇儼雍穆對越思洋洋凝旒仰坤墀授律挾乾綱風雲
從龍虎樂舞登鳳凰珪幣有容秩綬纓紛煥煌苾芬旣
明誠肅靈迴宮蒼蒼焉迪昌運赤伏臻遐祥徂征乃自
葛義旅時鷹揚同德奮龍桓桓先啟行阿衡重麾絨
跪設觀旗常海岱仍率職堪輿希泰康繁祠陋衰典昭
告紀興王羣英事來助委珮鏘珞璫多儀動文彩列宿
開榮光庸爾承趨承廣歌聆頌章宸猷願終述謬達垂
無疆

南園前五先生詩卷五

四 廬山草堂

過梁昭明太子墓

帝子降南浦飄飄蒼桂陰神馳迴震闕元跡闕坤岑鳳
陵輝璞蘊龍沼媚珠沉文藻絢華散芳芬揚素襟遺編
軼正雅曠代馳徽音玉馬風雲變金鳧歲月深霜蘭秋
被坂煙蘿夕翳林采蘋思永薦捐玦遂幽尋靈修忽爾
逝歲晏勞予心遶東鶴馭遠緱嶺鸞笙吟眇眇因懷昔
營營徒慨今瑤華竟衰歇惆悵雍門琴

送道士蔣玉壺還茅山

華陽初纂道羽服依巖際辟穀咽晨霞朝元結真氣助
吟扶桑頌伏鶴三茅氏却駕雲中龍來游人間世談元
蕊珠闕稽首張樂地調笑芙蓉笙聲飄鳳凰吹僕愧金

門彥時聞玉簫傷方析蘭苑晤忽念荷衣逝欲和瑤臺
章幡然紫煙閉石室紫翠芝丹邱謁松桂望勞予心
猶懷碧山契

東平謁堯祠

初政禮羣秩晨趨郭陰郭稽古詢道源放勳久徂落齋
宮委華稅黼展銷丹聖庭榛雉升裳蘇宗彝剝惟聲
思可薦廢墜予猶忤緬言垂衣時束苻茲方岳儀像儼
欽明聲容被綿邈茅茨遵曩儉堦堦舊傳舊朝遺澤紛在
斯今皇仰先覺亦播康衢謠紹爾雍熙樂

曲阜里謁廟

解組辭鄆郭驅車循魯垞前登闕里近端仰素王靈倚

南園前五先生詩卷五

五 廬山草堂

蘭遺芳潔神檜鬱葱青時化洽十祀奎光浮四溟多儀
殷廟享斯文傳壁經几筵猶設席容秩儼充庭所念迷
塗者空瞻明德馨困蒙今獲吝幽排未遑留靡靡寒冰
至塗塗朝露凝迴馳驅意夙夜思儀刑

洪範祠龍池禱雨獲應會隱士劉文正暨邑中羣

彥

齋沐戒徒御星言趨絳壇屬茲愆陽序雩祀罄衷丹龍
湫宵深閤神物時蛻蟠馨潔始云薦靈祈紛可干沛然
感敷施震霖濟多難浙浙在林晚冥冥被岡巒焦原幸
沾濡庶類同析懼鳴鶴集宮室翔麟躍紋瀾郊垌悅童
耄庠塾慶衣冠所協詠歸趨方希民俗安廣歌詞雲漢

元化奚能殫

弔陳思王祠墓在東阿

鄴都雄盛日英才妙七賢夫君照乘珠五色麗且鮮西
園倡華藻東洛賦嬋娟游鸞翔朝旭芳葉映碧澗始協
棣華美甯虞其豆煎桐圭空錫社銀海閉陰泉白楊翳
荆榛孤兔穴其阡喟然兼山嘆肯企淮南僊

贈劉宗弼司業赴浙西僉事

晨頒錦花詒夕欽絳紗帷聊當持憲節詎是解逢衣於
越山水秀吳江鱸鰕肥移舟發白下搖旆出江畿川寒
葭葦靜天清鴻鴈飛勿念離羣速承明應復歸

秋夜雜興呈涂典範

南園前五先生詩卷五

六 撫山草堂

璿杓運西宇華月麗中楹坐知流序易遙夜秋風生銀
漢呈宵景金堂含夕情柔條棲湛露嘉蕙茁幽莖撫迹
遂成感如何君遠征相思雲陽浦岩堯限玉京鏡鸞停
趙舞爭鳳歌秦聲寸心渺何極搖蕩如懸旌

擬古

魯連天下士夙蘊匡世材却敵愧論賞英聲騰九垓燕
昭市駿骨樂毅趨風來虎戰躍中野名成真壯哉僕本
江海人西登鳳凰臺感此千古意長吟屢興哀朝經夷
門市夕醉高陽杯揮戈拂倒影義輪爲之迴寶匣綢青
蓮龍文拭輕埃神光夜揮霍按舞何嫌猜騰驤爲君舉
願掃浮雲開

簡涂叔夏朱仲雅二博士

貞士多苦節耆繁依澗陲叢蘭佩芳潔悅懌遂幽期王
德無終逸明揚膺盛時茲焉華東閣俊乂相追隨列宿
星光彩翔鸞清羽儀皇謨敷禹訓風雅泛周詩幸俾繼
蒙器叨承陪絳帷何因永斯好介爾崇明禧

寓官署候鄭雄飛使回不至

湛露晨未晡秋華被原隰征途夙已戒承命履遐邑桂
水寒悠悠揚帆望不及川鱗想同泳羈羽尚云戢維楫
乖素期臨流重於邑瞻然沮溺耦詎灑楊朱泣惆悵芳
菲情日暮空佇立

秋月篇

南園前五先生詩卷五

七 撫山草堂

金商鳴素節瑤律屆先秋始見西陵月嬋娟滄海頭清
規臨夜滿澄影際天浮媚浦沉珠迴凝波淨練收常懸
鵲鵲署初照鳳凰印碧落背同映銀潢曉共流梁園生
綺夢陳榭感芳憂爽洽征人袂光含思婦樓玉臺情未
已鸞鏡影空流詎惜盈虧屢仍知晦朔周關山隨別騎
洪水送行舟願逐餘輝去蘭臺奉夕遊

與伯貞或華二友會

二妙聯英標瞻言顧榛莽良晤諧夙心元談慰幽愴江
藤簾新綠各鶯聞遠響感此離索情浩蕩煙霞想夷白
抗浮雲臨清延素賞何因繼芳躅一邱同偃仰

題蒲澗讀書處

編茅鳴巨壑伐木幽巖搖琴初涉澗投冊靜窺潭
澤方求益知人諸所就靈芬遙可挹淵物坐能探野
聽朝雨霜猿聞夜談董韓涼結蕙管桐潤乖嵐予志在
山水宜從雲外參

秋日懷友

雲館秋氣涼前楹新雨歇涼颼振清籟炎景銷餘烈時
菊有芳華露葉飄絳葉慨此搖落情於焉謬司業端憂
鬢髮變和俗性靈竭貞履期可堅元言詎常接渺渺睇
川梁日暮方舟涉

分韻得也字贈林生瑛充貢

冰霜戒元律游子發中野筵几情離羣羣尊企傾寫庭

南園前五先生詩卷五 黃雲箋 八 撫山草堂

柯覆喧鳥場蒼維征馬錫貢擬琳光輝孰云舍又淵
穆與典壁水觀儒雅攀鱗爾所之附驥吾衰也泊泊歲
華晚積雪晨飛酒行矣慎毋淹長懷問津者

饒區伯寬領歸善邑教

橫塘候秋色芳葉颯已變渺渺波上舟忽如翔風燕琴
觴激幽思遶豆徒有踐所念同襟者飄飄各鄉縣章逢
協冲素况復斯文彥此邦多奇勝名山蔚葱蒨喧壑棲
雲霞寒松閱霜霰爾行問津處沮溺固可見

贈錫仁仲昆季還浙東

沉憂自多緒復此送歸人昨夜淮南雨不知芳樹春楊
來持別酒相與慰茲晨日暮行臚渺東南彌越津

七言古詩

遊泰山

今年初出承明班折腰從政青徐間神州二月雨新霽
我來萬里觀名山名山泰岱連雲上鄒嶧徂徕鬱相望
晨霞彷彿見丹崖旭日曛曛射青嶂羽服逍遙山際行
垂蘿磐石漸迴榮喬木千章寒谷秀陰泉百道曉虹明
元都太古瑤臺在石室丹爐長不改中林迢遞躡天門
五色芙蓉耀光彩東極羣真鳴珮環招搖玉女開金闕
蒼龍飛去溟海濶黃鶴下唳清風還奎璧祥光生縹緲
日觀扶桑曄昏曉登臨今日九州同顧視宙論萬山小
名嶽齊天天下知齋宮虔潔閱靈祇寶鼎椒蘭騰馥郁

南園前五先生詩卷五 黃雲箋 九 撫山草堂

芝極華蓋仰威蕤祠官祝釐朝擊鼓玉童吹笙雙鳳舞
魯祈秦祀變浮雲后土精靈夜相語功成世世來登封
明堂駿奔朝岱宗翠華行處入歸鳥樛木盡亞隨飛龍
微茫玉簡無人識綠壇陰洞秋聲急但聞松喬遺素書
我欲因之蛻凡骨絕頂元芝應再生神游早願拋塵纓
笑騎蒼兕騷太乙稽首銀臺超上清

河渾渾 洪武辛亥夏河決作

河渾渾發崑崙渡沙磧經中原噴薄砥柱排龍門環嵩
絕華熊虎奔君不聞漢家博望初尋源揚旌遠涉西塞
垣絕探幽討事奇絕云是天津銀潢之所接葱嶺三時
積雪消流沙萬派從東決東州沃壤徐豫之墟懷山襄

陵赤子爲魚兮沒鉅野朝涵孟諸茫茫下邑皆涂汙民
不粒食鄉無廬桑畦忽變葭澤麥壟盡化龍隴居宮
中聖人方盱食羣公夙夜憂曠職星郎又乘博望槎西
去盟津求禹迹始聞古道行千艘一朝勢轉縱容舸奔
衝倏忽駭神怪淺不浮漚泥沒篙我上梁山望曹濮長
嘆滄桑變陵谷萬人舉錡功莫施猶擬宣防再興築宣
防漢武威曷若堯無爲洪波闊九載端拱垂裳衣元圭
錫夏后安得解肝胝龍門一疏鑿亘古功巍巍巍巍功
可成河水渾復清

奉和聖製鍾山禱雨獲應

天蒼蒼運乾剛雨暘時若民乃康孰令燥旱憂吾王九

南園前五先生詩卷五 黃雲箋 十一 鍾山草堂

土如焚嗟亢陽天津欲竭陰虹藏王心靡甯時惻傷桑
林罪已德進湯齊官對越騰馨香貞宰默應徵休祥靈
祇率職妖魅禳先驅靈霞舞商羊天瓢一舉敷四方甘
霖信宿仍汪洋勾龍后土占歲穰黍稷報功王道昌百
辟慶忭權聲揚小臣頌述歌虞唐四序順成民弗殃巍
巍端拱垂衣裳天蒼蒼德無疆

行路難爲洪都義士楊安賦

粵客慕遠游東來訪仙洲扶桑弄赤日簸蕩神驚叩天
吳變現橫蛟虬狂瀾欲濟無輕舟我心西悲安可極九
疑回望丹山色斑竹荒祠暮雨深湘靈淚盡湘江碧直
欲排雲窺九關長風蕭蕭去不還鼓刀擊筑行路難相

逢楊子傾心肝此公平生負奇氣對我高談論經濟宮
中聖人急徵賢君材磊落終難棄平生恥作侯門賓聲
華滿座驚陳遵黃金結交重然諾白首相知忘故新予
亦高陽舊徒侶憐君踟躕隨風塵知君愛君心獨親相
逢正值秦淮春秦淮茫茫春水綠春風撲缸春酒熟登
樓一醉成悲歌起舞龍泉梢終曲君不聞神鷹未脫鞵
上條博呼夢刷秋空高焉能委翅隨斥鴳喧啾俛啄棲
蓬蒿又不聞留侯五世誇相韓狗節忘軀西入關功成
乃慕赤松去富貴浮榮非所干爾有萬古心時來亦如
此魯連欲奚爲欲蹈東海水行路難難可量海水尚可
濟身名須自強願爲黃鶴雲中翔凌風振翅超八荒

南園前五先生詩卷五 黃雲箋 十二 鍾山草堂

寓治穀城寄京華親友

金陵別時春已半含桃吹花鶯已亂羣公送客勞勞亭
王事驅馳不敢緩折腰從政真可憐貂裘欲弊寒無毡
青徐古道暗荆棘二月黃河冰塞川戰場蔓草紫白骨
城郭蕭條狐兔窟柳塞胡笳夕厭聞花門突騎時還出
獵火荒涼夜合圍聊城關外羽書飛將軍轉戰略那魏
懸下游兵分道歸瘡痍未復更顛蹶忍看呻吟日流血
朝耕暮戰同死生撫字無才政多拙有時登高望遠山
浮雲萬里何當還令人却憶魯連子一箭名成東海間

費將軍凱還歌

費侯佐國文且武禮樂從容在軍旅漢家卿相誰得如

雲臺功臣祭征虜王師轉戰下山東大將平燕無限功
復有奇兵專節制將軍同日度居庸居庸城邊草初白
戎兵夜遁龍沙北長風吹沙鐵山黑賢王朔弓控不得
組練如霜未倒戈狼烽斥候逼遼河將軍洗兵河上波
馬前雙吹金唢囉英雄如公信無敵據鞍歸來親草檄
歸來更唱平戎歌燕然山頭堪勒石忽憶去年駐阿城
僕忝微官曾送迎馬頭北去掃燕土今日傳聞朝玉京
旌麾再入阿亭路橫槊賦詩肯相顧官橋一道野棠開
人到當時列營處東風二月江南春露布先傳到紫宸
丹書鐵券分茅社願爾功成過古人

醉歌行爲鄺復初雄飛昆仲賦

南園前五先生詩卷五

三 撫山草堂

昨日風雨中我來自西山不知春早暮花落長林間林
間幽人心事閑相逢一笑開雲關問我別來春幾度五
見飛花滿行路黃橙丹荔繞池栽清水離離照芳樹登
高酌我黃金鬘傾情寫意無嫌猜攜觴復就花下飲烏
啄餘花鋪綠苔我惜落花君莫掃乘興卽來坐芳草江
山如此多閨人與君相期恨不早君家伯仲多林雄白
眉更是人中龍東山還着謝公屐百世行藏安得同爾
曹曾辭鶴書召予亦蹉跎走荒嶠華髮盈簪已自慚烏
巾折角從人笑悠悠行路心惟君可知音南冠發楚奏
拂拭瑤華琴商聲淒淒夜沉沉酒酣風悲月出林終然
苦調不可聽爲君更賦還山吟他年訪我桃花洞洞口

花殘春正深

王彥舉聽雨軒

輞川給事才且奇自我相親童冠時高談甚愛風雨夕
世上閒愁都不知幾回共酌東軒裏正值蕭蕭觸人耳
當窓綠筆寫黃庭涼聲散落鵝池水竹外淋漓芳砌寒
簷端飛灑落花殘先生擲筆向予笑如此宮商真可憐
况復交游盡文雅傾倒對之情不舍銀觥夜酌涼蒲萄
琵琶嘈嘈急如瀉先生醉坐銀燭低行雲入簾花氣迷
啾啾屋角聞朝雞出門只見花成泥當時雄筆誰更好
孫公狂歌君絕倒橫眠三日醉復醒夢見池塘生春草
一別淒涼十二年關河風雨隔幽軒懷鄉淚逐燈花落

南園前五先生詩卷五

三 撫山草堂

隱几晴忘春溜喧君入蓬萊獻三賦我踐泥塗走中路
歸來相見頭總白坐上逢人半新故西窓舊話誰與傳
思君昨日空迴船綠蓑青蕩重來訪莫厭連牀終夜眠

題招鶴軒

憶昔南游窺洞庭醉騎孤鶴橫蒼冥千年雲夢掌中小
一點君山湖上青翱翔更入瀟湘浦湘靈彈瑟鶴爲舞
清風雙翅若乘軒令我歸心厭塵土翻然獨下崑崙臺
鶴飛却望遼天回武昌樓前招不得惟見白雲天際來
朱君華軒號招鶴金莖可飲芝可啄臨泉羽客再相期
爲爾長鳴返寥廓

分題賦羅浮山贈何景先百戶

吾聞名山洞天神仙之窟宅高高去天不盈尺上拔浮
雲橫斗牛下瞰滄溟莫窮極雲間五城十二樓老僊燒
丹居上頭鸞笙縹緲塵世隔羽服逍遙蒼澗幽山中夜
浮龍虎氣石室猶藏蕊珠祕瑤草靈苗幾度春玉泉香
蕊三千歲還丹九轉報功成手把芙蓉朝太清蓬萊弱
水方舟度閭苑崑崙飛蓋迎我肯懷山恣長往桃花古
洞遺幽賞鐵橋千仞意都迷絕頂元芝日應長麒麟公
子出仙臺絳節遙從天上來車馬光輝到蓬華相看一
笑無嫌猜投我素書皆鳥迹浩蕩煙霞寫胸臆終然歸
旆九霄長但見冥鴻矯雙翼中郎詞藻絕人寰已進宸
卿最上班須公爲寫觀梅興寄與江南驛使還

南園前五先生詩卷五 黃雲蓬 西 焦山草堂

將進酒贈彭生秉德

華燈照廣席錦瑟彈朱絲一彈再三嘆進酒卿莫辭丈
夫成名垂不朽彭生早試穿楊手彩鳳朝鳴岡上桐驪
駒莫繫門前柳門前柳條冬向青城南桂漿翻玉瓶觥
船滿引百分勸出門不顧蓬中榮君不聞洛陽賈生對
宣室長安公卿皆動色長安九衢橫九天爾如神駒當
自力我昔侍從金門中誓師牧野初成功功成治定四
海同條牧再見承平風爾行決科期第一狐裘蒙茸髮
如漆莫辭更盡金屈厄直上排雲振雙翮

短歌行與藍山陳彥中

桂水秋風高扁舟過蘋末西來佳公子袖拂淩川月公

予芳年孤白囊抱琴來訪丹山邱雲邊舉手笑相揖凌
雲意氣橫清秋高談雅論傾四座自言曾到燕山遊雪
中射虎隨飛將原上呼鷹從列侯酒酣馳向城南獵騰
身飛轆輕一瞥赤手獲得千年狐路人縱觀誇勇捷卿
家嚴君誰得如湘南昔日專城居將門有將今復見
此滄波明月珠明珠白璧相照耀知音更學絲桐妙傳
得吳儂子夜歌彈爲楚客陽春調爾有吳越思言之使
我迷罷琴惆悵孤月落哀猿老樹臨雙溪他年同泛山
陰雪聽爾琴中鳥夜啼

題劉千戶英武舟卷

將軍十五二十時銀艾初懸雙珮垂材能不負將家子
年少成功人所推青春照耀黃金鎧出入轅門好手采
湘南自昔產英豪况有雄名播滄海海波忽沸神鰲邱
元戎萬舸橫中流霆轟電掃勢無敵遙見將軍英武舟
將軍舟甚英武牙檣錦纜追風槽半夜揚帆奏凱歌千
夫擊楫鳴笳鼓自從歸駐北山邊茲事流傳又五年繡
衣使者文章述大勝磨崖千仞鐫

扶溪春望爲鄭茂才賦

溪頭望春春色深美人不見勞予心綠波渺渺向南浦
疊疊樓臺芳樹陰天涯滿目丹青障春日春花兩搖蕩
弱絮飄飄不可思驚鷺桂樹長相望相望相思雲路遙
金塘流水亂春潮採菱風急桂舟晚疑是當年楊子橋

南園前五先生詩卷五 黃雲蓬 五 焦山草堂

橋邊楊柳青青好惆悵春心被花惱浦口迴船欲訪君
相思一夜蘼蕪老

五言排律

詩僧杞上人得旨歸鄱陽葬親二十二韻

白下春容減紅亭麗日升暫邀芸閣彥相送草堂僧
鰲同文會旂檀異德稱詩名隨處滿華幄自天承久被
宸衷眷仍推講座登離宮頻召對前席譽材能尚食供
蒲饌禪宗問葛藤龍河朝洗鉢鹿苑夜傳燈殷若翻神
貝袈裟出御繪抽毫聯百詠揮塵竟三乘淨洒銀河水
清涵玉井冰虛空常湛湛行往獨兢兢陟屺懷芝壠瞻
雲別蔣陵綸音旌孝德珍翰誅先塋寸草慈輝映雙林
南園前五先生詩卷五 黃雪蓮 七 撫山草堂

遊黃陂五十韻

吾郡山川秀黃陂亦有名聞君談勝槩邀我共遊行
路指蒼崖近村臨碧澗縈塵霧辭瀕洞邱壑願經營繚繞
菱塘曲潯漫小碓清深泥綠狹徑積雨漲前阮陟涉衣
裳溼扶攜杖屨輕陽雲迷澗澗欹石履崢嶸俗訝精靈
異誰知唱和情林僧來問訊野老亦逢迎注旆金芽茗
克庖玉笋羹敲推離大吠餽餉草雞烹少憩沾微醉前

趨若有程土門斜東隘坡岸微連坪石馬眠荒壠昭陵
失廢塋騰蛟雙踴躍躡約互爭爭追遞峰巒起宵隆窟
寶鳴嶺巖超險峻潭鮪濤澄泓灝灝泉分潄欣欣卉並
榮奔流寒漱玉磐石迴疑城避地傷前事窮途蹙遠征
蟻柯塵業誤魚木禍羅嬰歲月重登覽煙霞幾變更陳
雷今合契黃綺舊同聲招隱依松桂尋芳拾杜蘅逍遙
吟伐木談笑坐班荆鳳淵委契合螺蚌宛轉明田家深
處樂王政此時平雜沓歡樵採喧闐羨偶耕豐年饒芋
栗膏壤足秣秣鼓腹雍熙叟居巢太古氓幽懷真可豁
佳境實難并白鶴鳴相狎青猿戲不驚靜中無俗念方
外有賢英慈結靈均珮松就子晉笙仰窺懸瀑淨側度
小橋橫茅舍藤穿牖柴牕竹覆楹花簷蜂陣陣桐巷鳥
嚶嚶席帽看雲坐匏尊倚樹傾涼颺颺暑斜照弄新
晴倚石延詩思臨流破宿醒疎慵聊翰墨沉酒愧瓶罍
著屐隨康樂回車泣步兵祇應除世鞅端可脫塵纓趨
走煩童御徃狂托弟兄橋中期四友林下憶三生絕德
瓢須棄忘形席任真元言超混沌遐舉問蓬瀛瑤草行
堪撥丹砂煉欲成他年求道侶卽此締幽盟

五言律詩

寄道士蕭止庵二首

昔寓朱明洞神遊碧洞阿庭臨棲鶴樹衣拂掛猿蘿
吹青雲曲龍吟白雪歌仍慚勾漏令塵夢入槐柯

頗棄人間事來參內景篇
借騎綠嶺鶴相訪大羅仙
稽首傳丹訣長歌入紫煙
瑤花不着處同掃石床眠

贈陳憲使還嘉興

蘅草理輕機華筵餞遠人
潮生碧海曙雨歇紅亭春
適越遂辭祿還吳思問津
超然不可企遙睇東山雲

楊氏湛碧軒

桂浦含秋氣蘿軒澹夕陰
鷺鷥明鏡徹雲度彩屏
深宴坐消塵慮遐觀恣賞心
羣賢思愿下吟嘯屬芳音

送邵李二巡簡赴京

驛樹殘朝雨汀湖急暝
旌麾從此別尊酒慰離憂
虎石經銜箭龍門擬共舟
蟾蜍他夜月思爾玉京遊

南園五先生詩卷五 黃雪蓬

九 撫山草堂

贈白守中之湖廣

王孫芳草綠離思滿西州
桂醕秦淮夕蘭橈江漢秋
名藩今所重形勝昔無儔
元規賓從美吟嘯在南樓

七言律詩

贊相國李公善長

吾君神武定中朝丞相勲名冠百僚
漢室興王推鄧禹唐宗開國任房喬
江淮草木知名舊吳越山川關地迢
好向龍樓扶赤日便觀麟閣近璇霄

呈張昶參政

絲綸閣下五雲飄政事堂中八座超
班馬文章傳舊學夔龍勲業慶新朝
官花露重金莖賜御柳風清玉珮搖

江海微生叨近侍也隨丹鳳舞簫韶

呈汪朝宗參議

龍飛江表仗能臣虎變淮陽有俊人
幃幄春風勤夙夜藩垣南寄息風塵
聞雞屢促鳴珂入倚馬仍看草檄頻
越客狂名叨薦啓無因束閣拜平津

北捷應制

王師幾日定秦郵詔發奇兵出壽州
橫海樓船通楚甸羽林旌節渡淮流
胡笳撼動關山月戎帳威傳草木秋
聞道鷹揚能奮迅思歸燕將莫夷猶

送董文啓之江夏宰

委珮晨看拜玉除西遊真食武昌魚
王孫碧草秋無際仙掌金莖露下初
今日才名須卓茂當年詞賦說相如
登臨若對南樓月待爾賓鴻寄尺書

南園五先生詩卷五 黃雪蓬

九 撫山草堂

贈王深之官永康

賞心亭下玉壺傾客裏難堪送客情
沙際綠蕪朝雨淨天涯江樹晚雲平
扁舟剡水因乘興高策河汾舊有名
勿謂微官淹驥足金華涼月對秋清

正月初四日南郊禮成

午夜祥雲繞太微聖明開運六龍飛
簫韶享帝聲容麗玉帛來王愿數歸寶幄
天光臨負辰金與春色映垂衣
儒臣幸覩唐虞際三祝堯年仰曙輝

謁黃石公廟

榆徑深探一草堂松階寂寂半斜陽青山遠近分齊魯
黃石英靈閱漢唐碑斷螭龍荆棘暗壇空鸞鶴杳
鄉人更說傳書意故國風雲入渺茫

舟泊龍灣寄孫仲衍

吳橋楚掩十年間又度秦淮虎豹關眼底故人成寂寞
夢中塵業負高閑九州風雨東南會七澤波濤日夜還
江上思君雲路杳掀蓬愁對蔣陵山

贈洗口于巡簡

東郡于公最有名爲儒會事魯諸生鶴書三聘雲間下
龍劍雙飛海上行明月畫船依柱浦碧山紅樹繞花營
齋中舊客今誰在青眼相逢萬里情

南園前五先生詩卷五 黃雲徑

三 惟山草堂

喜故人孫仲衍歸

十年東去入皇都詞賦爭誇楚大夫疎散又辭金馬籍
徃狂須覓步兵廚花開上苑啼鸚鵡草綠南園泣鷓鴣
惟愛碧山吟卷在夜隨明月照蓬壺

贈戴雲

十年慣聽京華雪忽憶聞雞夢覺時萬戶曉鐘金氣應
九重仙仗珮聲遲淩州桂樹誰招隱庾嶺梅花有所思
一曲陽春知寡和郎官清勝浩然詩

青宮哀詞

文皇太子也

前星光隕太微間雲闕龍歸不可攀慘結元雲迷海嶽
淚揮寒雨遍戎蠻清都鶴駕翔遠級嶺嶺生縹緲還

遙想皇情哀慟處萬年松柏紫金山

次韻仲衍巫峽秋懷

白帝孤城蜀漢間錦江秋色隔巴山霜清灩澦瑤瑤動
雨散陽臺紫翠環王事歸心俱未已世情歧路總相關
扁舟莫繫楓林下臥聽寒猿一夜還

七言絕句

從軍行贈費指揮使

英雄江左費將軍淮海吳門舊策勲又領貔貅三百萬
誓清沙漠報明君

聞說沙場漸倒戈受降城北是灤河胡姬窈窕隨征馬
胡酒葡萄載駱駝

南園前五先生詩卷五 黃雲徑

三 惟山草堂

秋夜雜興

金風瑟瑟吹明河鎖窗時見流螢過誰家玉笛生離怨
知是吳儂子夜歌
秦淮橋下江水平清鳳凰臺前霜月明莫愁艇子繫何處
楊柳蕭蕭無限情

折楊柳枝詞戲贈朱文昭

綠陰馳道繞隋宮拂雨撩煙送晚風萬樹千條都折盡
不堪回首畫橋東

游洪範池與劉文正

洞門斜日照金潭千尺藤蘿挂石龕騎馬獨來高處望
滿山松栢似江南

小塘山居

石月斜牕夜氣清
禪棲無夢客燈明
山中萬籟俱岑寂
惟有松風答磬聲

王孫挾彈圖

樂遊原上競繁華
騎出天南白鼻騮
官錦不愁清露溼

五陵松柏絢朝霞

馳道香莎剪翠茵
金鞭閑颺落花塵
溫泉樹晚歌鐘起

人識開元富貴春

寄復初景翔諸友

寒泉疎竹映清秋
會記仙人太乙舟
今日逢君同感慨

不堪衰淚灑西州

南園前五先生詩卷五

黃魯達

三 樵山草堂

荔枝原頭春水深
多情得似玉郎心
琵琶撥盡涼州曲

石竹花殘風滿林

題野塘景

花落春塘隱暝流
湖光山色未銷憂
雙雙白鳥忽飛去

掠亂文鴛不自由

南園前五先生詩卷五終

番禺陳起榮奎垣校字

南園五先生集二卷

安徽巡撫
採進本

明葛徵奇編徵奇有蕪園詩集已著錄初嘉靖乙

丑陳邇合刻孫贊王佐黃哲李德趙介五人之詩

爲廣中五先生集崇禎丁丑徵奇以御史巡撫廣

東又訂正而重刻之

里先忠三先生文選十四卷


〔明〕胡接輝選

復旦大學圖書館藏明崇禎十年廬陵胡氏刻本

附《四庫全書總目·三忠文選

十六卷》提要

三忠文選敘



記云吾鄉有先正其言
明且清君子誦讀論世
尚欲神交於千古之前

錢序一

况鄉有先正其功德足
以扶世寓其風烈足以
起頑懦磨崖紀史而其
立言之存聞知後學可

不表彰而論著乎春幼
從先大人啓新府君令
廬陵見其山川靈秀爲
宋南渡後胡公邦衡周
公子充文公履善篤生
之鄉三公皆易名爲忠
大人訓之曰昔忠烈幼
入學宮見崇祀忠簡文

錢序二

忠慨然曰人不俎豆其
間非夫也孺子勉之已
大人

徵入爲御史以翼

錢序三

儲抗疏荷

光廟旌敘庶幾無愧三公
今距數十載庭誨在耳
旣叨司南邦教會胡東

井公以忠簡里族來官
留臺侃侃則倣選所爲
三忠文刻行通都徵敘
於余噫是余志也夫三

錢序四

忠之文皆本六經而出
以溫雅忠簡之効檜排
和議金人至募其疏予
千金而奉太后以歸文

忠之辯邪正卓立於淵
覲侂冑之間何亭亭也
其典制皆出公手世之
淺儒鄙生盛傳其駢語

錢序五

填詞大受而以小知之
忠烈之三仕三已百折
不回之骨世盛傳其正
氣歌顧其効似道排和

議慷慨勤王所關於世
道甚大所謂仁者之勇
皆有德之言也今

聖明勵精鼎盛而談者自

錢序六

百年來云無宋之偏安
而有其弱邇來虜寇充
斥兵竄帑空試取三忠
之言一一誦之忠簡曰

昔周世宗兵敗于劉旻
斬失律將何徽等七十
人卒以恢復文忠奏請
儲才云自章蔡阻士氣
卒致裔夷之禍秦檜忌
刻盡逐才臣流弊至今
忠烈曰樂人之樂者憂
人之憂又曰義勝者謀


錢序七

立人衆者功濟憂時之
士深嘆此言願讀者三
復之庶無負東井公選
集之意也

錢序八

賜進士第南京戶部尚書

毘陵後學錢春譔



三忠文選序

孟東野有之曰文章者
賢人之心氣也心氣是
則文章正心氣非則文
章不正斯言誠悠永也

李序一

遼夫北馬嘶風南燕巢
木當事者重傷墨瀋之
氣淫於干戈頓舉古來
隱武行文之術反而用之
謂可以破少斗賊而制

願命伏中行說而答其
皆嗟其甚矣典午初載
紫氣滿乎軫翼雷令惴
於識深稱平將以當之
括愚歷履循常泥故莫

李序二

測正謂余讀江都書而
知士者忠厚之義孝子之
行故其氣見於天馬以
忠孝視物雖湛盧子布
直蓬梗耳幾千年來烈

士伏興印鋒如永祥輩
猶弗一文而驥一毛以考其
平之臣可彼觀此隨處見
其力之艱而心之苦余於
紹興隆興之間而得一人

李序三

曰胡忠簡彼心氣是而文
章正者莫若紹簡江南
之一疏如治本天之本民迄
於厲鬼殺賊之理其餘也
而趙氏之天下弱而強於

乳道慶元之間而得又
曰周文忠彼心氣是而文
章正者莫若直言之四
事如典冊深厚迄於平
園之澹逸其餘也而趙氏

李序四

之天下亂而治於景定祥
興之間而得一人曰文忠烈
彼心氣是而文章正者
莫若成仁取義之數字必
慕忠節之姐豆迄於潮陽

踴躍之請劍其鋒也而
趙氏之天下已而存邈矣
三忠其立功立言若符
左券併借日月而爭光
焉是故勿云心氣勝而文

李序五

章可負也請以建炎之先
論介甫之文僻而辨其失
也汪子厚之文柔而腴其
失也偽子宣之文靡而離
其失也矯是則正非則

不正忠佞因之斷之也嘗
主承旨修宋史也乃欲以
肅春部族竊江南之正統
而宗儀一變數公起而爭
之又詎非之史生之翫翫

李序六

永伸大義於不類也乎今
侍御胡公得唐陵之心
派操簡留臺解餐殄之
踞橫澄鯨鯢于江漢余
徑世講求知契特深稔

信三忠之風未泯昔之念
溪矣假三忠之文氣俾人
人誦法而興起焉况乎
忠簡之言吳進士鑄之宋
而金人購以千金文忠之

李序七

言呂布衣誦之朝而濟
國彰以九命矣忠烈之言
又自云盡其心而無論國
史之書與不書矣之先生
或前後異時榮辱異遇

易名而早暮異代豈曰之
也善抑心氣凝乎一生而
文章勸乎為世云爾此
侍御不欲沒而彰之之
也雖然仲實而下廬陵何

李序八

多君子哉

賜進士出身奉直大夫左
春坊左諭德兼翰林院
侍講纂修

國史直

起居館管理

誥勅撰文

經筵

日講官曲沃李建泰撰

李序九



海陽後學李序書

三忠文選叙

蓋昔孔子稱殷有三仁焉而知
孔子之善論人也三人者自請
人自獻於先王者也宋室之南
也豫章有三忠所稱胡忠簡詹
蕃周文忠平園文忠烈文山三

周序一

先生矣忠簡首折和議者也文
忠志襄恢復者也忠烈以身殉
宗亡者也柱史廬陵胡公類而
合刻其集因得盟而誦之仁夫
三君子使孔子見之豈在比干
微箕後哉史氏翔曰宋之社稷

蓋以三君子為終始云予嘗讀

丞相難中諸詩歌及觀蒙古下
鄂渚入臯亭若疾風之卷秋擇
歐陽文忠廬陵人也其著五代
史言晉出帝之禍胡嶠陷虜紀
燕丹語深切痛憤以示戒萬世

周序二

而不虞宋人之自蹈其轍矣夷
狄絕帟也世豈有握蛇枕帟而
不吞噬者乎檜之言和也巧于
販國者也舉朝受販之累而不
敢枝梧夫疇蹴之與行道之人
不受乞人不屑七葉天子稱臣

告哀今其誓表載完類書千古
之下髮豎皆裂而一時君臣曾
嘖蹴之不顧忠簡曰願蹈東海
死從魯仲連耳蓋羞惡之心已
盡于孫近勾龍如淵之輩况彼
檜哉浮海二十年得明夷之艱

周序三

負馬再蹶再召堅斥和議請都
建康以扼吭拊背及十可吊十
可賀皆金石不刊之論也孝宗
有去中原者也益公鞠躬盡瘁
幹盡承考其在兩宮之間可云
知遇而秦湯之局堅瓠不破晏

安中于酖毒而匪風無西方之
懷熊席調于彊場而鳴劍絕北
風之思然虜相疊組凶慙俘骨
雖天道好還則六人事之盡矣
信國生逢國燼滅頂而涉方其
脫難京口熾兵嶺下部曲受屠

周序四

巢卵俱覆而三年兀坐素艾懷
鍼柴市一行趙鼎始碎古稱志
士仁人若公者可以當之矣嗟
夫宋之困石據蔡勢幾不可為
矣必其為君者矣不共天不反
兵之痛而後可以言復仇其為

臣者抱不亡溝壑不亡喪元之志而後可以圖中興迺一小人死一小人生偷安附會遂至噉壁殫鄉隕星海島不亦可悲也夫柱史之合表之也以見三君子始終于宗而文章節義九原

周序五

之日月照煜無窮耳竊嘗感論宗事彼少康光武豈真不可再之功哉使不逐季綢趙鼎不殺陳東歐陽澈不用汪黃不專任秦檜不陷岳武穆則忠簡文忠之猷畫必行於先使不相陳宜


中留夢炎不任實似道夏貴以丞相蜚居汾陽之間則必能救襄樊守淮泗集汪立信王希臣還居誼李希馬瑩及鄧鳳諸人之義烈而信國之智勇必劔于後嗚呼安危存亡繫所

周序六

任與小人謀國而以君子殉難一部十七史正可從此說起殷之三仁宗之三忠此亦古今國家成敗得失之林也昔蓋公舊有廬陵三忠堂及記蓋謂歐陽文忠楊忠襄胡忠簡以示其志

之所存記者以為絕筆柱史之
合之也固先後同一揆矣
南京國子監司業前翰林院編
脩纂理六曹章奏主考江西
經筵日講官山陰周鳳翔書

周序七



三忠文選序

魏鄭公曰願為良臣勿為
忠臣夫良臣非不忠所遭
者順得以直行其忠不必
以忠著耳廬陵先輩如歐

戴序一

陽公不謚曰文忠乎然天
下後世祇重歐陽之文而
忘其忠蓋當北宋盛時猶
得以出入風議畢良臣之
忠而溫厚立言存臺閣體

其所遭然也三忠與歐公
同里豈不亦願為良臣無
使國衰而忠盛國亡而忠
存哉然自南渡以後躅躅
行在以至盡祚厓山原無

戴序二

一日非小朝廷也忠簡一
跡萬里展轉坑阱率不能
申魯連之志故其文激憤
而高亮蓋公剛正獨持隨
事補救不敢以藁爾粗安

忘戮力中原之志故其文
沈雅而紆迴至信公而天
下事已全去併無小朝廷
可寄一腔熱血猶崎嶇起
蹶於萬死一生之間卒至

戴序三

途窮紮市後容齒劍以還
天地之正氣故其文痛而
不摧鬱而愈壯三忠所遭
皆非時而又各自為風會
顧其文價蚤定矣虜購忠

簡封事千金史稱益公制
命溫雅周盡事情為一時
詞臣之冠信公廷對即賀
得人稱其古誼若龜鑑忠
肝如鐵石三忠之不朽不

戴序四

必以文而文自不可朽即
與歐公稱廬陵四大家奚
媿焉殷有三仁萃於一家
宋有三忠挺於一地殷之
子孫故應聚族抒忠誰非

宋臣而廬陵之三忠特盛
蓋同里聲氣易漸奇節後
先相逼耳向使殷無三仁
則殷季乾坤亦太落莫宋
無三忠則宋季生氣遂至

戴序五

銷沉三忠不幸而生宋季
宋季猶幸而得三忠為之
震動於昭也三仁之文洪
範勒於周書微子行遜數
語亦為商書之殷獨以千

諫辭不少概見靈心七竅
豈獨無文蓋亦表章有漏
耳侍御胡公之選刻茲集
非僅為其鄉存文獻也蓋
將使比干不歎有封墓之

戴序六

文而長煥箕疇微誥於日
月實為有宗一代存文字
與商周書共垂千古耳三
忠之文不盡於此而此亦
足以盡三忠詩書不妨有

軼則其選之之意云
崇禎丁丑秋仲中秋前五
日刻上後學戴澳題於留
署之青谿草堂

戴序七



金刻三忠文選序

甚哉忠之足以勵世也子伯
之節生之望之極矣實之篤
乎祀而之體深於吾於其子
未形也澤於之體雖陽之遠
或移之字而矣然易教也弘

庚序一

演之肝色胥之液其弘之血
至於貫白虹通碧落然其
矣庶之矚也生乎祀之而
後於乎祀之上矣忠者之動
自之教品之義揭重瞳又乎
之者心之聲也從義曰從高

利君為忠而六世法曰中以為
忠豈惟心之見於文而少難逢
生即之弘乎以新其要之大
象修辭立誅因之義自子
祀而之原以編世第文矣屬
聲付傳江中唐陵胡公舍

庚序二

選于以三忠文集而今多傳并
皆端以故高山仰三忠者宋紹
忠曾公漢菴先生周文忠公
平園先生文忠公山先生
也江中之中子重三先生傳即
之景乃三先生亦要以文於

三先生之久乃付而為之
故子後以清文忠曾之文
原亦六經之代最重典為
其為之懷愧閎切其紀序
初與聖古而潔其詩懷高
曾望風呻兩喟者久矣制

庚序三

高澗雅劉記得驕驕偶古
隴辛棄以害道其能為忠
厚得畫陸結壁碑金種之
見實忠五陳告宣懷之文肝
膽筆霞如朝雲赴壑萬折
必東指奸斥後之文如出匣

之劍鋒程燭燭至之正眼臨
危履險之文如冥鴻自盡法
隋岳構不皇或於利害之
際善三先生之為文即三先
生之為人而通三先生之平心
歷之歷亦與文合其忠曾力

庚序四

排和像乞新章相重勇以
千金隨其志之中國有人胡
焉亦爾者三十年陸亦危最
海之清曉而還禁此一草
九遷陸與信安寧此洗
盡人主聖賢禮為忠孝而以

漢名庵溪名溪一溪道
而平生之用文忠之學高
孝光寧四郡再國相和嘉孝
生於中隆遭難文淵益親
抵牾韓侂胄之排擠指為
偽學之口實遂致楊梁重和

庚序五

當自稱平國先生以易渾
六爻之去一如隆慶之門
產得以見志是如運命而終
昨高以利亞二先生之所以
而忠如忠而一糾董者每忤
賢似此謹謹權創志意堅

孝光寧五至之海血勤王係離
鄭故生而於一生以國無及策
市物象之及於物少校木
而心主勝息以孫夷雲之配
夢如終運命以利興忠而之
所以為忠如二先生隆而運命

庚序六


而與之所以為文即其所以為人
王所以為人即其所以而忠臣乎
情為立休因之哉自子祀而
下平文存為其人存美古而更
在周官常贊之而後清令
子徒以孔家為殊仿諸公年

歲會南床而以忠屬世及合
三先生集為行之表新先招
垂示後人以無忝賴之之更至
於此更占付即之步之趨之心
焉若夫惺惺川地靈名世炳耀
永永桑梓海內推尊付即

庚子序七

已久世瑛多後賴之已

崇禎丁丑中秋南床更部尚
書良有進士洛通府第在
峒曾叔之撰



廬陵三忠文選敘

夫儀象剖光岳分而齒髮
之倫已鼎峙矣如其嘯咷
焉而巾幗雕獷焉而儻貌
茅荏焉而駟駿優旃之雄
斯亦何取於馮生之衆庶
獻慙貢負於俯仰為耶斯
知節義者人道所繇以不
息而匪言不存焉匪言之
存存是言言者之心與所

阮敘一

邁之時與勢斯生氣盎然
示千秋以憑吊耳惟古之
君子貞姿潔行修能堅砥
其於陽九之來蟬蛻捐生
熊掌取義如鑑鑑形如衡

阮敘二

衡物所以處之者視爲固
然而無疑故狡童麥秀佚
女江離之歌低回未已悽
壯興焉豈好爲溝瀆而遇
飲食之毒也哉趙宋之季

偏安不振讀史者悲之此
局曲也當靖康一陷河山
之屈全覆南渡九十年之
曆數在天運當不可知而
絕而不絕之餘緒明爲宋

阮敘三

之臣子揮戈指日過涉滅
頂之所留雖曰其取天下
近正而其累葉之主多能
以禮義養士故卽其垂盡
也犬羊迫之天海窮之臣

民殉溺如攀髯然厓山漂
汨視太白旗何如斯亦報
禮之彰明較著者矣建炎
紹興淳熙間廬陵忠簡文
忠忠烈三君子隆棟碩果

阮敘四

勁陰不凋史冊琅琅婉諸
天日然讀忠簡彈倫檜近
之章文忠不書知閣門黃
忠烈請斬董宋臣疏逆鱗
必折正氣凜凜移順昌朱

仙之陣金戈鐵馬飲血摧
肝之雄爭勝於廟堂上噫
宋祚以節義留而以節義
留宋者三君子甚力且苦
何白鷺青原間氣所鍾古

阮敘五

今不消歇如此哉
東井侍御使君直聲清譽
表表南牀攬轡兩江澄清
烽火炊矛檄盾之暇用復
羹牆先正手輯遺篇珍此

轡龍正其魚豕伐柯之則
不遠梓桑骨鯁之揆先後
一也噫三君子以節義留
宋

使君更以文章留三君子

阮敘六

然而所留者豈獨以文則
與文俱留者又不獨在宋
而在千古

使君之功鉅而用意深以
長矣鉞小子觥人也平生

不識少卿叔文何許人而
龍門愚谿危敗相等不能
辭不文於


使君而黽勉簡端也斯亦
有粥粥侘傺而慄慄焉者

阮敘七

與

崇禎丁丑仲秋皖後學阮

大鉞拜手撰



三忠文選後叙

廬陵為忠義道德之區自宋迄
今名賢輩出若項背相望然皆
工於著述龍鱗鳳采炳燭史籍
即使立言一途孤行於世已足
傲雲堅而僕御原玉況於三不

陳叙一

朽相輔而出者乎吾師東井先
生獨取有宋三忠集洗發其光
芒而採摘其精粹合梓成帙以
示小子輝俾因誦習之餘獲識
仰止輝不覺作而歎曰天下有
文人之文章有豪傑之文章文

人之文章思有所憑見有所滯不

能無淺深工拙之分其於棄取
也恒易豪傑之文章彼其雲蒸
龍變之氣遇感即發雖單詞片
語悉大全之精神無容較淺深
商工拙其間者故流波衆汨知

陳叙二

碣石之功烈焰胥焚表靈光之
異吾師之為是舉也蓋有感於
頑痺之世積偷成玩君父之念
輕身家之營急往甘心於大
過之棟橈而未嘗一效屯終之
泣血沴戾藥妖陸梁充塞傍觀

袖手築舍盈庭使宵旰之憂獨
貽于禁籞而小人婦寺反競起
而欲自見其才當此金甌無缺
之世鬼車尸瀝糞朽滿宙鼓輕
無桴警情無鐸矯首攘臂徒分
爭於名利之衢而所謂慷慨振

陳叙三

勵者無有也小人得位自為也
君子為人也自為猜妬而深為
人鞅掌而憂吾師之意以為如
三忠其人者得一焉猶足破唯
諾之藩而以醒肥皮厚貌之長
寐寧直取壯采鏗調鐘鏞其考

而吉光其寡哉忠簡當屈膝之
初抗言請劔奸諛之頸已嘿斷
于皁囊白筆中其後措置浙西
按劾李寶嘗自持鐵錐冰蠶
退金人八十萬衆臨歿口占遺
表尚有厲鬼殺賊之語公豈樂

陳叙四

以文章自見者文忠始迂淵觀
再觸侂冑偽學之禁公與趙汝
愚首犯之若其籌度江陵鎮安
西夏遜禪之際功在不言堅識
定力非文章士所幾及也至於
信國稟正氣貫日飛虹當其

少觀鄉祀即景仰於前兩公便
欲俎豆其間後世善評公者謂
事寧無成不敢隱忍以諱言言
寧不用不能觀望以全身身寧
終廢不能玩愒以充位而其所
為成仁取義販夫墜子皆能知

陳叙五

公之所以生所以死大之維九
鼎扶三光小之鎮瘡鬼止兒啼
又豈待盡讀遺文而後知景行
耶廬陵前詰有須溪先生者嘗
痛名賢在天地間有如風雨其
變化及物關係晦明極其所至

俄頃之間而蠶之動之沛然如
出六合之外者聲也雖經累朝
更異代厥問不殞要亦如風雨
過之故讒邪不能嫉兵亦不能
傷三忠之聲如舊而吾師表幽
闡微之意則又略其聲而併微

陳叙六

其實彼雨乳雷琅與長天皎日
千古如新而詎容若聾若瞶者
掉臂其下而終於不見聞也吾師
鳴琴天台但飲杯水輝獲侍函
丈之列既入留臺綢繆桑土鎮
壓風鶴舊京鎖鑰倚以無恐凡

皆折衷先型而自以忠肝義膽
運之澹菴弓裘至是益振他日
名位樂康且與子充齊肩而又
無宋瑞之顛沛亦若山川之氣
間世一鍾尚友誦讀皆于當身
取之江左真有事吾在可無厘

陳淑七

根本之憂矣輝不知文章掛名
先賢文字中且得自附于吾師
門下士之末為之握管所欣慕
焉

天台門人陳面輝百拜具草



三忠文選序

宋眎漢唐為羣國顧迺多名
臣澹南而後幾於閭位人材
尤卓犖環瑋逾于都汴時剿
廬陵氛霧盛矣錢塘黜蹕胡

楊序一

周文三君子與一代相始終
胡公已乞軼秦檜一卦爭襦
盒虜方張之魄維宋鼎坐絕
之紐高宗不得此剿不能畫
一隅而守崖山航國不枉景

炎之世矣他文適峭清勁如
其久而奏疏爲最獨所爲騷
體當時盛譽之惜不得見其
一二矣蓋公雍容博大有平
成昔魏鄭諸大老之遺風其

楊序二

文涵澹汪洋亦彷彿于中一
望如文丛弱冠對大庭文筆
驅駕已有在天爲壘辰在地
爲河嶽之氣勢他文歷落礪
魄如蛟龍攫拏鱗甲怒出如

黃河水尺窪寸渚瀉頭澎湃
夫非其節儉而氣盛歟此在
文章家皆當別爲一種如顏
清臣書不當與歐虞一列錫
以別有忠厚磊砢之性貫其

楊序三

筆下故也適世之頌三君子
而并好其文者何罕耶
侍御廬陵胡公受

命視留臺爭肅清江巨鯨鯢遠

跡顧於退食之暇釐次其鄉

先詰宋忠簡胡公文忠周公
忠烈文公三君子集而鐫之
留署名曰三忠文選而檄下
文忠公之弁皆既蹴踏謝不
敏矣唯是文忠公之先世亦廬

楊序四

陵人也先忠襄捐糜殉國導
三忠而先路貳千故有忠襄
祠日久漸圯侍御胎飭而新
以文忠公之裔孫肅事豆籩飲
公之誼食公之德及讀公所

授三忠文選而益有感于公
之望意委因而深遠也今天
下盜賊滿野陷城破邑已十
百計而仗節歿疆之臣不數
數見人心屢陷日流淒脆夫

楊序五

文表率而風厲之其蘄有未
望也乎侍御之選三忠文抑
已夙願云今天下誠得如忠
簡之寥上忠烈之轟上與文
忠之難進易退其人也亦當

令勃谿可化踵頂可升國家
有不夢祿之人矣如是天下
何事不可辨且三君子者其
志固非詎以文章凌跨後人
也不過各辨天下事而已咎

楊序六

人謂莊削管韓之文妙千古
胎不過詎以術鳴天壤既而
其術果不可已廢而文亦因
以唐三君子之文之光日月
而尊千古大概類是而其術

已遠過之矣然而得侍御而
胎著剽顯晦亦有數也或曰
地在風紀事關激勸詎止爲
表暴其鄉人亦用以其乃職
爾矣文驄曰唯上匪獨此也詩

楊序七

曰高坐仰止景行行止侍御
于三君子蓋別有天性焉且
廬陵山川奇秀甲東南蔚然
人矣屢盛中馭靈氣鬱蟠發
露伊始踵三君子而大鳴于

天下舍侍御其誰歸侍御辨
天下大事也長斷之明一日
之職守乎哉謹序
崇禎丁丑九月朔日屬下門
人同里楊文驄撰

星先忠三先生文選目錄	廬陵後學胡接輝篤父父集選	友人 文江劉同升孝則父點定 毘陵薛 宋諧孟父批評	男 胡先庚編次	門人宋世臣	季光潛	李枝秀	彭起雲全較	一	三忠文選 目錄忠簡	宋胡忠簡先生	舊序	本傳	卷之一	制策	御試策一道 有題	卷之二	奏疏	上高宗封事
------------	--------------	--------------------------------	------------	-------	-----	-----	-------	---	--------------	--------	----	----	-----	----	----------	-----	----	-------

上孝宗封事

上孝宗論撰賀金國啓

上孝宗論兵法書

辭免寶文閣待制狀

辭免兵部侍郎狀

辭免宗正少卿乞賜罷黜狀

表

遺表

附經筵玉音問答有跋二首

三忠文選

目錄忠簡

二

卷之三

詩

題崖州洗兵亭

次雷州和朱或秀才韻時欲渡海

和林和靖先生梅韻五首

和張慶符題余作清江引圖二首

次張伯麟慶符

答友人

除夜次慶符

余戲作水墨四紙張慶符有詩因用其韻

乾道三年九月罷宴二首

哭趙公鼎

辭朝

家訓有序

卷之四

記

廬陵先師孔子廟記

周濂溪先生祠堂記

三忠文選

目錄忠簡

三

二友堂記

獲麟記

永興觀記

序

遜齋集序

跋

跋鄭亨仲樞密送邢晦詩

跋醉鄉圖

卷之五

墓誌銘

清節蕭先生墓誌銘

監察御史蕭公墓誌銘

宋大理寺丞補授湖南叅議弟從周墓誌

先兄民師配安人陳氏墓誌銘

宋故廸功郎權知袁州分宜縣事李公夫人

胡氏墓誌銘

祭文

祭張魏公文

三忠文選
目錄 忠簡

四

祭呂尚書文

祭蕭清節先生文

祭顏知叙文

傳

羅孝逸先生傳

卷之六

書

答譚思順書

答陳漢臣書

遺從子維寧書

答溫彥姪書二首

頌

後薌山頌

月中桂頌

疏

蓮花寺修造疏

蓮花寺重修造疏

修值夏街疏

三忠文選
目錄 忠簡

五

奉霄觀修殿疏

青原山抄題買田疏

宋胡忠簡先生文集舊序

故澹菴先生資政殿學士忠簡胡公。中興人物未能或之雙也。紹興戊午。高宗皇帝以顯仁皇太后駕未返。不得已將以大事小。屈尊和戎。先生上書力爭。至乞斬宰相。在廷大驚。金虜聞之。募其書千金。三日得之。君臣奪氣。知中國有人。奉皇太后以歸。自是胡馬不南者二十年。昔魯仲連不肯帝秦。秦軍聞之。却五十里。後人疑之。以爲說士之夸辭。以今揆古。古爲夸矣。以今觀今。今亦夸乎。信所見疑。所聞古今一也。吾

三忠文選

忠簡序

宋之安疆。不以百萬之師。而以先生之一言。後之人聞之者。焉知不若今之人。聞仲連之事者乎。亦以爲夸。未可知也。若今之人。親見先生之事。則誰以爲夸者。今事之夸與否。可信與否。不較也。使後之人。無所疑于古者。先生歟。今不信古。古奚病焉。後不信今。必當有時。而無不信者。逢其事。思其人。嗚呼。先生之事。其遠矣哉。先生之功。其遠矣哉。先生之文。肖其爲人。其議論閎。以挺其記古以則。其代言典而嚴。其書事約而悉。其爲詩。蓋自抵斥時宰。謫置嶺海。愁猗醋骨。

饑鳥血牙。風呻雨喁。濤譎波詭。有非人間之所堪耐者。宜養於心。而反昌於詩。視李杜夜郎。夔府之音。益加恢奇云。至於騷辭。涵范嶄峩。鉢剗刻屈。挾天之幽。洩神之秘。槁瘦而不瘁。惻愀而不懟。自宋玉而下。不。論也。靈均以來。一人而已。夫是數者。得其一。猶足以行于今。而傳于後。况萃其百乎。何其盛也。先生既歿。後二十年。其子澹。與其族孫秘。哀集先生之詩文。若干卷。目曰澹菴文集。欲刻板以傳。貧未能也。之官中。都舟過池陽。太守蔡侯。必勝相見。因問家集。慨然請

三忠文選

忠簡序

二

其書刻之。命郡文學周南董振之。學錄何巨源校讐之。未就而蔡侯移官山陽。雷侯孝友。顏侯棫。踵成之。嗟乎。先生之功。被於中國。名震夷狄。文範於學者。學者得其片言半簡。猶寶之師之。求見其書之全。何可得也。今三侯獨能刻而傳之。以幸學者。夫先生此集。爲之百年。而始成。使學者得之。今乃一日而盡見。三侯之用。心可不謂之尤賢矣哉。萬里嘗學於先生者。先生之言曰。道六經而文。未必六經者有之矣。道不六經而文。必六經者無之。先生之文。其所自出。蓋淵

矣哉。而萬里何足以知之。先生廬陵鄉城人。諱銓。字邦衡。澹菴其自號也。若其世系歷官行事。則丞相益國周公書之於神道碑云。慶元五年己未八月廿八日。通議大夫實文閣待制學士致仕門人楊萬里序。當楊誠齋先生時。幅幘暫安。臆馳猶嘯。北方殘局。有識者一日九迴腸圖之。故先生茲序。反覆于仲連忠簡之事。而未章復引屈原爲對。蓋數公皆生楚湘間。牢愁伊鬱。古今同情。且誠齋清寒類范萊蕪。而其文幽艷若此。豈獨宋廣平梅花賦爲不可測也。明後學薛案識。

三忠文選

忠簡序

三

胡忠簡公傳

胡忠簡公銓。字邦衡。廬陵值夏人。自幼以通特知名。嘗從鄉先生蕭楚學春秋。盡得其指。宋建炎二年。高宗策士維揚。問治道本天。天道本民。公對萬言。湯武以民而興。桀紂以天而亡。今陛下起于戈。鋒鏑間。外亂內訌。而策臣數十條。皆質之天。不聽於民。詞多切直。高宗異之。將冠多士。忌者移寘第五。授撫州軍事判官。未上。會隆祐太后避兵贛州。金人躡之。公哀叱爲兵按其衝。轉承直郎。擢吉州軍事判官。以父喪歸。紹興五年。督府張浚辟之。不赴。兵部尚書呂祉以賢良方正薦。賜對除編修官。八年。宰臣秦檜主和。金使以詔諭江南爲名。中外洶洶。公抗疏言曰。臣謹按王倫。本一狎邪小人。市井無賴。頃緣宰相無識。遂舉以使虜。專務詐誕。欺罔天聽。驟得美官。天下之人。切齒唾罵。今者無故誘致虜使。以詔諭江南爲名。是欲臣妾我也。是欲劉豫我也。劉豫臣事醜虜。南面稱王。自以爲子。帝王萬世不拔之業。一旦豺狼改慮。梓而縛之。

三忠文選

忠簡傳

一

子爲虜。殷鑒不遠。而倫又欲陛下效之。夫天下者。祖宗之天下也。陛下所居之位。祖宗之位也。奈何以祖宗之天下爲金虜之天下。以祖宗之位爲金虜藩臣之位。陛下一屈膝。則祖宗廟社之靈盡汙夷狄。祖宗數百年之赤子盡爲左袵。朝廷宰執盡爲陪臣。天下士大夫皆當裂冠毀冕。變爲胡服。異時豺狼無厭之求。安知不加我以無禮如劉豫也哉。夫三尺童子至無識也。指犬豕而使之拜。則佛然怒。今醜虜則犬豕也。堂堂大國。相率而拜犬豕。

三忠文選

忠簡傳

二

曾童孺之所羞。而陛下忍爲之耶。倫之議乃曰。我若屈膝。則梓官可還。太后可復。淵聖可歸。中原可得。嗚呼。自變故以來。主和議者誰不以此說啗陛下哉。然而卒無一驗。則虜之情僞已可知矣。陛下尚不覺悟。竭民膏血而不恤。忘國大讐而不報。含垢忍耻。舉天下而臣之。甘心焉。就令虜決可和。盡如倫議。天下後世謂陛下何如主。况醜虜變詐百出。而倫又以姦邪濟之。梓官決不可還。太后決不可復。淵聖決不可歸。中原決不可得。而此膝一屈。

不可復伸。國勢凌夷。不可復振。可爲痛哭流涕。長太息矣。向者陛下間關海道。危如累卵。當時尚不忍北面臣虜。况今國勢稍張。諸將盡銳。士卒思奮。如項者醜虜陸梁。僞豫入寇。固嘗敗之於襄陽。敗之於淮上。敗之於渦口。敗之於淮陰。較之往時蹈海之危。固已萬萬。儻不得已。而至於用兵。則我豈遠出虜人下哉。今無故而反臣之。欲屈萬乘之尊。下穹廬之拜。三軍之士。不戰而氣已索。此魯仲連所以義不帝秦。非惜夫帝秦之虛名。惜天下大勢有所不可也。今內而百官。外而軍民。萬口一談。皆欲食倫之肉。謗議洶洶。陛下不聞。正恐一旦變作禍。且不測。臣竊謂不斬王倫。國之存亡未可知也。雖然。倫不足道也。秦檜以腹心大臣而亦爲之。陛下有堯舜之資。檜不能致君如唐虞。而欲導陛下爲石晉。近者禮部侍郎曾開引古誼以折之。檜乃厲聲責曰。侍郎知故事。我獨不知。則檜之遂非。悞諫已自可見。而乃建白令臺諫侍臣僉議可否。是蓋畏天下議已。而令臺諫侍臣共分謫耳。有識之

三忠文選

忠簡傳

三

士皆以爲朝廷無人。吁。可惜哉。孔子曰。微管仲吾其披髮左衽矣。夫管仲霸者之佐耳。尚能變左衽之區而爲衣裳之會。秦檜大國之相也。反驅衣冠之俗而爲左衽之鄉。則檜也不唯陛下之罪人。實管仲之罪人矣。孫近傳會檜議。遂得叅知政事。天下望治有如饑渴。而近伴食中書。漫不敢可否事。檜曰。虜可和。近亦曰可和。檜曰。天子當拜。近亦曰當拜。臣嘗至政事堂。三發問而近不答。但曰。已令臺諫侍從議矣。嗚呼。參贊大政。徒取充位如此。有

三忠文選

忠簡傳

四

如虜騎長驅。尚能折衝禦侮耶。臣竊謂秦檜孫近亦可斬也。臣備員樞屬。義不與檜等共戴天。區區之心。願斬三人頭竿之禁街。然後羈留虜使。責以無禮。徐興問罪之師。則三軍之士。不戰而氣自倍。不然。臣有赴東海而死爾。寧能處小朝廷求活耶。書上。檜以公狂悖。除名。編管新州。臺諫多救之者。檜迫於公論。乃以公監廣州鹽倉。明年改簽書威武軍判官。十二年。諫官羅汝楫劾公飾非橫議。詔除名。編管新州。十八年。新州守張棣許公誦

訕怨望。移謫吉陽軍。二十六年。檜死。移衡州。初。吳師古劾公疏。金人募之千金。陳剛中以啟送之。甚爲稱譽。王廷珪亦以詩贈。或告檜。師古流袁州。廷珪流辰州。剛中謫安遠縣死焉。孝宗卽位。復奉議郎知饒州。召對。言修德結民練兵觀釁。帝曰。久聞卿直諫。除吏部郎官。遷秘書少監。擢起居郎。公奏曰。臣承乏左右史。竊見史失職者非一。尤甚者有四。昔唐太宗欲觀史。褚遂良以爲不可。恐史臣諱避不敢直書耳。則記注不必呈也。唐制皇帝御殿

三忠文選

忠簡傳

五

左右史夾列。善惡必書。許敬宗李義府用事。改立于殿東南隅。於是人主言動不得聞。則舊制宜復也。夫左右史侍天子之側。非有前後殿之分也。今獨侍後殿而前不與。義果安在。則前殿宜立也。昔文宗謂魏謩曰。事有不當。毋嫌論奏。故國朝左右史皆許前奏事。皇祐中。唐介論文彥博。帝怒。時蔡襄修起居注。直前論救。又曷嘗預牒閣門與必俟班次耶。則奏宜直前也。詔從之。兼侍講國史院編修官。公請都建康。其畧言漢高入關中。光武守信

都。夫與人鬪。不搯其吭。拊其背。不能全勝。今日大勢。自淮以北。天下之吭與背也。建康則搯之。拊之地也。若進據建康。下臨中原。此高光與王之計也。張浚王十朋克復宿州。將李顯忠與邵宏淵忿爭。軍大潰。十朋自劾。帝怒甚。公疏願毋以小過自沮。尋因災異求言。公應詔上書。大畧舉春秋災異。以明政令之闕。及上下之情不合。各有十。且言堯舜明四目。達四聰。雖有共鯀。不能塞也。秦二世以趙高爲腹心。劉項橫行而不得聞。漢成帝殺王章。趙高爲腹心。劉項橫行而不得聞。漢成帝殺王章。王氏移鼎而不得聞。靈帝殺何武陳蕃。天下橫潰而不得聞。梁武信朱异。侯景斬關而不得聞。隋煬帝信虞世基。李密稱帝而不得聞。唐明皇逐張九齡。安史胎禍而不得聞。陛下昔召臣及張燾辛次膺王。大寶王十朋並入。今燾與次膺十朋相繼去。大寶亦且行矣。獨臣在爾。以言爲諱。而欲寒災異之源。臣知其必不得也。公又言昔周世宗爲劉旻所敗。斬失律將何徽等七十人。軍威大震。卒敗旻。取淮南。定三關。夫一日戮七十將。豈復有將可用。

三忠文選

忠簡傳

六

而世宗終能恢復。豈非庸儒者去。則勇敢者出。近宿州之敗。士死敵者滿野。而諸將以金賂權貴。自解。天變昭然。惟陛下信賞必罰。以應天變。今廷臣以箝默爲賢。容悅爲忠。馴至興元之幸。所謂一言喪邦。帝曰。非卿不聞此。金人求成。公曰。金人知陛下銳意恢復。故以甘言款我。願絕口勿言和。帝以邊事倚張浚。而王之望尹穡專主和。排浚。銓廷責之。尋兼權中書舍人。同修國史。詔問廷臣和戎可否。時主和者半。兩持者半。言和不可者公一人而已。乃上疏陳其狀。言京師失守。自耿南仲主和。二聖播遷。自何臬主和。維揚失守。自汪伯彥黃潛善主和。完顏亮之變。自秦檜主和。議者乃曰。外雖和而內不怠戰。此權臣誤國之言。一溺于和。不能自振。尚能戰乎。除宗正少卿。乞補外。不許。先是金將以泗州及軍百人降。詔並爲節度使。公言受降古所難。六朝七得河南之地。不旋踵而皆失。梁武時。侯景以河南來奔。未幾而陷臺城。宣政間。郭藥師自燕雲來降。未幾爲中國患。今金三將內附。第

三忠文選

忠簡傳

七

高其爵祿。優其部曲。以繫中原之心。則可若處之近地。萬一包藏禍心。潛爲內應。後將噬臍。願勿任以兵柄。遷其衆於湖廣。以絕後患。二年。兼國子祭酒。尋除權兵部侍郎。帝以災異。詔廷臣言闕政急務。公以振災爲急務。議和爲闕政。其書曰。自靖康迄今凡四十年。三遭大變。皆在和議。則醜虜之不可與和明矣。肉食鄙夫。萬口一談。牢不可破。非不知和之害。而爭言爲和者。有三說焉。曰偷懦。曰苟安。曰附會。偷懦則不知立國。苟安則不戒。醜毒。附

三忠文選

忠簡傳

八

會則覲得美官。小人之情狀具於此矣。今日之議若成。則有可吊者十。若不成。則有可賀者亦十。請爲陛下極言之。何謂可吊者十。真宗時。宰相李沆謂王旦曰。我死公必爲相。切勿與虜和。吾聞出則無敵國外患。如是者國恒亡。若與虜和。自此中國必多事矣。旦殊不以爲然。旣而遂和。海內虛耗。旦始悔不用文靖之言。此可吊者一也。中原謳吟思歸之人。日夜引領。望陛下拯溺救焚。不啻赤子之望慈父母。一與虜和。則中原絕望。後悔何及。此可

吊者二也。海泗。今日之藩籬咽喉也。彼得海泗。且決吾藩籬以瞰吾室。扼吾咽喉以制吾命。則兩淮決不可保。兩淮不保。則大江決不可守。大江不守。則江浙決不可安。此可吊者三也。紹興戊午。和議旣成。檜建議。遣二三大臣如路允迪等分往南京等州。交割歸地。一旦叛盟。劫執允迪等。遂下親征之詔。虜復請和。其反覆變詐如此。檜猶不悟。奉之如初。事之愈謹。路之愈厚。卒有逆亮之變。驚動輦轂。大上謀欲入海。行朝居民一空。覆轍不遠。忽而

三忠文選

忠簡傳

九

不戒。臣恐後車又將覆也。此可吊者四也。紹興之和平議決。不與歸正人口血未乾。盡變前議。凡歸正之人。一切遣還。如程師回。趙良嗣等。聚族數百。幾爲蕭牆憂。今必盡索歸正之人。與之則反側生變。不與。則虜決不肯但已。夫反側則肘腋之變深。虜決不肯但已。則必別起釁端。猝有逆亮之謀。不知何以待之。此可吊者五也。自檜當國二十年間。竭民膏血以餌犬羊。迄今府庫無旬日之儲。千村萬落。生理蕭然。重以蝗蟲水潦。自此復和。則蠹國

害民。殆有甚焉者矣。此可吊者六也。今日之患。兵費已廣。養兵之外。又增歲幣。且少以十年計之。其費無慮數千億。而歲幣之外。又有私覲之費。私覲之外。又有賀正生辰之使。賀正生辰之外。又有泛使。一使未去。一使復來。生民疲於奔命。帑廩涸于將迎。瘠中國以肥虜。陛下何憚而爲之。此其可吊者七也。側聞虜人過望。欲書御名。欲去國號大字。欲用再拜。議者以爲繁文小節。不必計較。臣切以爲議者可斬也。夫四郊多壘。卿大夫之辱。楚子問鼎。義士之所深耻。獻納二字。富弼以死爭之。今虜虜橫行。與多壘孰辱。國號大小。與鼎輕重孰多。獻納二字。與再拜孰重。臣子欲君父屈已以從之。則是多壘不足辱。問鼎不必耻。獻納不必爭。此其可吊者八也。臣恐再拜不已。必至稱臣。稱臣不已。必至請降。請降不已。必至納土。納土不已。必至銜壁。銜壁不已。必至輿觀。輿觀不已。必至如晉帝青衣行酒。然後爲快。此其可吊者九也。事至於此。求爲匹夫尚可。得乎。此其可吊者十也。竊觀今日之勢。

三忠文選

忠簡傳

十

和決不成。儻乾剛獨斷。追回使者。魏杞、康濟等絕請和之議。以鼓戰士。下哀痛之詔。以收民心。天下庶乎其可爲矣。如此則有可賀者亦十。省數千億之歲幣。一也。專意武備。足食足兵。二也。無書名之耻。三也。無去大之辱。四也。無再拜之屈。五也。無稱臣之忿。六也。無請降之禍。七也。無納土之悲。八也。無銜壁輿觀之醜。九也。無青衣行酒之冤。十也。去十吊而就十賀。利害較然。雖三尺童穉亦知之。而陛下不悟。春秋左氏謂無勇者爲婦人。今日舉朝之士皆婦人也。如以臣言爲不然。乞賜流放竄殛。以爲臣子出位犯分之戒。自符離之敗。以棄唐鄧。海泗四州與虜。金又欲得商秦地。邀歲幣。留使者魏杞。分兵攻淮。於是命公措置浙西。淮東海道。時金兵號八十萬。劉寶棄楚州。王彥棄昭關。濠滁皆陷。惟高郵守臣陳敏拒敵射陽湖。而大將李寶預求密詔爲自安計。擁兵不救。公劾奏之曰。臣受詔令范榮備淮。李寶備江。緩急相援。今寶視敏弗救。若射陽失守。大事去矣。寶懼。始出師犄角。時大雪。

三忠文選

忠簡傳

十一

河水皆合。公先持鐵錘鎚水。士皆用命。金人遂退。乾道初。以集英殿修撰知漳州。改全州。人奏事。留爲工部侍郎。公曰。陛下嘗許臣誓不與虜和。何爲中變。又謂臣夾移蹕建康。何爲中輟。上曰。以民之不易少須。公曰。少康以一旅復禹蹟。陛下富有四海。卽位九年。耻尚未復。且四方水旱。請令有司速爲備。歷數文閣直學士。嘗宴見。言初經筵之臣七人。惟臣獨在。臣老矣。願乞身歸田里。上問今安歸。對曰。臣廬陵人。向在嶺海訓傳諸經。欲成此書。特賜犀帶寵之。歸。上所著易春秋周禮禮記解。詔藏秘書省。累轉朝奉郎。進封開國伯。又進封郡侯。淳熙六年。召赴行在所。辭不許。遂力疾轉朝議大夫。久之。以資政殿學士致仕。明年卒。口授遺表。有死爲厲鬼殺賊之語。表聞。特贈通議大夫。嘗名其菴曰澹。取賈生澹若深淵意。有澹菴集一百卷。孫桀。皆官至尚書。

按公封事。揭文安謂是左司郎中豐城范濬所爲。將奏。以示忠簡。忠簡曰。書奏卽不免南

遷。子有老母。不可以累母。吾以奏之。遂有新州之命。楊文貞公於內府檢志書。見豐水志載范濬事。云爲戶部檢詳時。欲與胡銓相繼論奏和議。胡首抗章。范實從之。胡之逐。又瞋其行。未嘗云此書范所爲也。豐水志作於宋南渡後。當得實。不知文安何自而云然。此文貞書封事藁後云。且謂筆法出顏魯公。蓋忠義之性有相契焉。萬曆辛亥春三月甲子。鄉後學曾皋謹識。

宋胡忠簡先生文選卷之一

制策

御試策一道有題

蓋聞治道本天。天道本民。故視聽從違。不急於算數。占候。而惟民是察。持以至誠。無遠弗届。古先哲王。罔不由斯道也。朕承宗廟社稷之託。於倏擾阡危之後。懷父母兄弟之憂。於携貳單微之時。念必撫民以格天。庶或悔過以靖亂。踰年於茲。寢興在是。故府庫單匱。軍費倍滋。而賦歛加薄。外患未彌。盜寇尚多。而追三忠文選卷一忠簡

胥有程。擇守令以厚牧養。責按廉以戢貪暴。命令爲民而下者十常六七。凡曰聚所欲去所惡者。朕未有聞而不恤恤而不行也。然而迎親之使接武在道。而敵情未孚。保國之謀刻意在兵。而軍勢未張。躬純儉以敦本。而奢侈之習未悛。擴太公以小訓。而私罔之俗尙勝。酬賚不足。以振偷惰之氣。播告不足以革狂悖之心。田疇未安。旱蝗害歲。登朕不德。無以動天聽。抑政令失宜。而民以爲病乎。何精神之弗效。而禍亂之難戢也。伊欲復親族。奠疆場。清寇攘。善風俗。使百

此時最忌諱康之失故有答既往云云

姓樂業而疊疊迂衡。何脩而可以臻此。子大夫涉艱險以副詳延。誠亦勤矣。其必有至言欲爲朕陳者。其悉言之。無隱。若乃矜空文而無補於實。咎既往而無益於今者。非朕之所欲聞也。其以朕之未聞而切於時者言之。朕將親覽焉。

臣聞國將興。聽於民國。將亡聽於天。湯武聽於民。其興也勃焉。桀紂聽於天。其亡也忽焉。方桀紂之未亡也。謂已有天命。曰我生不有命在天。彼以天命爲真。可恃。偃然自謂于孫帝王萬世之業也。及其亡也。諸三忠文選卷一忠簡

侯歸商者三千。茲以勝夏。則成湯以興。諸侯歸周者八百。茲以勝商。則武王以興。湯武聽於民而反以興。非民興之也。脩人事以應天。是以興。桀紂聽於天而反以亡。非天亡之也。恃天命而虐於人。是以亡。興亡之端。厥監在民。而不在天。甚易曉也。而中材庸主。每反之。此忠臣義士所以深悲天下之亂。相尋而世主不悟也。陛下起于戈鋒鏑之間。適值天下俗忽。不暇給之秋。外亂內訌。儉人秉朝。邊方有風塵之虞。中原有新羈之馬。赤子入無知之。於盜起。禍稔蕭

牆王室搖搖然幾如一髮引千鈞。當此之時。可謂亂甚矣。臣愚謂陛下宜焦心宵旰。聽於民之時也。而陛下策臣等數十條。大槩質之於天。首曰。蓋聞治道本天。天道本民。又曰。豈朕不德。無以動天。又曰。何精神之弗效。而禍亂之難戢也。似皆聽於天者。此臣等所以深疑。而願爲陛下直言無諱也。伏讀

聖策曰。蓋聞治道本天。天道本民。故視聽從違。不急於算數。占候而惟民是察。持以至誠。無遠弗届。古先哲王。罔不由斯道也。臣有以見陛下聽於天而不聽

三忠文選 卷一 忠簡

三

於民之弊也。臣銓按春秋禍亂之由。與祖宗已然之故事。爲陛下陳之。爲春秋之說者曰。王次天。王次春。王者上承天之所爲。而下以正其所爲。此漢儒傳會之論。臣謂不然。臣聞聖人作春秋。尊一王之法。爲萬代之訓。未嘗有明言天者。蓋天道難測。若深言之。則遂以爲茫昧莫究。而忽於天。若淺言之。則天下後世遂溺於陰陽災異。而蔽於天。聖人推其變於天。常與人事雜而書之。至其變見禍敗。或應於數十年之後。甚則或不旋踵而應。國家將有失道之敗。天乃出家

異以譴告之。不知自省。又出怪異以警懼之。尚不改悔。覆敗乃至。苟無其事。變不虛生。若痛自惕懼。側身脩行。則禍災滅塞。禍可轉福。此春秋之大幾也。以是知天心之愛人君而欲止其亂也。自非大亾道之世。天盡欲扶持全安之。此古先哲王所以持其至誠而不急於算數占候。誠知夫天人相與之際。甚可畏也。我國家自江南平定。太祖威宇縣分割。生民受弊。陛下惻然思布德以撫養之。是時識者知天命固已牢不可解矣。且如擇一法官細事也。而太祖擇王濟。則

三忠文選 卷十 忠簡

四

日無或有寬濫以致天災。任一憲臺細事也。而真宗選諸道提典刑獄。則曰。一夫受冤。卽有灾沴。夫一夫受冤。宜未害也。而祖宗惕然動念。懼致天罰。則民之不可忽而造物之不可欺也。明矣。陛下龍飛之初。傳檄四走。天下莫不翕然響應。臣愚雖不識天以人事驗之。知天意固已有在。比來聖慮漸解。浸不克終。國勢委靡而不振。生民愁苦而無聊。天意向背。殆有不測。可勝寒心。臣願陛下持以至誠。以春秋爲戒。而謹持之。以祖宗爲監。而力行之。毋以草茅之言而罷之。

處處下
此危論
不獨見
文章顯
頌

則天下幸甚。

聖策曰。朕承宗廟社稷之託。於倣擾阡危之後。懷父母兄弟之憂。於攜貳單微之時。念必撫民以格天。庶或悔過以靖亂。踰年於茲。寢興在是。茲又陛下聽於天而不聽於民之弊也。嗚呼。陛下興言及此。亦知有宗廟社稷之託乎。亦知有父母兄弟之憂乎。亦知有宗廟社稷之託。則所與任其託者。為誰。知有父母兄弟之憂。則所與分其憂者。為誰。任其託。分其憂。一非其人。則天下之大勢。無復救矣。臣聞天下大器。得之甚難。敗之甚易。莫不由夫祖宗辛苦艱難。以成立之。莫不由夫子孫頑率奢傲。以覆墜之。成立於百年而覆墜於一日。遂使祖宗艱難之業。并與祖宗社稷之業。一旦成墟。是以聖人作春秋。於亂君亡國。痛以王法繩之。謹按昭公二十二年。書王室亂。劉子單子以王猛居於皇。是時新有景王之難。王猛以幼冲而嗣大位。劉單以庸材而相幼君。社稷危如贅疣。則王室安得不亂。夫王室天下根本。根本一亂。而播遷於皇。則倣擾阡危亦甚矣。卒之天王播遷。避子朝之難。終

三忠文選 卷一 忠簡

五

敬切之
言正足
開悟人
主

昭公之世。僅復成周。至黃池之會。天下奔潰。而聖人獨反覆書之。重社稷也。陛下單微幼冲之資。獨戡多難。則危如王猛。左右大臣。以儉倖之才。而佐大計。則庸如劉單。臣恐王室之難。又甚於子朝之難矣。安知江都之幸。不變為狄泉之脇迫乎。是陛下知承宗廟社稷之託。於倣擾阡危之後。而未知荆卿何乃竊發於肘腋之間。願陛下思太祖得天下之難。而早圖之。監春秋王室之禍。而慎守之。毋謂懷父母兄弟之憂。於攜貳單微之時。而遂解體也。謹按襄公二十八年。書曰。公如楚。二十九年。書曰。公在楚。又曰。公至自楚。竊原公如晉。如齊。如京。師皆未嘗書在。獨於楚書在。何也。曰。楚虎狼之國也。襄公如楚。既非常。而逾年不返。禍且不測。書曰。在楚者。蓋臣子痛君之失所在也。以今兩宮有沙漠之符。孰與如楚之危哉。且襄公二十八年如楚。至二十九年而歸。春秋深危之。况兩宮暴露於穹廬。三年於此矣。則陛下懷父母兄弟之憂。臣愚不知何以處之。為陛下計者。獨不念在楚之事乎。臣願慎擇賢佐。惟斷惟果。側身憂慮。如宣王勵精。

三忠文選 卷一 忠簡

六

綜核如孝宣。鋤去亂畧如光武。剛明果斷如憲宗。復讐刷耻如勾踐。以春秋爲戒而謹持之。以祖宗爲監而力行之。毋以草茅之言而罷之。則天下幸甚。

陛下首策以此。中則曰府庫單。置軍費倍滋。而賦歛加薄。外患未彌。盜寇尙多。而追胥有程。擇守令以厚牧養。責按廉以戢貪暴。命令爲民而下者。十常六七。凡曰聚所欲去所惡者。朕未有聞而不恤恤而不行也。此又陛下聽於天而不聽於民之弊也。臣聞治天下者。正如療疾。方天下之未受病也。府庫單。置軍費。

三忠文選

卷一 忠簡

七

倍滋。則病在血脉矣。外患未彌。盜寇尙多。則病在腸胃矣。客邪干正矣。擇守令以厚牧養。猶導之以湯液。醪醴而助真氣也。責按廉以戢貪暴。猶投之以砒劑而攻強陽也。如使人血脉受病。腸胃又受病而導之以湯液。醪醴者。或失節焉。則疾益甚。疾既甚而投之以砒劑者。又非良焉。祇速其死耳。醫國者亦然。故方天下受病之際。府庫竭矣。外患熾矣。寇盜多矣。乃牧之以不賢之守令。擾之以不才之按廉。是猶疾已深而投之野葛。豈不始哉。臣請歷言其弊。臣聞府庫單。

置軍費倍滋者。以兵冗而坐食也。以師老而費財也。以生寡而食衆也。三者今之大弊也。自古兵無事則不可使聚。聚則不可使無事。而食其勢然也。昔漢之兵制。有踐更之卒。而無營田之兵。京師亦不過南北。朔門羽林之兵而止。邊境有事。諸侯有變。則皆以虎符調發郡縣之兵。事已輟罷。是以其兵雖不知農而天下不困。兵甲未嘗聚也。唐制十六衛。無事則力耕而積粟。非但自贍。且以廣縣官之儲。是以其兵雖聚於京師。而天下亦不困者。未嘗無事而食也。我朝沿。

三忠文選

卷一 忠簡

八

近代養兵之法。中下一兵。衣糧給與歲約五六十緡。太祖得周代之兵。中外止有二萬而已。至乾德間。中外止有十萬兵耳。太宗盡有天下。添兵至多。亦止三十餘萬。真宗當全盛之時。乃始五十餘萬而已。當時軍數非多。尙慮耗蠹調度。命汰疲冗。周瑩不奉減兵之詔。則怒而罷之。向敏中奏軍額漸多。則反覆詰難之。誠知夫兵無事則不可使聚。聚則不可使無事。而食也。臣故曰兵冗而坐食。今之最大弊也。按兵法。興師十萬。日費千金。以日計之。費已如此。況今曠日彌。

卷本至
言此為
謝安

年兵拏不解。百人仰食縣官。則挾千夫之名。大槩雖數百為輩。要歸則無異於數十萬之兵。而坐食連年。無毫髮功。則農之力安得不困。餽餉之辛安得不疲。謹按莊公八年。春師次干郎。夏師及齊師。師。秋師還。春秋書用兵未有歷三時而後返者。獨於此書春書夏書秋。惡莊公無故勞師興闢。邲之役。卒之邲降於齊而魯師無功。比秋乃還。故書曰師還者。惡夏已無功。秋始班師。暴露滯留之甚也。是後二十八年有告糴之舉。其禍正基於闢邲之役。以今征役之久。動三忠文選卷一忠簡九

至累年。較之春秋三時返者不已太甚乎。則府庫竭而軍費滋。自不足怪。臣故曰師老而費財者。今之最太弊也。兵冗而坐食。師老而費財。加以生寡食衆。入少出多。陛下雖賦歛加薄。而州縣之重科實厚。何則。用度既賒。則其勢不得不取於民矣。臣前所謂追胥有程。而外患未彌。寇盜尚多者。其害在朝廷多過。生靈多怨。使朝廷無過。生靈無怨。則外患寇盜亦何名而動哉。蓋古姦雄如陳涉吳廣之起。於秦亦肩黃巾之起。於漢蘇峻之亂。晉安史之亂。唐朱泚之亂。皆起於秦。

伺朝廷之過。執以為辭。幸生靈之怨唱而稱義。遂至迭起郡縣。劫令役守。相挺為亂。今明盛之朝。豈有大過。竊聞長老之嘆。或謂近戚撓權。奸臣竊柄。刑賞不必行。小人不盡除。綱紀不勝張。此豈過之漸耶。何則。自古亂天下國家。多自近戚撓權始。如漢之諸呂竇霍。唐之諸武韋。竊弄朝柄。一敗亦族國家俱破。今肅肅領樞柄。威屬將衛兵。漢南北軍之禍。其監不遠。尚不少戢。是謂朝廷之過而起姦雄之膽。大亂之後。豈宜復然。晉趙王倫石勒之徒。心窺人主。口責宰相。實奸雄伺過而後動。不幸因之以饑饉。加之。以灾荒。生民愁苦而無聊。則奸人乘隙奮飛。血流千里。此外患所以未彌。寇盜所以尚多。是雖追胥有程。何以救其亂。謹按昭公十一年。楚子虔誘蔡聲殺之。于中蔡聲執趙之賊。王誅之所必加。春秋又惡是。寧何也。曰討蔡殷可矣。誘而討之。此匹夫之義。春秋所甚惡也。前日下詔招納叛臣。許以不死。此輩皆投戈請命。謂陛下示以大信也。然而陽示以信。陰加以刑。是誘討也。陛下為人父母。奈何以天子詔書為誘人。

之餌。臣恐大信一失。則後來以招降爲悔。自今上下相忌。如寇讐聚處。得間則更相魚肉。惟先發者爲雄耳。何怪乎寇盜之未彌乎。臣前所謂擇守令以厚牧養。而守令多不賢者。朝廷輕守令也。責按廉以戢貪暴。而按廉多不才者。朝廷輕按廉也。守令一不賢。則郡縣受禍。按廉一不才。則守令敢於爲姦。故擇守令在擇按廉。此祖宗之成法也。太祖太宗注意守令尤切。太宗嘗親選諸州長吏。又親書其曆。戒曰。公務刑政。惠愛小民。奉法除奸。方可書爲勞績。因顧謂錢若水曰。朕暑中書此。豈不勞乎。蓋謂任官擇人以安百姓耳。嗚呼。太宗不憚盛暑而親札賜行。今守令則未有召對者。太宗躬自選擇而延見。使殿今乃有赴吏部而注擬者。是朝廷輕守令也。朝廷輕守令。則守令輕郡縣。郡縣之職一輕。則牧養之方盡廢。使要近州縣。或非其人。彼畏朝廷耳目之近。尚憚不敢逞。若遠方細民。雖使盜跖爲之守。櫛食饕爲之令。斯民雖千百爲輩。號呼聚罵。朝廷不知其爲害。豈不大哉。臣聞太祖以錢文敏知瀘州。戒之曰。比聞郭思濟播歎

三忠文選 卷一 忠簡

十一

不法。恃其遐遠。謂朝廷不知耳。至則爲朕鞠之。夫瀘州去京師四千餘里。而郭思濟不法。朝廷已盡知之。今州縣稍遠者。其守令過失。朝廷乃不聞。則遠如瀘州者。陛下必不能知也。彼何憚而不爲盜耶。然則所賴以糾察其弊者。尚賴按廉耳。如按廉又非其人。則其禍可勝言哉。臣聞太祖以按廉之職。出爲朝廷耳目。或由聖選。或由舉克。選之既艱。則任之亦重。凡寬一按廉。是壞一路之事。一路不治。是使數百萬軍民受殃。自太宗卽位。勵精求治。詔轉運使考察職任之廢舉。又遣使廉察官吏之汙潔。如劉文質察舉部內官吏。則有遷移之寵。如王德裔部內不治。則有黜削之罰。賞罰如此其嚴。則按廉振威按廉振威。則守令振職。厥今守令不職。是按廉未得其人也。往者遣使撫諭諸道。天下想望風采。以爲行被大惠。卒之厨傳騷然。賄賂公行。甚者責子女於郡縣。輦家屬以偕行。雖官以撫諭爲名。而民有供役之苦。守令之外復增一蠹。夫遠方細民不幸。遭不賢守宰。終歲抱冤。引領轡軒之出。以雪其憤。而按廉又不才。是使終身懷冤

三忠文選 卷一 忠簡

十二

而莫之控愬也。則民安得不多怨而易動。此奸雄所以竊發也。謹按春秋閔公元年。齊仲孫來。聖人佳而字之。重其將命從宜以安鄰國之難。方閔之初。叔牙慶父謀孽魯禍。閔公始立。國人危如贅疣。齊人可折箠而取之。當是時。魯之輕重在齊。仲孫乃能說其君。務寧魯難。卒使閔不失國。而魯人以安。秋毫皆其力也。經書仲孫之來。喜其出而安民存魯也。以今兩河淮甸兵革之餘。豈不甚於魯國之難。而按廉之出。未聞如仲孫以務寧魯難爲意者。以春秋之法責之。則

三忠文選

卷一 忠節

十三

罪人矣。臣故曰。守令不職。是按廉未得人。夫以守令既不職。按廉又失職如此。則陛下命令爲民而下。雖十常六七。而墮過詔書。十常八九矣。是陛下有恤民之詔。無及民之惠州縣知有守牧之令。不聞有天子之詔。三數年來。邊防用兵。凡百科歛。不問四方有無物之地。但嚴令督責之。近海州軍。例科鉅餉。居山州縣。例買鵝翎。有司既不辨有無。州縣或罕能條奏。官取一物而民費數倍。且如前日勸誘一事。監司責辦於郡。郡責辦於縣。縣移文於鄉。假軍急迫爲名。迫若

星火。小有不至。械繫苦楚。人皆畏死。其敢有辭。是名爲勸誘。而實暴歛之。監司郡守。但務上供。以悅朝廷。則忽而不知省宰相大臣。但務足用以悅陛下。則知而不敢言。上下相蒙。民窮無訴。是陛下恤民之詔。雖多於孝文。而天下乾耗。乃甚於孝武。傷和召怨。咎將誰歸。臣聞咸平中。議改元赦書。頗多蠲免。或謂三司必以惠澤太廣爲言。真宗責曰。非理害民之事。朝廷所不可行。若赦令既行。必使良人受賜矣。時方午雷震。帝惻然曰。豈赦令少及民之惠。上天以雷震朕耶。三忠文選

卷一 忠節

十四

嗚呼。祖宗以赦令未遍。懼速天罰。則陛下命令多墮。實悖天心。其害殆不爲細。願陛下以春秋爲戒。而謹持之。以祖宗爲監。而力行之。毋以草茅之言而罷之。則天下幸甚。陛下中策以此。又念迎親之使。接武在道。而敵情未孚。保國之謀。刻意在兵。而軍勢未張。躬純儉以敦本。而奢侈之習未悛。擴太公以示訓。而私罔之俗尙勝。刑罰不足以振偷惰之氣。布告不足以革狂悖之心。田畝未安。蝗旱害歲。豈朕不德。無以動天。抑政令失

修惟
之力
一詞
生起
文何
筆力

三忠文選 卷一 忠簡

十五

宜而民以爲病乎。何精神之弗效。而禍亂之難戢也。此又見陛下聽於天而不聽於民之弊也。臣謂陛下躬純儉而驕奢未悛者。是陛下未必純儉也。擴太公而私罔尙勝者。是太公未必能擴也。賞罰不足以振偷惰。是大柄下移也。播告不足以革狂悖。是危亂之兆也。田畝未安而旱蝗害歲。則生民失職而怨診並作也。乃若遣迎親之使而敵情未孚。則臣竊有說焉。臣聞慶曆中。契丹聚兵境上。遣其使蕭英劉六符來聘。是時使來非時。而兵旣壓境。中外忿怨。仁宗皇帝命宰相擇所以報聘者。得左正言富弼。片言折六符之謀。卒挫虜主。自景德以來。北方無事八十餘年。於此矣。豈惟弼之力哉。是時宰相則晏殊。參政則范仲淹。樞密則杜衍韓琦。諫官則余靖歐陽脩。皆天下所仰望。而北虜之所畏憚也。彼知朝廷有人。故弼之計得行。而虜計不得逞。以今廟堂之上。宰相有知晏殊者乎。參政有如范仲淹者乎。樞密有如韓琦杜衍者乎。諫官有如余靖歐陽脩者乎。臣知陛下必無此等人物矣。而欲求敵情之孚。此臣大惑也。臣聞猛虎所

三忠文選 卷一 忠簡

十六

以爲百獸畏者。爲爪牙也。使棄其爪牙。則孤豚特犢。皆得搏噬之。譬之國無勁兵。則叢爾醜虜。皆爲勍敵。故春秋雖惡窮兵之禍。至于兵不素養。而取其臨時又深惡之。謹按僖公二十六年。齊人伐我北鄙。公于遂如楚乞師。公以楚師伐齊取穀。說者曰。乞重辭也。重師也。臣謂聖人非惟意在於重師。蓋惡魯之無備也。夫齊爲魯難久已。自獻之役。齊敗於宋而魯不救。是時孝公有切骨之恨。至二十六年春。侵我西鄙。終已結矣。爲魯計者。正宜蚤夜預防。常若寇至。乃恬然熟臥。養成腹脇之疽。報不旋踵。而齊人伐我北鄙矣。乃至乞師於楚。以取穀焉。假夷狄而伐中國。不可之最大者也。以今醜虜大張。害甚於齊。而兵不素養。乃甚於魯。議者乃欲借助兵于高麗。何異乞師於楚。以伐穀者哉。是陛下徒知軍勢之未張。而不知兵將之未練也。可爲陛下痛哭流涕者此也。國初劍南交廣。各僭大號。荆南江廣。不通貢奉。西戎北狄。未盡賓服。太祖垂意將帥。命李漢超等守關南。命郭進禦并寇。命姚守斌守慶州。以爲旣得名將。非厚通其意。無以

得其死力。故許收逐郡關征酒榷之利。不惟養犒士卒。兼使豐富其家。又慮所費不足。仍許圖回其家屬在京師者。并厚撫之。則將帥之心更無私慮。但專力於邊事而已。又慮奏陳之事未盡機要。時許入朝自陳。至升殿賜坐。又復厚賜遣之。以故邊臣多富於財。得以養募死力。使爲間諜。盡知蕃夷情狀。多致克捷。三十年間。無西北之憂。平西蜀。復湖湘。下嶺表。克江南。盡得東南之地。雖諸將之功實太祖。馭將之力也。以今將士偏裨。其雄挺孰與李漢超。其才略孰與姚三忠文選。卷十忠簡。十七。守斌。其鎮重孰與馬仁瑀。其運籌決敵孰與韓令坤。以今陛下駕馭諸將孰與太祖。然而借之重權。祿之顯秩。賜之重賞。其恩已過先朝數等矣。是陛下擇將不如太祖。而恩禮則過之。適足以啓諸將之驕心。而長姦臣之觖望。假令恢復南河。迎還二聖。陛下何以加之。夫戰勝之兵。勇智百倍。敗亡之卒。沒世不復。蓋所以戰勝者氣也。今之士不戰而氣已索。此天下之憂也。昔者六國之際。秦人出兵於山東。開關延敵。六國之師皆逡巡不敢進。然長平之敗。廉頗猶能收拾。

餘燼。北摧粟腹。西抗強秦。振刷磨淬。不自屈服。是時秦圍邯鄲。梁王使新將軍如趙。遂欲帝秦而魯仲連慷慨涕泣以爲不可。非惜帝秦之虛名也。惜天下之大勢有所不可也。而議者乃謂宜尊奉夷虜。不可一觸其意。陛下何不以魯仲連抗秦之事論之。然則何惟乎軍勢之未張也。夫春秋何爲而作也。爲天下無王而作也。周衰。天下不知有王。陪臣執國命。家臣僭大夫。聖人有憂之。作春秋以代王之賞罰。書天子。書王。書天王。則至大之稱。天王與周官司服所稱天王。主忠文選。卷十忠簡。十八。皆以嗣君之初。君道未著。人心未寧。正危疑之機。大姦之所伺。非常之時。故大威武以防之。稱天王者。大威武以防天下之時。故曰非常也。然則又書天子。書王何也。曰春秋作。王者威權喪矣。大政大法。諸侯擅而行之。怙強恃衆。迭相吞據。是本末大弱之世。名分大亂之時。非剛健大過人之才。若九四焉。不足以震其弱。非毒衆窮討之役。若唐太宗焉。不足以戢其亂。故仲尼於春秋。凡有出於上爲之者。皆書天王。言於斯世王之所爲。當大誅賞。不可循常道。冀後世興王。

知變也是時吳楚之君皆賜視虎踞。僭號稱王。諸蠻羣酋。薦據中土。如此。則文辭之告。猶可治之也。歟。霸侯暴風。迭相吞噬。伯子之存。不能十數。如此。則誅賞之令。猶可治之也。歟。故曰。如有用我者。吾其爲東周乎。東周僅存。禮文而已。非撥亂反正之道也。故春秋書天王者。正賞罰於大亂之後也。若事非王爲。但從諸侯之稱。只書王者。禮之常也。其曰天子者。所謂至貴以親諸侯也。莊王不稱天王。以其寵弒逆之人。不足以當至大之稱。故去天子以重其譏。重莊王之譏。三忠文選 卷一 忠簡 十九

則魯元之罪彰矣。春秋大逆。外始於州吁。內始於魯元。聖人著其惡如此。若曰。世亂則從惡者多。趨善者鮮。善若不予。則是賞不足以有勸。大奸大惡。不加誅。則是罰不足以有懲。賞罰不行。而能興衰撥亂者。無有矣。陛下臨御之初。正春秋危疑之機。書天王以臨下之時。大柄大權。乃悉竊弄。權臣之手。太阿倒持。收之良難。是陛下有春秋之亂。而無春秋之賞罰。何以駕馭羣雄。而平大亂也。竊觀太祖太宗。所以取天下。其大要在賞罰二事而已。當時賞則甚薄。刑則甚嚴。

方澶淵之役。李繼隆有疾。戰破虜之功。但加開府階耳。臣嘗惟真宗何賞如是之薄也。其深意以謂。旣殺虜將。而不能破其衆。此將之可責也。有將帥之寄。而獨賞內臣。不可以爲後世法。此所以薄其賞一也。又以自古官者。領兵未嘗不爲亂。如太宗朝。內侍王繼恩。出平蜀亂。有大功。止受宣政使。爾謹守先帝之法。而不敢違。此所以薄其賞二也。至馭之以刑。則未嘗不嚴。且如主將戰沒。則降黜別將。如王繼勲者。誅戮親兵。如荆罕儒者。威令如此嚴。則人皆死力求賞。故王忠文選 卷一 忠簡 二十

太祖兵法。罪在不赦。春秋兵法。尤嚴於馭軍。城濮之役。楚師敗績。則得臣死之。書曰。殺其大夫。得臣罪在得臣也。鄢陵之役。楚又敗績。則子反死之。書曰。殺其大夫公子反。罪在子反也。二子皆以失律喪師。不遑重戮。則見夷狄用兵。其刑賞常嚴。而中國常寬。此夷狄所以常得志於成。襄之後。中國累累受制於吳楚者。抑有由矣。厥今軍勢未張。而動見敗衄。是有春秋之亂。而無春秋之賞罰。臣故曰。賞罰不足以振偷惰。則是太柄下移也。如使大柄一移。則陛下徒擁虛器。

此處不
容少錯

注黃泰
之之
原委

而已。何怪乎播告不足以革狂悖也。然臣愚不識狂悖者爲誰。謂前日詆忤權臣者爲狂悖乎。謂左右便嬖爲狂悖乎。則陛下豈不能斷然而去之哉。竊料陛下所以不能去之者。則是推委權臣之弊也。自古以推委臣下爲盛美。然亦或以治。或以亂。漢高祖委任羣傑。則治。至其後推委王鳳。王音。至於王莽。則亂。光武推委二十八將。而取天下。則治。至其推委后族。至于董呂二袁。則亂。魏委荀彧。則治。至委司馬懿。則亂。唐文皇駕馭英豪。而取天下。則治。至明皇推委李林甫。楊國忠。則亂。初以推委而天下治。終以推委而天下亂。何弊之然哉。當推委之際。超擢十人。上從其九。是九分之恩出乎下矣。如此。則數年間。左右前後皆權臣之黨也。若黜削十人。上從其九。是九分之威出乎下矣。如此。則數年之間。中外遠近無敢忤權臣者。以故忠義解體。而上下之勢孤也。前日將相大臣放意誅戮。寬及無辜。陛下不得一舉手。此豈推委之弊耶。明皇天寶之禍。未大遠也。此可不爲寒心哉。厥令天下大體皆壞。獨祖宗德澤未泯。人心未厭。譬如病

王忠文選卷一 忠簡

三

羸之人。厭厭殆盡。獨血氣尚在。爾如使人心一離。則是血氣又將絕。天下無復可言矣。而陛下以田畝未安。旱蝗害歲爲患。則是生民失職。人心將離。血氣將絕之時也。謹按春秋。災異變見。常與人事相符。災異見於上。則禍變罹於下。猶鐵炭之低昂。見效可信也。凡春秋書蟲者。傷旱蝗之害稼也。然書蟲凡九。而哀之甚也。按是時。十三年之間。而師師伐某。侵某。取某。戰于某地。比他公爲特甚。于戈至此。而糜爛其民矣。生民至此。而爲血肉矣。黃池之會。夷狄主盟。中國天下日趨於亡矣。乃復暴興田賦。民怨禍稔。歲大旱蝗。人有鬻食之苦。聖人於此。不一年而三書蟲。傷之也。是知旱蝗之患。實兵戈怨毒之餘所由作也。比年以來。醜虜橫行。于戈爛漫。而不息。本營。年不戰。生民日委頓。四夷日熾盛。天下不知有生之樂。歲年於此矣。瘡痍之日。肝腦塗地。丘壠發擗。辜及枯骨。此肉腐血流者。不知幾億萬生靈之命。陛下不得而見也。士卒死邊野之外。婦哭其夫。母哭其子。寡婦弱子。抱負

王忠文選卷一 忠簡

三

輻車望冤哀於千里之外。途悲巷泣。怨痛徹天。陛下不得而聞也。陛下不見其所不見。不聞其所不聞。驅民萬死之地。而卒無一毫之利。積毀銷骨。積冤傷和。陰沴作而灾禍興。何惟乎田畝之未安。旱蝗之害歲也。今者兩河淮甸。赤地千里。飛蝗蔽天。公卿大臣。熟視無計。而請為遣蝗之舉。嗚呼。正使蝗而可遣。是移腹心之疾。而真諸股肱。不知他境之民何苦而加之哉。臣聞天禧中。真宗以再歲旱蝗。秋稼不稔。慨然動念。寔慮政令闕失。有爽天意。因詔削鹽茶條禁之峻。三忠文選 卷一 忠簡 三

刻者以懲旱蝗之變。以今政令闕達。豈惟鹽茶一二事而已。臣知旱蝗為害實天意大警。陛下也。而議者尚謂天灾流行。由曆數運會。非政令失宜之咎。嗚呼。天下有善則歸諸已。天下有禍則歸之天。此何聖賢之用心也。願陛下少戢誅討。少息調發。練兵實粟。養吾銳氣。而令中國之力。以消蝗旱之灾。母以精神弗效而怠荒。母畏禍亂難戢而息志。以春秋為戒。而謹持之。以祖宗為監。而力行之。母以草茅之言而罷之。則天下幸甚。

前四段純以元直此下二段相用諷諫深得對君之體

陛下中策臣以此。又念伊欲復親族。奠疆場。清寇攘。善風俗。使百姓樂業。而疊疊迂衡。何脩可以臻此。臣於是。有以見陛下真欲興衰撥亂。以起天下之病也。竊觀陛下首懷父母兄弟之憂。中念迎親之使。至此又以復親族為言。是陛下痛念二聖鑒與暴露。而未

有迎復兩宮之策也。夫漢高祖所以還太公於楚軍。豈獨侯生力哉。臣嘗料高帝有勝項王者。五以兵強力壯。則楚不如漢。以三傑為用。則楚不如漢。以駕馭諸將。則楚不如漢。以關中廩粟之多。則楚不如漢。以關中形勢之重。則楚不如漢。五者皆項王所不如。則何苦而拘太公哉。以今凋疲之餘。無漢之兵力。無漢之駕馭。無漢之三傑。無漢之廩粟。而又棄遼上。都棄去兩河。則又無關中之形勢。而欲求親族之復。雖使如侯生等千百輩往焉。臣知其無能為也。故臣嘗謂欲復親族。莫如復兩河。不得兩河。則親族不可復。今陛下以奠疆場為念。是欲復兩河也。兩河既失。係天下輕重。唐神堯起晉陽。以一族取天下。子孫不能以天下取河北。其難如此。晉於春秋為大。嘗驅役諸侯

此時要復兩河其河事甚難實應酬謝

三忠文選 卷一 忠簡 三十四

至秦萃銳兵之晉。乃得韓。遂折天下。及韓信聯齊有之。故蒯通知漢楚之輕重在信。宋武號英雄。得蜀關中。盡有故疆十分之八。然不能使一人渡河以窺邊。是兩河之地。王者不得則不王。霸者不得則不霸。賊得之則天下不安。臣故曰不得兩河。則親族不可得而復也。咸平中。真宗與王濟極論邊事。濟言蠢茲醜虜。敢爾憑陵。蓋謨謀當位之臣。未有昔人之比。且國家所恃特一河耳。此誠急賢之秋。不然。臣懼北戎飲馬於河渚矣。嗚呼。濟之言誠切中今日之病。臣謂欲

三忠文選 卷一 忠簡

三五

復親族而收兩河。亦誠陛下急賢之秋。當以濟言爲鑒也。然當今最大患者。親族之未復。疆場之未奠。寇攘之未清。而臣所最大患者。風俗之敗壞也。風俗天下之筋絡也。譬之人身。所恃以維持血氣者。惟筋絡耳。風俗一敗。則筋絡又絕矣。漢唐之亡。其弊皆風俗之大壞也。故臣嘗論東漢之亡。與李唐大畧相似。東漢之季。閭閻亂政。毒破生靈。豪傑據郡而起。天下遂裂爲三國。唐末宦者蠹於內。藩鎮潰於外。天下遂磔爲五代。然三國之士。其好惡去就。尚有可觀。天厭漢

當時此氣一

德。而劉氏猶擁虛器。亦卒以禪代終。五季之亂。其臣皆兇狠頑鄙。戕賊君親。專爲梟雄。豈天於東漢之季。獨多君子。而唐末專爲小人哉。誠風俗漸染然也。中原亂亡。自古更迭。亦天下常事。蓋未有不亡之國也。然當其時。有推變於天而言者。有以人事前知而言者。有握節而死者。有衛社稷而死者。有憤國破亡。奮不顧身。并家族破滅者。亦有知機之士。掛冠而去之。不蹈其禍者。我國家涵養天下之久。士大夫受君父之賜。亦甚久。一朝國家有難。自公卿劍履間。以及天子之百執事。凡幾人。自王畿以達郡邑。有位者。凡幾人。前知而言者。爲誰。死名節者。爲誰。死社稷者。爲誰。推變於天。而知其將亡者。又復爲誰。徇國者。爲誰。知幾而掛冠者。爲誰。方晉南渡。士流尙有聚於新亭。傷國之衰。對山河而泣者。周之東遷。尙有不恤其緯而憂宗周之殞者。今兩宮播越。則非直東遷之辱也。而陛下舍皇遠狩。則非直南渡之通。詎復有泣對江山而憂宗周之殞者哉。自晉風俗之壞。而海內潢潰。生靈魚肉。幾二百餘載。以晉監今。其禍可勝言哉。昔

三忠文選 卷一 忠簡

三六

一以字
愧死當
年無益
節人

田橫齊之豪士。耻北面臣漢。遂自殺。五百餘人皆死之。無一人降漢者。諸葛誕魏室之一叛臣。及其既敗。所養死士三百人。就戮。皆曰。爲諸葛公死。無憾。今之士大夫。蒙國厚恩。何啻齊卒之受恩於田橫。死士之就養於諸葛哉。而忍耻舍垢。視君父之慘辱。甘心焉。嗚呼。縱不愧田橫之客。又獨不愧諸葛之奴耶。臣故曰。今之最大患者。風俗之敗壞也。風俗一敗。則筋絡又將絕矣。願陛下以春秋爲戒。而謹持之。以祖宗爲監。而力行之。無以草茅之言而罷之。則天下幸甚。雖然。

三忠文選 卷一 忠簡

二十七

陛下策臣等數十條。皆當今之大弊也。臣已極言之矣。而聖策尙謂于大夫涉艱險。以副詳延。誠亦勤矣。其必有至言。欲爲朕陳者。其悉言之。無隱。若乃矜空文。而無補於實。咎既往而無益於今者。非朕之所欲聞也。其以朕所未聞。而切于時者言之。朕將親覽焉。臣又有以見陛下真有意求苦口之言。以救天下之弊也。然臣觀陛下求苦口之言。雖若甚切。而在廷之士。必不敢盡言。無諱何哉。臣聞鵲巢覆而鳳不至。直

士受禍。則忠臣杜口。往者從東南來。道路藉藉。皆謂陛下即位以來。旬月之間。戮直言者凡三。有是乎。豈道路之妄議乎。倘如所言。則傷威損德。爲害不淺。謹按春秋。陳殺其大夫洩冶。說者謂洩冶以直諫被誅。國之大惡。時蓋宣公九年也。而十年有徵舒之禍。十一年楚子入陳。不一年而陳國大亂。嗚呼。戮直言之士。而禍至於此。然而洩冶被誅。權不在陳靈。而在徵舒。前日義士被誅。權不在陛下。而在左右專殺之禍。春秋大惡。而况專殺直言之士。惡又甚焉。此楚子入

三忠文選 卷一 忠簡

二十八

陳。所以得藉口而誅徵舒也。醜虜乘隙。將假討惡之名。而躡入陳之軌矣。臣是以卜在朝之士。不敢盡言。無諱也。然而臣猶敢區區竭愚者。竊自惟念陛下詔臣等。無矜空言。而陳實務。則陛下知前日濫誅爲過。而改之。是陛下樂聞其過矣。臣而不言。是負陛下言而不聽。是陛下負臣。抑臣嘗聞太平興國中。有布衣皂囊獻書者。其辭狂妄。太宗覽之。弗罪。因謂宰相曰。比降詔書。許言事。故雖狂悖。弗加罪。至淳化中。武程上疏狂謬。李昉請加黜削以懲之。太宗責曰。曷常以

宋以李
言宗
大臣
限低

言罪人哉嗚呼太宗樂聞直言如此而大臣尚請黜
直言之上幸而太宗不從如使太宗不樂直言而李
昉之請得入焉則武程者組上肉矣今臣累千萬言
則其罪過於見蒙之書以臣疎賤則甚於武程而有
狂瞽之論使陛下樂聞直諫尚患見忌借使人主一
惡直言大臣如李昉者又從而媒孽之則直言亦危
矣幸陛下以祖宗為監而擴太宗納諫之量大臣體
陛下之意而無李昉惡直言之心則畏避而不敢言
者亦臣之所竊耻也臣故曰願陛下以春秋為戒而
三忠文選卷一忠簡
謹持之以祖宗為監而力行之無以草茅之言而罷
之則天下幸甚臣謹對
剴切如劉蕡古勁如孔平仲而當日事勢有甚焉
者於此可以觀世變

胡忠簡先生文選卷之一終

宋胡忠簡先生文選卷之二

奏疏

上高宗封事

紹興八年十一月日右通直郎樞密院編脩官臣胡
銓謹齋沐裁書昧死百拜獻于皇帝陛下臣謹按王
倫本一狎邪小人市井無賴頃緣宰相無識遂舉厥
使虜專務詐誕欺罔天聽驟得美官天下之人切齒
唾罵今者無故誘致虜使以詔諭江南為名是欲臣
妾我也○是欲劉豫我也○劉豫臣事醜虜南面稱王自
以為子孫帝王萬世不拔之業一旦豺狼改慮粹而
縛之父子為虜商鑒不遠而倫又欲陛下效之夫天
下者祖宗之天下也陛下所居之位祖宗之位也奈
何以祖宗之天下為大戎之天下以祖宗之位為犬
戎藩臣之位陛下屈膝則祖宗廟社之靈盡汙夷
狄祖宗數百年之赤子盡為左衽朝廷宰執盡為陪
臣天下士大夫皆當裂冠毀冕變為胡服異時豺狼
無厭之求安知不加我以無禮如劉豫者哉夫三尺
童子至無知也指犬豕而使之拜則佛然怒今醜虜

則大豕也。堂堂天朝相率而拜大豕。曾費糧之。所羞而陛下忍爲之耶。倫之議乃曰。我屈膝則梓宮可還。太后可復。淵聖可歸。中原可得。嗚呼。自變故以來。主和議者誰不以此說啗陛下哉。而卒無一驗。是虜之情僞已可知矣。陛下尚不覺悟。竭民膏血而不恤。忘國大讐而不報。含垢忍耻。舉天下而臣之。甘心焉。就令虜決可和。盡如倫議。天下後世謂陛下何如主。况醜虜變詐百出。而倫又以奸邪濟之。梓宮決不可還。太后決不可復。淵聖決不可歸。中原決不可得。而三忠文選卷二忠簡

可也。今內而百官。外而軍民。萬口一談。皆欲食倫之肉。謗議洶洶。陛下不聞。正恐一旦變作禍。且不測。臣竊謂不斬王倫。國之存亡未可知也。雖然。倫不足道也。秦檜以腹心大臣而亦爲之。陛下有堯舜之資。檜不能致陛下如唐虞。而欲導陛下如石晉。近者禮部侍郎曾開等引古誼以折之。檜乃厲聲曰。侍郎知故事。我獨不知。則檜之遂非狠愎已自可見。而乃建白令臺諫從臣僉議可否。是明畏天下議已。而令臺諫從臣共分謗耳。有識之士皆以爲朝廷無人。吁。可惜哉。孔子曰。微管仲。吾其被髮左衽矣。夫管仲霸者之佐耳。尚能變左衽之區爲衣冠之會。秦檜大國之相也。反驅衣冠之俗歸左衽之鄉。則檜也不惟陛下之罪人。實管仲之罪人矣。孫近附會檜議。遂得參知政事。天下望治有如饑渴。而近伴食中書。漫不可否事。檜曰。虜可講和。近亦曰。可和。檜曰。天子當拜。近亦曰。當拜。臣嘗至政事堂。三發問而近不答。但曰。已令臺諫待從議矣。嗚呼。參贊大政。徒取充位。如此有如虜騎長驅。尚能折衝禦侮耶。臣竊謂秦檜孫近亦可斬

臣備員樞屬。義不與檜等共戴天。區區之心。願斬
三人頭。竿之蒙街。然後羈留虜使。責以無禮。徐興問
罪之師。則三軍之士不戰而氣自倍。不然。臣有赴東
海而死耳。寧能處小朝廷求活耶。

此書爭光日月。已不必贊。獨疑秦檜不能容岳鄂
王。而尚能全胡樞密。疑有天幸。不知鵬舉不殺。則
河北嚮應。金人之頭可懸。邦衡書生舌端。尚遜大
將鋒端耳。然檜臨終。已草牋乞斬邦衡等數十人。
亦危矣。

忠文選

卷十一 忠簡

四

上孝宗封事

隆興二年八月日。右奉議試起居郎兼權中書舍人
兼國史院編脩官國子祭酒侍讀兵部侍郎充淮南
東路淮南西路巡邊制置使措置控扼海道點檢人
船節制兵馬大使臣胡銓奉詔言。關政急務。自靖康
始。迄今四十一年。二遭大變。皆在和議。則虜之不可
與和。彰彰矣。肉食鄙夫。萬口一談。牢不可破。非不
知和議之害。而爭言爲和者。是有三說焉。曰偷儒曰
苟安。曰附會。偷儒則不知立國苟安則不戒醢毒附
會則覩得美官。小人之情。狀具在此矣。今日之議。若
成。則有可吊者十。若不成立。則有可賀者亦十。請爲陛
下極言之。何謂可吊者十。真宗皇帝時。宰相李沆謂
上曰。我死公必爲相。勿與虜講和。吾聞出則無敵
國。外患如是。若國常以若與虜和。自此中國必多事。
且殊不以爲然。旣而遂和海內。乾耗且始。悔不用文
靖之言。此可吊者一也。中原謳吟思歸之人。日夜引
領望陛下。拯溺救焚。不啻赤子之望慈父母。一與虜
和。則中原絕望。後悔何及。此可吊者二也。海澨今日

有和
議為休
本主
右親王

之藩籬咽喉也。彼得海澗且決吾藩籬以瞰吾室。扼吾咽喉以制吾命。則兩淮決不可保。兩淮不可保則大江決不可守。大江不可守則江浙決不可安。此可吊者三也。紹興戊午和議既成。秦檜建議。遣二三大臣如路允迪等。分往南京等州交割歸地。一旦叛盟。劫執允迪等。遂下親征之詔。虜復請和。其反覆變詐如此。檜猶不悟。奉之如初。事之愈謹。賂之愈厚。卒有逆亮之變。驚動輦轂。太上謀欲入海。行朝居民一空。覆轍不遠。忽而不戒。臣恐後車又將覆也。此可吊者四也。紹興之和平議決不與歸正人口血未乾。盡變前議。凡歸之人。一切遣還。如程師回趙良嗣等。聚族數百。幾為蕭牆憂。今必盡索歸正之人。與之則反側生變。不與則虜決不肯但已。夫反側則肘腋之變深。虜決不肯但已。則必別起釁端。卒有逆亮之謀。不知何以待之。此可吊者五也。自檜當國二十年間。竭民膏血以餌犬羊。迄今府庫無旬月之儲。千村萬落。生理蕭然。重以蝗蟲水潦。自此復和。則蠹國害民。殆有甚焉者矣。此可吊者六也。今日之患。兵費已廣。養兵

三忠文選 卷二 忠簡

六

之外。又增歲幣。且少以十年計之。其費已慮數千億。而歲幣之外。又有私覲之費。私覲之外。又有賀正生辰之使。如正牛馬之外。又有泛使。一使未去。一使復來。生民疲於奔命。帑廩涸於將迎。瘠中國以肥虜。陛下何憚而為之。此可吊者七也。側聞虜人媢書欲書御名。欲去國號大字。欲用再拜。議者以為繁文小節。不必計較。臣切以為議者可斬也。夫四郊多壘。卿大夫之辱。楚子問鼎。義士之所深耻。獻納二字。富弼以死爭之。今醜虜橫行。與多壘孰辱。國號大小。與鼎輕重孰多。獻納二字。與再拜孰重。臣子欲君父屈已。以從之。則是多壘不足辱。問鼎不必耻。獻納不必爭。此可吊者八也。臣恐再拜不已。必至稱臣。稱臣不已。必至請降。請降不已。必至納土。納土不已。必至銜璧。銜璧不已。必至與觀。與觀不已。必至如晉帝青衣行酒。然後為快。此可吊者九也。事至於此。求為匹夫尚可。得乎此。可吊者十也。竊觀今日之勢。和決不成。倘乾剛獨斷。追回使者。魏杞康濟等。絕請和之議。以鼓戰士。下哀痛之詔。以收民心。天下庶乎其可為矣。如此

三忠文選 卷二 忠簡

七

則有可賀者。亦十省數千億之歲幣。一也。專意武備。足食足兵。二也。無書名之耻。三也。無去大之辱。四也。無再拜之屈。五也。無稱臣之忿。六也。無請降之禍。七也。無紉土之悲。八也。無銜壁輿轅之酷。九也。無青衣行酒之冤。十也。去十吊而就十賀。利害較然。雖三尺童穉亦知之。而陛下不悟。春秋左氏謂無勇者為婦人。今日舉朝之士皆婦人也。如以臣言為不然。乞賜流放竄殛。以為臣子出位犯分之戒。

三忠文選 卷二 忠簡

八

悟。蓋于戈驚魂。湖山醉心。舉朝固化為婦人。而孝宗且甘心為領袖矣。得天下于婦人。失天下于婦人。其實偷安而養成虜禍者亦婦人。嗚呼。有宋君臣自負為東南禮樂之鄉。而不知皆烟花粉黛耳。哀哉。

上孝宗論撰賀金國啓

隆興二年七月日。臣胡銓奉詔撰大金國賀冬至啓。內中用再拜。用獻納書御名。此三大事也。已經二十餘年。臣下皆不能正其非。今臣年過六十。官逾三品。收嶺嶠海島之遺骸。為陛下侍從之尊職。復因循而書不正救之。恐天下後世謂陛下何如主。謂臣何如人。三王之臣主俱賢。迄今史臣稱為美談。昨宰相湯思退集議中書堂。臣終坐以三事為說。而思退固然不答。臣竊以為思退又一秦檜也。思退不去。國體弱矣。臣手可斷。臣筆不可搖。臣頭可去。臣筆不可去。而臣字不可寫。庶使遠夷知中國之有人。是亦疆國之一端。謹具奏聞。乞外而宣示。臣章於朝堂。使奸夫佞子不敢肆其惡內。而宣示臣章於史館。使天下後世有所知。然後竄臣於海島。以為臣子敢言之戒。十瀆天威。不勝戰慄。

真正蟲桂之性老而愈辣。

三忠文選 卷十一 忠簡

九

上孝宗論兵法書

起居郎胡銓進故事曰。隋文受周禪。令賀若弼平江南。舍陳叔寶。先是弼請沿江防人。交代必集歷陽。大列旗幟。陳人以爲大兵至。既知防人交代。其衆復散。後不復備。及是弼以大兵濟江。陳人弗覺。遂平陳。臣聞兵法曰。兵出詭道。又曰。兵以奇勝。何謂詭。變詐百出。以計取敵曰詭。弼請沿江防人。交代必集歷陽。是也。何謂奇。出其不意。使人莫測曰奇。弼以大兵濟江。陳人弗覺。是也。中國由正道。夷狄由詭道。中國以正。三忠文選卷二 忠簡 十

我以和潛師窺伺。或言多造戰艦。由海道以進。或言實衆塞下。由間道以來。雖未必可信。然弼之沿江防人。必集歷陽。前事之驗也。醜虜之計。安知不出於此。而陛下前日奮然詔下。謂和決不可成。有識咸鼓舞。以謂聖神遠慮。洞見犬羊之情。有如著蔡。近日邊臣遣兵官孫造往返境上。疲於奔命。竟不能得虜人要領。其愆期爽約。亦可見矣。臣願陛下堅守前日和不可成之詔。力修政事。十年生聚。十年教訓。如越之圖吳。則社稷幸甚。生靈幸甚。

三忠文選卷二 忠簡

十一

洞見兵勢。豈徒以忠義自奮乎。奸人之言曰。腐儒不可與談兵。及其在事。始以畏縮爲萬全。媚諛爲時務。屈折爲練達。嗚呼。古今一轍。展卷惘然。

辭免寶文閣待制狀

右臣伏准三月二十二日尚書省劄子。三省同奉聖旨。除臣寶文閣待制。提舉江州太平興國宮。臣聞命震驚。罔知所措。臣受杖駕下。人不比數。太上全之於萬死。一生之中。陛下擢之於千官百僚之上。獲依日月之末光。十年於此矣。臣非木石。豈無犬馬戀主之情。而驟乞身者。實以年迫桑榆。難以勉強。遂至屢瀆天聽。伏蒙特賜俞允。臣得此生。以爲厚幸。而又寵以美職。優以祠廩。旣以光其行。又以華其老。所以待遇

三忠文選

卷二

忠簡

十一

老臣。度越常人千萬。臣之榮幸足矣。尙復何望。然臣災患垂三十年。人不堪其憂。聖慈特達。力加親擢。全家飽暖。盡出天地父母之恩。常恐福過災生。故澀誠懇。乞全晚節。而又有此叨冒。臣懼必速顛蹶。伏望皇帝陛下。察臣曲衷之歟。憐臣孤立之蹤。收還成命。只守本官致仕。庶安愚分。所有恩命。臣不敢祇受。謹錄奏聞。伏候勅旨。

辭免兵部侍郎狀

右臣准尚書省劄子。六月二十六日。三省同奉聖旨。除臣兵部侍郎。日下供職者。臣聞命震驚。罔知所措。伏念臣資品妄庸。性識魯鈍。猥叨卿列。復長成均。每深非據之慙。未免首濡之誚。雖屢蒙聖訓。有直諫之褒。然自愧迂疎。無絲毫之補。居懷悚惕。慮積愆尤。驟膺躡等之除。益有踰涯之懼。陛下勵精爲治。側席求賢。惟文思之明。暨上齊於克舜。而武部之選。要暗合於孫吳。如臣何人。濫膺職擢。伏望收還成命。改畀時髦。庶利師貞。少安愚分。謹錄奏聞。伏候勅旨。

三忠文選

卷二

忠簡

十三

辭免宗正少卿乞賜罷黜狀

右臣竄逐嶺海垂三十年。太上脫臣於鯨波百艱千險之中。陛下起臣於虎口萬死一生之際。官九遷於一歲。任六押於七旬。方犬羊抵巇之時。肆蛇豕薦食之毒。九重有不安枕之慮。萬姓銜共戴天之冤。臺諫痛哭以陳辭。忠鯁拂膺而飲恨。事至于此。臣亦何顏。是敢輒貢狂言。屢撓鱗逆。身寧瀕於九死。心實愧於三閭。方伏鑽以待斧鉞之誅。敢自意得逭雷霆之怒。尚叨厚祿。猶竊美官。雖聖神曲賜於保全。在臣子難

主忠文選

卷二

忠簡

古

安於愚分。欲望天慈。特賜復竄嶺海。以爲人臣不忠之戒。謹錄奏聞。伏候勅旨。

三辭劄此尤忠憤沸沸

表

遺表

有生必死。何足動心。無路報恩。實不瞑目。與言氣鬱。總闕神馳。竊念銓奮自孤生。早陟臚仕。不識忌諱。自取顛躓。太上赦臣於萬死一生之中。陛下擢臣於九卿六官之列。曾何補報。徒積罪尤。久違闕廷。待盡田野。屢昇真祠之逸。復叨秘殿之崇。收召節以遂其愚。許掛冠以優其老。身塗草野。雖自誓於平生。命在膏肓。恨不獲其死。所強支微喘。更畢餘忠。伏願皇帝陛下。三忠文選。卷二。忠簡。五。下。舍已從人。安民和衆。大秦襄復讐之義。監周公無逸之書。任忠直之士。而勿親便佞之人。守祖宗之法。而勿聽紛更之說。益堅初志。懋建豐功。混胡越於一家。壯基圖於萬世。臣莫瞻九陛。行卽三泉。相如草封禪以貢諫。切所不敢。張巡爲厲鬼以殺賊。死亦不忘。騎箕時放此無怖畏大光明。

一腔忠憤具於此

死生不心二

將半口之所切

經筵玉音問答

隆興元年癸未歲五月三日晚侍上於後殿之內閣。蒙出示答金人書藁。上謂予曰。內中有未善處。卿宜仔細說出。予答曰。出於天筆。小臣何敢有所妄議。蒙賜金鳳箋。就所御玉管筆。并龍腦墨。鳳硯硯。又賜以花藤席。命予坐於側。草換書。上謂予曰。朕以此禮待卿者。恩至渥也。金人無禮。書中務要得體。當不諛不僭。項予以草換書藁進呈。上自讀數次。又親改數字。上曰。卿之才識學問。可謂過朕。又曰。當封呈太上皇。

三忠文選卷二忠簡

十六

時將日暮。上喚內侍蘭香。燃金花燭二炬。又喚玉梅取扇。上謂予曰。今夕熱。寢宮逼窄。不若中書卿所臥處涼。予答曰。中書固多涼處。然臣老病之軀。必擇煖處方可睡。幸所寢處有兩槐樹。終夕可以不扇。但恐初蛩聒耳可惡。肯喚內侍厨司滿頭花辦酒。上坐於中。御七寶交椅。綉龍曲屏風。旨以青玉團椅几。賜予坐於東向之側。旨謂宦子王隆曰。胡侍讀年老。豈可無椅坐者。乃入內取通珠螺銅屏風至。旨謂予曰。此乃朕向來普安邸太上所賜物也。上御玉荷杯。予用

金鴨杯。初盞。上自取酒。令潘妃唱賀新郎。旨令蘭香執上所飲玉荷杯。上注酒。顧予曰。賀新郎者。朕自賀得卿也。酌以玉荷杯者。示朕飲食與卿同器也。此酒當滿飲。予乃拜謝。上自以手扶。謂予曰。朕與卿老君臣一家人也。切不必事虛禮。賀新郎有所謂相見了。又重午。旨謂予曰。不數日矣。又有所謂荆江舊俗。今如故之說。上親手拍予背曰。卿流落海島二十餘年。得不爲屈原之葬魚腹者。寔祖宗天地留卿以輔朕也。予忽流涕答曰。小臣三遷嶺海。命出虎口。豈期今日再見天日。上亦拭淚曰。卿被罪許久。可謂無辜。天下知之。不在多說。乃就坐。食兩味八寶羹。上謂予曰。此味極佳。內有蚌肉。猶可啐飯。予答曰。臣向在新州。日食海味。但於此則間嘗。上謂予曰。此乃前日愛守張英臣所進者。予奏曰。酒行食遍。恩淡意洽。且暑熱不敢久侍清光。上答曰。今夕之會。正朕與卿聚會之便。幸無多辭。上謂予曰。熱甚。朕已去綉紗褲。予跪謝。卿亦可便服。予乃更青紗夾深衣以侍。旨謂予曰。答曰。前輩謂凡人書字象其爲人。今知信然。上謂予曰。

三忠文選卷二忠簡

十七

皇者覺稍短朕着得及則今已三箇月矣何侍太
上時見太上喫飯不過啜得一二百錢物朕於此時
固已有節儉之志矣此時泰檜方專權其家人一二
百錢物方過得一日太上每次排會內宴止用得一
二十千檜家一次乃反用數百千太上與朕一領汗
衫着一兩年檜家人一領汗衫止着得數日即棄去
朕所以日夜切齒嘆息也又謂予曰太上近日賜朕
真紅羅銷金團龍汗衫一領太上親書一批與朕曰
此領汗衫乃吾着者已十八年矣但色佳今吾賜兒
三忠文選卷二忠簡

喜不忘
石任

汝當念之朕藏此領汗衫甚謹朕不輕着只往德壽
宮及朔望臨朝與大祭祀則用此襯衾衣乃太上生
平所愛着者是太上所賜朕者遂令貴妃取此領汗
衫以示予予進奏曰陛下天性恭儉真太上之賢子
小臣之賢君也大蓋蒙古潘妃取玉龍蓋至又令蘭
香取明州鰵鮑至特旨令妃勸予酒予再辭不獲上
旨謂妃曰胡侍讀能飲可滿酌歌聚明良一曲上撫
掌大笑曰此詞甚佳正慙朕意上又謂予曰此妃甚
賢雖待之以恩然不至如他婦人即唱勸酒事便可

李林甫
此使事
此故說
天
所以異
千宜和
曲發者
以此

見矣上又令妃酌酒上飲訖謂予曰卿可酌一杯以
回妃酒予曰內外事殊小臣今夕蒙恩如此使臣殺
身以報陛下則所當然欲使臣酌酒以回妃則不可
臣恐明日朝臣議臣之非上乃拱手答曰朕知卿此
心忠直通於神明此朕之誤言也予遂又取酒再拜
勸上躍然滿飲之又自取酒親酌賜予上曰酒後不
可不啻龍犬予答曰臣向在海外渴甚惟以鷓鴣沈
香小片嚼數片却以清茶嚥下非惟齒頰香辣且酒
渴頓醒乃以玉匣貯揭龍犬數片至上謂予曰此香
乃太上去冬自合者上自嚼一片餘悉以賜予凡七
餅予乃嚼其一上又喚蘭香取茶以進予亦被賜一
杯食兩味胡椒醋羊頭真珠粉及炕羊炮飯上謂予
曰炕羊甚美食畢上乃移步至明遠亭上坐於東向
坐板上予立侍蒙古令坐就西向坐板上側坐又索
茶乃以龍涎香盞遞兩盞至予拜賜一盞訖余乃辭
曰夜已三鼓恐聖躬疲倦上曰尚可餘時上召喚王
先入池取藕蓮實剝去取玳瑁盤以水泛而進上又
索酒再酌滿飲予亦滿飲上謂予曰卿向在海南時

詩必多。予嘗曰：臣向居嶺海時，日率作詩十數首。初任福州僉判，以詩詞唱和得罪，故遷新州。及居新州，又以此獲譴，復徙吉陽軍。甚矣詩詞能禍人也。如此，今既蒙錄用，靜思二十年前爲之墮淚，上答曰：桑田變爲大海，大海變爲桑田，古宇今宙，多少更易，此事非特卿墮淚，朕亦不知幾枚淚矣。世事殊異，無可奈何。予又奏曰：臣向者謫新州時，兄鋒在家，生母曾氏在堂，臣只攜妻劉氏在任所。臣長男泳，乃紹興戊午冬生，姑蘇次男澥，乃戊辰夏生於新州。次男浹，乃甲戌生於吉陽軍。甲戌春正月八日，臣生母曾氏喪於家，而臣不知。於五月四日，方收家問。臣惟有朝夕踴躍痛哭，恨此身不卽死，與母相見於黃泉。予言之不覺淚下，上亦愀然揮淚曰：朕向侍太上時，聞徽宗諫太上爲之不飯食者數日，生離死別，上下同一懷抱。予又奏曰：夜已四鼓，玉體疲倦，上曰：未王先復奏。目鷄已唱矣。上曰：朕若與宦官女子酣飲徹旦，則不可。朕與胡侍讀相聚，雖夜以繼日，何害焉？又與予同。凭欄極目，月白風清，河明雲淡，這樣樂處，惟朕與卿

三忠文選

卷二 忠簡

三三

後跋

同享之頃，聞天竺鐘聲，池畔柳中鷓鴣噪矣。上曰：果然。天明，予乃再拜謝恩，上握手謂予曰：昨夕之樂，願卿勿忘。予答曰：小臣當圖報陛下。且尚有侍宴之日，於是侍上入內，至候春門，予揖退。至中書，遠望正門已啓，百官畢聚候朝。梅谿上十朋問曰：何來？予乃大笑，握其手曰：老夫夜來終夕不寢，今歸自天上，此段奇事，兄豈容不知？於是卽盥洗，更朝服而見。

三忠文選

卷二 忠簡

三三

又跋

予半生嶺海，晚遇聖天子擢用，一歲之間，凡九遷其職。一月之間，凡三拜二千石之命。十拜遷秩之旨，至於隆興癸未夏侍宴之恩，古今無比。予老矣，風燭可虞，謹親書於後，以爲後人之徵。嗚呼！天語淳勸，後之子孫當永保之以無墮予志。

淳熙丁酉七夕，澹菴老人胡銓跋之，以示男泳澥浹。瀧侄孫堦周鐸，右云經筵玉音問答，乃予隆興癸未侍宴所記也。

原有予當時親札藁一小冊，爲瀧侄取去，日後切不可

可落附他姓之手。又有正本一卷，乃吏札也。視予親札者，反無失。天語諄勤，後人可以憑信。故又以吏札之本，精加刪潤，親手錄藏于家，使後覽者有所訂焉。昔司馬文正公，不喜後人實其祖宗之畫像，但喜後人實其祖宗之字蹟，以爲心畫也。手法也。見其字蹟，卽見其人之手。予之後，能以文正公之心爲心，其亦賢矣。

中元日胡銓又跋。時祀先分胙罷，喜雨涼而書也。

予見宋臣賜宴內庭，津津齒頰者多矣。如王珪、僅

三忠文選 卷二 忠簡

三

談詩文。蔡京且及狎昵，唯蘇文忠與胡忠簡皆自海外歸，歟生契濶，情景依稀。于鵲聲月色中，別有惻怛之思，忠謹之議。外此則周益公、草制事，嗟乎。蔡京願見安妃，而邦衡力辭回酌，人之賢不肖，安可同論也。

宋胡忠簡先生文選卷之三

詩

題崖州洗兵亭

一帶清波六月涼，洗心安用挽天懸。奇舒自愧血貫箭，子笑宜歌苔卧鎗。玉壘塵清閑搆鼓，玳筵人好細流觴。澹菴臨水空惆悵，洛水凌波見未常。

次雷州和朱彥秀才韻時欲渡海

何人着眼覲征騶，賴有新詩作指南。螺髻層層明晚照，蜃樓隱隱倚晴嵐。仲連蹈海齊虛語，魯叟乘槎亦

三忠文選 卷三 忠簡

設談。爭似澹菴乘興往，銀山千疊酒微酣。

和林和靖先生梅韻

感時潸淚幾時乾，顧影伶俜獨立難。自恐迹孤無與對，誰憐族冷不勝寒。未應一世供愁斷，長願三更秉燭看。雨過花邊行更好，猶嫌子美借銀鞍。風亭小立夢初殘，步步凌空對廣寒。照眼雙明清可掬，開情一味淡相看。曉縈瑞霧黏初潤，晴映高雲暴未乾。三嗅臨風思無限，藥宮遙夜酒初闌。

瘦吟幽玩有餘妍，更向高人獨樂園。無垢未應經露

沐不緇寧信受塵昏。春風自識明妃面。夜雨能清吏部魂。插向膽瓶看更好。凜如明月薦霜樽。

一年佳處早梅時。鈎引清風巧釣詩。未分霜凌禁瘦。朶漸看春入柰愁枝。晚尤奇特憐無伴。夜更分明不可私。冷落便須憑酒暖。從今鄒律未消吹。

紛紛紅紫勿相猜。自古騷人酷嗜梅。皂蓋折花憐老杜。黃梅時雨憶方回。一生柰凍天憐惜。滿世趨炎我獨來。桃李爭春身老大。急須吟醉莫停杯。

和張慶符題余作清江引唱

三忠文選 卷三 忠簡

痛飲從來別有腸。酒酣落筆掃滄浪。如今却怕風波惡。莫畫清江畫醉鄉。何人半醉眼花昏。畫出江南烟雨村。滿世庾塵遮不得。聊將醉墨洗乾坤。

次張伯麟慶符

回首渾如一夢中。每思吳越意清通。雲間別嶺千層碧。日落西湖一抹紅。上竺留題陳跡在。孤山遊賞故。人空莫將句攬幽人思。我輩緣詩正坐窮。

答友人

竹間野服情意疎。細燕沉水開黃庭。秋風忽作世情冷。山色似慙君眼青。

除夜次慶符

白髮無端苦見尋。十年孤負醉花陰。可憐獨鶴遠浮海。未美昏鴉長伴林。醉眠天末烟雨夜。夢遠江南風雪襟。一杯遙祝壽慈母。清風不改舊時心。

余戲作水墨四紙張慶符有詩因用其韻

姑熟先生方遣化。饑食饒涎食餅盡。信知詩必窮乃工。忍窮誰復如公者。崎嶇我已羈江湖。樓肩如我世

三忠文選 卷三 忠簡

恐無從來畫亦窮。乃妙兩窮相值真堪吁。平生笑坡誇四板。只愛丹青非道眼。豈如淡墨出天然。雪欲來時水雲晚。先坐一見輒傾倒。回觀濁世秋毫小。不須更羨釣魚翁。已自超然遊漢表。

乾道三年九月宴罷

晚年種德聽和鑒。零落恩深滿菊園。金鳳花殘秋欲半。木樨香遠晚初寒。擬將艾製候朝級。愧把蘆芽易釣竿。早與君王乞歸去。壯途方險戰于鞍。萬古雲霄一鳳鸞。歸來蓬島月光團。平生忠義心中

詎要使奸雄膽上寒。玉露鳴鑾隨儀仗。金鷄銜赦下長干。天顏催賜黃花酒。笑指是翁能據鞍。

哭趙公鼎

以身去國故求死。抗疏犯顏今獨難。閣下特書三姓在。海南惟見兩翁還。一丘孤塚寄瓊島。千古高名屹太山。天地只因慳一老。中原何日復三關。

辭朝

不踏金堤新築沙。却尋寂寞紫雲家。一春弦管花間鳥。半夜笙歌水底蛙。榮瘁安時猶竹柏。行藏有待豈匏瓜。獨醒正渴杯中物。薄薄柴茅亦勝茶。

三忠文選

卷三 忠簡

四

澹菴諸詩妙處絕似東坡。未可以宋體薄之也。

家訓 有序

淳熙庚子四月日。詔加資政殿學士致仕。是月之望。告之祖考。會諸姻親。暮景至此。不亦樂乎。頃年經筵蒙玉音曰。祖宗創門戶之艱難。未有不肖子孫。不肖破之。朕今保太祖之國家。亦猶卿子孫他日保卿家門戶也。有感于茲。斐然縱成古律一通。以訓予之子孫者。願世世子孫努力云。

悲哉爲儒者。力學不知疲。觀書眼欲暗。秉筆手生胝。無衣兒號寒。絕糧妻啼饑。文思苦冥搜。形容長枯羸。俯仰多逋欠。多受胯下欺。十舉方一第。雙鬢已如絲。丈夫老且病。焉用富貴爲。可憐少壯日。適在貧賤時。沉沉朱門宅。中有乳臭兒。狀貌如婦人。光瑩膏梁肌。襁褓襲世爵。門承勲戚資。前庭列嬖僕。出入相追隨。千金辦月廩。萬錢供賞支。後堂擁姝姬。早夜同笑嬉。錯落開珠翠。艷輝沃膏脂。粧飾及鷹犬。繪綵至鶩微。青春付盃酒。白日消枰棋。守俸還酒債。堆金選娥眉。三忠文選 卷三 忠簡 五

朝從博徒飲。暮赴娼樓期。逢人說門閥。樂性惟珍奇。絃歌恣娛燕。繒綺飾容儀。田園日脔削。戶門日傾隳。聲色遊戲外。無餘亦無知。帝王是何物。孔孟果爲誰。咄哉驕矜子。於世奚所裨。不思厥祖父。亦曾寒士悲。辛苦擢官仕。錙銖積家基。期汝長富貴。豈意遽相衰。儒生反堅耐。貴游多流離。典公等一瞬。焉須嗟而悲。吾宗二百年。相承惟禮詩。吾蚤仕天京。聲聞已四馳。樞庭草囊封。琅玕肝膽披。但知尊天王。焉能臣戎夷。新州席未煖。珠崖早窮羈。輒作賈生哭。謾與梁士噫。

仗節擬蘇武。廣騷師。累。龍飛。視。大人。忽。詔。衡。陽。移。
帝。曰。爾。胡。銓。無。事。久。棲。遲。生。還。天。所。相。直。諒。時。所。推。
更。當。勉。初。志。用。為。朕。倚。毗。一。月。便。十。遷。取。官。如。摘。髭。
記。言。立。螭。坳。講。幄。座。龍。帷。草。麻。賜。蓮。炬。陟。爵。銜。金。卮。
巡。邊。輒。開。府。御。筆。親。標。旗。精。兵。三。十。萬。指。顧。勞。呵。麾。
聞。名。已。宵。遁。奏。功。靖。方。陲。歸。牙。笳。鼓。競。虎。拜。登。龍。墀。
詔。加。端。明。職。賜。第。江。之。湄。自。喜。可。佚。老。主。上。復。勤。思。
專。禮。逮。白。屋。悲。非。吾。之。宜。四。子。還。上。殿。擁。笏。腰。帶。垂。
父。子。拜。前。後。兄。弟。融。怡。愉。誠。由。積。善。致。玉。音。重。獎。咨。
三。忠。文。選。卷。三。忠。簡。六

資。殿。尊。職。隆。授。官。非。由。私。吾。位。等。公。相。吾。年。將。耆。願。
立。身。忠。孝。門。傳。家。清。白。規。但。願。後。世。賢。努。力。勤。撐。持。
祀。殘。吸。明。月。披。襟。招。涼。颼。醉。墨。雖。欹。斜。是。為。子。孫。貽。
整。斜。疎。密。叙。述。蠻。烟。玉。堂。時。事。津。津。如。見。胡。氏。至。
今。名。德。林。立。始。茲。言。貽。之。耳。

宋。謝。忠。簡。先。生。文。選。卷。之。三。終

記

廬陵先師孔子廟記

吉。州。廬。陵。古。稱。大。縣。唐。正。元。時。有。地。三。百。餘。里。戶。餘。
二。萬。至。熙。豐。間。戶。籍。號。萬。迨。今。不。啻。倍。徙。縣。當。刺。
史。理。所。凡。事。難。專。煩。言。易。生。又。適。茲。興。法。議。午。自。姓。
創。罷。爬。梳。不。可。以。夜。繼。旦。為。吏。牘。埋。沒。至。暗。頭。不。得。
出。氣。政。且。不。舉。何。暇。及。教。縣。故。有。先。聖。廟。歲。上。丁。釋。
菜。府。史。執。事。趨。如。令。則。正。視。貌。像。如。土。木。偶。然。官。之。
王。忠。文。選。卷。四。忠。簡。一
設。豈。端。使。然。哉。今。令。君。老。於。政。事。其。為。治。鍵。之。以。勤。
強。練。密。異。時。桀。黠。吏。縛。不。能。展。手。不。晷。月。煩。言。寂。聞。
則。笑。曰。夫。其。口。衆。我。寡。吾。知。行。吾。政。爾。益。痛。掃。蕩。辦。
乃。公。家。事。小。人。斬。斬。逮。鰥。寡。饑。以。為。未。至。則。喟。然。治。
齋。舍。一。新。廟。庭。凡。宮。室。不。能。蔽。風。雨。者。自。我。彫。鏤。像。
圖。巍。然。突。兀。煦。映。於。是。廬。陵。有。學。可。以。責。士。之。不。來。
賈。生。有。云。多。風。易。俗。以。下。同。心。而。鄉。道。類。非。俗。吏。
之。所。能。為。誠。有。味。其。也。夫。公。父。云。者。不。過。口。獄。城。
不。得。其。情。刀。篲。不。次。於。骨。箕。斂。口。率。不。登。其。時。遮。遮。

千○振○不○中○其○程○吾○所○汲○汲○也○勸○學○養○士○二○千○石○之○職○
也○今○於○何○有○哉○因○謂○可○以○無○學○無○學○不○害○則○苟○而○可○
鳴○呼○是○蓋○不○知○教○學○政○之○源○養○其○源○則○末○治○微○訟○誅○
斂○末○也○夫○民○性○非○本○惡○彼○其○强○有○力○者○罷○暴○悍○者○盜○
豈○專○民○之○非○哉○長○上○不○勸○學○也○父○母○我○民○不○知○勸○學○
至○其○寡○廉○鮮○恥○一○落○檻○穽○驟○以○三○尺○紮○繩○之○可○謂○大○
不○仁○矣○誠○能○隆○師○尚○賢○使○民○知○方○彼○有○恥○則○可○以○無○
訟○彼○知○自○愛○則○可○使○畫○地○不○入○彼○知○愛○上○則○錢○可○使○
不○趨○而○辦○我○無○欲○而○民○興○廉○則○可○使○雖○賞○不○竊○如○是○
三○忠○文○達○卷○四○忠○簡○
則○前○所○謂○獄○城○刀○篲○口○率○斂○遮○進○于○振○雖○寢○可○也○
反○是○雖○日○撻○以○求○治○不○可○也○郡○太○尹○李○公○銳○於○養○士○
得○梅○池○萬○鐸○爲○之○師○令○君○聞○其○揮○鞀○尺○建○鼓○而○和○之○
于是○市○井○田○野○往○往○樵○夫○談○王○道○將○聞○絃○歌○意○丁○寧○
如○豆○厭○戎○馬○簿○書○筆○楚○日○具○室○若○荒○涼○然○則○使○民○回○
心○鄉○道○不○在○俗○吏○矣○鐸○余○同○年○進○士○也○嘉○其○意○不○苟○
屬○余○記○之○書○賈○生○之○語○以○諗○焉○令○君○成○都○王○昌○故○祖○
岐○公○之○世○其○家○蓋○申○鮮○虞○之○傳○禁○焉○

周濂溪先生祠堂記

春○陵○太○守○直○問○向○公○抵○書○某○日○紹○興○之○初○予○嘗○蒞○茲○
上○王○子○春○坐○諸○司○誣○錄○罷○寓○豐○城○僧○舍○是○秋○文○定○胡○
公○自○給○事○中○免○歸○亦○館○焉○得○朝○夕○請○益○一○日○謂○予○濂○
溪○先○生○春○陵○人○也○有○遺○事○乎○對○以○未○聞○後○讀○河○南○語○
錄○見○程○氏○淵○源○自○濂○溪○山○乃○知○先○生○學○極○高○明○因○傳○
通○書○誠○說○味○於○其○所○不○知○茲○幸○復○假○守○視○事○三○日○謁○
先○聖○畢○語○儒○官○生○徒○先○生○天○下○後○世○標○望○誠○說○具○在○
後○學○獨○不○知○尊○仰○是○大○漏○典○請○建○祠○講○堂○後○三○元○閣○
三○忠○文○達○卷○四○忠○簡○
上○皆○應○曰○諾○夏○四○月○辛○卯○繪○事○僇○工○闔○郡○鄉○化○翕○然○
予○其○記○之○某○謂○自○頃○興○法○搶○攘○刺○郡○者○悉○爲○吏○牘○埋○
沒○至○有○難○如○素○王○之○嘆○奚○暇○教○化○公○下○車○首○尊○賢○崇○
雅○且○懇○以○誠○爲○言○此○盛○德○事○某○敢○以○因○爲○辭○况○伯○氏○
辱○知○爲○舊○其○又○奚○辭○寤○聞○韓○子○曰○誠○者○下○教○之○名○程○
子○曰○誠○者○理○之○實○不○誠○無○物○言○無○實○也○其○說○始○於○易○
成○於○禮○考○之○曲○禮○見○神○以○誠○考○之○檀○弓○慎○終○以○誠○考○
之○特○牲○婚○禮○以○誠○考○之○月○令○工○師○以○誠○考○之○學○記○教○
學○以○誠○考○之○樂○記○禮○經○以○誠○考○之○祭○統○祀○享○以○誠○考○

之中庸事親以誠考之大學治天下國家以誠九者
一不誠其至也雖堯舜之誠荀卿猶以爲僞堯舜豈
僞也哉故曰至誠之誠難也禮至誠有五能盡性也
能化也前知如神也無息也知天地之化育也是皆
實理之極不欺於人故能盡性不欺於物故能化物
不欺於神故能如神不欺於已故能無息不欺於天
地故能知天地之化育通書之作蓋期學者至於是
焉爾其云性者剛柔善惡中而已盡性也云動則變
變則化者能化也云寂然不動誠也感而遂通者誠
王忠文選卷四忠簡
也如神也云君子乾乾於誠者無息也云乾坤交感
化生萬物者知天地之化育也知此五者則知禮之
所謂誠矣易禮通書其致一也或曰通書叙乾損益
動云不息於誠叙家人睽復無妄云無妄則誠是卦
皆誠也而漢書又以爲易唯乾言誠誠者天之道也
然則通書非乎曰否子獨不見夫一六之說乎天以
一生水地以六成之一六合而水可見誠明明則
誠誠明合而道可見古之人蓋以誠配一也言誠而
止於天猶知一而不知六也按誠說乾元誠之源元

亨誠之通利貞誠之復夫乾四德爲誠坤應隨無
妄革亦四德也不得爲誠乎元亨誠之通大有鼎升
鼎非誠之通乎利貞誠之復蒙同人大畜離成遯大
壯明夷家人蹇解漸兌渙中孚小過既濟非誠之復
乎推此則易非止乾爲誠也明矣獨乾言誠者端本
之道耳故曰乾元誠之源其音微哉公往歲司風憲
湖湘戢吏字民民至今思之以不屈權勢落三十年
而所養益剛大今復觀象濂溪務實去僞豈徒爾空
言而已必其由先生之書以明易以合乎曲禮之誠
三忠文選卷四忠簡
以嚴屏攝合乎稽弓之誠使民送死無憾合乎特牲
之誠使民婚姻以禮合乎月令之誠使民器不苦窳
合乎學記之誠使民風移俗易合乎樂記之誠使民
禮經無僞合乎祭統之誠使民祭思誠敬合乎中庸
之誠使民養思孝合乎大學之誠使吾政術無頹欺
無所不用其誠矣由是而充焉吾知公後日登壇贊
元致君堯舜上則盡性也能化也前知如神也無息
則久也知天地之化育也宜皆脗合通書之首視濂
溪其無愧焉濂溪諱敦頤姓周氏紹興二十九年五

月日記

當時大學中庸不頒學官故尚稱為禮所稱易禮之合亦既揭日月而行矣毋論筆力之矯矯

三忠文選

卷四

忠簡

六

二友堂記

上方側席高人起左史福唐李公彌遜於釣築間將大用會告饑而廬陵特甚詔公作牧以字罷瘵既至梯垢爬痒民獲甦郡以大理則求所以慰憊憊者於是視廬之偏得古松蔚然對植以竹開軒其下傍曰二友且為松竹主人命郡人胡銓志之僕曰公山林十有三年窮厓帷壑家後旣而官魚龍宜於林木飽聞而厭觀者豈少此二物哉是蓋有說焉孔子曰巧言令色鮮矣仁夫能牧養小民惠鮮鰥寡必剛毅不回之士蓋剛則不奪於慾故曰愬也愬焉得剛而書則曰剛而無虐惟無虐為無欲惟不慾可以言剛惟剛故能行仁公獨有取於松竹焉者非以其德全於剛耶方公閒於簿書日哦其中見夫檀欒膠輅冷風薄人清陰澡慮則思所以大庇我民以澣以濯見夫落落高標陵轅霜雪有不可犯之色則思所以上列利病與當途要人爭可否而不折見夫幽姿勁質鸞鵲對峙而不受鷄雀則思所以擊奸尚賢使君子有所恃而小人有所畏卒之雨暘以時物物得職威令

三忠文選

卷四

忠簡

七

神行。惠澤以流。仁周。義高乎偃。曾不旬歲。而民和。平豐。且。立巧言。令色。四體。若無骨者。所能乎。至若心遠地偏。境與意會。萬事不到。胸大。聽號鍾之。松風。挹寒塘之竹露。道歷物表。便有濠濮間趣。回視。軒冕。所謂九萬則風斯在下矣。是故可友而不可屈。雖然。公將羽儀天朝。固不能屈之使卑。卓然特立。臨大節而不可奪。以措天下於泰山之安。則豈惟無愧。二友實丘壑夔龍之友。

松竹固自可友。非其人不可妄攀附也。得此文而

三忠文選

卷四 忠節

人

對影三人。髯眉颯颯。

獲麟記

說公羊者。以爲蕭韶作而鳳至。春秋成而致麟。而王公亦云王道之成。乃致天瑞。意鳳凰來儀。自然而至也。西狩獲麟。因狩而獲也。麟果爲瑞而來。則當如鳳之儀于庭。不應獲而致也。獲者得也。不曰麟來而曰麟獲。以見窮蒐遠討。搜原滌蕪。衆殄天物。雖若麟者。且不免焉。則時可知矣。鳳之來儀。亦豈如是而見獲耶。豈春秋之時。亦如舜之時耶。使如舜之時。則蕭韶雖不作。而鳳自至。如春秋之時。雖日秦韶漫而鳳亦不至矣。麟自出耶。自鳳儀之後。舜政日隆。自獲麟之後。孔子遂卒。宗周遂亡。然則麟之不爲春秋之瑞應彰彰明矣。

三忠文選

卷四 忠節

九

退之獲麟解已奇絕矣。此作筆筆高出一層。如凌絕漢而下視五嶽之頂。

永興觀記

銓少時。則聞大阜渡所謂永興觀者。蕭洒有道山之趣。每適城闔。過其門。則必遊焉。住山者王君道貴也。與之語。類知道者。自是相往來。爲方外友。紹興壬戌。銓斥嶺表。竄海上。閱十有三年。始內徙。合江又五年。乃獲自便。歸田。遊宜春。道安成。抵螺川。涉大阜渡。首至永興觀。謁王君。把酒道舊。粲然一笑。則謂銓曰。自頃一別。不知幾寒暑。世事如浮雲變滅。不可勝紀。而吾二人白髮相看如故。豈偶然哉。請書其事。且併記

三忠文選 卷四 忠節

觀之興毀始末。以托不朽。銓感其言。三嘆而遂爲之記。今夫觀之始。自胡君紫槩開山。而劉君居明繼之。瓦礫之墟。變爲壇宇。百餘年間。鐘鼓殷然。已酉冬。金虜長驅江左。邑屋一空。觀亦煨燼。有陳君中陵者。披榛荆莽。一新土木。百廢具舉。不十年而陳羽化。於是王君奮然大作勝事。如里中好事者。劉遷吳鑑。吳昌劉逆。出力佐之。遂成玉清之居。突兀剡見。而同郡會仁刺者。又出力鳩工。捏塑爲像。既又建三門。門側立虎賁之士。甚偉。遠近聚觀歎息。若其殿宇之盛。則勢

隆嶠以崔嵬。峻峨峨以吸崇。巨修楣之宛紆。結於棟以合杳。何其偉也。樓觀之盛。則隆崇弘敷。飛欄轍轍。望穹窿以徑庭。眇莫窮其所極。何其詭也。廊廡之盛。則途閣雲蔓。隱鱗鬱律。監百版之側陋。婉殊裁於八都。何其壯也。彫鏤之盛。則髮櫪文梲。繡栴藻梲。叛赫戲以輝煌。簪倒茄之狎獵。何其麗也。若夫三階重祀。珣齒斲城。抵嶠嶙峋。棧巖巉巖。雖古駁娑駘蕩。燾界桔桀。杙指承先。睨眾庠窳。不足擬其靡。倂拱梓於林鬱。憲紫官而摹儼。噤寒署於邃館。蠹蟬霓而聳峙。雖

三忠文選 卷四 忠節

十一

疏龍首以抗殿。竦造天之危闕。不足放其奇。朱拱雲浮。雕鑿霧飛。對若峻嶽。崛起以捷業。髮若鬚風。舒蜺以垂天。雖表堯闕於鼎門。軼太清以上征。不足儼其峻。雲爵踞蹻而矯首。綵羽摘鏤於西清。雖束廂蚺蜍之龍。圓闕欲翔之鳳。不足逾其逸。蚺尤呵盧。虎榛森戟。靈囿皋於前榮。耕甫偃於楯軒。雖巨靈鼓風。高掌遶。如西京之誦。河靈豐陽。掌華蹈衰。如河東之誕。不足逞其恠。此觀之大凡也。雖然。予問道家者流。泊乎無爲。澹乎自持。清淨虛無。乃其本也。今顧爲是紛

華盛麗之觀。無乃非廣成之道乎。王君曰然。此真董
梧之鋤也。敢不聞而藥之。紹興壬戌七月朔記。

子雲奇字。盤庚螯牙。韓柳惟惟奇奇。錦心繡口。備
見於此。澹庵碧天皎月之文。而雷霆驟至。乃使人
不測爾爾。

三忠文選 卷四 忠簡 十三

序

遜齋集序

余里人周召。挾其有交行在。疏朝廷得失。號一時強
直。他日語余。將買書歸。築齋以遜。且以遜名人其謂
何。余曰。易有遜。在象爲大過。春秋不書。蓋遜非聖賢
之得已也。殆如詩考槃。考槃賢者不得志。退而處窮
者作也。子以一介草茅。一言而善。廟堂擇焉。使待試
禮部。則與衛之賢者不得志於時者異矣。而欲遜焉。
左也。雖然。是固在已。衆方炙轂以味進。已獨脫屣塵

三忠文選 卷四 忠簡 十三

軫作沐猴禪。正自不惡。請因考槃之義。以鍵子之訣。
考槃。賢者處澗阿。能成其樂者也。其章言永矢弗諼。
永矢弗過。永矢弗告。鄭子云。弗諼。不忘君之意。弗過。
不入君朝。弗告。不告君以善道也。歐陽子云。弗諼。不
忘隱處之樂。弗過。獨樂不他適也。弗告。不告人以此
樂也。伊川子云。弗諼。不忘君。弗過。傷不得過君之朝。
弗告。不得告以善也。從鄭說。則流而爲行吟塗笑。鬱
而獨嘖者之爲也。從歐陽說。則流而爲倚木凍炭。往
而不返者之爲也。從伊川說。則流而爲假隱釣名。泥

岩壑而志城闕者之爲也。是三樂者將安從。子歸闡
釋優游。異不及非。怨不及誹。有合於吾易嘉好之吉
則善矣。反是。君子或所不取。

當時亦僅以伊川與鄭歐同稱耳。持議最爲平正。

跋

跋鄭亨仲樞密送那晦詩

紹興丁巳。公與銓同爲編修。官密院。戊午夏。又同考
較省闈。訖事。攝都司。除殿中侍御史。遷中執法。冬。金
人。以僞詔授我。欲屈無隄之輿下。拜以受。從之。公與
銓力爭。不可。言頗訐。上震怒。詔褫銓爵。投貽州。公奮
然曰。吾嘗同僚。決不使邦衡獨斥。夜半。與諫議大夫
李誼宜言。吏部尚書晏敦復。景初。戶部侍郎李彌遜
似之。向子諱伯恭。禮部侍郎曾開。大猷。張九成。子詔。
三忠文選 卷四 忠簡 十五
對便坐。引救。上稍稍霽威。右相秦檜。叅知政事孫近。
激公義。亦卽時入對。乞從公等。臺諫侍從。請上賜可。
銓得釋。謫廣州監鹽倉。公又引大義折檜。遂有量與
錄用之請。除銓僉書。福唐幕。辛酉。到官。壬戌秋。閩帥
程邁。中銓以飛語。復投嶺表。己巳春。新州張棣。承廣
帥王鐵風旨。劾奏銓。移海外。未幾。公自泗州宣撫。被
遣。徙桂陽。又徙封州。亦坐銓之譖也。乙亥夏。病不起。
銓方居海島。愧不能效樂布與敵脂之收葬。以報公。
西。抱恨千古。丙子夏。銓蒙恩徙衡。戊寅冬。公之僭拂。

司戶邢晦德昭。罷官過鴈峰。出示公遺墨。讀之潸然出涕。屬有悼亡之戚。不克繼韻。輒書舊所作楚詞于後。蓋上以爲天下慟而下以哭其私也。

山峩今水深。懷高風。今涕漸我襟。無復若人。今青規黃閣。康瓠登庸。今黃鍾擗却。灰者不可作。今云誰與歸。謂斯文之不遭。今莫如我悲。恭覽遺墨。風雅具體。彼羊質蒙臯比。今其類有泚。

臣忠友誼。兩見筆墨之際。

三忠文選 卷四 忠簡

二六

跋醉鄉圖

余既作醉鄉圖。或云醉鄉不可名狀。圖何有哉。余笑答曰。子非無功。安知無功鄉也。吉州僧契崇。謁余於滄庵。乞一言爲別。以是遺之。可持歸作衣鉢一笑。崇師雖浮屠人。專以詩律作佛事。似亦有意醉鄉。卜鄰紹興五月癸巳。

宋胡忠簡先生文選卷之四終

宋胡忠簡先生文選卷之五

墓誌銘

清節蕭先生墓誌銘

江左有隱君子曰蕭子荆。諱楚。號三顧隱客。父仲舒。歿。以甥從羅公括學。攻苦二十年。仕意不及汲。紹聖間。以母夫人命。預螺川賢書。不中禮部程。留大學。時方較聲律。已獨窮經。於春秋尤深秘。淮海孫氏。伊川程氏。皆以三傳聞。授業者常千人。先生往質疑焉。歸嘆曰。政未免着文字相。作經辨。衆高之。謂是將名家。

三忠文選 卷五 忠簡

乃更北面。會母老。且蔡氏方君圖。遂慨然引還。入林下。其與馮澥書。謂蔡氏欺國。將爲宋王莽。誓不復仕。澥得之驚。今始證其不狂。嘗游巴峽。既粵。氣愈豪放。其寓於詩文者。鉤章棘句。及閑淡清苦。然種種譏切。不苟作。自漢唐迄今。家春秋者且千。槩癖于傳。而先生漸以經。弟子餘百人。傳春秋大義者纔三四。如賢良方正趙賜與澥其人也。澥以忠鯁名天下。初王氏出新學。廢麟書。士媚進無大畧。靖康改元。澥驟見與丞相吳公敏白上。詔可之。復置學官議。蓋先生出曉。

以其餘授銓。幾十稔。偶登甲科。爲春秋第一。歸拜床下。先生曰。學者非但格一第。第止耳。身可殺。學不可辱。無禍吾春秋。乃佳。異時有友坐誣繫大理獄。先生冒盛暑往救。終得不寃。人皆道其義。先生性嫉惡。至亢聲色。數不少卹。及見善。談不釋口。暮年依明德江陳公。及與先君伯仲爲方外友。以累免。應得官。不屑就。大臣約薦之。朝。度不可強。亦已。建炎四年十月二十四日。以疾終。清風滿床。文字枕履。茶數串橫斜。而已。享年六十七。十一月庚申。葬于永樂赤岡之原。

三忠文選 卷五 忠簡

二

吉門人縉臨且挽。因以清節易先生名。嗚呼。士窮節義乃見。不幸不生孔子前。與叔盼同卒。可嘆也。初先生壯未有室。或以無後爲勸。先生曰。咄。舜雖聖。不能掩瞽瞍之惡。顏淵孟軻。無冑嗣而祀典百世益肅。如司馬遷楊雄班孟堅輩。豈以有後故顯也耶。終不娶。先生文集百餘卷。多發明易春秋。與陰陽卜筮。占相醫方氏族。星經地志。字書圖書。九流百家。及駁王氏遠至浮圖老子外國之說。後宜太行。先生前不諱月。謂所親江君預函事曰。銓以吾銘。僕敢以不佞辭。泣。

銘曰。

緊古立言。不以子傳。過者肅之。垂千萬年。

談春秋處。肅然膚栗。

三忠文選 卷五 忠簡

三

公生平不枉故
百敘諸公平反
禮貶一事所謂
其父如蘭也是
誌之別格

監察御史蕭公墓誌銘

崇寧間有疑故宰相張氏私鑄者獄姪蘇連數十百族繫更冬不決。灰者填狴戶大觀改元則詔監察御史復往正於理引對便無撓公拜手受訓陛辭或諷以用事者意指違且及禍作而言曰宰相富貴可指取吾獨忍盲于心常是時人情危駭重足一迹往往咎繇爲不得盡其直公至一日得寃狀以聞既獄以情而張氏得不死流海上公坐鞠案故不實除名竄遠惡則咲曰緣此遺斥灰且不朽故公沒至今凡許三忠文選卷五忠簡四

時猶凜然有生氣嗚呼豈不真能有守大丈夫哉公姓蕭氏字宗甫故長沙人上世逮五季亂家廬陵曾大父良輔贈尚書工部員外郎大父定基故任侍御史贈冊部侍郎考汝真故任通直郎致仕公始冠學大學凡六年聲壓一時中元豐五年進士第上越州山陰簿移舒州望江令改宣義郎知筠州高安縣久之覃恩賜五品服知康州未行充燕越楚昭成四宮教授就差撥發江西歲貢累遷承議郎提舉淮南西路常平等事召爲將作少監赴闕下以使事對極諫

巧言譏說之害于時人方以言爲諱公發其端天子大感悟卽其日拜監察御史謇然有直聲臺僚常缺不補自是三院而上凡十人皆脩奉詔作崇寧脩官記碑于臺以紀得人之盛被放踰年自便又二年召還復藉叅軍開封府戶曹再閱月除吏部副郎六曹歲鈞較三人爲上等公居高第會北使正旦來賀以少奉常館伴至磁移疾請老疾已朝廷復以郎起公公以通直君高春秋力求外以便養遂刺蘄州頃之貶秩爲宣德郎公典選時曹吏或過差不究切之及三忠文選卷五忠簡五

是當國者尙銜前敢異已發公見知故縱故貶秩年五十有六政和二年四月甲子以其官終其年十月已酉塋于郡之吉水縣石牛潭之原始娶何氏女贈蓬樂縣君再娶王氏女封孺人四男子曰宏宥宗寅皆嗜學女一適陳氏婿曰達行鄉貢進士公塋時墓不敢碑上卽位累詔追錄他日以獲罪者其孤泣曰先君齋恨九京三十年矣今可以還紹興戊午以門人左中大夫辛炳狀表行在謁爭銘某辭不可則刪取其辭俾刻之墓銘曰

執法之官。權重主相。咎繇平刑。堯無以枉。腐夫撓權。與世蹇產。臧宣阿洪。殺主父偃。允義蕭公。國之司直。淑問不倚。寧我竄殛。姑成吾是。得仁捐軀。篆此銘詩。以愧非夫。

宋大理寺丞補授河南參議弟從周墓誌

君姓胡諱鎬號文岡字從周銓從父弟也靖康丙午以春秋中國學通榜第十七名擢紹興乙丑劉牽榜進士第調新淦尉令素貪鄙不孫多厲鎬鎬不與較及終更部使者劾其過徵尉羈留之鎬曰雖公禁柰何謂我快意宿望也乃趣之行以前出境反命學士向子諲聞之嘆曰胡尉乃能長者銓上封事高宗不當事醜虜言甚切直謫海外由是退居二十年後以張忠獻浚薦當路亦始交章矣既改秩除諸王宮教授樞密劉琪嘉其靜退謂當以中秘處之會琪出鎮不果遷大理寺簿閣歲丐外補授湖南參議官終朝列大夫賜緋魚袋銓與鎬同祖諱愷贈承務郎父諱汝明贈宣教郎母任氏羅氏俱贈安人生鎬兄弟有四鎬居二配陳氏封宜人繼劉氏封孺人生子五汲壽泗河潞孫男十一械杜汲出甥懷枕壽出枕桂棲積汚出棗機潞出諸孤卜今月十七奉鎬柩葬白蓮堂祖塋右銓記大略方以爲誌

先兄民師配安人陳氏墓誌銘

安人姓陳氏。先兄處士府君諱宗古。字民師之配也。攷世系。陳氏自媯姓。夏禹封商均於虞城。三十二世孫遏。父爲周陶正。武王妻以元女大姬。生滿。封之於陳。賜姓媯。以奉舜祀。十一世孫敬仲奔齊。以國爲姓。既食邑於田。又爲田氏。十五世孫齊王建。三子昇桓。軫。桓稱王氏。軫封潁川侯。稱陳氏。至嬰凡十八世。自嬰至霸先凡二十五世。是爲武帝。厥後子孫散軼。曰暉者。自金陵徙江西。遂爲吉之泰和人。二子曰承進。

三忠文選

卷五

忠節

八

承逸。世未有聞。逮國朝建炎戊申。曰千齡者。始中進士第。距承逸世凡七。以武帝廟爲始祖。安人其後也。父諱時彥。字周輔。政宣間。令法行爲二戴禮。有聲庠校。時府君亦從事舍選。公高其才。以安人歸焉。安人母邑中曾氏。提舉公安強南之族。敦厚賢淑。故安人鍾母德。事父母孝。既笄。歸夫家。胡氏族大。少長率禮法。已能移其所以事父母者事姑。時舅已不逮事。獨姑歐陽夫人在。夫人文忠族。靜順慈惠。既日侍。則婦當孝姑。其所趨向。日濡耳染。以熟歲時。伏。婦

三忠文選

卷五

忠節

九

喪祭。及其所行。一切以夫人爲準。故安人爲婦。孝夫。人凡八男子。教戒有法度。元豐貢士府君壽不及中。夫人訓督朝夕。不分賢愚。訓子婦亦然。嘗語府君兄弟。汝輩少孤。我家文忠亦如是。克自成立。爲之難。豈必父訓。當時稱賢。安人習聞話言。淬礪子姓。使就器業。曰。吾姑如是。是故廬陵多賢母。豈可不勉。府君已下世。籍一出。脫白丁。然後曾祖而降。三人中科第。少伸夫人之志。亦安人教子之效。箕入太學。餘三十年。間歲一歸省。安人每謂箕。脩身謹行。是亦爲孝。初不以利祿望汝。何栖栖爲。故箕久而監舉。且升舍。歲丁酉。孫楷模聯薦書。父子將俱試南宮。而安人已下世矣。及見二孫薦人皆歸之賢祖母。故安人爲母義。而慈安人妯娌七。而次居六。與叔姒蕭尤睦。叔壯年遭亂。避地蕭氏。病革。府君往訪存沒。至則道梗。因留視醫。叔竟不起。既辦喪。而綠林跳梁。府君問道歸。蕭與二子留。久之。而二幼來。安人視猶已子。蕭亦來歸。相與不異。平日自爾同居四十年。無纖芥失。暨其子若女成立。就婚嫁。生理益饒。築室爲比鄰。而情意依依。

不一日相捨去。族黨義之。故安人於妯娌久而益敬。安人以子在仕版。該郊恩。封太孺人。太上皇慶壽七十。加封太安人。子男五人。箕公武符籍篆籍。今爲宣教郎。新知龍興府新建縣。女二人。長適孟處約。次適倪求已。中進士第。今爲迪功郎。新永州司戶參軍。孫男十二人。楷模格。据椽橋。標梃。榛懷悅。孫女十四人。長適劉德行。次許倪升卿。次適鄧執圭。皆士族。餘尚幼。安人歲時坐堂上。子若孫子婦孫婦若女。以次爲壽拜堂下。辟容愉色。人稱爲壽母。初籍中科。戒以三忠文選。卷五 忠簡 十

長者中饋之助爲多焉。銓嘗謂吾宗同堂同薦者有之矣。未有同胞同薦如楷模者。此又見積善之報云。戊戌夏四月。箕率諸弟以安人行實來請銘。且曰。先親平日仁孝慈祥。皆可以率世勵俗。俱湮沒不聞。願今非實不言。言必信後。果如吾叔。願丐一言爲不朽。託銓泣曰。吾受吾兄之教多矣。義其可辭。銘曰。異德惟順。婦道之能。坤德惟厚。母道之亨。懿矣安人。既順既厚。姑曰孝婦。子曰慈母。賓祭必躬。牢醴黍稷。協比婚姻。畏我在側。胡不偕夫。先其歸。胡不同藏。三忠文選 卷五 忠簡 十

吁其可悲。歷歷有情。井井有法。至一二纖瑣處。尤使人徘徊興喟。

宋故迪功郎權知袁州分宜縣事李公夫人胡

氏墓誌銘

孺人廬陵胡氏銓從父處士諱登臣之女嫁李氏爲
曲江別駕公諱黃之冢婦前權袁州分宜縣尚仁之
孺人從父兩室歐陽文忠公之族孺人與羅氏姊今
衡州教授兄份皆歐陽甥也異母而甚相友愛踰笄
歸分宜既饋而舅姑皆曰賢大家嚴婢視于舍獨以
恬謹見許糜藥非我嘗不御天資慈祥靜柔家雖黃
不入分宜之耳率廉貞以清畏嘗之官封陽興寧魚
三忠文選卷五忠簡
十二
鹽沃衍之地分宜無撲滿聲長叔遊天庠孺人鍵其
計使得卒業尋舉進士第歸拜家慶曰嫂氏於我有
恩季姊死于嶺表力爲庇塋如其舅姑婦及再受室
則孺人之姪也姑乏再出力資之以鬻髻飾不靳其
姑在興寧時分宜偶以檄出而孺人聞姑疾即日挈
其子冒霧先歸姑喜而愈坐是得羸疾者連年紹興
辛亥秋哭其姑哀疾益侵俄以毀卒是時姑歿纔五
月實次年正月二十九日也享年三十有九卜以癸
丑十二月甲申葬白茅坑之原二子曰說謨皆讀書

初李有族家子幼無依孺人母之劬勞及是喪孺人
如已出孺人銓伯姬也分宜以狀來速銘銓聞兄教
授言然其銘曰

末俗澆漓姑慈婦儼自我來嬪姑嚴婦孝醜彼卿夫
視以靜好毋非已子亦服厥教尙責黃壤天可責報
銘語慨然

祭文

祭張魏公文

建炎戊申駐驛維揚公爲春官二卿文昌詳定殿廡多士在庭得銓大對謂如劉蕡擢實第一執政不平遂降在五公驚待罪人爲公危公曰何害苗劉變作上皇蒙塵微公捍禦國步實屯復辟之功千祀一人富平之役如鴈門蹄日月之更人皆仰之賜環于閭百辟是師時維紹興改元之始有盜在夏曰楊么子羣偷相挺號百萬人湖北槍攘比屋紅巾憂見天顏三忠文選卷五忠節十四

岳飛授鉞公出視師纔三鼓月一鼓賊平妖氛廓清凱旋建康握砥近衡辨賢不肖黑白大分羣小抵巇飛語上聞當宁致疑蓄怒未發會鄴瓊叛淮南脆脆自簡交攻中以深文獨公竟坐出帥七關席不暇溫危機復蹈竄徙流離半生嶺嶠飲水食蘗以身殉道辛巳秋高虜騎長驅逆亮橫行飲馬長江垂頭中原謂必無宋百僚竄身轂下洵洵舉朝失色急詔起公遂自長沙拜命總戎膽落犬羊不戰而僨逆亮被戕一夕師遁額額淮城萬片相望知幾萬家微公幾亡

皇龍飛首請恢復都督諸軍勢如破竹符籙之役

暗鳴蟾戎曷潰爭功師雖崩潰公獨堅臥父子泣違

觀者淚墮虜不敢動復全淮南帝命公歸正位具瞻

再登鼎司纔四穀朔百不一施讓口領領一跌不復

羣飛刺天曷不慙遺一朝湔然上管語銓朕憂魏公

旦旦籲天期公壽隆一離謗鑠卒以廢疾謂上不懷

言猶在耳民之無祿國喪元龜爲天下慟非哭其私

公嘗謂人平生相知惟邦衡子韶始末不接子韶已

矣銓獨在此懷祿不去其額有泚敬遣家奴往致生

三忠文選卷五忠節十五

獨矯首望雲涕泗霑裾嗚呼尙饗

魏公固當時第一偉人功雖不成其志固日星皎

皎矣不得此大手筆何以發其勲節耶

祭呂尚書文

嗚呼天乎何助桀爲虐而不與堯爲善乎。茲鉢逆鼎。逞桀之驚。天胡不降之罰。忠臣義士。助堯爲善。天胡必殞其元。是爲善未必福。爲惡未必禍。爲造物之茫。然嗟嗟我公。亦可謂大不幸。此吾所以疾痛而呼天也。天乎痛哉。歲在豕韋。有盜在夏。晚周門之舍牛。盼長江而飲馬。繁冠養威而桀驚。旄鉞食天而竊假。額額淮城。實襄據者。公氣沸騰。謂大不可。亟往蒞師。天子命我。是何異以麟將狼。而以一簣之區。區區回狂瀾。於既瀉機潰而發。變生肘下。氣弗壓於岱。嵩身遂膏。於原野。雖引鉤斷舌。莫伸橋柱之冤。而嚼齒穿齦。益厲睢陽之罵。天乎痛哉。僕在山林。公獨我知。來赴關下。首加品題。致康瓠蒙黃鍾之賞。而千金享補履之錐。賢人君子。方翕然恃以爲司命。而山崩海竭。將魚鳥之何依。天乎痛哉。公之幼孤。墮地纔齔。呱呱弗子。邊事方割。拂劍出門。義不還顧。函計每至。一旦千古。誰不碌碌。保妻子。公獨不暇。守其孤。誰不保。誰死。家寶公獨不得全其軀。何蘭桂玉折。而蕭艾。公獨

三忠文選卷五 忠簡

十六

三忠文選卷五 忠簡

十七

回軟熟。富貴壽考。而剛方正直。反天厄以崎嶇。信顏距不相勘。而蒼蒼者固不可以曉歟。天乎痛哉。嗟嗟我公。復何爲耶。行耶止耶。昧耶明耶。豈形忘生死。不念君些。將魂魄不歿。奄淮土以爲家些。豈塊然冥漠鬱千古之憤些。將上訴天帝。泄不平之冤些。豈烜赫威靈。血食萬世些。將哀兵驅鬼。以殲反虜些。豈變爲長虹。以吞此鯨鯢些。將奮爲烈缺霹靂。以震蕩醜虜之窟穴些。不然。長雄八公。山使草木皆神。破符堅百萬之師些。幽冥茫然。聞不聞些。天乎痛哉。哭聲如疾雷破山。淚如注海。而傾河。復何爲耶。復何爲耶。痛哉。呂尚書與張魏公同事。而一爲救時之將。一爲化碧之魂。故兩文各極其致。

祭蕭清節先生文

漢○惟○奔○禍○。鮑○宣○歿○忠○。蔡○將○君○圖○。先○生○道○窮○。火○不○玉○侵○。陰○無○日○蒙○。元○祐○以○還○。新○學○汶○溺○。婉○花○儷○葉○。聖○道○以○熄○。天○未○喪○文○。緊○啓○先○生○。如○唐○得○韓○。正○論○以○興○。莊○騷○班○馬○。郊○島○籍○湜○。採○掇○無○遺○。芻○狗○篇○奏○。百○八○十○年○。剝○華○就○實○。粵○若○崇○觀○。衆○恬○以○嬉○。覺○微○孤○騫○。秦○鑑○宋○龜○。軒○組○儻○來○。脫○屣○如○遺○。城○下○之○盟○。中○原○喋○血○。彼○婉○變○者○。翬○頸○決○裂○。落○落○高○標○。歲○寒○見○節○。爲○彼○不○清○。廩○作○玉○屑○。顧○惟○馬○走○。昔○依○洙○墻○。北○面○遺○經○。箴○膏○刮○育○。食○實○溉○根○。報○賜○敢○忘○。三○忠○文○選○卷五 忠簡 十人

叙師弟處情辭雋妙

祭顏知敘文

嗚○呼○公○乎○。實○惟○究○國○公○之○苗○裔○。淵○也○。簞○瓢○。公○身○三○圭○。淵○也○。短○命○。公○壽○七○十○。淵○也○。無○尺○寸○之○地○。以○行○其○志○。公○嘗○參○大○政○。事○業○暴○天○下○。較○公○所○得○亦○已○多○矣○。復○何○所○憾○。凡○今○爲○公○戚○戚○者○。萬○里○旅○櫬○。無○家○以○歸○也○。將○歿○之○言○。無○子○以○託○也○。以○是○爲○可○悲○耳○。雖○然○。是○處○青○山○。可○埋○骨○。旅○櫬○非○所○悲○。有○兄○弟○有○孫○。以○承○家○。無○子○非○所○悲○。則○凡○今○爲○戚○戚○者○。皆○非○銓○之○所○悲○也○。銓○同○里○閭○。嘗○同○朝○。有○一○日○之○雅○。膺○命○來○蒞○茲○土○。又○獲○朝○夕○。承○顏○接○辭○。平○生○相○知○。如○公○蓋○少○。一○日○不○見○而○亾○。吁○。可○悲○也○。尚○何○言○哉○。尚○何○言○哉○。百○繞○黃○腸○。屑○涕○沾○衣○。蓋○上○以○爲○天○下○。而○下○以○哭○其○私○。三○忠○文○選○卷五 忠簡 十九

通鑑敘
羅公行
實德選
伏孝遠
兩字至
本引六
易結出
義深詞
雅

傳

羅孝逸先生傳

羅無競字謙中其先長沙人也遭馬氏亂家廬陵曾祖晟祖亮父允以好善聞州里謙中哲頤豐姿幼穎悟游學南昌且數歲有場屋聲三舍法行歲時釣輟行藝出諸生上疾士風日薄歸杜門會有熙河之役上書條利害特肯褒美授廸功郎親交強之行始爲建寧主簿愛民如恐傷御史束濕令魯人黷貨無藝謙中連注其過銜之思有所中傷無毛髮黷令卒

三忠文選卷五 忠簡

三

以貪敗先謙中嘗攝尉鄉民爲殺賊令意爲盜檄尉縛既得移縣以實則使喻以風指此可超某官咲曰殺人以爲梯忍耶遂白郡數十人得不死汀有劇賊衆數千聲言建寧欲以者與謀自全謙中日邑無小召吏民鍵以禍福爲守備盜不入境去官百姓遮道歸踰年丁外艱毀甚母不勝悲不得已強食免喪不復仕號遜翁帝書萬卷大蒐其間故人清風鵬咏終日家無他贏建炎間金人渡江聚洛府謙中大息吾獨如墨莊何虜過其廬曰儒先家也戒無犯自是避

地以歸咸以方義成保一日忽得疾侍母不解憂棘泣數行下謂家人吾不得終養矣遂卒年五十三門下私謚曰孝逸先生娶朱氏子良弼良佐謙中喜作詩高處切風雅平處往往鮑謝性天靜易未嘗爲汲引而薦者交章待人以和泛然應而終不易其介父事兄友其弟弟義死其孤方襁褓養視數年而夭則以良佐爲之後且嫁其女姑若妹窘而寡者給其贍終身死則具禮以葬子姓皆興於學紹興初取士復詩賦良弼爲鄉舉首無何上大享合官恩耄期母年

三忠文選卷五 忠簡

三

九十封太孺人人謂謙中仰親俯子皆無可恨有集數卷經解數卷注青衿集三卷行于家先君宣教雅與公厚嘗謂某兄弟謙中有佳兒予之師清節先生蕭子荆謙中友也亦云故予兄弟樂與良弼游予登第後讀書山中十年良弼未嘗不來來未嘗不論文終日後某被召大臣舉子應直言極諫等科朋友有助焉良弼爲多予其敢忘之頃得給事中李仲謙所爲公墓誌又以所聞補之爲公傳而竊計其大槩曰爲親而仕近毛義詎謂以詭時近東方朔遜以求志

近淵明云太史公曰在易之蠱曰幹父之蠱意承孝也又曰不事王侯高尙其事一卦而二戒具聖人之意深矣崇觀以來迄于政宣之間童蔡方君圖門如沸羹人爭趨之朝輿臺而暮門兩柱者肩摩於朝而不知其害及靖康之變凡其黨與耄嬰頸血不夾刀鋸則从于兵骨相枕于道頭顱有行萬里者謙中是時方白水捲簾而青山隱几也夫然後知公之爲高然猶絪名縣掾者天命不可違也進不違義命則令乎承考之義知時不可爲而止則合乎高尙之戒謂

三忠文選卷五 忠簡

王

之孝逸不予欺云

慨然有無窮之思

胡忠簡先生文選卷之六 書

答譚思順書

向者辱牋教扳援河伯海若問答及引孟子觀海難爲水遊聖人難爲言之論以至正人心之說反覆數百言三復感歎知足下之望於僕也至矣鄉以方有私家戚不卽裁答因循至今夫言辭之不酬雖孔子不得行於互鄉况如足下之學識非互鄉之比而又於僕懇懇耶又安得默然而但已哉夫自古論聖人

三忠文選卷六 忠簡

一

之道以江海爲喻者多矣而皆未能盡江海之極致何者以其未嘗識海也銓嘗浮於海矣切自謂世之知海之極致者宜莫如銓今夫海之爲器也南灩炎荒北洒璇極東演濛汜西薄月窟渺滄溟與渤澥波黏天以嶙沔澈渌潏潏浮空迷岸襄陵廣漠寫膠漫汗彰沙磧石蕩穹沃日頽雲屑雨崩濤捲雪狀如天穀膠炙而激轉倏若坤輿挺定而輻裂飛流濺沫決首股栗其蟲千怪萬狀而不可悉數其鳥獸詭態殊形而不可致詰其舟如凌空山其帆如垂天之雲千

之艤萬斛之艤。巨艦廣艦。若般若舫。若吳之餘艦。舳舻若楚之艤。艤飛鵠。千艘萬舳。舳舻相銜。翩若鴻驚。瞥若鷗沒。飄風一日。踔數千里。湧不見畔。岸決檣摧。撞罔然鳥逝。吁。可畏哉。水怪則有。海童邀路。馬御當蹊。河伯罔象。出沒隱見。蜃樓忽起。突兀萬仞。摩雲排空。天地黯黯。斗變異色。則有吞舟之鱷。崕峴孤遯。長髻梢雲。巨鬣刺天。哆口脩牙。劍戟嵯峨。崇島巨鰲。延袤千里。擘洪濤。楮北斗。五岳鼓舞。窮世間萬彙。舉不足以盡其變態。雖極班彪之覽。木華之賦。酈元之

三忠文選

卷六 忠簡

二

經。盧肇之說。韓愈之碑。雄辭傑識。曾莫能詰其紡績。信乎觀于海者難爲水乎。知海之難爲水。則知聖門之難爲言亦猶是矣。今夫源深者流必洪。必至之理也。有德者必有言。必至之理也。難爲水者。非水之難也。其淵源之大。爲難難爲言者。非言之難也。其德之盛。爲難德水也。言浮物也。水之大。而物之浮者。大小必浮。德盛則其言也。旨必遠。亦其理也。昔者孔子道大而德博。其垂世立教。非有心於言也。而能言之。類莫能加焉。門弟子能得其微辭與旨者寡矣。惟許顏

回於吾言無所不說。至於商也。賜也可與言詩。雍也然。偃也是。於漆雕開則說之。曾皙則與之。亦庶幾矣。然子夏之學流而爲田子方。田子方流而爲莊周。莊周之書。喜稱子方之爲人。則商雖可與言詩。其失也。誕。子貢之辯。多爲聖人之所詘。至答原憲之問。終身耻之。則賜雖可與言詩。而其失也。躁。子游習於禮。至論本末而子夏以爲過。則偃雖言是。而其失也。誣。若夫宰子善爲說辭。而聖人且有失之。子我之譏。顏孫師論至恩義。善矣。而偃也。參也。皆詆其不仁。聖人亦

三忠文選

卷六 忠簡

三

疑其忠信不足。有若強識好古。能明孝弟。善也。而於羣弟子之問。惜不能對。夫數子者。皆號升堂入室。而不及回也。得聖人之所以言。其不謂之難乎哉。善哉。齊太史子與之言曰。乃今而後知太山之爲高。滄海之爲大。惜乎夫子之道德。不加于民也。信乎其知聖人之道也。銓也。學苦而身益窮。何足與論聖人之道。而足下不以爲可鄙。乃至扳援古者以發固陋。辭義高遠。殆非區區者所宜得此也。然僕切有疑焉。惜足下不期至於海而自比於河伯而止也。夫沿河而下。

信足立
不示朽

苟○不○止○雖○有○疾○遲○必○至○於○海○故○學○者○必○慎○其○所○道○道
於○曲○學○異○端○而○欲○究○聖○人○之○言○誠○韓○愈○所○謂○航○斷○港
絕○潢○以○望○至○於○海○也○故○欲○究○聖○人○之○言○必○自○韓○子○始
士○固○伸○於○知○已○足○下○其○毋○謂○曉○曉○不○一○

眩○轉○百○怪○高○出○昔○人○之○上○乃○知○張○思○光○猶○未○謂○至
毋○論○木○玄○虛○

三忠文選

卷六

忠節

四

答陳漢臣書

銓○白○解○元○陳○君○昨○日○蒙○惠○長○書○齋○戒○伏○誦○覺○氣○格○不
類○海○外○人○文○章○因○請○問○師○友○淵○源○所○自○而○吾○子○答○以
常○從○張○慶○符○學○於○是○知○吾○子○蓋○有○師○承○而○非○若○庸○庸
無○模○範○者○僕○前○在○吉○陽○與○伯○麟○慶○符○交○得○慶○符○詩○若
文○凡○百○許○篇○慶○符○辛○未○之○春○自○吉○陽○脫○罪○習○北○歸○滯
留○于○瓊○者○累○歲○甲○戌○春○正○月○忽○沿○賴○復○至○吉○陽○相○從
累○月○歡○甚○既○別○三○年○而○僕○蒙○恩○徙○衡○意○謂○到○瓊○當○握
手○道○舊○寫○三○年○之○悲○纔○弛○擔○卽○訪○問○慶○符○安○否○聞○寓
村○落○距○城○三○四○十○里○病○不○能○出○爲○之○悵○然○者○久○之○兩
日○前○偶○於○直○殿○李○侯○處○得○書○啓○兩○紙○而○繼○得○吾○子○之
書○重○思○慶○符○而○不○得○見○見○慶○符○之○所○往○來○者○則○如○慶
符○焉○况○吾○子○親○炙○其○人○而○其○文○又○有○似○吾○慶○符○者○乎
退○之○兄○李○師○錫○如○見○李○元○賓○殆○此○比○也○觀○吾○子○之○姓
名○慶○符○之○聲○譽○恍○若○夢○寐○誦○吾○子○之○書○見○慶○符○之○範
知○師○友○之○不○苟○也○子○之○言○以○銓○爲○知○命○守○道○不○違○孔
孟○者○銓○豈○敢○當○此○蓋○庶○幾○焉○而○未○云○有○得○萬○分○之○一
徒○喜○吾○子○之○學○慶○符○而○其○文○有○似○于○吾○慶○符○也○故○言

三忠文選

卷六

忠節

五

之○吾○子○其○勉○焉○將○復○有○深○於○是○者○歟○銓○將○南○鄉○酌○酒○
以○質○慶○符○之○席○得○人○也○吾○子○其○勉○之○
宛○轉○有○深○情○

三忠文選

卷六

忠簡

六

遺從子維寧書

古○之○君○子○學○欲○其○日○益○善○欲○其○日○加○德○欲○其○日○起○體○
欲○其○日○強○行○欲○其○日○勉○心○欲○其○日○休○道○欲○其○日○章○以○
爲○未○也○又○日○知○其○所○公○見○其○所○不○見○一○日○不○使○其○躬○
怠○焉○其○愛○日○如○是○足○矣○猶○以○爲○未○也○必○時○習○焉○無○一○
時○不○習○也○必○時○敏○焉○無○一○時○不○敏○也○必○時○中○焉○無○一○
時○不○中○也○其○競○時○如○是○可○以○已○矣○猶○以○爲○未○也○則○日○
夜○者○日○之○餘○也○吾○必○繼○晷○焉○燈○必○親○薪○必○燃○膏○必○焚○
燭○必○秉○蠟○必○濡○螢○必○照○月○必○帶○雪○必○映○光○必○隙○明○必○
王忠文選卷六忠簡
借○暗○則○記○嗚○呼○如○此○極○矣○然○而○君○子○又○日○終○夜○不○寢○
必○如○孔○子○鷄○鳴○而○起○必○如○大○舜○坐○以○待○旦○必○如○周○公○
然○則○何○特○而○已○耶○范○甯○曰○君○子○之○爲○學○也○殫○身○而○已○
矣○

談殖學處津津齒牙想見邦衡投荒時所寄託文
勢如捲波忽用范甯語亭亭而止

答溫彥姪書

叔銓告秋爽。想與諸幼康健。領字甚慰。老抱昨辱贈別佳句。如南朝欲相身方上。北虜聞風骨已寒。不敢當。謹藏十萃。以無忘蓼蕭。數日前傳姪婦還和。未的殊在慮。叔此粗常。唯侍立脩史。無暇奉訊。脫然馳想。不若是。是。未間。力職愛厚。

叔銓告。寵寄佳篇。如已聽恩波生茗碗。更看皇澤下。鷄竿意味皆妙。難甘不是唐工部。竊効猶堪艷繡鞍。似覺慊然何也。近上庠諸俊有見訪者。談吾姪不容。

王忠文選

卷六

忠簡

八

口。董子羽參入。亦稱道不置。一第直濶子耳。何慊乎哉。着鞭一來。是望是望。

頌

後薊山頌

猗歟薊城。層霄可摩。視彼喬岳。亦云峨峨。德則降神。不知其他。刻此頌焉。與山不磨。

月中桂頌

月中桂。美曾君將折桂也。桂枝高高。曄曄其華。紅紫披離。少陵詩葩。桂枝高高。有蕢其實。驚峰子落。秋半之夕。桂枝高高。其影亭亭。仰天而攀。我思少陵。

王忠文選

卷六

忠簡

九

疏

蓮花寺脩造疏

如來燒亦盡。只有一羣僧。嘗聞其言。今觀斯事。誰刻
堂前一丈草。動是荆榛。風捲屋上三重茅。難安燕雀。
要見烟生碧瓦。除非血染青蚨。且莫咲火裏蓮花也。
須念雨中泥佛。

蓮花寺重脩造疏

清涼寶山。眷屬萬人之常在。金色世界。龍天八部之
同居。正如月住虛空。設道佛須塔廟。然而真智無方。
三忠文選卷六 忠簡 十
則一座滅。習緣有在。則三界瞻。况如來適當盡焚。在
衆僧故應作禮。我是以收之煨燼。加以莊嚴。焚其廬
而火其書。已足遭他毒手。歸依佛而歸依法。更願拯
我頽風。一切見聞。大家同向。

此等小言。繡艷尖刺。在東坡浩翁間。

脩值夏街疏

脩心莫如脩路。路若平。卽是心平。安居須念安行。行
者穩。自然居穩。願資衆力。共闢坦途。

泰霄觀脩殿疏

父析薪。其子弗克負荷。魯史所誅。考作室。厥子乃不
肯堂。周書攸戒。每慚卑室。久讀高真。况前代之規模。
其來甚遠。宜後昆之率履。可不欽承。要識箇木作天。
何必玉真公主。如欲見錢流地。豈假銀衣道人。自有
當仁。能辦茲事。

青原山抄題買田疏

厨乏芳食。多誤食時。持鉢生有菜色。率當齋後。聞鍾
何曾螺化。爲炊動輒魚生。於釜敢垂涎。於白粲。徒夢
寐於黃梁。念一飽之無時。遍十方而請命。要託心地。

三忠文選卷六 忠簡 十一

廣開福田。倘種德之弗深。則爲仁而不熟。惟諸檀越。
發大慈悲。少不嫌貧。女一錢多。勿吝給孤。廣布我欲。
深耕易耨。令居者有積倉。剝莽披榛。使世間無寸草。
一視青原界。盡爲白垠莊。稻有麀牙。黍多燕頤。飽少
陵翻匙之雪。殮涪翁亂眼之雲。必有當仁。能辦茲事。
一犁春雨。且剝買渠裏黑牡丹。萬頃良田。不易喫飯。
中鐵菱角。

小品遊戲具見如椽

宋胡忠簡先生文選卷之六終

胡忠簡文選跋

忠簡之文宋慶元間有集百卷刻於池陽楊誠齋先生嘗序之予巡方及汝意藏書之家必有存者亟語守令懸金以購至訪求期月而不得嗚呼忠簡之文

胡跋一簡

其終不可覩其全也歟蘭秀幽谷通國不能覩其芳域于地也秘私帳中談柄資以彰其異晦于人也海內大矣豈無有人焉寶金匱之遺為獨擅之美者然而予不獲見也獲見者此六

卷耳就此六卷鴻文小品長吟短咏無弗具美向今百卷而在層篇累牘充盈几案朝夕擁對其為大觀又不知當何如所不能不長太息于全集之亡也全集亡矣茲猶曰文選者何感世

胡跋二簡

代之淹遠恨殘缺之僅存按卷懷思把玩多已玄圃之積虛皆玉梅檀之剖片俱香則予雖未嘗去取亦覺不須去取而並選之云者此也

崇禎丁丑孟夏

宗後學留臺胡接輝識



月三簡

里先忠三先生文選目錄

廬陵後學胡接輝篤父父集選

友人 文江劉同升孝則父點定

毘陵薛 棠諧孟父批評

男 胡先庚編次

門人宋世臣

季光潛

李枝秀

彭起雲全較

三忠文選 目錄 文忠

宋周文忠先生

舊序

本傳

卷之一

制策

春秋賓禮人才之優劣

內制

皇子雄武保寧軍節度使制

大尉威武軍節度使制

少保寧武軍節度使制

奏議

論添註贛州軍馬奏

選擇監司郡守議

自叙

表

誕皇孫賀重華宮表

謝賜銀合臘藥表

謝復益國公表

三忠文選
目錄

文忠

二

乞致仕表

除授禮部尚書兼學士謝表

記

泰和縣仰山二王行祠記

安福縣重修鳳林橋記

序

歐陽文忠公集序

曾氏農器譜序

跋

東坡秧馬歌跋

跋胡邦衡奏劄藁

卷之二

碑文

忠簡胡澹菴先生神道碑文

祭文

祭羅長卿文

書

范至能參政

三忠文選
目錄

文忠

三

趙子直丞相

又

王宣子侍郎

王仲行尚書

又

馬晦叔提刑

鄂州閭都統

王才臣子俊書

韶州梁守書

陳德卿書

李知幾運使書

曾無疑書

呂子約寺丞書

汪季路司業書

詩話

陶淵明山海經詩

劉禹錫淮陰行

唐酒價

杜荀鶴事

康與之重九詞

三忠文選
目錄
文忠

老人十初

李石霜月詩

金鎖甲

四

宋周文忠先生文集舊序

吉州文獻甲天下。其文人後先炳耀。未易臚別。余自束髮從事操觚。始授歐陽文忠公集。竊誦法心往焉。已讀胡澹庵上封事。文丞相正氣歌。慷慨悲憤。髮爲上指。蓋夢寐庶幾見之。之數君子者。考其水木。潯發螺川。邑故多彬彬名世哉。乃掩卷嘆曰。吾聞地靈人傑。彼百里而三君子。輿圖增重焉。苟得執鞭弭四方。會得此地。式慰夙心。乙未冬。幸以分符之命。來宰是邦。道從章貢而下。見其水委蛇逕迴。瀕浴森漫。一瀉而匯蠡澤。夾岍皆山。隱隱青霄。丹氣明秀而有餘光。則又擊節嘆曰。曩固疑諸名賢奇偉俊拔。當出山川綺美。良不誣也。入其境。駿奔忠節祠。儼然見諸君子於俎豆間。過螺山。謁文丞相專祠。因徘徊不能去。又暇日。與薦紳論此邦先哲。我國朝來。雲蒸鵲起。者弗具論。論有宋。微獨三先生。卽周益公亦最著。公行事載青史。生平所爲文。典正爾雅。可垂不朽。今烏衣飛燕。以故湮沒不傳。惜哉。余曰。唯唯。昔不佞稍習舉子業。論駢麗八代者。首屈指是公。乃未覩公之大。

全也。夫家有藏卷而令其散佚。子孫之過也。邑有巨
麗名。言不能表章而闡揚之。有司之耻也。且余嘗閱
輿圖志。獨載歐陽三先生而益公軼焉。何也。蓋野史
裨官未備歟。抑邦固多賢。不能殫述其凡歟。于是始
與方伯淳寰劉公謀。鋟而梓之。而遍求諸人士。苦無
藏本。適劉司理鄴架得殘編若干卷。而充棟無倫。篇
章叛漁。又亥豕舛訛。不佞作吏孔道。稍輟簿書校讐。
而困於手板。中沮會學。傳謝君銳然校閱。繙攷既勤。
烏馬漸巖。分門別彙。井井有條。乃屬繕寫者付諸剞
劂。齊頭有暇。因得次第卒業焉。編既就。進之親公張
使君。使君報可。且曰。表章先哲以示後人。有司事也。
命宴以數言綴其端。夫宴固寡陋。卽夙昔操鉛槧。目
未覩一斑。而遽欲品厲文人。非其任矣。第思是集遺
佚散失。幾四百年。一旦昭揭人間。豈文之顯晦。或有
遭耶。抑文以人重。固垂之彌久而不朽者耶。昔三都
構思。久且紙貴。龍泉劍氣。精芒燭天。豈以豐猷沉埋
能終掩其璞哉。夫世稱益公善屬文。尤長於聯偶。故
流傳四六。率膾炙人口。乃今披誦斯集。連璧合珠。

三忠文選

文忠序

二

種見寶。又何其多奇乎。雖然。史紀公制命溫雅。周盡
事情。爲一時詞臣之冠。而純篤忠厚。以善道君。雖以
淵觀輩之狃。韓侂冑之排擠。卒不改顏易步。湍足
權門。蓋老且益堅也。嗟乎。公之鍾祥螺川。樹幟菴園。
與歐陽諸君子同敵霄壤者。匪以斯集是集。特其嚆
矢焉耳。萬曆己亥清明日。清漳胡廷宴書。

三忠文選

文忠序

三

周文忠公傳

周文忠公必大。字子充。廬陵永和人。幼孤。母朱夫人。課讀每至夜分。登紹興二十四年進士。監和劑局。坐失火免。二十七年。中博學宏詞科。召試館職。高宗讀其策。曰。掌制手也。授秘書省正字兼國史院編修官。復除監察御史。孝宗卽位。初御經筵。公奏。經筵非爲分章析句。欲以備顧問。裨聖德。諸治體。除起居郎兼權中書舍人。帝與公論邊事。以蜀爲憂。公請寬其賦。應詔上十事。皆切時弊。署給事中。

三忠文選

文忠傳

一

中。不辟權倖。帝曰。意卿文士。不謂剛正如此。金人索舊禮。公請正敵國之名。其後議受書及止告喪之使。皆從公議。帝甚才之。曾覿龍文淵得幸。臺省交彈之。有詔遷知閣門事。時公與金安節不書黃。旬日復以命。公竟格不行。遂請去。出知南劍州。改提點福建刑獄入對。願詔中外舉文武才。區別所長。爲一籍。藏禁中。備緩急。除秘書少監兼直學士院領史職。鄭聞草公制。帝親爲改竄。未引漢宣帝事。公因奏曰。臣觀西漢所謂社稷臣。廼鄒朴之周。

勃。少文之汲黯。不學之霍光。至於公孫弘。蔡義。韋

賢。號曰儒者。而持祿保位。故宣帝謂俗儒不達時宜。使宣帝知真儒。何至雜霸哉。願平心察之。不可有輕儒名。尋兼權兵部侍郎。再權禮部侍郎兼直學士院。一日與王之奇。陳良翰同召對。帝以在位久。政多未當。命公三人極陳如魏徵故事。公退。卽具疏。言陛下欲練兵以圖恢復。而將數易。欲擇人以守郡國。而守數易。帝善其言。江西旱。請捐南庫二十萬錢代民輸。帝嘉之。尋兼侍講及中書舍人。

三忠文選

文忠傳

二

乃辭直學士院。初帝欲以張說爲簽書樞密院。說貴戚也。舉朝皆不可。已止矣。無何復除。給事中莫濟封還錄黃。公奏貴戚預政。公私兩失。陛下前已知其誤。臣不敢具草。會有旨。濟必大子官觀。而說顧露章薦二人。於是濟除溫州。公除建寧府。濟受命卽行。公稱疾。濟甚媿。公名益重。久之除敷文閣待制。兼侍讀。及權兵部侍郎。又兼直學士院。帝勞之曰。卿不迎合無所附。朕倚重焉。尋兼太子詹事。奏言太宗儲才。爲真宗仁宗之用。仁宗儲才。爲

平元祐之用。自章蔡沮士氣。卒致喬夷之禍。秦檜忌刻。盡逐才臣。流弊至今。願陛下儲才於暇日。時帝日御毬塲。公曰。固知陛下不怠閑武。然願爲宗廟自愛。帝改容曰。卿忠言。得非虞衡擢之變乎。正以警耻。未雪不欲自逸耳。尋兼侍讀。改吏部侍郎。除翰林學士。會久雨。請減後官給使。寬浙鄉積逋。命省部優恤。有言金星近前星。而太子日與武士擊毬。恐有不測。帝命公語太子。公曰。陛下命太子以驅馳。臣安敢勸以遺命。陛下勿命可也。時帝欲

三忠文選

文忠傳

三

以呂祖謙分職。公力薦之。尋除禮部尚書兼翰林學士。進吏部兼承旨。定明堂典禮。及圓丘合宮互舉之議。在翰苑六年。制命溫雅。周盡事情。爲一時詞臣之冠。或言公之再入也。實魯觀所薦。而公迺不知。既除。衆知政事。帝曰。執政於宰相固當。和而不同。前宰相議事。執政更無語何也。公曰。大臣自應互相可否。自秦檜當國。執政不敢措一辭。後以爲常。陛下虚心無我。大臣乃欲自是乎。惟小事不敢有隱。則大事何由蔽欺。帝曰善。會久旱。手詔求

言。宰相恐詔下。而州郡皆乞賑。無以應也。欲疏止之。公曰。上欲通下情。而吾儕阻之。何以塞公論。有介椒房之援。求爲郎者。帝俾論給舍。繳駁。公曰。給舍非可論意。請俟命下。臣當執奏。帝嘉其任怨。公曰。當予不予。則怨。不當予而不予。何怨之有。於是帝復曰。然則任責非任怨也。除知樞密院。帝曰。每見宰相不能處事。卿以數語決之。山陽舊屯軍八千。雷世方以邊事稍寧。乞罷五千。公曰。山陽控清河口。減而後增。必致敵疑。郭杲請移荆南軍萬二

三忠文選

文忠傳

四

千屯襄陽。公曰。襄陽固要地。江陵亦江北喉襟。於是留二千人。帝以金旣還上京。議分諸子出鎮。公言敵惻疑虛喝。正恐我先動。當鎮之以靜。第慎簡邊將耳。尋拜樞密使。帝曰。若邊有警。宜撫使惟卿可。尋上諸軍籍。請時召一二察能否。於是主帥無敢私人。或傳金將分據上京。邊臣結約夏國。公皆屏不省。曰。無輕動。既果妄傳。帝曰。卿先見乃爾。淳熙二年。拜右丞相。首疏今天下粗安。殆將二紀。宜益戒懼。爲久遠計。無紛更欲速。封事多言大臣固

異公曰。雖宜歸一。豈可尚同。陛下命三。欲發奏。後行。正欲上下相維也。十五年。封濟國公。尋以帝。側留之。忽宜論比年病。欲傳位太子。須卿且留。公言。聖體康寧。何遽至倦勤。帝曰。禮莫大於假廟。孝莫重於執喪。今皆不能舉。欲不退休得乎。朕方委卿。公泣而退。明年正月。拜左丞相。留正拜右丞相。以二月二日行內禪禮。公不勝凄愴。帝曰。勉佐新君。光宗卽位。首問當世急務。公以用人求言進。尋拜少保。益國公。時何澹爲司業。久不遷。留正奏遷。

三忠文選

文忠傳

五

之。澹憾公甚。至是爲諫長。遂劾公。詔以觀文殿大學士判潭州。澹論不已。會所舉者以賄敗。坐降榮陽郡公。尋復益國公。改判隆興。寧宗卽位。求直言。公奏四事。曰。聖孝敬天。崇儉久任。三乞引年。遂以少傳致仕。先是布衣呂祖泰上書。乞誅韓侂冑。逐自強。召用周必大。侂冑黨操僞學之名。以事禁錮。而指公與趙汝愚留正爲罪首。公旣去。御史施康年猶極論不已。乃降少保。復少傳。嘉泰四年卒。贈太師。謚文忠。寧宗篆其墓碑曰。忠文耆德之碑。公。

博學長才。熟習舊典。累朝制誥。皆極準則。奉公如家。急於材能。爲天下所信。一善拔。未必公所引。人皆德之。一仁政施。未必公所爲。人皆歸之。於已淡然。獨耽好圖史。自號平園老叟。築堂名曰玉和。自叙云。四時和謂之玉燭。方今賢和於朝。物和於野。遂使皤然老叟。得佚老於和氣之內。則知公雖從容綠野。坐遠世氛者十五年。其心未嘗一日不在朝廷。有集一百卷。書八十一種。凡三封。歷仕四朝。享壽七十九。識者以爲基於官代吏死一念。初。

三忠文選

文忠傳

六

局吏失火。法當死。公自誣伏免官。吏得免死。失官後。始登第入相。則天之祐仁賢也。公每謂易謙六爻皆吉。一恕終身可行。故其規模大畧一本於謙。厚平恕云。萬曆辛亥春三月甲子。鄉後學曾泉謹識。

宋周文忠先生文選卷之一

制策

春秋賓禮人才之優劣

愚嘗讀周官之書。見其設官分職。以爲民極。六卿之長。各帥其屬。治教也。禮政也。刑事也。其任既殊。所掌亦異。獨於賓客之禮。則聯事合治。不專主於一職。故太宰百官之長也。而以禮待賓。鄉師地官之攷也。而曰州共賓器。賓禮則以親邦國。春官固加詳矣。候人以師方治。夏官固有司矣。行人之職。載於秋官。圭玉之制。掌於玉人。此其大略也。若夫待之以四郊之賦。共之以外府之財。燕饗有儀。賀慶有禮。散在百官者。又皆繼祭祀而言之。一何待之如是之厚。紀之如是之詳也耶。此無他。玉帛交贊。有國盛典。方將轉戰爭之事。而爲揖遜之禮。釋甲冑之器。而爲豆之容。使神州有磐石之安。而甌越無風塵之警。則其待之厚而紀之詳。不亦宜乎。惟其如此。故當是時。士馬卿士之在位者。下焉俊秀之在學者。往往日熟乎待賓之儀。耳熟乎待賓之樂。周旋進退。勞贈酬答。無不洞達。

三忠文選

卷一 文忠

一

於胸次。一旦馳四牡之車。挾英蕩之節。或賀慶以贊諸侯之喜。或蒞盟以交鄰國之歡。則無非專對之才。無非膚敏之使。又豈有不忠不信者哉。又豈有失節辱命者哉。下逮春秋之世。諸侯暴橫。爭戰相尋。其棄先王之典籍如弁髦土梗。固不可與成周之盛同日而語。然而故國喬木。風烈尙存。執斧伐柯。其則不遠。如叔孫穆子之聘晉也。聞燕饗之歌奏。而有不拜重拜之別。是所謂知君臣之體者也。五善之獲。其庶幾乎。叔弓之聘晉也。郊勞則辭。致館則辭。是所謂知謙遜之禮者也。膚敏之美。其庶幾乎。叔向聘楚而問無不知。是不辱命者也。士起朝王而辭不失舊。是又能專對者也。以區區之鄭。猶多君子。故廷勞衛侯。則太叔簡子之才。見稱於北宮。郊餞宣子。則子旗子柳之賦亦盡於比興。其於交際。信可觀焉。雖然。皆所謂一偏之才。成周盛時。但聞皇華之遣使。四牡之勞還。而未嘗聞以一善之美。一言之能。取重於世。垂名於策者。非無其人也。全才既多。不可勝紀。故也。春秋之世。則不然。一善必聞。一言必著。故長於斷事。簡子以之。

三忠文選

卷一 文忠

二

長於應對。太叔以之。必欲責簡子以應對。責太叔以善斷。吾恐尺有所短矣。推是以往。則穆子之五善。未必有叔弓之膚美。叔向之不辱。未必有士起之專對。不謂之一偏之才可乎。嗚呼。驛驢不生。凡馬可以當上駟。榱楠不出。中材可以爲巨棟。惟春秋禮典湮滅。人才難得。故數子得以擅美於當世。而垂光於後代。向使當成周之盛。則家家自以爲稷契。人人自以爲皋陶。固未容使倏倏爭錚。獨有聞於世也。恭惟主上好生之德。保養生靈。不殺之武。鞏固丕緒。爰自睦鄰修三忠文選卷一文忠

好。使命交馳。禮樂之光華。庭實之旅百。視前古爲有加焉。則凡被出疆之選。膺伏節之寵者。無非忠信威儀之士。辯博通敏之才。蓋已遠邁春秋之時。而疊疊乎成周之盛矣。執事先生親執文柄。發爲問目。以謂諸生異時。或銜命而出。必能增重國體。因舉春秋數

後。惟先生共教之。

賓禮者。先王所以制亂於未形也。禮教衰而干戈起。且迂視之爲不足道。豈知俎豆之事。爲帝王所必謹哉。先生此策。可謂洞窺化原矣。

三忠文選卷一文忠

四

內制

皇子雄武保寧軍節度使開府儀同三司判明
州軍州事提舉學事兼管內勸農使兼沿海制
置使魏王食邑八千戶食實封三千二百戶愷
加食邑一千戶食實封四百戶制

門下。舜類徧神。瑞必珥於羣后。漢郊見帝。金亦賜於
諸王。矧予元祀之成。思廣湛恩之錫。若時賢子。實簡
慈懷。其敷寵章。以首藩服。具官愷。鍾英瓊餘。流慶璿
源。笙磬鼓鏞。有克諧之遠韻。琮璜珪璧。無可指之纖

三忠文選

卷一 文忠

五

取自分土於海邦。尤宅心於民事。陂開九澤。考吏課
以惟優。麥茂兩岐。閱俘圖而載懌。雖觀圭之未展。而
王祭之實共。宜拓土田。用均福祿。於戲。是宜是饗。朕
方對天地祖宗之休。惟孝惟忠。爾夙明君臣父子之
義。尚因胙社。益固盤維。

大尉威武軍節度使提舉江州太平興國宮隴
西郡開國公食邑五千六百戶食實封一千八
百戶李顯忠加食邑五百戶食實封二百戶制
門下。朕恪修郊報。備輯邦儀。觀大盾之前馳。時則念

擬除之帥。對朱干之武舞。時則思蹈厲之臣。豈以居
家而忘賜胙。具官李顯忠。真誠不二。英槩無前。威暢
鴈門。蚤繼家聲之遠。祥開鵲印。晚聯尉府之華。雖膺
力之武愆。曾眷懷之未愍。十二之龍雅雅。屬昇旌安
之壇。三千之旄央央。夙振淵闕之旅。紛鵲冠之拱北。
獨號將之在東。是衍新畲。以光舊代。於戲。思文嚴乎
稷配。賚及多方。掌武重於秦官。恩先右列。祇拜穹蒼
之况。益肩忠赤之心。

三忠文選

卷一 文忠

六

少保寧武軍節度使充醴泉觀使信安郡開國
公食邑三千八百戶食實封一千六百戶曾觀
加食邑七百戶食實封三百戶制

門下。朕率朝紳而款清廟。脩法駕而登總章。桴桓再
重。次惟宮而肅若。經涂九軌。行玉輅以安然。旋視周
道之砥平。喜見漢官之儀盛。言念初潛之舊。實宣使
領之勞。顯布綸言。誕敷祭福。具官曾觀。宇量寬博。材
資肅良。保躬存勗。愍之心。衛上體忠純之度。閱巾箱
而考古。夷雅自將。執皮帛以會朝。寅恭匪懈。宗廟
之協吉。躬裸獻以告虔。一純二精。既內殫於誠意。千

乘萬騎。亦外展於殺威。紛祝嘏之吉祥。知乾坤之饗德。是廣配天之澤。載推加地之恩。於戲。祀文王於明堂。方祇念儀刑之典。授武帝之神策。敢獨當贊饗之辭。有嘉耆艾之臣。均畀神明之貺。往膺徽數。益勉令猷。

奏議

論添註贛州軍馬奏

臣竊見贛之爲州。南限嶺表。東接閩境。西連湖湘。其北則自廬陵至於豫章。皆在下流。自昔最爲控扼之地。其人勁悍習武。特異他郡。祖宗時置雄略武雄澄海威果全捷威勝及兩忠節凡八指揮額管將兵四千人是爲東南第六將。中興以來常差殿前司統制官一員量帶部典或於諸處抽差大軍在彼駐劄謂之提舉將兵用擇方略過人望實素著者爲之守詩

帶管內安撫使大槩欲使守臣節制提舉官提舉官節制第六將故能上下相維一方晏然間遇傍郡及鄰路有盜賊蠻獠之患皆賴其力指期平殄自講和以後既能管內安撫之權而守將用人浸輕往往措置乖方綱紀不立馴致紹興二十三年齊遼之叛當時議者不深惟致寇之由乃專欲爲銷兵之計於是廢併六營止存兩營却別招刺吐渾一千五百人雄威五百人替回駐劄大軍其後又將吐渾雄威起發往荆南等處而贛州專置雄略武雄澄海威勝四指

揮。凡二千。人。既。無。他。兵。可。以。相。制。故。平。居。偃。蹇。不。遜。臨。事。桀。驁。自。如。非。惟。不。獲。其。用。常。恐。反。爲。一。路。之。害。如。比。年。遣。戍。九。江。稍。緩。歸。期。則。不。辭。大。將。而。去。近。日。收。捕。茶。寇。進。退。失。律。迄。無。成。功。議。者。患。之。欲。於。吉。州。添。置。一。軍。密。爲。之。備。誠。得。先。事。預。防。之。意。然。吉。州。至。贛。凡。四。百。里。川。陸。俱。險。自。贛。而。下。則。有。建。瓴。之。易。由。吉。而。上。乃。有。登。天。之。難。竊。揆。事。宜。恐。未。足。銷。未。形。之。患。也。臣。愚。欲。望。明。詔。二。府。討。尋。紹。興。二。十。二。年。以。前。舊。制。移。駐。軍。馬。於。贛。州。庶。幾。逆。折。姦。萌。使。一。路。得。以。三。忠。文。選。卷。一。文。忠。九

選擇監司郡守議

右臣等聞古者爲民設官。爲官擇人。故凡監司郡守。皆當選才能而任之。不當專以資格爲限也。然知人之難。今昔通患。非親非舊。遺佚者多。於是設爲資格。將以杜私門而開公道。若在上者推而行之。不膠於迹。則可以得更練民事。習知政體之人。布在諸道。而倖求躁進。資淺望輕者。不可得而至矣。及其弊也。中

下之才。積日累月。歷階而進。至於姦利暴著。不可掩覆。乃遭按治。其他庸鄙貪吝之人。往往幸免。是以朝廷而行銓部之法。且取姦賊布之郡國也。其可觀乎。本朝舊法。改官後兩任。開陞通判。通判兩任。開陞知州。知州兩任。卽理提刑。此資序一定之格也。及除授之際。則有以知縣資序人。隔兩等而作州者。所謂權發遣者是也。有以通判資序人。隔一等爲之者。所謂權知是也。上而提轉。亦皆如此。蓋隔等而授。是擇才能也。結銜有差。是參用資格也。今誠得才能資格者。

三忠文選

卷一

文忠

十

俱應而用之。固無以加。其次則擇第二任知縣以上。有課績者。許其作郡。又擇初任通判以上。許其作監司。第二任通判以上。許其作職司。於資格則稍寬於才能。則加詳。庶幾人法並用。民被實惠。其或資任雖高。才能無取者。自依近制。或畀祠祿。或處以參議通判。尚有淹滯之歎哉。雖然。人主深居九重。輔相助理。萬幾耳目所及。或未能周知天下之才。故姚崇謂擇十道按察司。猶未盡得人。況三百餘州。安得刺史皆稱其職。此薦舉之法。所以自古不可廢。而陸贄所以

有臺省長官。各舉其屬。著名詔書。異日考其殿最。并以升黜。舉者論之也。今侍從臺諫兩省。皆天子之所職。擢以自助者也。不助人主求才。安所事乎。若令於知縣資序以上。歲薦堪充監司者若干人。仍用漢朝雜舉之制。明言有何政績。有何才術。或共爲一奏。或各爲之。三省詳加察焉。除朝廷自用人外。所舉果才也。果能也。則以次除授。否則置之。縱未盡善。蓋亦十得六七矣。或曰。今薦舉之法。弊也有請托。有奔競。烏在其得才能乎。曰。天子之於侍從臺諫兩省。不薄矣。

三忠文選

卷一

文忠

十一

使其不自愛。至於容私。何所逃罪。故臣等復欲檢照前後薦舉條令。嚴爲之法。惟陛下留神采擇。謹錄奏聞。伏候勅旨。

資格則稍寬。才能則加詳。二語盡之矣。

自敘

臣竊觀自唐至本朝。優待詞臣。異乎他官。非專取其翰墨之工也。謂其居近侍之職。無簿書之冗。可以朝夕論思。日月獻納。或有補於治道也。數百年來。得人固多。其最可慕者。陸贄。歐陽修而已。贊之忠實。蘇軾

蓋嘗發明之以謂才本王佐。學爲帝師。論深切於事情。言不離於道德。當時奏議。具在方冊。惜乎不遇貞觀之世。乃生德宗之時。此臣所以雖慕其人而不願爲之也。至修則不然。有贊之學術議論。而又生逢其時。事我仁宗皇帝。凡儲二之建立。水旱之災祥。大臣之賢否。將帥之是非。知無不言。言無不盡。太平之功。實有助焉。身荷美名。君都顯號。此臣所以既慕其人。又願學之也。仰惟陛下。納諫如貞觀。求治如仁宗。願臣何人。獲侍清燕。可謂無贊之不遇。而有修之逢時者矣。所慙庸妄。瘼曠厥職。尚當殫竭智慮。勉希昔賢之萬一。無負於任使。若乃進則有隱。退則不密。擠人而利己。揚己以取名。豈惟義所不敢。亦安能逃陛下日月之照哉。冒輸情實。惟聖神裁。幸進止。

三忠文選

卷一

文忠

十二

表

誕皇孫賀重華宮表

有天下而傳之子。初微黃屋之心。受帝祉而施于孫。俶誕青宮之貴。慶均五殿。喜浹萬邦。臣某中賀。臣聞瓊輅分暉。率由於本固。銀潢演潤。蓋自於源深。繫今日之蕃昌。乃異時之積累。世世修德。則儲有羨之休。親親仁民。則享無窮之樂。盛哉豐報。備此燕居。恭惟至尊壽皇聖帝陛下。道極際蟠。神道沖淡。綿本支於百世。延壽考於萬年。郁李盤根。笑唐基之未大。猗蘭奕葉。掩漢事而有光。臣幸值邦榮。屬分闢寄。南宮北內。想胥洽於宸歡。左城右平。悵莫陪於班賀。

謝賜銀合臘藥表

臣某言。准都進奏院。遞到勅書一道。賜臣銀合臘藥。臣已望闕遙謝。祇受訖者。雲章封璽。寶劑實金。適屬疑嚴。頓蘇疲瘵。臣某中謝。伏念臣甫從閑散。起備蕃宣。雖恪守於官箴。曾未除於民瘼。豈圖宸渥。爰舉邦彝。詔塗芝簡。名貴。光於。藥按桐君之錄。滋以上。手披出綵之溫。恩失折綿之凜。此蓋伏遇皇帝陛

三忠文選

卷一

文忠

十三

謝復益國公表

下慈憐臣庶。軫念蕃維。已施起廢之功。更廣蠲疴之賜。恩勤至矣。報稱謂何。臣謹當因六尚之珍。良察一方之疾苦。乃身無恙。敢獨享於君仁。所部有瘳。期咸霑於聖惠。

華陽黑水。裂地而封。舊物青毡。從天而下。磨玷之勤。未嘗執珪之寵。彌加。臣某中謝。臣聞冬而次之以春。爰兆好生之意。剝而受之以復。可稽序卦之文。蓋天心貴德而緩刑。宜聖主推仁而發政。臣之竊位。衆所共譏。取三百廛之禾。封殖已厚。連四千石之重。職業殊墮。自千舉枉之誅。方抱臨深之懼。乃容替敘。不特赦原。茲蓋伏遇皇帝陛下。御衆以寬。忘人之過。俾爾四海。識包函之度。豈於一夫。遺甄復之恩。逢辰則然。思報曷已。而臣迫於告老。何自圖新。獲一吉人。莫助

三忠文選

卷一

文忠

十四

乞致仕表

臣某言。伏以三千同臣心。甫際興王之運。七十致君事。適臨告老之年。在聖時雖曰難逢。顧經訓則當易

是仰祈從欲俯遂乞身。臣某誠惶誠懼稽首頓首伏
念臣以一介之荒遺。竊四朝之榮遇。雖書分察於郡
英之後。修注代言於疆仕之前。投閑中遊於要權。起
廢晚。磨於簡擢。從班政地。俱閱十春。孤疎公上。咸躋
一品。叨塵過矣。報效茫然。迫於遲暮之時。加以衰羸
之疾。內循涯分。久合歸休。惟貪戀於盛明。乃遷延於
歲月。今而年至。可以情聞。已愧歐脩踰六旬而得謝
尚希杜衍纔一請而獲從。伏望皇帝陛下。軫念孤蹤。
保全末路。收內祠之祿秩。返初服之耕桑。庶伏餘生。
三忠文選 卷一 文忠 十五

承陶至化。江厓渤島。任鳬鴈之少多。桃野華山。縱馬
牛之歸放。懇誠惟切。察允是期。

除授禮部尚書兼學士謝表

宗伯綴文昌之座。已高曳履之班。翰林依華蓋之星。
向玷演綸之直。當聖主謹持于公器。獨愚臣常愧於
私人。竊考自古英雋之才。試觀當今文學之士。或抑
厭草茅之下。或陞沉州縣之中。瞻城南八五之天。致
身無路。想玉階方寸之地。通籍幾人。况乎出入禁嚴。
周旋侍從。論思獻納。日通清光。依被服乘。歲叨徽教。

向匪負一時之望。安能符衆論之公。如臣者學不足
以知方。才不足以應務。家壁四立。甘爲窮陋之民。君
門九重。敢起躋攀之念。親逢聖作。首奉詔除。簡知特
厚。于儒臣獎擢。偏更於華貫。官益崇而效寡。祿愈富
而報微。左降固空。右遷何有。恐拜便蕃之命。疊加優
賜之恩。帥屬春官。光貳卿之舊次。搗文禁苑。添四命
之新榮。煥寶帶以章身。飾繡轡而華駿。正使實兼數
器。尚虞稱塞之難。矧伊初乏寸長。何意超踰之甚。周
章就列。俯仰懷慙。伏遇陛下。道協舜華。志恢禹蹟。明
三忠文選 卷一 文忠 十六

四六妙于自然

明在上。雖洞照乎羣情。浩浩其天。每包涵於萬類。寧
稍捐於爵秩。恐或棄於菲葑。遂致凡才。亦塵顯仕。臣
敢不悉其愚慮。稱是寵褒。號令文章。期助漢家之制。
詩論潤色。勉希鄭國之賢。苟追素餐。豈辭造育。

記

泰和縣仰山二王行祠記

聖人成民切矣。既撫之以仁。又惠之有政。向慮天降之災。人爲或弗能給。則致力於上下神祇。周禮大祝掌六祈是也。至小祝復在其目。曰祈。福祥順豐年。迎時雨。寧風旱。禱災兵。遠罪疾。凡民之所願欲。尙有出於此者乎。自釋教盛於中國。故又卽佛廬而致禱焉。蓋神能變化無方。佛能攝受有情。其爲道雖不同。精誠可格。則均若乃聰明正直廣大慈悲兼而有之。惟

三忠文選

卷一 文忠

七

袁州孚惠廟二王爲然王兄弟皆龍也。自晉永嘉宅仰山之瀨潭。至唐會昌三年。蓋五百餘載。有僧號小釋迦名惠寂者。來自彬州。卜庵此山。二王欽其道。行施山爲寺。而徙廟堵田。今寺以太平興國爲名。其上廟基存焉。治平元年。郡人李觀嘗爲記刻石。神之歸心釋氏。固已昭然。而巫祝恃牲牢以爲利。流膏割鮮。神或厭之。迨元祐六年。住山佛印禪師了元卜於神。曰血祭乎。蔬食乎。神曰蔬食哉。厥後謁廟者遂以伊蒲塞爲饌。張丞相商英適漕本路。又爲之記。功利及

神以爲民禦災捍患也至於流齊訓解則大非神意矣便見祀典宜崇

物。逐日以新。自七庶達於郡邑。或繪事於家。或塑像

僧舍。或祔享別廟。祈求者不絕。吉州泰和縣進士劉千齡。謂非設行祠。不足以揭虔妥靈。乃卽縣西北五里登科岡。背陰面陽。創正殿三間。鄉人爭附益之。爽以廊廡各十二楹。前爲門。後爲寢室七。至於崇釋教。祀徐璠。與夫樂樓享亭。下暨廚庫。罔不具備。始事於慶元丁巳之正月。落成於戊午之十月。嚴翼輪奐。觀者起敬。知縣事卓洵。頻歲請禱。曰雨日暘。其應如響。千齡介予故人曾寅亮。謁文記之。惟皇上帝。分命山

三忠文選

卷一 文忠

七

川之神。各主一方。捍災禦患。載於經傳。不可誣已。然諸侯所祭。不過境內。今二王以神龍有截之威。合大雄無邊之力。自袁徧於江西。自江西放乎嶺表。咸被其賜而祭享之。夫豈泛泛神祠加惠一方者所可比哉。按唐藍谷神。名在祀典。而依悟真精舍。詩人美之。曰若歲有水旱。詔使脩蘋蘩。以地清淨。故獻奠無輟。羶願借是詩代享。神迎之詞。至於封爵之崇。事實之衆。圖志具在。此不復云。六年十一月五日。

安福縣重修鳳林橋記

造舟爲梁。文王初爲西伯。創物之智也。人到於今賴之。漢儒著爾雅。乃曰天子造舟。諸侯維舟。大夫方舟。士特舟。庶人乘桴。是說也。謂辨尊卑可也。河橋何與焉。郭璞既誤以爲周公之言。孫炎又從而爲之辭。其失詩雅之旨遠矣。古者郡邑大率瀕江。浮航於水。加板其上。聯屬綿亘。以達於岸。人之往來。其道如砥。視招招舟子。爭濟於風濤之中。險易勞逸。蓋相萬也。安福壯縣。江西湖南之要津。水出瀘溪。匯於鳳林。其廣三百尺。是橋不知起何時。姑以近事考之。元豐縣令

王忠文選

卷一 文忠

九

上官公穎。崇寧縣令。上官合。增修於二十年之間。邑士歐陽安稷。名橋曰上官者。從其姓也。紹興庚申。令韓邦光復修之。鄉先生王公庭珪。名之曰鳳林者。因其地也。淳熙丁酉。令徐輝又修之。邑人劉浚。易名濟川。則詔矣。夫一橋在北門。纔百餘年。四修而四壞。何也。吏惰財殫。葺不以時。或葺矣。弗良於工。故易壞也。慶元改元。令施廣厚適逢其壞。而尉陳章復能奮身任責。相與掄材選工。舉大舫二十而新之。冶鐵爲繩。紉竹爲笮。圖惟悠久之計。士民咸出力相其後。起於

季春。成於仲秋。會太守楊侯方新至。首助錢十萬。仍歲留征商送州之餘。爲後日營繕之備。章吾故人子也。請記其事。於今累月。行授代去矣。安得不爲一言。夫利涉之功。微公家不能成。雖成必壞者。物理之常也。郡邑無終窮。守令有更易。坐視弗恤其壞也。速未壞。亟葺其費也。省今令尉幸舉職。二千石又設儲蓄。其慮周矣。徒法不能以自行。顧嗣音者何如耳。因爲辨漢儒之失。揭鳳林之舊。使後之人知公家之利。非一族所得私。若濟巨川。非一令所當擬必也。卽渡名

三忠文選

卷一 文忠

二十

橋隨壞隨葺。乃百世不易之道也。二年三月十五日。

序

歐陽文忠公集序

歐陽文忠公集。自汴京江浙閩蜀皆有之。前輩嘗言公作文。揭之壁間。朝夕改定。今觀手寫秋聲賦。凡數本。劉原父手亦至再三。而用字往往不同。故別本尤多。後世傳錄既廣。又或以意輕改。殆至訛謬。不可讀。廬陵所刊。抑又甚焉。卷帙叢脞。略無統紀。私竊病之。久欲訂正。而患寡陋未能也。會郡人孫謙益。老於儒學。刻意斯文。承直郎丁朝佐。博覽羣書。尤長考證。於

三忠文選

卷一

文忠

王

是編搜舊本。傍采先賢文集。與鄉貢進士曾三異等。互加編較。起紹熙辛亥春。迄慶元丙辰夏。成一百五十三卷。別爲附錄五卷。可繕寫模印。惟居士集經公決擇。篇目素定。而參較衆本。有增損其辭至百字者。有移易後章爲前章者。皆已附注其下。如正統論。查學記。瀧岡阡表。又迥然不同。則收真外集。自餘去取。因革粗有據依。或不必有而存之。各爲之說。列於卷末。以釋後人之惑。第首尾浩博。隨得隨刻。歲月差誤。標注抵牾。所不能免。其視舊本。則有間矣。既以補鄉

邦之闕。亦使學者。據舊鑒新思。公所以增損移易。則雖與公生不同時。始將如升堂。避席。繼承指授。或因是稍悟爲文之法。此區區本意也。六月己巳。前進士周某謹書。

曾氏農器譜序

紹聖初元。蘇文忠公軾南遷過泰和。邑人宣德郎致仕曾公安止。獻所著禾譜。文忠美其溫雅詳實。爲作秧馬歌。又惜不譜農器。時曾公已喪明。不暇爲也。後百餘年。其姪孫來陽令之謹。始續成之。凡耒耨耨耨。

三忠文選

卷一

文忠

王

車戽簞笠。鉏刈蓀簣。杵臼斗斛。釜甑倉庾。厥類惟十。附以雜記。勒成三卷。皆考之經傳。參合古制。無不脩。是可補伯祖之書。成蘇公之志矣。其敘牛犂蓋一編之館銘。予嘗學稼。因演其說。山海經曰。后稷之孫叔均。始作牛耕。世以爲起於三代。予謂不然。牛若常在。畎畝。武王平定天下。胡不歸之三農。而放之桃林之野乎。攷周禮祭牛之外。以享賓駕車犢師而已。未及耕也。不然。牽以蹊田。正使藉稻。何足爲異。乃設奪而罪之之喻耶。在詩有云。載芣載芣。其耕澤澤。千耦其

耘。祖隰阻畛。又曰有略其地。但載南畝。以明竭作於
春。皆人力也。至於穫之積之。如墉如櫛。然後設時。停
牡。有採其角。以爲社稷之報。若果使之耕。曾不如迎
猶迎虎。列於蜡祭乎。厥後王弼傳易。以爲稼穡之資。
宋景文公祁闢之曰。古者牛惟服車。書肇牽車牛。易
服牛乘馬。漢趙過始教牛耕。蓋本賈縷齊民要術。予
謂輔嗣固失矣。賈氏及景文亦未爲得也。按論語。子
謂仲弓曰。犁牛之子騂且角。雖欲勿用。山川其舍諸。
此聖人格言也。蓋犁田之牛。純雜牝牡皆可祭。牛則
三忠文選 卷一 文忠 三

費省而功倍爾。易傳出於魏晉。第見牛耕。不復考其
初。而賈公彥考工正義。遂謂起於後漢。其失尤甚。然
則山海經果荒誕歟。曰班固藝文志。山海一篇。而劉
歆所較凡三十二篇。定爲一十八篇。固已不同。歆又
云。出於唐虞之際。今考史記。以不甯爲稷子。燕周已
謂世代不合。况叔均乎。故無錫尤表。定爲先秦之書。
非夏禹及伯翳所作甚明。其在春秋之後。無可疑者。
世人習熟見聞。多惑是說。予之譖諍。亦可啗諍。若杞
之屬。楊雄方言。往往三名。來陽既書之矣。遂使它日
三忠文選 卷一 文忠 三

枚舉名物。採方言而附之。非所謂後世復有子雲者
也。

辨牛耕在姬公之後。孔子之前。在當日或未必爾。
然稽之典故。可謂協矣。

跋

東坡秧馬歌跋

東坡蘇公年五十九南遷過泰和縣作秧馬歌遺曾移忠。心聲心畫。惟意所適。如王湛騎難乘馬於羊腸蟻封之間。姿容既妙。回策如縈。無異乎康莊。殆是得意之作。既到嶺南。往往錄示邑宰。予家亦藏一本。然不若初本尤精。李璆道潤之語。庶幾得其髣髴。今儋二家乃至嚴臨。猶幸不出一邑。所謂楚人亡弓楚人得之也。近歲移忠姪孫之謹。已譜農器。成公素志。予嘗爲之序。其與禾譜並傳無疑矣。璆字西美。宣和中書舍人。紹興四年守廬陵。此必當時所題也。

跋胡邦衡奏劄藁

歲在戊申。高宗策士淮海。胡忠簡公年二十有七。因御題問治道本天。天道本民。公首答云。湯武聽民而興。桀紂聽天而亡。今陛下起于戈鋒。鎬間外亂。內訌而策臣數十條。皆質之天。不聽於民。又謂宰相非晏殊。樞參非杜衍。韓琦。范仲淹。既批逆鱗。復侵當軸。聖主獨察其忠。擢冠巍科。是時直聲已著。縉紳間後士。

三忠文選

卷一文忠

三五

三忠文選

卷一文忠

三五

年當紹興戊午。以密院編脩官上書。乞斬宰執。時年三十七。直聲遂震於夷夏。尙有可諉曰。年壯氣剛也。已而竄逐嶺海。去外一髮。隆興初。然後還朝。攝貳夏官。年已六十餘。議論益少。早之。今覽奏劄藁。忠憤峻厲。視戊申戊午。反有加焉。其孫知邑州。將刻石傳遠。見屬一言。夫人之生也。有血氣。有浩然之氣。少而剛老而衰。血氣也。衆人以之乘。彝好德養之以直。塞乎天地。少老如一。浩然之氣也。忠簡公以之。

宋周文忠先生文選卷之二

碑文

忠簡胡潛菴先生神道碑文

武王一戎衣而定天下。應天順人之舉也。義士猶或
非之。孔孟奚取焉。為萬世計也。紹興和戎。高皇有不
得已者。兩宮未歸。屏后春秋已高。故與大臣決策從
權。中外議論雖洶洶。顧無敢極諫於上前者。獨樞密
院編脩官胡公銓。上書數百言。援大義而伸之。大略
謂王倫誘致虜使。欲劉豫。秦檜腹心大臣。導陛下
王忠文選卷二

為石晉孫近附會。遂參政事。願斬三人頭。竿之蔡街。
虜留虜使。與問罪之師。時八年十一月也。辛亥有旨。
銓書凶忤。刳持。其削籍流昭州。仍降詔布告中外。是
日。檜近惶恐待罪。明日又請收責命。不許。明乙。從末
減。十二月。王倫亦拜上章自劾。六曹長貳給舍臺諫。
自晏景初而下。多有救解者。乃改監廣西都鹽倉。明
年正月。宰執復奏銓書專詆臣等。前和議未諧。不敢
固請以疑羣心。議今已定。宜稍甄敘。乙酉。遂改簽書
威武軍節度判官廳公事。十一年六月之。十二年

正使
秦軍
正使
正使

七月。諫議大夫羅汝楫。劾公益唱前說。用敗羣聽。復
除名勒停。編管新州。十八年十一月。邵守張律。奏公
與客唱。時毀謗怨望。移吉陽軍。時大臣專國。柄小人
觀望迎合。必欲置公於地。賴天子獨保全之。二十五
年冬。秦檜薨。乃得歸。必大切謂。人臣犯顏通耳。上櫻
人主之怒。下為權臣切齒。或誅或斥。何可勝數。未有
九重特伸詔諭。二府矯情。屢請。禁近引諍。救止。曾不
四旬。謫命三改。如朝廷此舉之盛者。當是時。一胡編
脩名震天下。勇者服怯者奮。朝士陳剛中以言餞行。

王忠文選卷二

至云。屈膝請和。廟堂無策。張膽論事。樞庭有人。貶令
安遠之。死靡憾。鄉人王庭珪。嘗賦奸諛膽落之詩。竄
徙夜郎。反以為榮。下至武夫悍卒。遐方裔土。莫不傳
誦其書。樂道其姓。字。願識而雖北虜亦因是知中
國之不可輕蓋。天理所存。自公達之。人心所憤。自公
發之。扶世垂教。非聖朝之伯夷耶。孔孟而在。其大書
特書也。必矣。胡氏本金陵人。五季徙廬陵。鄴城公字
邦衡。曾祖璉。妣康氏。劉氏。祖愷。贈承務郎。妣潘人。張
氏。父載。有氣節。一試有可不中。即棄去。贈大中大夫。

母陳氏張氏。所生母曾氏俱贈淑人。公幼不羣。愛記博覽。年二十試大學。文不加點。建炎二年。廷對行在所。考官初以冠多士。或謂其切直。寘第五。授左文林郎。撫州軍州判官。未上。隆祐太后避狄。上賴狄師隨之。公以發運司檄。攝本州幕官。公率鄉丁佐官軍扞止。第賞循承直郎。就權判官。尋丁父憂。服除。與兄鑄從鄉先生蕭楚講春秋學。無仕進意。紹興五年。張忠獻公都督諸路軍馬。辟湖北常平茶鹽司幹辦公事。親嫌。易湖南提點刑獄司。俱未行。召赴都堂審察。七

三忠文選

卷二 文忠

三

年兵部尚書呂祉。以賢良方正薦。賜對。改左通直郎。留爲樞屬。後二年。赴福州。纔一年。踰嶠。又六年。過海。守棧驛。公使步往。又諭送吏使。公不爲動。吏無所肆其毒。既抵珠崖。著書怡然。不以死生介意。士執經從學。多可觀。預貢者相繼走南宮。其後公還朝。復請五至省者。許勿限年。推恩自是。海島頗有仕宦者。閏七年。始量移衡州。又數年。乃許自便。三十二年。壽皇卽位。復佐奏議郎。知饒州。十二月入封。修德。結民心。練兵。觀虜。上曰。久聞卿直諫。拜吏部尚書左郎

官。隆興元年癸未正月。遷秘書少監。四月擢起居郎。兼侍講國史編脩官。論記注不應進藁。前後殿皆當侍立。遇事直前。毋白閣門。毋隔班次。又請移都金陵。時督府北伐克宿州。大將李顯忠邵宏淵敗歸。公勸上無以小衄自沮。七月早蝗星變。求直言。公請勿儆福佛老。躬行周宜王政事。罰監司守令之貪殘者。其論納諫曰。今廷臣以籍默爲賢。容悅爲忠。反謂臺諫論事爲賣直。此德宗疑姜公輔之語也。馴至興元之幸。所謂一言喪邦者。上曰。非卿不聞此。全人再求和。

三忠文選

卷二 文忠

四

公曰。虜知陛下銳意恢復。故以甘言詭計款我。願絕口不言和字。上嘆其忠直。侍郎王之望。侍御史尹穡。皆主和。排張忠獻公。公廷責之。聞者稱快。兼權中書舍人。特升同脩國史。公雖與忠獻善。及其子拭賜金紫。則謂不當如此。待勲臣子。繳奏之。太上皇后改稱教旨爲聖旨。公奏大哉乾元。至哉坤元。今乃一之。將如太上皇何。上曰。奉親之過。朕當自受。十一月。詔以和利病。遣使可否。禮文先後。土疆取予。大詢禁近。或勸公從衆。公奮曰。有斷頭將軍。無降將軍。乃上奏曰。

小人傾
媚為奸
法應如
是

京師失守。自耿南仲主和。靖康播遷。自何栗主和。維
揚失守。自汪伯彥。黃潛善主和。顏亮之變。自秦檜主
和。議者乃曰。外雖和。內不忘戰。此又向來權臣誤國
之言也。一溺於和。將士解體。尚能戰乎。執政讀之。
色會中貴人推金字牌。賞越舊制。公索成法將論之。
俄與宗政少卿何備。兩易其官。公未出省。吏自新舍
人至。公叱曰。命汝取成法何遲也。吏懼。探懷出。亟具
奏。乃緘印索馬去。上尋悟中傷之由。請外。弗聽。猶以
侍講夜對。上曰。虜急欲和。其勢甚蹙。公乞力任張浚。

王忠文選

卷二

文忠

五

恢復可必。因再求去。上曰。卿直諒四海所知。且留經
筵。事無大小。皆以告朕。二年二月。兼權國子祭酒。六
月。除權兵部侍郎。八月上。以災異避殿減膳。詔廷臣
言缺政急務。公以郵政為先務。議和為缺失。於是大
學生七十二人同上書。乞再相陳康伯。用胡某為心
腹。進兼侍讀。虜人議國書未合。或謂未節不必較。公
曰。富弼以死爭。獻納二字。今欲君父卑辭下醜。虜愧
弼多矣。上聽其言。十一月。以邊事改卜郊。公言不可
者十。又大臣主和益堅。公爭之力。以本職措置浙西。

淮東海道。命下。即趣行。時金寇深入。號八十萬。淮東
郡縣。望風退避。高郵守陳敏。拒之射陽湖。而大將李
寶。駐師江陰。不肯援敏。公檄寶出師。寶先嘗取密詔
為自安計。公劾奏曰。臣受詔令。范榮備淮。李寶備江。
緩急更相援。今寶視敏不救。若射陽失守。大事去矣。
寶懼。與敏犄角。退虜兵。時大雪河凍。公親斷冰濟舟。
師人以用命。初公與尹穡同出使。穡使洸東。置家於
安。公使江淮。蓋受敵之地。攜孥北行。實安衆心。言者
乃併指為罪。閏十一月。與穡俱罷。久之。提舉江州太

王忠文選

卷二

文忠

六

平興國宮。乾道五年冬。上語諫臣單時。思得節誼之
士。時奏公中興初率鄉兵遏虜事。上雅知。陳虞二丞
相薦之。遂除集英殿脩撰。起知漳州。未赴。六年春。改
泉州。趣令奏事。上曰。每思卿直諒。今朕恢復之志已
決。公曰。陛下嘗欲移蹕金陵。何為中輟。上曰。以民之
不易少須耳。留為在京宮觀兼侍講。閏五月。權除工
部侍郎。論前修史功。進官一等。十一月。真拜侍郎。公
言初克經筵七人。老臣獨在。願乞身歸田里。上曰。卿
忠孝。神物護持。且留觀朕恢復。同載大梁。或忌公敢

言摘細故。雜他朝士。併臧公。冀不得獨留。公自以年踰七十。遂求致仕。詔除寶文閣待制。在外宮觀。七年辛卯三月也。未數日。特留提舉佑神觀。侍講如故。上曰。卿大節可嘉。朕不令卿去。未幾受詔。舉堪任刑獄錢穀。及智畧吏能。各二人。言者又謂公所舉非其人。貶秩二等。公知不容。復求去。進敷文閣直學士。再提舉興國宮。特許陞辭。公奏願陛下任賢黜邪。理財訓兵。逮寡恤孤。必報國仇。必歸陵寢。必復故疆。上曰。朕志也。又問卿今何歸。公曰。臣向在嶺海。嘗訓傳諸經。

主忠文選

卷二 文忠

七

今歸廬陵。將成此書。特賜通天犀帶以寵之。既歸。上趣所進書。遂上易春秋二禮解。詔藏秘書省。尋復元官。淳熙二年。上思公不置。諭大臣令進職。初擬稍遷。上特升十等。遂爲龍圖閣學士。前此未有也。太上壽七十。獨公以前朝龍飛甲科。遷朝奉郎。祠滿。又納祿。上令因任。近臣有言。秦檜時臣寮被貶斥者。後皆還其所歷歲月。惟胡某爲議郎。將四十年。未嘗自列。詔特與四官。遂轉朝散大夫。三年冬。三納祿。優詔不允。四年秋。秩滿。特命提舉隆興府玉隆萬壽宮。五年夏。

上以公連歲納祿。舉大梁司載之語。諭大臣。使留公。仍進端明殿學士。六年冬。三省復奏公祠滿。上曰。銓雖老不衰。昨去國。欲他日從朕遊中原。朕常壯其言。可詔歸處。以經筵。公引疾力辭。因陳時病五事。且曰。劉珙張栻將死。其言甚忠。李椿鄭鑑之去國。論議皆有補。陛下盍念之。願何以老臣爲。上知公不能來。七年庚子春。超轉朝議大夫。并食興國宮祿。公稱疾篤。四月。加資政殿學士致仕。五月庚辰薨。遺表有願爲厲鬼殺賊之語。贈通議大夫。官其後四人。享年七十。

主忠文選

卷二 文忠

八

有九。封廬陵郡開國男。加至本郡開國侯。食邑三百戶。積至一千五百戶。實封戶百。是年冬十月丙午。塋于縣之淳化鄉松山原祖塋之右。以子升朝。遇郊恩。贈通奉大夫。娶劉氏。中散大夫湖南提點刑獄公事。敏才女。先公卒。贈淑人。五男。泳承務郎。監江淮總領所惠民局。兼行宮雜賣場。淳熙初卒。官。辭。今爲奉義郎。前沿海制置使司幹辦公事。賜緋魚袋。能世其家。決。承務郎。鴻承奉郎。沖。未命夭。五女。適從事郎道州司法叅軍嚴萬全。福唐葉昌嗣。上饒方自厚。奉議郎。

發書昭信軍節度判官廳公事賜緋魚袋王孟將仕郎王載孫男十七人。楓宣義郎改差廣南西路轉運司主管文字。渠文林郎監泉州市舶務。程栻承奉郎。杙樞。挺。栢。杭。楓。價。杓。梓。槩。櫟。椅。栢。女七人。曾孫男二人。焯。燿。女三人。惟公忘身爲國。首倡正議。人已知敬。畏。又平居持論鯁挺。視權貴有不善趨向。有不正輒奮辭欲扼其吭。畧無顧避。士大夫以是疑公特立獨行。不可得而親。其實篤厚恭寬。孜孜樂善。常欲以學道愛人之實施。諸有政。既不大用于朝。嘗三拜二千

三忠文選

卷二

文忠

九

石復未及宣布于外。故公之剛雖表表愈顯。而其仁心則罕知者。昔蘇文忠公作剛說。謂夫子以剛毅巧言辨仁不仁。深闢太剛則折之論。由公視之。其信而有徵哉。公性孝友。在海南聞母喪。痛絕。水漿不入口。一夕鬚髮盡白。當任子先祿兄之子。歲時欲聚宗族。恩意周備。收恤貧弱。不計家之有無。與朋友交。情文兩盡。田父野老。鳧兒牧犬。亦接以禮。得其懽心。奉身儉約。非賓祭食不重味。間被君賜。可辭則辭。不可則以賙人。先疇外寸地無所增。識者嘆服公聰明既

絕人。又能堅忍勤苦。聖經賢傳。晝夜繹思。古文奇字。悉力研究。發爲文章。雄深雅健。清新藻麗。下筆輒數百言。尤刻意詩騷。用事深遠。措詞奇崛。後生投贊。率次韻以酬。多至百韻數十篇。愈出愈工。字畫端勁。兼通篆隸。碑版一出。人爭傳玩。遂於孔學。能躬行之。冠婚喪祭。必遵古訓。釋老異端。一切屏棄。親舊慶吊。寒暑不輟。自壯至老。始終如一。在新興名室。日暮晚號澹菴老人。遂以名其集。總一百卷。著易拾遺十卷。書解四卷。春秋集善三十卷。周官解十二卷。禮記解三十卷。經筵二禮講義一卷。學禮編三卷。詩話二卷。活國本草三卷。自公之沒。其子以門人秘書監楊公萬里所狀行實來求銘。必大自少知慕公名德。隆興初。先後入兩省。中間郊居。從遊幾十年。已後通宿玉堂。凡公文行。皆親薰而炙之。銘其敢辭。獨念公官品雖未應謚。而名節如此。顧在隱德丘園之下耶。幸從執政。當任斯典。暨尸宰事。始奉明詔。謚公忠簡。而郡庠又以公配祠六一先生。然後哀榮兩脩。銘公有辭矣。銘曰。

三忠文選

卷二

文忠

十

河入中國地卑而傾屹立砥柱其勢乃分江會三峽
湍東于隘截然灑瀕其流乃殺天方驕金帝惟念親
事之至難有君無臣斷斷孔多其淵孰障岩岩胡公
正諭獨抗鼎鑊刀鋸視之猶無嶺海崎嶇亦曰夷途
相欲殺公彼儉趨和天子仁聖公卒無禍晚儀王朝
素志弗移不會于梁則擊乎時富貴壽考百年之頃
孤忠大節千古維永懦夫以立清哉伯夷孔孟巫稱
公乎得師祠在鄉校傳在國史刻詩新阡與宋無止
非忠簡不能當此非益公不能爲此

三忠文選

卷二 文忠

土

祭文

祭羅長卿文

維隆興二年歲次甲申十二月某甲子具位周某等
謹以清酌庶饌之奠致祭於故會昌尉長卿五丈之
靈嗚呼樸屬之事器攻材良一日出門折軸傾箱不
如下乘弗已於行有幽者蘭久合園香未韓其華乃
萎於霜不如蔓草自全其生相彼二物類吾長卿嗟
乎長卿博洽精明志行萬里名高一鄉如車斯堅如
蘭斯芳試之邑尉豈曰騫翔乃厥乃枯誰毀誰戕昔
三忠文選 卷二 文忠 十一
我卜居十里相望每到君家必羅酒漿歡呼竟夕交
舉罰觥君又善戲謔而不傷分離朋友心則弟兄謂
雷華頗畢此交情豈知今日遽哭其喪嗟乎長卿卿
真亡矣古書多誤誰發明矣近事或疑誰考評矣觀
風月失平章矣山房圖籍虛暴涼矣升堂一慟涕
泗滂矣嗟乎長卿情未忘否鑒此誠否酌此觴否

婉至秀藻

書

范至能參政

某伏以霜風淒厲。恭惟判府經略殿撰舍人。榮戟尊崇。坐獻清暇。台候動止。萬福。某近因宜州向幕。求書草草。寓一紙。中秋至清江。任漕備道。往時踏雪遊盤園。恨不獲奉杖履。繼有客南來。頗言臥閤月餘。正念無處問近音。忽被誨筆。知已藥喜。欣懌無涯。吾曹稟受素薄。少時尙作衰態。况已半百。飲食起居間。倍宜自持也。州郡窘匱。所至皆然。交廣獨當外禦。內撫之責。曲突徙薪。視他道尤須加意。在通明復何患焉。某未還左符。甚擾方寸。朝廷美意。寧不深悉。萬一激僑生事。使公私兩失。亦豈美事。實緣心志凋落。不堪應務。又骨相屯薄。非幡蓋中人。深恐取辱召災。用是遲遲其行。既未蒙察允。不免攜家至豐城。然繼請更旬日。須得可報。只恐尙口乃窮。則有行遣。或勒令休致。以遂宿心。又望外事。謙之聯事可喜。桂林乃得星聚耶。逆旅從容累日。聞當遣介。輒附此承詞。曲折當能面布也。仰山爽約。不特病後。正緣典郡之初。薄被嫌

王忠文選

卷二

文忠

十三

疑舍人冬春之交。入趨明光。迎謁可必。未聞更斬爲國保愛。瞻祝瞻祝。

趙子直丞相

某辱八月初六及十五十六日所惠教。不勝感慰。訊後共惟台候萬福。得延憲二十一日將樂報。賊首約二十日出降。第懲艾父祖。恐未果決。此曹要無能爲。只憂窮民實繁。老兄去冬以來。切切欲擇守恤下。乃曲突徙薪計。或者未必不笑其迂。直是焦頭爛額。方策助耳。汀賴招軍。誠如來諭。但壬申賴擾。正坐殿司。况守令動輒騷擾。雖給以錢。亦侵移妄用。若止招土軍乃可。又恐衣糧不繼。仍多占破差使耳。南劍後來得雨否。自吉至廣。一帶皆旱。廣中固不申來。而林子方亦無一字。疑有相訝處。不可曉也。三司牧放。安有是事。步司反自六合。移入湖州。傳聞無稽。類此。如簡點海船城壁。蓋十五年不曾覩着。緩急將如之何。今年略且提起。明後年便是熟成。然亦緊中却放慢。雖暫有紛紛之議。隨即自定。若無一言半句。則雖百事皆不爲乃可。此更是費調護也。老兄悉心公家。屈志

王忠文選

卷二

文忠

十四

從人然好事者多以為專。且云不容諸司措手。茲與不肖被謗。殆為一律。益人欲因循此欲振厲人喜任事之自是自非。此則與之辨。白曲直。人好虛辭牢籠。此則盡誠忠告。誠真者少。公心又加少。安得不以獨醒為醉耶。其他左轄必能具道。向亦附狀。略及一二事。想呈徹久矣。帥司抽摘新刺之軍。初未知此法。且久便理會。餘乞保重。

又

某辱此月十一日書翰。喜承台候萬福。五八月。地

三忠文選卷二 文忠

十五

震江浙閩廣皆然而閩為甚。今長庚復晝見。其將奈何。虜中方放殿試榜。秋末葛王當還燕。在彼者皆不須問。顧在我者何如耳。某冒尸重任。日益孤危。累月商量。欲二相兼領西府。且夕須領旨也。富沙薦二將。文字方到。自古若不如賢嫉能。何事不成。孔子百篇之書。以秦誓附典謨訓誥之後。茲豈細事也。海舟安得不為緩急之備。庚牌循例耳。比方白遣王厚之料理通角。正恐將來誤事。其病在衣糧不給之論。其本則州縣窘乏。當有任其責者矣。張進方到。所求大高。

容對酌與之一書答晦菴望附的便餘乞保重

王宣子侍郎

某竊以春季暄和。其惟判府安撫寶文侍郎契丈。頃臨會藩。神物森衛。台候動止萬福。某自去冬。因湯才行附狀之後。日為緒使。未能嗣承記室。瞻仰道義。斯須靡忘。自聞開藩。譽問休洽。如侍郎久儀禁近。歷帥名藩。曾是尺一詔歸。士夫日夜望頌也。財匱所在皆然。古人謂藏之於民。雖似迂濶。其實可信。而近臣省部。專務籠絡諸路。諸路却籠絡郡縣。取之不遺餘力。

三忠文選卷二 文忠

十六

略無至誠相與之意。彼為郡縣者。終無捐家貲裨其匱度之理。直取諸民耳。吏又蠹蝕其間。欲不匱得乎。今湖廣得侍郎。其少蘇矣。兵既難增。惟得一二良將。則緩急可倚。不知部下亦有其人否。聞侍郎嘗以靖州曲折告之於諸公。今想無事矣。提點司簡踏官宋子諒忠竭。乃古親也。正得趨事。幸甚幸甚。因其介歸。輒附此。未拜兄問。更乞珍調。寢饋以俟大用。

王仲行尚書

某辱九月既望所惠教。喜承鎮撫餘閒。台候動止萬

福其碌碌腐儒。凡百皆不逮人。平生所得。惟在守道。不如守官一句。蓋道者人人可行。我不能守。他人固能之矣。今不能守。後世固有人矣。惟居是官而失其職。則其害有不可言者。心甚懼焉。故方其從容翰墨間。未嘗敢一語及軍旅之事。自蒙上恩。躡真樞。愧恐無以自容。蓋負國不過誅。誅利害止於一身。若誤國則將柰何。所以夙夜皇皇。咨詢求益。未嘗須臾置。然竟亦何裨也。逃卒事已悉。石湖開等。比有旨令張都統過江。就行相視。更移書與畫久長之策。甚善。武三忠文選 卷二 文忠 七

真等劄子錄呈。其說可從否。民兵文字。緣合兩路申請。仔細參酌。致行下頗遲。今當呈徹。凡有未當。毋惜疏示。濠梁前知其無狀。公文已見之。倪震能如此大幸。推而廣之。杜預羊祜。何難之有。張幹乃濫。椽也。修城前後文具。竭民膏血。不可勝計。頃固有旨。三處分認修葺。不知可與二君先議定。共為申請否。不然。恐彼有詞。正椽自來人。憚守廬。專主歷陽。為自營計。所以眾聽未孚。自郭振後。惟尚書能繼之耳。前奏副本未見。豈筆吏不曾封來手。葉承節拜賜甚感。除乞保

重以俟召節。

又

某比於赦通拜書。想得速達。茲蒙海帖至。感北峽事起於林倅。要奉漕司。漕司要媚朝廷。謂可省費。初不知國家為長久計。豈惜此數千緡鐵錢也。無事不為備。有事即惶擾。古今通患。而彼為甚。與錢乃不受。無錢則云擾。操切其上。使不得施設。天下寧有是理哉。更望丁寧劉倅。節次具修築次第垂報。旦夕亦當行下。毋使或者滋以云云也。民兵賞罰。專指事藝之人。非謂官吏。若緩急。要令此曹作正兵前驅。是送之死地。前後龜鑑甚明。區區之意。只欲人自為計。保其城邑。恐臨時無由分兵相助。孔子所謂不教民戰。是謂棄之。或誤指準耳。若夫可用與否。全繫守令奉行如何。朝廷區處。不過如此也。濠倅續有指揮。倪震已承益馬。甚非所望。更告嚴戒之。嗣有所聞。切幸諄諄。不敢以此期他人也。

馬晦叔提刑

某竊以初夏清暑。共惟某官。台候勳止。萬福。自聞入

勤。拙計會面之期。故未果再遣記。茲承惠海勤懇。感荷無已。論及道中二麥秀實。足寬宵旰。但雨意垂垂。每聞簷溜心輒震悸。益沴饑之後。如傷弓畏虛弦耳。卽諸晤語。更不忉忉。未間更冀保耆。來承晝接。

鄂州閭都統

某近別不勝傾企。卽日想惟已抵治所。履况集福。襄沔鄂邊面瀾遠。西自金均。東盡光黃。昨以王宣趙樽各占地分。不相爲用。遂合爲一軍。議者率謂兵馬數少。緩急難於分布。殊不思岳忠烈兵不滿六萬。而能

三忠文選

卷二 文忠

九

往來襄鄂。內撫外禦。威望隱然。况今三處屯兵。視昔固已加多。若更招募。不特財力有限。亦恐未必精銳。如向來庚辰辛巳。聚八萬之衆於襄漢。僅當劉萼之師。略無成功。其利害可睹也。比得郭帥書。深以向來自分彼此爲戒。遇敵則竭力相應。其有古人之風。過武昌。必已熟講。雖敵有衆寡。機有先後。臨時應變。難以遙度。然我之規模。自應先定。大要得士心則寡可敵衆。古今不易之理也。守陽調士。及隨州增戍。曾熟議否。旣開幕府。凡百宜一一條具奏聞。却示副本。此

外萬萬爲國保重。

王才臣子俊書

某再拜。久別不勝思企。辱書慙懇。具審起居佳福。良以爲慰。中間嘗附一緘。似未達何也。科舉事。病之久矣。再爲儀曹。卽入文字云。殿試有初。考覆考。詳定。編排。省試有點簡。有參詳。有知舉。皆經三四手。猶患不能盡得實才。解試爲取士之原。乃決得失於一夫。又期限促迫。去取不公。是汨其源。欲流之清也。旣下國子監詳議。迄今乃無定說。本意欲五十人解額處。元

三忠文選

卷二 文忠

十

差試官五人。各令五倍取之。却再謄錄此二百五十副。別差覆考官兩員。使不相通。再加審擇。取所謂五十人者。庶幾二人得以精選。而分房審私之弊可革。或者乃疑常歲試官。猶不足數。安所求此兩員者。又五員知中否不在我。將鹵莽應之。能肯愈無路可進矣。坐此半年。文書猶未上。而蜀士忽議策云。士人得第之後。舊業並爲棄物。不若令盡習詞科。但明示出題所在可也。朝廷主之甚力。便欲施行。僕謂科舉大事。熙寧元祐間。兩制三館。議論紛然。今安敢造次更

張且經義詩賦。考官童而習之。白首紛如。若變爲宏詞。則自唐以來。退之已有今古之辨。況今日乎。恐愈荒唐難考也。淮西碑。谿堂詩。正符皇雅。開鍵豈易知邪。本朝至嘉祐太平已百年。而歐陽公在朝亦久矣。加之名公巨卿。欲變文格者多。然須俟知貢舉。明明示好惡。使士人自爲從違。猶召闢於一時。後乃自定初不在收法也。東坡議狀。蓋盡之矣。不知於差解試官處。別有何策。可抹目前之弊。其亦付之偶然。使士人各試其命耶。向爲吾才臣蕭伯和兄弟及陳杲卿輩。不平久矣。前年秋。偶見溫州葉適者。文筆高妙。卽以門客牒漕司。適會有石司戶。識見頗高。遂寘前列。省試幸在行間。廷試遂居榜眼。旦夕錄其三次程試拜呈。若時文皆爾。亦何不可之有。然葉行年三十。在鄉曲未嘗發薦。以此知遺才甚多。此才臣所以未遇也。曾南康告歸。暑甚煩渴。連飲白酒兩盃。爛醉書不成字。又多差誤。皇恐不宣。某再拜。

韶州梁守書

某再拜知府監丞麾下。某慕仰才望之日久矣。每有

三忠文選 卷二 文忠

三

未見君子之歎。間蒙墜貺。義深辭古。深得歐蘇二文忠之遺意。私謂執事他文必皆稱是。安得入羣王之府。盡窺琮璜圭璧耶。會執事鄉人在朝者多。每相過輒道此心。不謂遠達清聽。長書見及。且示近著表啓古律詩長短句一編。伏讀累日。一字三款。如推擇度支。本源學問。昔賢之論。晚節爲難。傷臨川之術。憫銀鹽之害民。皆用意至到。忠告無隱。而秀傑忠厚之氣行乎其中。乃知子美詩外。大有事在。豈止與雕琢纂組之徒。爭工鬬靡而已哉。因念近世文人。一或抱負所長。則驕矜傲忽。憎嫉勝已。輕賤不如已。所謂以能問不能。以多問於寡者。未之聞也。故其才華雖甚可愛。而常使人逡巡畏避。不敢與之親。今執事本之以德業。持之以謙厚。將一洗陋習。尙友古人。雖如某輩不學無文。猶屈已而幸教之。其爲賜也大矣。抑某何以稱此。惟當傳示縉紳諸儒。上及於公卿。使知執事筆力如此。反牧遠郡。某不才如此。乃容久汙玉堂之直。棄黃鍾。鳴瓦釜。却騏驥。御駑駘。用舍倒置。聖時所宜察。庶幾有誦周南之滯。薦子虛之賦者。持

三忠文選 卷二 文忠

三

以為執事報不亦可乎屬苦腹疾無聊敘謝不宣

陳德卿書

某頓首啓。洵勤惠翰。喜承履况。集福長書。偉麗申以文編。凡可寓謙勤而致誠意者。無所不用其至。雖塗之人。亦當曲從。况託鄉粉之好乎。足下所求。又非甚高。不過欲一二書覓薦剡耳。此而固拒。豈近人情。所以遲遲未能輕發者。正以監司帥臣。歲有文字三數紙。而求者常不下數十人。舉者之難。甚於求者。蓋既有故舊。又有辦職事人。又有親戚對易者。其以中都

三忠文選

卷二 文忠

三

之勢逼而取之。乃一端耳。若監司帥臣。偶是相知。則或從或違。尚無利害。萬一孟進。強而不從。彼此寧免懷疑乎。幸足下到官未久。願少需之。且如鄆陽彭丞亦鄉人也。近嘗親至此。告以曲折而歸。自某面上言之。只二賢者。自要文字十紙。而相參臺諫侍從故舊。又不知其幾。果可一一取必否。此甚易知。所以縷縷布聞者。緣道遠勞煩。專人承聽。亦未易辦。非如珠玉可得於咳唾間。是以不覺占吏喋喋耳。屬感風已旬日。勢猶未已。欲取佳篇賡和一二不能也。向熱。萬萬

保重。不宣。

李知幾運使書

不佞筮仕以來。囚入中都。敬愛蜀士大夫。每自忌其固陋而強附焉。如執事邁往之才。博古之學。高妙之文。重以同年之契。其願交承益尤為切切。執事亦三人承明。不為不久。不知造物者竟有何意。使之相避如參辰也。每一念此。悵然西望。不能自已。今夏伏領去冬所惠書。陳義崢嶸。垂意繾綣。乃錄近詩十篇為寄。大抵因事有作。無一語虛發。名效樂天。實啓少陵。丰忠文選 卷二 文忠

五

之關鍵。感激嘆服。執卷不能釋手。因念自古學愈進才愈奇。身益困。仕益不遇者。何可勝計。無乃山川英靈之氣。取之傷廉。造物開闢之機。發之大盡。故特以阨窮抑鬱相乘。除耶明乎此。則世間區區之毀譽。何係輕重。置之不足道也。某滯朝滋久。身非不遇。而迂陋寡儔。言不足取信於公卿。一有所好惡。或者輒反其說。不能成人。祇以累人。雖塵華貴。如蹈澗谷。加之年來衰態種種。無日不病。屢嘗自劾。尚如此。儼纔過會慶。卽復籲天祈歸。老於山林。年兄重來。又將悵悵

於前日。是以臨紙不覺忉忉。皇恐皇恐。陸務觀以團扇墨妙見遺。使常得把玩。吾人相與相念之情。略可想矣。餘乞以時保重。不宜。

曾無疑書

某頓首。近往記幸達。薦勤墜教。喜審履况。集福曲記。賤生寵以樂章二疊。藻思駿發。玩味不能去手。所愧無以稱之耳。六一集。方以俸金送劉氏兄弟。私下刻板。免得官中擾人。編年自當附入。蒙索元蔡謹封納。是正畢。却幸垂教。夏早。湖湘亦然。老病丐去未遂。極

三忠文選

卷二

文忠

手

費支吾也。脩城事。無逸亦問及常縷縷寫去。通天下郡邑。何處無郭郭。此間斷缺二百餘里。存者草木叢生根株盤互。四出日就摧毀。再三籌度。約費十數萬緡。可以補治。初與豐漕議。藉彼嚴重辦集。且免本州侵移之嫌。豐漕欣然謂允當。乃敢有請。及命下。而土人及好閑議論者。怵以日給當厚。廣義當削。又欲大為濫斬。拆毀附近民居。而不知軍中役兵。自有常例。縮而小之。為脩禦計。則雖數十萬兵。豈能周徧。內地非邊防。亦安用如此擾擾。皆與本謀相違。非口舌能

勝。遂緩其役。以避九良星者。今一面聚集。孰灰以待後人。不必遠求。只如廬陵宜春。亦有城否。禁軍可防守否。近世士大夫不問事之本末。動輒云云。所以自為謀者。一切無所規畫。聽其自然。蓋避此也。如何如何。餘冀保愛。臨風思企。

呂子約寺丞書

某拜啓。臨江轉致九月三日書。不勝感慰。不聞問復月餘。想惟德履超勝。令人痞疾。必已無事。賢閭安人少睡。必是多慮。會稽曲折。豈應知也。某老病杜門。交

三忠文選

卷二

文忠

手

游殊稀。蓋季章痔未全愈耳。今秋渴雨芙蓉大段稀疎。小車按行之樂。亦豈易得耶。江時法計。時通問錢交季寓金華縣。俟來春赴班。注邑。可謂良圖。近附倉司便遣報。因書試詢達否。劉公度得耿漕文字。申明諸漕改官。張師語客云爾。未知果何如。考亭間得書。孜孜范碑。殊可敬嘆。然亦有疑。慶曆諸賢。黑白太明。致此紛紜。六一壯年氣盛。切於愛士。不知文靖渾涵精深。期於成務。未免責備。正獻兄弟。方含章不耀。人所未知。故語言多失中。後來大段自悔。所謂君子之

過不必曲爲說道理。如仁宗實錄。皆經明公筆削。仍親聞當時議論。其於西事本末。略不及二公意。亦可想。今觀自記。首云學道三十年。餘却似後學說話。至以忠宣比堯夫。亦太過。本朝諸公。心平如忠宣者。幾希。設有真跡。尚未敢必。况居仁所傳耶。張續帖在誰家。如修性多病之句。良可疑。殊不喜居京。亦非六一語。蘇明允帖。若果有之。則黃門龍川志說碑處。自當具言。何必引張安道爲證也。陳無已談叢尤乖疎。如說幸澶淵。謂寇公不容章聖起還內。徑自御坐登車。

三忠文選

卷二

文忠

七

是何識見。故說文正過文靖一段絕鄙野。今於集本並列衆論。以俟識者。蓋小說極難信。其來相告。有好惡。有差誤。秉筆則當決擇耳。鄙意如此。未知當否。更望批誨。以代劇談。餘惟厚愛。不宣。

汪李路司業書

某悚息拜啓。比奉狀後。數過的便。每欲嗣記竊意。左右日奉親懽。沈酣典籍。不欲弊精神於無益之書。輟不復作。令親瞻軍至。既辱誨答。又得熟詢動靜。喜可知也。冬序溫和。其惟台候萬福。申命祠庭。可占朝廷。

待遇之意。又聞卜居已定。殊爲贊喜。某踰七望。八頓覺衰疲。最是耳聾足弱。尤妨事。它無足云。所論六一集中有疑。及較以碑刻他書。苟可見教。悉望付示。惟呂范一節。朱元晦呂子約屢以爲言。終不敢曲從者。亦豈無說。歷觀近代用心。平直如忠宣公。可一二數。決不違父志。強削誌文。又本朝正史。惟兩朝多出名公之手。最可爲信。是時呂氏子弟。顯用於朝者多。而於呂范列傳。並無一言及此。却於孫威敏傳中。脩載詆呂之疏。它傳多有之。只如歐公上書。攻呂不應遣。

三忠文選

卷二

文忠

三

富文忠公使虜。某初以爲過。何者。了國之事。富誠堪其任。何爲不薦。不然。須用不了事之人。此未足病呂。至於不使富公見國書。至煩發緘歸換。是何用心。推是以觀。於范公何有哉。呂居仁傳。歐公自誌再三。誌子約實無親筆。縱有。亦是歐公自悔前疏太過。欲自解於正獻兄弟。不須憑也。在政府詆言者。豈止營屋一端。要是責人責已。自分兩塗。若能合此。則爲聖爲大賢。豈細事哉。從諫名書。旣泛言章疏。何必因一二公遂匿其書也。往侍端明尙書。嘗見晏元獻與呂帖。

痛詆歐公以解呂之怒。晏匪真罵。乃呂深怒。欲爲調護。不知此帖尚在否。當時大率類此。可以意度。子約已傳歐公與蘇明允一帖尤僞。蓋明允初得歐公寄范碑。已論此事。嘗贊其用心廣大。豈待後來黃門龍川志記此甚詳。殊不及也。陳無已談義。多失輕信。頗類齊東野人語。今范集載祭呂文。自是先得遺書。乃用州郡禮致祭。初無感激自悔之詞。但考兩朝史諸臣傳。則未嘗交懼。各爲國事。忠宣必得於過庭。豈忍誣其先人。自墮不孝之域乎。縱筆及此。以代面晤。餘惟以時自愛。不宣。

三忠文選

卷二

文忠

三

詩話

陶淵明山海經詩

江州陶靖節集本。載宣和六年。臨漢會絃。謂靖節讀山海經詩。其一篇云。彤人無千歲。猛志固常在。疑上下文義不貫。遂按山海經有云。刑天。無名。曰衛于戚而舞。以此句爲刑天舞于戚。因筆畫相通。五字皆訛。岑樓晁詠之撫掌稱善。予謂絃說固美。然靖節此題十三篇。大槩篇指一事。如前篇終始誌夸父。則此篇恐專說精衛銜木填海。無千歲之壽。而猛志常在此。三忠文選

卷二

文忠

三

劉禹錫淮陰行

簇簇淮陰市。竹樓綠岸上。好日起櫓。鳥飛驚五兩。今日轉噴臘。金烏指西北。網波與春草。千里同一色。船頭大銅鑼。摩挲光陸渾。早晚使風來。沙頭一眼認。何物令儂羨。羨郎船尾燕。銜泥趁檣竿。宿食長相見。隔浦望行船。頭昂尾憶憶。無奈脫萊時。清淮春浪輒。

黃魯直云。淮陰行情調殊麗。語氣尤穩切。白樂天元微之爲之。皆不入此律也。唯無柰脫萊時不可解。當待博物洽聞者說也。予嘗見古本作桃萊時。東坡惠州新年詩云。水生桃萊清。恐用此字。

唐酒價

昔人應急。謂唐之酒價。每斗三百。引杜詩速宜相就。飲一斗。恰有三百青銅錢爲證。然白樂天爲河南尹。自勸絕句云。憶昔羈貧應舉年。廢衣典酒曲江邊。十千一斗猶賒飲。何況官供不著錢。又古詩亦有金尊美酒十千之句。大抵詩人一時用事。未必實價也。

三忠文選 卷二 文忠

三

杜荀鶴事

池陽集載杜牧之守郡時。有妾懷妊而出之。以嫁州人杜筠。後生子。卽荀鶴也。此事人罕知。予過池。嘗有詩云。千古風流杜牧之。詩材猶及杜筠兒。同來稍喜唐風集。今惜樊川是父師。

康輿之重九詞

慶元丙辰重九。風雨中。七兄約登高於神岡西臺。因記康輿之作。高宗時。謠詞云。重陽日。四面雨垂垂。戲

馬臺前泥拍肚。龍山路上水平臍。湔浸倒東籬。茱萸。黃菊濕。落帽。嘉禾尋菊。笠。漉巾。陶令買蓑衣。都道不如歸。爲之一笑。與之自與人云。木句或傳兩箇一身泥。非也。

老人十掬

朱新仲鄞川志載郭公父老人十掬詩。謂不記近事。記得遠事。不能近視。能遠視。哭無淚。笑有淚。夜不睡。日睡。不肯坐。多好行。不肯食。要食硬。兒子不惜惜。孫子大事不問。碎事絮。少飲酒。多飲茶。暖不出。寒卽

三忠文選 卷二 文忠

三

出。丁巳歲。予年七十二。目視昏花。耳中無時不作風雨聲。而實雨却不甚聞。因補一聯云。夜雨稀聞聞耳。雨。春花微見見空花。是亦兩掬也。常錄寄朱元晦。朱大以爲然。請予足成之。遂貼兩句云。自憐他日盲宰相。今復癡聾作富家。

李石霜月詩

唐李義山霜月絕句云。青女素娥俱耐冷。月中霜裏闌。嬋娟。本朝石曼卿云。素娥青女元無匹。霜月亭亭各自愁。意相反。而句皆工。

金鎖甲

周紫芝竹坡詩話第一段云。杜少陵遊何將軍山林詩。有雨拋金鎖甲。苔臥綠沉鎗之句。言甲拋於雨。爲金所鎖。鎗臥於苔。爲綠所沉。有將軍不好武之意。余讀薛氏補遺。乃以綠沉爲精鐵。謂隋文帝賜張大淵以綠沉之甲是也。不知金鎖當是何物。後又讀趙德麟侯鯖謂綠沉爲竹。乃引陸龜蒙詩。一架三百竿。綠沉森杳冥。此尤可笑。已上皆紫芝之語。予按符堅使熊選造金銀細鎗。金爲綫以縹之。蔡琰詩云。金甲耀日光。至今謂甲之精細者爲鎖子甲。言其相銜之密也。紫芝工詩。而詩話首篇疎失如此何耶。綠沉爲精鐵。則不待辨矣。

三忠文選

卷二

文忠

三

宋周文忠先生文選卷之二終

里先忠三先生文選目錄

廬陵後學胡接輝篤父父集選

友人 文江劉同升孝則父點定

毘陵薛 案諸孟父批評

男 胡先庚編次

門人宋世臣

季光潛

李枝秀

彭起雲全較

三忠文選

目錄

忠烈

一

宋文忠烈先生

舊序

本傳

卷之一

制策

御試策一道 有題

卷之二

奏疏

已未上皇帝書

內制	擬進御筆	又擬	表箋	門謝表	湖南提刑到任謝皇帝表	謝皇太后表	皇太子生日賀皇帝表	賀皇太后表	賀皇后箋	卷之三	詩	送卓大著知漳州	題玄潭觀雪浪閣用誠齋韻	贈嗅衣相士	宣州罷任再贈	貧女吟四首	名姝吟
----	------	----	----	-----	------------	-------	-----------	-------	------	-----	---	---------	-------------	-------	--------	-------	-----

龍霧州覺海寺次李又溪壁間韻	題鍾聖舉積學齋	山中卽事	山中	山中和韻	送人往湖南	和謝愛山晚吟韻	病中作	又賦二首	壽古心江先生	幕客載酒舟中卽席序別	山中再次胡德昭韻	齊天樂	齊天樂	正氣歌	卷之四	記	吉州州學貢士莊記
---------------	---------	------	----	------	-------	---------	-----	------	--------	------------	----------	-----	-----	-----	-----	---	----------

吉州右院獄空記

龍泉縣太霄觀梓潼祠記

文山觀大水記

鄒文叔垂芳堂記

蕭氏梅亭記

瑞州三賢堂記

贛州重修清獻趙公祠堂記

贛州重修嘉濟廟記

贛州興國縣安湖書院記

三忠文選

目錄

忠烈

四

衡州上元記

雷州十賢堂記

雷州重建譙樓記

卷之五

序

金櫃歌序

趙維城洗冤錄序

忠孝提綱序

新淦魯叔仁義約集序

送隆興鄒道士序

送彭叔英序

贈林梅所序

贈曹子政劍客序

贈山人黃煥甫序

贈仰顛峰拆字序

送僧了敬序

吉水縣永昌鄉義役序

指南錄自序

三忠文選

目錄

忠烈

五

後序

題跋

敬書先人題洞岩觀遺墨後

跋曾子美萬言書藁

跋劉翠微罪言藁

跋誠齋錦江文藁

跋李世修藏累科狀元帖

跋李龍夷殿策

跋呂元吉先人介軒記後

跋周蒼崖南岳六圖

跋周一愚負母圖

跋周汝明自鳴集

跋番易徐應明梯雲帙

跋彭叔英談命錄

贊

哭齊先生像贊

贊龔知縣龍

贊程縣丞龍

卷之六

說

答歐陽秘書承心制說

勉松說

龍泉縣上宏修橋說

慧和尚說

講義

西澗書院釋菜講義

有序

三忠文選
目錄
忠烈

六

熙明殿進講敬天圖周易賁卦

行實

先君子華齊先生行實

知湖州寺丞東巖先生洪公行狀

墓誌銘

樂庵老人劉氏墓誌銘

贈承事郎徐溪莊墓誌銘

祭文

祭歐陽巽齋先生

祭都承胡石壁

祭郭正言間

祭道州徐守宗斗

祭鄒主簿寧縣

祭秘書彭止所

祭安撫蕭檢詳

三忠文選
目錄
忠烈

七

宋文忠烈先生文集舊序

吉安舊刻文山先生文集簡帙龐雜篇句脫誤歲久漫漶幾不可讀中丞德安何公遷來撫江右既出素所養者布之教令復表章列郡先哲以風厲士人會郡守浦江張公元論始至卽舉屬之張公手自編輯釐剔剔訛出羨帑選良梓刻將半致中丞之命於洪先俾序所以校刻之意嘗觀孟子論北宮黝孟施舍之養勇而有感焉彼其不挫與無懼者若詛盟而要結之終其身不可解也夫二子憑氣者也猶有爲之

主忠文選

忠烈序

一

所者以主於中矧其進於是者耶洪先於是反覆先生之事取證其詩與書因得其平生之詳而論之始先生弱冠及第憂歸四年授京兆幕而邊遽起董奄方主和議首應詔數其罪乞斬之以安社稷且自罷免既改洪州復自罷尋用故事以館職召進刑部郎而董奄復用又上疏求罷自知瑞州轉江西提刑爲臺臣論罷後兼學士爲福建提刑卽又連論罷如江西已而權學士院草制忤賈似道噓臺臣劾之罷其少監及除湖南運判又論罷之遂引錢若水例致仕

去當是時年纔三十七耳當其甫入朝著非有真華艱大之委而國事它屬又無臺諫糾刺之權其言與否宜未有訾及者乃不能一日稍待何哉人之遭蹉跌者往往回顧而改步三已不愠古人難之今罷而仕仕而復罷經歷摧創至于六七志愈堅氣愈烈曾一不以自悔此其中必有爲之所者矣且自始進而遽早休當盛年而甘退處目爲猖狂而不辭置之危地而不改彼非異人之情也亦曰爲世道計吾之心未能已也與吾相持而不使其直遂者勢也吾屈勢

主忠文選

忠烈序

二

而違心耶亦求以自盡耶是故事寧無成不敢隱忍以諱言言寧不用不能觀望以全身身寧終廢不欲玩惕以克位其必爲此不爲彼決絕審固於死生之間秋毫無所皇惑是先生之平生也今觀其文辭矯乎如雲鴻之出風塵汎乎如渚鷗之忘機械凜乎如匣劍之蘊鋒芒至於陳告數宣肝膽畢露旁引廣喻曲盡事情則又沛乎如長江大河百折東下莫有當其騰迅者此豈一朝一夕之故偶得之者哉及其灑泣入衛捐家餉軍流離顛頓出萬死一生以圖興復

力既不支。猶以拘囚之餘。從容燕市。收三百年養士之功。跡愈久而聲光不滅。使天下後世。曉然知有人臣之義。莫不以爲處死之難。古今未若是烈者。不知其屢罷而不悔爲之者。誠豫也。使幸而不值其變。則處死者人必不聞。不幸而聞於人。且歎其難矣。或擬之憑氣。而莫能原其所以爲心。使先生平生所養卒不暴白於天下。後世是尚爲知論世矣乎。夫不幸非人所常值也。值其幸而難自盡。則亦何至于屢罷。夫惟求自盡而不免屢罷。則知決絕審固於死生之間。蓋有大不得已。而非先生所願明矣。非所願而必豫爲之所逆。知其不免而未嘗少動舌之知所養者。蓋如此。有世道之責者。其思有以豫待之哉。洪先生先生之鄉。想慕其生平。設以身處而深有感於養氣之說。因序集而并著之。嗚呼。使人人皆知所養。不徒仰嘆先生之難。將於世道必重有賴。二公風厲之意。至是效矣。嘉靖三十九年庚申二月望後學吉水羅洪先頓首謹序

三忠文選

忠烈傳

三

文忠烈公傳

文忠烈公天祥。廬陵富田人。父儀。鄉稱長者。大父特用。夢兒乘紫雲下。已復上。而公生。故名雲孫。字天祥。一字履善。秀眉長目。美質如玉。童時觀鄉祀。歐陽文忠楊忠襄胡忠簡周文忠楊文節像。慨然曰。沒不俎豆其間。非夫也。年二十。以字舉進士。理宗策士集英殿。時帝在位久。政浸怠。公以法天不息對。寘第七。帝親擢第一。改官王應麟賀帝得人。謂古誼若龜鑑。忠肝如鐵石。尋丁父憂。服除授寧海軍判官。時元師圍鄂。內都知董宋臣主遷都議。公上書乞斬宋臣。更請劾方鎮建守。就團結抽兵。破資格用人。不報。自免歸。稍遷至刑部郎官。宋臣復爲都知。上疏極論。不報。出守瑞州。召除禮部郎中。尋改江西提刑。伯祖母梁夫人卒。夫人其父本生母也。解官終喪。除尚左郎官。累爲臺臣。黃萬石黃鏞陳懋欽論罷。改知寧國府。除軍器監。兼權直學士院。賈似道方有寵。佯欲去位。以堅帝意。學士院降詔。裁責以義。賈不悅。諷他學士改草。而嗾臺

三忠文選

忠烈傳

一

臣張志立劾罷公。除湖南運判。臺臣復奏寢。公曉
屢斥。援錢若水例。乞致仕。歸。闕。館文山自娛。時年
三十七。咸淳九年癸酉。起湖南提刑。平邵永巨寇。
見故相江萬里長沙。語及國事。萬里屬以世道之
責。是冬。乞郡便養。移知贛州。明年德祐改元。乙亥
春。元師渡江。詔天下勤王。公奉詔起兵。加江西安
撫使。丁祖母劉夫人憂。方葬而起。復命下。仍趣兵
移洪。初。左相王煥。主公遷擢。屢趣公入衛。與右相
陳宜中不合。煥求去。上書者訟宜中沮公事。宜中

三忠文選

忠烈傳

二

亦去。代者留夢炎。宜中黨也。奏以江西制置黃萬
石入衛。以公移屯於洪。萬石陰通呂師夔。自洪退
屯置司撫州。喉守臣趙必昂。張皇寧都六義士劫
樂安。且至撫州境。以阻撓之。公發其奸。有旨責降
必昂。趣公入。其友止之。公曰。國家養士三百餘年。
一旦有意徵天下兵。無一人一騎入關者。吾深恨
於此。故不量力以身殉。庶天下忠臣義士。有聞風
而起。義勝者謀立。人衆者功濟。如此。社稷可保也。
公自奉故。屢至是。漏自貶損。盡以家資爲軍費。每

與客語及時事。輒涕泣曰。樂人之樂者。憂人之憂。
食人之食者。死人之事。八月。提兵二萬至臨安。除
知平江府。留不遣。時呂文煥兄弟皆降元。廷議欲
以呂師孟爲兵書。藉以求好。師孟亦偃蹇傲朝廷。
公疏乞斬之。釁鼓。且請分天下爲四鎮。建都督統
御。以廣西益湖南。建閩長沙。責取鄂。以廣東益江
西。建閩隆興。責取蘄黃。以福建益江東。建閩鄱陽。
責取江東。以淮西益淮東。建閩揚州。責取兩淮。使
地大力衆。足以抗敵。彼備多力分。疲於奔命。我民

三忠文選

忠烈傳

三

豪傑。且伺間起。敵不難却也。朝議以爲迂。不報。元
兵圍常州急。始遣公就戍。宜中遣張全以兵援。公
遣朱華率兵以從。張全大敗。常州破。獨松關急。夢
炎宜中議棄平江。趣公移守餘杭。公甫去。而平江
遂降。未幾。夢炎遁去。明年正月。除知臨安府。不拜。
以輕兵赴闕。始從公初議。送吉王信王闕。廣大臣
急請三宮渡江。太皇太后不允。公請以福王。或沂
王判臨安。係人望。身爲少尹輔之。有急。密移三宮
當以死衛。不報。尋又請合內外軍。隸張世傑。背城

借一以戰爲守皆不許。十八日伯顏兵至阜亭山。距臨安三十里。邀宣中與語。宣中待許遁去。明日世傑亦去。有旨令公詣軍前議和。遂以資政殿學士行。說伯顏請退師平江。議輸金帛。必欲毀我宗社。則淮浙閩粵尚多未下。窮兵取之。利鈍未可知。假能盡取。豪傑並起。兵連禍結。且必自此始。伯顏怒。拘留之。明日左相吳玠右相賈餘慶及劉昂呂師孟等奉降表至。公憤罵賈伯顏留使失信。虜頗傾動。餘慶歸。令學士院詔天下附元。盡放公所部。

主忠文選

忠烈傳

四

勤王義士西歸。其渡浙歸閩。惟方興朱華鄒濂張汴數人耳。二月八日。伯顏趣公北行。至京口。留十日。公與客杜詩十二人定計。夜亡入真州。時真州不聞京師消息已數月。聞公至。皆感憤守將苗再成延人泣曰。兩淮尚擁強兵。但二閩不相能得。丞相交通。興復可圖。公問計安出。再成曰。今先約淮西兵入建康。彼必并力以扞吾西。請以通泰軍攻灣頭。高郵軍應淮安兵攻楊子橋。揚州兵向瓜洲。再成以舟師直搗鎮江。同日大舉。彼灣頭楊子橋

守者皆沿江脆兵。攻易下。復二面合攻瓜洲。再成自江中一面薄之。雖有智者不及謀矣。然後以淮東兵入京口。淮西兵入金陵。要浙歸路。大帥可坐致。公大稱善。卽貽書李庭芝夏貴。而庭芝誤聽脫卒說降之言。疑丞相無得脫理。責真州不當納密諭。殺公。再成不忍。給公出城。示以庭芝書。公大驚。回視城門已閉。但遣二騎送行。將覲公所。向便宜從事。時公決欲往揚州。二騎見公忠義。不忍加害。乃導出境。隨辭去。夜至揚州。不敢扣城入。與許等

主忠文選

忠烈傳

五

東入海道。遇兵伏糞堵中。饑莫能起。從賣薪者得壺餐。又迫巡徼者。夜迷失道。乃募二漁以竹籬擡至高郵。買舟從海陵走如皋。凡三百里。歷盡艱險。至通州。得海舟渡楊子江。入蘇州。洋兵轉四明天台。以四月八日至溫州。時益王自永嘉趨福州。建大元帥府。公奉書勸進。遂卽位。改元景炎。以觀文殿學士召公。至行都門。除右丞相。與宣中等議不合。乃以同都督出劍南收兵。十月趨汀州。至汀而福州陷。車駕幸海道矣。公遣趙時賞趙孟深復寧

都吳浚復雩都。劉洙蕭明哲陳子敬皆自江西起兵來會公。覺汀守有異志。移屯龍巖。謀入衛。未幾浚降元。反銜浚都命來招降。公殺之。浚都入閩。諸降者各致書於公。公謂侯見老母。卽從先帝地下。無可言。明年三月入梅州。始與母弟妻子相見。四月斬跋扈都統錢漢英王福。五月引兵出江西入會昌。戰雩都。大捷。因開府興國。豪傑響應。永豐吉水泰和臨洪。以及黃州壽昌邵永皆復。軍勢大振。獨賴未下。元宣慰使李恒遣兵援賴。而自攻興國。

三忠文選

忠烈傳

六

鄒淵亦爲恒兵所敗。同起事者皆死。恒乘勝追公至空坑。公幾被執。忽大石墜塞路。時賞又自詭爲丞相。公得逸去。而妻妾子女皆陷。吳文炳劉洙林棟與時賞皆死。公與母曾夫人子道生同奔汀州。十一月趨循州。元兵圍廣州。黎貴達謀降。公斬之。是冬屯南嶺。明年戊寅二月趨海豐。進屯麗江浦。命弟壁復惠州。遣使訪問車駕。初駐甲子門。已遷富場。逼虜移仙澳。尋止碭川。四月端宗內問至衛王於碭川卽位。改元祥興。公上表自劾有詔獎諭。

其畧曰。方敵氛之正惡。勦旗勤王。及皇路之已傾。捐軀奉國。脫危急於虎口。涉遠道於鯨波。雖成敗利鈍。逆昭未能。而險阻艱難。備嘗已熟。如金百煉而益勁。如水萬折而必東。乞入朝。不許。又欲移廣州。亦不果。六日祥興帝回駐厓山。公移船澳。累請入覲。當是時。宋不絕如綫。而世傑等尚多沮忌。加少保信國公。意寔遠之。封母齊魏國夫人。隨同道生卒。遣使宣祭起復。初陳懿兄弟與其黨劉興皆劇盜。世傑招之攻閩。遂據潮州。十一月公進潮陽。

三忠文選

忠烈傳

七

縣攻走懿。戮興。時張弘範以大軍下海。以步軍入潮。十二月十五公移屯趨海豐。入南嶺。鄒淵劉子俊以民兵數千至自江西。時弘範步騎尚隔海港。懿乃導其海舟以濟。弘範使弟弘正以輕兵襲公。廿日午。公方飯五坡嶺。騎突至。被執。急吞腦子不死。鄒淵劉子俊蕭明哲杜許等皆死。衆擁公上馬。越七日至潮。見弘範不拜。明年正月二日與俱入厓山。使爲書招世傑。公曰。已不能得父母。又教人叛父母乎。爲書過零丁詩示之。二月六日厓山破。

公爲長歌以哀弘範。從容語公事。元公流涕曰。國
亡不能救。死有餘罪。敢二心乎。範曰。國亡矣。卽死
誰復書者。公曰。夷齊不食周粟。亦自盡其心。何論
書與不書。弘範爲改容。送之燕京。且以厓山所獲
宋禮部郎官鄧光薦與俱。公在道卽絕粒。過南安。
遣人告墓。以弟璧之子陞爲嗣。約日首丘。廬陵乃
水盛風駛。不覺至豐城。於是不食已八日。念首丘
不遂。委命荒丘。誰爲白者。復強食飲。六月十二至
建康。因驛中。八月二十四日別光薦北行。十月一
日。至燕。越四日。弘範至。具言公不屈狀。因兵馬司
公不寢處。坐達旦。兵衛甚嚴。十一月九日。字羅召
見樞密院。命之跪。抗詞不屈。曰。南人不能跪。問有
何言。曰。今日不過死耳。有何言。又問。曰。爲衆相。宋
亡義當死。爲北朝所獲。法當死。復何言。字羅曰。自
古曾有人臣以宗廟土地與人。復過去者乎。公曰。
爲臣而奉國與人者。賣國之臣也。賣國者必不去。
去者必非賣國也。吾前除丞相不拜。奉使伯顏軍
前被拘。不幸賊臣賣國。國亡當死。但以度宗皇帝

主忠文選

忠烈傳

八

二子在浙東。老母在廣。故去之耳。問德祐非爾君
耶。棄嗣君而立二王。忠乎。曰。德祐不幸失國。當此
之時。社稷爲重。君爲輕。二王之立。爲社稷計。故從
懷愍而北者。非忠。從元帝爲忠。從徽欽而北者。非
忠。從高宗爲忠。字羅不能詰。復怒罵曰。汝能挾三
宮以往。可爲忠。不則與伯顏丞相一戰。決勝負。可
爲忠。公曰。此責在陳丞相。我時未當國。又問。汝立
二王。竟成何事。曰。立君以存宗社。臣子之責。若夫
成功則天也。曰。既知不可。何必爲。曰。父母有疾。雖
不可爲。無不用藥之理。天祥今惟一死。何多言。字
羅愈怒曰。汝欲快死耶。汝死必不可得。快曰。得死
卽快。復何不快。字羅呼引去。公在獄。日作歌詩。三
年未嘗一食官飯。王積翁者。故宋臣也。與其儕謀
請釋公爲黃冠。留夢炎曰。彼心未已。脫復有舉。置
吾儕何地。遂不果。元世祖自開平還。問南北宰相
孰賢。皆曰。北則耶律楚材。南惟文天祥。世祖將大
任命。積翁諭意。公復書曰。諸君義同鮑叔。天祥事
異管仲。管仲不歿而功名顯于天下。天祥不死而

主忠文選

忠烈傳

九

盡棄其平生。帝知終不可屈。猶語積翁。命好與飲。食。公曰。吾義不食官飯數年矣。竟不能強。會叅知政事。麥朮丁嘗問府江西。見公出師。震動。每昌言。殺之便。或言土星犯帝座。疑有變。頃之中山狂人。自稱宋王。欲取宋丞相。衆疑丞相爲公。至元壬午。十二月初八日。召入問曰。汝何願。曰。天祥受宋恩。爲宰相。願一死。帝猶不忍。麾之出。而麥朮丁力贊其決。明日。送柴市刑。公先作自贊。孔曰。成仁。孟曰。取義。惟其義盡。所以仁至。讀聖賢書。所學何事。而

三忠文選

忠烈傳

十

今而後庶幾無媿。將出獄。係衣帶間。過市。意氣自若。顏色不變。臨刑。猶從容南向再拜。年四十有七。南北人皆泣。歐陽夫人從東宮得令旨收屍。江南十義士奉葬都城小南門外五里道旁。明年歸骨故里。塋鷺湖之原。公就義時。大風揚沙。天地晦冥。咫尺不辨人。自此連陰。官中行皆秉燭。羣臣入朝。亦焚炬前導。世祖聞而悔。詔贈特進。金紫。光祿大夫。太保。中書平章政事。廬陵郡公。謚忠武。命王積翁書神主。丞相孛羅行祭柴市。忽狂風旋起。吹沙

滾石。捲神主騰空。隱隱如怨聲。晝色愈昏。乃收前宋少保右丞相信國公天隨開霽。至我明景泰中。賜謚忠烈。所著詩文別有集。

先生宛宋爲先生作傳者。若元國史。若劉中齋。趙弼。若我

明胡文穆。今鷺院三祀志。凡五見矣。而載事詳畧。彼此互異。學者不得並讀。其何以窺先生之大全。以庶幾於先生之學。輒忘固陋。復

爲編次。一參舊文。罔敢妄飾。萬曆辛亥春三

三忠文選

忠烈傳

十一

月甲子。鄉後學曾皋謹識

宋文忠烈先生文選卷之一

制策

御試策一道有題

蓋聞道之大原出於天。超乎無極太極之妙。而實不離乎日用事物之常。根乎陰陽五行之隲。而實不外乎仁義禮智剛柔善惡之際。天以澄著。地以靖謐。人極以昭明。何莫由斯道也。聖聖相傳。同此一道。由脩身而治人。由致知而齊家治國平天下。本之精神心術。達之禮樂刑政。其體甚微。其用則廣。歷千萬世而不可易。然功化有淺深。證效有遲速者。何歟。朕以寡昧。臨政願治。于茲歷年。志愈勤。道愈遠。宵乎其未朕也。朕心疑焉。子大夫明先聖之術。咸造在廷。必有至切之論。朕將虛已以聽。三墳而上。大道雖名五典。以來常道始著。日月星辰順乎上。鳥獸草木若於下。九功惟敘。四夷來王。百工熙哉。庶事康哉。非聖神功化之驗歟。然人心道心。寂寥片語。其危微精一之妙。不可以言既歟。誓何爲而畔。會何爲而疑。俗何以不若。結繩治何以不若畫像。以政凝民。以禮凝士。以天保

主忠文選卷一 忠烈

一

主忠文選卷一 忠烈

二

采薇治內外。憂勤危懼。僅克有濟。何帝王勞逸之殊歟。抑隨時損益。道不同歟。及夫六典建官。蓋爲民極。則不過曰治曰教曰禮曰政曰刑曰事而已。豈道之外。又有法歟。自時厥後。以理欲之消長。驗世道汗隆。陰濁之日常多。陽明之日常少。刑名雜霸。佛老異端。無一毫幾乎道。駁乎無以議爲。然務德化者。不能無上郡雁門之警。施仁義者。不能無末年輪臺之悔。甚而無積仁累德之素。紀綱制度。爲足維持憑藉者。又何歟。朕上嘉下樂。夙興夜寐。靡遑康寧。道久而未洽。化久而未成。天變沴臻。民生寡遂。人才乏而士習浮。國計殫而兵力弱。符澤未清。邊徼孔棘。豈道不足以御世歟。抑化裁推行。有未至歟。夫不息則久。久則徵。今胡爲而未徵歟。變則通。通則久。今其可以屢更歟。子大夫熟之復之。勿激勿泛。以副朕詳延之意。寶祐四年五月八日。

臣對。恭惟皇帝陛下。處恒之久。當泰之交。以二帝三王之道。會諸心。將三紀于此矣。臣等鼓舞於鳶飛魚躍之天。皆道體流行中之一物。不自意得旅進于陛

下之庭。而陛下且嘉與論道。道之不行也久矣。陛下之言及此。天地神人之福也。然臣所未解者。今日已當道久化成之時。道洽政治之候。而方歎焉有志勤道遠之疑。豈望道而未之見耶。臣請泝太極動靜之根。推聖神功化之驗。就以聖問中不息一語爲陛下。勉幸陛下試垂聽焉。臣聞天地與道同一不息。聖人之心與天地同一不息。上下四方之宇。往古來今之宙。其間百千萬變之消息盈虛。百千萬事之轉移闔闢。何莫非道。所謂道者。一不息而已。夫道之隱於渾淪。藏於未珞未琢之天。當是時。無極太極之體也。自太極分而陰陽。則陰陽不息。道亦不息。陰陽散而五行。則五行不息。道亦不息。自五行又散而爲人心之仁義禮智剛柔善惡。則乾道成男。坤道成女。穹壤間生生化化之不息。而道亦與之相爲不息。然則道一不息。天地亦一不息。天地之不息。固道之不息者爲之。聖人出而爲天地立心。爲生民立命。爲往聖繼絕學。爲萬世開太平。亦不過以一不息之心充之。充之而脩身治人。此一不息也。充之而至齊家治國平天

三忠文選

卷一

忠烈

三

俗中

下。此一不息也。充之而自精神心術以至於禮樂刑政。亦此一不息也。自有三墳五典以來。以至於太平六典之世。帝之所以帝。王之所以王。皆自其一念之不息者始。秦漢以降。而道始離。非道之離也。知道者之鮮也。雖然。其間英君誼辟。固有號爲稍稍知道矣。而又沮於行道之不力。知務德化矣。而不能不尼之。以黃老知施仁義矣。而不能不遏之以多欲。知四年行仁矣。而不能不畫之以近效。上下二三十年間。牽補過時。架漏度日。毋怪夫駁乎無以議爲也。獨惟我朝式克。至于今日。休陛下傳列聖之心。以會藝祖之心。會藝祖之心。以參帝王之心。參天地之心。三十三年間。臣知陛下不貳以二。不參以三。茫乎天運。宵爾神化。此心之天。混今闢今。其無窮也。然臨御浸久。持循浸熟。而算計見效。猶未有以大快聖心者。上而天變不能以盡。無下而民生不能以盡。遂。人才士習之未甚純。國計兵力之未甚充。以至盜賊兵戈之警。所以貽宵旰之憂者。尤所不免。然則行道者始無驗也。邪。臣則以爲道非無驗之物也。道之功化甚深也。而

三忠文選

卷一

忠烈

四

不可以爲迂道之證效甚遲也。而不可以爲遠。繼天之命。於穆不已。天地之所以爲天地也。之德之純。純亦不已。聖人之所以爲聖人也。爲治傾力行何如耳。焉有行道於歲月之暫。而遽責其驗之爲迂且遠。那臣之所望於陛下者。法天地之不息而已。姑以近事言。則責躬之言方發。而陰雨旋霽。是天變未嘗不以道而彌也。賑饑之典方舉。而都民歡呼。足民生未嘗不以道而安也。論辯建明之詔一頒。而人才士習稍渾厚。招填條具之旨一下。而國計兵力稍稍克實。三忠文選卷一忠烈五

安吉慶元之小獲。維揚濫水之雋功。無非憂勤於道之明驗也。然以道之極功論之。則此淺效耳。速效耳。培淺效速效而遽以爲道之極功。則漢唐諸君之用心是也。陛下行帝而帝。行王而王。而肯襲漢唐事耶。此臣所以贊陛下之不息也。陛下儻自其不息者而充之。則與陰陽同其化。與五行同其運。與乾坤生生化化之理同其無窮。雖充而爲三紀之風。後俗易可也。雖克而爲四十年固空。則惜可也。雖克而爲百年德洽於天下可也。雖克而爲卜世過曆億萬年敬天

之休可也。豈止如聖問八者之事。可徐就觀而已哉。臣謹昧死上愚對。臣伏讀聖策曰。蓋聞道之大原出於天。超乎無極太極之妙。而實不離乎日用事物之常。根乎陰陽五行之賦。而實不外仁義禮智剛柔善惡之際。天以澄著。地以靖謐。人極以昭明。何莫由斯道也。聖聖相傳。同此一道。由脩身而治人。由致知而齊家治國平天下。本之於精神心術。達之於禮樂刑政。其體甚微。其用則廣。歷千萬世而不可易。然功化有淺深。證效有遲速。何歟。朕以寡昧。臨政願治。于茲歷年。志愈勤。道愈遠。竊乎其未朕也。朕心疑焉。子大夫明先王之術。咸造在庭。必有切至之論。朕將虛已以聽。臣有以見陛下邇道之本原。求道之功效。且疑而質之臣等也。臣聞聖人之心。天地之心也。天地之道。聖人之道也。分而言之。則道自道。天地自天地。聖人自聖人。合而言之。則道一不息也。天地一不息也。聖人亦一不息也。臣請迺其本原言之。茫茫堪輿。塊圯無垠。渾渾元氣。變化無端。人心仁義禮智之性。未賦也。人心剛柔善惡之氣。未稟也。當是時。未有人心

先有五行。未有五行。先有陰陽。未有陰陽。先有無極。太極。未有無極。太極。則太虛無形。冲漠無朕。而先有此道。未有物之先。而道具焉。道之體也。既有物之後。而道行焉。道之用也。其體則微。其用其廣。即人心而道在人心。即五行而道在五行。即陰陽而道在陰陽。即無極太極而道在無極太極。貫顯微。兼賅隱。包小大。通物我。道何以若此哉。道之在天下。猶水之在地中。地中無往而非水。天下無往而非道。水一不息之流也。道一不息之用也。天以澄著。則日月星辰循其

三忠文選

卷一

忠烈

一

七

聖人者。猶天地之所以爲天地也。道之在天地間者。常久而不息。聖人之於道。其可以頃刻息邪。言不息之理者。莫如大易。莫如中庸。大易之道。至於乾道變化。各正性命。保合太和。而聖人之論法天。乃歸之息。強不息。中庸之道。至於溥博淵泉。上天之載。無聲無臭。而聖人之論配天地。乃歸之不息。則久。豈非乾之所以剛健中正。純粹精也者。一不息之道耳。是以天者亦以一不息。中庸之所以高明博厚悠久無疆者。一不息之道耳。是以配天地者亦以一不息。以不息之心。行不息之道。聖人即不息之天地也。陛下臨政。願治于茲歷年。前此不息之歲月。猶日之自朝而午。今此不息之歲月。猶日之至午而中。此日勉強行道。大有功之日也。陛下勿謂數十年間。民之所以擔當宇宙。把握天地。未嘗不以此道。至于今日而道之驗如此。其進且遠矣。以重觀之。道猶百世之途也。今日則適六七十之候也。進於道者。不可以中道而廢。遠於途者。不可以中道而盡。致孜孜而不自已焉。則適六七十者。固所以爲至百里之計也。不然。自

三忠文選

卷一

忠烈

八

止於六七十里之間。則百里雖近。焉能以一武到哉。道無淺功化。行道者何可以深爲迂。道無速效。行道者何可以遲爲遠。惟不息則能極道之功。惟不息則能極道之證效。氣機動盪於三極之間。神永灌注於萬有之表。要自陛下此一心始。臣不敢遠舉。請以仁宗皇帝事爲陛下陳之。仁祖一不息之天地也。康定之詔。曰祗勤抑畏。慶曆之詔。曰不敢荒寧。皇祐之詔。曰緬念爲君之難。深惟履位之重。慶曆不息之心。卽康定不息之心也。皇祐不息之心。卽慶曆不息之心也。

三忠文選

卷一

忠烈

九

之心也。當時仁祖以道德感天心。以福祿勝人力。國家綏靜。邊鄙寧謐。若可以已矣。而猶未也。至和元年。仁祖之三十二年也。方且露立仰天以畏天變。碎通天犀以救民生。處賈黯吏銓之職。擢公弼殿柱之名。以厚人才。以昌士習。納景初減用之言。聽范鎮新兵之諫。以裕國計。以強兵力。以至講周禮。薄征緩刑。而拳拳以盜賊爲憂。選將帥。明紀律。而汲汲以西北虜爲慮。仁祖之心至此而不息。則與天地同其悠久矣。陛下之心。仁祖之心也。范祖禹有言。欲法堯舜。惟

法仁祖。臣亦曰。欲法帝王。惟法仁祖。法仁祖。則可至天德。願加聖心焉。臣伏讀聖策曰。三墳以上云云。豈道之外。又有法歟。臣有以見陛下慕帝王之功。化證效。而亦意其各有淺深遲速也。臣聞帝王行道之心。一不息而已矣。堯之兢兢。舜之業業。禹之孜孜。湯之慄慄。文王之不已。武王之無貳。成王之無逸。皆是物也。三墳遠矣。五典猶有可論者。臣嘗以五典所載之事。推之。當是時。日月星辰之順。以道而順也。鳥獸草木之若。以道而若也。九功惟敘。以道而敘也。四夷來王。以道而來王也。百工以道而熙。庶事以道而康。光天之下。至於海隅蒼生。蓋無一而不拜帝道之賜矣。垂衣拱手。以自逸於土階巖廊之上。夫誰曰不可。而堯舜不然也。方且考績之法。重於三歲。無歲而敢息也。授曆之命。嚴於四時。無月而敢息也。凜凜乎一日二日之戒。無日而敢息也。此猶可也。授受之際。而堯之命舜。乃曰允執厥中。夫謂之執者。戰兢保持而不敢少放之謂也。味斯語也。則堯之不息可見已。河圖出矣。洛書見矣。執中之說未聞也。而堯獨言之。堯之

三忠文選

卷一

忠烈

十

言贅矣。而舜之命禹。乃復益之以人心。惟危。道心惟微。惟精。惟一之。三言。才致察於危微精一之間。則其戰兢保持之念。又有甚於堯者。舜之心。其不息。又何如哉。是以堯之道化。不惟驗於七十年在位之日。舜之道化。不惟驗於五十年解阜之時。讀萬世永賴之語。則唐虞而下數千百年間。天得以爲天。地得以爲地。人得以爲人者。皆堯舜之賜也。然則功化抑何其深。證效抑何其遲歟。降是而王。非固勞於帝者也。太僕日散風氣日開。人心之機械日益巧。世變之乘除。

主忠文選

卷一 忠烈

十一

不息。而聖人之所以綱維世變者。亦與之相爲不息焉。俗非結繩之淳也。治非畫象之古也。師不得不誓。侯不得不會。民不得不凝之以政。士不得不凝之以禮。內外異治。不得不以采薇天保之治治之。以至六典建官。其所以曰治曰政曰禮曰教曰刑曰事者。亦無非扶世道而不使之窮耳。以勢而論之。則夏之治不如唐虞。商之治不如夏。周之治不如商。帝之所以帝者。何其逸。主之所以王者。備其勞。慄慄危懼。不如非心黃屋者之爲適也。始於憂勤。不如恭己南。

面者之爲安也。然以心而觀。則舜之業業。卽堯之兢兢。禹之孜孜。卽舜之業業。湯之慄慄。卽禹之孜孜。文王之不已。武王之無貳。成王之無逸。何莫非兢兢業業。孜孜慄慄之推也。道之散於宇宙間者。無一日息。帝王之所以行道者。亦無一日息。帝王之心。天地之心也。尙可以帝者之爲逸。而王者之爲勞耶。臣願陛下求帝王之道。必求帝王之心。則今日之功化證效。或可與帝王一視矣。臣伏讀聖策曰。自時厥後云云。亦足以維持憑藉者何歟。臣有以見陛下陋漢唐之。

三忠文選

卷一 忠烈

十二

功化證效。且爲漢唐世道發一慨也。臣聞不息則天。息則人不。息則理息。則欲不息。則陽明息。則陰濁。漢唐諸君。天資敏。地位高。使稍有進道之心。則六五帝。四三王。亦未有難能者。奈何天不足以制人。而天反爲人所制。理不足以御欲。而理反爲欲所御。陽明不足以勝陰濁。而陽明反爲陰濁所勝。是以勇於進道者少。沮於求道者多。漢唐之所以不唐虞三代也歟。雖然。是爲不知道者言也。其間亦有號爲知道者矣。漢之文帝武帝。唐之太宗。亦不可謂非知道者。然亦。

有議焉。先儒嘗論漢唐諸君。以公私義利分數多少。爲治亂。三君之心。往往不純乎天。不純乎人。而出入於天人之間。不純乎理。不純乎欲。而出入乎理欲之間。不純乎陽明。不純乎陰濁。而出入乎陽明陰濁之間。是以專務德化。雖足以陶後元泰和之風。而尼之以黃老。則鳳門上郡之警。不能無外施仁義。雖足以致建元富庶之盛。而遏之以多欲。則輪臺末年之悔。不能免。四年行仁。雖足以開貞觀升平之治。而盡之以近效。則紀綱制度。曾不足爲再世之憑藉。蓋有一

其血氣之暴。其心也驕。雜伯一念。憧憧往來。是固不足以語常。久不息之事者。若文帝稍有帝王之天資。地步一以君子長者之道待天下。而晁錯輩刑名之說。未嘗一動其心。是不累於雜伯矣。使其以二三十年恭儉之心。而移之以求道。則後元氣象。且將駸駸乎商周。進進乎唐虞。柰何帝之純心。又間於黃老之清淨。是以文帝僅得爲漢唐之令主。而不得一儕於帝王。嗚呼。武帝太宗。累於雜伯。君子固不敢以帝王事望之。文帝不爲雜伯所累。而不能不累於異端。是則重可惜已。臣願陛下監漢唐之跡。又監漢唐之心。則今日之功化證效。將超漢唐數等矣。臣伏讀聖策曰。朕上嘉下樂云云。抑化裁推行有未至歟。臣有以見陛下念今日八者之務。而甚有望乎爲道之驗也。臣聞天變之來。民怨招之也。人才之乏。士習蠱之也。兵力之弱。國計屈之也。虜寇之警。盜賊罔之也。夫陛下以上嘉下樂之勤。夙興夜寐之勞。俟歲月之逾邁。亦欲以少見吾道之驗耳。俯視一世。未能差強人意。八者之弊。臣知陛下爲此不滿也。陛下分而以八事

問。臣合而以四事對。請得以熟數之於前。何謂天變之來。民怨招之也。天視自我民視。天聽自我民聽。天明威自我民明威。人心之休戚。天心所因以爲喜怒者也。熙寧間大旱。是時河陝流民入京師。監門鄭俠。畫流民圖以獻。且曰。陛下南征北伐。皆以勝捷之圖來上。料無一人以父母妻子遷移困頓。皇皇不給之狀爲圖以進者。覽臣之圖。行臣之言。十日不雨。乞正欺君之罪。上爲之罷新法十八事。京師大雨八日。天人之交。間不容髮。載在經史。此類甚多。陛下以爲今之民生何如邪。今之民生困矣。自瓊林大盈積於私。貯而民困。自建章通天頻於營繕。而民困。自獻助疊見於豪家巨室。而民困。自和糴不聞於閭閻下戶。而民困。自所至貪官暴吏視吾民如家雞。豕豕惟所咀啖。而民困。嗚呼。東南民力竭矣。書曰。怨豈在明。不見是圖。今尚可謂之不見乎。書曰。怨不在人。亦不在小。今尚可謂之小手。生斯世爲斯民。仰事俯育。亦欲各遂其父母妻子之樂。而操斧斤。淬鋒鏑。日夜思所以斬伐其命脉者。滔滔皆是。然則臘雪漸瑞。蟄雷愆期。

主忠文選

卷一

忠烈

十五

月犯於水。星殞爲石。以至土雨地震之變。無惟乎屢書不一書也。臣願陛下持不息之心。急求所以爲安民之道。則民生旣和。天變或於是而彌矣。何謂人才之乏。士習蠱之也。臣聞窮之所養。達之所施。幼之所學。壯之所行。今日之脩於家。他日之行於天子之廷者也。國初諸老。嘗以厚士習爲先務。寧收落韻之李廴。不取鑿說之賈邊。寧收直言之蘇轍。不取險怪之劉幾。建學校。則必欲崇經術。復鄉舉。則必欲參行藝。其爲國子監。取湖學法。建經學治道。邊防水利等齋。使學者因其名以求其實。當時如程頤。徐積。呂希哲。皆出其中。嗚呼。此元祐人物之所從出也。士習厚薄。最關人才。從古以來。其語如此。陛下以爲今之士習何如邪。今之士大夫之家。有子而教之。方其幼也。則授其句讀。擇其不戾於時好。不震於有司者。俾熟復焉。及其長也。細書爲工。累牘爲富。持試於鄉校者。以是較藝於科舉者。以是取青紫而得車馬也。以是父兄之所教詔。師友之所講明。利而已矣。其能卓然自拔於流俗者。幾何人哉。心術旣壞於未仕之前。則氣

主忠文選

卷一

忠烈

十六

節可想於既仕之後以之領郡邑如之何責其爲卓
茂黃霸以之鎮一路如之何責其爲蘇章何武以之
曳朝紳如之何責其爲汲黯望之奔競於勢要之路
者無惟也趨附於權貴之門者無惟也牛維馬繫狗
苟蠅營患得患失無所不至者無惟也悠悠風塵靡
靡媮俗清芬清歌濁洋橫流惟皇降衷秉斧之懿萌
藥於牛羊斧斤相尋之術者其有幾哉厚今之人才
臣以爲變今之士習而後可也臣願陛下持不息之
心急求所以爲淑士之道則士風一淳人才或於是
主忠文選卷一忠烈 十七

峯而正軍忠義空於死徙者過半則川蜀之兵又不
足江淮之兵又抽而入蜀又抽而實荆則下流之兵
愈不足矣荆湖之兵又分而策應分而鎮撫則上流
之兵愈不足矣夫國之所恃以自衛者兵也而今之
兵不足如此國安得而不弱哉扶其弱而歸之強則
招兵之策今日真有所不得已者然召募方新調度
轉急問之大農大農無財問之版曹版曹無財問之
餉司餉司無財自歲帛銀絹外未聞有畫一策爲軍
食計者是則弱矣而又未免於貧也陛下發自肝膈
主忠文選卷一忠烈 十八

近又創一安邊太平庫專一供軍此藝祖積羨帛以
易賊首之心也仁宗皇帝出錢帛以助兵革之心也
轉移之間風采立異前日之弱者可強矣然飛芻輓
粟給餉餽糧費於兵者幾何而琳宮梵宇照耀湖山
土木之費則漏卮也列寵雲屯樵蘇後費費於兵者
幾何而霓裳羽衣靡金飾翠宮庭之費則尾閼也生
熟口券月給衣糧費於兵者幾何而量珠韋玉倖寵
希恩戚畹之費則濫竽也蓋天下之財專以供軍則
財未有不足者第重之以浮費重之以冗費則財始

能警而囂耻矣。如此則雖欲足兵其何以給兵耶。臣願陛下持不息之心急求所以爲節財之道則財計以充兵力或於是而可強矣。何謂虜寇之警盜賊困之也。謹按國史紹興間楊么寇洞庭連跨數郡大將王瓌不能制時僞齊挾虜使李成寇襄漢么與交通朝廷患之始命岳飛措置上流已而逐李成擒楊么而荆湖平。臣聞外之虜寇不能爲中國患而其來也必待內之變內之盜賊亦不能爲中國患而其起也必將納外之侮盜賊而至於通虜寇則腹心之大患

王忠文選卷十一忠烈二十九

也已。今之所謂虜者固可畏矣然而逼我蜀則蜀帥策瀘水之勲窺我淮則淮師秦淮揚之凱狼子野心固不可以一撓止之。然使之無得棄去則中國之技未爲盡出其下。彼亦猶畏中國之有其人也。獨惟舊海在天一隅逆雜究之者數年於茲颶風瞬息一葦可航彼未必不朝夕爲趨浙計然而未能焉短於舟疎於水懼吾唐島之有李實在耳。然洞庭之湖烟水沉寂而浙右之湖濤瀾沸騰區區妖孽且謂有楊么之漸矣得之京師之耆老皆以爲此寇出沒倏閃往

是是

來翁霍駕舟如飛連拖如神而我之舟師不及焉。夫東南之長技莫如舟師我之勝兀木於金山者以此我不武甚矣萬一或出於楊么之計則前日李成之不得志於荆者未必今日之不得志於浙也。曩聞山東薦饑有司食市權之利空蘇湖根本以資之廷紳猶謂互易安知無爲其鄉道者一夫登岸萬事瓦解又聞魏村江灣福山三寨水軍與販鹽課以資逆難廷紳猶謂是以扞衛之師爲商賈之事以防拓之卒

王忠文選卷十一忠烈三十

開鄉道之門憂時識治之見往往如此財蔽之蜂虻懷袖之蛇蝎是其可以忽乎哉陛下近者命發運兼憲合兵財而一其權是將爲滅此朝食之圖矣然屯海道者非無軍控海道者非無將徒有王瓌數年之勞未聞岳飛八日之捷子太叔平符澤之盜恐不如此長此不已臣懼爲李成開道地也臣願陛下持不息之心求所以彌寇之道則寇難一清邊徼或於是而可寬矣臣伏讀聖策曰不息則久久則後今胡爲而未徵歟變則通通則久今其可以屢更歟臣有以

見陛下久於其道而甚有感乎中庸大易之格言也。臣聞天久而不墜也以運地久而不墜也以轉水久而不腐也以流日月星辰而常新也以行天下之凡不息者皆以久也中庸之不息卽所以爲大易之變通大易之變通卽所以驗中庸之不息變通者之久固肇於不息者之久也蓋不息者其心變通者其跡其心不息故其跡亦不息游乎六合之內縱論乎六合之外生乎百世之下追想乎百世之上神化天造天運無端發微不可見克周不可窮天地之所以變

主忠文選

卷一

忠烈

三

通固自其不息者爲之聖人之久於其道亦法天地而已矣天地以不息而久聖人亦以不息而久外不息而言久焉皆非所以久也臣嘗讀無逸一書見其享國之久者有四君焉而其間三君爲最久臣求其所以久者中宗之心嚴恭寅畏也高宗之心不敢荒寧也文王之心無淫於逸無遊於畋也是三君者皆無逸而已矣彼之無逸臣之所謂不息也一無逸而其效如此然則不息者非所以久歟陛下之行道蓋非一朝一夕之暫矣寶紹以來則涵養此道端平以來

則發揮此道嘉熙以來則把握此道嘉熙而淳祐淳祐而寶祐十餘年間無非持循此道之歲月陛下處此也庭燎未輝臣知其宵衣以待日中至晏臣知其玉食弗遑夜漏已下臣知其丙枕無寐聖人之運亦可謂不息矣然既往之不息者易方來之不息者難久而不息者易愈久而愈不息者難听臨大庭百辟星布陛下之心此時固不息矣暗室屋漏之隱試一警省則亦能不息否乎日御經筵學士雲集陛下之心此時固不息矣宦官女子之近試一省察則亦能不息否乎不息於外者固不能保其不息於內不息於此者固不能保其不息於彼乍勤乍怠乍作乍輟則不息之純心間矣如此則陛下雖欲久則徵臣知中庸九經之治未可以朝夕見也雖欲通則久臣知繫辭十三卦之功未可以歲月計也淵淵蠖蠖之中虛明應物之地此全在陛下自斟酌自執持頃刻之力不繼則徵久之功俱廢矣可不戒哉可不懼哉陛下之所以策臣者悉矣臣之所以忠於陛下者亦既略陳於前矣而陛下策之篇終復曰子大夫熟之復

主忠文選

卷一

忠烈

三

之勿激勿泛。以副朕詳延之意。臣伏讀聖策至此。陛下所謂詳延之意。蓋可識矣。夫陛下自卽位以來。未嘗以直言罪士。不惟不罪之。以直言。而且導之以直言。臣等嘗恨無由至天子之庭。以吐其素所蓄積。幸見錄於有司。得以借玉階方寸地。此正臣等披露肺腑之日也。方將明目張膽。審審謬謬。言天下事。陛下乃戒之以勿激勿泛。夫泛固不切矣。若夫激者。忠之所發也。陛下胡併與泛者之言。而厭之邪。厭激者之言。則是將胥臣等而爲容容唯唯之歸邪。然則臣將爲激者歟。將爲泛者歟。抑將遷就陛下之說。而姑爲不激不泛者歟。雖然。奉對大庭而不激不泛者。固有之矣。臣於漢得一人焉。曰董仲舒。方武帝之策仲舒也。慨然以欲聞大道之要爲問。帝之求道。其心蓋甚銳矣。然道以大言。帝將求之虛無渺冥之鄉也。使仲舒於此。過言之則激。淺言之則泛。仲舒不激不泛。得一說曰正心。武帝方將求之虛無渺冥之鄉。仲舒乃告之以真實淺近之理。茲陛下所謂至切之論也。奈何武帝自恃其區區英明之資。超偉之識。謂其自足

以凌跨六合。籠駕八表。而顧如此語。忽焉仲舒以江都去。而武帝所與論道者。他有人矣。臣固嘗爲武帝惜也。堂堂天朝。固非漢比。而臣之賢。亦萬不及仲舒。然亦不敢激。不敢泛。切於聖問之所謂道者。而得二說焉。以爲陛下獻。陛下試采覽焉。一曰重宰相以開公道之門。臣聞公道在天地間。不可一日壅闕。所以昭蘇而滌決之者。宰相責也。然扶公道者。宰相之責。而主公道者。天子之事。天子而侵宰相之權。則公道已矣。三省樞密。謂之朝廷。天子所與謀大政出大令之地也。政令不出於中書。昔人謂之斜封墨勅。非盛世事。國初三省紀綱甚正。中書造命。門下審復。尚書奉行。官府之事。無一不統於宰相。是以李沆猶得以焚立妃之詔。王旦猶得以沮節度之除。韓琦猶得出空頭勅。以逐內侍。杜衍猶得封還內降。以戢僥倖。蓋宰相之權尊。則公道始有所依而立也。今陛下之所以爲公道計者。非不悉矣。以資緣戒外戚。是以公道責外戚也。以裁制戒內司。是以公道責內司也。以舍法用例。戒羣臣。是以公道責外庭也。雷霆發節。星日

燭幽。天下於此咸服陛下之明。然或謂比年以來。大
庭除授。於義有所未安。於法有所未便者。悉以聖旨
行之。不惟諸司陞補。上資宸奎。而統師驥級。閣職超
遷。亦以資緣而得恩澤矣。不惟姦賊洗滌。上勞渙汗。
而選人通籍。姦胥逭刑。亦以鑽刺而拜寵命矣。甚至
閭閻瑣屑之闕訟。皂隸猥賤之干求。悉達內庭。盡由
中降。此何等蟻蝨事。而陛下以身親之。大臣幾於爲
奉承風旨之官。三省幾於爲奉行文書之府。臣恐天
下公道自此壅矣。景祐間。罷內降。凡詔書皆由中書

三忠文選

卷一

忠烈

十五

樞密院。仁祖之所以主張公道者如此。今進言者猶
以事當間出。睿斷爲說。嗚呼。此亦韓絳告仁祖之辭
也。朕固不憚自有處分。不如先盡大臣之慮而行之。
仁祖之所以諭絳者何說也。奈何復以絳之說啓人
主。以奪中書之權。是何心哉。宣靖間。創御筆之令。蔡
京坐東廊。專以奉行御筆爲職。其後童貫梁師成用
事。而天下爲之分裂者數世。是可鑒矣。臣願陛下重
宰相之權。正中書之體。凡內批必經由中書樞密院。
如先朝故事。則天下幸甚。宗社幸甚。二曰。收君子以

壽。直道之脉。臣聞直道在天地間。不可一日頽靡。所
以光明而張主之者。君子責也。然扶直道者。君子之
責。而主直道者。人君之事。人君而至於沮君子之氣。
則直道已矣。夫不直則道不見。君子者。直道之倡也。
直道一倡於君子。昔人謂之鳳鳴朝陽。以爲清朝賀
國朝君子。氣節大振。有魚頭參政。有鵲擊臺諫。有鐵
面御史。軍國之事。無一不得言於君子。是以司馬光
猶得以殛守忠之姦。劉摯猶得以折李憲之橫。范祖
禹猶得以罪宋用臣。張震猶得以擊龍大淵會觀。蓋

三忠文選

卷一

忠烈

十五

君子之氣伸。則直道始有所附而行也。今陛下之所
以爲直道計者。非不至矣。月有供課。是以直道望諫
官也。日有輪劄。是以直道望庭臣也。有轉對。有請對。
有非時召對。是以直道望公卿百執事也。江海納汙。
山藪藏疾。天下於此咸服陛下之量。然或謂比年以
來。外庭議論。於已有所未協。於情有所未忍。悉以
聖意斷之。不惟言及乘輿。上勤節貽。而小小子奪小
小廢置。亦且請罷不報矣。不惟事關廊廟。上煩調停。
而小小抨彈。小小糾劾。亦且宣諭不已矣。甚者意涉

區區之貂璫論侵瑣瑣之姻婭。不恤公議。反出諫臣。此何等狐鼠輩。而陛下以身庇之。御史至於來和事之譏。臺吏至於重訖了之報。臣恐天下之直道自此沮矣。康定間。歐陽脩以言事出。未幾即召以諫院。至和間。唐介以言事貶。未幾即除以諫官。仁祖之所以主直道者如此。今進言者。猶以臺諫之勢日橫爲疑。嗚呼。茲非富弼忠於仁祖之意也。弼傾身下士。寧以宰相受臺諫風旨。弼之自處何如也。奈何不知弼之意。反啓人君以厭君子之言。是何心哉。元符間。置看

三忠文選 卷一 忠烈

王

詳理訴所。而士大夫得罪者八百餘家。其後鄒浩陳瓘去國。無一人敢爲天下伸一喙者。是可鑒已。臣願陛下壯正人之氣。養公論之鋒。凡以直言去者。悉召之于霜臺烏府中。如先朝故事。則天下幸甚。宗社幸甚。蓋大道之行。天下爲公。周道如砥。其直如矢。自古帝王行道者。無先於此也。臣自來山林。有懷欲吐。陛下悵然疑吾道之迂遠。且慨論乎古今功化之淺深。證效之遲速。而若有大不滿於今日者。臣則以爲非行道之罪也。公道不在中書。直道不在臺諫。是以陛

下行道用力處。雖勞而未遽。食道之報耳。果使中書得以公道總政要。臺諫得以直道糾官邪。則陛下雖端冕凝旒於穆清之上。所謂功化證效。可以立見。何至積三十餘年之工力。而志勤道遠。渺焉未有際耶。臣始以不息二字爲陛下勉。終以公道直道爲陛下獻。陛下萬幾之暇。儻於是而加三思。則躋帝王軼漢唐。由此其階也。已。臣賦性疎愚。不識忌諱。握筆至此。不自知其言之過於激。亦不自知其言之過於泛。冒犯天威。罪在不赦。惟陛下留神。臣謹對。

三忠文選 卷一 忠烈

王

廷試前兩日。先生苦河魚。且不能食。試之日。丑寅間。強起乘籃輿。趨馳道外。幾不能支吾。至昕。諸進士趨麗正門之旁門。先生隨羣擁併而入。頭暈汗流。頓覺蘇醒。至殿廊。恭受御策題。就題命意。文思湧泉。運筆如飛。所對且萬言。未時已出矣。或謂有神物者。盪滌其中。以吐其奇。是豈偶然之故哉。道體堂謹書。

論不息本之純。其言言慷慨。字字激烈。具有他日胡沙戰血中氣骨。所謂上自朕身。下及百執事。

不砭膚刺髓者。漢惟董仲舒。唐則劉蕡。宋則汴京之蘇孔。南渡之張玉。堪與伯仲耳。後學薛宋識。

宋文忠烈先生文選卷之一終

宋文忠烈先生文選卷之二

奏疏

已未上皇帝書

十一月吉日。勅賜進士及第臣文天祥。昧死百拜。謹奉詔獻書於皇帝陛下。臣一介疎賤。遭逢聖明。猥以庸愚。早膺親擢。世道悠悠。風塵流靡。臣於其間。蓋嘗感激奮發。以爲由今之道。無變今之俗。一日有關於天下國家之故。懼以無辱使令。杜門四年。讀禮之外。蓋未嘗一日不思以自效也。乃夏五陛下臨軒策士。三忠文選卷二忠烈偶垂記憶。起臣於家居。進臣於仕藉。臣伏被宸命。感激不自勝。追惟蒙恩之初。阻於朝謝。北望天路。輒奉表以聞。伏蒙聖慈。許臣請拜闕下。德至渥也。臣就道以來。不圖國事浸艱。邊烽頓迫。陛下引咎責躬。改過更始。召還舊德。斥去元姦。凡可以當天意回人心者。無所不用其至。伏惟陛下不自神聖。猶親灑宸翰。誕布詔書。庶幾中外臣庶。危言極論。以有補於今日之故。陛下悔悟之意。上通於天。天下於此感服陛下之勇。臣甫及趨謝闕庭。兩讀綸音。爲之哽咽下泣。君臣

之義與天地並立。况臣蒙被厚恩。非衆人比。使於此時。泯泯默默。上負陛下。內負帝衷。尚何以飲食於戴履間哉。是用不避斧鉞。輒奮愚忠。條其說以獻。惟陛下裁幸。一日簡文法以立事。夫貴爲天子。富有四海。垂衣拱手。以雍容於穆清之上。至尊之體也。不幸際時艱難。兵革四起。俯仰成敗。呼吸變故。此非用馬上治不濟。今國勢拾遺。固猶未至。如馬上的急。然寇入腹心。事干宗社。陛下爲皇皇拯救之謀。不得不畧倣馬上治之之意。今陛下焦勞於上。兩府大臣。勉於三忠文選。卷二。忠烈。下。君臣之間。不可謂非日計軍實而申儆之者。然尊卑潤絕。禮節繁多。陛下平旦視朝。百官以次奉起居。宰相搢笏出奏。從容不踰時。軍國大事。此雖陛下日夜與宰相汲汲而圖之。猶懼不既。謀王斷國之設施。尊主庇民之蘊蓄。豈能以頃刻交際而究竟之哉。陛下退食之暇。雖時出內批。以與宰相商論。宰相又時有奏報。以出其建明。然天下事得於而論者。利害常決於一言筆墨。所書或反覆數百言。而不足事機交投。寸陰可惜。使宰相常有此等酬酢。則一事之未圖。

費其力者矣。其於幾務。豈不有所妨哉。古者天子之於大臣。或賜坐。或賜食。或奏事至日晏。或論事至夜分。凡皆以通上下之情。爲國家至計也。賜茶之典。五代時猶有之。惟國初范質王溥。頗存形迹。此事遂廢。陛下莫若稍復古初。脫去邊幅。於禁中擇一處。聚兩府大臣。日與議軍國大事。陛下賜之款密。親是非可否於其間。衆議惟允。則三省書時施行。上下如一。都俞吁咈之間。必將有超然度外之舉。天下何事不可爲。何難不可濟。至於除授。尤有關係。且如近者重臣建圖之事。方帥海門。隨遷建鄴。甫鎮建鄴。又進上饒。布置變換。如奕棋然。卯詔辰行。奔命不給。大者措畫之如此。小者遷徙之更多。人無定志。事無成謀。當此艱危。豈不悞事。繼自今始。陛下宜與大臣熟議。某人脩某職。某人任某事。人物權衡。當而後用。朝廷命令。莫而後發。如此。則觀聽者不至皇惑。馳驅者不至遲回。人知其令出。惟行。則無朝廷之心。士大夫知其可以展布。四體則鞠躬。而無觀望其於國事。厥非小補。又如用一人。陛下之援擢。

或出於宰相之啓擬。中書已費行移。後省方及書牘。或有不當。又至繳駁。比其不繳駁也。則書黃徑下。其人徑受命矣。臺諫始從而有所指陳。是致國論紛紜。而內外職守。遷移如傳舍。施之平時。雖有體統。用之今日。恐悞事機。臣愚以爲陛下宜倣唐諫官隨宰相入閣故事。令給舍臺諫。從兩府大臣日入禁中聚議。其有不可。應時論難。不使退有後言。如此則國事無聚訟之議。宸命無反汗之失。事會無濡滯踈跌之悔。豈不簡便易行哉。若夫中書乃王政之所由出。宰相

三忠文選

卷二

忠烈

四

之重。又天子之所與論道經邦而不屑其他者也。今宰相來於倉卒之中。而制千里之難。立於敗壞之後。而責一旦之功。此雖敏手。不能以大有爲。須是博采四方之謀。旁盡天下之慮。而後不愆於事。側聞軍期。文書填委。叢積宰相。以其開誠布公之歲月。弊弊焉於調遣科降之間。侍從近臣。且日不暇相接矣。諸葛亮以區區之蜀。抗衡天下十分之九。究其經濟大要。則曰集衆思。廣忠益。今衆思不暇集。忠益不暇廣。宰相不得已。竭其一心。役其兩耳目。日與文書期會。相

尋於無窮。此豈其才之不逮哉。我朝三省之法。繁密

細碎。其勢固至此也。柳宗元有言。失在於制。不在於

政。爲今之計。惟有重六部之權。可以清中書之務。今

六部所司。絕是簡省。其間長貳。常可缺員。莫若移尙

書省六房隸之六部。如吏部得受丞相除授之旨。而

行省劄。兵部得稟樞密調遣之命。而發符移。其他事

權。一倣諸此。而又多置兩府屬官。如檢正都承之類。

使知蜀事者置一員。知淮事者置一員。知諸路事者

置若干員。兩府日與其屬。剴切講畫以治此寇。而文

三忠文選

卷二

忠烈

五

書行移不與焉。如此則大臣有從容之暇。可日見直官以及四方賢俊。酬應簡則聰明全心。志壹則利害審。塞禍亂之路。開功名之門。當自此始。惟陛下思之。二曰倣方鎮以建守。今天下大患。在於無兵。而無兵之患。以郡縣之制弊也。祖宗矯唐末五代方鎮之弊。立爲郡縣繁密之法。使兵財盡開於上。而守令不得以自專。昔之擅制數州。挾其力以爭衡上國者。至此各拱手趨約束。捲甲而藏之。傳世彌久。而天下無變。然國勢由此浸弱。而盜賊遂得恣睢於其間。宣靖以

分鎮之弊。唐末五代方鎮之弊。祖宗矯唐末五代方鎮之弊。立爲郡縣繁密之法。使兵財盡開於上。而守令不得以自專。昔之擅制數州。挾其力以爭衡上國者。至此各拱手趨約束。捲甲而藏之。傳世彌久。而天下無變。然國勢由此浸弱。而盜賊遂得恣睢於其間。宣靖以

宋之爲
宋未可
知也天

來天下非無忠臣義士強兵猛將然各舉一州一縣
之力以抗寇鋒是以折北不支而入于賊中興之臣
識循環救弊之法蓋有建爲方鎮之議者矣失此不
圖因循至今日削弱不振受病如前及今而不少變
臣不知所以爲善後計矣今陛下命重臣建宣閫節
制江東西諸州官民兵財盡從調遣廟謨淵深蓋已
得方鎮大意矣然既有宣閫又有制置既有制置副
使又有安撫副使事權俱重體統未明有如一項兵
財宣閫方欲移諸司又行差撥指揮之初各不相
主忠文選卷二 忠烈 六
照承受之下將誰適從今日之事惟有略倣方鎮遺
規分地立守爲可以紓禍且如江西一路九江興國
隆興與鄂爲鄰朝廷既傾國之力以赴之姑所不論
惟寇之至湖南者已宿堂與此外八州其措置不容
苟簡八州之中廬陵宜春最當衝要虜之爲兵其法
常有所避避八桂則出清湘避長沙則出衡陽今宜
春見謂有兵惟廬陵猶此無脩舍堅攻取棄實擊虛
虜既以此爲得策則夫避宜春而趨廬陵其計將必
出於此州縣之事力有限守令之權勢素微虜至一

城則一城創殘至一邑則一邑蕩潰事勢至此非人
之愆若不別立規模何由戡定禍亂臣愚以爲莫若
立一鎮於吉而以建昌南安贛隸之立一鎮於袁而
以臨江撫瑞隸之擇今世知兵而有望者各令以四
州從事其四州官吏許以自辟見在任者或留或去
雅帥府所爲去者令注別路差遣其四州財賦許以
自用自交事一日始其上供諸色窠名盡于帥府交
事以前見未解數目亦許截留其四州軍兵見屬五
符者必寡弱而不振見行團結者必分散而不齊許
三忠文選卷二 忠烈 七
於五符團結之外別出措置收民丁以爲兵彼一州
之緊急者得三州稍寬緩之力以爲之助三州之寬
緩者得一州當其緊急而無後憂不出二三月如吉
如袁其氣勢當自不同倣此而行之江東廣東無不
可者夫郡縣方鎮之法其末皆有弊所貴乎聖人者
惟此通變而推移之故郡縣所以矯方鎮之偏重方
鎮所以救郡縣之積輕今郡縣之輕甚矣則夫立爲
方鎮之法以少變其委瑣不足恃之勢真今日之第
一義也陛下下一日出其意外之見不次援數人之流

係伍義
丁皆全
日鄉兵
榜待備
用

王忠文選卷二

八

驚英果者。委以數鎮。俾各爲國家當一面。則郡縣之
間。文移不至於太密。事權不至於太分。兵財得以自
由。而不至於重遲而不易舉。旬月之間。天下雷動。雲
合。響應影從。驅寇出境。雖以得志中原可也。尙何
惴惴宗社之憂哉。三日就團結以抽兵。抽兵之說。臣
前已開其端。而其節目未悉也。請再陳之。夫取兵於
民。周井田唐府兵之遺法也。今使者四出。分行營陣。
俾各處團結。以自爲鄉井之衛。疾行之中。此亦庶幾
善步者。然而無益也。近時朝廷以保伍爲意。官府下
其事里胥。爲里胥者。沿門而行。執筆以抄其戶口。曰
官命而各爲保伍也。已而上其籍於官。又從而聖通
奎之壁。取其甲分五五。而書曰保伍如右。所謂保伍
者。如此而已。臣居廬陵。往往有寇警。則鄉里又起。所
謂義丁者。一日隅總擊柝以告其一方。寇至毋去
諸。而等各以某日聚某所。習所以守望。至其日也。惟
牛醢酒以待。隨其所依。信其所持。從而類編爲之伍。
一匪乎村墟井落之間。翕然而聚。忽然而散。則義丁
者。又止如此而已。今朝廷命使以團結。州縣奉旨而

王忠文選卷二

九

行移。計其規爲布置。當有加密於臣所言者。然某所
若干人。某所又若干人。屬邑合狀帳申郡府。郡府合
狀帳申朝廷。計其數目。常自不少。然其分也散而不
一。其合也多而不精。故當其分。則鄉村無以通於鎮
市。鎮市無以通於城郭。虜突如其來。彼一方者。力不
敵。勢不支。老弱未及揀。教閱未及施。雖有金鼓旗幟
之物。而未知坐作進退之節也。雖有城池山澤之險。
而未知脩禦攻守之方也。且民之聚也。使之自峙其
糧。自脩其飲食。則有所不能。仰於官。則無以給也。有
以給。則又不能久也。臣故曰無益也。夫前所謂或千
人或數百人。此隅總一日能辦也。今建言者。不察其
聚之易而用之難。增兵之有名。而拒寇之無實。乃欲
視其團結之多寡。升降其官賞以爲勸。且意其一日
之急。或者可驅而他之。賈誼有言。皆非事實。知治亂
之體者也。陛下忱能委數州立一方鎮。莫若俾爲帥
者。就團結之中。凡二十家。取其一人。以脩軍籍。一郡
得二十萬家。則可以得一萬精卒。側而行之諸州。則
二鎮新兵。常不下二三萬。州郡見存之租賦。可以脩

兵食見存之財利。可以脩軍需。古人拙丁之法。或取之三家。或取之五家。今官收其米以就爲養。收其財以就爲用。既食其力。不當又重役其人。惟於二十家取其一。則衆輕而易舉。州縣號召之無難。數月之內。其事必集。爲帥者教習以致其精。鼓舞以出其銳。山川其便習也。人情其稔熟也。出入死生之相爲命也。鋒鏑之交。貌相識而聲相應也。如此兵者。一鎮得二三萬人。當凜凜然不下一敵國。今諸路列鎮。則精兵雖十餘萬可有也。太祖皇帝南征北伐。所至如破竹。計其兵曾不滿二十萬。使吾於諸閫之外。別得十萬精兵。則何向而不可哉。或曰國家經常皆用供億。州縣財賦各有窠名。今上流之兵未解。江淮之餽如故。使移此事力以給方鎮之兵。如諸閫何。嗚呼。擇害莫若輕。擇利莫若重。臣益籌之審矣。夫京湖之路既梗。則雖欲漕運。而舟楫不能以前。江廣之脩既虛。則雖有財賦而土地不能以自保。與其束手無措以委輸於虜。孰若變通盡利以庶幾虜之可逐也。且夫江廣既全。則吾之境內其惟正之供者尙多也。陛下撫此

王忠文選卷二 忠烈

十

厄運不得不勉。自節縮曲爲通融。多方以濟諸閫之急。支吾年時。冠必就盡。然後一正吾之郡縣。一復吾之經常。未晚也。不然。始未知其所終。惟陛下深思。圖之。四曰破資格以用人。本朝用人。專守資格。祖宗之深意。將以習天下之才。世雖有賢明忠智之人。英偉奇傑之士。亦必踐駁之多。涉歷之熟。積勞持久。而後得至於高位。養成遠大之器。消彌僥倖之風。人才世道。胥有利賴。然其弊也。有才者常以無資格而不得遷。不肖者常以不礙資格法而至於大用。天下卒有變。不肖者當之。而有才者拱手熟視。夫是以常遺國家之憂。臣嘗見數年以來。邊陲之間。偶缺一帥。陛下徬徨四顧。弄印莫屬。按排應急。不得已常取監司之風力者爲之。趙魏老不可以爲滕薛大夫。陛下非不知其然也。他人資格或有未及。而彼適可得之。雖其才具容有不逮。然猶意境外無事。以幸其不至於敗缺。比其敗缺。則倉皇變易。常至於失聲色而後已。嗚呼。此平世拘攣之弊也。今天下事勢。潰決已甚。一有蹉跌。事關存亡。百夫不可輕擇。將一壘不可輕畀。

王忠文選卷二 忠烈

十一

守。况其重者乎。今自朝郎以上。凡內之卿監侍從。外之監司郡守。紫朱其綬。唱喝車蓋而出者。不知幾人。使其中果有非常之才。堪任將帥。則是望實既優。資格又稱。一日舉而置之。萬夫百將之上。誰曰不然。然臣意陛下之未有其人也。則夫宗社安危之機。不可輕決於庸人。而有資格者之手。世之能辦事者固多矣。三辰不軌。拔士爲相。蠻夷猾夏。拔卒爲將。事固各論其時也。今何如時。尙拘拘子子於資格之末。臣觀州縣之間。凡寮底小官。馳騁於繁劇之會者。蓋甚有之。薦引之法。浸弊於私。而改官之格。率爲勢要者所據。孤寒之中。獨無可任大事者乎。三歲一貢上。碌碌成事者衆。而氣槩才識。望于鄉里。曾不得一登薦書。抱膝隆中。策杖軍門。固皆逢掖章甫之流也。夫今日之士。他日之官也。今日之小官。他日之爲公卿者也。天下有事。凡能擔當。開拓排難。解紛惟其才耳。固有明知其人之有才。而拘於資格之所不可。則亦姑委棄之。此豪傑之士。所以痛心疾首於世變之會也。陛下如建立方鎮。收拾人才。臣願明詔有司。俾稍解繩。

王忠文選

卷二

忠烈

十二

聖以進英豪於資格之外。重之以其任。而輕授以官。俟其有功。則漸加其官。而無易其任。漢唐法度疎濶。其一時人才。常倜儻不羈。本朝以道立國。以儒立政。則亦無取乎爾。然至于今日。事變叢生。人物落落。柰何不少變之哉。至如諸州之義甲。各有土豪。諸峒之壯丁。各有隅長。彼其人望爲一州雄長。其間蓋有豪武特達之才。可以備總統之任。一日舉之以爲百校之長。則將帥由是其選也。其穎異通敏者。引之於帷幄。樽俎之密。又從而拔其尤者。委之以人民社稷之重。則人才不可勝用也。至如山巖之氓。市井之靡。刑餘之流。盜賊之屬。其膽勇力絕。足以先登。其智辯機警。足以間謀。使貪使愚。使詐使勇。則羣策羣力。皆吾屈也。昔之方鎮。食其土地。用其人民。拊循其士大夫。馳策其跼蹐之士。故雖以區區之地。常足與天下爭雄。今雖未至於此。然陛下髣髴而行之。則吾規模意氣。固已一變前日之弱矣。惟陛下熟計之。幸甚。夫古之爲天下國家者。常有敵國相持之憂。然而立乎四戰之衝。雖將鋤兵潰。屢起屢仆。而其國終不可動。由

王忠文選

卷二

忠烈

十二

卓然有所立故也。今陛下奮發神斷。赫然悔悟。所以洗舊汗更宿弊。如雷霆風雨。交馳並至而不可禦。陛下亦求所以爲自立矣。而未得其方也。自立之方。臣前所獻之數條是已。雖然。臣意陛下未之能行。則有說也。何也。悔悟之意未明也。奸人當國。指天下能言之士。謂之奸名。譁競使奸名譁競者。常在朝廷。則清議之福。陛下必及。受用事。應不至今日。惟浸潤膚受。爲毒已深。而後陛下之人。才盡逐。陛下今既悔悟矣。然鋒車所召。率未及前日擯棄流落之人。或謂陛下三忠文選卷二忠烈十四
猶有畏其不靖共之意。夫今日之禍亂。靖共之報也。陛下猶有愛於貌爲靖共者。邪。此悔悟未明之一也。三數年間。縉紳之能出臆論事者。既爲奸人所屏。學校之士。猶叩關疊壘不已。奸人疾其爲害已也。託名學法。重致意於禁上書之一條。而後陛下之言路盡塞。陛下今既悔悟矣。然肉食之徒。未有能出一語以救陵遲之禍。雖學校不憚懇懇以爲言。彼其所陳。固有未盡切實者。陛下何不擇其善者而施行歟。又悔悟未明之一也。今有人焉。陷於酒色。湛溺而不自

知。元氣日耗。蝕於內。客邪日衝擊於外。四肢百骸幾至解體。一日倏大悔悟。自創其酒色之愆。而使爲朋友僕御者。各得以勤攻已之短。其爲身謀幾晚矣。然知湛溺之爲病。而猶諱其所從來。則是病根固在也。人非不知愛身。彼諱病根而不肯決去者。說其小而忘其大也。陛下所以救社稷重於救身。則夫病根所在。何所顧惜而不去之歟。高宗皇帝以麥飯豆粥之苦。植立東南百四十年太平之基。陛下嗣無疆大歷服。所以撫摩愛養。培億萬年丕天之休。加用力焉。不幸比者。中外怨叛。吾之赤子。自延寇入室。謀危國家。蓋至今日。遠近爲之荷擔。宗社幾於綴旒。天下之人。追咎其失。以爲聚斂之過。而聚斂之事。通國憤然。怒罵以爲倡於陛下左右之人。夫此一人者。竊弄威權。上累聖德。其凶醜威惡。蠹國害民者。臣不能具數。獨其攘臂聚斂。招集奸凶。爲陛下失民失土。以貽宗社不測之憂者。其罪莫甚焉。趙簡子命尹鐸爲晉陽尹。鐸曰。繭絲乎。保障乎。簡子曰。保障哉。古之爲天下計者。不屑於其小而惟遠者是圖。不快於目前之求而

常恐其一朝之患。故雖簡子區區之大夫。尹鐸區區之小吏。其所規爲猶及於此。國家之大。不可以田舍翁自爲也。後之人君。思以富雄天下。固有時出其聚歛之術。然猶繭絲自繭。絲保障自保障。何物刑餘爲謀不臧。率天下以共向繭絲之的。而保障之地。亦不得免焉。繭絲之毒。不可忍。而後保障之禍。不可爲。陛下問者。屢出內帑金帛。分給諸司。期有救於難。然調度方殷。兵革又不得息。前日聚繭絲之得。未什伯今日救保障之費。蓋千萬億。祗而未有已也。嗚呼。誰生

主忠文選

卷二十

忠烈

十六

厲階。至今爲梗。向使此人者。不以聚歛斷伐祖宗涵洪寬大之仁。蠹賊陛下神明英武之德。則必不妄籍民財。以入內司。必不豪奪民產。以實御莊。必不請價西園。以布中外貪酣之寵。必不交通南土。以開朝廷汙濁之門。如此。則奸人必不得竊據相位。偏置私人。如此。則疆禦格克之流。必不得齒於縉紳。玷於節鉞。如此。則各郡有賢守。各路有賢監司。必不侵漁以交結。北司剝削以應奉。內獻民心。必無變。宗社必無危。今朝廷知江閩虐取漁舟。故吾人爲窮鄉導。以至於

此。曾不知是數年間。外之監司郡守。求爲交結。應奉而一切不卹。以失吾民戴宋無二之心者。所在有之。江閩之事。偶著爾。今論者追訟江閩之罪。死有餘責。卿夫使士大夫貿貿焉爲聚歛。重失人心。激天下以各懷怨叛。如臣所指之人者。一死詎足道哉。且夫奸人之相也。使非此人者。與之相爲表裏。以揜陛下之聰明。密爲游揚。以開陛下之信用。則賢者必不以奸名中傷。言者必不以譁競逐去。學校之持公論者。必不以誼橫得禍。士大夫之秉直節者。必不以貪賊

主忠文選

卷三十

忠烈

十七

加罪。朝廷清一言路。光明邪人。何自而赫張。民瘼何自而壅隔。人離而陛下何以不覺。寇至而陛下何以不知。彼其依憑陛下恩寵。以爲奸人與主故。顛倒宇宙。濁亂世界。而得以無忌憚。使陛下今日訟過於天地。負媿於祖宗。結怨於人民。受傷於夷狄。則豈獨一奸人爲之哉。原情定罪。莫重於與主而奸人次之。莊周曰。兵莫憐於志。鏃鏃爲下。言刺人而殺之。不在於手。而在於心。不在於鋒。而在於所以用其鋒者。奸人則與主則志也。方今國勢危疑。人心梗捫。陛下

今人毛
聖賢錄
當時之
不語何
耶可嘆

爲中國主。則當守中國。爲百姓父。則當衛百姓。且夫三江五湖之險。尚無恙也。六軍百將之雄。非小弱也。陛下臥薪以厲其勤。研案以奮其勇。天意悔禍。人心敵愾。寇逆死。且在旦久。或謂其人者。誦張驚憂。以沮陛下攘寇之志。處分脆弱。將誤陛下爲去邪之行。居前日。則曰我能爲君充府軍以益其權。居今日。則獻其小心。出其小有材。使陛下意其緩急。可恃以固其寵。向非陛下參酌國論。堅凝廟謨。爲效死不去之計。則一日嘗試其說。六師一動。變生無方。臣恐京畿之爲血爲肉者。今已不可勝計矣。小人誤國之心。可勝誅哉。臣愚以爲今日之事。急矣。不斬董宋臣。以謝宗廟神靈。以解中外怨怒。以明陛下悔悟之實。則中書之政。必有所撓。而不得行。賢者之車。必有所忌。而不敢至。都人之異議。何從而消。敵人之心。將何從而破。將士忠義之氣。何自激。昂軍民感泣之淚。何自奮。發禍難之來。未有卒平之日也。千金之家。得一僮奴。稍足以稱其私。雖害于而家。未忍亟去。况其人給事之歲月已深。乞憐之懇。款已熟。陛下性資仁厚。亦豈

三忠文選卷二 忠烈

十九

忍遽甘心焉。然宗社之事重。左右之恩輕。蠹民誤國之罪深。承顏順色之愛淺。伏惟陛下以宗廟社稷之故。割去私愛。勉從公議。下臣此章。付之有司。暴其罪惡。明正典刑。傳首三軍。以徇如此。而天下不震動。人心不喜悅。將士不感泣而思奮。虜寇不駭愕而謀還。是人心天理可磨滅也。是天經地義可漸盡也。臣所不信。臣嘗讀諸葛亮出師表。輒掩卷哀憤。悲其用心亮之言曰。宮中府中。俱爲一體。陟罰臧否。不宜異同。若有作姦犯科。及爲忠善者。宜付有司論其刑賞。以昭平明之治。夫亮將獎率三軍。北定中原。攘除姦凶。興復漢室。其於宮府之政。宜若無與。而獨區區以此爲先者。良以社稷安危之權。國家存亡之故。不在於境外。侵迫之寇。而內之陰邪。常執其機。牙此亮之所。以深權內外本末之理。而先窒其禍亂之源也。今臣上自朝廷。下至州縣。所以分畫其規模。纖悉其經緯。以上助尊夏攘夷之一畫者。已畧俗矣。而臣獻其狂愚於末。猶有厭於亮之所言。區區庸劣。何敢引亮爲證。顧所以忠君愛國之心。則亮之爲也。臣非不知陳

三忠文選卷二 忠烈

十九

遠之人指陳無狀。干犯天誅。罪在不赦。且使幸赦之。不誅。而左右之人。仇疾臣言。亦將不免。然臣所以不顧危。寧以身犯不測之鋒者。義命之際。臣固擇之精矣。方今社稷震動。君父驚虞。此所謂危急存亡之秋。臣委質爲臣。與國同休戚。親見外患如火燎原。而內寇又復植根固。流波漫。則禍難無涯。臣死。正自無日。與其怵迫於權勢之威。憂疑於一己之禍。噤口結舌。以坐待國家之難。而後死。孰若犯死一言。咸悟天聽。如陛下以爲狂妄而誅之。臣固已自分一死。萬

王忠文選

卷二十一

二十

一陛下察臣之忠。行臣之言。以幸宗社。則臣與國家同享其休榮。等死之中。又有生路。此臣所以齎咨涕洟。望闕慙惓而不能自已也。臣冒瀆天威。殞越震懼。謹席藁私室。以俟威命之下。臣無任瞻天望聖。激切屏營之至。不備。臣某冒昧死百拜上。

此先生開慶已未伏闕書也。先生丙辰狀元及第。乃穆陵親擢。舊例三魁。唱名罷。賜袍笏。謝恩入幕。賜御饌。進謝恩詩。出。賜席帽於闕門外。上馬迎入期集所。期集所者。又名狀元殿。官給錢物供張。皂

隸等於此所聚同年。待賓客。刊題名小錄。賜聞喜宴。進謝宴詩。如此者一月。然後率榜下士詣闕門。謝恩。謂之門謝。門謝後。命之初階。內狀元受承事郎。僉書某軍節度判官廳公事。至後一科放進士。榜。則前一科狀元。召入爲秘書省正字。名曰對花。召。此舊例也。先生入期集所數日。嚴待有疾。卽謁告還邸侍藥。未幾。乃有失怙之變。卽持服扶柩歸里。服除。閉門度日。後一科當對召。始除僉書某軍節度判官廳公事。蓋先生未除官而卽持服。

王忠文選

卷二十一

王

故除初階。先生上請。未敢受官。乞行門謝禮。奉旨允。已未冬造朝。門謝。適有江上之警。應求言詔。上此書。不報而歸。未幾。又除僉書鎮南軍節度判官廳公事。先生上請。乞未嘗觀香火。以安分守。除中管建昌軍仙都觀。未幾。除秘書省正字。謂辭云。掄魁登瀛。故事也。然始進大率以虛名。既久乃知其實踐。爾則異是。初以遠士。奉董生之對。繼以甲官。上梅福之書。天下誦其言。高其風。知爾素志不在溫飽。麟臺之召。其來何遲。語有云。見大名難。又云。

保晚節難。爾其厚養而審發之。使輿論翕然曰。朕所親擢敢言之士可。陞較書郎。又陞著作佐郎。兼景獻太子府教授。值巨闔董宋臣再出用事。於是上章極論。遂出知瑞州。此章見于後。今畧敘其槩云。道體堂謹書

感恩次骨。抒忠吐膽。一日之遇。千秋之痛。悲哉先生。

內制

擬進御筆

爲馬丞相趙葵書上奏留平章

書曰。三人占則從二人之言。蓋占取其同。目二人之同。推之。卿士庶民無往不同者。師相欲去二府。以爲不可去。是千萬人皆以爲不可去矣。朕自師相有請。寢食不爲安。朕必不能違衆心。師相亦不忍違朕心。嗚呼。尙鑒時忱。永綏在位。師相其聽之哉。所請宜不允。

又擬

周公相成王。終身未嘗歸國。孟子當齊世不合。故致爲臣。蓋常情以去就爲輕。惟大臣以安危爲重。苟利諸國。皇恤其身。若時元勳。爲我師相。先帝付託大義。所存太母留行。前言可覆。胡爲以疾。而欲告休。惟醫藥所以輔精神。惟安身所以保國家。古者之賜几杖。雖當七十而不得引年。我朝之重辭章。雖過九旬而尙使爲政。勉釐重務。勿困眇懷。所請宜不允。

此先生直翰林院時代言一二也。留平章二批。已進呈御前。賈似道有聞。嫌所擬無過褒之辭。且怒。

不先呈已。諷諭別直院官改作。進呈批出。竟不用。先生所擬。先生即引先朝楊大年在翰林草詔。以一字不令真宗聖意。明旦援唐故事。學士作文書。有所改爲不稱職。當罷。因亟求解職。丐祠引去。賈似道以漆木史作字。至先生勉留。人略云直院援楊大年故事。豈非亦有大年性氣邪。如此者。在先朝以爲異。後來皆以爲常。近日馮玉二直院所擬。未嘗不反覆更定。既曰天子私人。又豈不通商量。只如每年春帖。自有二等忌諱字面。上每令似道三忠文選卷上忠烈

十四

諭詞臣再三改定。諸公亦惟知謹承上意。直院特未知之耳。幸不必過爲突兀而有遐心。至叩率幾台照。先生貼名繳還來槩。又上第二章。力丐祠。來擔出國門。而臺疏罷命出矣。先生有詩曰。當年祇爲青山誤。直草君王一詔歸。是也。道體堂謹書二稿已極婉轉矣。賈相好諛如此。宋前安得長。

表牋

門謝表

臣某言。伏准省劄。五月二十八日。三省同奉聖旨。文天祥添差僉書寧海軍節度判官廳公事。仍釐務。臣以賜第之初。未經門謝。未敢祇拜劄命。中乞指揮。續准省札。七月十一日。三省同奉聖旨。令朝謝訖之任。臣謹遵奉旨揮。詣闕庭朝謝者。御大庭而發策。式廣旁招。奉清問以摠忠。誤承親擢。尙阻紫宸之謝。遽叨黃紙之除。曠世遭逢。瞻天感激。臣切以賓興下詔。同三忠文選卷上忠烈

十五

天地宗紀之彝。科舉取人。代造化爵賢之柄。豈曰利人才之進取。其間實天地之流行。肆萬乘之臨軒。受諸侯之貢士。占小善者率以錄。咸造在廷。取一人焉。拔其尤。必有名世。豈應庸瑱。可在蒐羅。臣稟質凡庸。聞道猶淺。才非洛陽之年少。偶玷薦書。學非廣川之大儒。遽塵舉首。自叨異數。亦既三年。回思臚唱之蒙恩。莫與見趨而奉表。有懷就日。無路瞻天。方徬徨於丘園。乃寵綏其祿秩。輒請展爲臣之禮。幸許脩詣闕之恭。茲蓋伏遇皇帝陛下。德體乾行。道符常久。世更

三紀遠追成周式化之風。歲啓後庚。近接藝祖開基之運。比際風雲之會。咸依日月之光。遂令一介之姓名。亦被九重之紀錄。臣敢不誓堅素守。勉企前脩。自撥讀書。非爲平生溫飽之計。願言竭節。用副上心。忠孝之期。臣無任瞻天望聖。激切屏營之至。謹奉表陳謝以聞。

湖南提刑到任謝皇帝表

帝庭敷命。昭闢四門。天牧播刑。誤頒一節。中以遙驅之旨。疇茲已試之庸。周隰載馳。漢條具布。伏念臣本

三忠文選

卷二 忠烈

三六

無他技。惟有孤忠。兩朝特達之知。海塵清要。十載行藏之跡。祇自悔尤。雲雷之義方屯。天地之心已復。當元日達聰之始。在皇華遣使之中。聖恩靡許於祝釐。臣職敢稽於行道。瞻益高而下耳。冀用舉於折肱。茲益恭遇皇帝陛下。道協重華。仁周四表。崇德廣業。合乾轉坤。翁之功。折獄致刑。得震動離明之用。遂令承乏。復忝司平。臣敢不祗若咨詢。對揚欽恤。陳時臬事。尚弘康乂之圖。受主嘉師。永廸明清之訓。

謝皇太后表

司平楚甸。命出嚴宸。告至周原。恩歸慈極。敢敷睿訓。仰謝徽音。伏念臣一介寒微。兩朝知遇。傾葵向闕。初無補於使令。啜菽杜門。祇自深於觀省。當元日會同之始。拜公朝杖拭之仁。言遣使臣。往陳臬事。華省遙頒於趣旨。叢祠竟秘於俞音。勉臣子之馳驅。見吏民而宣布。茲蓋恭遇壽和聖福。皇太后陛下。心超有極。道合無疆。長信怡愉。贊炎圖之昌運。大任肅穆。開蒼籙之隆平。宜擇攸司。俾敬爾獄。臣敢不丕承欽恤。誕布慈仁。又我黎民。尚想無刑之治。于其王母。敢總介福之元。

三忠文選

卷二 忠烈

三七

皇太子生日賀皇帝表

大夏長贏。坤二爻之紀季。千秋似續。震一索之揆初。瑞彩綠車。歡顏丹旆。恭惟皇帝陛下。德流芑水。業茂蘿圖。壽富多男。積善必有餘慶。本支百世。命吉在厥初生。記甲觀之瑞分。占乙祿之祥遠。臣縻身軫墊。戴目心星。誦億子之宜君。首歌周雅。祝萬年之爲父。更續唐詩。

賀皇太后表

福于王母。際南面之昌期。天以神孫。娛東朝之永日。
晝堂瑞節。長樂歡聲。恭惟壽和聖福。皇太后性蘊冲
和。仁培靜壽。思齊所以聖也。以御于邦。螽斯宜爾孫
今。克開厥後。皇皇穆穆。繼繼承承。臣迹滯驂原。心馳
鳳闕。本文百世。播綿瓞之聲詩。怡愉萬年。衍令飴之
福慶。

賀皇后箋

坤后廣生。式協二父之月。震男揆度。載逢一索之期。
慶衍蘿圖。喜充椒掖。恭惟皇后殿下。道柔配地。德厚
三忠文選卷二忠烈二十八
承天。以御于家。爲今京室之婦。則樂有子。如古周南
之風。百世本支。萬年福祿。臣迹縻壯轡。心賀燕謀。占
斯干之詩。已符吉夢。美思齊之德。益嗣徽音。

宋文忠烈先生文選卷之二終

宋文忠烈先生文選卷之三

詩

送卓大著知漳州

逢山隔風雨。芸觀司陽秋。脈作承明直。出爲漳浦遊。
問俗便桑梓。過家拜松楸。錦堂事相儼。棠舍陰易留。
向來瀾蠡間。何物輒負舟。翻覆十年事。行止隨坎流。
倘來豈不再。遲取終無尤。太守執此往。邦人庶其瘳。
昔予援西銘。期子以前修。願覲弘濟學。四海放一舟。

題玄潭觀雪浪閣用誠齋韻

三忠文選卷三忠烈一

棄官學道勾山許。學到至人本無怒。赤子鰓鰓如魚
頭。不堪妖孽腥上流。鉗鍵長潭鐵樹立。摩沙穹石寶
劍濕。當時豈忍如是觀。毒流不可開眼看。英風凜凜
萬古寒。

贈嗅衣相士

阿英薰蒸透肌理。不潔未蒙好西子。芙蓉浪中薔薇
水。蘇合蜨娘忘彼已。馬嵬新鞵鈎新月。腥臊千年天
地裂。是間曾著鼻孔麼。梅香寶臭無如何。

宣州罷任再贈

貧賤元無富貴思。泥塗滑滑總危機。世無徐庶不知臥。見到淵明便合歸。流落丹心天肯未。崢嶸青眼古來稀。西風爲語巖前桂。若更多言却又非。

貧女吟四首

春夏秋冬

柴門寒自閉。不識賞花心。春筍翠如玉。爲人拈繡針。竹扇掩紅顏。辛苦綉白苧。人間羅雪香。白苧汗如雨。西風兩鬢鬆。涼意吹伶仃。百巧不救貧。誤拜織女星。巧梳手欲冰。小輩爲寒怯。有時衿肘露。頗與雪爭潔。

名姝吟

王忠文選

卷三 忠烈

二

丈夫至白首。鍾鼎垂功名。未有朱門中。而無絲竹聲。與主共富貴。不見主苦辛。名姝從何來。婉孌出神京。京人薄生男。生女卽不貧。東家從王侯。西家事公卿。吾行天下多。朱紫稀晨星。人都不一一。甚者曠數城。如何世上福。冉冉歸娉婷。乃知長安市。家家生貴人。

龍霧洲覺海寺次李文溪壁間韻

聞黎鐘後訪團蒲。江色漫漫晝欲晡。一笛梅邊何滿子。千簑蘆外筆頭奴。急風吹鴈還家木。新雨生濤到海無。本是白鷗隨浩蕩。野田漂泊不爲孤。

題鍾聖舉積學齋

東家築黃金。西家列珊瑚。嘆此草露晞。良時聯騎須。古人重孜孜。殖學乃菑畲。彼美不琢珣。櫝中竟何如。空同白雲深。君子式其廬。棗几照初陽。垂籤動涼嘯。方寸起岑樓。一勾生龍魚。辰乎復來遲。競諸復競諸。

山中卽事

攜壺藉草醉斜陽。白鶴飛來月下雙。蘆葉西風驚別浦。芭蕉夜雨隔疎窓。千年帝子朱簾夢。一曲仙人鐵笛腔。若問山翁還瘦否。手持漁竹下寒江。

王忠文選

卷三 忠烈

三

山中

滄州棹影荻花涼。款乃一聲江水長。賴有蓴鱸堪砥脰。便無花月亦飛觴。山中世已驚東晉。席上人多賦晚唐。何處魚羹不可飯。蚤拚泉石入膏肓。

山中和韻

白扇揮殘暑。青鞋踏嫩晴。花床尋小隱。石鼎引長鳴。紗帽有時去。酒壺惟意傾。山僧癡與坐。閑却瘦彌明。

送人往湖南

鴈拖秋月洞庭邊。客路淒涼野菊天。雲隔酒尊橫北

海風吹詩史落西川。夜深鬼火千山雪。春後鵲花一樹烟。爲我祝融峯上看朝曦白處禮蓬仙。

和謝愛山晚吟韻。日晚與客散步。因誦夕陽雖好不多時之句。謝愛山欣然賦之。余亦率然口占以和。亦一胸之樂也。

百落木落天蒼涼。懸崖掛壁留餘光。紫烟翠霧空迷茫。颼颼度壑松風長。牛背短笛催歸忙。飄飄逸興空悠揚。襟懷灑灑落萬慮。須臾薄暝山色藏。長歌浩浩相激昂。淡雲弄月微昏黃。

三忠文選 卷三 忠烈

四

病中作

歲月侵尋見二毛。劍花冷落鵲鴉膏。睡餘吸海龍身瘦。渴裏奔雲馬骨高。百忌不容親酒具。千愁那解減詩豪。起來大作屠門嚼。自嘆我非兒女曹。

又賦

一病忽兩月。蓬頭夏涉秋。形羸心自壯。手弱筆仍遒。昨夜燈如喜。今宵蝶莫愁。問誰驅五疋。正與五窮謀。

又

一病四十日。西風草木涼。倚床腰見骨。覽鏡眼留眶。

倦策吟詩杖。頻燒讀易香。夜深排果餌。乞巧大醫王。

古心江先生以舊弼出鎮長沙。癸酉十一月乙亥。是爲七十六歲。門人文某以一節趨走部內。謹擬古體一首爲壽。

炎圖啓不運。皇路熙以平。蛇蠃發令姿。有美海一人。鴻藻舒朝華。大音鏘韶鈞。端珵麗三階。火龍昭統紘。桓圭殿南服。熊旂被金城。瞻彼鷟爲火。翼軫宣其精。祥鸞舞瑤席。鳴鳳翔鳩笙。孟冬兆陽氣。西北無浮雲。駕言酌春酒。可以寫我情。揚旂下祝融。躡屐朝奉清。

三忠文選 卷三 忠烈

五

嘉猷扇九垓。還以遂古淳。君子保金石。所以永國成。純嘏錫千歲。綿綿贊休明。

幕客載酒舟中卽席序別

故人滿江海。遊子下瀟湘。夢載月千里。意行雲一方。櫓聲人語小。岸影客心長。總是浮萍迹。飛花莫近橋。

山中再次胡德昭韻

不將顏色汗黃金。落得霸橋驢上吟。是處江山生酒興。滿天風雪得梅心。觥籌堂裏春聲沸。燈火林臯夜色深。人世可能行樂耳。重游不用卜晴陰。

齊天樂

南樓月轉銀河曙。玉簫又吹梅早。鸚鵡沙晴。蒲萄水暖。一縷燕香清鼻。瑤池春透。想桃露霏霏。菊波沁曉。袍錦風流。御仙花帶瑞虹繞。玉關人正未老。喚磯頭黃鶴。岸中談咲。劍拂淮清。柳橫楚黛。雨洗一川烟草。印黃似斗。看半硯薔薇。滿鞍楊柳。沙路歸來。金貂蟬翼小。

齊天樂

夜來早得東風信。滿湘一川新綠。柳色含晴。梅心沁

三忠文選卷三 忠烈

六

暖春淺。千花如束。銀蟬乍浴。正沙鴈將還。海鰲初矗。雲擁旌旗。笑聲人在畫闌。曲星虹瑤樹縹緲。珮環鳴碧落。瑞籠華屋。露耿銅虬。水翻鐵馬。簾幙光搖金粟。遲遲倚竹。更爲把瑤樽。滿斟醪醕。回首宮蓮。夜深歸院燭。

正氣歌 有序

子因北庭。坐一土室。室廣八尺。深可四尋。單扉低小。白間短窄。汗下而幽暗。當此夏日。諸氣萃然。雨潦四集。浮動床几。時則爲水氣。塗泥半甌。蒸漚歷瀾。時則爲土氣。乍晴暴熱。風道四塞。時則爲日氣。簷陰薪爨。助長炎雲。時則爲火氣。倉腐寄頓。陳陳逼人。時則爲米氣。駢肩雜遝。腥臊汗垢。時則爲人氣。或圓溷。或毀屍。或腐鼠。惡氣雜出。時則爲穢氣。疊是數氣。當侵沴。鮮不爲厲。而予以孱弱俯仰其間。于茲二年矣。無恙。是殆有養致然。然爾亦安知所養何哉。孟子曰。我善養浩然之氣。彼氣有七。吾氣有一。以一敵七。吾何患焉。况浩然者。乃天地之正氣也。作正氣歌一首。

三忠文選卷三 忠烈

七

天地有正氣。雜然賦流形。下則爲河嶽。上則爲日星。於人曰浩然。沛乎塞蒼冥。皇路當清夷。含和吐明庭。時窮節乃見。一一垂丹青。在齊大史簡。在晉董狐筆。在秦張良椎。在漢蘇武節。爲嚴將軍頭。爲嵇侍中血。爲張睢陽齒。爲顏常山舌。或爲遼東帽。清操厲冰雪。

或爲出師表。鬼神泣壯烈。或爲渡江楫。慷慨吞胡羯。
或爲擊賊笏。逆豎頭破裂。是氣所磅礴。凜烈萬古存。
當其貫日月。生死安足論。地維賴以立。天柱賴以尊。
三綱實係命。道義爲之根。嗟予遘陽九。隸也實不力。
楚囚纓其冠。傳車送窮北。鼎鑊甘如飴。求之不可得。
陰房闃鬼火。春院閤天黑。牛驥同一皂。雞棲鳳凰食。
一朝蒙霧露。分作溝中瘠。如此再寒暑。百沴自辟易。
嗟哉沮如塲。爲我安樂國。豈有他繆巧。陰陽不能賊。
顧此耿耿在。仰視浮雲白。悠悠我心悲。蒼天曷有極。
三忠文選卷主忠烈八
哲人日已遠。典刑在夙昔。風簷展書讀。古道照顏色。

宋文忠烈先生文選卷之四

記

吉州州學貢士莊記

物之在天地間。自銖粟以上。莫不有主名。獨貢士莊
所儲。以擬夫三歲大比。士之送上春官者。有司不知
誰宜得之。取什伯於千萬。亦無敢自必爲已得。其子
奪之。殆有物焉。逸史稱隋末一書生。所居抵官庫。庫
有數萬錢。欲取之。神人訶之曰。此尉遲公錢也。泉者
天之利器。惟天能以與人。則夫任貢士莊者。殆爲天
三忠文選卷四忠烈一
守利器以俟夫天之所以與人者。充是心以往。真無
所爲而爲之。其爲仁。豈不至而爲義。豈不盡乎。盛淳
六年。簡池趙君必禰來爲廬陵教授。作興斯文。教養
學具。則按貢士莊之舊。稽其所出內。歲錢穀幾何。廬
陵士甲江右。一科數路。資送四五百人。哀多益寡。稱
物平施。末之云耳。於是有增田之議。一之日。置尹氏
租。爲米八十斛。二之日。置彭氏租。爲米一千一百九
十二斛。趙君猶以爲未足。則曰。傳而益之。其來者之
事哉。添差教授番陽程君申之繼至。相與詣郡請蠲

賦吏持難易。閣弗下。永嘉繆侯元德甫下車。二君申其請。侯慨然曰。奈何與吾黨較瑣瑣乎。復之不崇朝。予聞而異之。以爲侯與廣文之用心。皆所以奉天道之不及者也。古之爵人。言必稱天。國家謹惜名器。自他蹊者。悉名僥倖。惟進士科。使四方寒賤。操觚而進。付得失於外有司。而定高下於殿陛之親擢。公卿大夫。繇此其選。當是時。天子宰相。一不得容心於其間。予嘗謂今世惟科舉一事。爲有天道行焉。士修於家。試於鄉。如探籌然。以信夫天命之所遭。而爲貢士計者。積倉裏糧。共其道路。先事而爲之。脩。隨。天。命。之。所。與。而。後。與。之。是。心。也。豈。復。有。內。交。要。譽。之。私。哉。予。故。曰。皆。所。以。奉。天。道。之。不。及。者。也。是。宜。書。且。夫。取。士。於。天。下。將。以。爲。天。下。用。人。之。常。情。其。窮。也。不。爲。利。疚。則。其。達。也。不。可。以。非。義。屈。後。之。臨。大。節。斷。大。事。其。賢。時。簞。食。豆。羹。見。於。色。者。之。所。能。也。夫。使。郡。縣。之。賢。能。而。漢。人。續。食。之。意。隱。然。寄。於。學。校。士。得。以。進。行。都。而。無。僕。馬。後。顧。所。望。於。人。也。輕。則。所。以。全。於。已。也。大。是。邦。學。者。世。修。歐。周。之。業。人。負。胡。楊。之。氣。如。有。用。

三忠文選卷四忠烈

二

我執此以往。是舉也。世道微有賴焉。蓋益可書也已。是莊創始於尚書胡公。視隸於學者。米二千二百斛。有奇。前丞相葉公夢鼎爲郡。增六百三十斛。有奇。前教官黃君愷伯。增一千三百六十斛。有奇。前趙侯典。增四百一十斛。有奇。自二教創後。施君郁。鄭君師。臯。增二百五十斛。有奇。合今所增。通爲米六千一百斛。有奇。以學論提點莊事。劉少南。張敏子云。八年八月記。

三忠文選卷四忠烈

三

公車之費優。而有志者可以無求於人。此亦憐才造士者所古今同心也。乃欲蠲節靳罔。而使之潰決他圖。亦過矣。

吉州右院獄空記

吉州右司理院。迺開慶元年五月獄空。九月又空。明年五月又空。吉爲州。凡三獄。曰州院。曰左司理院。右院。其一也。方千里之國。未易爲理。而物之不齊。其情固然。省刑罰。止獄訟。賢者雖欲爲之。而格於其勢。之所不可。長老傳說。以爲自南渡百餘年。惟乾道庚寅。嘉定甲申。獄嘗空。乾道事不知如何。嘉定間。南昌張。

一念之善感名和
慈而便
奸民得
有能無
愚然悔

別駕被旨攝廬陵郡。初張宰清江。得米南宮獄空二
字。勒諸珉以詔不朽。洎來吉。幕本通付諸獄。不三月
遂皆以空告。由今推之。爲長民者。一念之善感名和
氣可也。上有所好。下從而逢之。是未可知。夫以百餘
年兩見之事。可謂稀濶。而其可疑。又如此。然則雖謂
之絕無僅有可也。今司理君爲政寬允。嘗平反死事
二。法應賞。君不自以爲功。當路論功亦不及。人謂君
超然利害之表。君曰。吾盡吾心而已。而何賞之較。君
實有愛人利物之心。哀於庶獄。無所不用其至。人人
三忠文選卷四忠烈
自以爲不冤。獄空遂爲常。君書三考。候代者未至。歲
月有奇。獄空之事。其二在考內。其一在候代時。院之
設久矣。官此者幾人。得闕而來。受替而去。其間可紀
之盛。百餘年僅僅兩見。今君受任三考。已能配此曠
絕之蹤。而書滿已後。迄臻三美。君職於其事。可謂無
愧矣。此而不書。後將何觀。雖然。子嘗上下世變觀之。
自畫象之化遠。人心之樸。日以散。惟咸康時。曰刑措
不試。漢文時。幾致刑措。下此。則唐初死囚歸獄之事。
人以爲奇。蓋唐虞後。至今三千餘年。而斷獄之省。數

不過三。四海之大。兆民之衆。不可以一院比也。然聖
人得國而爲之。持之以道。使民遷善遠罪而不自知。
其效驗近卜於期月三年。而遠亦不過於必世。夫古
今刑措之日。既如此。其難而區區空一院之獄。又如
此。其不數聖人之志。其遂不可行邪。雖然。由君之事。
則百餘年間。職業之可書。曾不一再。而君以歲月爲
之有餘。天下事信不可爲。手神而明之存乎其人。此
子所以初爲世道感。而以其尚可爲者。深幸也。嗚呼。
君其母以自足哉。君姓洪。名松龍。嚴廬人。

三忠文選卷四忠烈

五

龍泉縣太霄觀梓潼祠記

龍泉邑治左。出門行數百步。有太霄老子宮焉。辛酉
之春。予登其巔。四山拱趨。天宇高曠。會令方管度作
梓潼君祠。邀予爲字。曰元皇之殿。旣爲從事。六月殿
成。明年令若士以書諭曰。役之初興。君寔爲之書。請
卒記之。邑爲吉上游。山川清拔。民秀而文。天聖以來。
高科鼎鼎出。有位至侍從。以忠直自奮。尚論文獻者。
歸焉。維柳實接壤。梓鼓數震。令初至。適江上有警。柳
冠蓋乘以譟。周旋軍旅。不得以閒。事平。令謂吾幸爲

禮義已雖僿僿。不容不爲俗化地。況少須暇手。稽諸圖志。庭廟鱗立。吾黨之士。獨無所敬祀。會賓興詒下。乃進諸生謀曰。今三歲大比。試者以文進。將文而已。手意必有造命之神。執其子奪於形聲之表者。蓋元呈是也。士之所自爲。行爲上文次之神。所較壹是法。合此者。陟遺此者。黜人謂選舉之權。屬之有司。不知神之定之也。久矣。蜀山七曲。神所宅之國。衣冠文物。莽爲風塵。惟神元命。寔始吳會。英靈赫赫。將來君父所在而依之。是以江湖爲國。神迹多著。此固士之所三思文選卷中忠烈

哉其不誣矣。孟子曰。天爵仁義忠信。人爵公卿大夫。古之人脩其天爵而人爵從之。聖賢不語怪。而教人先內後外。未嘗非神之意。神雖游於太虛。而考德問業初無。於聖賢之言。其在祭法。苟有以明民成教。宜與祀典。則神之有祠。豈緇黃之宮之域。邑有先民典刑。大冠逢掖。爭志策厲。爲臣止忠。爲子止孝。此其內心固油然不自己。而况高山仰止。明神在前。則其戒謹恐懼。工力當倍。他日拔起諸生。彬彬知名。則居公卿大夫之位。必將有仁義忠信之人。令之此舉。於王忠文選卷中忠烈

文山觀大水記

自文山門而入。道萬松下。至天圖畫。一江橫其前行。數百步。盡一嶺爲松江亭。亭接堤二千尺。盡處爲障。東橋。橋外數十步爲道體堂。自堂之右。循嶺而登。爲銀灣。臨江最高處也。銀灣之上有亭。曰白石青崖。曰六月雪。有橋。曰兩峰之間。而止焉。天圖畫居其西。兩峰之間。居其東。東西相望二三里。此文山濱江一直之大槩也。戊辰歲。余自禁廬罷歸。日往來徜徉其間。蓋開山至是兩年餘矣。五月十四日大水。報者至。時

三忠文選

卷四 忠烈

八

館中有臨川杜伯揚。義山蕭敬夫。吾里之士。以大學試羣走京師。惟孫子安未嘗往。輒呼馬戒車。與二客疾馳觀焉。而約子安後至。未至天圖畫。其聲如疾風。暴雨。轟虺震蕩。而不可禦。臨岸側目。不得往視。而隔江之秧畦菜隴。悉爲洪流矣。及松江亭。亭之對有洲。洲故垓然隆起。及是僅有洲頂。而首尾俱失。老松數十木。及水者爭相跋曳。有偃蹇不伏之狀。至障東橋。坐而面上游。水從六月雪而下。如建瓴千萬丈。洶湧澎湃。直送乎吾前。異哉。至道體堂。堂前不林立。皆浮

出水面。如布力者。一夜負去。酒數行。使人候。六月雪可進與否。圍棋以待之。復命曰。水斷道。遂止。如銀灣山勢回曲。水至此而旋。前是立亭以據委折之會。乃不知一覽東西二三里。而水之情狀無一可逃遁。故自今而言。則銀灣遂爲觀濶之絕奇矣。坐亭上。相與諸譚賦唐律一章。縱其體狀。期盡其氣力。以庶幾其萬一。予曰。風雨移三峽。雷霆擘兩山。伯揚曰。雷霆真自地中出。河漢莫從天上翻。敬夫曰。八風捲地翻雷穴。萬甲從天驟雪驟。惟子安素不作詩。聞吾三人語。

三忠文選

卷四 忠烈

九

有會於其中。輒拍手捋鬚。捧腹頓足。笑絕欲倒。蓋有淵明之琴趣焉。倚闌踰時。譚異卓絕之觀。不可終極。而漸告晚矣。乃令車馬從後。四人携手徐步而出。及家。而耳目眩顛。手足飛動。形神不自寧者久之。他日予讀蘭亭記。見其感物興懷。一欣一戚。隨時變遷。予最愛其說。客曰。羲之信非曠達者。夫富貴貧賤。屈伸得喪。皆有足樂。蓋于其心而境不與焉。欣於今而忘其前。欣於後而忘其今。前非有餘。後非不足。是故君子無入而不自得。豈以昔爲樂。今爲悲。而動心於俯仰。

仰之間哉。予憮然有間。自予得此山。予之所欣。日新而月異。不知其幾矣。人生適意耳。如今日所遇。霄壤間萬物無以易此。前之所欣。所過者化。已不可追。紀予意。夫後之所欣者。至則今之所欣者。又忽焉忘之。故忽起奮筆。乘興而爲之記。且詒同游發一噱。

鄒文叔垂芳堂記

吾鄉上游有佳木連理。生於鄒公長者之地。不知幾何年。蓋公取以補廬陵圖誌。木漬水如老蛟。天矯有騰驤怒起之勢。咸淳八年秋。一夕大雷電以風。木隨

三忠文選

卷四 忠烈

十

水而飛。又二年秋。有蓮一蒂雙華。出於文叔北窗下。昔池中。文叔長者曾孫也。連枝表章於乾淳間。鄒氏始享有其瑞。予聞長者一再傳。皆恂恂友愛。同氣並根。既碩且蕃。實生來仍。今文叔之庭。二季競秀。兩孫端美。天將昌之。其殆視同穎兩岐。細緼塊圯。而未有已乎。文叔喜而命予題。其堂曰垂芳。夫一草一木之微。比於太虛。僅同毛髮。而鄂不韡韡。兄弟之親。小雅所爲賦也。於吾心得無感乎。予旦夕尚徘徊新堂。爲君賡棠棣之一章。

蕭氏梅亭記

廬陵貢士蕭元亨。江西帥平林公之孫。贛州龍南縣丞之子。蚤孤有立。克肖厥世。於其讀書游息之暇。有自得焉。乃作亭於臺之西偏。周旋一徑。被徑以梅。亭後有廊。有詩畫壁間。前方池廣五尺。飼魚而觀之。鄰牆古樹。蔽虧映帶。清風徐來。明月時至。君領客於此。上下談笑。客多乃祖父舊遊。而君樂從之。稱其家兒也。君名亭曰梅。而屬其客請記於予。予昔登平林公之門。入其園。臺觀沼池。卉木竹石。曲折靡曩。登覽幽

三忠文選

卷四 忠烈

十一

遠。公緩步徐坐。杯酒流行。古君子也。退從贊府與其次子江陵支使。昂然野鶴。粲然華星。南金荆玉。應接不暇。佳公子也。今是園也。亭館日以完美。草樹日以茂密。元亨兄弟又從而增大之。夫高臺曲池。百歲倏忽。此孟嘗君之所以感慨於雍門周者也。予與君不十年間。俯仰三世。昔也念其門之遭。今也賀斯園之幸。則告於元亨曰。天地閉塞而成冬。萬物棟通而爲春。方其閉塞也。陰風飈栗。寒氣鼎沸。衆芳景滅。萬木僵立。何其微也。及其棟通也。木石所壓。霜露所濡。土

膏墳起。茅甲怒長。何其盛也。天地生意。無間容息。當其已閉塞之後。未棟通之前。於是而梅出焉。天地生物之心。是之謂仁。則夫倡天地之仁者。蓋自梅始。今君之樂斯亭而賞斯梅也。其何以哉。天地莫不有初。萬物莫不有初。人事莫不有初。人心莫不有初。君從其初心而充之。無非仁者。使梅而有知。吾知其為君。欣然矣。昔東坡記靈壁張氏園亭。推本其先人之澤。而拳拳然望其子孫。且將買田泗上。以與張氏游焉。予里人。辱君好舊矣。宜其甚於坡之愛張氏也。

三忠文選 卷四 忠烈

文心靈繡古嶠

瑞州三賢堂記

瑞有三賢祠堂。三賢。余襄公。蘇文定公。楊文節公。祠堂舊在水南閣關。景定庚午。毀于兵。前守嚴陵方君逢辰。遷之稍西。垂成而去。其為君代。相遇於上饒。君語及斯堂。曰。瑞人之敬三賢也。如生。三年無所於祠。意閤閤焉。予是以亟新之也。然塗墍未畢。像設未脩。子其成之。成則為之記。其至郡。既奉君之教。遂率諸生釋菜禮。而君書三至。論記之成。其不得辭。夫瑞為

通其
時其
之江
亦號
瑞西
院云

郡。號江西道院。然在汴京盛時尚遠小。故余蘇二公皆以謫至。淳熙間。郡去今行在所為近。而楊公江西人。雖自蓬監出守。殊不薄淮陽也。地一而時不同。又守郡者與他謫異。然瑞人矜而相語。集曰。吾郡以三賢重。余公坐黨范文正。蘇公坐救其兄東坡先生。後又以執政坐元祐黨。楊公坐爭張魏公配享事。使此三賢者皆無所坐。安得辱臨吾土。噫。甚矣瑞人之好是懿德也。然三賢所養。猶有可得而竊窺者乎。范公忤呂丞相而去也。未幾復用。前日相緣被斥者。以次名還。褒公自瑞徙秦。乃獨請嶺南復祿以歸。愈去愈遠。豈非所謂同其退不同其進者耶。蘇公世味素薄。其記東軒。謂顏氏簞瓢之樂。不可廢幾。而日與郡家收錙銖之利。曾不以為屈辱。異時再謫。三徙之餘。退老穎濱。杜門却掃。不怨不尤。使人之意也消。若楊公則肆意吟哦。筆墨淋漓。在郡自為一集。與疇昔道山羣賢文字之樂。無以異也。若三賢者。豈以損斥疎遠累其心哉。夫損斥疎遠不以累其心者。其流或至於儵然遠舉。超世遺俗。而三賢又不然。余公用於慶曆。

齊獻大
節流風
百世何
况沐其
遺澤者
乎公此
節與
清獻並
垂不朽

蘇公用於元祐。蹇蹇匪躬。皆在困蹟。流落之後。楊公當權。奸用事。屢召不起。報國丹心。竟以憂死。漂然古。人尸諫之風。嗚呼。此其所以爲三賢歟。錄前言之。吾知在瑞之時。樂天安土。錄後言之。吾知在瑞之時。乃心罔不在王室。嗚呼。此其所以爲三賢歟。詩曰。高山仰止。景行行止。太史公曰。雖爲之執鞭所欣慕焉。瑞人之敬三賢也。又於此思之。當有以稱方君所爲。欲記斯堂之意。某於先正。無能爲役。

贛州重修清獻趙公祠堂記

三忠文選 卷四 忠烈

十四

郡所在。祠先賢之爲守者。守得祠以遺愛。然而百世之下。君子之澤有存焉者寡矣。而聞其風。爲之興起。尸而祝之。不謀同辭。識者於是上下世道而觀其大節焉。故叅知政事贈太子少師清獻趙公抃。歷事仁宗。英宗。神宗。以忠亮純直。爲時名臣。公嘗治虔治益。治杭治越。其政本之以清。淡。行之以簡。易。寬不爲弛。嚴不爲殘。使在漢氏。課功第能。當不在循吏下。抑公所爲。大過人者。不寧惟是。當王安石變更祖宗法。海內騷動。廷臣唯諾趨走。莫敢後先。獨與司馬文正光。

范忠文鎮唐質肅介。領領爭論。不少假借。至上疏言。財利於事爲輕。民心得失爲重。不罷青苗。使者非宗社之福。公卒去位。小人相繼用事。濁亂天經。孽牙禍根。荆舒之罪。穢汙簡冊。如有一个臣。斷斷無他技。中原遺老。炳然元龜。天下後世。感奮追想。猶稟有生氣。嗚呼。此其所謂大節。開繫於世道。治亂升降。而不可誣也。咸淳六年。知贛州大宗丞番陽李侯雷應。以公嘗辱爲是邦。始至。訪公祠所在。郡治故有祠。與濂溪並。自濂溪移祀于學。前守陳公宗禮。始建公廟。

三忠文選 卷四 忠烈

十五

于城之東偏。歲時妥侑。習爲故常。屋敝且壓。神不顧享。侯慨然曰。是不可憚改。會歲豐。人和。庭無微。於是棟楹欄檻之腐敗。撓折者。鋸斲升。履之疎漏。漉湯者。神位祭器之缺失。不如禮者。所費儉約。一日新美。又更爲之門。俯臨大衢。非徒侈觀。使過者敬恭焉。明年夏五落成。侯時已除湘南。屬獄使者。將行走書屬。某記之。某惟吏道苟且。逐末忘本久矣。侯之先公忠清。有風裁於世。侯得之見聞。獨能尊事文獻。景行光哲。示邦人以繹教思。其淵源有自來哉。清獻距今二。

百餘年。贛石公所鑿也。章貢臺公所創也。公之事遠矣。而其山川猶有衣被其餘者。贛人之思之曰。公生而德澤在吾上。公之賜也。公死而典刑在吾土。公之賜也。嗚呼。公之在熙寧也。當時小人號爲得志。富貴漸盡。終歸無有。贛何地也。而公祠在焉。後公而爲贛者。相望亦豈無可以繫去思者。而公之祠歸然靈光。何其懿也。嗚呼。士大夫之於當世。其大節可不謹哉。可不謹哉。

贛州重修嘉濟廟記

王忠文選 卷四 忠烈

十六

今天子咸淳六祀。大宗丞權侍左郎官李雷應。被旨知贛州。贛地大而俗囂。民衆而田狹。俗囂故易以譟。田狹故易以饑。侯未至以爲難。既至以爲憂。乃七月下車。膏雨霑流。嘉氣全集。民聲太和。四郊以寧。侯悅。莫喻所從來也。百姓歌之曰。我土淝淝。黍稷芄芄。孰啓我侯。我神之功。我氓蚩蚩。牛犢熙熙。孰相我侯。我神之威。侯驚召父老進而問故。曰。是何神也。父老相率告於庭曰。州之東有廟曰嘉濟。自秦漢血食至今。我民司命。匪神其孰尸之。侯憮然曰。我何以得此於

神哉。抑神實德我。其有不致力於神。迺肅遵豆。乃繁牲粢。晨起詣廟。以謝以祈。既竣事。周視庭宇。不遑于寧。始建議營度。刊木于厓。浮竹于津。厥材既堅。厥工惟時。植圯支仆。撤去庫陋。傭力奔走。咸勸於事。堂皇言言。廊廡嚴嚴。有門秩然。有亭翼然。於是神位具脩。王宮皇皇。袞冕裳衣。祠既畢。則以其餘修通達。以便來游者。葺二浮梁。以便絕江者。錢奇二百萬。粟奇二百碩。悉出侯所節縮。故役成而人不知。明年四月。侯除荆湖南路提點刑獄。未行。粟米在市。蠶麥滿野。

三忠文選 卷四 忠烈

十七

雞犬相聞。達於嶺表。訖侯去。視始至如一日焉。百姓復歌之曰。奕奕廟貌。我侯新之。侯爲我民。匪神是私。田有稻粱。野無干戈。微侯之賜。胡以室家。屢舞僛僛。伐鼓淵淵。何以報侯。萬有千年。予時臥山中。州從事具本末來屬予言其事。予按祭法。能禦大菑則祀之。能捍大患則祀之。神之爲靈。昭昭矣。謹序次下方。納諸廟門爲記。

贛州興國縣安湖書院記

興國縣夫子廟。在治之北門。縣六鄉。其五鄉之人

來游來歌。被服儒雅。東二百里曰衣錦鄉。其民生長。斗絕險塞。或爲龍蛇。瀆于邦經。有司毚勉。以惠文從。事咸淳八年。宣教郎臨川何時來爲宰。憫然曰。使人不可化。則性命之道熄矣。顧邑校曠。越不克施。乃夏四月。卽其地得山水之勝。議建書堂。以風來學。召其豪長。率勵執事。堂庭畢設。講肄有位。彙試館下。錄爲生員。凡二十八人。又拔其望四人爲之長。冬十月。令率諸生。以牲帛薦於先聖先師。樽俎旗章。等威孔嚴。環觀愕眙。屏息胥忤。鰥老婦子。轉相傳呼。然後翕然。

三忠文選

卷四

忠烈

十八

以儒者爲重。令曰。吾教可行矣。載命胥正。秩其比伍。家使有塾。人使有師。如黨庠術序之意。置進學日記。令躬課其凡。督以無怠。又上諸府。改其鄉曰儒學。植之風聲。於是山長谷荒。人是用勸。咸願進嚮文事。率繇訓程。傳曰。天地之道。浸言化以漸也。風俗之積。幾千百年。而令一朝變之。固若是速歟。其惟國家五星聚奎。實開文明。皇祖制詔天下州縣立學。所在表章儒先。復創書院。三代以下。斯彬彬焉。先民有言。地氣自北而南。粵惟衣冠正朔。啓我吳會。自江以南。悉

爲鄒魯。今也遐荒陋僻。沐浴教思。如狂得瘳。如述得呼。王澤之滲漉日深。地氣之推移日至。此豈偶然之故哉。予於今爲同年進士。適守是州。今奉天子明訓。以字民爲職。能廣學愛。宣德化。是爲不辱威命。將上其事於朝。復諭之諸生曰。昔有文翁興學於蜀。受業博士。時則張叔學官弟子。畏而懷之。彼何人哉。叔兮。叔兮。又進諸生之長。諭之曰。昔有文公設教於潮。潮人趙德。以士見招。維文與行。倡於齊民。其則不遠。德哉。若人。諸生拱而前曰。某等幸生明世。惟師帥不鄙。

三忠文選

卷四

忠烈

十九

夷之俾。獲有聞。雖不敏。敢不受教。請刻諸石。以詒百世。書院之制。前爲燕居。植以杏壇。旁爲堂。左先賢祠。祠後爲直舍。繚齋以廡。不侈不隘。臨溪爲之門。堂名紫矩。齋名篤志。求敏明。辨主善。率性成德。其門總曰安湖書院。某山中所題云。

衡州上元記

歲正月十五。衡州張燈火合樂。宴憲若舍于庭。州之士女。傾城來觀。或累數舍。竭蹶而至。凡公府俱張所在。聽其往來。一無所禁。蓋習俗然也。咸淳十年。吏部

侯主是州予適忝陳臬事。常平以王事詣長沙會
改除。於是侯與予爲客主禮。是晚予從城南竟城東
夾道觀者如堵。入州從者殆不得行。既就席。左右極
及階。階及門。駢肩累足。舐舐如魚頭。其聲如風雨潮
洑。咫尺音吐不相辨。侑者集三而之人。趨而前執事。
幾不可曲折。酒五行。升車詣東廳。廳之後稍偏爲燕
坐。俎豆設焉。主人既肅賓。車不得御。乃步入燕坐之
次。至。兒童婦女雜襲而爭先。男子冠以上往往引去。
及獻酬。州民爲百戲之舞。擊鼓吹笛。翻班而前。或蒙
三忠文選 卷四 忠烈 三十
俱焉。極其俚野以爲樂。游者亦自外至。不可復次序。
婦女有老而禿者。有羸無齒者。有僂僂而相携者。冠
者。髻者。有盛塗澤者。有無髻者。有携兒者。有負在手
者。有任在肩者。有嘔乳者。有睡者。有睡且蘇者。有啼
者。有啼不止者。有兒弁髦者。有爲總角者。有解后
敘契闊者。有自相笑語者。有甲笑乙者。有傾堂笑者。
有無所觀隨人笑者。蹠者。倚者。走者。趨者。相牽者。相
扶擊者。以力相拒觸者。有醉者。有劬者。咳者。唾者。噎
者。欠伸者。汗且扇者。有正簪珥者。有整冠者。有理裳

結襪者。有履闕者。有倚屏者。有攀檻者。有執燭跛惟
恐墮者。有酒半去者。有方來者。有至席微者。兒童有
各隨其親且長者。有無所隨而自至者。立者。半坐於
地者。有半坐枕下者。有環客主者。有坐復立者。有立
復坐者。視婦女之數。多寡相當。蓋自數月之孩以至
七八十之老。靡不有焉。其望於燕坐之門外。趨起而
不及近者。又不知其幾千計也。當是時。舞者如獸之
奔。狂之呼。不知其幾也。觀者如立通都大衢。與俳優
上下。不知其肆也。予與侯頽然其間。如爲家人之長
主忠文選 卷四 忠烈 三十
坐於堂。而驕兒駭女充斥其間。不知其偏也。予起而
舉酒祝侯曰。以平易近民而民近之。豈弟父母。侯之
謂矣。侯醺且執爵前曰。惟使者使民不冤。無淫鬱天
和。我是以大有民。予避且謝。則復諸侯曰。使時和歲
豐。日星明。概舉海內得以安其生而樂其時。衡與賜
焉。維天子之功。臣等何力之有。侯拱而立。侯蜀人也。
因與予言益州承平時。元夕宴遊其風流所親見。蓋
出於祖宗德澤天地涵育之久。而今不可復得矣。予
愍然私念之。開慶景定間。衡以中州不得免於難。今

城郭室廬公私文物。猶草創綿綿云爾。然以幾世幾年所爲郡。而十數年間。卒然修復。得其大體。非國家忠厚積累於民力愛養有素。豈望如今所成立哉。蜀自秦以來。更千餘年。無大兵革。至於本朝。後繁鉅麗。遂甲於天下。不幸蕩析。若鬼神之忌盈者。今衡之民。務本而勤力。歲時一觀游之外。衣食其耕系。儉而不泰。風氣淳厚。猶南方建德之國。其將進而未已者乎。予爲親懷歸。得郡且行。侯選表於朝。有日矣。惟一時民物之樂。得於目擊。相與嗟嘆。闕絕而欣喜不賦于主忠文選卷四忠烈

心者。不當無所紀。且懼夫可愛可愕之狀。俯仰蹉跌。忽不可以復追也。燕之明日。亟奮筆記之。以庶幾觀風之意。且使後來者。於侯政有考焉。侯名遇。今居延平。

半用韓文公畫記體。而奇恣勝之。總錄其胸中糕

雷州十賢堂記
國朝自天禧。輒興迄建炎。紹興百五十年間。君子小人消長之故。凡三大節目。於雷州無不與焉。按雷志。

前據志
崇敘所
至人
至此乃
云韓氏
氏章氏
然

丞相寇公準以司戶至。丁謂以崖州司戶至。紹聖後。端明翰林學士蘇公軾。正言任公伯雨。以渡海至。門下侍郎蘇公轍。以散官至。蘇門下正字秦公觀至。樞密王公巖叟。雖未嘗至。而追授別駕。猶至也。未幾。章惇亦至。其後丞相李公綱。丞相趙公鼎。參政李公光。樞密院編修官胡公銓。皆錄是之瓊之儋之崖。正邪一勝一負。世道以之爲軒輊。雷視中州爲遠。且小而世道之會。乃於是觀焉。我度皇之九年。詔大府寺簿虞侯應龍知雷州。侯雍公會孫有文學。凡登朝。主忠文選卷四忠烈

此明人
仍不放
逐筆下
海則也

海則也。此。事。上。配。帝。王。非。漢。唐。所。及。雖。施。之。姦。回。容。有。傷。惠。而。賢。者。失。路。靡。不。獲。全。祈。天。永。命。萬。有。斯。年。噫。嘻。盛。德。事。也。祠。經。始。于。十。年。九。月。十。月。吉。日。落。成。侯。謂。予。同。館。走。書。數。千。里。至。頓。屬。予。記。予。不。敏。敘。其。凡。復。爲。迎。送。神。辭。使。祀。則。歌。之。辭。曰。颶。風。起。兮。雲。黃。萬。里。兮。故。鄉。桃。菊。兮。祓。不。祥。何。懷。乎。斯。宇。兮。惟。獨。有。此。衆。芳。海。可。竭。兮。神。不。可。忘。五。嶽。爲。質。兮。三。辰。爲。光。保。我。有。國。兮。萬。年。其。昌。

雷州重建譙樓記

三忠文選 卷四 忠烈

三

凡。並。海。而。爲。州。皆。有。颶。風。而。雷。爲。甚。中。州。多。山。地。氣。固。密。城。郭。公。府。苟。非。水。火。兵。革。之。難。雖。累。數。千。百。年。存。焉。可。也。南。方。歲。有。颶。風。拔。大。木。蜚。大。屋。以。爲。常。矧。雷。三。面。際。海。常。風。之。衝。豈。獨。城。樓。難。哉。太。史。氏。虞。侯。應。龍。來。爲。守。是。爲。咸。淳。十。年。六。月。十。有。二。日。夜。半。颶。風。作。厥。明。視。之。譙。壓。而。城。壞。方。風。之。來。也。其。聲。如。虹。有。蜚。氣。如。樓。臺。及。其。歛。霍。凌。轢。訇。哮。撞。搪。其。聲。不。可。名。狀。侯。曰。斯。樓。郡。以。晝。夜。者。非。大。且。壯。無。以。支。永。久。乃。筏。鉅。材。鳩。工。並。興。設。爲。巍。哉。下。臨。鯨。波。子。聞。而。撫。

然。曰。天。下。猶。海。也。世。變。猶。風。也。昔。人。有。言。大。厦。非。一。木。可。支。又。曰。震。風。凌。雨。而。後。知。厦。屋。之。帡。幪。也。侯。所。建。立。有。安。天。下。之。道。焉。侯。之。爲。雷。也。寬。而。有。制。嚴。而。不。暴。始。至。蒐。軍。明。律。戮。澤。中。爲。龍。蛇。者。獄。有。三。年。淹。破。其。貨。內。者。覈。丁。籍。實。民。賦。老。壯。以。時。富。貧。有。經。又。爲。之。表。賢。哲。興。學。校。開。其。倫。常。示。人。有。耻。陶。爲。清。淳。訟。是。用。希。凡。此。皆。侯。所。爲。反。風。徙。鱷。之。本。也。天。子。聖。神。文。武。克。有。天。命。祝。融。受。職。海。若。順。令。侯。爲。政。知。所。本。价。人。維。藩。式。是。南。邦。城。樓。云。乎。哉。

三忠文選 卷四 忠烈

三

宋文忠烈先生文選卷之五

序

金匱歌序

金匱歌者鄉前輩王君良叔之秘醫方也。初良叔以儒著。涉獵醫書。不欲以一家名。一日遇病者數十輩。同一證。醫者曰。此證陰也。其用某藥無疑。數人者駢死。醫者猶不變。良叔曰。是證其必他有以合。少更之。遂服陽證藥。自是皆更生焉。良叔寬前者之死也。遂發念取諸醫書。研精探索。如其爲學。然久之無不通。王忠文選卷五忠烈

實辨證察脉造神入妙如庖丁解牛。偃僂承調。因自選爲方劑。括爲歌詩。草紙蠅字。連帙累牘。以遺其後。入曰。吾平生精神盡在此矣。其子季浩。以是爲名醫。其孫庭舉。蚤刻志文學。中年始取其所藏讀之。今醫遂多奇中。一日出是編。予然後知庭舉父子之有名於人。其源委蓋有所自來矣。天下豈有無本之學哉。世道不淑。清淳之時少。垂戾之時多。人有形氣之私。不能免於疾。世無和扁。寄命於嘗試之醫。斯人無辜。同於巖墻桎梏之歸者。何可勝數。齊高彊曰。三折肱

知爲良醫。楚辭曰。九折臂而成醫。言屢嘗而後知也。

曲禮曰。醫不三世。不服其藥。言嘗之久而後可信也。

人命非細事。言醫者類致謹如此。然則良叔齊楚人所云醫也。若庭舉承三世之澤。其得不謂之善醫矣。

予因謂庭舉曰。凡物之精。造物者秘之。幸而得之者。不敢輕。然其久未有不發。周公金縢之匱。兄弟之

秘情也。至成王時而發。藝祖金匱之誓。母子之秘言也。至太宗時而發。君所謂金匱歌者。雖一家小道。然

祖宗之藏本。以爲家傳世守之寶。其爲秘一也。子之

三忠文選卷五忠烈

發之也。以其時考之。則可矣。庭舉曰。大哉斯言。予祖

之澤。百世可以及人。予爲子孫不能表章先志。恐久

遂沈泯。上貽先人羞。敢不承教。以廣之於人。予嘉庭

舉之用心。因爲序其本末如此。良叔諱朝弼。季浩諱

淵。庭舉名槐云。

每下一語。便欲千古。

趙維城洗冤錄序

漢法殺人者死。我國家式敬繇獄。尤於人命重致意

焉。情法輕重。相去一毛。轉移蔽欺。其謬千里。吾儒坐

三忠文選

卷五

忠烈

忠孝提綱序

洋洋滔滔。日夜無聲。水之常也。至於有觸之鳴。風激之爲濺。則水之所遭。拂乎常矣。爲臣忠。爲子孝。出於夫人之內心。有不待學而知。勉而行者。古之人都命吁咈。定省溫清。行乎忠孝之實。而不必以名知於人。此人道之自然也。若夫處時之變。遭事之不幸。始有不得已而忠孝之名歸焉。則亦有可憫者矣。帝齊郭君某。有感於忠孝之事。旣取古人之大節。分而爲之書。又裒皇朝事爲後卷。君之用心。所謂先立其大。

二語便
足先生
一生行
狀

者吾讀其書。蓋世變存焉。非徒纂集之末而已。抑有
願與君講者。率土之濱。莫非王臣。守孰爲大。守身爲
大。士君子之於天下。固不必食君之祿。而後爲忠親
存。而後爲孝也。語曰。仁以爲己任。死而後已。義理之
貴庸有既乎。君更以是推廣其說。使人人知忠孝之
爲切己事。常也。由其道變也不失其節。則於世教豈
曰小補之哉。

新淦曾叔仁義約籍序

財利在天地間爲義理之賊三代以下選舉不以德

行。則士雖爲聖賢。猶將

時行道之發軔也。然士方窮時。驟得一舉。屬有千里之役。無所取資。不得已俛首屈意。以爲此之求。是不待仕固已賊其心矣。此義約之所以不可廢也。予至新淦。親黨曾君叔仁。出其所謂青雲約。魁星約者。其爲約視他郡。特有寓公助送之例。可以觀是邦之風矣。吾黨之士。凡與斯籍。名薦書。走在所居者。無深責行者。無後顧。昌其氣。以從事於文。蹇蹇諤諤。奉天子之對。由此培植。爲他日賢公卿大夫。殆此籍有

然則區區周急義之末者耳其於人才有關係則於後之世道不為無益其為義不亦大哉

送隆興鄒道士序

新吳昭德觀或傳西晉劉仙人飛昇之地其觀前井猶仙人時丹井也今鄒高士居其觀亦以陳丹名或曰高士仙人之徒與予詰其所以為丹則高士之丹非仙人之丹也仙人之所謂丹求飛昇也高士之所謂丹求伐病也仙人之心狹於成己高士之心溥於濟人且夫兼人已為一致合體用為一原吾儒所以

三忠文選卷五忠烈

送彭叔英序

彭叔英以秀才精躋度推予命謂剛星居多意若他日可為國家當一面者巽齋歐陽先生以三命折之具為之說與叔英辨予命叔英既錯下一算又累先生齒頰顧區區何足以當之抑叔英所以許予謂主命得火行限得金字羅計故至有主殺伐等語雖然

宋意亦

然榮辱

之在吾

一身者

可與命

在天也

安危之

在國運

民瘼者

不可聽

命于天

必泰化

命而宜

命伊何

入哉

此以論項籍關羽放曹擒虎之流則可而世固有不必如此而為名將帥者矣非叔英之所知也予獨以

為陰陽大化細縕磅礴人得之以生其為性不出乎

剛柔而變化氣質則在學力如叔英之說某星主剛

某星主柔得剛者必不能柔得柔者必不能剛則是

學力全無所施而一切聽於天命聖賢論性等書俱

可廢也子性或謂稍剛殆柳子所謂奇偏者凜焉朝

夕惟克治矯揉懼陷於惡敢以命為一定不易之歸

乎叔英慨然曰子言命君言性命之矣抑子所以為

三忠文選卷五忠烈

六

君言者自謂不誣士固各有志子之志願聞所向請

轉與巽齋直之昔諸葛孔明與石廣元徐元直孟公

威遊學荊州嘗曰卿三人仕進可至郡守刺史三人

問其所志孔明笑而不言子非孔明也子之志豈叔

英得窺哉

贈林梅所序

何所無花屈擅蘭陶擅菊林擅梅以若而定所然古者以功為地之封建後世以文為花之具建蘭之騷陶之辭林之詩皆有功於花是故花托於詩文而後

得其所以噫。九畹三徑。今無復存。林之孫義獨能世襲孤山。與花周旋。所謂居其所而不遷者。君克拓門庭於詩道益進。豈惟克有其土地。抑亦光昭其先君之功。懋哉懋哉。

贈曹子政劍客序

江西劍客。吾鄉曹子政。筭命標榜也。予曰。子卜也。而取劍何居。曰。世人賣卜。事詣媚。捐苦口。皇皇於衣食之末。子恨其道之不直也。如是而福。如是而禍。一無所回護。故子剛者之爲也。予言必剛者而後能聽劍。

三忠文選

卷五

忠烈

七

是以得名。予曰。噫。嘻。昔人有學字者。觀公孫大娘舞劍而神。劍無與於字。而迴翔起仆之間。乃足以相發。今子雖爲卜。而有取於劍之剛者。亦詎曰不宜哉。或曰。然則是腹劍也。予曰。惡。是何言。子政豈口如蜜者耶。或人語塞。因書以遺之。

贈山人黃煥甫序

黃景文煥甫。乃祖顧風水名術也。予里大家祖地多出其手。而煥甫以術世其家。前十三四年。予嘗以詩送之。又數年。覺煥甫小異。亟取詩更其辭。而實未深

知煥甫也。煥甫遊從日以密。講辨日以多。今也而後。徂其胸中之所存。果有大異乎時人者。噫。知煥甫晚矣。煥甫嘗與子上下阡隴。凡子動心駭目。以爲奇詭雄甚。輒掉頭不謂然。至淡然平夷。湧不起人意。往往稱不容口。予始甚訝之。久而服其爲名言也。大槩煥甫之術。以爲崇岡複嶺。則傷於急。平原曠野。則病於散。觀其變化。審其融結。意則取其靜。勢則取其和。地是在是矣。舍是而求地。亦固有之。而非煥甫之所謂地也。山人之獻地者。日至吾門。予使煥甫往觀。常不滿一笑。煥甫曠數年。始獻一地。所獻真如其說。予爲山人所欺者多矣。若煥甫真不欺我者。惜也。煥甫汲汲餬口。以奔走於四方。以予之近且久。幾不相知。卒然一見。使人愛其術而不疑。斯亦難矣。予嘗謂能爲煥甫百指計。使煥甫安居一年。必能時發天地之藏。以俟子欣然而不厭。予方炎石山中。計必不能及此。姑遂其說。庶幾有因子而信煥甫。煥甫必能出所學以教所知。是楚人亡弓。楚人得之。予又何幸焉。

贈仰顛峯拆字序

三忠文選

卷五

忠烈

八

顛峯仰宗臣。以拆字之術行京師。諸公贈言。陳往驗。甚悉。予未卽信。試之且數年。每言輒酬。奇矣哉。予問顛峯曰。禍福將至。必先知之。吾聖人則有教矣。就字而言。字心畫也。得於心。應於手。夫固動乎四體之一也。由此而推。資稟之強弱。操術之正邪。生死壽夭貧賤富貴之理。於其字畫之大體。而夫人之平生可一言而盡。是則予固能知之。今夫卒然而遇人曰。請所欲書。夫人者。亦倘然應之。曾不經意。而子於其偏旁上下之間。細繹解說。曰某宜禍。某宜福。則其臨書之際。豈亦有鬼神壓乎其上。誘其中而運之肘腋。不然。字而字耳。何靈之有。顛峯曰。未也。天下禍福之占。于其動而已。木之榮枯。康節不能索之於其靜。一葉之墜。筭法生焉。世人見墜葉多矣。誰知大化寄此。取末子之觀字也。于其心。予之觀字也。于其心之動。是法也。得之其人。其人誠勿言。君退思之。予推其理。不可得。而又動於顛峯之異。則思夫聖人之於事。其存而弗論者不少矣。相視一笑。就用其言贈焉。

送僧了微序

比丘而
崇夫子
先生承
與之世
固有事
而事
何耶

萬安僧了微。丙辰年來謁。示予以夫子像。予初怪之。與之語。彷彿儒者氣象。問諸公賞音。則知其能爲詩。能讀先儒語錄。又能築讀書堂。以與邑之逢掖者處。而後嘉其來意之有以也。越五年。予至其宮。求其所謂讀書堂者觀之。則方哀縉欽材。召審曲面勢者而商度焉。因知諸公所以亟稱之者。書其也。敬師之。竟就是役者。志之不忘也。自佛入中國。其徒牢護其說。遂與儒者之教並立於天下。大顛止於海上。韓公屈與之交。當時羈窮寂寞之餘。以其聰明識道理。姑三忠文選卷五忠烈

三忠文選卷五忠烈

十

與之委曲於人情世故之內。其於變化其氣質。移易其心志。懷除其師之教。未必有焉。以今敬觀之。則其崛起于浮屠之中。而若有得于聖賢君子之說。凡精業勤行以學韓之學者。又與之周旋一室。以上下於其間。其爲聰明識道理也多矣。陳良楚產也。悅周公仲尼之道。北學於中國。孟子推爲豪傑。然則敬師非僧之豪傑也歟。

吉水縣永昌鄉義役序

吉水縣永昌鄉某都。建義役。復淳熙成規也。予同升

陳若其既爲序。則貽書於予曰。願贊一言。使鄉黨鄰里有所憑依。且庶幾徼福於君之筆。俾勿壞。予懼不敢當。以其爲義。設不得辭。嗚呼。義役之不行。而差役之紛紛。何甚也。民無以相友助。扶持。乙曰。甲當役。甲推之乙。乙復曰。甲展轉而聽命於長民者之一語。將則有權在于官。官無以自爲也。鴈鴛行。鉗紙尾而進。曰。某宜差。某有以私其人。則改曰。宜某。時則有權在于吏。一方之版籍。吏胥主之。高下其手。紊於多寡之實。時則有權在于鄉胥。閭閻之間。紛爭之微。桀黠者乘間而起。告訐因之。而差法以亂。時則有權在於姦民。受役者有二三年迄無一事。有不幸而殺傷盜賊。麗於其境。不旋踵家破。時則有權在于天。今陳君與其鄉約曰。爾役月日若干。爾末減若干。爾費若干。至若干以上。助若干。一惟公是據。處之者無媿辭。承之者無拒色。是役之權。不在官。與吏。與鄉胥。與姦民。與適至之天。而在吾鄉里和氣間。義之用大矣。利外遠而無訟。仁也。使人知有遜讓禮也。不以資奸智也。盟而無敢先後信也。一舉而五常備焉。豈惟義哉。鄉

主忠文選

卷五

忠烈

十一

之長上。其申告子弟曰。如是而福。如是而禍。守約者久處。敗羣者交罰。使一守是法。永永無斂。則其於是邦之風俗。不爲無小助。噫。亦安能下其法於天下哉。役法之以意爲上下久矣。安得此言。日陳左右。

指南錄自序

予自吳門被命入衛。守獨松關。適王正二日。除浙西大制。撫領神臯。予辭尹。引帳兵二千人詣行在。日夕贊陳樞使宜中。謀遷三官分二王於閩廣。元夕後。予所部兵皆聚于富陽。朝廷擬除予江東西廣東西制。

主忠文選

卷五

忠烈

十一

置大使兼廣東經畧知廣州湖南策應大使。未及出命。陳樞使已去國。十九日大皇除予右丞相兼樞密使。都督諸路軍馬。時北兵駐高亭山。距修門三十里。是日虜帥卽引董叅政以兵屯樵木教場。城中兵將官紛紛自往納降。予欲召富陽兵入城。已不及事。三宮九廟。百萬生靈。立有魚肉之憂。會使轡交馳。北紂當國相見。諸執政侍從。聚于吳左丞相府。不知計所從出。交贊予一行。國事至此。予不得愛身。且意北尚可以口舌動也。二十日。至高亭山。詰虜帥前後失信。

虜帥辭屈。且謂決不動三宮九廟。決不擾京城百姓。留予營中。既而呂師孟來。予數罵其叔侄。愈不放還。賈餘慶者。逢迎賣國。乘風旨使代予位。於是北兵入城。所以誤吾國陷吾民者。講行無虛日。北知賣國非予所容也。相戒勿令文丞相知。未幾。賈餘慶吳堅謝堂家鉉翁劉昂。皆以府第爲祈請使。詣北方。蓋空我朝廷。北將甘心焉。二月八日。諸使登舟。忽北虜遣館伴逼予同往。予被逼脅。欲卽引決。又念未死以前。無非報國之日。姑隱忍就船。方在京時。富陽兵已退趨

三忠文選

卷五

忠烈

十一

等州。予俟間還軍。苦不自脫。至是欲從道途謀遁。亦不可得。至京口。留旬日。始得鹽商小舟。于二月晦夜走眞州。朔日。守苗再成相見。論時事。慷慨流涕。予致書兩淮間。合兵興復。苗贊之甚力。初三日早。制司大來。迺出文書。謂丞相爲賺城。欲不利於我。苗不以爲然。送予出門。勸奔淮西。予謂此北反間也。否則托辭以逐客也。李公仁人。使見予。必感動。遂之維揚。甫遭五十兵四騎從行。夜抵西門。欲待旦求見。呵衛嚴密。鼓角悲慘。杜架閣謂李公必不可見。徒爲矢石所

陷。不如渡海歸從王室。予然之。自是日夜奔南。出入北衝。犯萬萬死。道途苦難。不可勝述。嗚呼。予之得至淮也。使予與兩淮合。北虜懸軍深入。犯兵家大忌。可以計擒。江南一舉而遂定也。天時不齊。人事好乖。一夫頓困不足道。而國事不競。哀哉。予至通。聞二王建元帥府於永嘉。陳樞使張少保世傑。方以李郭之事爲已任。狼狽憔悴之餘。喜不自制。跋涉鯨波。將躡屨以從。意者天之所以窮餓困乏而拂亂之者。其將有所俟乎。德祐二年閏月日。廬陵文天祥自序。

三忠文選

卷五

忠烈

十四

後序

德祐二年二月十九日。予除右丞相兼樞密使都督諸路軍馬。時北兵已迫修門外。戰守遷皆不及施。縉紳大夫士。萃於左丞相府。莫知計所出。會使輒交馳。北邀當國者相見。衆謂予一行。爲可以紓禍。國事至此。予不得愛身。意北亦尚可以口舌動也。初奉使往來。無留北者。予更欲一覲北。歸而求救國之策。于是辭相印不拜。翌日。以資政殿學士行。初至北營。抗辭慷慨。上下頗驚動。北亦不敢遽輕吾國。不幸呂師孟

稱惡于前。賈餘慶獻諂於後。予羈縻不得還。國事遂不可收拾。予自處不得脫。則面前詭虜帥失信。數呂師孟叔侄爲逆。但欲求死。不復顧利害。北雖貌敬。實則憤怒。二貴酋名曰館伴。夜則以兵圍所寓舍。而予不得歸矣。未幾。賈餘慶等以祈請使詣北。北驅予并往。而不在使者之日。予分當引決。然而隱忍以行。昔人云。將以有爲也。至京口。得聞奔真州。卽具以北虛實告東西二閫。約以連兵大舉。中興機會。庶幾在此。留二日。維揚帥下逐客之令。不得已變姓名。詭蹤跡。

三忠文選

卷五

五

草行露宿。日與北騎相出沒於長淮間。窮餓無聊。追購又急。天高地迥。號呼靡及。已而得舟。避渚洲。出北海。然後渡揚子江。入蘇州洋。展轉四明天台。以至於永嘉。嗚呼。予之及於死者。不知其幾矣。詆大酋當死。罵逆賊當死。與貴酋處二十日。爭曲直。屢當死。去京口。挾匕首以備不測。幾自頸死。經北艦十餘里。爲巡船所物色。幾從魚腹死。真州逐之城門外。幾傍徨死。如揚州過瓜洲。揚子橋。竟使遇哨。無不死。揚州城下。進退不由。殆例送死。坐桂公塘土圍中。騎數千過其

門。幾落賊手死。賈家庄幾爲巡徼所陵迫死。至高郵。迷失道。幾陷死。質明避哨竹林中。邏者數十騎。幾無所逃死。至高郵。制府檄下。幾以捕係死。行城子河。出入亂屍中。舟與哨相後先。幾邂逅死。至海陵。如高沙。常恐無辜死。道海安如阜凡三百里。北與寇往來其間。無日而非可死。至通州。幾以不納死。以小舟涉鯨波。出無可奈何。而死固付之度外矣。嗚呼。死生晝夜事也。死而死矣。而境界危惡。層見錯出。非人世所堪。痛定思痛。痛何如哉。予在患難中。間以詩記所遭。今

三忠文選

卷五

十六

存其本不忍廢。道中手自抄錄。使北營留北關外。爲一卷。發北關。外歷吳門。毗陵。渡瓜洲。復還京口。爲一卷。脫京口。趣真州。揚州。高郵。泰州。通州。爲一卷。自海道至永嘉。來三山。爲一卷。將藏之于家。使來者讀之。悲予志焉。嗚呼。予之生也幸。而幸生也何爲。所求乎爲臣。主辱臣死。有餘僂。所求乎爲子。以父母之遺體行殆而死。有餘責。將請罪於君。君不許。請罪於母。母不許。請罪於先人之墓。生無以救國難。死猶爲厲鬼。以擊賊。義也。賴天之靈。宗廟之福。修我戈矛。從王于

師以爲前驅。雪九廟之恥。復高祖之業。所謂誓不與賊俱生。所謂鞠躬盡力死而後已。亦義也。嗟夫。若予者。將無往而不得死所矣。向也使予委骨於艸莽。予雖浩然無所愧作。然微以自文於君親。君親其謂予何。誠不自意返吾衣冠。重見日月。使旦夕得正丘首。復何憾哉。復何憾哉。是年夏五。改元景炎。廬陵文天祥自序其詩名曰指南錄。

題跋

敬書先人題洞岩觀遺墨後

按先君作此詩時。天祥甫七歲。後十五年。知觀任道士始摹本以來。又越三年。以次道士米山月。復爲軸以相遺。維先君子天韻冲逸。神精簡曠。使一日脫人事之累。黃冠野服。逍遙林下。真所甘心焉。爲予不德。使先志不獲。遂捧軸却立。爲之泫然。

跋曾子美萬言書藁

名士傳

菊坡天人。文溪菊坡樣人。菊坡不可作已。願見文溪。

主忠文選卷五 忠烈

五仙。如在天上。寶辰夏五。集英殿賜某等進士策。入局一日。同年曾兄子美來訪。議論慷慨。知非凡人。其所宗。則傳菊坡法衣。密文溪講席者也。當布衣時。春宮一疏。已能發菊坡之所欲言。他日爲天子御史。直氣凜凜。必能赤文溪幟。悠悠風塵。安得若人。寶祐丙辰書于期集所。

跋劉翠微罪言藁

崔子作亂於齊。太史以直筆死。其弟嗣書而死者二人。書者又不輟。遂舍之。崔子豈能舍書已者哉。人心。

是非之天終不可奪。而亂臣賊子之暴亦遂以窮。當
檜用事時。受密旨。以私意行乎國中。策弄威福之柄。
以鉗制人之七情。而杜其口。朝公以封事貶。王公送
之詩。陳公送之啓。俱貶。檜之窮凶極惡。自謂其誰何
者矣。而翠微劉公。猶作罪言以顯刺之。公固自處以
有罪。而檜卒無以加于公。噫。彼豈舍公哉。當其垂沒。
此一時不附和議者。猶將甘心焉。公之罪言直未見。
爾。由此觀之。賊檜之逆。猶浮于崔。而公得爲太史公
之最後者。祖宗教化之深。人心義理之正。檜獨如之。
王忠文達卷五忠烈 十九

何哉。公之孫方大。出遺藁示予。因感而書。

引喻危切

跋誠齋錦江文藁

知瑞州日作

誠齋當淳熙之年。以少蓬出守。距今七十有七年矣。
其他日嘗讀道院集。見所品題甚多。及來此。則先生
一字之跡無復存者。惟亭閣尚留其名。而屋亦化爲
烏有矣。有則歛歛老歷。亦未知其爲當時屋否也。一
日得先生錦江尺牘一帙。大率吏楷。而爲先生手筆
者四。其三蓋在郡時作。其一作於還朝以後。而附錄

帙尾者。典刑遠矣。於此尚庶幾見之。嗚呼。庚申一變。
瑞之文物。煨燼十九。修復以來。得十年間殘編斷簡。
不啻足矣。而況出於七十年之前者乎。且方其文物
具備之時。此帙非郡之所得。有收拾散亡之餘。乃能
有前日之所未嘗有。斯不謂之益奇矣哉。既勒諸石。
書以識之。

跋李世修藏累科狀元帖

國朝踰三百年。所謂進士第一者。何止百數。披圖而
觀。其如何。其如何。夫人得而知之。李君世修。先世多
三忠文達卷五忠烈 二十

與其顯者游。今其家藏墨蹟。僅十數紙。而其可愛。敬
可鑒戒者。已粲然可見。李君又欲廁予語于其間。不
知後之視予。又以爲何如也。嗚呼。是可不凜凜哉。

跋李龍庚殿策

三代以下無良法。取士者因仍科舉。不能變。士雖有
聖賢之資。倘非俯首時文。難曾奮之路。是以不得不
屑於從事。而所謂文藝。非其心之所甚安。故苟足
以訖事。則已矣。豐城李君。有文學。且評所尊稱。
晚乃屈就南廡。試名在第三。衆共惜之。門人好事者。

如是如

取君所對策刻諸梓。予得而讀之。君信能事矣。然自君言之。當時寸晷之筆。何啻芻狗。君姑借此脫韋布。蓋將有所行於時。而豈以是爲有餘哉。此非好事者之所得知也。君非碌碌。意積蓄必有深厚。故予獨探其心表而出之。

跋呂元吉先人介軒記後

巽齋先生曰。徂徠石先生名介。質肅唐公名介。鄭公俠字介夫。半山老入字介甫。凡有取乎介者。其人必可觀也。予嘗評之。徂徠之介爲孤峭。質肅之介爲直。

三忠文選

卷五

忠烈

三

方。鄭公之介爲敢決。荆公之介爲執拗。三公之介純。於天資。荆公之介雜。於客氣。介則一而。其所以介則不同也。予獨悲夫。強辨堅忍。虛名僞行。介甫以誤于其君。以厲于其時。至今天地易位。人極不立。皆此介之流也。徂徠不得爲諫官。唐公爭新法。不勝發憤死。鄭以一跌。碌碌州縣。不復能自振迅。介美德也。三公得其純。坎坷于當世。彼其角血氣之私。竊名譽之盛。而遺毒迨今日而未已。嗚呼。僞行之誤人而直道之難行久矣。呂元吉之先人名介軒。予不及識其人。竊

若昂題類以爲言。和而行。果色溫而氣剛。然則是介也。視前三君子有光焉。然君止於布衣。懷其耿耿。不見於用。則君之所遇。又爲不幸者。雖然。介在我。幸不幸在天。吾求無忤乎本心可矣。何物外之較。風氣淺薄。其能刻厲矯揉。以竊毅然丈夫之名者。已不多見。若夫以直自慙。而毀方爲圓。以就外物者多矣。外物卒不可得。而本心空自喪失。是則介軒之罪人也。元吉重念之哉。

當時尚少以荆公爲僞行者。信國以同鄉後輩而

三忠文選

卷五

忠烈

三

能爲此言。其識卓矣。

跋周蒼崖南嶽六圖

扶。欹植。傾。補。空。續。高。吾欲觀於嵩恒岱華。其放六合於秋毫也耶。

峭快

跋周一愚負母圖

已未之變。周君一愚。家於狗咬石之下。最先遇禍。君從其兄負母越溪以逃。妻子溺死。不能救也。事平。君爲圖紀其狀。諸公嘉其臨難識所輕重。褒之不絕。且

予謂人子之事其親不幸而處人事之變急所急而緩所輕本心之不能不爾其於天則益非有一毫之增益也一愚處此豈其欲以爲高哉正可悲耳嗚呼自狗咬石之失險江右之父母妻子離散不知幾千人覽君之圖豈獨爲其一家哭哉誰謀不臧一至於此昔魏陵繪襄樊之戰爲于禁屈伏龐德怒罵之狀將耻禁也彼禁敗事者見之宜發憤以死然龐憤憤就殞使其骨肉見其畫像尚復何忍若此圖一開卷當一流涕母爲自苦子將請乞轉示前之玩敵抽成

三忠文選

卷五

忠烈

三

者使誤國者死有餘愧而君其庶少寬乎

跋周汝明白鳴集

天下之鳴多矣鶩鶩鳳鳴雖離鳳鳴啾啾鷄鳴嘒嘒蟬鳴呦呦鹿鳴蕭蕭馬鳴無不善鳴者而彼此不能相爲各一其性也其於詩亦然鮑謝自鮑謝李杜自李杜歐蘇自歐蘇陳黃自陳黃鮑謝之不能爲李杜猶歐蘇之不能爲陳黃也吾鄉周君性初善爲詩署其集曰自鳴予讀之能知其激揚變動音節之可愛而已予亦好吟者然予能爲予之言使子髣髴性初

一語不可得也予以予鳴性初以性初鳴此之謂自鳴雖然凡音生於人心其所以鳴則固同矣

跋番易徐應明梯雲帙

易之坎爲水爲雨爲雲而雲之象獨著於屯與需屯曰雲雷屯君子以經綸言陰陽始交而未暢猶世道方險阻之日時則君子奮其經綸有亨屯之道焉需曰雲上於天需君子以飲食宴樂言陰陽之氣交感而未成雨猶君子蓄其才德而未施于用時則君子養其氣體和其心志而居易以俟命焉易象雲者二一以爲君子用世之象一以爲君子樂天之象易於進退行藏之義各有攸當予聞之聖賢畏天命而悲人窮未嘗不遑遑於斯世然方其初也守其義不隨世而變晦其行不求知於人修其天爵無所怨懟一日達可行之天下正已物正而所性不存焉嗚呼聖賢非坐視民物之屯者而安於需者此則其道之所存也後之學古者宜可以觀矣讀豈華梯雲帙有感而書

跋彭和甫族譜

甫中有二蔡其一派君謨其一派京傳聞京子孫慚
京所爲與人言每自詭爲君謨後孝子慈孫之心固
不應爾亦以見世間羞耻事雖爲人後猶將愧之彭
和甫之派來自博士齊非玠後也今其譜牒併二族
爲一本爲君謨之後而引京以混之人情固大相遠
哉予聞晉沈勁耻其父陷於逆致死以滌之卒爲忠
義唐柳玢有言門地高者一事隆先訓則無異他人
是以修已不得不至諸公皆勸和甫以自立和甫而
祖玠猶當爲沈勁和甫而祖博士柳玢之言得不勉
乎哉

三忠文選

卷五

忠烈

三十五

祖宗固不可附亦安可諱

跋彭叔英談命錄

命者令也天下之事至於不得不然若天實使我爲
之此之謂令而自然之命也自古忠臣志士立大功
業於當世往往適相解后而計其平生有非夢想所
及蓋不幸而國有大災大患不容不出身扞禦天實
驅之而非夫人之所欲爲也當天下無事仕於是時
者不見兵端豈非命之至順蓋至於不得已而用兵

其命即
天命惟
無所苟
其間有
許多非
旋在非
湮然委
之於天

也

三忠文選

卷五

忠烈

三十六

犯危涉險以身當之則命之參差爲可閔矣士大夫
喜言兵非也諱言兵亦非也如以爲諱則均是臣子
也彼有王事鞅掌不遑啓居至於殺身而不得避是
果何辜吾獨何爲而取其便如以爲喜則是功業
爲可願鰓鰓然利天下之有變是誠何心哉是故士
大夫不當以爲諱亦不當以爲喜委質於君惟君命
是使君命即天命惟無所苟而已星翁屠家之說以
金火羅計字皆爲主兵之象遇之者即以功業許人
十一曜之行於天無日不有無時不然人物之生亦
無一日可息事適相值者亦時而有之也治亂本於
世道而功業之顯晦關於人之一身審如其說則人
之一身常不足爲世道之軒輊有是理哉聖賢所謂
知命俟命致命皆指天理之當然者而言是故非甘
石所曉彭叔英儒者也而星翁屠家之說尚不免膠
固歐陽巽齋先生既具爲之辨子復備論之叔英特
以復于先生

薛宋曰士大夫當承平時好言兵而禍亂時諱言
兵貪賤下位者好言兵而富貴高爵者塞耳不願

聞何其反也。是有說焉。利九而害一。則趨之。利壹半。猶微幸焉。有害而無利。徒爲君父效其馳驅。望然避之矣。讀文山先生之文。爲之扼腕。

贊

巽齋先生像贊

歐陽巽齋。望宗六一。辛丑授科。親老謝職。色難愉悅。思報親恩。學通經史。有本有根。司戶虔州。化被蠻貊。別駕建昌。益樹名節。轉官秘著。不爲苟諛。說書崇政。講貫唐虞。都官刑曹。讞獄詳備。考文成均。濟濟多士。疏抗龍顏。宜絕嗜好。欲心一萌。良心隨耗。天子嘉納。年高與祠。橫經論道。一世宗師。及門之徒。不將卽相。河汾王通。雲龍下上。名齋以巽。殊非過情。六一之學。三忠文選 卷五 忠烈 二十八

實傳先生

贊龔知縣龍

龍猶有欲。垂顧就秦。孰知吾龍。頭角霄漢。舜卿之筆。子輝之德。往來清風。霖雨八極。

贊程縣丞龍

蟄于滄洲。驤于海垠。憫四域之焦枯。遂奮爪而張鱗。固將神變化。水下土。豈直嘖蛙。躁蟹役役於形氣也邪。

宋文忠烈先生文選卷之五終

宋文忠烈先生文選卷之六

說

答歐陽秘書承心制說

龍溪友議。好事者爲之。不知其誰何也。異齊歐陽先生爲之辨。以書來曰。君所處變之又變。而或者於無過中求有過。援經引古皆不類。而又鋟木摹紙。流傳四方。莫曉用意所在。君於國於家。公私得失。自了然于心。雖不必較。畢竟於世教人倫有關繫。不可以流俗誤方來。所以惻然不能自已於言也。嗟夫。先生之

三忠文選卷六 忠烈

所以主張名教。愛惜後學至矣。抑先生就其爲說。區別禮文之隆殺極其精微。只如此。固以明甚。然兩家事實。猶有非先生所盡知者。若某初于倉皇中處此。則不過從吾事實。順事理之本然者而行之。固不待如此鉤索精微。而其當然之路。自燦然可見也。初此母嫁先伯祖。生男三。長曰行。是爲先伯。次爲先人。又次曰信。是爲先叔。女一。是爲吾姑。先人生歲餘嗣先祖。後先叔旣生。而伯祖方歿。已卯而後。此母適劉。鞠劉前室之子曰敏曰午。而自生二女一男。二女今各

有歸。男曰欽。出繼於黃塘劉氏。在文在劉。通男女爲七。非適劉之日。淺於適文。文有子而劉無所出也。當先祖存。先人篤于生母。則衣食敬共之。丙午先祖歿。先人始迎致就養。然劉之子諱得不養之名。歲報取養二三月。至丙辰以後。某專其養。而歲時劉之子孫族黨。絡繹起居。曰母也。伯叔母也。祖母也。伯叔祖也。也。此母非以在文而諱其在劉。劉亦非以其在文而不之母也。當其在文。特文有能養之資。得以遂其敬愛之情。而名義之爲劉自若也。是以歿之日。其子午。王忠文選卷六 忠烈
其孫伯參奔喪于西昌。其二女各以遠近來赴其劉之族黨。縞素哭候於道。書銘旌曰。劉吾鄉人。見者以爲是固當然。無所不安也。固非曰未屬。續爲文。旣屬續而名之曰劉。而制禮爲是嚴也。彼好事者。非爲文爲劉之族黨。嫻親。又非里巷父老知事之悉。主於騰謗。故亦不問事實如何。而侮經慢法。苟可以媒孽者。不遺餘力。若曰文致綱常之說以壓之。則可覆其終身云爾。險哉其用心乎。先生辨之。得其槩矣。要有宜縈數語。可以破之。彼之說曰。在某當書申心制姪孫。

而銘旌當書故伯祖母某氏。此十一字。殊不類學者語。此母從其實。則先人本生母也。平居無所於名。則從其前日之位曰伯祖母。如以義斷。於稱謂亦恐未安。而欲自名曰姪孫得乎。心制而曰申。稽之禮律曰。子爲所生父母也。曰弟子爲師也。苟曰姪孫矣。則何爲下得申。心制三字乎。劉午之於几筵。書曰先妣某氏之靈。而書疏謝其鄉人。自書曰孤哀子劉某。以孤哀子爲妣作喪主。不爲當。乃欲書姪孫以主伯祖母之喪。語之三尺之童。然乎否乎。以四十七年婦于劉。

三忠文選

卷六 忠烈

三

母于劉。而一旦瞑目。乃使之不得爲劉母。則劉之子若女。哭劉母乎。哭文母乎。使劉之廟祀文母乎。祀劉母乎。且夫在文氏。則生先人而出繼于先祖。在劉氏。則生欽而出繼于黃塘之劉。其事體一也。今欽爲人後。不得而服本生母。亦止于申心制。某方之于欽情義若何。而曰意其必哀麻其服。乃寂無聞焉。何其無稽之甚乎。親喪人所自盡。以義起禮。此母爲先父本生母。在先父不及申心制。在某遂承心制。吾所自盡。何與乎。或人而或人詆毀之。至此某鼎惟不必辨。彼

亦不足辨也。獨此心不可不明於先生。故具述於此。以復命而不傳焉。

勉耘說

百聖在天。六經行世。譬之五穀。皆美種也。錢鏐必痔。茶蓼必穢。既堅既好。實穎實栗。不然。略閩蜀之蹲鴟。拾燕趙之棗栗。而吾未嘗不飽也。嗚呼。此豈樂饑常法哉。彭君奇宗之爲學也。知所以種。而以勉耘顏其堂。其必自五穀始。是穠是藁。必有豐年。奇宗候之。

龍泉縣上宏修橋說

三忠文選

卷六 忠烈

四

修橋開路。佛家以爲因果。世之求福田利益者。所以樂爲之趨。而佛家者流。所以積心竭力。勤苦奉承。而不之厭也。予過泉江。道上宏。聞有郭公者。主石橋之役。蓋毀家以成之。而僧曇發。則朝夕爲之督。其事頗難。其力不倦。其心蓋可取焉。邀予爲之疏。惟予不得以預斯舉也。郭老矣。迫於其請。則念儒書中。是亦爲秦洵濟人之事。雖其事之偏。而視夫拔一毛不以利人。而但腴人以肥己者。爲有間矣。郭公之所爲若此。是邦之人。若士觀感動悟。其能以自己于心乎。夫

者性之所自然爲善者人之所同欲罔俾郭公專美是邦可也而豈必曰福田利益之故哉因書以畀墨發使持示邦之可語者

慧和尚說

予里南禪寺上座曰慧。慧早爲通人得畫法於里之。名手挾是走四方。會留京師復得相與傳神法于異人。自此覽觀山川之勝。游歷人物之會。足目高遠。廼長數格。既數年。厭薄世俗。謂天下事止如是觀。不如削髮遂爲僧。蓋收湖海豪氣一歸山林者也。然技養

主忠文選

卷六

忠烈

五

卒不能自禁。歲爲星源神像軸若干。春夏輒有遠役。初齋本祠下。神與慧若相宜者。大家豪人見輒動心。疊疊不愛金縉以致之。得之者咸指目以爲川僧所爲。自是四方游山上者。無書以歸。謂爲徒行爭致饋橐中。約隔歲取償。慧輒如期往。誰曰川僧來矣。取畫者填門。慧徐開篋。筭如約分付。不半日盡矣。若是者年久。遂爲例。今人親戚交友之間。才有一錢利害。寄諸其手。皇皇然惟恐人負之。以數千里不相知之僧。相期於一歲之外。求之也若懇。寄之也如棄。人情

能事不
受相迫
促此柱
陵句也
天下事
皆如此

豈大相遠哉。藝之動人。一至於此。慧之畫其流傳多矣。獨相與傳神。秘其術不輕售。問與子言相。頗肯傾

應。事多如其言。然每會聚。輒睥睨不已。予知其欲傳神也。越數年。竟不下一筆。予今年偕弟過山中。坐定。慧忽躍然起。倉皇索筆。不再注視。描畫不踰刻。而予兄弟二人嶽嶽之狀。已宛宛如活。一坐哄然。一日用

繒一幅。置予於前。予弟於後。冠八角巾。着道服。前者垂臂以執袂。後者欽手以銜袪。又作幼弟背像。手持孝經一卷。上紀移忠孝一章。若將獻諸二兄。左爲海

主忠文選

卷六

忠烈

六

潮洶湧澎湃。濤頭有數丈之勢。一金龜隱見出沒於沆瀣之間。題曰忠孝歸朝。慧之用意亦勤矣。因聚觀者與慧共評之。爲之大嘆。迺指潮而言曰。子寧駕絕海之颿。以突魚龍之變。惟乎將極目於南龕北赭。望洋而不濟乎。寧揚清激濁。以吊鴟夷子之遺乎。將波流瀾趨。以嬉戲於抗人之旗鼓乎。寧依乘於鯨遊鯢化之會乎。將有誠有腥有滑有膈。姑苟騰羞以自活乎。寧泯不已。以取衝擊乎。將知止知足。與汝水俱爲縮乎。寧與波上下。屑屑於朝夕之往來乎。將觀陰陽

之進退。察日月之盈虛。翺遊于六極之表乎。質之子弟。予弟笑而不言。問之。慧慧曰。區區何足以知之。予於是服慧之得予貌。而知慧之猶未得予心也。因爲紀其能事之本末。以謝其勤。并具子之所以言者。噫。亦安得知心之士而與之語哉。

前半似東坡題畫後半用卜居體

講義

西澗書院釋菜講義 有序 知瑞州日

孟子曰。人之患在好爲人師。韓子犯之。而世惟且罵。柳子厚所謂惴惴然而不敢也。某承乏此邦。其於教化。號爲有一日之責。蓋嘗告朔而履乎學宮。得聞諸君之所以授受者。而親陟臯比。與逢掖講。師弟子禮。則僭之爲允。書堂有事乎先賢。諸君不鄙而固以請。則雖寡陋。夫焉得辭。某初被命來宋。嘗啓正路曰。古之爲諸侯。先政化而後簿書期會。世之不淑。乃復置此。則相與病夫風俗之弊。而士行不立。且傷夫教道之从廢。而未有一救之也。固嘗有及於君子德業之義。而重反覆焉。輒誦所聞。并釋其旨。與諸君茂明之。

易曰。君子進德修業。忠信所以進德也。修辞立其誠。所以居業也。中心之謂忠。以實之謂信。無妄之謂誠。三者一道也。夫所謂德者。忠信而已矣。辭者。德之表。則立此忠信者。修辞而已矣。德是就心上說。業是就事上說。德者統言。一善固德也。自其一善以至於無

一之不善。亦德也。德有等級。故曰進。忠信者。實心之謂。一念之實。固忠信也。自一念之實。以至於無一念之不實。亦忠信也。忠信之心。愈持養。則愈克實。故曰忠信所以進德。修辭者。謹飭其辭也。辭不可以妄發。則謹飭之。故修辭所以立其誠。誠卽上而忠信字。居有守之之意。蓋一辭之誠。固是忠信。以一辭之妄。間之。則吾之業頓隳。而德亦隨之矣。故自其一辭之修。以至於無一辭之不修。則守之如一。而無所作。輟。乃居業之義。德業如形影。德是存諸中者。業是德之著。于外者。上言進。下言修。業之修。所以爲德之表也。上言修業。下言修辭。辭之修。卽業之修也。以進德對修業。則修是用力。進是自然之進。以進德對居業。則進是未見其止。居是守之不變。惟其守之不變。所以未見其止也。辭之義有二。發於言則爲言辭。發於文則爲文辭。子以四教。文行忠信。雖若岐爲四者。然文行安有離乎忠信。有忠信之行。自然有忠信之文。能爲忠信之文。方是不失忠信之行。子曰言忠信。行篤敬。則忠信進德之謂也。言忠信。則修辭立誠之謂也。未

王忠文選

卷六

忠烈

九

有行篤敬而言不忠信者。亦未有言不忠信而可以語行之篤敬者也。天地間只一箇誠字。更顛撲不碎。觀德者。只觀人之辭。一句誠實。便是一德。句句誠實。便是德進。而不可禦人之於其辭也。其可不謹其口之所自出。而苟爲言哉。嗟乎。聖學浸遠。人僞交作。而言之無稽甚矣。誕謾而無當。謂之大言。悠揚而不根。謂之浮言。浸潤而膚受。謂之游言。遁天而倍情。謂之放言。此數種人。其言不本於其心。而害於忠信。不足論也。最是號爲能言者。卒與之語。出入乎性命道德之與宜。若忠信人也。夷考其私。則固有行如狗彘。而不掩焉者。而其于文也亦然。滔滔然寫出來。無非貫串孔孟引接伊洛。辭嚴義正。使人讀之。肅容歛衽。之不暇。然而外頭如此。中心不如此。其實則是脫空誑謾。先儒謂這樣無緣做得好人。爲其無爲善之地也。外面一幅當雖好。裏面却踏空。永不足以爲善。蓋由彼以聖賢法語止。可惜爲議論之助。而使之實體之于其身。則曰此迂濶也。而何以便吾私。是以心口相反。所言與所行。如出二人。嗚呼。聖賢千言萬語。教人

王忠文選

卷六

忠烈

十

存心養性所以存養此真實也。豈以資人之口體而已哉。俗學至此遂使質實之道衰。浮僞之意勝。而風俗之不競從之。其陷于惡而不知反者。既以終其身。而方來之秀。習于其父兄之教。良心善性亦漸漬汨沒。而陷于不忠不孝之歸。昔人有言。今天下溺矣。吾黨之上。猶幸而不盡溺於波瀾。則何之。而纓冠束帶。相與於此。求夫救溺之策。則如之何。噫。宜亦知所勉矣。或曰。至誠無息。不息則久。積之自然如此。豈卒然旦暮所及哉。今有人焉。平生無以議爲。而一日警

三忠文選

卷六

忠烈

十一

省欲於誠學。旋生用工夫。則前妄猶可贖乎。曰。無傷也。溫公五六歲時。一婢子以湯脫胡桃皮。公給其女兄曰。自脫也。公父呵之曰。小子何得謾語。公自是不敢謾語。然則溫公腳踏實地。做成九分人。蓋自五六歲時一覺其之。溫公猶未免一語之疵也。元城事溫公凡五年。得一語曰誠。請問其目。曰。自不妄語。入元城自謂予初甚易之。及是而自繫枯井之所行。與凡所言自相掣肘矛盾者多矣。力行七年而後成。然則元城造成一箇言行一致。表裏相應。蓋自五年從遊

之久。七年持養之熟。前乎此。元城猶未免乎掣肘矛盾之媿也。人患不知方耳。有能一日渙然而悟。盡改心志。求爲不謾不妄。日積月累。守之而不懈。則凡所爲人僞者。出而無所施於外。入而無所藏於中。自將銷磨泯沒。不得以爲吾之病。而縱橫妙用。莫非此誠。乾之君子在是矣。或曰。誠者。道之極致。而子直以忠信訓之。反以爲人道之始。其語誠若未安。曰。誠之爲言。各有所指。先儒論之詳矣。如周子所謂誠者。聖人之本。卽中庸所謂誠者。天之道。蓋指實理而言也。如所謂聖誠而已矣。卽中庸所謂天下至誠。指人之實有此理而言也。溫公元城之所謂誠。其意主於不欺詐。無矯僞。正學者立心之初。所當從事。非指誠之至者言之也。然學者其自溫公元城之所謂誠。則由乾之君子。以至于中庸之聖人。若大路然。夫何遠之有。不敏何足以語誠。抑不自省察。則不覺而陷于人僞之惡。是安得不與同志。極論其所終。以求自拔於流俗哉。愚也。請事斯語。諸君其服之無斁。

熙明殿進講敬天圖周易賁卦

彖曰賁亨。柔來而文剛。故亨。分剛上而文柔。故小利。有攸往。天文也。文明以止。人文也。觀乎天文以察時變。觀乎人文以化成天下。

臣聞賁文飭也。色相間則成文。故柔來文剛。剛上以柔。剛柔相間。所以爲賁。賁離下艮上。離之體中。以一柔間兩剛。則柔來文剛。艮之體上。以一剛乘兩柔。是剛上文柔。使獨剛獨柔。不相爲用。則不成文矣。此言賁之卦義也。天之文爲二曜五行。象緯交錯。故曰觀乎天文。此言天之賁也。人之文爲三

三忠文選 卷六 忠烈

十三

綱五常。倫理次序。故曰觀乎人文。此言人之賁也。以上像易象大意。臣竊窺先皇帝作圖之旨。以敬天爲言。其於賁卦實摘取觀乎天文以察時變一條。臣謹按圖義而爲之辭。臣竊惟天一積氣耳。凡日月星辰風雨霜露。皆氣之流行而發見者。流行發見處有光彩。便謂之文。然有顯有隱。有休有咎。其爲證不一。莫不以人事爲主。時時世也。彖易聖人。不曰天變而曰時變。蓋常變雖麗于天。而所以常變則係于時。人君一身。所以造化時世者也。故

天文順其常。則可以知吾之無失。一有變。即在我。是故天文者。人君之一鏡也。觀鏡可以察妍媸。觀天文可以察善否。且如曆家筭日食云。某日當食。幾分。固是定數。然君德足以消弭變異。則是日陰雲不見。天雖有變。而實制于其時。又如旱魃災也。才側身修行。則爲之銷去。災惑妖也。才出一善言。則爲之退舍。天道人事。實不相遠。自古人君。凡知畏天者。其國未有不昌。先皇帝深識此理。故凡六經之言天文者。類聚而爲之圖。以便觀覽。

三忠文選 卷六 忠烈

十四

且恐懼修省焉。聖明知敬嚴父之圖。卽敬天在此矣。嗚呼。柰之何其不敬。

行實

先君子革齋先生行實

先君子諱儀字士表生嘉定乙亥八月二十四日實祐丙辰五月二十八日歿于京次年九月九日封于鄉之佛原嗚呼天乎仁者壽有德者祿先君子乃止是邪不肖孤上累先君子从于旅飲膳醫藥失節用速禍非天實不德有惡子至此釁戾丘淵身百莫贖柴骨樂心不自意偷視息至今日得祖勉圖大事猶瀝血苦塊以字先德嗚呼尚忍言之先君子嘗考次

三忠文選

卷六

忠烈

十五

譜系文氏由成都徙吉五世祖炳然居永和鎮高祖正中由永和徙富川曾祖利民妣郭氏祖安世妣劉氏考時用妣鄒氏繼母劉氏世有吉德鄉以君子長者稱一是方寸留耕于子子孫孫先君子嘗言滯學守固化學來新以一革字志韋佩人皆稱革齋性愛竹依竹闢一室傍竹居或稱竹居不肖孤聞之諸父先君子幼穎慧器質端重進止如有尺寸經書目輒曉大義越時舉全文不一遺見鄉曲前輩必肅容請益暨長天才逸發志聞道嗜書如飴終日忘飲寢夜

擎燈密室至丙丁或達旦黎明挾冊簷立認蠅字不敢抗聲愕寐者人雖苦之甘焉蓄書山如經史子集皆手自標序無一紊朱黃勘點纖屑促密靡不到至天文地理醫卜等書游鶯殆徧手錄積帙以百揮汗呵凍弗斂鈎引貫穿舉大包小各有條間質難疑剖析響應某事出某書某卷且指數以對爲文發持滿無不的中機軸必已出命意時娓娓談他事若莽於尋繹一援筆雲行水流無凝滯中年文氣益老拾汗漫歸諸約不峭棘刺目有溫醇渾厚之風焉閒居侃

三忠文選

卷六

忠烈

十六

侃春意溢出顏面蚤事祖盡敬祖母優游暮齒視藥膳卧興扶持華髮鍾愛父嚴母慈侍夙夜省煥寒一出忱意不視顏色爲肅愉事繼母篤至始終無纖芥間一家氣象藹如和風鄉黨稱孝於宗族厚待季父削藩町悲忻同情季父歿不幸子病廢經紀其家撫幼姪等已子疎從遺孤振翼之俾蒙于成闢居居無居者歲時衣粒各有節度嘗謂宗族一本誼不得不恤愛范文正公義田記規模次第曰吾得志當放此行之親嫗孤貧者哀矜勞苦撫字無遺力喪不克理

辦衾棺。至已所服用。捐以歛。雖在疎末。次序情文。各
惟其稱。與人交。好大體。不爲細家迫速。戶外屨日滿。
絕甘分少。無疏密皆被和氣。交誼天至。聞貧困患難。
趨急如不及。恍意感人有臨終握手。歛歔流涕。託之
以孤者。歲大比。凡與大夫待博士選者。皆有約首。誼
綿數科。間不能與。自捐貲籍其名。暨克賦就奉爲助。
約所不及。以意告。傾已有爲行資。至貸以應。誼聲錚
然。對人氣語和易。鄙夫寡人。亦曲加體接。無一失聲。
氣云。里有蹈非彝。悉忠愛。援誼開陳。聞者感動。見後
三忠文選卷六 忠烈 十七
進片善。獎予不容口。孜孜誘掖。如子弟。給軒數畝。畔
者多不輸。寧令負已不忍。直于有司。蔣園魚池。相傲
無一償。亦不較。間啜不武。則曰。彼貧且殆。吾奈何。攜
之有竊負其賞去。旣而困還。不惟不加責。其終
身將作室。奈木齊垣。時瘠死多露骸。惻然曰。吾可無
居人不可無。歛匠棺惠貧者。歲賑饑。隨所有不給。至
市粟以應。顛連無告。過目輒休。惕隨力爲謀。一日讀
書。至晏子敝車羸馬事。愀然曰。使吾族吾親吾鄉人
休休有餘。至願也。惜嗟再三。家居門蔭茂木。暇目猶

羊芳陰。間雅嗜茶。煎淪多手出。時邀朋遊文字。語稜
日樂極。浩歌縱奕。視世間融融。云云漠不介胸次。性
豈樂惟恐拂人事。經然諾。雖不利於己。不悔一言話。
傾盡肺腑。無留藏。應酬一切任真。事不可直濟。或道
以詭。御寧事不濟。不爲耻。已勝語及不平。辭和氣舒。
無忤色。有以欺心。至知其私。不發。且無章於人。欺者
多愧悔。感泣人皆嘆爲有德君子。謂當於古人中求
之。記者曰。我公之德。言矩行規。世智玄黃。我心坦夷。
市利血刃。我範驅馳。生平所爲事。皆可質鬼神而無
三忠文選卷六 忠烈 十八
疑。嗚呼。是得其槩矣。始天祥兄弟幼且長。先君子不
疾其不令。昭蕪蒙滯。納之義方。日授書。痛策研。夜呼
近燈。誦日課。誦竟旁摘曲詰。使不早恬。以習于弗懈。
小失睡。卽示顏色。雖盛寒暑。不縱簡束。天祥兄弟懷
慄。擎槃水。無敢色于偷。自此名師端友。招聘仍年。至
時先疇給費。久之室罄。力弗逮。迺率天祥兄弟。藏像
于竹居。陳所哀籤軸。俾挾精剔華。鈎索遐奧。董綱要。
竟日夕弗倦。雖貧。浩然自怡。有未見書。輒質衣以市。
得書。注意鑽研。又以授天祥。俾轉教諸弟。由是程督

益峻。書警語徧窓壁。如三尺在目。見爲文章。撥剔正氣。輒不擇。必維以法度。天祥兄弟奉嚴訓。蚤暮侍膝下。唯諾怡愉。不趨師友。或書聲。吾伊。或飲。襟各靜坐。潛。或掩卷。相與戚嗟。人情世道。此時氣象。父母俱存。兄弟無故。天下之樂。莫加焉。歲乙卯。天祥璧俱刃。與計偕。時仲弟霆孫年十有六。未試。墨于窓曰。出師未捷身先死。長使英雄淚滿襟。竟以疾。先歿。棘一月卒。先君子及是。擘涕矜貽。悵悵痛悼。天祥璧將進禮部。欲董于征。顧先君子哭于方新。天祥璧復去左右。三忠文選 卷六 忠烈 十九

嗚呼。冀殞滅以代。又不獲命。入夜寂然而逝。嗚呼痛哉。嗚呼痛哉。厥明。畿曹聞于朝。朝命官吏來治喪事。六月庚申朔。天祥璧奉柩出國門。泉歸鄉土。庶人無不失聲痛嗟。路祭巷哭。以返于先廬。時七月癸丑也。嗚呼。先君子亦至此耶。不肖孤二十有一載。弟方冠且髻。承顏菽水。歲月幾何。天乎。不使終養而廢之于中身邪。慘焉逆旅。睇親舍。越在二千里外。天乎。不使終于正寢。而忍至于客歛邪。往時征衣拜堂上。舉觴飲餞。親賓祖道外。期嚮何許。天乎。遂以是爲永訣邪。三忠文選 卷六 忠烈 二十

天祥璧奉貢刻時。先君子已哀仲弟不見。孰謂方階祿釜。先君子纔見而禍遽作。天乎。天祥璧何以竊第爲邪。嗚呼。不肖孤事先君子不孝。奉起居無狀。有疾病而聞不知。不能積忱衷臆。倉卒無以動天聽。罪生不贖。背血被面。摧決肝胸。顛頓躑躅。裁以必死。願屬續一語。忍痛受命。不敢不勉。恐無以祇訓于前人。以忝盛德。迺相宅兆。筮曰吉。排土濡涕。墳以竣役。將奉體魄安焉。嗚呼。渺音容隔幽陰。終天而止矣。先君子配曾氏。今男三人。天祥璧璋女三人。懿孫淑孫順孫。

道墨有寶藏三十卷。隨意錄二十卷。痛惟先君子。利澤不施于人。名聲不昭于時。匪石遺德。恐久遂沈湮。天祥不揆不孝。哀錄事實。沈痛刺骨。荒忽慙愧。世有大手筆。能表章幽潛。光昭于無窮。稽首百拜以請。

知潮州寺丞東巖先生洪公行狀

東巖先生洪公。蓋陽巖先生文毅公族諸弟也。文毅公以孤忠遺直著聞當世。其平生言論風旨。講切上。下。公未嘗不在其間。文毅公屢召不起。公浸嚮用。輒落落不合。去時論稱爲二洪。文毅公既沒。泉南文獻。

三忠文選卷六 忠烈

三十一

之望盡屬公。識者謂文毅公未爲有爲也。而公又不及大用以死。天之生才。倏忽代謝。安得不深慨於此。敘次行事。論諸方來門人之責。奚以辭。公諱天驥。字逸仲。自號東巖。世晉江縣人。嘉定戊辰七月庚戌。公以生。生有異質。沈靜專一。自少講求微言。通念曉析。乃已。故于經史諸子百家之辭。無不貫串。文章自成一家。以紹定改元薦于鄉。名聲振一時。學子踏門。願求模楷者日衆。公坦明夷粹。專以宿于道爲教。逮事王太母。一夕疾甚殆。公不解帶。不交睫。至剔股。

雜言

出。雖湯藥進。公一念之切。通于神明。然終身不以語人。登淳祐七年進士第。初筮邵武軍建寧縣尉。發摘姦伏。當官無所回撓。時有劫寇王若曾。嘯聚千餘人。騷動兩路。諸所委捕多畏沮。公奮不顧身。提兵擣其巢。一舉空之。偽造成風。爲惜幣蠹。公密設方畧。動中肯綮。李若聶凡三大黨。與無不各就縛。雍獮之。石壁胡公頴。秋崖方公岳。交章以公善狀聞于朝。十二年。循從政郎。調連州推官。未上。寶祐改元。吉差監惠民南局。四年。較藝南宮。公考鏡詳密。精力不間晝夕。所賞拔士。多根柢理致。當時號明有司。公雖浸近周行。然無所附麗。恂恂侃侃。望之山立。徐公清叟。吳公燧。馬公光祖。頴公願仲。俱刻上其能。將用矣。會有言者。徒步西歸。泊如也。六年。淮閫擇士。自從。首辟致公爲屬。景定二年。通班授宣教郎。知廣州香山縣。至之日。以教養人才爲第一義。修復大成殿。明倫有堂。主敬。其身實賢。登俊有齋。皆捐俸入爲之。歛不及民。其爲政一裁於義。俗諱健。最其尤桀黠者。曰此囚牙訟師。去則吾民安矣。邑以大治。洪公勲。趙公汝暨雷公宜。

中及倉憲。交以邑最上。咸淳元年。轉奉議郎。三年。差監行在權貨務都茶場。四年。吳公華。馮公夢鶴。趙公順孫。劉公巖。皆以吏才爲薦。差監都奏進院。轉朝奉郎。馮公時爲刑侍。及戶侍。劉公應龍。交委以書。擬本部文字。公皆樂爲知己。盡于時上卽位。逾年。初政新美。公輪當陞對。宿齋豫戒。冀積忱意。悟上心。取虞廷君臣時幾之說。寓規焉。其一曰。君心勤怠之幾。二曰。人心離合之幾。三曰。君子小人消長之幾。四曰。中國外夷強弱之幾。及朱文公天理人欲之辨。首尾二千三百餘言。其辭諄復懇切。深刺肺腑。玉音嘆美。又言。泉有也。戊左翼。一軍之興之害。米舟搜糴生變之虞。而朝廷籍沒翁林二氏之田。可歲得穀萬斛。以舒戍卒兩月廩食。或有不濟。寺院及單丁住持。令本州覈實區處。併撥爲軍餉之助。餉足則糴寬。糴寬則米通。民永無貴糴患矣。朝論翕然。以爲論事有陽嚴風除大理寺簿。五年。轉朝散郎。知潮州。公之在潮也。視民事如家。視敝政如已疾。捐金以裕學厚。傾囷以粟饑民。梁川以利病涉。知無不爲。爲無不盡。潮與漳汀接壤。鹽

王忠文選

卷六

忠烈

寇輦民羣聚剽劫。累政以州兵單弱。山徑多蹊。不能討。公應變設奇。降者相屬。又欲于接壤置屯。多者三百人。少者二百人。犄角爲援。郡爲創樽節庫以贍之。具有條畫。悉以言于朝。并下之漳汀。放此。且嚴保伍之令。以澄其源。人抵公智慮深遠。如宿將持重。而規畫綿絡。不以鄰爲壑也。又潮有護田舊堤。多囓于水。馳俸與民築石爲堤。民號之曰洪公堤。且刻賦頌其旁。曰。此我公東巖生佛所爲也。去之日。垂髫戴白者擁車下不忍去。公雅意林壑。至是則曰。吾可優游樂。王忠文選卷六忠烈

忠烈

辰之春待罪中朝。諗日拜公床下矣。未及而去國。然於公之踐修出處之槩。蓋心識之。共惟穆陵。豐芑菁莪之澤。涵育天下。天下士蚬然勃興。溫陵邈在海隅。人物相望。陽巖之氣。節煥發乎其前。東巖之抱負翼承乎其後。使上公誠得盡展拓。又未知孰後孰前也。嗚呼。今復見斯人哉。曾祖遇。妣陳。祖德明。妣李。父伯道。贈宣教郎。妣陳。贈安人。元妃陳先二十六年卒。贈安人。繼趙。封安人。先三年卒。子男應午。應申。應壽。俱業進士。女四。適胡登龍。丘公賜。王毓奇。一尚幼。應午

三忠文選

卷六

忠烈

三五

狀

力學克肖。收拾公遺稿若干卷。曰東巖集。藏于家。將以是年十月己未奉治命以葬。趙安人附殯。應午千里貽書。俾某狀行。姑序其本末。以俟立言之君子。謹

墓誌銘

樂庵老人劉氏墓誌銘

余讀漢陸賈傳。甚羨余鄰翁樂庵劉氏。賈擇田地。家好時。出橐中千金。析其五男。安車過之。數擊鮮。十日而更。以壽終。余嘗謂人生晚福優游。宜莫如賈。當是時。韓彭沮醢。鄼侯周勃。猶不勉械繫。求為賈一日。得乎。翁生四子。皆有才智。四十年。即棄家政。就養諸子。以次第循環。五日一更。其設饌務為相高。惟恐不得其歡心。翁饑來得食。渴來得飲。早眠晏起。一切不顧。人間事。惟時時接方外士。講鉛汞之術。間取松栢。惟意咀啖。翁年過七十。而顏色如童。攝生有助焉。或為陸生作新語。為漢達官。非翁匹。余曰不然。賈艱難處項間。從馬上公為客。一再使越。崎嶇萬里。翁生於世。長於世。老於世。不出鄉終其天年。有樂於其身。無憂於其心。設賈復生。校翁失得。未必以彼易此。翁又有數事異甚。里傳鬼車鳴者。未夜。相戒戒明。屏息戶內。翁開樓大呼。願見鬼車。卒無有。有神以禍福驚人。翁過其祠。持牛炙如常。人莫不危恐。翁休休如也。嘗有

三忠文選

卷六

忠烈

三六

所營造忌某星直某方。翁曰：犯者殆乎？請身當之。某星遂不驗。爲子納婦，或云婦不稱於長，翁不爲奪。自是諸婚嫁曆家說格不用。中年卧疾，家人私召女巫，謀爲厭勝。翁廉知之，強起逐之出門。未屬續，翁默自念，作其像贊。若辭而遠遊者，顧左右曰：吾死勿事緇黃。吾志也。醫以藥進，麾使去。問日入乎？曰：然。反而而逝。江南之俗尚鬼，其人畏死而信巫，翁能自不惑。非由耳傳口授，殆一至之性然也。翁名邦美，字才卿，樂庵其自號也。始祖邇，長沙人，爲吉州刺史。家西昌九

三忠文選

卷六

忠烈

洲。後徙廬陵富川。三世曰德遠，文煥子玉。妣曾氏，娶陳氏。先三十七年卒。繼祁氏，其子孫實蕃。濟生機，洪生桂槐植模，深生朴。柚鄉貢進士。浩生樞樞，槐復生葵孫。女二：適于夢牛。曹雷應，孫女五。適鄒曹許曹羅。一幼，翁八歲喪母。十六歲喪父，移其事父母者以事兄長終身。歲時上丘塚，拜祖禰，率諸後生，尚有典刑。翁富壽安逸，推其一念孝友，殆造物所知。諸孫方將以詩書大其門，翁必爲人宗。平翁生慶元戊午二月庚午，歿咸淳癸酉正月丙辰。後二年正月，墓于淳化。

鄉鳬塘之原。余家距翁一垣。翁年吾祖之下，吾父之上。諡翁有年數矣，深與余游且厚，來請銘。銘曰：其生也有涯，其死也有時。爾世其昌，匪我銘其誰。

贈承事郎徐溪莊墓誌銘

咸淳九年夏六月壬午朔，天子親擢徐君卿孫爲監察御史。旌縣最也，於是某不佞適叨一節，按部湖右。親見衡山之父老子弟，歌思遺愛，餘績於嶽雲湘波間。皆曰：徐公字我民六年，我父母之其敢忘。及聞聖天子所以褒擢選表，又皆手額距踵，爲朝端賀。爲天

三忠文選

卷六

忠烈

天

下賀。某退以語客曰：麟仲信才且賢，何以得此于邑之人去而不忘如此哉？木則有本，木則有源。若靈芝俄現，醴泉滂出，居然瑞世，其鍾和孕秀，豈伊一夕之積，盍相與論其世可乎？客曰：徐氏居清江，於廬陵東西家。御史君之考曰溪莊公，溪莊公厚德人也。余聞而心誠之。以何麟仲自京以書走湘抵某曰：卿孫不天生二十有五年而先妣卽世，又五年先人棄其孤。露濡霜降，於今二十有五年，祿養弗可及也。欲報之德，罔極奈何？今不肖孤，藉先人之教，有位于朝，乃去

秋九月天子有事于明堂。推錫類恩。我先考妣實該
初贈。惟先世之志行事治。未有以詔子孫傳無窮。敢
稽顙下拜以請。某發書愴然念所見。聞不謬。固不果
辭。乃撫御史君所撰行述而書之。徐氏祖伯翳宗偃
王偃王子孫散處徐揚二州間。江右之徐以南州高
士重。其後派豫章而上。今家清江縣崇學鄉之檀溪。
溪莊公諱森。字壽叔。曾祖諱微。祖諱源。皆隱而能詩。
考諱大經。桂山謝公題其所居曰溪雲小隱。里人因
稱爲溪雲先生。溪雲性嚴介。家人嗃嗃然好客。車轍

三忠文選

卷六

忠烈

三

滿門。溪莊天分寬平。春和玉溫。撰杖屨。侍琴瑟書冊。
左右色養無違。族居千指。融融怡怡。無一閒言。少游
鄉校。文聲藉甚。嘉定丙子。待試成均。繼以詞賦爲郡
諸生第一。士論翕然。中年幹蠱用譽。晚謝塲屋。益雅
淡謙謹。疏戚一致。未嘗言人過失。其尊尊親親賢賢
老老幼幼。無不得其歡。故鄉里遠近一以吉德厚善
歸之。而徐爲德門矣。淳祐壬子。得末疾。越五年歿。實
寶祐丙辰十二月三日也。享年六十有七。配熊氏。豐
城著姓。既歸。奉尊章。相夫子。主饋治家。延師教子。賓

加喪祭。常。鳬勉有以間。必如禮乃止。有昔人剪髻斷
機風。子男二。稱孫先七年卒。女二。適黃一鶚。鄭一夢。
孫男三。屋震。必茂。震亦早卒。女二。曾孫男二。以開慶
己未十二月。奉二柩合塋于所居之西園。嗚呼家之
將興。非必其先世有奇節異事。足以聳動流俗耳目
也。風流篤厚之意多。孝友睦嫺之味長。君子長者之
澤有餘而不盡。所謂有是父有是子。或曰非此母不
生此子者。非偶然也。徐氏之澤。始基于溪雲。浸大于
溪莊。今御史君玉立山峙。川增日起。由邑最結玉知

三忠文選

卷六

忠烈

三

歲中三遷。遂陟臺端。爲國綱紀。髮髮且大任。少頃暇
之。瀧岡之阡。何患不表。顧墓上之刻。不鄙以余屬。余
其敢不銘諸。以昭徐氏德盛流光之懿。以對揚天子
之休命。銘曰。江西徐宗處士。介臨洪附。蓋其徙
檀溪源委深且長。溪雲爲父。溪莊子。溪莊恂恂允誠。
篤溫。今如玉。天鍾美。融爲瑞芝。溢爲醴。積慶綿綿開
御史。朝爲卓魯暮汲魏。公朝旌擢清風起。西阡雖舊
命則新。我銘墓上林可梓。立身揚頭殊未已。木杪龜
趺此其始。

祭文

祭歐陽巽齋先生

維歲次癸酉正月乙卯朔越七日辛酉學生具位文
其謹致祭于故先生殿講大著刑部巽齋歐陽公棺
前嗚呼先生將安歸邪先生之學如布帛菽粟求爲
有益于世用而不爲高談虛語以自標榜于一時先
生之文如水之有源如木之有本與人臣言依于忠
與人子言依于孝不爲曼衍而支離先生之心其真
如赤子寧使人謂我迂寧使人謂我可欺先生之德

三忠文選

卷六

忠烈

三

其慈如父母常恐一人寒常恐一人饑而寧使我無
卓錫其與人也如和風之着物如醇醴之醉人及其
義形于色如秋霜夏日有不可犯之威其爲性也如
槃水之靜如珮玉之徐及其赴人之急如雷霆風雨
互發而交馳其持身也如履水如捧盈如處子之自
縊及其爲人也發于誠心摧山岳沮金石雖謗興毀
來而不悔其所爲天子以爲賢縉紳以爲善類海內
以爲名儒而學者以爲師鳳翔千仞遂縉繳而去之
奈何一蹶而不復支以先生仁人之心而不及試一

郡以行其惠愛以先生作者之文而不及登兩制以
彷彿乎盤誥之遺以先生之論議而不及與聞國家
之大政令以先生之學術而不及朝夕左右獻納而
論思抑童而習之自紛如也雖孔孟聖且賢猶不免
與世而差池先生官二著不爲小年六十五不爲夭
有子有孫而又何憾于斯死而死耳所以不死者其
文在名山大川詔百世而奚疑某弱冠登先生之門
先生愛某如子弟其事先生如執經益有年于茲先
生與他人言或終日不當意至某雖拂意逆志莫不

三忠文選

卷六

忠烈

三

爲之解頤世有從師于千里尚友于異代而同人于
門適相值而不違其死也哀斯文之不幸吊生民之
無祿其葬也隻鷄斗酒竊慕古人之義匍匐奔走泣
然而哭吾私嗚呼已而已而哀哉尚享

知己之感應如是淋漓戚至宋三百年歐陽氏之
爲主司者六一得東坡巽齋得文山可以匹矣

祭都承胡石壁文

嗚呼世婉孌以偷生公指九天以爲正也人厄蠟以
自矜公玉雪而不曜明也俗鬼蜮以誑人于冥冥公

揭日月而撐雷霆也。石壁之鋒，神人天出，金鐵可摧。孰爲公直？石壁之藹，尊華賤質，泰華可移，孰爲公筆？四海一雲，我卷我舒，大川獨航，子縛子纏，萬微木燭。吾嘗吾龜，更幾千百載之祝融，而復爲此奇。嗟乎，余乎登門，何晚哭野，何遽操几杖？今焉從持佩，決分何所紛雲？委兮川流，化經綸兮爲土。菴蘭艾兮荃茨，寒離騷兮宿莽。苟余情乎得當，質九京兮千古，余有言兮孰聞，寄浪浪兮離祖。

祭郭正言閣

王忠文選

卷六

三

維公拔起海隅，有志天下。處賦如水，知德者寡。鳳音冥冥，朝光作之。烏臺戕戕，霜氣薄之。公遷諫城，歲月幾何？自首丹心之死靡他。吁嗟人生，死見真實，如公一節天地，可質神界。東返返于五羊，曲江吾師，菊老未亾，不愧二賢，公可千古，爲酌廉泉，一涕如雨。

祭道州徐守宗斗

溫州人文武兩科

嗚呼龍虎變化兮人物之英，風霆流行兮宇內之名。天下之壽兮一州之靈，三年而一日兮侯度是程。及召驛之垂駕兮胡疾之嬰，沒而可食于南邦兮憂民

憂國之誠，某交誼兮雲仍。王事兮弟兄，樂莫樂兮知悲。其悲兮余哭之，焚焚下神與兮臨蒸，往悼兮積蠶。鄒水標孤矢兮上征，絕虎虺兮縱橫，噫至人兮無死。歆余奠兮如生。

祭鄒主簿寧縣

嗚呼德元，少吾三歲，自其應門及我交際，德元之賢服我以義，以我爲兄。我胡不弟，折節讀書，收科人仕。子簿臨武，語子初筮，時子赴宣，亦有行事，同日出戶。舉觴祝子，自子汰歸，子告還里，雍容進趨，循循唯唯。

王忠文選

卷六

忠烈

三

士別三日，刮目相視，人十已千，其進未止。子之復往，得于史師，幕謀邑事，勉焉孜孜，子替已久，子歸何遲？與疾在寢，忽不自持，子方壯年，何賢之衰，督于鬼神，淫于禱祠，死不相聞，歛不與知，殯不及夕，棄禮如遺。哀哀德元，而至于斯，弱稚惇惇，青燈一釐，吾甚憐子，亦復何爲？子尚有後，念無已而，吾欲匍匐哭子墓垂，適有王事，載驅載馳，明發不寐，永懷吾私，寄情一奠。臨文涕洟。

祭秘書彭止所

嗚呼仲至。氣和色莊。如水之清。如玉之剛。出而瑞世。
麒麟鳳凰。南宮第一。今世歐陽。方其退其。深自晦藏。
蟬蛻衆濁。視世如忘。展如之人。衣錦綢裳。覽德斯下。
吾道彌章。頃者刑臣。再玷天綱。善類相顧。驚疑徬徨。
君首丐去。其氣昂昂。聞者爲奮。進言始昌。貽書司諫。
陳義慨慷。表表愈偉。于歐有光。我年視君。匪屬其行。
第也同年。居也同鄉。仕也同館。志也同方。用折輩行。
腹心腎腸。我之出守。君酌我觴。君亦有志。方外翱翔。
王宮爲師。秘書爲郎。君雖欲去。志不果償。由此而升。
三忠文選 卷六 忠烈 三十五

祭安撫蕭檢詳 名逢辰號平林

嗚呼。江右之望。僅哉我公。驅馳白首。惟孝惟忠。異時
廊廟。謀選元戎。惟公老成。必在其中。開慶之警。四國
交訐。吉爲樂邦。飄風其衝。拜公于家。麾節崇崇。公起
倉卒。談笑從容。臣有一死。惟義之從。不敢震鄰。不敢
震躬。事平上印。訖不言功。優游里居。惟以壽終。嗚呼。
尚論公之平生。分撫蒼莽。而歎歎。命之通塞。分毀譽
隨之。議論之所從始。今惟桑梓之不可欺。方淮漢之
落落兮。猶曰風馬牛之不相追。亦既與我父兄。同生
死兮。寧不我知。天有萬分于人兮。而或猶有怨咎。自
三忠文選 卷六 忠烈 三十六

公之既歿兮。使人方感激而追思。曰何爲。予室之不
漂。提兮。予子之不流。離思而不可作兮。父老至於涕
洟。豈非生而有定論兮。尚或接于愛憎之私。死而愛
憎無所麗兮。忽天定其奚疑。嗟乎。見危臨事而不苟
兮。所以委質而爲臣。吾亦自盡乎。吾心兮。固非欲求
知于人。然自古固有抱屈于一世兮。俟百世而方伸
亦有百世而不俟兮。聽諸天地與鬼神。公死而有遺
思兮。斯人豈不靈。是不爲無所遇于當世兮。尚何憾
乎。冥冥議論定于其鄉兮。而傳之天下後世。無不本

諸人心。禦大災。捍大患。而得祀。今以不忘其德音。贈以嘉有功。今謚以尊名。天下有道。今天王聖明。吉山之陽。公魄所歸。素車盈盈。白馬纍纍。我思古人。今斗酒隻鷄。尚不憚于千里。今何百里之辭。即公墓。今酌酒以致哀。作文以諗地下。今尚有信于方來。

宋文忠烈先生文選卷之六終

三忠文選

卷之六 忠烈

三

三忠文選十六卷

內府藏本

明胡接輝編接輝字篤父廬陵人官監察御史是編成於崇禎丁丑選錄宋胡銓周必大文天祥之文曰三忠者以銓諡忠簡必大諡文忠天祥諡忠烈也按廬陵原有三忠堂一爲歐陽文忠修一爲楊忠節邦乂一爲胡忠簡銓建於嘉泰四年周必大爲之序岳珂程史載其始末甚詳邦乂以節義著其文不傳修集則固具在補以必大天祥當合爲四接輝增周文而去歐陽始未詳考平園集歟卷首序文一爲李建泰一爲阮大鍼一爲楊文驄以是三人弁冕三忠殊嫌著穢不知當日何以氣類相從如斯巧合亦可異也已

玉臺文苑八卷續玉臺文苑

四卷

〔明〕江元禧輯 江元祚續輯

中國人民大學圖書館藏明崇禎刻本

附《四庫全書總目·玉臺文苑

八卷續玉臺文苑四卷》提要

玉臺文苑序

徐孝穆曠以逸才可以繼龍門
蘭臺後塵猥以鈍聃綺艷
臚局俳偶其所纂玉臺一書
道靡不濫甘以爲風雅罪人
於百世而以文人名媛好之不
復情之所鍾今古一轍殆未可以
褒衣莊語程劑而擴建之也
靈修以供女懷賢文園以美人
刺疾書之河邊之草煌京洛

之花臨芳樹以興且把紫蘭而
贈遠半路溪毫多製相逢之
曲回以院裡猶取買賦之金莫
不經寶扇之百題訝彩籠之
入咏然而傾城可悅徒描膏袿

王季文苑序

二

之容以妍唱時揚未果鉛黃之
筆間入窈窕短引終開春
宮大為雖增琬琤之華莫繪
嫦娥之寶此文苑一編所為教
以辨體披文相質於貫珠列

貝之中具舉正擷英之賞生
房中之鼓吹亦彤管之功臣也
邦中博極羣書著述富爾
當往生淨域之日的燃蓮花
生其硯篋從前綺語障已白

王季文苑序

三

薄迦懺盡乃猶披麗金箱留
香鳳譜得微為白業之累然
觀孝穆初墮地時即蒙寶
公摩頂祝記既皈誠台教乘世
誓願再來為法華尊者大

瀏宗風始知慧業文人成佛
升天無所不可安知緣情之妙
獨非乃見性之圖階也邦中
乃子曲予瞻仰六甲藻貴三境
手臨父書皆能博誦談遷彪

王臺文苑序

四

固異代同踪此又李穆所未有
讀是編者幸勿僅從燕脂石
無着眼也

西吳韓叔書於

戒齋



王臺文苑序

青牛結緯紛敷川谷之榮臨兔司晶爛織暈輪之彩
故知燭石五色璇漢尚假紋膏舒桂千尋金波能資
義璧豈惟造化亦著人倫沂喬葉于遐年珥彤委碩
遡舜華於昭代濡翰疏如於是越海紫苔之牋湘陵
斑竹之管往往傳茲煒曄布彼繁英玉女窓前咀清
迴以激爽含庚枝畔循宛轉而娛韶未免有情誰能
道此原夫鳬繹貞製首宣馨於述行扶風淑則儼垂
懿于簾裘翟弗軒中號稱師氏絳紗帳裏能說周官
雅引鵲平湘嶺徽音昌於護萬斯蓋自然湛朗遲日
靜其連漪迤邐爾寒嚴皎霜留其氣韻者焉至若金根
月室戢輶隱于濯龍瑤幌霞綸移暄涼於舉鳳雀釵
映曉頗嫺履襪之銘蘭館凝炎兼劭菊椒之頌亦有
溫琴堪老口寫珠涎綽約爭先手摘銀簡此則栢殿
魏懸絕人間之匹侶葯房途錄理天上之音聲矣又
若伏川寂歷惟戀嬌睂秦杼迴環竟憐破鏡芙蓉並
蒂翻哀露之芳鬢繡縷同心摹行雲之暖夢以至花
承節鼓春朝金谷之歡曲按洞簫子夜瑤華之製莫

不妖贅易秀撰駢酬拔黛除以臙馳之豔叢而芬
集且如頭白溝水猶纏玉軫之愁雨綠長門最恨銅
餅之墜弦端驚箭傷落絮之靡還塞外幽笳憑回風
而自訴但伸含悵何憚題誠亦皆羽商嗚咽羌胡之
涕時零粉壓淒迷瑯琊之情可死迺有上元桃核標
霓笈於清都南嶽芝幢詮鸞音于紫府或靈津顯渡
或玄緒微呈九象表之緇繩壺中之沆瀣者也絲其
流別可略而談大都清揚娟妙多貽巧麗之詞鬱鬱
烟溫必屬貞柔之旨歲越二千人幾望百諦觀孝穆
臺文苑序

以來泊乎明時所輯疎星點帙夜色爲之乍披香
霧幕縱朝雲停而不散然而風流惠問罕睹賅存攀
未覽初亦稀查檢洵槩鉛之寡裕抑閤之恒淪歟
昔友江邦申氏義海張颿情塗紆轡以爲陳家哲傳
哀掇端主詩歌執苑慧娥續鋪更浮吟什匪雜篇之
廣括寔綺乘之仍盼途迺致砧蕙牒羅修婢之遙塵
弄墨然脂蒐穠纖之逸幅葩魂闢曉三春錦瓣參差
水鑑當秋萬軸牙籤下上緣以系據已貫始終彈厥
收漁且通觀譯體臚世柔賤絢神飛名曰玉臺文苑

川峙新詠高編在昔則四始孤行居今則羣裁配騫
所謂離成雙美互襲完琬殆猶琪條對聳聯寶幹於
荆阿玳珮分鏘會僊裝于漢裔固甚光於組釧寧徒
代乎萱蘇拾翠金洲起千齡之符采吹薰藻闥騰百
態之醖淵翩乎盛矣亶其勤矣顧弱柳空翳於菰園
殘竹惟存夫王徑天誠弗弔謂之何哉有弟邦璽夔
中授筆曾接異人庭際攤書夙偕祭酒滴露窮研磬
之苦堆芸備繙護之殷遠挾縹緗眎余滂嶠抽毫是
命載弁爰須瞻鴻影以攬章扣龍脣而捲卷嗟乎殺
玉臺文苑序

青甫挹方餘宿草之悲化碧在茲欲息流波之引而
蘭金永矢棟蓐彌敦難謝蟲雕敢矜驥綴惟是吳鉤
鏽澁莖頭聊託素衷楚峽留連都下儻逢好事庶使
泉迴蓋岫聆野奏而躊躇價踴曲臺賁嘉襟於緬邈
天啓壬戌大雪日莆田黃光若木甫譔



玉臺文苑目錄上

一卷

賦

倚素賦

漢班婕妤

自悼賦

班婕妤

東征賦

漢曹大家班昭

鍼縷賦

班昭

大雀賦

班昭

寡婦賦

魏丁廙妻

離思賦

晉左貴嬪芬

涪漚賦

左芬

松柏賦

左芬

遐思賦

晉王渾妻鍾夫人

悼艱賦

晉孫氏瓊

箏候賦

孫氏瓊

箏賦

晉陶融妻陳氏

懷思賦

晉劉柔妻王氏

春花賦

劉柔妻王氏

述志賦

隋蕭皇后

奉和御製小山賦

唐徐充容惠

樓東賦

唐梅妃江采蘋

題題問影賦

唐牛應貞

打馬賦

宋李易安

雙鶴賦

明朱靜庵

續春思賦

明范夫人徐媛

二卷

楚辭

擬小山

唐徐賢妃惠

九章

元余季女

懷遠

徐媛

傷往

徐媛

詔

報請封外戚詔

漢馬皇后

又報章帝詔

馬皇后

教鄧氏子弟詔

漢鄧皇后

災病赦天下詔

漢鄧太后

表	三卷	立文宗令	答東陽王丕令	下田益宗令	令	勞益州大都督府長史姚璿璽書	賜崔亮璽書	璽書	與諸家勅	與劉斐勅	勅	賜周馥二貴人策	冊文	徵史德義赴都詔	歸政穆帝與羣公詔	褒錄王渙詔
		唐懿安郭太皇太后	魏馮皇后	魏胡皇后		唐武皇后	魏胡皇后		郭皇后	魏郭皇后		漢鄧皇后		唐武皇后	晉褚皇后	郭太后

上太后書	請兄超入闕書	上孝和皇帝書	奏姊后飛燕書	報元帝書	上宣帝書	為父上書	上魏哀王書	上書	為千求襲封表	謝表	進女孝經表	為夫請戍邊自贖表	請為母服三年喪表	請從封解表	上元皇后誄表	讓立皇后表	讓長秋官表
班昭	漢班昭	漢梁夫人嬪	漢趙婕妤合德	漢王昭君嬪	漢烏孫公主解憂	漢縉縉	魏曲沃負		元孔淑母任氏	金叢摩申后	唐陳遵妻鄭氏	唐李邕妻溫氏	唐武皇后	唐武皇后	晉左芬	魏郭皇后	魏甄皇后

諫伐晉書	秦張夫人
別徽宗	宋明節劉后
疏	
息兵罷役疏	唐徐賢妃惠
諫獵疏	遼蕭后
請代夫死疏	明張宜人
代夫罪疏	明李妙緣
為夫代罪疏	明王裕妻周氏
請代夫死疏	明王竹妻張氏
辯冤疏	明李玉英
狀	
訪祖越王墳狀	唐女道士李玄真
啓	
謝東宮齊合心花釵啓	梁弘夜珠
謝東宮齊錦啓	梁夏玉豐
賀人壽生啓	宋李清照
踐	
奏踐成帝	趙皇后飛燕

四卷	
書	
與宋康王書	宋韓馮妻何氏
與司馬相如書	漢卓文君
問上元夫人書	漢西王母
答西王母書	漢上元夫人
答秦嘉書	漢徐淑
與竇玄書	漢竇玄妻
報諸姪書	漢班婕妤
戒子元珪稚珪書	漢杜泰姬
戒諸女及婦書	漢杜泰姬
報王方平書	漢麻姑
與楊夫人袁氏書	魏卞夫人
答卞夫人書	漢袁夫人
答兄弟書	晉寡婦淑
與從姪預書	晉杜有道妻嚴氏
與國臣書	晉衛瓘女
責子侃書	晉陶侃母湛氏

與虞定夫人薦環夫人書	晉孫氏瓊
與從弟孝徵書	孫氏瓊
與妹書	晉徐藻妻陳氏
答舅母書	晉劉臻妻陳元方
與支法師書	晉衛夫人茂濟
與夫許邁書	晉孫氏
與外書	晉楊苕華
投老帖	晉何氏
給楊義書	晉雲林右英王夫人
王臺文苑目錄	士
授許長史書	雲林右英王夫人
告許長史書	雲林右英王夫人
戒許長史書二首	雲林右英王夫人
授楊義書	南嶽魏夫人
授答許長史書	紫薇玉夫人
授楊義書三首	九華安妃
告公書二首	中侯王夫人
與子宇文護書	周閭姬
答元徽之書	唐崔鶯鶯

奇趙象書	唐步非煙
與郭進士書	唐劉國容
論玄書	明陳夫人
與姑母書	明徐媛
與表妹邵夫人書	徐媛
訓子書	徐媛
錄詞寄從弟夫人書	徐媛
遺子第四書	明李際陽母
上姑蘇太守書	明張麗貞
王臺文苑目錄	五卷
詞	風光詞
傷子辭	唐汜人
絕命詞	唐弘農楊氏
哀詞	遼懿德皇后蕭氏
遠夜辭	明郭愛
傳	明徐媛
牛應貞傳	宋若昭

觀音大士傳	元管夫人道昇
林母孺人傳	明徐媛
六卷	
序	
女論語序	漢班昭
女誡序	班昭
臣範序	唐武皇后
大周新譯大方廣佛華嚴經序	武皇后
題三鄉詩序	唐李美玉
金石錄後序	宋李易安
打馬圖序	宋李易安
望湖亭題壁詩自序	宋錢氏
題漢口舖詩自序	宋韓玉父
題梅關詩序	宋英州司寇女
女紅餘志自序二首	龍輔
性明師頌序	明梁氏
古今咏史錄序	明徐媛
題留新嘉驛壁詩序	明會稽女子

引	
紅線傳奇小引	明馬月嬌
吳歌小引	明梁玉兒
書仲容弟遊棲霞寺詩後	明徐夫媛
記	
蕪氏織錦迴文記	唐武皇后
東山愛日記	明濮夫人鄒氏
七卷	
頌	
贊金頌	晉左芬
納楊后頌	左芬
芍藥花頌	晉傅統妻辛氏
菊花頌	辛氏
燕頌	辛氏
姜嫄頌	晉劉柔妻王氏
啓母塗山頌	王氏
椒花頌	晉劉臻妻陳氏
午時畫扇頌	陳氏

論語贊	公孫夫人序贊	德柔贊	德剛贊	巢父惠施贊	班婕妤贊	孟柯母贊	楚狂接輿妻贊	荆武王夫人鄧曼贊	齊義繼母贊	魯敬姜贊	周宣王姜后贊	納楊后贊	贊	孫夫人頌	于貞姑頌	趙夫人壽頌	太平頌
晉謝道韞	晉孫瓊	左芬	左芬	左芬	左芬	左芬	左芬	左芬	左芬	左芬	左芬	晉左芬		徐媛	徐媛	明徐媛	唐真德

江母張夫人誄	張愈誄	劉處士誄	萬年公主誄	元皇后誄	司馬相如誄	柳下惠誄	八卷	九鼎銘	魏崔浩女儀	唐武皇后	晉劉柔妻王氏	明陳夫人朱氏	三才論	論	雨竹圖風竹圖二贊	死心禪師贊	四友贊
明趙陸卿子	妻滿芝	晉劉叅妻王氏	左芬	晉左芬	漢卓文君	魯柳下惠妻	王臺文苑目錄	主	魏崔浩女儀	唐武皇后	晉劉柔妻王氏	明陳夫人朱氏	三才論	論	雨竹圖風竹圖二贊	死心禪師贊	四友贊

先人詠有序

哀冊

唐高宗天皇大帝哀冊文
唐武皇后

墓銘

曹裡墓銘
唐周氏

居母黃孺人墓誌銘

祭文

祭夫徐俳文
梁劉令嫺

祭嫂楊孺人文
明孫天人楊氏

王臺不棄自錄

祭庶母文

雜文

保寧設浴榜
宋梅氏

筆陣圖
晉衛夫人李茂潛

廣寒宮殿白玉樓上梁文
許景樊

七供
河陽姬

玉臺文苑一卷

醴陵

江元禧邦申甫編輯
弟元祿邦善甫政

倚素賦

漢班婕妤

測平分以知歲酌玉衡之初臨見禽華菊也一作雁米紅以

應色聽霜鶴之傳音竹風軒而結聯對愁雲之淥沉

雖松梧之貞脆豈榮彫其異心若乃廣儲除懸月廊

水流清桂露朝滿涼衿夕輕燕姜含蘭而未吐趙女

玉臺文苑卷之一

抽黃而絕聲改容飾而相命卷霜帛而下庭曳羅裙

之綺靡振珠佩之精明若乃盼睐生姿動容多製弱

態含羞妖風靡麗皎若明魄之升崖煥若荷華之昭

晰音音調鈇無以玉其貌凝珠不能異其若雲霞之

適日似桃李之向春紅黛相媚綺組流光笑笑移妍

步步生芳兩靨如點雙眉如張顏肌柔液音性閑良

於是投香杵扣玫瑰擇驚聲爭鳳音梧因虛而調遠

桂山貞而響沉散繁輕而浮捷節踈亮而清深含生

總筑比玉兼金不損不麓匪瑟匪琴或旋環而紆鬱

或相參而不雜或將往而中還或已離而後合翔鸞

一作爲之徘徊落英爲之颯沓調非常律聲無定本

任落手之參差從風颯之近遠或連躍而更投或暫

舒而長歛一作清寡鸞之命羣哀離鵠之歸晚當是

時也鍾期改聽伯牙弛琴絃間絕響漢上傳一作應音

蕭史編管而擬吹周王調瑟以象吟若乃窈窕姝妙

之年幽閒貞專之性符皎日之心甘疾首之病歌採

綠之章發東山之詠望明月而撫心對秋風而掩鏡

閱絞練之初成擇玄黃之妙匹準華戎于昔時疑形

玉臺文集卷之一

異於今日想驕奢之或至許椒蘭之多術慙陋製之

無韻慮蛾眉之爲愧懷百憂之盈抱空千里兮飲淚

修長袖於妍袂綴半月於蘭襟表纖手於微絃庶見

迹而知心計修路之遐曼怨芬非之易泄一作書既

封而重題笥已緘而更結慙行客而無言還空房而

掩咽

班婕妤左曹越騎校尉况之女司空掾彪之姑

也少有才學漢成帝選入宮以爲婕妤帝嘗遊

後庭欲與同輦載辭之上善其言而止後趙飛

燕姊弟自微賤興遂譖婕妤祝詛主上考問之

對曰妾聞死生有命修正尚未蒙福竊邪欲以

何望使鬼神有知不受不臣之愆如燕無歸愆

之何益故不爲也上善其對遂釋婕妤懼

養太后長信宮作怨歌行又作自悼賦位今竊

玉臺文集卷之一

自悼賦

班婕妤

承祖考之遺德兮何性命之淑靈登薄軀於官闕兮
充下陳於後庭蒙聖皇之渥惠兮當日月之盛明揚
光烈之翕赫兮奉隆寵於增城既過幸於非位兮竊
庶幾乎嘉時每寤寐而索息兮中佩離以自思陳女
圖以鏡監兮傾女史而問詩悲晨婦之作戒兮哀哀
閨之爲郵美皇英之女虞兮榮姪奴之母周雖愚陋
其靡及兮敢舍心而忘茲歷年歲而悼懼兮閔蕃華
之不滋痛陽祿與栢館兮仍襁褓而離災豈妾人之
殃咎兮將天命之不可求白日忽已移光兮遂晝莫
而昧幽猶被覆載之厚德兮不廢捐於罪郵奉共養
於東宮兮託長信之末流共酒掃於帷幄兮永終死
以爲期願歸骨於山足兮依松栢之餘休重曰潛玄
宮兮幽以清應門閉兮禁闥扃華殿塵兮玉階苔中
庭萋兮綠草生廣室陰兮帷殿暗房櫳虛兮風泠泠
感帷裳兮發紅羅紛綵繡兮統素聲神眇眇兮密覩
處君不御兮誰爲榮俯視兮丹墀思君兮履綦仰視

兮雲屋雙涕兮橫流顧左右兮和顏酌羽觴兮銷憂
惟人生兮一世忽已過兮若浮已獨享兮高明處民
生兮極休勉虞精兮極樂與福祿兮無期緣承兮白
華自古今有之

婕妤初幸舉二十不育後居東宮奉事太后有
安分終老之意故作此賦

東征賦

漢班昭

惟永初之七年兮余隨子以東征時孟春之吉日兮
撰良辰而將行乃舉趾而升輿兮夕宿乎偃師遂去
故而就新兮志愴恨而懷悲明發曙而不寐兮心遲
遲而有違酌樽酒以弛念兮喟抑情而自非諒不登
巢而琢蠶兮得不陳力而相追且從衆而就列兮聽
天命之所歸遵通衢之大道兮求捷徑欲從誰乃遂
往而徂逝兮聊游目而遨覓歷七邑而觀覽兮遭華

玉臺文苑卷之二

六

縣之多艱望河洛之交流兮看成臯之旋門既免脫
於峻嶮兮歷滎陽而過武卷食原武以息足宿陽武
之桑間涉封丘而踐路慕京師而竊歎小人性之懷
土兮自書傳而有焉遂進道而少前兮得平丘之北
邊入匡郭而追遠兮念夫子之厄勤彼衰亂之無道
兮乃困畏乎聖人懷容與而久駐兮忘日夕而將昏
到長垣之境界察農野之居民睹蒲城之丘墟兮生
荆棘之榛榛惕覺悟而顧問兮想子路之威神衛人
嘉其勇義兮訖于今而櫛云邁氏在城之東南兮民

亦尚其丘墳惟令德爲不朽兮身既歿而名存惟經
典之所美兮貴道德與仁賢吳札稱多君子兮其言
信而有徵後衰微而遭患兮遂陵遲而不興知性命
之在天由力行而近仁勉仰高而蹈景盡忠恕而與
人好正直而不回兮精誠通于明神庶靈祇之鑒照
兮祐貞良而輔信亂曰君子之思必成文兮盍各言
志慕古人兮先君行止則有作兮雖其不敏敢不法
兮貴賤貧富不可求兮正身履道以俟時兮修短之
運愚智同兮靖恭委命唯吉凶兮敬慎無怠思謙約

玉臺文苑卷之二

七

今清靜少欲師公綽兮

昭字惠姬班彪之女扶風曹世叔妻和帝數召
入宮令皇后貴人師事焉號曰大家時子穀爲
陳留長大家隨至官作此賦述所經歷也

鍼縷賦

班昭

鎔秋金之剛精，形微妙而直端。性通遠而漸進，博庶
物而一貫。惟鍼縷之列迹，信廣博而無原。退逶迤以
補過，似素絲之羔羊。何斗筭之足美，咸勒石而升堂。
先鍼而後縷，可以成帷。先縷而後鍼，不可以成
也。

大雀賦

班昭

嘉大雀之所集，生崑崙之靈丘。同小名而大異，乃鳳
皇之匹。疇懷有德而歸義，故翔萬里而來遊。集帝庭
而止息，樂和氣而優遊。上下協而相親，聽雅頌之雍
雍。自東西與南北，咸息服而來同。

寡婦賦

魏丁廙妻

惟女子之有行固歷代之夔倫辭父母而言歸奉君子之清塵如懸蘿之附松似浮萍之託津何性命之不造遭世路之險迤榮華曄其始茂所恃奄其徂泯靜閉門以却掃覓孤糗以窮居刷朱扉以白堊易玄帳以素幃含慘悴以何訴抱弱子以自慰時翳翳以東陰日壘壘以西墜雞斂翼以登樓雀分散以赴鳩還空牀以下幃拂余褥以安寐想逝者之有憑因宵夜之易痛痛存沒之異路終窮漠而不至時荏苒而不留將遷靈以代行駕龍輻於門側設祖祭於前廊彼生離其猶難矧永絕而不傷自銜恤而在疚履冰冬之四節風蕭蕭而增勁寒凜凜而彌切霜凄凄而夜降水濂濂而晨結瞻靈宇之空虛悲屏幌之徒設仰皇天而歎息腸一日而九結惟人生于世若駒驥之過櫟計先後其何幾亦同歸乎幽冥

離思賦

晉左芬

生蓬戶之側陋今不開習於文符不見圖畫之妙像兮不聞先哲之典謨既愚陋而寡識兮謬忝廁於紫廬非草茅之所處兮恒休惕以憂懼懷思慕之初怛兮兼始終之萬慮嗟殷憂之沈積兮獨鬱結而靡譚意慘憤而無聊兮思纏綿以增慕夜耿耿而不寐兮寃憤憤而至曙風騷騷而四起兮霜皚皚而依庭日晡晡而無光兮氣惻惻以烈清懷愁戚之多感兮患涕洟之自零昔伯瑜之婉孌兮每綵衣以娛親悼今日之乖隔兮奄與家爲參辰豈相去之云遠兮曾不盈乎數尋何宮禁之清切兮欲瞻視而莫因仰行雲之獻歎兮涕流射而沾巾惟屈原之哀感兮嗟悲傷於離別彼城闕之作詩兮亦以日而踰月况骨肉之相違兮永綰邈而兩絕長含哀而抱戚兮仰蒼天而泣血亂曰骨肉至親化爲他人永長辭兮慘愴悲夢想魂歸見所思兮驚悟號咷心不自聊泣漣泗兮援筆舒情涕淚增零訴斯詩兮

左貴嬪名芬太冲妹善綴文晉武帝聞而納之
泰始八年拜修儀受詔作愁思之文因爲離思
賦後爲貴嬪姿陋無寵以才德見稱體羸多患
常居薄室帝每遊華林輒回輦過之言及文義
辭對清華左右侍聽莫不稱美帝重芬辭藻方
物異寶必詔芬爲賦頌屢獲恩賜焉答兄詩書
及雜賦頌數十篇並行於世

涪渥賦

左芬

覽庶類之肇化何涪渥之獨靈稟陰精以運景因落
雨以結形不係根于獨立故假物以資生體珠光之
皎皎若凝霜之初成色鮮熠以熒熒似融露之將停
亡不長消存不久寄於成不欲難其敗亦以易也

松栢賦

左芬

何奇樹之英蔚寄峻嶽之嵯峨被玄淵之逶迤臨綠
水之素波擢修木之桓桓萃綠葉之芳葩敷纖芽之
龍從布秀葉之葱菁列疎寔之離離馥幽謁而永馨
紛翳集以離披氣肅肅以清冷應長風以鳴條似綠
竹之遺聲稟天然之貞勁經嚴冬而不零雖凝霜而
挺幹近青春而秀榮擬君子之順時又似乎貴人之
抗貞赤松遊其下而得道文賓食其實而長生詩人
歌其榮蔚齊南山以永寧

玉臺文苑卷之一

十四

遐思賦

晉王渾妻鍾夫人

惟仲秋之慘悽百草萎悴而變衰鶯翔逝而歸海
蟬鳴而相迫坐虛堂而無聊嗟我心之多懷悵遐思
而內結嗟爾姜任邈不我留謀民生之未幾吾何爲
其多愁涼風蕭條露霑我衣憂來多方慨然我懷感
飛鳥之反鄉詠衛女之思歸于是周遊容與逍遙徬
徨悲民生之局促願輕舉之遐翔

玉臺文苑卷之一

十五

悼艱賦

晉孫瓊

伊稟命之不辰遭天難之靡忱夙無父而何恃哀壅
悴以抽心覽蓼莪之遺咏詠肥泉之餘音經四位之
代謝雖積祀而思深伊三從之有歸爰奉嬪於他族
仰慈姑之惠和荷仁澤之陶渥釋褰服以斬衣代羅
帷以縞布仰慈尊以飲泣撫孤影以協慕遇飛廉之
暴骨觸驚風之所會扶搖奮而上躋頽雲下而無際
頓余邑之當春望峻陵而鬱青瞻空宇之寥廓愍宿
草之發生顧南枝以永哀向北風而飲泣情無觸而
不悲思無感而不集

玉臺文集卷之一

十七

筵篴賦

晉孫瓊

考茲器之所起實侯氏之所管遠不假於琴瑟顧無
取乎笙篴爾乃陟九峻之層巖瞻承溫之朝日剖輝
陽之孤桐代楚宮之綺漆徵班輪之造器命伶倫而
調律浮音穆以遐暢沉響幽而若絕樂操則寒條反
榮哀曼則晨華朝滅邈漸離之清角超千野之白雪
然思超梁甫願登華岳路險悲秦道難怨蜀遺逸悼
行邁之離秋風哀年時之速陵危柱以頽頽憑哀弦
以躑躅於是數轉難測聲變無方或冉溺以飄沉或
頓剉以抑揚或散角以放羽或攄徵以騁商

玉臺文集卷之一

十七

箏賦

晉陶融妻陳氏

伊夫箏之爲體惟亮亮而殊特應六律之修和與七
始乎消息括八音之精要超衆器之表式后夔創制
子野考成列柱成陳既和且平牙氏攘袂而奮手鐘
期傾耳以靜聽奏清角之要妙詠騶虞與鹿鳴獸連
軒而率舞鳳踰踰而集庭汎濫浮沉逸響發揮翕然
若絕皎如復迴爾乃秘曲卓爍殊異周旋去留千變
萬態

玉臺文苑卷之一

十小

懷思賦

晉劉柔妻王氏

超離親而獨寄與憂憤而長俱雖亮分以自勉曾無
聞乎須臾思道遙而忡惓疾結滯乎膚肌憶昔日之歡
侍奉膝下而怡裕集同生而從容常欣泰以逸豫何
運遇之偏否獨遼隔于修路何恒鳥之將分猶哀鳴
以告離况遊子春暮孰殷思之可靡於是仲春蕭索
暮收西御寒露霄零落葉晨布羨歸鴻之提提振輕
翼而高舉志眇眇而遠馳悲離思而嗚咽彼邁物而
推移何予思之難泄卿摩翰以寄懷悵辭鄙而增結

玉臺文苑卷之一

十九

春花賦

劉柔妻王氏

千葩粲于昭晰兮百卉蒨而同榮
蘭圃翹以含芳兮芝薄振而沉馨
翠穎競臻衆條頰英或異色同形或
齊芳殊制自然神香不可勝計
爛若羅宿之垂光灼若隋珠之宵列
爽若蜚翠之群翔練若珊瑚之映月
詩人詠以托諷哀喻美而光德准工女于妙規飾王后之首則

主臺文苑卷之一

二十

述志賦

隋蕭皇后

承積善之餘慶備箕箒於皇庭恐修名之不立將負累于先靈迺夙夜而匪懈定寅懼於玄冥雖自強而不息亮愚昧之所滯思竭節於天衢才追心而弗逮寔庸薄之多幸荷隆寵之嘉惠賴天高而地厚屬王道之升平均二儀之覆載與日月而齊明迺春生彌夏長等品物而同榮願立志于恭儉私自兢於誠盈就有念于知足苟無希於濫名惟至德之弘深情不適於聲色感懷舊之餘恩求故劍於宸極叨不世之殊盼謬非才而奉職何寵祿之踰分撫冒襟而未識雖沐浴于恩光內慙惶而累息願微躬之寡昧思念淑之良難寔不遑於啓處將何情而自安若臨深而履薄心戰慄其如寒夫居高而必危慮處滿而防溢知恣夸之非道乃再生於冲謚嗟寵辱之易驚尚無爲而抱一履謙光而守志且願安乎容膝珠簾玉箔之奇金屋瑤臺之美雖時俗之崇麗蓋吾人之所鄙愧綈綌之不工豈絲竹之喧耳知道德之可尊明善

主臺文苑卷之一

二十一

惡之由已蕩囂煩之俗慮乃伏膺於經史綜歲誠以
訓心觀女圖而作軌遵古賢之令範冀福祿之能綏
時循躬而三省覺今是而昨非嗤黃老之損思信爲
善之可歸慕周姬之遺風美虞妃之聖則仰先哲之
高才貴至人之休德質非薄而難蹤心恬愉而去惑
乃平生之耿介實禮義之所遵雖生知之不敏庶積
行以成仁懼達人之蓋寡謂何求而自陳誠素志之
難寫同絕筆于獲麟

奉和御製小山賦

唐徐充容

惟聖皇之馭寓鑒敗德於前規裁廣知以從挾抑高
心而就卑懼逸情之有泰欣靜慮於無爲于時季春
移序初光入暑露海池臺煙霏林籞眷情悒以無歡
懷仁智而延佇思寓賞以登臨非騁麗于茅宇殊華
嶽之削成異羅浮之移所爾其表旣宸衷作固離宮
含仁自下帶嶮非崇分上林之卉木點重巒之翠紅
葉新抽而不樹花散植而無葉雜當窓之帶柳交約
芻之珪桐纖塵集今朝嶺峻宵露晞今夕澗空影促
圓翠三寸日聲低疊嶂一尋風風輕兮拂蘭蕙日斜
兮蔭階砌蝶留粉於巖端蜂尋花於嶺際草臨波而
側影石瑩流而倒勢雖蓬瀛之蘊奇故未留於神睇
彼崑閬之稍美詎有逮於天製豈若數質之形託於
掖一作庭俯依丹檻仰映朱楹臨巖崖之鄙薄荷眺
矚之恩榮期保終于一國奉天騰于千齡

樓東賦

唐江采蘋

玉鏡塵生鳳奩香殄懶蟬嬾之巧梳閑縷衣之輕練
告寂寞於蕙宮但凝思乎蘭殿信標落之梅花隔長
門而不見况乃花心屢恨柳眼弄愁暖風習習春鳥
啾啾樓上黃昏分聽鳳吹而回首碧雲入暮今對素
月而凝眸溫泉不到憶拾翠之舊遊長門深閉嗟青
鸞之信修憶太液清波水光蕩浮笙歌賞宴陪從宸
九奏舞鸞之妙曲乘鸞鶴之仙舟君情繾綣深敘綢
繆昔山海而常在似日月而無休奈何嫉色庸庸妬
氣冲冲奪我之愛幸斥我乎幽宮思舊歡之莫得想
夢著乎朦朧度花朝與月夕羞懶對乎春風欲相如
之奏賦奈世才之不工屬愁吟之未盡已響動乎疎
鐘空長嘆而掩袂躊躇步于樓東

妃善屬文自比謝女明皇以其喜梅名曰梅妃

有蕭蘭梨園梅花鳳笛玻璃盃剪刀綺窓八賦後

以太真得幸寵承遷于上陽東宮妃以千金壽

高力士求詞人擬司馬相如爲長門賦欲邀上

意力士方奉太真且畏其勢報曰無人解賦妃
乃自作樓東賦

●打馬賦

宋李易安

歲令云徂廬或可呼千金一擲百萬十都尊俎具陳
已行揖讓之禮主賓既醉不有博奕者乎打馬爰興
枰術遂廢寔小道之上流乃深閨之雅戲齊驅驥驟
疑穆王萬里之行間列玄黃類楊氏五家之隊珊瑚
珮響方驚玉韁之敲落落星羅忽見連錢之碎若遇
吳江楓落胡山葉飛玉門關閉沙苑草肥臨波不渡
似惜障泥或出入用奇有類昆陽之戰或優游仗義
玉臺文苑卷之一 二十六
正如涿鹿之師或問望久高脫復庾郎之失或聲名
素昧便同痴叔之奇亦有緩緩而歸昂昂而立烏道
驚馳蠅封安步欬嘔峻坂未遇王良蹢促鹽車難逢
造父且夫丘陵云遠白雲在天心存戀葢志在着鞭
止蹄黃葉何異金錢用五十六采之間行九十一路
之內明以賞罰嚴其殿宸運指揮於方寸之中決勝
負于幾微之外且好勝者人之常情游藝者士之末
技說梅止渴稍蘇奔競之心畫餅充饑少謝騰驤之
志將圖寔效故臨難而不回欲報厚恩故知幾而先

退或啣枚緩進已踰關塞之艱或奮勇爭先莫悟奔
墜之堅皆因不知止足自貽尤悔况爲之不已事寔
見於正經用之以經義必合于天德故連床大呼五
木皆盧瀝酒一呼六子盡赤平生不負遂成劍閣之
師別墅未輸已破淮淝之賊今日豈無元子明時不
乏安石又何必陶長沙博局之投正當師袁彥道布
帽之擲也亂口

佛狸定見酉年厄貴賤紛紛尚流徙滿眼驕驕雜驟
暝時危安得真致此老矣誰能志千里但願相將過
淮水
玉臺文苑卷之一 二十七

雙鶴賦

明朱靜庵

惟仙禽之高潔稟玉雪之貞姿翔崑崙之琪樹啄玄圃之靈芝共遨遊于碧落同沐浴于天池與鸞鳳而爲侶矧燕雀之敢窺何虞人之見獲遂籠送于軒擗蒙主人之過愛聊隱迹而棲遲故其呼之則應撫之卽酬山雞雜處野鷺爲倫志昂藏而獨立情偃蹇而弗伸若夫春雨初晴花陰滿庭臨風振羽向日梳翎或翩跹而對舞或天矯而同行望故巢之修阻徒奮迅而長鳴旣而白露初降金風始高丹鼎皎潔玄裳飄蕭發清唳于永夜徹遺響于九臯感遊子之躑躅使遷客之無聊爾乃安于棲息飲啄適宜受乘軒之寵渥釋籠檻之羈縻愧微軀之匪薄承眷顧之恩私感厚德猶未報徒馳情而在茲永充君之玩好誓畢世而不違

續春思賦

有亭

明徐媛

於時春也游乎江涘感條風之扇物悵吹萬之不齊喟然興思援筆爲賦昔龍門年少玉藻揆天鬱彼羈懷綴茲高響旣析字而成珠亦汎聲而當珮後有作者吾無間然至於繡閣雙鬟幽懷萬緒經春淚淚理非一端得無有留欲吐之章俟後來之秀者乎予本恨人驚覓無定載成斯製廣寫幽憂可謂千古傷心一時遙集者矣其詞曰

玉臺文苑卷之一

二十九

迺長流而進懼駕日彩以浮梁雲濛濛兮輕曳烟靄需兮微揚維時青帝司晨女夷節鼓驚竊吳歎蝶翻趙舞碎銀沼之萍花散玉樓之冰柱氣暖平原香繁別浦欲流月姊之輝未值風姨之怒冶遊則拾翠採珠奇樂則沈宮振羽嗟哀樂之致懸匪一理之可研類時傷於暮序或撫心於綺年境何觸而非悵淚何人而不泉若闕外之殊慘羌難得而備宣也至如金屏椒壁繡榻瑯碼若有人兮閨其中步徙倚兮私自惜簾捲水晶枕留琥珀風斜轉而吹蒼月孤生而照

艷朱謝脁輕黃罷額池桃空紫石苔長碧羊車過
而塵杳鳳吹繁而院隔何遊絲之似繞更落花之如
擲舞驚鴻其已緬慰真珠其奚益乃天達之鳳子適
月竈之烏孫三月雪飛萬里晝昏星懸漢影旂折胡
寬駭驚沙之無斷傷芳草之盡髡俗侏儻其難接色
蕉絕而不言登別館而凍雲集眺荒野而苦霧屯種
鄉侍寢釐醕當殮臆中鴉鵲之觀夢裏蒼龍之門睇
故國兮無日知天子兮少恩亦有少小容華生來婉
弱笑非蔡而羣迷腰未楚而先約芳菲菲而入官黨
此此其謠詠君意不自堅君恩俄已落修成之肉可
糜新人之臭幾斯鬼帝誰叩皇孫欲啄勢甚撓椎危
踰巢幕恒撫節而骨銷轉當春而神索別有便娟銅
雀妓漳水東來寫娉媚俱照渚而成蓮各臨風而拂
翠窈窕玉喉翩翩繡袂旋娟爲之氣奪洛珣因之色
墜值君王之未疲泊賓筵之半醉態轉裾迴覓挑眼
刺雕閣黛浮瑣臺香酥守宮之血未乾辟寒之金爭
餌痛尊酒其寂寞空西陵之歌吹馳蕩青陽悽焉雪
涕况乃初歸瑤鏡慣畫青眉忽河關其遐別邈烟路

而安之琅玕結意芳藥贈離舉耶郢之翠袖泛蘭陵
之淺卮君啼妾拭妾臂君持孤舟尚艤短蓬乍吹草
繁情而磴礙柳帶恨而橋垂寫素懷於石闕申丹款
於屢屢渭水波兮代咽越鳥吟兮助悲故歡亮已矣
良晤終何期及夫奉生赴椽細君未從將千里而同
子何二豎之留饑一則故廬善病一則天涯浪蹤鎡
茶夕冷竹葉晨春錦衾橫而鐘氣歇華燈燦而樓影
重憐琴心之別鸛妬鏡背之蟠龍夢遙尋而難寄書
促往而忘封對此關關鳴語灼灼花其何嘗不抽簪
覺短約帶惜松子美亡此誰適爲容是以新光新氣
新景新愁固千悲而一族亦異感而同憂莫不寄微
情於湘女結幽恨於靈修豈與夫康娛漂瑣流連桂
舟艷曲平原之弟巧笑如臯之遊夜以繼日怨怨悠
悠者哉重曰菖蘋旣已廣紅蘭亦已長浩空江兮無
人適予心兮怡悅復鳴鳩兮先鳴撫歲華兮將往寧
攀雲際之瓊枝不願河洲之宿莽有韓娥者聞此辭
乃抗音而奏陽春之歌歌曰魚澣澣兮鳥綿蠻逝白
日兮銷朱顏蕩許春愁終不去解許春懷終不閑詎

怨多而心死直歡餘而淚班欲知妾恨復誰是斂盡
雙蛾不似山

玉臺文苑二卷

醴陵

江元禧邦申甫編輯

弟元禮邦善甫政

擬小山

唐徐賢妃

仰幽品而流盼撫桂枝以凝想將千齡兮此遇荅何
爲兮獨往

徐惠湖州人孝德女生五月能言四歲通論語

毛詩八歲曉屬文父試使擬離騷爲小山篇云

玉臺文苑卷之二

孝德大驚知不可掩唐太宗聞之召爲才人遷

充容手未嘗廢卷而辭承瞻蔚文無淹思帝崩

充容哀慕成疾不肯進藥曰上遇我厚得先犬

馬侍寢園吾志也以永徽元年卒贈賢妃女弟

爲高宗婕妤亦有文藻世以擬漢班氏云

九章

余季女

妾誰怨兮薄命一氣孔神兮化生若甄春山娟兮秋水淨乘貞潔兮妾之性聊復興歌兮遣興

右一

夜夢兮食梨命靈氛兮與余占之曰行道兮遲遲歛角枕兮絮如風動帷兮心悲

右二

雲黯黯兮雪飛棘夫子介兮如石苦復留兮不得望

王臺東麓卷之二

二

平原兮太息涕泗橫兮沾臆

右三

送子去兮春樹青望子來兮秋樹零樹有枝兮枝有英我胡爲兮筑筑子在此兮山城

右四

織女兮牛郎豈謂化兮爲參商欲徑渡兮河無梁霜露侵襲兮病假在床嗟嗟夫子兮誰與縫裳

季女臨海人有容德善屬文贅水宗道月餘宗道媿已不妻若輒辭歸閉門讀書久不返余裁

九章招之宗道卒不聽及余病且死宗道夢余訣曰妾委脫矣子盍送我既而訃至宗道未幾

悲死

王臺東麓卷之二

三

懷遠

懷遠寄長倩也

明徐媛

胡風勁兮慄裂寒楓葉飄兮征衣單路迢迢兮遠去
水揚波兮聲潺湲對草木兮悲落莫望關山兮鬱盤
旋日黃昏兮絕綦履夜杳渺兮傷愁顏攬三星兮聞
河漢援素琴兮鳴朱絃浮雲漠漠兮局不舒玉露漙
漙兮夜溼溼聊逍遙兮步庭際窺明月兮空懸白日
忽兮愁淹莫房櫳間兮風冷然沙見宛頸兮泊洲渚
玄鶴噉噉兮舞駢服托晨風兮寄尺素情脉脉兮曷
勝言

傷往

傷往悼董三弟也

徐媛

駕輕舟兮木蘭泊輕風兮袂單望湘水兮生波蕩
樹兮閨闥聞激管兮思結聽啼狖兮眉攢歲不與兮
侘傺情一往兮增酸悲白骨兮杳渺魂其歸兮路漫
追鴈行兮宛昔何一旦兮摧殘去不返兮勞想行不
歸兮晤難嗟人世兮寄跡復愁緒兮千端傷吾生兮
太息聊容與兮江干

報諸封外戚詔

漢明德馬皇后

凡言事者皆欲媚朕以要福耳昔王氏五侯同日俱封其時黃霧四塞不聞澍雨之應又田蚡寶嬰寵貴橫恣傾覆之禍爲世所傳故先帝防慎舅氏不令在樞機之位諸子之封裁令半楚淮陽諸國常謂我子不當與先帝子等今有司奈何欲以馬氏比陰氏乎吾爲天下母而身服大練食不求甘左右但著帛布無薰香之飾者欲身率下也以爲外親見之當傷心玉臺文選卷之二

六

自勅但笑言太后素好儉前過濯龍門上見外家問起居者車如流水馬如游龍倉頭衣祿襦領袖正白傾視御者不及遠矣故不加譴怒但絕歲用而已冀以默愧其心而猶憊怠無愛國忘家之慮知臣莫若君况親屬乎吾豈可上負先帝之旨下虧先人之德乎襲西京敗亡之禍哉

伏波將軍援少女明帝后無子賈貴人生章帝命后養之尊爲皇太后章帝建初元年欲封諸舅太后不聰明年大早言事者以爲不封外戚之

故有司因上奏太后詔報帝省詔悲歎復重請太后又報帝後二年帝封廣爲順陽侯防爲潁陽侯允爲許陽侯皆后兄

玉臺文選卷之二

七

又報章帝詔

明德馬皇后

吾反覆念之思令兩善豈徒欲獲謙謙之名而使帝受不外施之嫌哉昔竇太后欲封王皇后之兄丞相條侯言受高祖約無軍功非劉氏不侯今馬氏無功於國豈得與陰郭中興之后等邪嘗觀富貴之家祿位重疊猶再實之木其根必傷且人所以願封侯者欲上奉祭祀下求溫飽耳今祭祀則受四方之珍衣食則蒙御府餘資斯豈不足而必當得一縣乎吾計之孰矣勿有疑也夫至孝之行安親爲上今數遭變異穀價數倍憂惶晝夜不安坐卧而欲先營外封違慈母之拳拳乎吾素剛急有向中氣不可不順也若陰陽調和邊境清靜然後行子之志吾但當含飴弄孫不能復關政矣

教鄧子弟詔

漢鄧皇后

吾所以引納群子置之學官者實以方今承百王之敝時俗淺薄巧僞滋生五經衰缺不有化導將遂陵遲故欲褒崇聖道以匡失俗傳不云乎飽食終日無所用心難矣哉今末世貴戚食祿之家溫衣美飯乘堅驅良而面牆術學不識臧否斯故禍敗所從來也永平中四姓小侯皆令入學所以矯俗厲薄反之忠孝先公旣以武功書之竹帛兼以文德教化子孫故能束修不觸羅網誠令兒曹上述祖考休烈下念詔書本意則足矣其勉之哉

災病赦天下詔

漢鄧太后

詔曰朕以無德託母天下而薄祐不天早罹大憂延
平之厄海內元元厄運危於累卵勤勤苦心不敢以
萬乘爲樂上欲不欺天愧先帝下不違人負夙心誠
在濟度百姓以安劉氏自謂感激天地當蒙福祚而
喪禍內外傷痛不絕須以廢病沉滯久不得侍祠自
力上原陵加款逆血遂至不解存亡大分無可奈
何公卿百官其勉盡忠恪以輔朝廷

王臺文苑卷之二

十

漢殤帝崩鄧太后定策立安帝猶臨朝聽政水
旱十載四夷外侵盜賊內起永寧二年二月寢
病漸篤乃大赦天下

褒錄王渙詔

漢鄧太后

夫忠良之吏國家所以爲理也求之甚勤得之至寡
故孔子曰才難不其然乎昔大司農朱邑右扶風尹
翁歸政迹茂異令名顯聞孝宣皇帝嘉歎愍惜而以
黃金百斤策賜其子故洛陽令王渙秉清修之節蹈
羔羊之義盡心奉公務在惠民功業未遂不幸早世
百姓追思爲之立祠自非忠愛之至孰能若斯者乎
今以渙子石爲郎中以勸勞勤

王臺文苑卷之二

十一

王渙字稚子廣漢郿人除溫令境內清夷有放
牛者輒云以屬稚子終無侵犯永元十五年爲
洛陽令得寬猛之宜病卒致奠醢以千數民思
其德爲立祠安陽亭西延熹中桓帝悉毀諸房
祀唯特詔密縣存故太傅卓茂廟洛陽留王渙
祠焉 此詔梅禹金洞詮亦失載

歸政穆帝與羣公詔

晉康獻褚皇后

昔以皇帝幼沖從羣后之議既以闇弱又頻丁極艱
御恤歷祀沈憂在疚司徒親尊德重訓救其獎王室
之不壞實公是憑帝既備茲冠禮而四海未一五胡
叛逆豺狼當路費役日興百姓困苦願諸君子思量
遠笑戮力一心輔翼幼主匡救不逮未亡人永歸別
宮以終餘齒仰惟家國故以一言託懷

后名蘇子河南陽翟人晉康帝之后穆帝幼沖

主臺文苑卷之二

十二

司徒蔡謨等奏請太后臨朝攝政帝既冠太后
歸政居崇德宮于詔羣公後簡文尊爲崇德太
后前後稱制凡四十年

徵史德義赴都詔

唐則天皇后武氏

詔曰蘇州隱士史德義志尚玄虛業履貞確謙冲彰
於里閭孝友表於閭庭因辭徵辟長往嚴陵之瀨多
謝簪裾高蹈愚公之谷博聞強識閱禮敦詩繕性丘
園甘心畎畝朕承天革命建極開階寤寐星雲物色
林壑順禎期而捐薜帶應休運而解荷裳粵自海隅
來遊魏闕行藏之理斯得去就之節無違風操可嘉
啓沃攸符特宜優獎委以諫曹可朝散大夫

主臺文苑卷之二

十三

賜周馥二貴人策

東漢和熹鄧后

朕與貴人託配後庭共歡等列十有餘年不獲福祐
先帝早棄天下孤心煢煢靡所瞻仰夙夜永懷感愴
發中今當以舊典分歸後園僚結增歎燕燕之詩曷
能喻焉其賜貴人玉青蓋車采飾輅駟馬各一駟黃
金三十斤雜帛三千匹白越四千端

鄧后名綏太傅禹孫女初爲和帝貴人陰后廢

遂立爲后元興元年和帝崩迎皇子隆立爲殤

主臺文苑卷之二

十四

帝太后臨朝和帝薨後宮人並歸寢園太后賜

二貴人策云云見後漢書與後漢紀小異

與劉斐勅

魏文德郭皇后

諸親戚嫁娶自當與鄉里門戶匹敵者不得因勢彊
與他方人婚也

魏文帝郭后安平廣宗人外親劉斐與他國爲
婚後聞之與勅

主臺文苑卷之二

十五

與諸家勅

魏文德郭皇后

今世婦女少當配將士不得因緣取以爲妾也宜各自慎無爲罰首

按魏書后常勅戒表武等曰漢氏椒房之家少能自全者皆由驕侈可不慎乎因姊子孟武還鄉求小妻后止之遂勅諸家

玉臺文苑卷之二

十本

賜崔亮璽書

後魏宣武靈皇后胡氏

硤石既平大勢全舉淮堰孤危自將奔遁若仍敢游覓此當易以立計擒翦驍徒應在旦夕將軍推轂所憑親對其事處分經畧宜共協齊必令得掃盪之理盡彼遺燼也隨便守禦及分渡掠截扼其咽喉防塞走路期之全獲無令漏逸若畏威降首者自加蠲宥以仁爲本任之雅笑一二往使別宣

梁趙祖悅率衆據硤石詔亮與李平討平之部

玉臺文苑卷之二

十七

分諸軍進討淮堰亮違節度平表劾之詔聽以功補過

勞益州大都督府長史姚瑋書

唐則天皇后武氏

夫嚴霜之下。識貞松之擅奇。疾風之前。知勁草之爲貴。物既有此人。亦宜哉。卿早荷朝恩。委任斯重。居中作相。弘益已多。防邊訓兵。心力俱盡。歲寒無改。終始不渝。迺眷蜀中。毗俗殷雜。久缺良守。弊於侵漁。政以賄成人無厝足。是川命卿出鎮。寄茲存養。果能攬轡澄清。下車整肅。吏不敢犯。姦無所容。前後糾摘。益非一緒。貪殘之伍。屏跡於列城。剽奪之儔。遁形於外境。主臺文苑卷之二 十八

詔勞恭月康此黎元言念德聲良深嘉尚宜布瑯琊

之化當以豫州爲法

下田益宗

魏宣武靈皇后胡氏

卿誠著二朝。勲光南服。作藩萬里。列土承家。前朝往恩。酬敘不淺。兼子弟荷榮中表。被澤相缺。輕重卿所知。悉先帝以卿勞舊州。小祿薄故。遷牧華壤。爰登顯級。于時番兵交換。不生猜疑。而卿息魯賢等無事外。叛忠孝俱乖。翻爲戎首。以卿誠重。不復相討。今卧護征南。榮以金紫。朝廷處遇。又甚于先。且卿年老。方就閑養。焉得以本州爲念。魯賢來否。豈待自往也。但遣恩納足相。昭亮若審。遣信當更啓聞。別勅東豫聽卿。諭曉魯賢。主臺文苑卷之二 十九

世宗延昌中詔益宗爲濟州刺史慮其不受代

遣李世哲劉桃符襲逐諸戌世哲討破之以益

宗還校征南將軍金紫光祿大夫加散騎常侍

益宗生長邊地不願內榮上表訟桃符讒陷貞

良肅宗初又表乞東豫州以招二子于是太后

下令

答東陽王丕令

後魏文明皇后馮氏

臣哉鄰哉鄰哉臣哉君則亡逸于上臣則履冰于下若能如此太平豈難致乎

文成帝后長樂信都人獻文帝尊爲皇太后親造勸戒歌以賜郡官丕爲太傅上疏贊謝令云

玉臺文苑卷之二

二十

立文宗令

唐懿安郭太皇太后

令曰大行皇帝庠哲多能對越天命宜荷九廟之重永享億年之祚豈謂姦妖竊發矯專神器蠱惑中外扇誘羣情駭動神人疊深臬鏡咨爾江王聰哲精粹清明在躬智美機閑玄謀雷發躬率義勇大清醒類允膺當璧之符爰撫枕戈之憤既殲巨逆當享豐福是命爾陟于元后宜命司空平章事晉國公度奉冊卽皇帝位

玉臺文苑卷之二

二十

懿安郭后尚父子儀之孫駙馬都尉曖之女憲宗爲廣陵王時納爲妃生穆宗後冊爲貴妃穆宗嗣位冊爲皇太后敬宗卽位尊爲太皇太后及寶曆季年兇徒竊發昭愍暴殞宦官迎絳王監國尋又加害后乃下令云

玉臺文苑三卷

江元禧邦中甫編輯

弟元提邦宜甫政政

議長秋官表

魏文昭甄皇后

妾聞三代之興所以享國久長垂祚後嗣無不由后妃焉故必審選其人以典內教今踐祚之初誠宜進登賢淑絕理六官妾自省愚陋不任榮盛之事加以寢疾敢守微志

玉臺文苑卷之三

皇后中山無極人明帝母也九歲喜書視字輒識數用諸兄筆視兄曰汝當作博士邪后答曰

觀古者賢女未有不覽前世成敗爲已戒者不知書何由見之表紹據鄴爲中子熙納焉及曹

操破紹文帝私納爲夫人後爲郭后所譖賜死

明帝卽位追謚文昭魏書有司奏建長秋官帝

璽書迎后詣行在所后上表稱謝璽書三至而

后三讓

讓立皇后表

魏文德郭皇后

妾無皇英釐降之節又非姜任思齊之倫誠不足以假充女君之盛位處中饋之重任

皇后安平廣宗人文帝爲太子后爲夫人及卽位爲貴嬪黃初三年立爲皇后

玉臺文苑卷之三

上元皇后誄表

左芬

伏惟聖慈宣慈仁洽六宮含弘光大德潤四海妾聞之前志卑不誄尊少不誄長楊雄臣也而誄漢后班固子也而誄其父皆以述揚景行顯之竹帛豈所謂三代不同禮隨時而作者乎

玉臺文苑卷之三

左

請從封禪表

唐則天皇后

伏尋登封之禮 邁古先而降禪之儀竊爲未允其祭地祇之日以太后昭配至於行事皆以公卿以妾愚誠恐未周備何者乾坤定位剛柔之義已殊經義載陳中外之儀斯別瑤壇作配既合於方祇玉豆薦芳實歸於內職况推尊先后親饗瓊筵豈有外命宰臣內參禋祭詳於至理有紊徽章但禮節之源雖興於昔典而升降之制尚缺於遙圖且往代封禪雖云顯號或因時省俗意在尊仙或以情觀名事深爲已豈如化破乎四表推美於神宗道冠乎二儀歸功於先德寧可仍遵舊軌靡創葵章妄謬處椒闈叨居蘭掖但以職惟中饋道屬於蒸嘗義切奉先理光於蘋藻罔極之思載結於因心祇肅之懷定深於明祀僊妾早乖定省已闕侍於晨昏今屬崇禋豈敢安於帷帶是故融情夕寢聽窺里而翹覲疊慮宵興仰梁郊而聳念伏望展禮之日撫率六宮內外命婦以親奉奠冀申如之敬式展虔拜之儀積此微誠已淹氣

玉臺文苑卷之三

四

序既屬變與將警奠璧非除輒効丹心庶禪大禮奠
聖朝垂則永播於芳規螢燭末光增輝於日月

唐高宗乾封元年封泰山有司進奏儀注禪社

首以太穆皇后文德皇后同配皆以公卿充亞

獻終獻之禮於是皇后抗表云乃以皇后為

亞獻諸王太妃為終獻

見唐書禮儀志

請為母服三年喪表

唐則天武皇后

至如父在為母服止一朞雖心喪三年服由尊降竊
謂子之於母慈愛特深非母不生非母不育推燥居
濕咽苦吐甘生養勞瘁恩斯極矣所以禽獸之情猶
知其母三年在懷理宜崇報若父在為母服止一朞
尊父之敬雖周服母之慈有闕且齊斬之制足為差
減更令周以一朞恐傷人子之志今請父在為母終
三年之服

王季文卷之三

六

是表于上元元年上高宗下詔依議行焉見唐

書禮儀志

爲夫請戍邊自贖表

唐李邕妻溫氏

妾溫氏言邕効職不謹狀涉貪狼逼迫因罔獲罪以聞誠宜不待刑書便當殞滅然事有所隱恐負明時天聞復遠號訴不敢舍卒之際分從嚴誅豈謂天鑒仁明邕得生竄荒外再造之幸上答何階死罪死罪邕少習文章薄竊時譽疾惡如讐任拾遺奏張昌宗之黨後參憲府効武三思之罪坐此爲累不容於衆乘邪佞者切齒攻文章者側目由是頻謫遠郡削跡朝端不見闕庭何啻十載歲時凝戀聞者傷懷屬國家有事東岳大禮告成法駕西旋路遵近境邕奉

玉臺文苑卷之三

七

牛酒之獻各展臣子之心不意天澤曲垂恩私屬沐邕當再躍何以爲心懇至夙誠冀遂申効妾聞正直見用邪佞生憂邕之禍端自此爲始且邕比任外官竟無一議天顏暫傾罪則旋生諺云士無賢不肯入朝見嫉伏惟陛下明察此言妾之微軀萬死無恨死罪死罪邕初蒙勘當卽便禁身水不入口向逾五日孤直援寡那黨相趨窘急至深實不堪忍氣微息奄

惟命是聽遺邕手書事生吏口貸百姓蠶種仰稱杜法市羅以進令作賊私吏以爲能守此加罪當時歷使朝堂潛皆守捉號天訴地誰肯爲聞嚴命將行恭往奔逐泣血去國沒骨炎荒長任欽州示以無用妾願充邕一卒之用効力明時膏塗朔邊骨糞沙壤使得身死王事成邕夙心妾則碎首粉身萬死爲足妾夫婦義重當見其志不避罪責冒死上聞儻天光垂照卽當殞滅妾之榮幸實荷再生謹奉表投延恩懇

進女孝經表

唐陳逸妻鄭氏

妾聞天地之性貴剛柔焉夫婦之道重禮義焉仁義禮智信者是謂五常五常之教其來遠矣總而爲王實在孝乎夫孝者感鬼神動天地精神至貫無所不達蓋以夫婦之道人倫之始考其得失非細務也易著乾坤則陰陽之制有別禮標羔鴈則伉儷之事實陳妾每覽先世垂言觀前賢行事未嘗不撫躬三復嘆息久之欲緬想餘芳遺踪可跼妾姪女特蒙天恩

玉臺文苑卷之三

九

策爲示王妃以少長閨闈不開詩禮至于經誥觸事向牆夙夜憂惶戰懼交集今戒以爲婦之道申以執巾之禮並述經史正義無復載乎浮詞總一十八章各爲編目名曰女孝經上至皇后下及庶人不行孝而成名者未之聞也妾不敢自專因以曹大家爲主雖不足藏諸巖石亦可以少補閨庭輒不揆量敢茲聞達輕觸屏展伏待罪戾妾鄭氏誠惶誠恐死罪死罪謹言

鄭氏朝散郎陳逸妻也博學宏才作女孝經十

八章表獻于朝朝廷納其書以頒行於世

玉臺文苑卷之三

謝表

金后裴摩申氏

龍袞珠旒端臨雲陛玉書金璽榮昇椒房恭受以還
凌兢罔措恭惟道兼天覆明並日升誠意正心基周
王之風化制禮作樂煥堯帝之文章俯矜奉事之勞
飾遺光華之使溫言獎飾美號重仍顧拜命之甚優
慙省躬而莫稱謹當恪遵睿訓益勵肅心庶幾婦道
之修仰助人文之化

王臺文苑卷之三

十一

爲子求襲封表

元孔漬母任氏

竊聞哉自菽麥自麥雖后稷之聖不能化穗以成芒
涓自涓涇自涇雖大禹之神不能變清而爲濁蓋天
理有不移之義豈聖門容異姓之人伏念臣妾之子
孔漬乃五十一代襲封衍聖公孔元措之嫡孫五十
二代襲封衍聖公孔之同之冢嗣生長從於穉齒提
挈至於成人有美維髯遺印在耳雖云庶出實係長
房爲經板蕩以來遂失過庭之訓以致宗族閑議詞

王臺文苑卷之三

十二

訟無休吾道于是乎不光祀事以之而大缺肝心殞
哭泣涕無從但以名隸寡妻身當圯族抱閨門之戚
戚望天闕之悠悠所積瀰漫何由控懇必遇清明之
世能平精衛之冤茲者伏遇上天眷命皇帝陛下龍
飛九五運應一千始爲儒教大宗師今作中原聖天
子乾坤浩浩一新汙俗之餘日月煌煌照彼覆盆之
下無淹不振有廢皆興顧惟孔氏之家實係生民之
望千七百載厥聞愈彰五十三傳其直如矢自相沿
於百代曾莫紊於一朝至於賢與不肖在人品高低

之不一嫡仍復嫡見天心付與之分明方當朝廷甫定之秋適屬士論向公之日伏望陛下俯垂昭鑒大廓聖源因之以禮義之方加之以師傅之職有教固無類也見賢然後用之上可以立皇朝繼絕之良規下可以導聖祀無窮之正派雖文昭武穆不幸有幽厲之哀奈丹朱商均未害爲堯舜之後自惟穢瑱輒犯雷霆臣妾不勝惶懼戰栗之極匍匐待死闕下泣血奉表以聞

孔子五十二代孫孔之固早卒妾任氏生子漬

主臺文苑卷之三

十三

襲爵族人以不事儒雅攻之禪其爵元憲宗八年任氏上表云憲宗憫之詔遷漬爲維州尹

上魏哀王書

魏曲沃負

妾聞男女之別國之大節也婦人脆於志窵於心不可以邪聞也是故必十五而笄二十而嫁早成其號謚所以就之也聘則爲妻奔則爲妾所以開善遏淫也節成然後許嫁親迎然後隨從貞女之義也今大王爲太子求配妃而自納之於后宮此毀貞女之行而亂男女之別也自古聖王必正妃匹妃匹正則興不正則亂夏之興也以塗山亡也以妹嬉殷之興也以有娀亡也以妲己周之興也太姒亡也以褒姒周之康王夫人宴出朝闕睢起興思得淑女以配君

主臺文苑卷之三

十四

大雕鳩之鳥猶未嘗見乘居而匹處也夫男女之配合之以禮則父子生焉君臣成焉故爲萬物始君臣父子夫婦三者天下之大綱紀也三者治則治亂則亂今大王亂人道之始棄綱紀之務敵國五六南有從楚西有橫秦而魏國居其間可謂僅存矣王不憂此而從亂無別父子同女妾恐大王之國政危矣曲沃負者魏大夫如耳母也魏哀王爲太子政

納妃而美王將自納焉負謂如耳曰王亂無別
汝胡不匡之方今戰國強者爲雄義者顯焉今
魏不能強王又無義何以持國乎王中人不
知其爲禍耳汝不言則必有禍矣有禍必及吾
家汝言以盡忠忠則除禍不可失也如耳未遇
間會使於齊負因欵王門而上書王曰寡人不
知也遂與太子妃而賜負三十鐘

爲父上書

漢緹縈

妾父爲吏齊中稱其廉平今坐法當刑妾切痛死者
不可復生而刑者不可復續雖欲改過自新其道莫
由終不可得妾願入身爲官婢以贖父刑罪使得改
行自新也

縈齊太倉長淳于意少女也文帝四年中人上
書言意以刑罪當傳西之長安意有五女隨而
泣意怒罵曰生女不生男緩急無可使者於是
縈傷父之言乃隨父西上書上悲其意此歲中
亦除肉刑法

上宣帝書

漢烏孫公主解憂

匈奴復連發大兵侵擊烏孫取車延惡師地收人民
去使使謂烏孫趣持公主來欲隔絕漢昆彌願發國
中精兵自給人馬五萬騎盡力擊匈奴唯天子出兵
以救公主昆彌

初漢以江東王細君爲公主妻烏孫昆莫昆莫
年老使其孫岑陁尙公主細君死復以楚王戊
女解憂爲公主妻岑陁死大父子翁歸靡

玉臺文苑卷之三

十七

立復妻解憂生三男長曰元貴靡元康二年昆
彌上書願以漢外孫元貴靡爲嗣得復尙主漢
乃以相夫爲公主聞翁歸靡死立岑陁子狂王
微少主還狂王復妻解憂生一男鴟靡會元貴
靡鴟靡皆死公主上書求歸天子閔而迎之時
甘露三年也按宣帝初卽位公主及昆彌皆遣
使上書云

報元帝書

漢王昭君嫡

臣妾幸得備員禁衛謂身依日月死有餘芳而失意
丹青遠窳異域誠得捐軀報主何敢自憐獨惜國家
黜陟移于賤工南望漢關徒增餘結耳有父有弟惟
陛下幸少憐之

玉臺文苑卷之三

十八

奏姊后飛燕書

漢趙婕妤合德

天地交暢貴人姊及此令吉光登正位爲先人休不堪喜豫謹奏上二十六物以賀

金屑組文茵一鋪 沈水香蓮心枕一面 五色

同心大結一盤 鴛鴦萬金錦一疋 瑠璃屏風

一張枕前不夜珠一枚 含香綠毛狸藉一鋪

通香虎皮檀象一座 龍香握負二首 獨搖寶

蓮一鋪 七出菱花鏡一面 精金驅環四指

若仁絳綃單衣一襲 香文羅手藉三幅 七回

光雄肋髮澤一盞 紫金被褥香爐一枚 文犀

辟毒箸二雙 碧玉膏奩一合

趙飛燕與女弟合德並有寵飛燕始加大號合

德奏于后并二十六物使侍兒郭詒瓊拜上初

眞臘夷獻萬年蛤不夜珠光彩皆若月照人亡

妍媿皆美艷帝以蛤賜后以珠賜婕妤后以蛤

粧五成金霞帳帳中常若滿月久之帝謂婕妤

曰吾晝視后不若夜眎之美每旦令人忽忽如

失婕妤聞之卽以珠號爲枕前不夜珠爲后壽終不爲后道帝言后報以雲錦五色帳沉水香玉壺婕妤泣怨帝曰非姊賜我死不知此器帝謝之詔益州留三年輸爲婕妤作七成錦帳以沉水香飾

上孝和皇帝

漢梁夫人嫔

妾同產女弟貴人前充後宮蒙先帝厚恩得見寵幸
皇天受命育生明聖託體陛下爲寶憲兄弟所譜詎
而破亡父竦冤死牢獄體骨不掩老母孤弟遠徙萬
里獨妾脫身竄伏草野嘗恐歿命無由自達今遭陛下
下神聖之德攬統萬機憲兄弟奸惡伏誅海內曠然
各得其所妾幸蘇息拭目更視敢昧死自陳父旣遷
沒不可復生母垂年七十弟棠等遠在絕域不知死
生願乞母弟歸還木卹收葬父竦枯骨妾聞文帝卽
位薄氏蒙榮宣帝繼統史氏復興妾自悲既有薄史
之親獨不得蒙外戚餘恩也哉

夫人梁竦之女樊調之妻恭懷皇后之同產姊
和帝之姨也初恭懷皇后有寵于章帝生和帝
立爲太子竦后母養焉和帝之生梁氏喜相慶
賀竦后怒乃誣陷梁氏殺竦家屬移九真和帝
立竦后崩諸竦以罪惡誅放嫔從民間上書自
訟和帝感悟引見嫔等甚寵之稱梁夫人摧樊

調爲郎中改葬恭懷后于西陵追謚竦爲哀親
侯徵還母及弟棠等皆封侯食邑五千戶君子
謂梁夫人以哀辭悟主榮父之冤還母萬里爲
家門開三國之祥使天子成母子之禮焉

請兄超入關書

班昭

妾同產兄西域都護定遠侯超幸得以微功特蒙重賞爵列通侯位二千石天恩殊絕誠非小臣所當被蒙超之始出志捐軀命冀立微功以自陳效會陳陸之變道路隔絕超以一身轉側絕域曉譬諸國因其兵衆每有攻戰輒爲先登身被金夷不避死亡賴蒙陛下神靈且得延命沙漠至今積三十年骨肉生離不復相識所與相隨時人士衆皆已物故超年最長

主臺文苑卷之三

二十三

今且七十衰老破病頭髮無黑兩手不仁耳目不聰明扶杖乃能行雖欲竭盡其力以報塞天恩迫於歲暮犬馬齒索蠻夷之性悖逆侮老而超旦暮入地以不見代恐開奸宄之源生逆亂之心而卿大夫咸懷一切莫肯遠慮如有卒暴超之氣力不能從心便爲上損國家累世之功下棄忠臣竭力之用誠可痛也故超萬里歸誠自陳苦急延頸踰望三年於今未蒙省錄妾聞古者十五受兵六十還之亦有休息不任職也緣陛下以至孝理天下得萬國之歡心不遺小

國之臣况超得備侯伯之位故敢觸死爲超求哀句超餘年一得生還復見闕庭使國永無勞遠之慮西域無舍卒之變超得長蒙文王獎骨之恩于方衰老之惠詩云民亦勞止汙可小康惠此中國以綏四方超有書與妾生訣恐不復相見妾誠傷超以壯年竭忠孝於沙漠疲老則便捐死于曠野誠可哀憐如不蒙救護超復有一旦之變真幸超家得蒙趙母衛姬先請之貸妾愚慙不知大義觸犯忌諱

主臺文苑卷之三

二十四

上太后書

班昭

伏惟皇太后陛下躬盛德之美隆唐虞之政開四門而開四聰采狂夫之謬言納窮巷之謀慮妾昭得以愚朽身當盛明敢不披露肝膽以效萬一妾聞謙讓之風德莫大焉故典墳述美神祇降福昔夷齊去國天下服其廉高太伯違邠孔子稱為三讓所以光照令德揚名于後者也論語曰能以禮讓為國於從政乎何有由是言之推讓之誠其致遠矣今四舅深執忠孝引身自退而以方垂未靜拒而不許如後有毫毛加于今日誠恐推讓之名不可再得緣見逮及故敢昧死竭其餘情自知言不足采以示蟲螻之赤心

諫伐晉書

秦苻堅夫人張氏

妾聞天地之生萬物王者之治天下皆因其自然而順之故功無不成是以黃帝服牛乘馬因其性也禹濬九川障九澤因其勢也后稷播種百穀因其時也湯武帥天下而攻桀紂因其心也皆有因則成無因則敗今朝野之人皆言晉不可伐陛下獨決意行之妾不知陛下何所因也書曰天聰明自我民聰明天猶因民而況于人主乎妾又聞王者出師必上觀天道下順人心今人心既不然矣請驗之天道諺云雞夜鳴者不利行師犬羣嗥者宮室必空兵動馬驚軍敗不歸自秋冬以來衆雞夜鳴羣犬哀嗥廐馬驚逸武庫兵器自動有聲吉凶之理非微此皆非出師之祥也如妾所論願陛下詳而思之

息兵罷役跡

唐徐賢妃

自貞觀以來二十有二載風雨調順年登歲稔人無水旱之憂國無饑饉之災昔漢武守文之常主猶登刻玉之符齊桓小國之庸君尚圖泥金之望陛下推功損已讓德不居億兆傾心猶闕告成之禮云亭停謁未展升中之儀此之功德足以咀嚙百王網羅千代者矣然古人有言雖休勿休良有以也守初保末聖哲罕兼足知大業者易驕願陛下難之善始者難玉璽文苑卷之三

二十八

終願陛下易之竊見頃年以來力役兼總東有遼海之軍西有昆丘之役士馬疲于甲冑舟車倦于轉輸且召募投戎去留懷死生之痛因風阻浪往來有漂溺之危一夫力耕卒無數十之獲一船致損則傾數百之糧是猶運有盡之農工填無窮之巨浪豈未獲之他衆喪已成之我軍雖除凶伐暴有國常規然黷武翫兵先哲所戒昔秦皇并吞六國反速危亡之兆晉武奄有三方翻成覆敗之業豈非矜功恃大棄德而輕邦圖利忘害肆情而縱欲遂使悠悠六合雖廣

不救其亡嗷嗷黎庶因契以成其禍是知地廣非常安之術人勞乃易亂之源願陛下布澤流仁矜契恤乏減行役之煩增湛露之惠妾又聞爲政之本貴在無爲竊見上木之功不可兼遂北闕初建南營翠微曾未逾時玉萃劍制雖復因山藉水非無架築之勞損之又損頗有工力之費縱以茅茨示約猶興木石之費假使和雇取人不無煩擾之弊是以卑官非食聖王之所安金屋瑤臺驕主之爲麗故有道之君以逸適人無道之君以樂樂身願陛下使之以時則力

二十九

無竭矣用而息之則人斯悅矣夫珍玩伎巧乃喪國之斧斤珠玉錦繡實迷心之醜毒竊見服翫纖靡如變化於自然職貢珍奇若神仙之所製雖馳華於季俗實敗素於淳風是知漆器非延叛之方桀造之而人叛玉杯豈招亡之術紂用之而國亡方念侈麗之源不可不遏作法於儉猶恐其奢作法於奢何以制後伏惟陛下明鑒未形智周無際窮奧秘於麟閣盡探賸於儒林千王治亂之蹤百代安危之跡興衰禍福之數得失成敗之機故亦苞心府之中循環目

聞之內乃寂衷之久察無假一二言焉惟恐知之非
難行之不易志驕于業泰體逸于時安伏惟抑志裁
心慎終如始削輕過以滋重德擇後是以替前非則
鴻名與日月無窮盛業與乾坤永失

諫獵疏

遼蕭后

妾聞穆王遠駕周德川乘太康伏豫夏社幾危此游
畋之往戒帝王之龜鑑也頃見駕幸秋山不閑六御
特以卑騎從禽深入不測此雖威神所屆萬靈自爲
擁護倘有絕羣之獸果如東方所言則溝中之豕必
敗簡子之駕矣妾雖愚闇竊爲社稷憂之惟陛下尊
老氏馳騁之戒用漢文吉行之旨不以其言爲乳雞
之晨而納之

遼俗君臣尚獵故有四時捺鉢謂四時畋獵遼行在所也

主號天祐皇帝者既長弓馬往往以國服先驅
所乘馬名飛電瞬息百里常馳入深林遼谷遶
從求之不得后患之乃上疏諫遼主雖嘉納心
頗厭遠焉見焚椒錄

請代夫死疏

明張宜人

刑部見監楊繼盛妻張氏謹奏爲籲天乞恩願代夫死事臣夫原任兵部武選司員外郎因先任本部車駕諫阻馬市預伐仇鸞逆謀聖恩僅從薄請旋因鸞敗首賜溺洗一歲四遷歷抵前職臣夫拜命之後御恩感泣私圖報效或中夜起立或對食忘餐臣所親見不意誤聞市井之談尚狂書生之習遂發狂論遂的一時昏昧復荷皇上天高地厚之恩不卽加誅

主筆文苑卷之三

三十二

從吏議臣夫自杖後入獄死而復甦者數次剝去醫肉兩片斷去腿筋二條膿血流約五六十碗渾身衣服盡皆沾汗日夜籠絙備極苦楚又年荒家貧常不能給止臣紡績織履供給餉食已經三年該部兩次奏請俱蒙特允監候是臣夫再蹈於死而皇上累置之生臣之感佩惟有焚香禱祝萬壽無疆而已但聞今歲多官會議適與張經一同奏請題奉欽依依律處決臣夫雖復捐脰市曹亦將瞑目地下臣仰惟皇上方願養冲和保合元氣昆蟲草木皆欲得所豈惜

一週宸顧下垂覆盆倘蒙鑒臣螻蟻之私少從未減不勝大幸若以罪重不放願卽將臣斬首都市以代臣夫之死夫雖遠禦魑魅親執戈矛必能爲驅場放命之鬼以報皇上臣於九泉稍有知識亦復叩結無既矣臣無任激切所懇惶悚待命之至

主筆文苑卷之三

三十三

代夫罪跡

明李妙緣

君有難臣不救理之不忠父有難子不救理之不孝
夫有難妻不救理之不義君爲臣綱父爲子綱夫爲
妻綱若三綱不正縱區區生于閭浮真犬馬之不如
也臣禮部侍郎李日亮之女嫁林圯爲妻有九年矣
夫之祖林弼任副都御史因諫太祖皇帝遷都幽燕
忤旨爲民後陞吏部尚書夫之父貴州御史因諫錄
臣正人倫忤旨爲民得全首領以終天年臣之夫幼
讀詩書守持法理除授蕪湖縣知縣爲因考察降掄
林驛驛丞自到任以來絲毫不敢妄爲寸步不敢妄
動舊年四月迎接親王缺少夫馬刑得死罪夫之母
乃東閣周敬女也今來足疾目昏寸步不能移履妾
身不敢扶持姑不離於夫猶之夫不忍離之於姑此
去留不可相兼孝義難以兩全也夫圯今當處決之
秋只得離姑左右冒罪奔訴蓋夫圯分其身不足以
贖其愆寸其斬不足以謝其罪但念夫年三十有二
尚未有子妾年二十有八雖死何如伏乞將妾斬首

懸街號令天下放夫回籍養親上可以延姑之殘喘
下可以衍夫之曦嗣臣死九泉不任感戴爲此親賁
奏聞

請代夫死疏

明王裕妻周氏

臣夫始由進士擢任廣西按察司副使不守憲度專一嗜酒酷刑成化二十一年三月十一日夫因分巡嶺南道其日行至廣西南丹衛夫在途恣飲酒醉嘔吐軍官迎接太遲至分司不合恃酒用拳脚將本衛指揮邊榮打傷致死隨蒙鎮守廣西都督朱敦將夫參奏提發到官審出前情問擬殺害軍職絞罪枷鎖見發廣西按察司司獄司監候奏請處決臣思

主臺文苑卷之三

三十八

夫之所犯情真罪當再無異詞雖蒙聖恩厚典不在釋宥之數但念夫父王奇比年四十八歲夫母袁氏比年四十六歲家道頗過素無子女偶生臣夫劬勞乳哺勸懲無加夫年十二歲遣入儒學讀經書年未十六僥倖食糧父母愛之尤甚十七歲鄉試中式十八歲襲第黃甲觀政刑部十九歲除授浙江道監察御史奏准回省娶臣為妻挈臣等赴京臨行父母叮嚀懇切其詞云父母生身朋友長志不可受賊以玷名節除戒暴怒至於酷刑亂飲尤為戒之切也

及致復任又蒙欽差南直隸清理軍伍三年復

命誥賜父母改陞斯職到任三歲今年夫父見年七十四歲夫母年七十二歲父母止生一子教子之願已遂子之報親贈以冠帶雖得榮身而晨省昏定之禮自初至今未嘗一朝一夕得報即今父母眉髮皓然既不得子之報養又不得子之送終是臣夫之得罪于父母尤甚得罪于朝廷也臣又思已之父母生男六人女五人俱各見在臣忝居女之末舍云出嫁從夫今舅姑見夫之死于刑舅姑之命不日傾喪從臣津送守制然亦無後為大矣臣之父母子女眾多臣願代夫極刑赦夫還鄉保全稀壽之父母臣雖死後亦得以時思之無後為大之言不託于空也臣之死也何其幸歟伏望皇上溥老老之洪恩法親親之至道乞勅法司多官計議赦夫出獄革去冠帶追奪誥命庶保父母于終年將臣照夫所得罪名不待秋後先自加等處決如此則非惟慰臣之望于一時而慰臣之舅姑之望于千里也

上覽奏命多官會議都察院右副都御史屠滂

主臺文苑卷之三

三十九

等議以爲難擅定奪伏乞 聖明裁處 上特
爲恕裕死放回原籍養親周氏隨任免追 誥
命此成化末年事見鄉里子筆談

請代夫死疏

明王佇妻張氏

臣聞爲人臣則當死君之難爲人子則當死父之難
爲人婦則當死夫之難爲人臣而不死君之難是爲
不忠爲人子而不死父之難是爲不孝爲人婦而不
死夫之難是爲不義此古今之常經天下之大道也
恭惟 國家 聖聖相承教之以詩書禮樂培之以
仁義道德勵之以忠孝節義所以百年于茲家詩書
而戶禮樂雖間閭五尺之童亦知所以忠所以孝所
以義臣雖妾婦幸生太平之世叨蒙化育之 恩豈

王臺才苑卷之三

四十一

不知忠孝節義爲重乎切惟臣夫王佇叨承文訓長
沐聖恩除授前職一芥草茅叨居卑位榮幸甚矣正
當夙夜戰兢鞠躬盡瘁上報朝廷榮顯之恩下報父
母劬勞之德可也奚乃不知自保出位而言將本州
知州徐孚千戶孫倫違法之情親賁具 奏越理犯
分罪不容誅致蒙法司問擬比造妖言斬罪發都察
院監候此正 朝廷至公之法臣復何言臣切思天
下死者不可復生斷者不可復續臣夫之罪固當死

也但夫父母俱年七十以上衰疾老耄疲憊能鍾將不久于人世也止臣夫一子別無以次人丁自夫在獄缺人侍養痛哭悲號日夜不止憂愁孤苦死無所歸臣欲守侍公姑則夫在監衣食漸絕不無失所臣孝于公姑而不義于夫則夫婦之義乖臣欲捨并公姑而供夫之衣食則公姑凍餓饑寒將何所依是臣厚于夫而不孝于公姑則爲婦之道缺矣臣之孝義不能兩全得此失彼所以苟全性命于一時不若代夫身死以全孝義何者臣夫死則夫父母豈不痛切肝腸憂慮致死夫之父母既死臣何偷生亦當與之皆死是夫一人之命而臣三人之命係之臣死不過一人之死耳代夫得回故里以全孝于其親親以得于其子懽忻享有年壽是夫一人之命有以全三人之命此臣一人之死所以不足惜也臣聞至誠可以感天地臣螻蟻之微而一念之誠惟天亦可表臣幸遇唐虞遭逢堯舜之主心卽天地之心也德卽好生之德也諒雷霆無竟日之怒天地無終弃之才伏望聖恩哀憐惻怛臣公姑老耄孤寒饒夫一死俾得歸

王臺文苑卷之三

四十二

付以全父子養育之恩將臣斬首抵罪以彰天倫致使夫盡孝于其親臣盡節于其夫臣幸甚臣之夫幸甚臣之公姑亦幸甚

武宗朝山西河東驛驛丞王佇犯抵死罪監候待決其妻張氏詣闕上疏云云武宗特爲原佇之死復職張氏旌表見鄒里子筆談

王臺文苑卷之三

四十三



● 辯冤疏

明李玉英

臣聞先正有云五刑以不孝爲先四德以無義爲恥又聞烈女傳云以一身而繫綱常之重者謂之德以一死而正綱常之重者謂之仁故竇氏有投崖之義氣雲華有墜井之貞風是皆所以正綱常以勵風俗流芳名於後世垂規範於無窮也臣父李雄早以蔭籍百戶回還荷蒙朝廷恩寵以征陝西有功尋陞前職臣早喪母遺臣姊妹三人有弟李承祖俱在孩提

玉臺文苑卷之三

四十

父恩見憐仍安繼母焦氏存恤孤弱臣年十二以皇上嗣位遍選人才府司以臣應選禮部憐臣孤弱未滿侍御發臣寧家父於正德十四年征陝西反賊陣亡天禍臣家流移日甚臣年十六未獲結襦姊妹伶仃了無依倚操梅已過紅葉無憑嘗有送春詩一絕柴扉寂寞鎖殘春滿地榆錢不療貧雲鬢衣裳半泥土野花何事獨撩人又別燕詩一絕新巢泥落舊巢歇塵半疎簾欲掩遲愁對呢喃終一別畫堂依舊主人非是感諸心聲形諸筆札蓋有大不得已而爲

言者矣奈何母氏不察臣衷但玩此情疑爲外遇朝夕逼責求死無友逼舅焦格拏送錦衣衛誣臣奸淫不孝等情臣本女流難辯口說問官昧臣事理擬臣剛罪重刑臣只俯首聽從蓋不敢逆繼母之命以重不孝之罪也適蒙聖恩寬恤時以天氣炎熱在監軍民未經發落凡事枉人寬許諸人陳奏臣欽此不得不興樂生之心以冀超脫而有言也臣父本武人頗知典籍臣雖妾婦亦幸領其遺教况臣繼母年方二十有弟李亞奴生過歲臣母欲圖親兒繼襲故當父方死之時計令臣弟李承祖十歲孩兒親往戰場尋父遺骨蓋欲陷于非命之死以圖已之私也幸賴皇天不昧父靈不泯臣弟得父遺骨以歸前計不成忿心未息仍將弟承祖毒藥身死支解棄埋又將臣妹李桃英賣與權豪之家充爲媵婢名雖贍養事實有謀又將臣妹李月英沿街抄化屏去衣食朝夕拷掠靡有怨言今將臣誣陷前情臣縱有不才四隣何不糾舉又不曾經獲某人爲此數句之詩尋風捉影以陷臣罪臣之死固不足惜恐天下後世爲繼母者

玉臺文苑卷之三

四十五

得以肆其奸妬之心而凡爲人之兒女者得以指臣之過也是以一身而污風俗以一死而褻綱常也臣在監日久有欺臣孤弱而興不良之心者臣撫膺太慟舉監驚惶伏望陛下俯察臣心將臣所奏付諸有司昭布各衙門知道將臣速斷庶身無所苦免行露之沾濡魂有所歸無青蠅之遺污仍將臣之詩句委勘有無事情詳臣母之心盡在不言之表則臣父之靈有感于地下而臣之義心亦不掩乎人間矣

訪祖越王墳狀

唐女道士李玄真

去開成三年十二月內得嶺南節度使盧鈞出俸錢接惜哀妾三代旅櫬暴露各在一方特與發遣歸就大塋合祔今護四喪已到長樂旅店權下未委故越王墳所在伏乞天恩允妾所奏許歸大塋妾年已六十三孤孀家貧更無依倚

玄真越王貞之玄孫曾祖珍子越王第六男也

先天中得罪配流嶺南玄真祖父皆歿于嶺外

王臺本亮卷之三

四十七

雖經恩赦而未昭雪玄真進狀云云詔令京兆

備禮玄真配京成咸宜觀安置

謝東宮賚合心花釵啓

梁弘夜珠

未得投壺先應含笑不因驚鳳自能歌舞夜珠昔任
陽臺雖逢四照曾遊澧浦慣識九衢未有仍代爵釵
還勝翠羽飾以南金裝茲麗玉修靡夫人本分章華
之裏中山孺子獨荷春官之恩有志當熊無期投閣

謝東宮賚錦啓

梁夏玉豐

舒將並石堪來暮雨縈持結纜剩可蕩舟秦川書字
妙能八體鄴縣登高真堪九日宋姬贈馬未足爲榮
馮媛乘車方茲非寵

弘夜珠夏玉豐俱梁元帝妾或云啓亦元帝代
作

初入彛生啓

宋李清照

無午未二時之分有仙仲兩楷之侶既繫臂而繫足
實難弟而難兄玉刻雙璋錦挑對襟

玉臺文苑卷之五

五十一

奏牋成帝

漢趙皇后

臣妾久備掖庭先承幸御遣肆大號積有歲時近因
始生之日復加善視之私特屈乘輿俯臨東掖久侍
宴私再承幸御臣妾數月來內宮盈實月脉不派飲
食美甘不異常日知聖躬之在體辨天日之入懷虹
初貫日聽是珍符龍據妾胸茲爲佳瑞更期蕃有神
嗣抱日趨庭瞻望聖明踴躍臨賀謹此以聞

玉臺文苑卷之三

五十一

玉堂文苑四卷

江元禧邦申甫編輯

弟元禔邦宜甫政政

與宋康王書

宋韓馮妻何氏

王利其生妾利其死願以屍骨賜馮而合葬乎

九域志韓馮宋康王衍舍人取妻而美康王奪

之而馮怨王囚之論爲城旦妻遺馮書謬其辭

王以蘇賀對曰其雨淫淫言愁且思也河大水

上卷文苑卷之四

深不得往來也日出當心有死志也俄而馮自

殺妻乃陰腐其衣王與之登臺遂自臺投之左

右挽之衣不中手遺書與王王怒弗聽使人埋

之塚相望也有文梓生於兩塚之端屈體相就

根交于下又有鴛鴦雌雄各一栖泊樹上交頸

悲鳴宋人號其樹曰相思樹今睢陽有韓馮城

一云韓憑戰國時爲楚康王舍人王欲奪其妻

乃作青陵臺而望之後竟奪何而囚憑何氏乃

作烏鵲歌以見志按其次章云烏鵲雙飛不樂

鳳凰妾自庶人不樂宋王則非楚明矣

上卷文苑卷之四

與司馬相如書

漢卓文君

羣華競芳五色凌素琴尚在御而新聲代故錦水有
驚漢宮有木彼木而親曉世之人今眷於淫而不晤

又

朱弦齟明鏡缺朝露晞芳絃歇白頭吟傷離別努力
加餐母念妾錦水湯湯與君長訣

王聖文君卷之四

五

問上元夫人書

漢西王母

王九光之母敬謝但不相見四千餘年矣天事勞我
致以愆而劉徹好道適來視之見徹了了似可成進
然形慢神穢腦血淫漏五臟不淳關胃彭亨骨無淨
液脈浮反升肉多精少瞳子不爽三尸狡亂玄白失
時雖當語之以至道始恐非仙才也吾久在人間覺
爲臭濁然時復可游望以寫細念庸主對坐悒悒不
樂夫人可暫來否若能屈駕當停相須

王聖文君卷之四

四

西王母姓緱氏名婉矜一云姓楊名回蓬髮戴
勝虎齒善嘯元封元年七月七日王母降于漢
武帝乃遣侍女郭密香與上元夫人相聞帝見
侍女下殿俄失所在須臾郭侍女返上元夫人
又遣一侍女荅問

答西王母書

漢上元夫人

阿環再拜上問起居遠隔絳河擾以官事遂替顏色
近五十年仰戀光潤情係無違密香至奉信承降尊
於劉徹處聞命之際登當命駕先被太帝君勅使詣
玄洲校定天元正爾暫往如是當還還便東帶願暫
少留

王臺文集卷之四

答泰嘉書

漢徐淑

知屈珪璋應奉歲使策名王府觀國之光雖失高素
皓然之業亦是仲尼執鞭之操也自初承問心願東
還迫疾惟宜抱歎而已日月已盡行有伴例想嚴裝
已辦發邁在近誰謂宋遠企予望之室邇人遐我勞
何如深谷逶迤而君是涉高山岩岩而君是越斯亦
難矣長路悠悠而君是踐冰霜慘冽而君是履身非
形影何待動而輒俱體非比日何得同而不離於是
王臺文集卷之四

詠萱草之喻以消兩家之怨割今者之恨以待將來
之歡今適樂土優游京邑觀王都之壯麗察天下之
珍歎得無目玩意移往而不能出耶
隴西泰嘉字士會爲上郡橡其妻徐淑疾還
家不獲面別嘉以書遣迎淑答之

○又報秦嘉書

徐淑

既惠令音兼賜諸物厚顧慙慙出於非望鏡有文彩之麗釵有殊異之觀芳香既珍素琴益好惠異物於鄙陋割所珍以相賜非豐恩之厚孰肯若斯覽鏡執釵情想髣髴操琴詠詩思心成結勑以芳香馥身喻以明鏡鑒形此言過矣未獲我心也昔詩人有飛蓬之感班婕妤有誰榮之歎素琴之作當須君歸明鏡之鑒當待君還未奉光儀則寶釵不列也未侍帷帳則芳香不發也

三臺文苑卷本四

○與寶玄書

漢寶玄妻

棄妻斥女敬白寶生卑賤鄙陋不如貴人妾日以遠彼日以親何所控訴仰呼蒼旻悲哉寶生衣不厭新人不厭故悲不可忍怨不可去彼獨何人而居我處平陵寶玄字叔高以明經爲郡上計吏朝會數百人叔高儀狀絕衆天子異其貌使出其妻以公主妻之叔高時自有妻不敢以聞方欲迎妻與決未發而詔叔高就第妻悲怨寄書及歌與

三臺文苑卷本四

時人憐而傳之名古怨歌云筑筑白兔東走西顧衣不如新人不如故

報諸姪書

班婕妤

記言屬見所賜趙婕妤好書以相比元帝被病無慘但鍛鍊後宮貴人書也類多華詞至如成帝則推誠寫實若家人夫婦相與書矣何可比也故略陳其長短令汝曹自評之

見婦人集彪及嗣皆其姪

上臺文苑卷之四

九

戒子元珪稚珪書

漢杜泰姬

中人情性可上下也在其檢耳若放而不檢則入惡也昔西門豹佩帶以自寬宓子賤帶弦以自急故能改身之恒爲天下名士

泰姬南鄭人趙宣妻也生七男七女元珪稚珪有望五人皆令德見華陽國誌

上臺文苑卷之四

十

戒諸女及婦書

漢杜泰姬

吾之委身在乎正順及其生也恩存於撫愛其長之也威儀以先後之體貌以左右之恭敬以監臨之勸恪以勸之孝順以內之忠信以發之是以皆成而無不善汝曹庶幾勿忘吾法也

王臺文苑卷之四

十一

報王方平書

漢麻姑

麻姑再拜不相見忽已五百餘年尊卑有序拜敬無階煩信承來在彼食頃卽到先受命當按行蓬萊今卽暫往如是當還還便親覲願未卽去

王遠字方平東海人舉漢孝廉遷中散大夫并官修道得仙去過吳任胥門蔡經家既去十餘年經家因遣人召麻姑須臾信還不見其使但聞信語如此兩時麻姑至是好女子年十八九許召進行厨宴畢並命駕昇天而去

王臺文苑卷之四

十二

與楊夫人袁氏書

魏卞夫人

卞頃首貴門不遺賢郎輔佐每感薦念情在凝至賢
郎盛德熙妙有蓋世文才闔門欽敬實用無已方今
騷擾戎馬屢動主簿股肱近臣征伐之計事須敬咨
官立金鼓之節而聞命違制明公性急忿然在外輒
行軍法卞姓當時亦所不知聞之心肝塗地驚愕斷
絕悼痛陪楚情自不勝夫人多容卽見垂恕故送衣
服一籠文絹百疋房子官錦百觔私所乘香車一乘
玉堂文苑卷之四

牛一頭誠知微細以達佳意望爲承納

答卞夫人書

袁夫人

彪袁氏頃首頓首路岐雖近不展淹久歎想之勞情
抱山積曹公匡濟天下遐邇以寧四海歸仰莫不感
戴小兒疏細謬蒙采拾未有上報果自招罪戾念之
痛楚五內傷裂尊意不遺伏辱惠告見明公與太尉
書具知委曲度子之行不過父母小兒違越分應至
此念其始立之年畢命埃土遺育孤幼言之崩潰朋
公所賜已多又加重賚禮頗非宜荷受輒付佳信

玉堂文苑卷之四

十四

答兄弟書

晉寡婦淑

蓋聞君子導人以德矯俗以禮是以烈士有不移之志貞女無迴二之行淑雖婦人竊慕殺身成義死而後已夙遭禍罰喪其所天男弱未冠女幼未笄是以促俛求生將欲長育二子上奉祖宗之嗣下繼祖禰之禮然後覩於黃泉永無慚色仁兄德弟既不能厲高節於弱志發明明於闇昧許我他人逼我干上乃命官人訟之簡書夫智者不可惑以事仁者不可有玉臺文苑卷之四

十五

以死晏嬰不以白刃臨頸改正直之辭梁寡不以毀形之痛忘執節之義高山景行豈不思齊計兄弟備託學門不能匡我以道博我以文雖曰既學吾謂之未也

二寡婦者淑也曷也淑喪夫守寡兄弟將嫁之

誓而不許爲書

與從侄預書

晉杜有道妻嚴氏

諺云忍辱至三公卿今可謂辱矣能忍之公是卿生嚴氏字憲京兆人十八而發誓不改節杜預爲秦州刺史被誣徵還嚴氏與書戒之後預果爲儀同三司

玉臺文苑卷之四

十六

與國臣書

晉衛瓘女

先公名謚未顯無異凡人每惟一國蔑然無言春秋之失其咎安在悲憤感慨故以示意

瓘位司徒進太保歸第賈后忌其方直聞瓘與楚王瑋有隙遂誣瓘欲為伊霍之事收瓘與子若孫九人同被害及瑋伏誅瓘女與國臣書朝廷乃追瓘代蜀勲封蘭陵郡公謚曰成而族誅害瓘一門者

王臺本集卷之四

十七

責子侃書

晉陶侃母湛氏

爾為吏以官物遺我非惟不能益吾乃以增吾憂矣湛氏豫章新淦人夫丹賢明有法訓侃少為尋陽縣吏嘗監魚梁以一坩鮓遺母湛氏封鮓及書責侃

王臺本集卷之四

十八

與虞定夫人薦環夫人書

晉孫氏瓊

瓊聞與賢崇德聖王令典旌善表操有邦盛務伏見
族祖吳國亡民富春孫彥妻環少勵令節服膺道教
逮嫡孫氏恪居婦職宗姻有聲奉禮未周彥母喪殯
喪殯半年彥奄亡沒環率禮奉終抗義明節傾竭私
產以供葬送禮服既終前無立子家欲改醮誓而不
許

虞潭母孫氏拜武昌侯太夫人謚定夫人吳郡

王臺文苑卷之四

子本

富春人孫皓族孫女

與從弟孝徵書

鈕滔母孫氏瓊

省爾譏我以養鵠乃戒以衛懿滅斃之禍斯言惑矣
吾未之取彼衛懿之好民無役車之載鵠有乘軒之
飾禍敗之由由乎失所若乃開圃匹於靈囿沃池矩
乎神沼文魚躍於白水素鳥翔乎神州豈非周文之
德大雅所修哉夫嘉肴旨酒非不美也夏禹盛以陶
豆殷紂貯以玉杯而此聖以典彼愚以滅蓋置之失
所如其無失其來難可施乎

鵠鶴古同

王臺文苑卷之四

子本

與妹書

晉徐藻妻陳氏

伏見偉方所作先君誄其述詠勲德則仁風靡墜其
言情訴哀則孝心以敏自非挺生之才孰能克隆聿
修若斯者乎執詠反覆觸言流淚感賴交集悲慰並
至元方偉方並年少而有盛才文辭富艷冠於此世
竊不自量有疑一言略陳所懷庶備起予先君既體
弘仁義又動則聖檢奉親極孝事君盡忠行已也恭
養民也惠可謂立德立功示民軌儀者也但道長祚
主臺文苑卷之四 二十一

短時乏識真榮位未登高志不遂本不標方外迹也
老莊者絕聖棄智渾齊萬物等貴賤忘哀樂非經典
所貴非名教所取何必輒引以爲喻耶可共詳之

陳統字元方紘字偉方姊適東莞徐氏生邈一

同郡劉氏四人並有美才

答舅母書

晉陳元方

元方春秋始富德業亦隆弘道博文才質兼備冀志
與時暢榮耀當年豈意一朝冥然長往季方冲幼過
庭莫聞聖善明訓業成三徙亦既冠婚雙譽允集庶
幾偕老色養膝下而殃厲橫流艱禍仍遭媛姊傾逝
宗模永絕姊方玄華並天歲年豈慮豈圖禍降彌酷
良才夭於始立崇基殞於一匱仰痛殄滅俯悼二弟
斯人斯命當可奈何母年踰耳順備經百罹一紀之
主臺文苑卷之四 二十二
中四遊至痛目前廓然三從靡託窮悼中發情馳難
處

陳劉臻妻也聰敏能屬文嘗正旦獻椒花頌見

晉書

與支法師書

晉衛夫人茂漪

衛稽首和南近奉勅寫急就章遂不得與師書耳但
衛隨世所學規摹鍾繇遂歷多載年廿著詩論草隸
通解不能上呈衛有一弟子王逸少甚能學衛真書
咄咄逼人筆勢洞精字體適媚師可詣晉尚書館書
耳仰憑至鑒大不可言弟子李氏衛和南

衛夫人名鑠字茂漪汝陰太守李矩妻中書郎

克母

王羲之文苑卷之四

五十五

答夫許邁書

晉孫氏

愚下不才侍執巾櫛榮華福祿相與共之如何君子
駕其大義輕見斥逐若以此處遐曠非婦人所便昔
梁生陟嶺孟光是携蕭史登臺秦女不舍衛人修義
夫妻同行老萊逃名伉儷俱逝豈非古人嘉遯之舉
者許君乖離矣

許邁娶散騎常侍孫宏女總角好道立精舍於

懸溜山惟朔望時節還家定省父母終乃遣妻

王羲之文苑卷之四

五十四

還家以書謝絕之孫爲書答邁以永和三年入

臨安西山見會稽志

◎ 與外書

晉楊茗華

髮膚不可毀宗祀不可廢令其顧世教改遠志曜翹
燥之姿于盛明之世遠體祖考之靈近慰人情之願
茗華沙門竺僧度妻也有才貌度父母卒卽捨
俗出家茗華服畢與度書勸歸度答書絕之茗
華見度志堅亦感悟入道

玉臺文苑卷之四

二十一

投老帖

晉何氏

投老殘年西崦已逼恒慮儵忽歸骸玄壤溘爾冥滅
竟不一言以此在懷預爲其備於茲路惟有惡心他
餘不能有益年將八十可以意求欲望長存何可得
也道大難俗情見善從善如登見惡行惡如崩必須
策怠情勤精進愛日惜力乃可獲耳吞聲忍氣不勞
頓爾他便生異議速自詳答取竟勿滯留也去留深
情故當所爾餘散輩停歲積故切思歸三月下旬當
還非除冀敘不遙路行乃寂絕傷心

玉臺文苑卷之四

二十一

喻楊義書

雲林右英王夫人

弱喪汨淦篤靈未盡倚仗異因雲梯未抗雖有懷于
進趣猶未淵于至理矣君才實天工以清瀾凝浪於
高韻志栖神乎太玄期慕庭而步空矣有心洞於靈
滯柔翰蔚乎冥契也動合規矩等圓殊方靜和真味
吐納興音可謂縱挺良爲欣然矣然穢思不豁鄙吝
內固淫念不漸靈池未澄將未得相與論內外之期
汎二景之交耳夫失機者貴在能改相釋有情今無
主筆文苑卷之四

妨矣雖楚彈羣聽故克和也前塗下

謂應作
攸字

邈此比

非一漏緒多端當恒戰密苟情有愆散得隨事失悟
言微矣將何以過之將何以遣之

雲林王夫人名媚蘭字申林王母第十三女治

滄浪山晉興寧三年降楊義家授義書兼示許

穆父子

授許長史書

雲林右英王夫人

清響散空神風灑林身超冥衢志詠靈音仁侯其人
也欲以裴真人本末示邾者可矣其必克諧不善誘
之心亦內彰也裴亦何人哉

邾卽情也小名方回裴真人本末是清靈傳也
有謝過及七經之事故今示之

主筆文苑卷之四

手小

告許長史書

雲林右英王夫人

該清道難通幽妙達許侯其人也方將曜靈方丘騰躍暉霞身飛九天作則羣真師傳金闕撫極種人其德仁以融其教整以和可謂天秀標韻爲後民之圓匠也芥子乃潛晨密煥秀霄空上托心玄宅神栖入領心標寂刃歸形太初志割姻親於內外寄幽會於隱觀矣雖自思入庇重岫頽翳雲暉故叛父也若父恩可也交當同編雲札列名靈簡運會相遇何以陳玉臺文苑卷之四

之耶昔薛旅字季和往學真道於鍾山北阿經七試而不遇卽長里薛公之弟也不過者山淫妖失位悵鄙內滯石性不迴致敗其試耳然其人好慈和篤又心愛嘯音鳳響及玄絃之彈是故虛唱凝神微聲感魂神不遂落由好嘯唱願鳳鳴之故矣長里先生燕代周武王時人也先生比乞之於太上太上故故使生繫謂應作摩阿之陰運致欲其該微釋滯於染練繼字新暉速升虛之超長里君之願也若由謂應作愆波猶字不激淫妄由謂應作出雖百過試之故亦昔之薛旅愈字

耶師宗相期拂飾盡性苟能其事我亦罕勞賢者之舉此復宜詳密告由來宿命之始想有已應作燕氣內果外柔沈德樂景故其人聞北風則心悲親啓曜則懷泰思駿驟以慕勝嘉柔順以變蔚彼人之心易曾不爾乎此則本鄉之風氣首丘之內感也苟能信之君其諧矣如其雍謂應作云秉欲丹絳不暢靈人携手而空反高友歛袂而心晏神氣不盼其宅寂通不鼓其日命矣夫固可悲耶

玉臺文苑卷之四

三十一

戒許長史書二首

雲林右英王夫人

夫金玉山積猶非我也。胠脰之檐往矣。猶非已也。管
見之盛陳矣。猶非貴也。采豔之芬華矣。猶非真也。能
消而蕩之。則淫恣之心亡也。鄙滯之門閉矣。尚真之
覺漸也。千謂應作 陌之情見矣。如其不爾。四者皆成
內賊之害。外爲驕蹇之患。不去之不散。無所復償。
措於其間矣。亦無事趣當爾也。

夫學道者。當得專道。注真情。無散念。撥奢侈。保冲白。

王臺文苑卷之四

王十一

寂然如密。有所規熙。然如潛有所得。專專似臨深谷。
戰戰如履於冰炭。始得道之門耳。猶未得道之室也。
所謂爲難者。學道也。所謂爲易者。學道也。寂然沉味。
保和天真。注神栖靈。耽研六府。惜精閉牝。無視無聽。
此道之易也。卽是不能行此者。所以爲難。許侯研之。
哉。斧于瑩之哉。墜謂作 隨字 之者。禍敗積矣。

授楊義書

南嶽魏夫人

若夫仰擲雲輪。總轡太空。手維霄綱。足陟玉庭。身升
帝闕。披寶欽。青上論九玄之逸度。下紀萬椿之大生。
遂鍊景電。肅千霞。煥明真言。玄浪高談。玉清激朱唇。
之流徽。運日氣之零零。爰乃吐烽却煙。彈金奏瓊鸞。
音藉榮鳳。唱嘉聲耳。若但應景下旋。迴靈塵埃。參華
樊宇。教拂朝市。來成真才。訓我弟子。則玉振落響。琳
鐘內抑。周日五濁。契濶愆室。神勞臭腥。真真氣遂。
王臺文苑卷之四

王十三

閉蘭音於中華之元。還紫金聲之劣。劣而發耳。夫神
者。言微於邇。萬里必接奇韻。雖觸銷鑿。無滯故真理。
之既分。間遐則道高。邈璞不肆瑩。而致有卑微之聰。
也。今子乃有心覺之。至將致嫌似之。思外觀流俗之
對內有遲疑之。悟乎不運事宜。亦已邁也。望所管者。
道研咏者。妙耳。道妙既得。高下之音。必坦然矣。此非
所謀。吾子加之。至慮散蕩。斯念宜慎之耳。

魏夫人名華。存字賢安。任城人。司徒舒女適太

保祿劉文於家。得道爲紫虛元君。上真司命南

徽夫人

授答許長史書

紫微王夫人

凝心虛形內觀洞房抱玄念神專守真一者則頭髮
不白禿者更軫未有以百思纏胃寒熱破神營此官
務當此風塵口言吉凶之會身屏得失之門衆憂若
是萬慮若此雖有真心固爲不篤抱道不行握寶不
用而自然望頭不白者亦希聞也玉醴金漿交生神
梨方丈火棗玄光靈芝我當與山中許道士不以與
人間許長史也

軫字亦應是琴此作軫字者皆足律音去聲之聲也

玉臺文苑卷之四

三十四

授楊義書

九華安妃

我是元君之少女太虛李夫人愛子也昔初學真於
龜臺受玉章於高上荷虎錄於紫皇秉瓊鉞於天帝
受書于上真之妃以遊行玉清也常數自手扉九羅
足躡玄房霄形靈虛仰歎日恨入宴七闕山轡雲輪
攝三辰而俱升散景霞以飛軒也非不能採擇上臺
訪搜紫童求王官之良儔偶高靈而爲雙接玄引奇
友于帝即矣直是我推機任會應度歷數俯景塵沫

玉臺文苑卷之四

三十五

參龍下邁招冥求之雄追得匹之黨耳目因宿命相
與乃有墨會定名素契玉鄉齊理二慶携鴈而行貌
爵分味醺余結裳顧儔中饋內藏真方也推此而往
已定分冥簡青書上元是故善鄙之心亦已齊矣對
景之好亦已域矣得願而遊歡兼昔青豈不冥乎自
然此復是二象大宗内外之配職耳實非所以變無
反淡凝情虛刃靈刀七累遺任太素保真啓玉單景
八空之謂也秀寂高清鬱與流霄使鳳歌雲路龍吟
虎嘯天皇雙景遶升辰樓飛星擲光日月映軀口吐

冥煙眼激電光上竊瓊房流行玉清手掣景雲足陟
金庭若自此之時在得道之頃爲當固盡内外理同
金石情纏雙好齊心幃幙耳爲必抱余均牢有輕中
之接塵穢七神悲魂任魄乎蓋是妾求氏族於明君
耳非有邪也今可謂得志懷真情已如一方當相與
結駟玉席偶行此玄同後終實於玉圃併採丹華於
閨苑分飲於紫川之水齊濯於碧河之濱紫華毛帔
日冕蓉冠逍遙上清俱朝三元八景出落鳳屏雲闌
仰漱金髓咏歌玉玄浮空寢晏高會太晨四鈞朗唱

玉臺文苑卷之四

三十六

香母奏煙齊首偶觀携帶交裙不亦樂乎不亦得志
乎明君其順運隨會妾必無辭且亦自不得背實友
冥苟任曾懷矣

安妃名鬱嬪字靈簫太虛元君金臺李夫人少
女諸龜山學上清道道成署爲紫清上官九華
真妃賜姓安

授楊羲書

九華安妃

明君夷質虛閑秘構玉朗蘭淵高流清響金宮可謂
能珍寶藏奇幽真內煥標拂靈篇乘數順生素德神
園丹錄玉清興煙拔景冥鼓遐聲也必三事大夫侍
晨帝躬高佐四輔承制聖君理生斷死賞罰鬼神攝
命千靈封山招雲主察陰陽之和氣而加爲吳越鬼
神之君也妾將擬命凝觀憑華而生靈飛九天虛音
懸房因運四覺玄梯同象紫名太上清文八景神映

玉臺文苑卷之四

三十七

西華德明內隸乃受書承氣得爲真妃之任矣又當
助君總括三霍綜御萬神對命北帝制勅鄴山又應
相與攜袂靈房乘煙七元嘉會希林內摠因緣也是
故君姓于楊我得爲安妾自發玄下造君受書于西
官從北策景乘輶東轅握耄秉鉞專制東蕃三官奉
習河山啓源天丁獻武四甲衛輪當此之時實明君
之至貴真仙之盛觀也三官中常有諺語云楊安大
君董真命神正我等之謂耳蓋聖皇之方駕於今有
二十八年也復二十二年明君將乘龍駕雲白日昇

天先詣上清西宮北朝玉皇三元然後乃得東軫執
事矣此自是君玉朗紫微金音虛領爲太極所旌乃
玄德上挺不復用勤學劬勞陟足山川矣若爲精勤
之者當小神清瑩鮮耳亦不甚今日不勞之舉也世
俗榮網貴賤之間涉塵塗之役在得失之津信非真
人所得經營乃自用乎艱泰之用任乎遇否之頃耳
見明君之逸誠欣然也視明君之否誠感願也此三
感發於顏色之上也復未足以致遠悲抱長感矣至
於內冥偶景併首玄好輕輪塵藹參形世室妾豈以

玉臺文苑卷之四

三十八

愆累浮卑少時之滯而虧辱于當真之定質耶夫陰
陽有對否泰反用二象既羅得失錯綜此皆往來之
經陌耳今人居風塵之休盛者乃多臯之下鬼趣死
之考質也夫處無用於囂塗乃得真之樞樸任凡庸
以內觀乃靈仙之根始也蓋富貴淫麗是破骨之斧
鋸有似載臯之舟車耳榮華矜世爭競微時適足以
誨愆要辱爲伐命之兵非佳事也是故古之高人覽
臯咎之難豫知富貴之不可享矣遂肥遯長林栖景
名山咀嚙和氣漱濯清川欲遠此惡迹自求多福超

幣絙聘保全至素者也君亦奚足汲汲于人間之富貴投身於榮辱之肆哉且方交兵日會三災向臻神風驅除臭氣參天明命生穢於泥瀆寶玉投糞以招塵褰衣振血濁精虧真玄通遠逸是其時也君若其不耐風火之煙欲抱真形於幽林者可且尋解劍之道作告終之術乎自盡出嘿之會隱顯之迹臨時分處有任於明君矣冥數上感有命而交靈書玉臺真公景是以言單於辭心訖於筆妾豈獨歎於一人蓋示名分之判例也

玉臺文苑卷之四

五十九

○授楊義書

九華安妃

眼者身之鏡耳者體之牖視多則鏡昏聽衆則牖閉妾有磨鏡之石決牖之術卽能洞徹萬靈眇察絕響可乎面者神之庭髮者腦之華心悲則面焦腦減則髮素所以精元內喪丹津竭弱也妾有童面之經還白之法可乎精者體之神明者身之寶勞多則精散營竟則明消所以老隨氣落奄已及之妾有益精之道延明之經可乎此四道乃上清內書立驗之真章也方欲獻示以補助君之明照耳

玉臺文苑卷之四

四十

告公書二首

中候王夫人

夫觀物適任內順明靈託性命於高真委形氣於神
攝者亦剋疆以未遐邇秋齡以保真今德匠既凝神
杖信澄心密靜圓順廣敬固天祐焉然胤嗣不多或
時彫落將猶靈關失締潛機未鎖耳今五氣滋耀常
朗文昌之房三星結華每煥璇衡之內是以玄潤胎
萌遂其流根矣

我案九合內志文曰竹者爲北機上精受氣於玄軒
玉臺文苑卷之四

四十一

之宿也所以圓虛內鮮重陰含素亦皆植根敷實結
繁衆多矣公試可種竹於內北宇之外使美者游其
下焉爾乃天感機神大致繼嗣孕既保全誕亦詳考
徵著之典常守利貞此玄人之秘規行者之甚驗

周靈王有子三十八人王子晉太子也是爲王

子喬靈王第三女名觀香字衆愛是宋姬子於

子喬爲別生妹受子喬飛解脫網之道入緱氏

山中後入陸渾積三十九年道成爲紫清宮內

傅妃領東宮中候真夫人此卽中候王夫人也

子喬弟兄七人得道五男二女其眉壽是觀香
之同生兄亦得道此晉簡爲相王時以無兒祈
請因告同夜中候夫人又告云福和者當有二
子盛德命世按福和似是李夫人賤時小名今
晉書名俊容二子卽孝武帝會稽王道子也

玉臺文苑卷之四

四十二

與子宇文護書

後周閻姬

天地隔塞子母異所三十餘年存亡斷絕肝腸之痛不能自勝想汝悲思之懷復何可處吾自念十九入汝家今已八十矣既逢喪亂備嘗艱阻恒冀汝等長成得見一日安樂何期罪孽深重存沒分離吾凡生汝輩三男三女今日月下不覩一人興言及此悲纏肌骨賴皇齊恩卹差安衰暮又得汝楊氏姑及汝叔母紇干汝嫂劉新婦等同居頗亦自適但爲微有耳

玉臺文苑卷之四

附十五

疾大語方開行動飲食幸無多恙今大齊聖德遠被特降鴻慈既許歸吾於汝又聽先致音耗積稔長悲豁然獲展此乃仁侔造化將何報德汝與吾別之時年尚幼小以前家事或不委曲昔在武川鎮生汝兄弟大者屬鼠次者屬兔汝身屬蛇鮮于修禮起日吾之闔家大小先在博陵郡住相將欲向左人城行至唐河之北被定州官軍打敗汝祖及二叔時俱戰亡汝叔母賀拔及兒元寶汝叔母紇干及兒菩提并吾與汝六人同被擒捉入定州城未幾間將吾及汝送

與元寶掌賀拔紇干各別分散寶掌見汝云我識其祖翁形狀相似時寶掌營在唐城內經停三日寶掌所掠得男夫婦女可六七十人悉送向京吾時與汝同被送限至定州城南夜宿同鄉人姬庫根家茹茹奴望見鮮于修禮營火語吾云我今走向本軍既至營遂告吾輩在此明旦日出汝叔將兵邀截吾及汝等還得向營汝時年十二共吾並乘馬隨軍可不記此事緣由也於後吾共汝受陽在時元寶菩提及汝姑兒賀蘭盛洛并汝身四人同學博士姓成爲人嚴

玉臺文苑卷之四

附十四

惡汝等四人謀欲加害吾與汝叔母等聞之各捉其兒打之惟盛洛無母獨不被打其後爾朱天柱亡歲賀拔阿斗泥在關西遣人迎家累時汝叔亦遣奴來富迎汝及盛洛等汝時着緋綾袍銀裝帶盛洛着紫織成纈通身袍黃綾褰並乘驃同去盛洛小於汝汝等三人並呼吾作阿摩敦如此之事當分明記之耳今又寄汝小時所着錦袍表一領至宜檢看知吾含悲戚多歷年祀屬千載之運逢大齊之德矜老開恩許得相見一聞此言死猶不朽况如今者勢必聚集

禽獸草木母子相依吾有何罪與汝分離今復何福
還望見汝言此悲喜死而更蘇世間所有求皆可得
母子異國何處可求假汝貴極王公富過山海有一
老母八十之年飄然千里死亡旦夕不得一朝暫見
不得一日同處寒不得汝永饑不得汝食汝雖窮榮
極盛光耀世間汝何用爲於吾何益吾今日之前汝
既不得申其供養事往何論今日以後吾之殘命惟
繫於汝爾戴天履地中有鬼神勿云冥昧而可欺負
汝楊氏姑今雖炎暑猶能先發關河阻遠隔絕多年
王臺文苑卷之四 四十五
書依常體慮汝致惑是以每存款質兼亦載吾姓名
當識此理不以爲怪

聞婢與第四姑並沒在齊護居宰相之後每遣
尋求齊主以護既當權重乃留其母以爲後圖
仍令作書報護要護重報往返再三而婢竟不
至朝議以其失信令有司移齊書未送而婢至
舉朝慶悅

○答元微之書

唐崔鶯鶯

捧覽來問撫愛過深兒女之情悲喜交集兼惠花勝
一合口脂五寸致耀首膏唇之飾雖荷殊恩誰復爲
容脂物增懷但積悲歎耳伏承使于京中就業進修
之道固在便安但恨僻陋之人永以遐棄命也如此
知復何言自去秋以來常忽忽如有所失於誼譚之
下或勉爲語笑閒宵自處無不淚零乃至夢寐之間
亦多敘感咽離憂之思綢繆縈繞絕暫若尋常幽會未
王臺文苑卷之四 四十六
終驚魂已斷雖半食如暖而思之甚遙憶昨拜辭倏
踰舊歲長安行樂之地觸緒牽情何幸不忘幽微眷
念無數鄙薄之志無以奉酬至于終始之盟則固不
左鄙昔日中表相因或同宴處婢僕見誘遂至私誠
兒女之心不能自固君子有援琴之挑鄙人無投梭
之拒及薦寢席義盛意深愚細之情永謂終托豈期
既見君子而不能定情致有自獻之羞不復明侍巾
櫛沒身永恨含歎何言倘仁人用心俯垂幽劣雖死
之日猶生之年如或達士略情捨小從大以先配爲

醜行謂要盟之可欺則當骨化形銷丹誠不沒因風
委露猶託清塵存歿之誠言盡於此臨紙嗚咽情不
能申千萬珍重珍重千萬玉環一枚是兒嬰年所弄
寄充君子下體所佩玉取其堅潤不渝環取其終始
不絕兼亂絲一絢文竹茶碾子一枚此數物不足見
珍意者君子如玉之真澈志如環不解淚痕在竹愁
緒縈絲因物達誠永以爲好耳心邇身遐拜會無期
幽憤所鍾千里神合千萬珍重春風多厲彊飯爲佳
慎言自保無以鄙爲深念

寄趙象書

唐步非煙

下妾不幸垂髫而孤中間爲媒妁所欺遂匹合於瑣
類每至清風朗月移玉柱以增懷秋帳冬缸泛金徽
而寄恨豈期公子忽貽好音發華絨而思飛諷麗句
而目斷所恨洛川波隔賈午情高聯雲不及于秦臺
薦夢尚遙于楚岫猶望天從素懇神假微機一拜清
光九殞無恨兼題短什用寄幽懷

臨淮武公業任河南參軍有愛妾非煙姓步氏

善秦聲好文筆尤工擊甌北鄰趙象于南垣隙
中窺見神氣俱喪乃厚賂開妻以詩酬答通之
無何女奴以告公業公業鞭楚不勝飲一杯水
而絕公業寵悍故非煙有媒妁所欺匹合瑣類
之語

與郭進士書

唐劉國容

歡寢之濃恨鷄聲之斷愛恩憐未洽絳馬足以無情
使我勞心因君減食卅期後會以結齊眉

長安名妓劉國容有姿色能吟詩與進士郭昭
述相愛他人莫敢窺也後昭述釋褐授天長簿
遂與國容相別詰旦赴任行至咸陽國容使一
女僕馳倭騎賁短書云云長安子弟多諷誦焉

玉堂文苑卷之四

四十九

與姑母夫人書

徐媛

朝來觀初日散影瑤光滿天白虹氤氳以起還滅俯
仰宇宙慨然動心人生如浮雲在天變遷忽同阿閼
寧使虛負有暇當過小閣閑梳數日披涼颺而攬素
月吸清茗而坐翠陰致有佳趣不日遣板輿奉迎幸
勿見拒

玉堂文苑卷之四

五十一

與表妹邵夫人書

徐媛

殘歲相催乖離日曠翹首東顧愴恨如何雲樹之思
中心彌結無以自遣徘徊庭際撫枕北牖俯恍間與
兒子入夢覺後援筆記就書似吾妹解願又寄懷二
律尾後并呈斧削幸勿以效顰見咄悠悠路岐渺然
故居永遠遠越沉思鬱紆乘高眺遠山川據之嗟哉
此情援翰唏噓

東坡先生卷之四

五十一

訓子書

徐媛

兒年幾弱冠懦怯無爲於世情毫不諳練深爲爾憂
之男子昂藏六尺於二儀間不奮發雄飛而挺兩翼
日淹歲月逸居無教與鳥獸何異將來奈何爲人慎
勿令親者憐而惡者快兢兢業業無怠夙夜臨事須
外明于理而內決於心鑽燧之火可以續朝陽揮翮
之風可以繼屏翳物固有小而益大人豈無全用哉
習業當凝神佇思足納心驚精於下份之巔游心
於八極之表濬發于巧心摠藻如春華應事以精不
畏不成形造物以神不患不爲器能盡我道而聽天
命庶不愧于父母妻子矣循此則終身不墮淪落尚
勉之勵之以我言爲箴勿憤憤于來毋朦朦於志

東坡先生卷之四

五十二

錄詞寄從弟夫人書

徐媛

適以客邸無聊春草生夢風霜驚骨追昔感今不勝
惆悵嘆枯蟬之殞系感朝陽之晞露援筆率成數語
緣賤恙不任手書謹命代錄呈賢夫人斧削

王臺文集卷之四

五十一

遺子第四書

明李際陽母

行後不見一信某多疑人也這番我心甚掛牽不比
往時昨聞人云爾不好錢只是以身借人似乎不得
時人欣羨我心竊喜但恐非爾所及也從古聖賢那
箇不以身借人堯舜以身借洪荒者也死呼渡河如
宗澤死守睢陽如巡遠以身借宗社者也荆軻聶政
以身借受恩者也孔孟以身借萬古長夜者也釋迦
以身借萬世作慈航者也從古聖賢皆是以身借人

王臺文集卷之四

五十二

子果有是更當勉力多爲無前進後退只要認得理
真力所可爲雖天下非之而不顧卽害之所在雖千
萬人吾往矣切莫因人言而終止也是囑是囑大都
世態炎涼而宦途人多疑忌議論間常要小心打點
未可如居鄉率心與宦途人應對也莫視應對爲末
節要知洒掃應對便可精義入神試味足以興足以
容皆是小心中做出事業從古聖賢沒一箇不仔細
小心只有子路率爾而對夫子便哂之須慎哉須慎
哉十月二十九日母言料覽

上姑蘇太守書

明張麗真

悔此宵一念之差嘔心有血致今日終身之誤剝面
無皮還顧影以自憐更書空而獨語妾本吳江望族
曾解披章閨閣幽姿未閑窺戶北堂恩重琅函深貯
掌中珠南浦春明金屋週迴機上錦况值暮年二八
恐忘戒律三千夫何隨父聊城寄居掾舍匿女囚之
長舌來奸夸之龍頭謾誇國士之才詐諧占鳳妄數
家嚴之忒悔擬乘龍伊既曲敘其悲思儂亦頓深其

玉臺文苑卷之四

五十五

怨慕自謂知書識禮不妨反經爲權覽司馬之多才
重門夜出持樂昌之破鏡委巷宵奔天明而至荒墳
日暮而棲別館一朝消息漏道傍咲破丹唇三尺典
章嚴堂上真生鐵面雷霆劈開鬼膽水鑑照出妖形
爲愛婚姻並非媒妁所箇媯婉竟是人奴方知假假
亂真神呆半晌已悟生生世世罪大彌天延息以入
閨閣撫心而傷塵土淒涼夜柝坐來牆角鬼風寒慄
慄春華睡起夢中香路杳感衷衣之已舊哭手線之
前新青塚黃昏悲別魂之無路白雲紅樹奉慈母以

何年嗚呼石鼠梳腸曉蟬化羽已決策於外黃世無
張耳誰錄瑕於上蔡人是季心已矣蛾眉慙然殲命
畧再生而不得復九死以何辭設訴衷腸十首怨題
留客邸可憐骨肉一絨清汨寄吾家

玉臺文苑卷之四

五十六

玉臺文苑五卷

江元禧邦中甫編輯

弟元祚邦玉甫校政

風光詞

唐汜人

隆佳秀兮昭盛時播薰綠兮淑華歸故里
與處夢兮潛重房以飾姿見雅能之韶羞兮蒙長藹以爲幃
醉融光兮渺渺瀾瀾迷千里兮涇煙渭晨陶陶兮暮
熙熙舞姚娜之穠條兮嫂盈盈以披遲配遊顏兮倡
玉臺文苑卷之五

蔓卉殺電兮石髮隨施

垂拱中太學進士鄭生晨發銅駝里乘月度洛
橋下哭甚哀下馬循聲祭之見艷女翳然蒙袖
曰我孤養于兄嫂惡常苦我今欲赴水故畱哀
須臾生曰能隨我歸乎曰婢御無悔遂載與居
號曰汜人所誦九歌招魂九辨之書嘗擬其調
賦爲怨辭曰風光辭居數歲一夕謂生曰我湘
中蛟宮之娣也謫而從君今歲滿無以久畱訣
而去後十餘年生之兄爲岳州刺史會上巳與

家徒登岳陽樓望鄂渚有畫艫浮漾而來有彈
絃鼓吹者皆神仙蛾眉中一人形類汜人生方
悟怡須臾風濤崩怒遂迷所往見沈亞之湘中
怨解

玉臺文苑卷之五

傷子辭

唐弘農楊氏

予有令子儉承削食以紀先功志刊貞石彼蒼不遺
俾善莫隆今子建立痛冤無窮

白香山妻楊氏封弘農郡君子名景受女名金
鑒按李商隱誌序稱景受大中三年自穎陽尉
典治集賢御書侍太夫人弘農郡君來京師則
香山歿後景受猶存不知其卒于何時此其傷
之辭云

王臺文苑卷之五

五

紀命詞

遼懿德皇后蕭氏

差薄祐兮多幸羌作儼兮皇家承昊穹兮下履近日
月兮分華托後鈞兮凝位忽前星兮啓耀雖孽累兮
黃牀庶無罪兮宗廟欲貫魚兮上進乘陽德兮天飛
豈禍生兮無朕蒙穢惡兮宮闈將剖心兮自陳冀廻
照兮白日寧庶女兮多慚遇飛霜兮下擊顧女子兮
哀頓對左右兮摧傷共西曜兮將墜忽吾去兮椒房
呼天地兮慘悵恨今古兮安極知吾生兮必或又焉
王臺文苑卷之五

四

愛兮旦夕

遼懿德蕭皇后小字觀音以五月五日其母憂
月墜懷而生爲天祐皇帝后咸雍末寵衰嘗作
回心院詞十首甚工後因趙王耶律乙辛喉單
登及妹清子僞作十香姪詞詆后與趙惟大通
賜死乞更一面不得乃望帝所而拜作此詞遂
自經見王鼎焚椒錄

哀詞

明郭愛

修短有數兮不足較也生而如夢兮死則覺也先吾
親而歸兮獨慙予之不孝也心悽悽而不能已兮是
則可悼也

郭愛字善理鳳陽人也穎悟警敏尤極巧慧

宣宗皇帝聞其賢命迎至京至病遂不起先數
日自知死期書楚聲以自哀死後封國嬪

王臺文苑卷之五

五

遙夜辭

丙夜夢鉉兒牽裾有懷作遙夜辭

徐媛

良夜迢迢今天高露垂中庭寂寂兮驚鳥倦翅懷憂
獨坐兮譙鼓聲悲徐步廣除兮苔痕履綦寒生膚粟
今飄風亂吹攬衾伏枕兮夢汝褰帟含愁凝涕兮念
汝乖離低徊結思兮謂汝來斯撫之摩之兮柔情暗
馳掬之勞之兮宛轉追隨回身就兒兮驚覓自疑慕
然覺來兮竟爾安之我今憶兒兒豈知肝腸慘惻將
告誰心搖目眩會何期願同黃鵠兮棲故枝

王臺文苑卷之五

六

○牛應貞傳

宋若昭

牛肅長女曰應貞適弘農楊唐源少而聰穎經耳必誦年十三凡誦佛經二百餘卷儒書子史又數百餘卷親族驚異之初應貞未讀左傳方擬授之而夜初眠中忽誦春秋起惠公元妃孟子卒終智伯貪而謀故韓魏反而喪之凡三十卷一字無遺天曉而畢贊誦時不教之者或相酬和其父驚駭數呼之都不答誦已而覺問何故亦不知試令開卷則已精熟矣著玉臺文苑卷之五

七

文章百餘首後遂學窮三教博涉多能每夜中眠熟與文人談論文人皆古之知名者往來答難或稱王弼鄭玄王衍陸機辨論鋒起或論文章談名理往往數夜不已年二十四而卒今採其文題題問影賦著於篇其序曰庚辰歲予嬰沈痛之疾不起者十旬毀頓精神羸悴形體藥物救療有加無瘳莊子有題題貴影之義故假之爲賦庶解疾焉題題問於予影曰君英達之人聰明之子學包六藝文兼百氏願道家之秘言探釋部之幽旨既虔恭於中饋又希慕於前

史不矯枉以干名不毀物而成已伊淑德之如此卽精神之足恃何故羸厥姿貌沮其精神煩寃枕席憔悴衣巾子惟形兮是寄形與子兮相親何不誨之以崇德而教之以自倫異萊妻之樂道殊鴻婦之安貧豈痼疾而無生賴將微賤而欲忘身今節變歲移臘終春首照暗光于郊甸動暄氣于梅柳冰解凍而繞軒風扇和而入牖固可蠲憂釋疾怡神養壽何默爾無管自貽伊咎僕於是勃然而應曰子居於無人之域遊乎題題之鄉形既圖于夏鼎名又著于蒙莊何玉臺文苑卷之五

八

所見之不博何所談之不長夫影依日而生像因人而見豈言談之足曉何節物之能辨隨晦明以興滅逐形骸以遷變以愚夫畏影而蒙鄙之性以彰智者視陰而遲暮之心可見伊美惡今由已影何辜而遇譴且予聞至道之精窮兮冥至道之極昏兮默達人委性命之修短君子任時運之通塞悔吝不能纏榮耀不能惑喪之不以爲喪得之不以爲得君子何乃怒予之不賞芳春責予之不貴華飾且吾之秉操異子智之能測言未卒題題惕然而驚歎而起曰僕生

于絕域之外（此處指西域）之極（此處指極遠之地）聲名之處身是以
造君而問影既談玄之至妙請終身以藏屏初應貞
夢製書而食之每夢食數十卷則文體一變如是非
一遂工爲賦頌文名曰遺芳

若昭貝州人父廷芬生五女皆警慧若華若昭
若倫若憲若荀若昭文尤高皆性素潔鄙蕪澤
靚粧不願歸人欲以學名家貞元中昭義節度
使李抱真表其才德宗召入禁中試文章并問

經史大義帝咨美悉問官中帝每與侍臣賡和

玉臺文苑卷之五

九

五人者皆預又高其風操不以侍妾命之呼學
士自貞元七年秘禁圖籍詔若華總領元和末
卒後穆宗拜若昭尚宮嗣其秩歷穆恭文三朝
皆呼先生若憲文宗時以讒死倫荀早卒廷芬
男獨愚不可教爲民終身

觀音大士傳

元管夫人道昇

觀音生西土諱妙善妙莊王之季女也從幼斷葷持
戒性喜朴素聰慧異常將笄王以三女覓贅壻長妙
因次妙緣順肯觀音以忤王被貶王薄其衣食命妃
嬪勸之弗聽王怒憤諸白雀寺詒主僧迫其從約七
日不報合寺僧俱焚死僧懼驅役觀音如奴婢而觀
音持志益堅親操井臼若有神代其勞者主僧駭以
告王王謂其誑也圍寺縱火五百僧煨燼無遺獨觀
音端坐誦經火不能害王于是召之還諭以禍福利

玉臺文苑卷之五

害冀其易慮觀音曰老者不再少死者不復生生死
輪迴無限苦楚女所以辭繁華者欲長生耳王聞奏
愈怒命赴瀝場受刑臨斬刀自折者虎咆哮至場負
觀音去王以觀音死虎吻矣虎負觀音行千里冥之
林中觀音初不醒夢青衣二童引其遊觀鄮都地府
見所謂閻王者迓送極恭又見諸罪人判燒春磨者
備諸苦楚觀音乃爲其誦經使得釋及覺林中毒龍
惡獸爭相噬逐觀音不安厥居方營于一齋忽一老

人啖以山桃導其至香山密焉香山風景幽靜不染一塵觀音于此修煉數年人以爲悟道成果咸在此也觀音一日坐小室遙見王病瘡瀕死懸金購璧莫有應者乃自幻形爲老僧上奏非至親手眼不可療王以二女爲至親宣取之而二女俱不用命王復以問僧僧云香山仙長濟度生靈一啓口必可得王使臣從仙長求仙長卽自斷髮其兩手眼付使臣持去與僧和藥王服之而愈大喜拜僧爲高官兼以厚資誓不受止言仙長大有功于王旦日不可不自往謝

金文苑卷之五

十一

王然之促駕馳往見仙長果無手眼流血被體乃悲慟且驚以狀貌逼真觀音必是其三女妙善也籲叩天地求爲完之少頃仙長手眼已千數矣于是觀音下拜與王敘父子之情極懽懽王修善王從之滌心易行故卒得與王同飛昇焉觀音登西天人佛會常開救苦之門廣示有情之路遍觀今古之世音普察人間之善惡故有觀世音之號云

●林母徐孺人傳

徐媛

歲在玄默困敦月臨仲商則壯有雲間之公子姓林氏而虧其名手其母夫人之行實介夫子而索乎來予惟并髮屏資絃綆是務未習詩書安知鉉槩乃欲擅闢外之文詞闡閨中之淑順是何異問盲者以道南轅而北其轍耶第以林君明命孝思維則夫人懿德壺範肅瞻是用不諱無文授簡而爲之傳孺人者徐姓南浦右族南嶠公之令息也翁素有隱德慷慨徐姓南浦右族南嶠公之令息也翁素有隱德慷慨

金文苑卷之五

十二

媛德有逾焉承兩太母溫順婉容怡聲下氣克謙克
競曾無間色并無怠愆以故太卿公倍嘉禮之如淑
人禮每兩太淑人糾饋之其必飭令檢治食必手調
非是弗敢進也衣必手掣非是弗敢御也晨昏展敬
事極於移天蘋藻挈誠義申於中饋櫛縫衿纓佩
獻蒞箴管線續靡所不傍用抱衾之勤肅代操帚之
拮据親承兩太夫人顏旨贊襄太卿公誠孝者孺人
也至如宗黨饋遺歲時伏臘出納應酬無不悉洽太
卿公肯公雅好對客論文慷慨連朝卜夜孺人則躬持
主臺文苑卷之五

十三

精精以進所蓄花勝金匱悉付酒家胡以佐賓客惟
恐賓不惟內夜尚操作機杼刀尺聲軋軋不休未嘗
以簋盥不掩爲公內顧憂蓋賢姥冀髦倚明鏡而辨
依雌織婦機床聽寒蠶而催絡繹矣已太卿公歷政
兩都位居華要輒以孺人從宵勤暮勵奚減雞鳴之
風匡贊歲規無愧脫替之義時太卿伏枕室中忽感
異夢戶列鈞天之奏庭輝絢絲之霞有物如麟投懷
而出孺人驚寤爰誕林君遂以麟命帝錫國香徵蘭
祥於庶妾天陳廣樂卜翟子于符文保世有人亢宗

不乏賀者咸歸德孺人孺人愈自抑損不敢居也卽
脫諸孺人之腹而撫之膝淑人之懷孺人弗敢有也
膝淑人有之以爲子孺人無以爲子也更戒他人毋
泄其非膝子以爲已子以全膝淑人懼而孺人故若
瞋然無聞也已林君弱且勝冠矣主冠者爲白其始
逃然駭且悲入詢之孺人而孺人故隱忍弗啓也已
林君勝室有婦偕子婦問寢視膳而孺人且遜避弗
治也孺人以已子非已子膝淑人鞠易于而相仍爲
令器兩默不言雖比於古之分形合體薦御授誨者
主臺文苑卷之五

十四

曷以加哉至居兩太淑人喪則焦毀踰情儀範彌肅
襄舉尤工一協于禮聯諸姊姊以遜御下謀以和生
平曾無愠色是爲衆所慕而歸焉膝淑人之寢疾垂
歿也生時以好施傾其素孺人爲出已資饋之翠羽
實于空箱明珠宛焉如在俾太卿倍憐其檢束之勤
則孺人陰爲曲全之耳比膝革而易簀孺人哀毀罔
措蕤鼎額天乞以身代既訣則傷踊破涕呃呃爲勞
林君亦悲楚幾絕孺人假以示諭解慰而已則神銷
肌憊矣更以戶樞稟總諸孫繞膝悉藉撫摩時其饑

飽燥濕雖在疾手尚勤課其筆下執持修脯蓄醲清
餘以備歲時孺人並同柳圍操行桑津浴蠶愈恭節
儉之心實秉憂勤之德矣林君既免喪衆有勉其謁
選銓曹沾祿以養君以慈老在堂憂形於色孺人曉
之曰蘭室之士有常賢無常遇願自堅謂何耳曷爲
峯巘衢路折腰五十局促膝下耶况有先人之遺卷
在惟是切磨砥礪著業將來勿用蝸角微榮營營馳
逐以故林君徘徊依戀姑自珍焉以俟異日之鵠舉
鵬騫實奉庭闈之慈訓耳母儀哉與義方競恍矣晚

李太華卷之五

十五

年恬情釋典絕甘茹素食不二簋衣不重飾林君每
將甘脆爲染指更進片臠置之弗御聊取一二蔬
烹而已其守儉居約有如此者或歲時懸悅萊衣戲
舞輒追噓飲泣愀然失懽曰未亡人何意娛樂耶竟
止弗聽或花辰月夕林君將母飯與樂志孺人輒叱
之無縱云有太卿遺訓在耳蓋用曹大家之明訓執
宋伯姬之苦節其共靜貞簡有如此者居恒畏風露
沾之則頭爲岑岑常密坐一室無何感河魚之恙林
君爲精理刀圭和瓊膏玉屑以進而孺人稍瘳林君

喜躍曰母得以省願締笑圻諸孫枝振振頭角良足
快也忽於庚戌首夏舊疾陡舉四走醫巫終無起色
胡香鮮西域之人靈草絕瓊川之路留年不驗于龍
符遣疾無徵于龜散嗚呼痛哉林君哀念劬勞乞身
露禱祈之百誠迄無一效一日據床而命林君曰爲
我檢奩貯無恙乎則呼婢于侍櫛整衣端拱手菩提
珠稱西方佛號喃喃不休氣惛惛欲絕矣而君哀情
慘切呼號動天孺人徐曰無擾我我已得至妙真諦
矣日遠瞑儼然正坐不失常儀捫其頂氣烘烘如蒸

李太華卷之五

十六

肢體柔和無改玉色嗚呼此真蟬蛻耶羽凌耶或騁
驚命駕陟泰華耶抑乘彼白雲遨遊玉京耶嗟乎孺
人一善女子身耳乃能薰修堅愷超離五濁心依八
覺理會三空游智刃於檀林泛仙航于法海了然解
脫言象兩忘此豈人世凡流可比肩者耶此時鹿苑
鳴迦同登妙會珠林香象共躡蓮花長夜城中翻爲
極樂土矣敬讚休風永垂貞石用彰賢範庶播史臣
東海生曰女無專行素德是尚懿哉孺人令淑早聞
芝蘭獨茂敬愛天情言容禮典特達鮮矣少長則望

重璇閨勝婦則芳流宗黨肅慤以侍尊章琴瑟以和
君子行身之準動合閨箴履度之端足稱壺式可謂
七德騰徽四星連曜者矣其他蘋藻絃絃盤匱盥米
猶其細者耳至若舐心白業垂訓青緇繼華紳之餘
結襲世胄之墨香非孺人慧根夙植教誡素閑而能
然乎哉嗚呼賢矣

玉臺文苑六卷

醴陵

江元禧邦申甫編輯
弟元祚邦玉甫校政

女論語序

漢班昭

妾乃賢人之妻名家之女四德兼全亦通書史因輟
女工間觀文字九烈可嘉三貞可慕深惜後人不能
追步乃撰一書名爲論語敬戒相承教訓女子若依
斯言是爲賢婦罔俾前人專美千古

玉臺文苑卷之六

女誠序

班昭

鄙人愚暗受性不敏蒙先君之餘寵賴母師之典訓年十有四執箕帚於曹氏于今四十餘載矣戰戰兢兢常懼黜辱以增父母之羞以益中外之累夙夜劬心勤不告勞而今而後乃知免爾吾性疏頑教導無數恒恐子穀負辱清朝聖恩橫加猥賜金紫實非鄙人庶幾所望也男能自謀矣吾不復以爲憂也但傷諸女方當適人而不漸訓誨不聞婦禮懼失容它門王臺文苑卷之六

二

取耻宗族吾今疾在沈滯性命無常念汝曹如此每用惆悵問作女誠七章願諸女各寫一通庶有補益裨助汝身去矣其勗勉之

臣範序

唐則天皇后武氏

蓋聞惟天著象品物同於照臨惟地含章羣生等於亭育願以庸昧忝位坤元思齊厚載之仁式聲普單之惠廼內廼外思養之志靡殊惟子惟臣慈誘之情無隔願申殫懇上翊紫機爰洎衆僚聿匡玄化伏以天皇明逾曆哲志切旁求簪裾總川岳之靈珩佩聚星辰之秀羣英蒞職衆彥分司足以廣扇淳風鼎隆寶祚但母之於子慈愛特存雖復已積忠良猶且更王臺文苑卷之六

王

垂勸勵昔文伯旣達仍加喻軸之言孟軻已賢更益斷機之誨良以情隆撫字心欲助成比者太子及王已選修身之訓羣公列辟未敷忠告之規近以暇辰遊心文府聊因煒管用寫虛襟故綴序所聞以爲臣範一部想周朝之十亂爰著十章思殷室之兩臣分爲兩卷所以發揮元行銘範身心爲事上之軌模作人臣之繩準若乃遐想綿載耿耿鑒前修莫不元首居尊股肱宣力資棟梁而成大厦憑舟楫以濟巨川唱和相依同功共體然則君親旣立忠孝形焉奉國奉

家率由之道寧二事若事父資敬之途斯一臣主之義其至矣哉休戚是均可不深鑒夫麗容雖麗猶待鏡以端形明德雖明終假言而藥石今故以茲所撰普錫具條誠非筆削之公貴用禪道之益何則正言斯重玄珠比而尚輕選語爲珍蒼壁喻而非寶是知贈人以賄者唯申卽日之歡贈人以言者能致終身之福若使佩茲箴戒同彼韋弦修已必顧其規立行每觀其則自然榮隨歲積慶與時新家將國而共安下與上而俱泰察微之士宜所三思庶照鄙誠敬終

玉臺文苑卷之六

四

高德凡諸章目列之後云

大周新譯大方廣佛華嚴經序

唐武皇后

蓋聞造化權輿之首天道未分龜蛇繫象之初人文始著雖萬八千歲同臨有載之區七十二君詎識無邊之義由是人迷四忍輪迴於六趣之中家纏五蓋沒溺于三塗之下及夫薦嚴西峙象駕東驅慧日法王超四大而高視中天調御越十地以居尊包括鐵圍延促沙劫其爲體也則不生不滅其爲相也則無去無來念慮正勤三十七品爲其行慈悲喜捨四無量法運其心方便之力難思圓對之機多緒混太空而爲量豈笑數之能窮入纖芥之微區匪名言之可述無得而稱者其唯大覺歟朕葉劫植因叨承佛記金山降旨大雲之偈先彰玉辰披祥寶雨之文後及加以積善餘慶俯集微躬遂得地平天成河清海晏殊積絕瑞既日至而月書貝葉靈文亦時臻而歲洽踰海越漠獻琛之禮備焉架險航深重譯之詞罄矣大方廣佛華嚴經者斯乃諸佛之密藏如來之性海視之者莫識其指歸挹之者罕測其涯際有學無學

玉臺文苑卷之六

五

志絕窺覲二乘三乘寧希聰受最勝種智莊嚴之跡
既隆普賢文殊願行之因斯滿一句之內包法界之
無邊一毫之中置刹土而非隘摩竭隨國肇興妙會
之緣普光法堂爰敷寂滅之理緬惟與義譯在晉朝
時踰六代年將四百然一部之典纔獲三萬餘言唯
啓半珠未窺全寶朕聞其梵本先在于闐國中遣使
奉迎近方至此既覩百千之妙頌乃披十萬之正文
粵以證聖元年歲次乙未月旅姑洗朔惟戊申越十
有四日辛酉於大徧空寺親受筆削敬譯斯經遂得
玉臺文苑卷之六
廿歲流津預慶庚申之夕膏雨洒潤後單壬戌之辰
式開寶相之門還符一味之澤以聖曆二年歲次己
亥十月壬午朔八日己丑繕寫畢功添性海之波瀾
廓法界之疆域大乘頓教普被於無窮方廣真詮遐
該于有識豈謂後五百歲忽奉金口之言婆娑界中
俄啓珠函之秘所冀闡揚沙界宣暢塵區並兩曜而
長懸彌十方而永布一窺寶偈慶溢心靈三復幽宗
惠盈身意雖出無說無示理符不二之門然因言顯
言方闡大千之義輒申鄙作爰題序云

題三鄉詩序

唐李美玉

余家本若耶溪東與同志者二三紉蘭佩蕙每貪幽
閑之境翫花光于松月之亭竟晝綿宵往往忘倦洎
乎初筭至于五換星霜矣自後不得已從良人西入
函關寓居晉昌里第其居迥絕器塵花木叢翠東西
隣二佛宮皆上國勝遊之窟伺其閒寂因遊覽焉亦
不幸一時之風月也不意良人已矣邈然無依帝里
芳春光景東邁涉澹水歷渭川背終山陟大華經號
玉臺文苑卷之六
峩抵陝郊挹嘉祥之清流面女兒之蒼翠凡經過之
所皆曩昔讌笑之地街寬輿興歎舉目覓銷雖殘骸尚
存而精爽都失假使潘岳復生無以悼其幽思也遂
命筆聊題終不能滌其懷抱絕無勸哭而東時會昌
壬戌歲仲春十九日二九子爲父後王無瑕并無首
荆山石往往有題
附詩昔逐良人西入關良人身沒妾空還謝娘
衛女不相見爲雨爲雲歸舊山
按二九子六句十八字以筆墨非女子事名姓

故隱而不書後李舒解之曰二九十八十加八
木字子爲父後木下子李字也玉無瑕去其點
也升無首存其升也王下升弄字也荆山石往
往有者荆石多韞玉當是姓李名弄玉也會稽
人

金石錄後序

宋李易安

右金石錄三十易者何趙侯德夫所著書也取上自
三代下訖五季鐘鼎甌鬲盤匱尊敦之款識豐碑大
碣顯人晦士之事迹凡見於金石刻者二千卷皆正
其僞謬去取褒貶上足以合聖人之道下足以訂史
氏之失者皆具載之可謂多矣嗚呼且王播元載之
禍書畫與胡椒無異長輿元凱之病錢癖與傳癖何
殊名雖不同其惑一也余建中辛巳始歸趙氏時先
玉臺文苑卷之六

君作吏部員外郎侯年二十一在太學生趙李族寒
素貧儉每朔望謁告出質衣取半千錢步入相國寺
市碑文果實歸相對展玩咀嚼自謂葛天氏之民也
後二年出仕宦便有飯蔬衣練窮遐方絕域盡天下
古文奇字之志日就月將漸益堆積丞相居政府親
舊或在館閣多有亡詩逸史魯壁汲冢所未見之書
遂力傳寫寢覺有味不能自己後或有古今名人書
畫三代奇器亦復脫衣市易嘗記崇寧間有人持徐
熙牡丹圖求錢二十萬當時雖貴家子求二十萬錢

豈易得耶留信宿計無所出而還之夫婦相向愧悵者數日後屏居鄉里十年徧取俯拾衣食有餘連守兩郡竭俸入以事鉛槧每獲一書卽同共是正校勘整緝籤題得書盡開篋亦摩玩舒卷指摘疵病盡一燭爲率故能筆札精緻字畫完整冠諸收書家余性偶強記每飯罷坐歸來堂烹茶指堆積書史言某事在某書某卷第幾葉第幾行以中否角勝負爲飲茶先後中則舉極大笑至茶傾覆懷中反不得飲而起甘心歸老是鄉矣故雖處憂患困窮而志不少緩書

玉臺文苑卷之六

十

既成歸來堂起書大廚簿甲乙置書冊如要講讀則請鎖上簿關出卷帙或少損污必懲責措塗完整故不復向時之坦夷也是欲求適意反取惴惴余性不耐始謀食去重肉衣去重采首無明珠翠羽之飾室無塗金刺繡之具遇書史百家字不刊缺本不訛謬者輒市之儲作副本自來家傳周易左氏傳兩家者流文字最備于是几案羅列枕席枕藉意會心謀目徃神授樂在聲色狗馬之上至靖康丙午歲侯守潯川聞金寇犯京師四顧茫然盈箱溢篋且戀戀且悵

悵知其必不爲已物矣建炎丁未春三月奔太夫人喪南來旣長物不能盡載廼先去書之重大印本者又去畫之多幅者又去古器無款識者後又去書之監本者畫之尋常者凡屢減去尙載書十五車至東海連艦渡淮及淮江至建康青州故第所鎖書冊什物用屋十餘間期明年春再具舟載之他十二月金人陷青州凡所謂十餘屋者已化爲煨燼矣建炎戊申秋九月侯起復知建康府已酉春三月罷建康具舟上蕪湖入姑蘇將卜居顓水上夏五月至池陽被

玉臺文苑卷之六

十一

吉知湖州過闕上殿遂駐家池陽獨赴詔六月十二日始負擔拾舟坐岸上着衣岸巾精神如虎日爛爛光射人望舟中告別余意甚惡呼曰如傳聞城中緩急奈何戟手遙應曰從衆必不得已先棄輜重次衣衾次書冊次卷軸次古器獨所謂宋器者自可抱負與身俱存亡勿亡之遂馳馬去塗中奔馳冒大暑感疾至行在病疴或熱必服寒藥疾可憂遂解舟下一日夜行三百里比至果大服柴胡黃芩藥瘡且痢病危在膏盲余悲泣倉皇不忍問後事八月十七日遂

不起取筆而作詩絕筆而終然無分香寶履之意蔡
畢顧四維無所之朝廷已分遣六官又傳江當禁渡
時猶有書二萬卷金石刻二千弓器血茵褥可待百
客他長物稱是余又大病僅存喘息事勢日迫念候
有妹婿仕兵部侍郎從衛在洪州遂遣二故吏先部
送行李往投之冬十二月金寇陷洪州遂盡委棄所
謂連艦渡江之書又散爲雲烟矣獨餘少輕小卷軸
書帖寫本李杜韓柳集世說鹽鉄論漢唐刻石副本
卜卷軸三代鼎彝十餘事南唐寫本書數篋偶病中
把玩殷在卧內者歸然獨存上江既不可往又虜勢
叵測有弟仕勅局刪定官遂往依之到台台守已遁
之嵎在陸又棄衣被走黃巖顧舟入海奔赴行在時
駐驛章安從御舟岸道之溫又之越庚戌十二月放
散百官遂之衢紹興辛亥春三月復赴越壬子又赴
杭先侯疾亟時有張飛卿學士携玉壺過示侯便携
去其實珉也不知何人傳道遂妄言有頒金之語或
傳亦有密論列者余大惶怖不敢言遂盡將家中所
有銅器等物欲去外廷投進到越已移幸四明不敢

留家中并寫本書寄嵎縣後官軍收叛卒悉取去聞
盡入故李將軍家所謂歸然獨存者無慮十去五六
矣惟有書畫研墨可五七盃更不忍置他所常在卧
榻所手自開闔在會稽卜居士名鍾氏舍忽一夕穴
壁負五盃去余悲慟不已重立賞收贖後二日隣人
鍾皓出十八軸求賞故知其盜不逮矣萬計求之其
餘遂不可出今知盡爲吳說運使賤價得之所謂歸
然獨存者十去七八所有一二零殘不能部帙書冊
數種平平書帖猶復愛惜如護頭目何愚也耶忽閱
此書如見故人因憶侯在東萊靜治堂裝標初就芸
籤縹帶束十弓爲一帙每日晚吏散輒較二弓跋題
一弓此二千弓有題跋者五百二弓耳今手澤如新
而墓木已拱悲夫昔蕭繹江陵陷沒不惜國亡而毀
裂書畫楊廣江都傾滅不悲身死而復取圖書豈人
性之所嗜生死不能忘之歟或者天意以余非薄而
不足以享此尤物耶抑亦死者有知尤斤斤愛惜不
肯留在人間耶何得之難而失之易也嗚呼余自少
陸機作賦之二年至過蓬伯玉知非之兩歲三十四

年之間憂患得失何其多也然有有必有無有聚必有散亦理之常入亡弓人得之又胡足道所以區區記其終始者亦欲爲後世好古博雅之戒云紹興四年玄默壯月朔甲寅日易安堂題

李易安字清照東武趙明誠德甫妻德甫丞相清憲公挺之之仲子也易安才高學博近代鮮倫其詩詞行于世名漱玉集德甫著金石錄三十篇易安平生與之同志趙沒後愍悼舊物之不存乃作後序極道遭罹變故本末龍舒郡庫刻其書而此序不見洪容齋見元藁于王順伯因爲拈出陳眉公品外錄載之云爾然逸其文強半今按瑞桂堂暇錄增校始稱完璧

○打馬圖序

李易安

慧則通通則無不達專則精精則無所不妙故庖丁之解牛匠石之運斤師曠之聽離婁之視大至於堯舜之仁桀紂之惡小至於擲豆起瓊巾角拂棋皆臻至理者何妙而已後世之人不惟學聖人之道不到聖處雖嬉戲之事亦得其依稀彷彿而遂止者多矣夫博者無他爭先術耳故專者能之余性善博庶謂博者皆耽之晝夜每忘食事但平生隨多寡未嘗不進者何精而已自南渡來流離遷徙盡散博具故罕爲之然定未嘗忘於胸中也今年冬十月朔峯淮上警報江淞之人自東走西自南走北居山林者謀入城市居城市者謀入山林旁午絡繹莫知所之易安居士亦自臨安沂流涉嚴灘之險抵金華卜居陳氏第乍釋舟楫而見軒牕意頗適然更長燭明奈此良夜何於是乎博奕之事講矣且長行葉子博簫彈棋世無傳者打搨大小除紅族鬼胡畫數倉賭快之類皆鄙俚不經見茲獨爲之而雙感竭近漸廢絕選仙

十五

加減插闢大質魯任命無所施人智巧大小象戲奕
碁又唯可容二人獨米選打馬特爲閑房雅戲嘗恨
米選叢繁勞於檢閱彼能通者少難遇勅敵打馬簡
要而苦無文米按打馬世有二種一種一將十馬者
謂之關西馬一種無將二十馬者謂之依經馬流行
既久各有圖經凡例可考行移賞罰互有同異又宣
和間人取二種馬參雜加減大約交加僥倖古意盡
矣所謂宣和馬者是矣余獨愛依經馬因取其賞罰
互度每事作數語隨事附見使兒童圖之不獨施之
王臺文苑卷之六 十六

博徒是足貽諸好事使千萬世後知命辭打馬始自
易安居士也時紹興四年十一月二十有四日易安
居士序

望湖亭題壁詩自序

宋錢氏

妾本良家子幼妻里人朱橫橫齒于嶺右妾兩偕過
此不幸去年秋橫歿於瘴鄉無以自處因携其遺孤
以歸故里鄉道路艱辛將兩月矣昨暮抵此以風急
未能濟艤舟城下夜分不寐西風颯然而來皓月皎
然窺人斯時也况羈旅乎曉登望湖亭江山如故不
覺有所傷感因吐其曾中書於壁間觀者勿以婦人
玩弄筆硯爲誚焉

王臺文苑卷之六 十七

錢氏姑蘇人隨夫客嶺右夫死扶柩携孤同歸
途次題壁詩云落日西風照楚關斷魂殘魄弔
哀顏自從鴻鴈分飛後無復鴛鴦並枕閑腕玉
瘦寬金縷袖鬢蟬慵掠翠雲鬟鮫綃淚遍相思
淚眉黛無心畫遠山

題漢口鋪詩自序

宋韓玉父

妾本秦人先大父嘗仕於朝因亂遂家錢塘幼時易安處士教以學時及笄父母以妻上舍林子建去年林得官歸閩妾傾囊以助其行林許秋冬間遣騎迎妾久之杳然何其食言耶不免携女奴自錢塘而之三山比至林已官盱江矣因而復回延平經由順昌假道昭武而去嘆客旅之可厭笑人事之多乖因理髮漢口鋪漫題數語於壁云

玉臺文苑卷之六

十八

其詩云程行踰萬里復入武陽路黎明與雞興理髮漢口鋪盱江在何所極目烟水莫生平良自珍羞爲浪子婦知君非秋胡強顏且西去

題梅關詩序

宋英州司寇女

妾幼侍父任英州司寇既代還以大庾有梅嶺之名而友無梅遂植三十本于道仍題以詩其詩云英江今日掌刑回上得梅山不見梅撥俸買將三十本清香留與雪中開

玉臺文苑卷之六

十九

女紅餘志自序二首

明龍輔

鄙觀載籍頗多僻秘女紅之暇每一沉酣推玄底妙
庶有別于瞽者一日屬君讀何遜詩不解山枝詠新
識意鄙聞之笑曰彼奈何忘越人歌耶山有木兮木
有枝心悅君兮君不知政何所謂詠新識也因于閒
日稍有所識以便觀覽要多婦女家事龍輔識

詩曰無匪無儀惟酒食是議易曰無攸遂在中饋則
操管握牘非婦人之事明矣鄙也不才性多憂憤不
玉臺文苑卷之六

有吟咏將成大病與君倡和時聊爲之以代藥石非
敢言詩然有愧于古訓多矣昔楊子謂童子雖蟲篆
刻壯夫不爲然終古文辭者往往不鮮聖賢不之非
鄙敢借以自解龍輔識

武康常君陽序云細君龍氏善屬文父爲蘭陵
守元度公家多異書龍擇其當意者編成四十
卷命曰女紅餘志

性明師頌序

徐媛

蓋聞清商勁而素絲淒玉露凝而幽蘭秀蒼山翠幹
經寒雪而常新陰谷玄冰歷青陽而豈泮是知德瑩
崑壁價溢連城清徹喻珠光盈照乘士高介特女貴
孤芳良有以也已酉歲杪余奉兩先人靈輜卜寢於
鳳皇之麓廬側有老尼薙草結禪闢接墓田之右尼
卽地主系出於孫幼懷貞靜長慕玄修禽委張氏機
緣事阻嘉姻雖定於絲帝禮未行夫禍結瑤臺烟

玉臺文苑卷之六

二十一

霧望杳仙童碧水漣漪淒迷錦羽師乃顧圖史以羨
栢舟殞丹誠甘同化日遂爾託跡禪棲凝情定室青
眉苦志月冷雲房白首寒閨香濃佛座每向人匍匐
稽首欲託詞章宣素心於末景附琬琰垂不朽於千
秋余自媿疎庸其敢奮筆詞林唐突西子抑何忍掩
芳幽草埋沒微猷遂不辭鄙陋率爾操觚尚冀節以
勵高風用戢辭而頌潛德

●古今咏史錄序

明梁氏

余最愛閱史以爲羅萬象于胸中玩千古于掌上無如是書有可喜可愕可怖可憐之事輒長歌以咏之借紙上之雌黃寫心窩之玄白寒奸諛之朽骨招忠正之貞魂間有袞鉞失真久模糊于史筆薰蕕倒置徒影響于觀場一一摘其神情定其品格但欲以心問心不敢以耳語耳非祇掀翻公案蓋以鑒定前車吟哦許久積成十卷命侍兒詮次之或亦博古之津梁詩思之鼓吹也

壬子

●題留新嘉驛壁詩序

明會稽女子

余生長會稽幼攻書史年方及笄嫁與燕客嗟林下之風致事負腹之將軍兼以河東獅子日吼數聲今早薄言往嫺逢彼之怒鞭箠亂下辱等奴婢余氣溢填胸幾不能起嗟呼余籠中人耳何足惜但恐委身草莽湮沒無聞是以忍死須臾俟同類睡熟驚至後庭以泪和墨題三詩於壁并敘出處使知音者讀之不辰則余死之不朽

玉臺文苑卷之六

本三

銀紅衫子半蒙塵一盞孤燈伴此身却是梨花經雨後可憐零落舊時春

終日如同虎豹游含情默坐恨悠悠老天生妾非無意留與風流作話頭

萬種憂愁誰與誰對人強咲背人悲此詩莫作尋常看一句評成千泪垂

◎紅線傳奇小引

明馬月嬌

竊惟僊凡界徑固殊稟乎天資而閑壺情深實均原
于人性河洲之詠莫可尚矣漢上之期何其鄙哉嬌
也藉染汗泥悼白沙無由終潔鄰柳恨青絲徒
爾增攀涎垂舉案之孟光日斷驂鸞之蕭史欲墜樓
者屢矣而高年之母孰依思傳鉢者久焉而悟空之
師難遇用是托諸丹素見冰心於幽蘭叢竹之間睹
彼簡編徵雅志於烈女夫君之際偶值崑山梁氏所
主臺文苑卷之六
軒紅線新詞漏滴玉壺瞬息神飛萬里計收金盒倉
皇膽落三軍况茲脫跡塵寰奚翅楊家之侍拂永爾
流芳瑤島更卑漢室之貂蟬功云奇也勇非大欺迺
屬良工爰俾繡梓即當舞袖儘可供五夜之歡婉轉
歌喉尚可佐十日之飲玄覽君子能無觸目激衷感
往事以諒余裏者哉

◎吳歌小引

明梁玉兒

兒以宿業失身風塵空懷蘭蕙之心浪受泥沙之染
每清風搖幌白月照櫺窗擊節短吟支頤長嘆偶閱
市肆吳歌怪其味如嚼蠟聊爲善謔以挑隱湯情景
雙關揣摩略肖倘聞于大雅不免攢眉如鑒于知音
或蒙捧腹嘻鸚鵡舌頭又添口業之債驚爲結底誰
爲心了之綠漫寄郵筒以供一粲

主臺文苑卷之六

主四

書仲容弟游棲霞寺詩後

徐緩

吾弟幼負不羈才稱倚馬一介南中來館予舍偕二三逸友策蹇登棲霞峰眺覽絕徑乘皓魄歸來漏鼓高度潤染霜毫立就廿四韻精彩陸離咄咄射目疎櫺殘影未移而花箋已雲爛矣陳思王豈能推獨步乎白雪佳章青雲銳器此行駿馬春花長安柳色冉冉炙官袍矣姮娥刺錦端爲少年工耶

玉臺文苑卷之六

二十五

蘇氏織錦迴文記

唐武皇后

前秦苻堅時秦州刺史扶風竇滔妻蘇氏陳留令武功道質第三女也名蕙字若蘭識知精明儀容秀麗謙默自守不求顯揚行年十六歸於竇氏滔甚敬之然蘇性近於急頗傷姑嫉滔字連波右將軍眞之孫則之第二子也風神秀偉該通經史允文允武時論高之苻堅委以心膂之任備歷顯職皆有政聞遷秦州刺史以忤旨謫戍燉煌會堅寇晉襄陽慮有危逼滔才略乃拜安南將軍留鎮襄陽焉初滔有寵姬趙陽臺歌舞之妙無出其右滔置之別所蘇氏知之求而獲焉苦加箠辱滔深以爲憾陽臺又專伺蘇氏之短讒毀交至滔益忿焉蘇氏時年二十一及滔將鎮襄陽邀其同往蘇氏忿之不與偕行滔遂携陽臺之任斷其音問蘇氏悔恨自傷因織錦迴文五采相宣瑩心耀目其錦縱廣八寸題詩三千餘首計八百餘言縱橫反覆皆成文章其文點畫無缺才情之妙超古邁今名曰璇璣圖然讀者不能盡通蘇氏笑而

玉臺文苑卷之六

二十六

謂人曰徘徊宛轉自成文章非我佳人莫之能解遂
發蒼頭賁至襄陽焉泊省覽錦字感其妙絕因送陽
臺之關中而具車徒如禮邀迎蘇氏歸於漢南恩好
愈重蘇氏著文詞五千餘言屬隋季喪亂文字散落
追求不獲而錦字迴文盛見傳寫是近代閨怨之宗
音屬文之士咸龜鑑焉朕聽政之暇留心墳典散帙
之次偶見斯圖因述若蘭之才復美連波之悔過遂
製此記聊示將來也如意元年五月一日大周天冊
金輪皇帝御製

東山愛日記

明漢夫人鄒氏

姑孰郡齊左方之隙有山焉可畝丈餘名曰小東山
郡守游息之所也山之上軒豁高朗四面洞達畢見
民隱者爲視民亭其下則鬱蔥環繞陰翳含發者爲
延翠亭西則碧波漱澗芙蓉的歷者爲愛蓮池四圍
周匝則有梅有桃有松竹有棗花則有菊有萱而四
時之景物畢萃焉宛然蓬島之勝境也於是遼陽傳
公以進士擢居諫垣多謇諤聲天子念吾郡爲畿
輔重地特簡公守是郡無何六事修飾百廢具興郡
民安堵明年迎其母太夫人來養每值公暇則率其
子孫日具酒饌於茲山稱觴戲綵以爲壽隨其所欲
者極力爲之惟恐其少有所拂爾於是太夫人盤桓
陟降乎茲山之間俯視羣類之暢達遐眺萬姓之晏
安懽忻夷愉康寧嬰鑠不必割肥烹鮮而甘且飫矣
且卽諸景分題繪圖題曰東山愛日操其要也余旣
各爲之詠而復俾爲記余聞之孔子云父母之年不
可不知也一則以喜一則以懼說者以喜懼之念兩

存則於愛日之誠自不能已矣至於詩則云且以喜
樂且以永日蓋喜則日永矣永日卽愛日也嗟乎父
母之恩猶天地然天地之恩無涯也父母之生有涯
也古人一日之養不以三公易俯詎非以三公可得
而父母之年不可得耶夫日之當愛審矣而養之當
重宜矣雖然未也天子以天下養諸侯以國養大夫
以家養庶人以一身養而士君子之修德樹行建功
揚名者爲百世養是故謂之尊親謂之顯親謂之大
孝敗以是爲公期望爲太夫人頌禱遂書以爲記

玉臺文苑七卷

鬱金頌

醴陵

江元禧邦申甫編輯
弟元禧那佐甫校政

左芬

伊此奇草名曰鬱金越白殊城厥珍來尋芳香酷烈
悅目怡心明德惟馨淑人是欽窈窕妃媛服之褱衿
永垂名實曠世弗沈

納楊后頌

左芬

義峩峩嶽峻極泰清巨靈導流河濟是經惟濟之神
惟嶽之靈鍾于楊族載育盛明穆穆武后應期挺生
含聰履哲岐嶷夙成如蘭之茂如玉之瑩越在幼冲
休有令名飛聲八極翕習紫庭超任邈姒比德皇英
京室是嘉備禮致聘令月吉辰百僚奉迎周生歸韓
詩人自咏我后戾止車服輝暎登位太微明德日盛
草黎欣戴函夏同慶翼翼聖皇叔哲孔純愍茲庭嬴
玉臺文苑卷之七
開惠播仁蠲彙滌穢與時惟新沛然洪敷恩詔遐震
后之踐祚罔固虛陳萬國齊懽六合同欣坤神朴儼
天人載悅興瑞降祥表精日月和氣網緼三光朗烈
既獲嘉時尋播甘露玄雲曉謁靈液霏霏既儲既積
待陽而晞嫵婉沾濡柔潤中畿長享豐年福祿永綏
左貴嬪名芬兄思芬少學善綴文名亞於思武
帝間而納之泰始八年拜修儀受詔作愁思之
文因爲離思賦後爲貴嬪安陋無寵以才德見
稱體羸多患常居薄室帝每遊華林輒回輦過

之言及文義辭對清華左右侍聽莫不稱美及
元皇后楊氏崩芬獻誄咸寧三年納悼后芬於
坐受詔作頌帝女萬年公主薨帝痛悼不已詔
芬爲誄其文甚麗帝重芬辭藻方物異寶必詔
芬爲賦頌屢獲恩賜焉答兄詩書及雜賦頌數
十篇並行于世

玉臺文苑卷之七

三

芍藥花頌

晉傅統妻辛氏

瞻瞻芍藥植此前庭
枝潤甘露晝晞陽靈
曾不踰時在蓊繁茂
綠葉青蔥應期吐秀
細藥攢挺素華非敷
光譬朝日色艷芙蓉
媛人是採以厠金翠
發彼妖容增此婉媚
惟昔風人托茲榮華
聊用與思染翰作歌

菊花頌

晉傅統妻辛氏

英英麗草稟氣靈和
春茂翠葉秋曜金華
布濩高原蔓行靈阿
揚芳吐馥載芬載葩
爰采爰拾投之醇酒
御于王公以介眉壽
服之延年佩之黃耆
文園賓客乃用不朽

燕頌

傳統妻辛氏

翩翩玄鳥載飛載揚頡頏庭宇遂集我堂啣泥啄草
造作室房避彼湫隘處此高涼孕育五子靡天靡傷
羽翼既就縱心翱翔頡頏影逸豫其樂難忘

玉臺文苑卷之七

六

姜嫄頌

晉劉柔妻王氏

英英姜嫄寔德之純肇承靈瑞武敏是遵誕育岐嶷
毗贊皇綸播殖之訓萬葉攸循

玉臺文苑卷之七

七

啓母塗山頌

晉劉柔妻王氏

塗山靜居玄朗悟幾大禹至公過門不歸明此道訓
孩胤是綏仁哲以成永繫天暉

玉臺文苑卷之二

八

椒花頌

晉劉臻妻陳氏

旋穹周迴三朔肇建青陽散暉澄景載煥美哉靈葩
爰採爰獻聖容映之永壽于萬

玉臺文苑卷之七

九

午時晝扇頌

晉劉琰妻陳氏

炎后飛軌引曜丹達蕤賓應律融精協曦五象列位
品物以垂兌降素獸震升青輦日月澄輝仙童來儀
所憩翠岩俯映蘭池靈柯幽藹神卉參差如山之壽
如松之倚永錫難老與時推移

玉臺文苑卷之七

十一

太平頌

唐真德

大唐開洪業巍巍皇猷昌止戈戎衣定修文繼百王
統天崇雨施理物休含章深仁諧日月撫運邁陶唐
幡旗何赫赫鉦鼓何鐺鐺外夷違命者剪覆被天殃
淳風凝幽顯遐邇競呈祥回時和玉燭七耀巡萬方
維岳降宰輔維帝任忠良五三成一德昭我唐家光
真德新羅王善德妹也太宗立爲王真德大破
百濟遣弟法敏以聞真德乃織錦作五言太平
頌以獻之

玉臺文苑卷之七

十一

趙夫人詩頌

徐媛

石壁春融玄池沅瀾瑤草龍耕精桃呪寶服散仙姝
訪真靈匹地接鴻濛壇通太乙大椿景齊小有天密
瓊錄名鵲胡床茅苗玉曆三千頒從今日

玉臺文苑卷之十

十二

于貞姑頌

有序

徐媛

于貞姑者吾蘇于翁之弱息也獨茂芝蘭早聞令淑
閑箴規於閨則習典禮於公宮貞節峻於寒松韶儀
麗於溫玉璇閨春曉厭看欲圓之繁華蘭砌風和惟
聽法樓之禪誦心燈自朗意莊常飛夙有慧根解淨
生如風中野馬生來覺性識萬緣如鏡裡空花宛釋
典於垂髫妙契三玄之諦了真空于總角幽探九帶
之禪白業潛修金篴猛刮蓮花口吐將廣長舌盡扶

玉臺文苑卷之七

十三

真詮貝葉手繅向旃檀林飽叅妙果悟香勃發普薰
濁界之汗智鑰一標頓闢名關之鏡天桃無詠耻結
戰而施矜萱草相依願承顏而養色至孝篤於庭幃
懿德溢乎閭里以故天寵崇褒龍章特舉華坊雄峙
旌令節於衡門芳姓遐馳流芬香於丹史實三吳雅
秀女士人豪是用不異疎庸聊申俚語用備采於風
誦敬闡揚夫淑範豈直嘉吾邦之縉秀生此碩人抑
亦發潛德之幽光抒吾欽慕云爾遂作頌曰

吳山蒼蒼吳水湯湯爰有賢媛產此名邦棲心香界

願憑空王口鮮言笑志絕貪荒心同匪石節凜凝霜
戒舟風駕聲輪早揚優鉢飄芬摩尼耀光說偈花飛
談經雨涼吼音師子挂角羚羊末利夫人耶須女郎
行以律修德以法彰似彼春華枝傲枯香似彼秋魄
寒揮吐芒廣寒吞藥玉斧工忙綃室鳴梭機杼夜央
寧比吾師一念西方我無此頌湧印發光

孫夫人頌

徐媛

英英夫人惟邦之禎珎相雲邃構宇龍津玄圭執瑤
羣翟垂珍泥金寫幙標額塗銀章懸紫鳳腰玉紅麟
箱馬行祠土人是湮赫赫威靈所求必臻假令夫人
佐劉秉鈞母儀天下炎祚用焯胡天不造鼎足遽淪
金牛爲馬閭位居宸羣雄崩裂帝業頽湮吳宮草莽
蜀地迷塵孰是夫人千載猶新

納楊后贊

左芬

清和協極二儀降靈啓茲楊族仁哲誕生徽音內發
有馥其馨玄符表運作合聖明文定厥祥考卜惟貞
良辰納幣三光朗清元光執贄嘉禮告成卿士庶僚
爛其充庭赫赫華宗奕世載榮謙光其尊在滿戒盈
受茲介福垂祚億齡

玉臺文苑卷之七

十七

周宣王姜后贊

左芬

昭昭宣王克復前制疊疊姜后乃激乃厲執心至公
以恢明世

玉臺文苑卷之七

十八

魯敬姜贊

左芬

邈矣敬姜含德之英于行則高于理則明垂訓于宗
厲發奇聲宣尼三嘆萬代遺馨

王太文苑卷之七

十九

齊義繼母贊

左芬

聖教玄化禮貴信誠至哉繼母行合典經不遺宿諾
義割斯情表德來裔垂川後生

王太文苑卷之七

二十

荆武王夫人鄧曼贊

左芬

天道惡盈極數則微邈哉鄧曼心賦禍幾覩兆嘆亡
考德知衰賢哉卓殊邈哉難追

玉臺文苑卷之七

二十二

楚任接輿妻贊

左芬

接輿高潔懷道行謹妻亦冰清同味玄昭遺俗榮津
志遠神遼

玉臺文苑卷之七

二十二

孟軻母贊

左芬

鄉母善導三徙成教鄰止庠序俎豆是效斷織激子
廣以墳奧聰達知禮敷述聖道

孟軻母贊卷之七

二十

班婕妤贊

左芬

恂恂班女恭讓謙虛辭輦進賢辨祝理誣形圖丹青
名伴樊虞

班婕妤贊卷之七

二十四

巢父惠施贊

左芬

決決長流汚汚清波思文巢惠再咏再歌垂綸一壑
萬象匪多神乎暢矣緬同基阿

玉臺文苑卷之七

二十五

德剛贊

左芬

溫溫德剛寔秉道純履此聖義體此敦仁篤物博好
靡疎靡親九族懷附邦邑望塵貴實賤華尙素安貧
雖在崇高必若平民匪道之榮譬之生民褒飾之譽
謂之謗身惟義是好惟道是尊

玉臺文苑卷之七

二十六

德柔贊

左芬

邈邈德柔、越天之剛、神以知來、知以藏往、疑遺四字含純

博生允矣、君子展也、大成執德、純粹岳峻、川渟履行

高張蕩乎、其平敦興、聖道率正、不傾令聞、不已載路

厥聲

玉臺文苑卷之二

二十七

公孫夫人序贊

晉孫瓊

夫人姓公孫氏、會稽剡人也、夫人資三靈之淳懿、誕

華宗之澄粹、奇朗照於鄰里、四教成於弱笄、慈恩溫

恭、行有秋霜之潔、烈心制節、性同青春之和、敦悅憲

章、動遵禮規、居室則道齊師氏、有行則德配女儀、禮

服有盈、邊豆無闕

猗歟夫人、天姿特挺、行高冰潔、操與霜整、性揚蘭芳

德振玉頰、倚彼瓊林、奇齡有集、展彼碩媛、令德來緝

玉臺文苑卷之二

二十八

動與禮遊、靜以義立

論語贊

晉謝道韞

衛靈問陳於孔子孔子對曰俎豆之事則嘗聞之軍旅之事未之學也庶則大矣比德中庸斯言之善莫不歸宗麓者乖本妙極令中嗟我懷矣興言攸同

玉臺文苑卷之七

二十九

◎四友贊

唐薛濤

唐潤色先生之腹濡藏鋒都尉之頭引書媒而黠黠人文畝以休休

濤字洪度本長安良家子父鄭因官寓蜀濤八
九歲知聲律其父一日指井梧示之曰庭除一
古桐聳幹入雲中令濤續之濤應聲曰枝迎南
北鳥葉送往來風父愀然久之及長有姿色走
工詩翰父卒母喪居韋阜鎮蜀召令侍酒賦詩
因入樂籍元稹聞濤有辭辯及爲監察使蜀以
御史推鞠難得見焉嚴司空潛知其意每遣濤
往侍微之矜持筆硯濤走筆作四友贊微之驚
服

玉臺文苑卷之七

三十

死心禪師讚

宋梅氏

韶陽死心靈源甚深耳中見色眼裏聞聲凡明聖昧後富先貧利生濟物點鉄成金丹青徒狀非古非今

梅氏直龍圖閣梅詢之女幼聰慧樂禪寂因從

夫官豫章之分寧遂參死心禪師于雲巖既于

言下領旨尋以偈伸讚云死心問之曰死心

非真向其麼處讚若讚死心死心無狀若讚麼

空虛空無跡無狀無跡下得箇甚麼語若下得

玉臺文苑卷之七

七

語親見死心對曰死心非真真非死心虛空無

狀妙有無形絕後再蘇親見死心于是死心笑

而已靈源禪師遂以空室道人號之道韻閒澹

似不能言至于開廓正見雅爲精峭後于姑蘇

西竺院薙髮爲尼名惟久宣和六年趺坐而終

雨竹圖贊

女冠元氏

涓涓而淨森森而立孟宗何之淚痕猶濕

風竹圖贊

可屈者氣不屈者節故人之來盡掃秋風

元遣山好問裕之妹爲女冠文而艷張平章當

揆欲娶之使人囑裕之辭以可否在妹妹以爲

可則可張喜自往訪覘其所向至則方自手稱

天花版輟而迎之張詢近日所作應聲答曰補

玉臺文苑卷之七

七

天手段楚施張不許纖塵落畫堂寄語新來雙

燕子移巢別處覓雕梁張悚然而出

◎三才論

明陳夫人朱氏

輕清者天重濁者地清是陽而濁是陰此是形也天之精華日月是也日以日見星月夜明隱顯莫測直道無形地之精華雨露是也長養萬物人之精華心是也變化無方天地之氣脉流通人不能見天氣下降地氣上升和在其中矣人與物虛得氤氲往來混元交泰所以長久也天氣陰地氣陽返陰復陽天地久也天之心罡是也地之心復是也人之心道是也玉臺文苑卷之七

三才

道修淳厚化生萬物三才之功全也天之動風雲雷雨天之靜二氣氤氲地之動萬物發生地之靜歸元伏氣人之動血氣流通人之靜歸根復命日用昧動靜動靜識根宗定慧知動靜聖賢從此出人能慧意逆則成僊順則成人一身具天地之二氣體天地生物之心爲心能觀天之道執天之行窮理盡性以至於命方爲真人可以與天地參矣

憲副華山陳公二夫人號養誠道人所著有閨

閣窮玄集行于世

靈壽杖銘

劉彛妻王氏

籊籊解幹秀彼崇嶠下澤蘭液上鬱芳霄貞勁內固
昭耀質靈蒼作珍華朝杖之身安越齡松喬

靈壽杖銘

三才

禮銘

後魏崔浩女儀

陽升于下日永于天長履景福至于千年

三十五

九鼎銘

唐武皇后

義農首出軒昊膺期唐虞繼踵湯禹乘時天下光宅
域內雍熙上玄降鑒方建隆基

萬歲通天元年鑄九鼎成置于東都明堂之庭
后自製曳舂歌令曳者唱和焉開元二年太子
賓客薛譙光獻東都九鼎銘其蔡州鼎乃武后
所製文云明皇御名已兆于此紫薇令姚元
崇奏曰聖人啓運休兆必彰請宣付史館

玉臺文苑卷之七

三十六

玉臺文苑八卷

醴陵

江元禮邦申甫編輯
弟元禮邦佐甫較政

柳下惠誄

魯柳下惠妻

夫子之不伐兮夫子之不竭兮夫子之信誠而與人
無害兮柔屈從俗不強察兮蒙耻救民德彌大兮雖
遇三黜終不弊兮愷悌君子永能厲兮嗟乎惜哉乃
下世兮庶幾遐年兮遂逝兮嗚呼哀哉魂神泄兮夫
子之謚宜爲惠兮

文心雕龍曰誄者累也累其德行旌之不朽也
又曰讀誄定謚其節文大矣

說苑柳下惠死門人將誄之妻曰將誄夫子之
德耶則二三子不如妾之知也乃誄云

司馬相如誄

漢卓文君

嗟嗟夫子兮亶通儒少好學兮綜羣書縱橫劒技兮
英敏有譽尚慕往哲兮更名相如落魄遠遊兮賦子
虛畢爾壯志兮駟馬高車憶昔初好兮雍容孔都憐
才仰德兮琴心兩娛永托爲妃兮不耻當壚生平淺
促兮命也難扶長夜思君兮形影孤步中庭兮霜草
枯鴈鳴哀哀兮吾將安如仰天太息兮抑鬱不舒詎
此悽惻兮疇忍聽予泉穴可從兮願捐其軀

玉臺文苑卷之人

元皇后誄

左芬

惟泰始十年秋七月景寅晉元皇后楊氏崩嗚呼哀哉昔有莘適殷姜妣歸周宣德中闡徽音永流樊衛二姬匡齊翼楚馬鄧兩配亦毗漢主義義元后光煥晉宇伉儷聖皇比蹤往古遭命不永背陽卽陰六官號咷四海慟心嗟予鄙妾仰恩特深追慕三良甘心自沉何用存思不忘德音何用紀述託辭翰林乃作誄曰赫赫元后出自有楊奕世朱輪耀彼華陽惟嶽

玉臺文苑卷之八

三

降神顯茲禎祥篤生英媛休有烈光含靈握文異于庶姜和暢春日操厲秋霜疾彼攸遂執此義方率由四教容德匪荒行周六親徽音顯揚顯揚伊何京室是臧乃聘乃納聿嬪聖皇正位閨闔惟德是將鳴佩有節發言有章仰觀列圖俯覽篇籍顧問女史咨詢竹帛思媚皇姑虔恭朝夕允釐中饋執事有恪於禮斯勞於敬斯勤雖曰齊聖邁德日新日新伊何克廣弘仁終溫且惠帝妹是親經緯六官罔不彌綸孳妾惟仰譬彼良辰亦旣青陽鳴鳩告時躬執桑曲率道

嫵姬修成蠶叢分璽理絲女工是察祭服是治祗承

宗廟永言孝思于彼六行靡不蹈之皇英佐舜塗山翼禹惟衛惟樊二霸是輔明明我后異世同矩亦能有亂謀及天府內敷陰教外毗陽化綢繆庶政密勿夙夜恩從風翔澤隨雨播中外祉福遐邇咏歌天作貞吉克昌克繁則百斯慶育聖育賢教踰姪如訓邁姜嫄堂堂太子惟國之元濟濟南陽爲屏爲藩本枝膺露四海陰焉徹斯王妣孰茲克臻曰軋蓋聽曰聖允誠積善之常五福所并宜享高年匪隕匪傾如彭

玉臺文苑卷之八

四

之齒如聃之齡云胡不造丁茲禍殃寢疾彌留寤寐不康巫咸騁術和鵲奏方祚福無應常藥無良形神將離精氣載荒奄忽崩殂湮精滅光哀哀太子南陽繁昌攀援不寐躑躅摧傷嗚呼哀哉閨宮號咷宇內震驚外者填衢赴者塞庭哀慟雷駭流淚雨零獻歎不已若喪所生惟帝與后契濶在昔比翼白屋雙飛紫閣悼后傷后早卽窈窕言斯旣及涕泗隕落追思我后寔聰寔哲通于性命達于儉節送終之禮比素上世穉無珍瑤哈無明珎潛輝梓宮永背昭晰臣妾

泉號同此斷絕庭宇過密幽室增陰空設幃帳虛置
衣衾人亦有言妙道難尋悠悠精美豈浮豈沉豐奠
日陳冀魂之臨孰云元后不聞其音乃議景行景行
以益乃考龜策龜策襲吉爰定宅兆克成玄室魂之
往矣于以今日仲秋之辰啟明始出星陳夙駕靈輿
結駟其輿伊何金根玉箱其駟惟何二駟黃習習
容車朱服丹裝隱隱轎軒弁經總裳華轂曜野素蓋
被原方相伋伋旌旗翻翻輓童引歌白驥鳴轅觀者
夾塗士女涕漣千乘萬騎迄彼峻山峻山峩峩曾阜
王臺文苑卷之八

五

重阿弘高顯敞據洛依河左瞻皇姑右涕皇家推存
揆亡明神所嘉諸姑姊妹姊妹媵御追送塵輕號咷
獨路王侯卿士雲會星布群官庶僚縞蓋無數咨嗟
通夜東方云曙百祗奉迎我后安厝中外俱臨同哀
共慕涕如連雨淚如湛露局閨既闔窈窕冥冥有夜
無晝曷用其明不封不樹山坂同形昔后之崩大火
西流寒往暑過今亦孟秋自我卹卹儵忽一周夜服
將變痛心若抽逼彼體制惟以增憂去此素衣結戀
靈丘有始有終天地之經自非三光誰能不零存播

今德沒圖丹青先哲之志以此爲榮溫溫元后實宜
慈焉撫育羣生恩惠滋焉遺愛不忘永見思焉懸明
日月垂萬春焉嗚呼庶妾感四時焉言思言慕涕淚
漣漣

王臺文苑卷之八

萬年公主誄

左芬

昔滿衣早智周晉風成咸以岐嶷名存典經猗歟公
主在幼赴哲方德比齒有邈先列何德之盛而年或
闕何華之繁而實不結雨墜風逝形影長滅赫赫京
室河洛所經陰精發曜降茲淑靈篤生公主誕膺休
貞秀出紫微日暉月明既睇豔姿徽音孔昭盼蒨其
媚婉曼其嬌寵玩軒陛如瓊如瑤雖則弱齒雙德兼
苞五福所集聞之先民積善鍾慶怙德輔仁宜終淑
玉臺文苑卷之人

美光暉日新云何降戾景命不振曄曄榮曜英挺始
芳何辜於天猥遇降霜筑筑稚魂飄飄遐翔於戲何
辜痛茲不福生而何晚歿而何速酷矣皇靈謬哉司
祿嗚呼哀哉日月載馳白露凝結自主薨徂奄離時
節吉凶乖邈存亡異制將遷幽都潛神永翳嗚呼公
主魂豈是綏岌岌靈輜駿駟駢駢挽僮齊唱悲音激
摧士女歔歔高風增哀一日不見採蕭作歌况我公
主形滅體訛精靈遷逝幽此中阿言思言念涕淚滂
沱嗚呼哀哉

劉處士誄

晉劉叅妻王氏

猗猗嘉穎朝陽方翹烈風嚴霜殞此秀條璇璣倏忽
四序兢征清商激宇蟋率吟櫺

玉臺文苑卷之人

張愈誄

妻蒲芝

高視往古哲士實殷施及秦漢餘烈氛氲挺生英傑
卓爾逸羣孰謂今世亦有其人其人伊何白雲隱君
嘗曰丈夫趨世不偶仕非其志祿不可苟營營末途
非吾所守吾生有涯少實多艱窮亦自固困亦不顛
不貴人爵知命樂天脫簪散髮眠雲聽泉有峯千仞
有溪數曲廣成遺趾吳興高躅疏石通徑依林架屋
麋鹿同羣晝遊夜宿嶺月破雲秋霖洒竹清意何窮
主臺文苑卷之八

九

與心自告放言遺慮何榮何辱孟春感疾閉戶不出
豈期遂往英標永隔抒詞哽噎揮涕汎瀾人誰無死
惜乎材賢已矣吾人嗚呼哀哉

張愈字少愚益州郫人其先自河東徙愈雋偉
有大志遊學四方屢舉不第寶元初上書言邊
事請使契丹令外夷相攻以完中國之勢其論
甚壯用使者薦除試秘書省校書郎願以授父
顯忠而隱於家文彥博治蜀爲置青城山白雲
谿杜光庭故居以處之

艱鹽酪不入口再

荅杜所持柳枝於墓忽生枝葉後合抱六召不
應喜奕棋樂山水遇有興雖數千里輒盡室往
遂浮湘沅觀浙江升羅浮入九疑買石載鶴以
歸杜門著書未就卒妻蒲氏名芝賢而有文爲
之誄

主臺文苑卷之八

十

江母張夫人誄

明趙陸卿子

惟萬曆三十年夏六月壬寅江母張夫人卒嗚呼哀哉
赤日晝掩炎光罷燦飛霜夏需淒風回薄山淪翠
寓江湧素湍親戚遑矣罔措邑里悽其悲嘆嗚呼哀
哉純孝慕以擗標仰昊天而不復藏白璧以潛瑛將
丹椒而揚馥蘭儀永謝芳軌堪較誅厥徽美遐邇咸
告表懿旌旃流芳簡牘其詞曰爰惟青賜出自軒轅
揮爲方正厥系帝孫因同樹姓源別派分漢運良籌
主臺文苑卷之八 十一

周頌仲孝皇綱或維勁敵是勦茂先博識平子覃思
蟬精極藝妙算無遺託典秋風行歌鼓柅或處或行
蟬聯雲綴有宋不造醜膚胥御王室如燬生靈莫系
高宗返正渡淮涉江桓桓張子扈蹕來邦國既克奠
家亦戾止儲櫟萬鍾餉彼多士帝旌厥忠民濡斯祉
丕承天憲奕世彌芳英英太宰翼讚陶唐炳若列宿
穆若春陽沛發嘉言惠我先考夕瀨趣淵晨光溢顙
綺鬱芳叢霞摘天表絕壑生暉孤峰從峭黃鳥哀鳴
玄猿斷嘯千古猶今重陰剖曜五色齊彰八音迭奏

猶子多才季父頡秀篤生夫人令德淵茂弱齡失怙
靡依懷袖慈訓在殯燎原將及渺爾悼惶撫柩哀泣
上帝降監標沈滔輯廓清煙于餘美儼總帷于重熠
遺盜擲金掩婢發笥吞毒蝮蛇絨口險詖孰謂翬
淵乎其智笄年結褵字彼華族五葉連輝軒車相屬
清風襲蓋芳塵扶轂列戟如林攢矛若族或擢幹于
雲霄或振旅于荒服鐵厥犬羊樹我方牧惟媛之壻
彼彥之叔翩翩逸俊灼灼婉淑于飛頤頤以靜以恭
緝和匪白啓煥童蒙北潤主璋麗藻蘭蔽嚴姑降顏
主臺文苑卷之八 十二

諸姬志偏洩洩融融春波泛泛審烏合之友乃渙昧
青之韻夜聚必有散敗實毀成林花始燁紫露風零
良人適邁泉塗聿尙欲先驅于地下復顧瞻于堂上
卻甘旨而弗御每親景而悒快雖形存于素幙已神
棲于幽壤嗚呼哀哉追芳陳寡擬操陶嬰畫機絲而
數教諭絲絕而觀朋濟濟五常恂恂八愷舊藉玉樹
郁郁蘭茝茁笋抽萌班衣疊彩罔或遊盤曷俾心瘳
命也無恒俄景倏改嗚呼哀哉豁臻玄理朗識真筌
悟無生于既往託虛無而不還嗚呼哀哉昔否其死

今然甘懋戒奢薄飲含和委世便房一啓千秋永閉
嗚呼哀哉遙覽今無彫眇池今冲華臨風兮灑泣彼
哲人兮是着嗚呼哀哉

玉臺文苑卷之八

十三

先人誄 有序

徐媛

嗚呼哀哉龍蛇在辰君子道消吉凶後先天壽同凋
嗟茲北印白楊蕭蕭譬彼望舒有虧有盈痛此萱椿
條葉頽零哀哀我親素質含瑛德洽造物志合天具
皇祈不察殲我碩人百年寧贖一去忘返假羽景雲
天高路蹇何以弔衷淚盡玄旛何以誄德願托斯言
乃作誄曰

烈烈我祖自徐啓疆邇厥苗裔伯益是昌族由令滋
玉臺文苑卷之八

十四

名以德彰秉身操行爲龍爲光策名天府實邦之璋
篤生我父出自有張人稱騏驎千里郭翔早振頭角
白眉鴈行逮我王父結綬承明比隣者董族盛冠裳
爲謀好述已氏者昌鳳卜是吉和鳴鏘鏘厥我外祖
古史之良樹位鼎台秉機廟廊分投王父金固蘭香
心照神接合璧是賞庶幾比肩以事君上云胡奄忽
乘雲帝鄉一疾不返星隕其芒丹旄歸來隨風飄揚
祖湓朝露王母在堂遺諸伯叔筑笈彷徨父也髫年
大事其襄斧藻砥礪肯構肯堂撫茲弱弟克矜克讓

春彼萱親夙興是將養羽外家鵬息鴻藏一經伯首
素螢夜窓翁愛玉潤授以青細疊官早遊青衿嘒嘒
崑崙試御汗血騰驤母氏于歸允迎前徽婦順克諧
四教是依聿來作妃虔恭慈幃怡如藹如克敬克婉
蘋繁是供締綌是泮家曰令儀邦曰淑媛執事有恪
仁風是扇健持戶樞儉約自茹允釐中饋救睦里閭
推恩小星采葑采菲佐理君子側躬下體君子厥量
奕葉褒光濯足龍淵喬嶠南宮射策執作及斯委任
小術百工並舉惻惻苦心虔崇綜理精能徹鑒誠則

玉臺文苑卷之八

十五

達工勛劬孔多恩波下沐晉秩罔卿嘉以寵服鳩役
慈寧晨惕夕肅省利節費勞謙國計耿介執直不干
權勢孤孑日將復與世戾衆口沉木芳草爲壤貝錦
雌黃謠詠成黨拂衣歸來五柳門栽懸車避囂叢桂
齊開孤霞縹影皎月盈苔櫻情春卉託思秋容東魯
暮玄南郭潛踪鶴氅盤桓山翁野農晚春課奴訓婢
夜織南山一畝唱和自適惠藥問疾厝欽遺骨施德
遐宗提携子侄存恤寡孤捐衣推食懋哉義問遐矣
仁聲如露之滋何草不榮懿德實嘉宜享遐齡命之

不造數與禍丁有耳無聰天聰冥冥嗚呼痛哉母氏
遺患身櫻痼疾哀我慈幃一旦埋骨百草徒窮良醫
無術蕙性香銷蘭儀景戢叩關無力淚盡輕紈銀缸
夜慘懔帳飛寒曾未及稔嚴君伏枕一疾奄綿忽焉
長寢藐孤襁褓吉凶寧審病女在疚永訣無引執乳
遇災門戶成乖百口張皇黃金散灰惴惴諸癸泣如
雨零眇焉弱塔隻翼零丁存者吞聲亡者冥冥噫噓
嗟吁爲善無徵貞不常祐如何斯人未卜其壽不施
其身而丁其後消白骨兮陳根迷夜臺兮昏晝曉淅
淅于咸池暮馳精于壁斗顧一晤而無從追往時而
倥傯望歸魄兮聽鶴激楚些兮行衷徒擗標以撫躬
心摧剝而哀慟呼聲摩空迸淚泉湧祖陳二筵旌機
雙控陟祀兮雲籠松楸兮改容嗚呼哀哉白華凋兮
遊子窮枯蘭銷兮庭幃空藏精誠于玄壤委浩氣于
秋風行雲結兮木魁嘯玉笛悲兮山鬼恫恨千秋
成血哭有聲兮思無窮

玉臺文苑卷之八

十六

唐高宗天皇大帝哀冊文

唐武后

維弘道元年歲次癸未十二月甲寅朔四日丁巳大
行天皇崩于洛陽宮之貞觀殿殯于乾元殿之西階
粵以文明元年五月壬午朔十五日丙申發自瀝滄
旋于鎬京以其年八月庚辰朔十一日庚寅將遷座
于乾陵禮也晚霧收碧晨霞泛丹庭分羽衛肆啓龍
攢哀于嗣皇帝輪攀訴容車崩號晨殿悲蜃輅之空
嚴感鳳梅之虛薦擗標糜潰充窮殞裂刻思攀一作舉

玉臺文苑卷之人

十七

而還迷羸喘興而復絕俯惟莞懸荼毒交侵瞻白雲
而茹泣望蒼野而摧心慘遊冠之日遠哀墜劍之年
深淚有變于湘竹恨方纏于穀林念茲孤幼哽咽荒
襟腸與肝而共斷憂與痛而相尋顧慕丹檻迴環紫
掖撫眇嗣而傷今想宸顏而慟昔寄柔情于蘭素撫
天聲于金石其詞曰

月瑤誕慶雲丘降祥仙源漢遠聖緒天長繞樞飛電
麗室騰光鳥庭開象龍德含章六藝生知四聰神授
晦迹登序韜光齒冑綴玉詞條緝瓊文囿發揮綠錯

龍紫宙鑑符敦敏量本䟽通寶門表譽納龍彰功
始潛水邸或躍青宮夏令欽德周誦傾風粵自銅關
虔膚寶命惠霑動植信洎翔泳淳化有孚至仁無競
教溢璇寓道光金鏡五龍開運六羽昇年西雲應呂
南風散絃畧符義日陰廣堯天貴園旌士焚林蓋賢
浴明上格財成下濟問寢承親在原申悌戒盈茅宗
為奢土砌衢室禋宗雲門饗帝以聖承聖資明嗣明
禮崇殷夏樂尚咸英時和俗泰天平地成永同文軌
長垂頌聲德動乾坤荷威清地紀澄氛甍穴掃滌泥

玉臺文苑卷之人

十八

推轂六師坐知千里亭毒寰縣堂鏡圖史霜戟林聳
月旗雲亘疊鼓蕭關鳴笳松嶺追涼冰殿避暑山楹
霞翻浪井樹響層城務簡通三凝神得一玄池肆賞
青丘竹逸訪道順風養真乘日拜牧襄野尊師石室
寶獻河宗黃歸王曾浮氎交影飛輪繫帙雲封薦款
日觀中虔告成七廟歸功九天無事無為爰遊爰豫
肯城延想汾川滌慮儀鳳巢阿飛麟在馭火樹歸朔
燭鄉移曙所冀玄壽齊年紫皇授興旅館災纏未央
遽脫屣于宸極奄乘雲于帝鄉亘天維而落構匝日

寓而沉光殉百身而靡損積萬苦而徒傷魂銷志頽
裂骨抽腸受玉几之遺顧託實業于窮荒嗣君孝切
諒閭居喪荷大務于殘喘積衆憂于未亡所以割深
衣而克勵力迷伶而自強嗚呼哀哉決堤遇密綿區
縞素恨鈞天之不歸瞻潯湖以凝慕嗚呼哀哉攀聖
慈迷戀德滋深訴其苦而雨泗擗厚載而崩心泣人
靈而灑悲懷晦宇宙而起愁陰嗚呼哀哉緹琯移序
未明應律蜚竈方營龜謀獻吉背九洛而移馭係八
川而從蹕列壁羽之遠逝動鍾挽之蕭瑟顧園邑之
主臺文苑卷之八 十九
春翠望岩墟之紆轡喬陽之鳥不追茂陵之書方出
嗚呼哀哉跡闕懸圃神降長流去重陽之奕奕襲大
夜之悠悠同霸塋之薄窆契紀屢而莫修思山門于
夕月悲隴樹于新秋嗚呼哀哉想軒駕之攀龍思予
山之悲鳳矧承眷于先房誓牽毀而哀送豈謂務切
不基事違深倅仍徇公而抑已遂奪情以從衆悲千
岡極之悲痛萬終天之痛嗚呼哀哉恭惟聖烈寔鑲
微衷敬因彤管載撰玄功業彌遙而道彌著時益遠
而聲益隆播二儀而不極橫四海而焉窮嗚呼哀哉

曹裡墓銘

唐周氏

君姓曹名裡字禮夫世爲番陽人祖父皆仕於唐高
祖之朝惟公三舉不第居家以禮義自守及卒於長
安之道朝廷公卿鄉隣者舊無不太息惟予獨不然
謂其母曰家有南畝足以養其親室有遺文足以訓
其子肖形天地間範圍陰陽內死生聚散特世態耳
何憂喜之有哉予姓周氏公之妻室也歸公八載恩
義有多故贈之銘曰其生也天其死也天苟達此理
哀復何言其生也休其死也休又何爲哉其母何憂
慶元三年信州上饒尉陳莊發土得唐碑云云

屠母黃孺人墓誌銘

徐媛

屠母黃孺人者予兒媳從父敏瀾屠公之元匹也以萬曆壬子之春疾終于寢逮乎癸丑之秋予禮古天竺先生而歸途出攜李媳之母氏迎我水濱宴我于木蘭之上我兒媳奉其從父之命出其叔母黃孺人之狀垂涕洟而告曰嗟乎此吾叔父之女姪黃夫人標不律而狀吾叔母者也黃夫人于媳爲女兄弟其文才藻繪上可方班姬下亦不愧曹大家中所哉吾

三臺文苑卷之八

二十一

叔母生平懿行甚悉吾叔父將以來歲春王之月舉其紫輿而卜上峽蓋窆窆行有日矣吾叔父念所以不朽吾叔母者獨有形管之芳華勒之麗牲之石用以貴幽壤而耀來茲而我姑廻文紈扇不減名姬倘哀其長而錫之片辭以華袞其枯骨庶幾吾叔父得藉手以報同牢之誼而雪奉倩之悲乎余自媿無文無以闡孺人之微音懿範而迫于媳母之命不獲固辭遂忘其蕪陋援筆而爲之誌按狀孺人諱觀嬌姓黃氏櫛李之用里人也門稱通德文彩耀于儒林譜

系名宗根蒂固同磐石車書禮樂爭誇紫誥千篇卿相公侯奚止朱輪十乘賜書未盡古鼎猶存家聲冠冕于本朝人物琳琅而滿目父綜鷹鷂巡方虎符臨鎮一道之風霜掃境九重之雨露隨輪伯氏正色鳳檢雷行烏臺霜肅共仰刁曜邊臣之節咸稱揚秉宰相之才仲氏洪憲鳳藻騰文卧看八磚之日影猶子承玄龍圖外懷坐清列郡之炎氣父子聯榮無歎向異同之論弟兄接武盡機雲俊爽之才孺人生鍾蕙秀長擅蘭芳早茂徽華風彰榮曜言成軌則常受教

玉臺文苑卷之八

二十二

于公宮動合儀章德有聞于師氏詩賡柳絮寧讓謝太傅之名閨詞解色絲不減蔡中郎之令女芳茂采采家有和平之風葛覃萋萋身躬勤儉之德逮乎瀉水輦降有媽來歸和聲叶鳴鳳之占坦腹中乘龍之選宜其家室及天桃之九華求我庶士迨標梅之三實授巾沃盥視寢膳于晨風秉杼鳴機佐擘晤于夜月恭非貌飾孝出性培猶且樛木葛藟逮余祠之肅肅金斯羽揖宜子孫之繩繩可謂內則肅慎中饋虔恭者矣亡何勞瘁傷年沈疴委頓香銷胡地之珍草

絕瓊田之路朝陽晞露芳薜蘿顏月令囊琴絃折離
驚之曲風摧庭樹柯披連理之枝秦樓聲繼文蕭玉
女光沉寶婺以甲寅春月之吉卜葬于景山之原敏
淵公傷神秋月掩淚長松空悲季直之畱書徒悼安
仁之長簾仙踪永別鶴馭何年白露凝楸黃埃委樹
神光離合陳王之惆悵堪悲雲氣徘徊楚后之畱連
如在乃作銘曰

陸終建國江夏開都人挺英傑世擅雄圖繡轂連鑣
香貂接耳乃生令淑彤管有美珠產照乘蘭錫國香
玉臺文苑卷之八 二十三

耶衣裴服宋子河魴百兩言歸三星在戶愛敬天成
言容有度既全婦德還稱母儀方之棠棣譬彼螽斯
義越江沱仁流播木浴蘭供衣鳴機佐讀恩洽宗盟
勤持閭政造物何乖寸陰易竟藥謝金膏光埋神鏡
嗟美人之一去似飄英之委徑金戶聲沉玉樓人靜
幽壙蕪深荒延草勁嗚呼哀哉山青青兮水冷冷雲
漠漠今天冥冥山門迴帳兮泉室移燈鸞悲失影兮
劍咽孤鳴妻其趙瑟兮哀於秦瑟千秋萬祀兮局此
佳城

祭夫徐悱文

劉令嫻

維梁大同五年新婦謹薦少牢於徐府君之靈曰惟
君德爰禮智才兼文雅學比山成辯同河瀉明經擢
秀光朝振野調逸許中聲高洛下含潘度陸超終邁
賈二儀既肇判合始分簡賢依德乃隸夫君外治徒
奉內佐無聞幸依蓬性頗習蘭薰式傳琴瑟相酬典
墳輔仁難驗神情易促電碎春紅霜雕夏綠躬奉正
衾親視啓足一見無期百身何贖嗚呼哀哉生死雖
殊情親猶一敢遵先好手調薑橘素俎空乾莫鴈徒
溢昔奉齊眉異於今日從軍暫別且思樓中薄游未
反尚比飛蓬如當此訣永痛無窮百年何幾泉穴方
同

梁書徐悱字敬業東海剡人幼聰敏能屬文爲
晉安內史卒喪還建業妻劉令嫻爲祭文辭甚
悽愴父勉欲造哀文既視此作於是閣筆

祭嫂楊孺人文

明孫夫人楊氏

嗚呼哀哉自我亂年得奉嫂氏名家之秀亦既任只
孝奉二親兼善我兄深愛婉儀洽於家庭古稱彤管
寔惟靜女嫂也學書動弗踰矩我兄才俊壯游於京
脫穎邑庠卒業國黌壯志既開輕彼家室嫂也敬慎
持家有律三十餘年什七在游惟嫂之託故無內憂
既警鷄鳴復歌樛木室也無尤蒸蒸和睦嫂育我姪
他亦如之未及冠年咸業詩書或賓泮水或試曹掾
籍名大府皆爲俊彥我兄晚歲授職署郎待選銓曹
遂歷十霜嫂也持家益嚴其帙閨門整肅故舊日起
兄宦成都未及告歸從守來朝遂卒京畿筑筑靈輶
千里返窆嫂也見之心驚魂喪蹉跎六載家業漸頽
幸有我姪得與計偕雖云策名定在京國我嫂甘旨
供亦未得我頃過浙拜嫂於堂鶴髮星星漸入衰鄉
所可喜者尙健於食庶幾少延大命未迫何期別後
甫踰半年暫疾無何遂喪黃泉囊空無資鬻宅以殮
傷哉諸子徒聞寢苦人來謂我我淚如縈中心戚傷

乃率兒曹撫牀一哭兀也何之在彼山麓

祭庶母文

徐媛

萬曆玄默困敦歲之陽月日在於房我庶母王孺人以疾終于正寢其元女宜人率其子若孫以藁藿之奠哭之於几筵而爲楚些以招之曰嗚呼哀哉清商變律玄冥乘輅空階露冷北戶寒屯室有嫠姥一枕游蒐孤幃晝掩銀缸夜昏奄忽代謝天道寧論痛思成結欲挽無門歸來歸來霧暗遙村嗚呼哀哉疇昔之歲偕我亡萱意氣好合曾無間言愛同拊息詎比

玉臺文苑卷之八

二十七

吹唄參斯有頌視彼姜嫄風秉靜德何慍何嗔小星在御肅肅溫溫年華萎薺聲聲零落悲深玉簫怨起秋原歸來歸來月峽猿吞嗚呼哀哉起滅二途古聖難明既云無物四大何成孰爲有體形影誰并姥既早覺夙悟無生虛空照徹香界皈依誠五濁不染六塵併清蓮臺九品接引雙旌極樂淨土入彼化城歸來歸來勿履幽程嗚呼哀哉鉛華迅逝流景飛輶神隨景滅色併捐傾灝然一炷還歸太清杳冥昏默渺矣長征徘徊顧盼曠宇空楹隔連趙瑟悽愴秦笙

松悲崔去

草亂螢生愁雲四起慘月孤明我甥幼弟長流先
緬瞻遺照爰想生平撫此几筵興思故情歸來歸來
享我尊羹嗚呼哀哉亂曰東生躬兮奠芳椒白日沉
兮風蕭蕭闌房扁兮儀象設貍首班兮紅壁銷魂歸
來兮樂逍遙乘青霓兮駕虹橋引鸞車兮步層霄陰
肅兮總幃飄寫哀詞兮追冥冥傷我心兮心怊怊

保寧設浴榜

宋梅氏

一物也無洗箇甚麼纖塵若有起自何來道取一句
子玄乃可大家入浴古靈只解揩背開士何曾明心
欲證離垢地時須是通身汗出盡道水能洗垢焉知
水亦是塵瓦饒水垢頓除到此亦須洗却

玉臺文苑卷之八

三十九

筆陣圖

晉衛夫人李茂漪

昔李丞相斯見周穆王書七日興嘆患其無骨蔡尚
書色入鴻都觀碣十旬不返嗟其出羣故知達其源
者少闇於理者多近代以來殊不師古緣情棄道纔
記姓名或學不該贍聞見又寡致使成功不就虛費
精神自非通靈感物不可與談斯道今逮筆妙七條
貽諸子孫永爲模範

一如千里陣雲隱隱然其實有形

玉臺文苑卷之八

三十

、如高峰墜石磕磕然實如崩也

ノ陸斷犀象 乙百鈞弩發

一萬歲枯藤 入崩浪奔雲

丁勁弩筋節

凡學者書字先執筆真書一寸二分行草書去筆頭
三寸一分執之下筆點畫波擗屈曲皆分盡一身之
力而送之初學先大書不得從小善鑒者不寫善寫
者不鑒意前筆後者勝意後筆前者敗善筆力者多
骨不善筆力者多肉多骨微肉者謂之筋書多肉微

骨者謂之墨猪多力豐筋者聖無力無筋者病一一
從其消息而用之又六種用筆結構圓滿如篆法
飄颻洒落如章草凶險可畏如八分竒窕出入如飛
白耿介特立如鵠頭鬱拔縱橫如古隸然心存委曲
每爲一字各象其形斯造妙矣

廣寒宮殿白玉樓上梁文

朝鮮仕女許景樊

述夫寶蓋懸空雲駢超色象之界銀樓耀日霞楹出
廣漠之墟雖復仙螺運機玉帳之術斯碑翠蜃吹霧
金輅之方畢施自天作之非人力也主人名編瑤籍
聯綴瓊班乘龍太清朝宿崑崙幕歸方丈駕鶴三島
右挹浮丘左拍洪崖千年玄圃之棲遲一夢人間之
塵土黃庭誤讀謫下無央之宮赤繩結緣愧入有窮
之室壺中靈藥纔下指於玄砂脚底銀蟾遽逃形於
玉臺文苑卷之八

卅宇笑脫紅埃赤日重披紫府丹霞鸞笙鳳管之神
遊喜續舊會錦幕銀屏之嬌宿悔過今宵何意日宮
之銀綸俾掌月殿之殘奏官曹清切足攝八霞之司
地望崇高明壓五雲之閣香凝玉斧手下之吳質無
眠樂奏霓裳闌邊之素娥不寐玲瓏霞披振霞錦於
仙衣熠耀星冠點星珠於寶勝爰思列真之來會尚
乏上界之樓居青鸞外玉妃之車羽葆前路白虎駕
朝元之使金綬後塵劉安傳經拔雙龍於案上姬滿
逐日驅八風於山阿宵迎上元綠髮散三角之髻晝

帝女金梭織九紋之綃瑤池列聖會南峰玉京羣
帝集北斗唐宗踏公遠之杖得羽衣於三章水帝對
火仙之基賄寰宇於一局不有紅樓之高構何安絳
師之來朝於是移章卜洲放附九海囚匠星於屋底
木宿掄材壓鐵山於樞間金精動色押靈揮斧馳妙
思於天關大冶鎔鑪運巧智於真境青霞垂尾雙虹
飲星宿之河赤霓昂頭六鯨戴迷來之烏璇題燭日
山彤閣於烟中綺綵流星駕迴廊於雲表魚緝鱗於
玉尾鴈列翥於瑤階微連俸旗下月節於重霧是泊
玉臺文苑卷之八

三十三

樹蘇設蘭帷於三辰金繩結綺戶之流蘇珠網護雕
闌之阿閣仙人在棟氣吹彩鳳之香臺玉女臨窓水
溢雙鸞之奩鏡翡翠簾雲母屏青玉案瑞靄宵凝美
容帳孔雀扇白銀牀祥霓晝鎖雲流蘭浦寒生玉簾
之秋露滴桂花香溫瑤余之夢爰設鳳儀之宴冀展
燕賀之誠旁招百靈廣迎千聖邀王母於北海斑麟
踏花接老子於西關青牛卧草瑤軒張錦紋之席寶
簷垂霞色之帷獻蜜蜂王來棲次玉之室含梁鴈帝
頻入薦瓊之厨雙成細管晏香銀箏合鈞天之雅曲

婉華清歌飛瓊巧舞雅駭空之靈音龍頭瀉鳳隨之
醪鶴背奉麟脯之饌瑤筵玉席光耀九枝之燈尚恨
瓊姬之乏句碧藕冰桃盤成八海之影而致上仙之
真嗟清平進詞太白醉鯨背之已久玉臺摘藻長吉
笑蛇神之何多新宮勒銘寧用山玄卿之筆上界鐫
壁不數蔡真人之詞江郎才徒久夢五色之花梁客
詩成莫推三生之鉢徐援彤管笑展紅箋河懸泉涌
不必覆子安之衾句麗文迺未應頽謫仙之面並進
錦囊之神語置諸雙梁留作瓊宮之盛觀資於六偉
玉臺文苑卷之八

三十四

梁之東曉騎仙鳳入瑤宮平明日出扶桑底萬縷
丹霞射海紅 梁之西碧花零落彩鸞啼青羅書字
邀王母鶴馭催歸日已低 梁之南玉龍無事卧珠
潭銀床午罷遊仙夢笑喚瑤姬脫碧衫 梁之北鯨
海湛洋浸十極大鵬翼擊碧天風九霄雲散雨氣黑
梁之上曉色微明雲錦帳遊夢初回白玉床卧聽
北斗回杓響 梁之下九垓雲黑疑昏夜侍兒報道
水晶寒曉色已結鴛鴦瓦伏願上梁之後琪花不老
瑤草長春養舒凋光御鸞轡而翁戲陸海變色仲虹

王而尚存銀窓壓河下視九萬里依稀世界璧戶臨
海笑看三千年清淺桑田手揮三霄日星身遊九天
風露

黃上珍在金陵藍總戎萬里宅曾山高麗蘭一
卷精寫白玉樓上梁文詭客乃朝鮮許慧女景
樊七歲時作兄笄筠皆登狀首而慧女發居閉
閣悟真養性指龍沙期至當爲五百大仙教主
其名景樊豈慕劉綱妻樊夫人乎見潘之恒亘

史鈔

玉臺文苑卷之八

三十五

七供

河陽姬

或責卽空觀主人曰豪舉之夫不靡曠觀之上不染
人亦有言蟹行索妃旁行求偶以若所爲何惑溺之
甚也主人曰主臣有之蓋聞感眇者以天下爲多目
感嗜者以天下爲多聲况于宋玉之隣司馬之主兩
情自喻何能已已已不能解人不能議方之登徒又
亦又痔溥乎云爾何得無罪曰然則子試爲供之供
曰菰蘆男子骯髒其身芒屨爲侶蝨魚爲朋研田無
玉臺文苑卷之八

三十六

歲酒國無春坎壈落魄我生不辰稟姿瑋態非意所
親何忽有遇乃橫自陳欽袂迴風流盼生春滿堂若
何獨予目成其罪一彼姝者子伊誰之喬河水洋洋
可從遠去鸞飛維鳥羽毛斯離瞻彼須髮星彩俏麗
醴泉無源斯言實異汨沒淤泥慷慨負氣動值負心
將恐將懼士二其行累九數墜擇木難棲寧矢披荆
世道自爾一呖可譬我則何居每爲髮豎其罪二感
士不遇壹鬱誰語慷慨傷懷涕零如雨同病相恤惟
予及女枕畔酒邊擗肌分理溫言絮譚誼薄朋侶生

世不諧取憐兒女其罪三疎簾微風滄月自沉科頭
促膝把酒行吟雅謔互發解頤會心目可成語儻可
代音機如禪啜賞同牙琴恍今達今青青子矜其罪
四酒後耳熱憂思難忘揮毫落紙寫憤官商紅牙成
拍餘音遶梁或歌或按流水湯湯何不充耳視同抵
楊其罪五壯士垂索腹箇何益死灰不燃舉世耳食
叱驪牡黃誰具神識彼獨伊何如不我得且以喜樂
且以永日巾幘有情鬚眉無色其罪六貂釋弗屑顧
言卜居憤吳可念夜歸相如豈不四壁所慕子虛誅
玉臺文苑卷之八

三十七

茅索綯辛瘁拮据倦游之子日居月諸孤燈淒雨搔
首踟躕支離憔悴看碧成朱綠林脾睨眙篋傷廬靡
怨獨旦引命自娛鸕鶿脫盡背荷滿孟躬執爨具彌
父不淪安取措大樂此不疲蕩子空房非我權輿大
德不報食言可肥何不棄捐爲是栖栖其罪七此數
者呂刑所不能詳臯陶所不能治但當徵例于純扇
之篇成案于白頭之句李益具爰書嚴武爲獄吏阿
難坐棘庭而訊之約法抵罪若乃尤物移人入官來
妬或垂其涎或裂其眦貧子緣深五陵分薄我意獨

市人欲殺此又伯益所不能紀而隸首所不能度
語未終而客目注不瞬口張不得合聽然曰止止信
若斯語雖刀鋸在前鼎鑊在後染指一嚮甘任其咎
斯須乖睽眼當決溜僅僅獻酬子未識賓

玉臺文苑卷之八

三十八

續玉臺文卷序

當此時時窮而志不窮
國多事而景象芳之如小室
無意銀黃遠之如魚何情
金紫鳥官具寂書展文章

世笑世悲得皆稱墨自在尋仇
披綺不為天和之機抒然後意
董心蘭競開送前之珠璣
友江都王名鑒環以通莫問
幾世簪纓買山而居惟聽六松

環佩藥欄花檻竹浪柔煙潤韻

事名時乃其情請訪閑名口手
世侶吟珠賦玉字之扶明月以
懷未叶羽調商律借風色
而颺去雲微燕蹟淋漓霞光

稱之難禁玉新編羅梯月魄成
莫此以天地靈秀之氣不鍾
男子以名將宇宙文章之場
手婦人每於秘帙弔書深
戰猶因寸璧玄法雅集獲新

修水島新石火院拭几照染塵絲
鷄舌含烟燭吹臭息按冷數四
香從舌本生還從字生端言再三
光向筆端現還因紙現或成賦或
下艷卉含芳或摘句空標雪兜卷

古或作藉家之下酒永夜忘醒
或借鄰壁之詩輝達宵露
旦始以心裏成軸不遇幾篇猶
乃以寶為函已成如卷寧披
覽不辭許子之憚煩歲、累切方

快主人之韻事善筆歌墨舞
在將習者易有同心破斷碑鏤在
荒草哀難拉繼好也非邦玉之
綽約多如仙子如西風而卻出之
惟邦玉之雋逸能文善人亦多

告而神翰呈以媛無漏集、詩漏
篇猶如姓有遺文、有遺恨黃
金成厚不貯一代之佳歌白玉為臺
書格千秋之詞藻誰能與後苑
飲鳥、飲雪、飲之草堂十二

掛履三子不以玩簡為危而以玩
 璫視神文士之末里不以紫翠
 為屏而以紫翠為筆——亦指
 經人之至心讀茲書也群
 企其人

王臺序

五

崇禎壬申七夕東武菊微寄
 題於西子湖舟中



續玉臺文苑目錄

一卷

賦

雪賦

元趙喜珠

悼志賦

明徐德英

歸田賦

明徐淑英

仙女賦

明陳千金

紫映蝶華賦

明陸卿子

脩竹賦

明虞淨芳

續玉臺文苑目錄

促織賦

虞淨芳

詔

告司隸校尉河南尹南陽太守詔

漢和熹鄧皇后

郊廟後戒薦新非時詔

鄧皇后

歸政桓帝詔

漢順烈梁皇后

令

收于法敬令

晉康獻褚皇后

遺令

漢張霸妻敬司

表	遺表	宋明節劉后
疏	上成帝疏	漢孝成許皇后
	自寃疏	虞姬
	乞歸疏	唐鮑君徽
	請代夫繫獄一疏	明沈東妻張氏
	請代夫繫獄二疏	張氏
	請代夫繫獄三疏	張氏
續玉臺文苑目錄		二
啓	蓮臺仙會謝啓	明金陵妓
	蓮臺仙會答啓	金陵妓
二卷		
書	勅弟熒書	漢李固女文姬
	臨終勅諸子書	漢陳文矩妻李氏
	遣武三思修建功德書	唐武皇后
	答周默第一書	元孫氏

	答周默第二書	孫氏
	答周默第三書	孫氏
	答周默第四書	孫氏
	別母書	元趙喜珠
	訊馮姊書	趙喜珠
	別馮姊書	趙喜珠
	與孀書	徐德英
	論玄書	明陳夫人
	與夫安次山書	明鄧氏
續玉臺文苑目錄		三
	遣夫列必明書	明徐孺人
	致商生書	明楊采采
	上父母書	明鄭節婦
	寄江夫人楊氏書	明陸氏
	上某夫人書	明小青
	答鄭僖書	明吳氏女
	與姪審之書	明方維儀
	復吳偉英書	明沈素瓊
	答周煦春書	明陳鳳仙

辭後與李生書	明羅月華
寄仲權書	明張邠
寄王百谷書	明馬湘蘭
責丘生書	明文如
答期蓮生辯慣字書	明鄭如英
贈期蓮生半臂書	鄭如英
寄期蓮生書	鄭如英
答岑生書	明金素英
傳	
續玉臺文苑目錄	明
趙喜珠傳	元馮新英
張孺人傳	明陸卿子
擬宋文丞相移江淮諸郡檄	徐德英
三卷	
紀	
革除建文皇帝紀	徐德英
序	
內訓序	明文皇后

經藉考體詩序	明陳氏
獄中自序	明張麗貞
花殿最序	明泮鄉史無戒
女醫雜言序	明談允賢
自序	明殷氏
題項淑裁雲草序	明陸卿子
宛在篇自序	明王微
湖上曲序	王微
紉蘭閣集序	明孫夫人鄭氏
續玉臺文苑目錄	五
輓吳宜人詩序	明方孟式
清芬閣集序	明方維儀
蠡斯慶詩序	方孟式
紀夢詩序	方維儀
題驛壁詩序	明秦氏艷雪
引	
題青樓黃絹引	明文淑
隔溪十咏小引	王微
跋	

論	四卷	孟母仇氏贊	崔鄴祖母贊	王凝妻李氏贊	梁鴻孟光贊	吳節婦贊	趙昂發並妻雍氏贊	太倉張天錫母贊	齊杞梁妻贊	舜二妃贊	遙集編跋	香奩集自跋	書遙集編序跋	高蘭跋
楊廣論	武周諸臣論	徐德英	徐德英	徐德英	徐德英	徐淑英	徐淑英	徐淑英	左芬	晉左芬	明李素素	明徐翩翩	明桑貞白	宋李夫人

雜著	祭兒文	祭夫文	祭夫文	祭父文	祭妹婿文	祭兒文	祭夫未軒文	祭費太宜人文	祭夫葉天發文	祭文	御史鄒公行狀	行狀	女誠論	衛將軍論	梁元帝論	高頴論
明劉二酉	明黃氏	明殷氏	明陳夫人朱氏	明節婦	徐淑英	鄒賽貞	鄒賽貞	鄒賽貞	江錢娘	明濮夫人鄒賽貞	明濮夫人鄒賽貞	徐德英	徐德英	徐德英	徐德英	徐德英

讀崔張傳

元趙喜珠

讀離騷

徐德英

讀史五首

徐德英

琴問

徐淑英

綠窓語

明秦氏

警世語

秦氏

續玉臺文苑目錄

續玉臺文苑一卷

橫山江元祚邦玉甫編輯

姪長訂政

雪賦

趙喜珠

風吹四起萬木鳴號雪風作也青天歛耀紅日無光
雪雲合也梅片投輕柳英揚細雪花飛也千山玉削
萬戶銀粧雪光積也啼寒而擇樹呼伴以尋巢雪鳥
啼也足踟躕而不前步遲遲而難進雪人行也花陰
夢覺愈隙流紅雪月明也欲披書而倦睡欲刺繡而
無心雪女懶也被薰凍鴨帳捲新梅雪女睡也覓旋
旋而無主神搖搖以何之雪女夢也淚潮漲眉山凍
雪女醒也翠裯交疊餘香零亂雪女起也呵膠而眉
冷拂鏡而面寒雪女粧也展箋袖手閣筆成思雪女
賦也賦成而颺風息猛雪止東林之際已烟爍其有
光雪女快也

悼志賦

徐德英

予稟質羸弱幼承慈訓習詩書之典竊慕古人之
義期欲窮經史之奧蘊極理道之精微以希蹤前
哲振藻當時而垂聲流輝於無窮甫及笄年而嬰
疾疾既而伯仲繼離季復傷逝百感愴懷幾成沉
痼春秋三更而復其初一作歷三方其號延牀褥
日事藥石魂惘惘而蕩漾情慘慘而憔悴蓋不知
有生人之樂矣於斯時也傷性命之不淑痛素志
之終違窮愁無聊輒爰筆書之以抒其心中之鬱

鈔云爾

金天氏之遐厓兮迨烈祖乃肇聲昔遭世之紛濁兮
民沸騰其靡寧奮義武以鷹揚兮實奠夏而攘狄爰
帶礪於南服兮遂燕翼而貽則承惠澤之汪濊兮雖
永世而靡忒肆大考之振墜兮敦仁厚以式穀洎嚴
君之揚華兮益有光於先烈歷伯昆而降予兮歲上
章吾以育顧薄軀之陋微兮具二氣之靈淑承家世
之儒風兮敢沉浮於流俗奉嚴慈之明訓兮竊企前

脩之芳躅列圖史以銘戒兮覽經書以自勗欽桓舟
之貞烈兮慕關雎之賢哲哀晨北之禍國兮憫桑中
之自賊悵去古之日遠兮傷微音之莫續念盛年之
不再兮虞日月之逼促惟聖學之宏深兮懼寡陋之
弗格勵余志以力追兮恒朝夕而警惕理雖微而必
究兮事何幽而罔燭吾又綴寶璐以爲佩兮紉明璣
以充褱集桂荃以爲裳兮索蘭茝以爲衣芳與澤其
維採兮紛郁郁而緝緝羗隸夢之並茂兮同厥志而
弗違進承歡於膝下兮退切硯以委蛇追遐風於上
古今指一作二南以爲儀柰流光之蹉跎兮歲忽忽
而若馳倏玉枝之凋折兮又雁鴻之分飛感離居之
寂寥兮情睠睠而懷思慨賦質之涼薄兮嗟性命之
多否疾疾軫其頻仍兮又酷烈之交罹氣鬱鬱而不
解兮心悒悒而靡怡情怛怛而難釋兮愁悄悄而莫
支中惛惛之苦心兮竟怔營而莫持悲華年之難再
兮悵素志之終違泝女子之生世兮雖顯揚之罔恃
試歷觀於今昔兮亦垂休於彤史或際遇之赫煥兮
播昌烈之文詞或振藻於芳禕兮亦增輝於門楣哀

余生之薄祜兮徒撫躬而懷悲念鞠育之劬勞兮恩
沿蕩而不訾曾涓埃之莫酬兮顧惟疾而憂之中心
感以切切兮神悵恍而飛颺惟天道之昭昭兮善惡
降以禍祥羗軫患之纏綿兮繫百歟而備嘗抑吾愆
之積稔兮何年命之不常也循本初而自省兮余衷
晰其孔章也長太息而自悼兮淚琅琅而沾裳稽往
哲之儀厥兮諒天命之弗爽懷宵堂於共姬兮賦綠
衣於莊姜韞何才而屯阨兮采胡烈而參商何彼懿
哲之茂行兮亦遭災而遭殃牛蹈道而疾天兮蹠恣
虐而壽康墨肆穢而獲考兮王履貞而燔亡信玄理
之可徵兮悵天道之落落心昏惑而不釋兮招靈氛
使爲予詳循往軌之冥昧兮何邇鑑之有常孰非仁
而可蹈兮孰非義而可長熊與魚之難並得兮蘭芷
不以非地而改香往者既以已矣余何爲以獨傷具
憂戚以玉汝兮宜徒迫邇而無當守天衷之秉彜兮
循至性而毋忘盡吾生之大道兮等壽夭於彭殤觀
大化之微茫兮曠千古而以尚苟予心而日休兮雖
沉痾庸何傷亂曰吁嗟性命胡不長兮增懷永歎愴

中腸兮遵道履仁吾何傷兮抱貞委順樂未央兮

歸田賦有序

徐淑英

余大人司馬欽郡以攝正篆馳入覲王事賢勞項下瘤突起一日見余與妹洗研謂曰病魔相迫今還綬於官家歸去來矣爾姊妹盍爲我各賦一篇妹作歸田辭余作歸田賦俚言殊慚夫平子故事漫擬于陶公聊以復大人之命爲之道志焉耳

念宦遊之既久叨剖節于明時感羸病而見侵嗟老人以何期解冠挂都門而去拂衣望故園而歸有與

臺文苑卷之一

六

松菊爲主無使山靈也噫招友朋以共話相從事於博棋或放艇於中流隨清波之所之或兜輿於亥徑瞰清嵐之翠微搔首高歌鼓掌以嬉呼童編茅樊彼園扉護蘭種柳植篁鑿池彈客窓之清調吟歸田之逸詩聽黃鳥之嚶嚶對青草之萋萋賞赤城之落霞釣曲汊之鮮鯉醉仰卧於石榻夢上揖乎皇羲持杯酒以謝造化今不違乎吾志唯願玉燭之常調長爲太平之傲吏

仙女賦

陳千金

黃府之靈列宿之英賈陰陽以成性質變化以成軀衣雲裳而披霞錦能知來而藏往殮石髓而飲玉液亦含飢而內朗若夫朝游北海暮宿丹丘朱顏映日雲鬢凝粧忽凌霄而起遠乍排空而出幽恨晚遇之不偶如夜光之暗投足方進而將退心欲去而復留幸啓扉以列坐共啜茗而凝眸同董姬之相濟豈江妃之嬉遊意乞巧於北牖弗自賦其東樓然離易會

臺文苑卷之一

七

難聚或成散居無定所習無常玩神思端莊貞一無亂情罔溺於房帷道先登于畔岸與爾談于午之窟而軼唐宋洩陰陽之秘而駕秦漢搜理義而益精闡人文而愈煥冀仰青藜之光輝豈耽角枕之燦爛起昏昧於陰靈如太陽之始旦爾毋偏拘自恃得人是資顧君子之有道標梅求其庶士同處女之有待葛覃恐其失時循禮不售韜光祈晦隨拒納而行止候昏明而進退委賤驅方懷璧任人情兮推遷慙田生靈丹之蘊彩陋雲客寒灰之起烟非人心而苟合實

天意而曲金須知驛驛之夕當羨龜鶴之年人非盡
歸於黃土吾已實得乎先天終超仙而脫俗勿得魚
而忘筌若乃葛洪有妻王母有婿爾何拂清風而獨
遠昇白雲而高致母御已以自悔蓋因人而成事物
有感而情借迹或均而行異始未明其取舍今宜識
其旨意子尚不知仙女之爲樂予又安知塵綠之爲
利於是徘徊房露惆悵陽阿惜紆軫其何託想皓月
而長歌歌曰嫩人遇芳真情開對面千里芳虛明月
臨風浩歎芳將焉歇歌響未終餘景就畢悽慘變容

上臺文卷之一

八

惺惺如失又歌曰明月既沒芳露欲晞時不再芳吾
將安依佳期可待芳心弗違

右見會稽鄺琬會仙女志陳氏千金字辛

紫蛺蝶華賦

陸卿子

乘暇日以遊覽覩百卉之青葱綠隄蔓蒨被野蒙茸
于時季春孟夏淑景乍回炎光初茂惟蛺蝶之異華
吐奇姿于苑囿無質可擬無形可授或彊爲狀心煩
思替若紫霞之韜靄似丹砂而襲青蜨舒輕翅鳥聳
纖翎藹如霧縠飄若雲英泛泛翩翩不可殫形若夫
奔避穠華雅偏清麗不比艷于桃李不競芳于蘭蕙
綠葉編簡紫葩竦髻卑處洲渚高躋埤垠託跡芳叢
續玉臺文卷之一

九

潛根幽翳景淡淡以流暉光曄曄而增輝結暮山之
浮景劃遙海之溶滴妙越殊品美難爲繼彷彿越女
而浣紗于水濱又似瑤姬之握雨于雲際忘憂愁返
合歡娛替淒涼杜若蕭條薜荔園客爲之解頤昌容
爲之凝睇輕風蕩颺落日函碧悲玉樓之佳人愁金
谷之公子恐先秋芳委黃怨造化之多詭同腐于陳
麥終棄于崩圯秉華燭以夜遊摘余情之偏美歌曰
鷓鴣鳴芳春已闌愁公子芳心無歡思佳人芳夜何
長隔千里芳路漫漫嗟盛年之莫及傷麗色之凋殘

君寧見綠苔之寂寂綠玉堦而聯綿雖承雲表之青
露亦何益于嬋娟

陸卿子爲趙凡夫妻有考槃玄芝二集

續玉臺文苑卷之一

十

◎修竹賦

虞淨芳

若夫渭川千畝湘流萬竿睇綠雲之乍湧攬碧鮮之
初團方其稚子欲班龍孫已蟠枝葉葉而翳鳳竿青
青而舞鸞或禁籞之窈窕或上林之行寬丰猷直舉
體態檀欒俯而聽之笙簧交響乎林端卽而視之翠
濤颭翻乎波瀾雨爲之沐露爲之溥風生香細月明
翠寒嗟佳人之暮倚來上客之日看葉醞宜城之酒
幹爲青史之翰三河年少彼春服兮楚楚十萬甲兵
續玉臺文苑卷之一

十一

列宿衛兮如環豈徒擅會稽之美何止叢太液之間
况乃仲珪墨妙黃荃貌顏貯清幽之別館張高爽之
廣閒其挺挺也似節士之任俠其脩脩也似羽人之
淨閒歷歲寒而不改兮乃君子之德操叶涉盛夏而
愈妍兮孰仙姬之可班日對忘肉朝光常餐乃友之
以五鬣之松九英之梅遠企乎徂徠之石近遶乎凌
風之臺世皆知夫三益我獨就之百回惜無凌雲之
班管何以寫玉潤之嬋娟也哉

虞淨芳銓邵德園先生女有鏡閣遺咏

促織賦

虞淨芳

羗促織之可嘉兮乃以妃夫催耕長鬚昂足蛾腹蟄
精振輕綃兮草綠襲重翅兮微頰好棲藤架時隱花
屏清露初墜華日半盈鼓雙翼如轉軸兮聲嘹唳而
淒清動思婦之悵冀兮怨良人萬里之長征戒嚴霜
兮堅冰衣裁縫兮將成君子不遺微物兮或有警於
宵明

續玉臺文苑卷一

告司隸校尉河南尹南陽太守詔

漢和帝鄧皇后

每覽前代外戚賓客倣借威權輕薄認詔認音七至
有濁亂奉公爲人患苦咎在執法怠懈不輒行其罰
故也今車騎將軍鶻等雖懷敬順之志而宗門廣大
姻戚不少賓客姦猾多干禁憲其明加檢勅勿相容
護

續玉臺文苑卷之一

十四

郊廟後戒薦新非時詔

鄧皇后

凡供薦新味多非其節或鬱養強熟或穿掘萌芽味
無所至而夭折生長豈所以順時育物乎傳曰非其
時不食自今當奉祠陵廟及給御者皆須時乃上

續三臺文苑卷之一

十五

歸政桓帝詔

漢順烈梁皇后

朕素有心下結氣從間以來加以浮腫逆害飲食寢
以沉困比使內外勞心請禱私自忖度日夜虛劣不
能復與羣公卿士共相終竟援立聖嗣恨不久育養
見其終始今以皇帝將軍兄弟委付股肱其各自勉
焉

梁后諱嬀大將軍商之女少好史書常以列女圖
畫置于左右以自監戒後順帝立爲后帝崩后無

續三臺文苑卷之一

十六

子立美人虞氏子是爲冲帝尊爲太后臨朝冲帝
尋崩復立質帝猶秉朝政兄與鳩殺質帝遂立桓
帝歸政云

收于法敬令

晉康獻褚皇后

帝小不佳昨呼于公視脈但到門不前種種辭憚宜
收付廷尉

續三臺文苑卷之一

十七

遺令

張霸妻敬司

舜葬蒼梧二妃不從汝父在梁吾自在蜀亦各其志
勿違吾勅也

按華陽國志敬司馬氏女五更張伯饒妻也霸前
妻有三男一女敬司產一男撫教五子恩愛若一
霸卒葬河南敬司與諸子還蜀疾病遺令告諸子
云遂葬蜀子光起慕母教為聘士

三臺文苑卷之一

十八

遺表

宋明節劉后

妾出身微賤而無寸長一旦遭遇聖恩得與嬪御之列命分寒薄至此夭折雖埋骨於九泉魂鬼不離左右切望陛下以宗廟社稷之重天下生靈之衆大皇帝姬之多不可以賤妾一人過有思念深動聖懷況後宮萬計勝如妾者不少妾深欲忍死面與君父訣別謫限已盡不得少留冤痛之情言不能盡

按錢惟演私誌明節劉后一時遭遇寵傾六宮忽十臺文苑卷之一

苦疴疾臨終戒左右云我有遺視在領巾上候我氣絕奏官家親自來解語畢而終左右馳奏上至哀慟悲不自勝領巾上蠅頭細字其辭云十九自後左右每欲寬解必提領巾上愈傷感聞者謂李夫人不足道也

上成帝疏

漢孝成許皇后

妾誇布服糲食加以幼稚愚惑不明義理幸得免離茅屋之下備後宮掃除蒙過誤之寵居非命所當託沔穢不脩曠職尸官數逆至法踰越制度當伏放流之誅不足以塞責迺壬寅日大長秋受詔椒房儀法御服輿駕所發諸官署及所造作遺賜外家羣臣皆如竟寧以前故事妾伏自念入椒房以來遺賜外家未嘗踰故事每輒決上可覆問也今誠時世異制續玉臺文苑卷之一

長短相補不出漢制而已纖微之間未必可同若竟章前與黃龍前豈相放哉家吏不曉今豈受詔如此且使妾搖手不得今言無得發取諸官殆謂未央官不屬妾不宜獨取也言妾家府亦不當得妾竊惑焉幸得賜湯沐邑以自奉養亦小發取其中何害於誼而不可哉又詔書言服御所造皆如竟寧前吏誠不能察其意卽且令妾被服所爲不得不如前設妾欲作某屏風張於某所曰故事無有或不能得則必繩妾以詔書矣此二事誠不可行唯陛下省察官吏忤

俱必欲自勝幸妾尚貴時猶以不急事操人况今日
日益侵又獲此詔其操約人豈有所訴陛下見妾在
椒房終不肯給妾織微內邪若不私府小取將安所
仰乎舊故中宮乃私奪左右之賤繒及發乘輿服繒
言爲待詔補已而貿易其中左右多竊怨者甚耻爲
之又故事以特牛祠大父母戴侯敬侯皆得蒙恩以
太牢祠今當率如故事唯陛下哀之今吏甫受詔讀
記直豫言使后知之非可復若私府有所取也其萌
牙所以約制妾者恐失人理今但捐車駕及母若未
繒王臺文苑卷之二 二十

典官有所發遺賜衣服如故事則可矣其餘誠大迫
急奈何妾薄命端遇竟寧前竟寧前於今世而比之
豈可邪故時酒肉有所賜外家輒上表廻決又故杜
陵梁美人歲時遺酒一石肉百斤耳妾甚少之遺田
八子誠不可若是事率衆多不可勝以文陳侯自見
索言之唯陛下深察焉

許后平陵侯嘉女也初元帝選以配皇太子及成
帝卽位立爲后后善書史自爲妃至卽位常寵于
上後官希得進見皇太后及帝憂上無嗣時又數

有災異劉向谷永等皆陳其咎在後官上于是省
減椒房掖庭用度后上疏云

○白寃疏

虞姬

妾涓之幸得蒙先人之遺體生于天壤之間去蓬蘆之下侍明主之讌泥封玉箸薦牀蔽席供執掃除掌奉湯沐至今十餘年矣倦倦之心冀幸補一言而爲邪臣所擠湮于百重之下不意大王復見而與之語妾聞玉石墜泥不爲汙柳下惠覆女不爲亂積之于素雅故不見疑也經瓜田不躡履過李園不整冠妾不避死罪一也既陷難中有司受賂聽用讒人卒見

續玉臺文苑卷之一

二十三

復目而不能自明妾聞寡婦哭城城爲之崩亡士嘆市市爲之罷誠信發內感動城市妾之寃明于白日雖獨號九重之內而衆人莫爲毫釐此妾之罪二也既有汙名加之二罪義固不可以生所以生者爲莫白妾之汙名也且自古有之伯奇放野申生被患孝順至明反以爲殘妾既當死不復重陳然願戒大王群臣爲邪破胡最甚王不執政國殆危矣

乞歸疏

鮑君徽

臣以草茅發婦深荷寵恩自謂生有餘幸矣獨念妾也幼鮮昆季長失椿庭室無雞鼠之餐堂有垂白之母衷情迫切臣不啻隱忍方慮控訴無門焉茲者幸遇聖明詔臣吟咏一入御庭百有餘日弄文舞字上既以洽明聖之歡心擗管揮毫下既以唱諸臣之廢和惟是煢然老嫗置諸不問豈爲子女者愆然若是

續玉臺文苑卷之一

二十四

臣一思惟寸腸百結伏願陛下聞莫大之宏恩聽愚臣之片牘得賜歸以供甘旨則老母一日之餘生卽陛下一日之恩賜也臣不揣愚昧冒死以進文姬自上此疏感達宸聰德宗將方外所貢異物悉賞賚焉賜號孝姬遂與宋尚宮姊妹齊名

請代夫繫獄一疏

張氏

奏爲披瀝血誠懇乞 天恩願代夫囚暫容終送老
親事氏夫沈束叨中嘉靖甲辰科進士除授直隸徽
州府推官行取禮科給事中束猷以愚慙之性冒妄
天威誠當萬死荷蒙 皇上寬宏不卽加誅薄示罪
責下獄經今一十四年上有老親下無子女窮苦伶
仃俯仰無賴止氏一身寄居旅舍力作女工供夫口
食艱難萬狀度日如年氏夫之父八十有七衰病侵
績玉臺文苑卷之一
尋朝不保暮養生送死之具更無可托焚哭寡妻願
此失彼欲歸以養舅則夫餽粥無資欲留以給夫則
舅危在旦夕待盡束縶囚之臣誠不敢復顧私家切
覩 聖朝仁恩曠蕩黎庶樂生豈氏一門鰥寡顛連
自遺覆載包容之外輒每自念何惜一死所以忍苦
苟延者誠望 天地有曲全之仁雨露無不被之澤
也今氏舅已當垂死之年氏夫未有再生之日願以
身代夫繫獄暫容氏夫送父終年仍又赴獄待罪庶
使氏夫得復見其父少伸父子之情氏以舅付託於

夫曲全夫婦之義則氏之舉安感戴 天恩萬代叩
結齒報矣爲此具本親賫奏聞

績玉臺文苑卷之一

二十六

請代夫繫獄二疏

張氏

奏爲披瀝血誠再懇 天恩矜憐孤寡超豁生命事
臣夫沈束原任禮科給事中比臣見夫居常感激
聖明誓齒報塞嘉靖二十八年五月偶值邊臣之事
誤進狂瞽之言獲罪繫獄經今一十五年切思夫束
親老無嗣顛連縲紲去年十月間臣已將哀迫苦情
具疏懇奏伏奉 聖旨法司知道欽此迄今法司未
經題覆臣女流羈旅竊聞道路傳頌我 皇上聖德
好生每于夏月特發 明詔在獄人犯多所矜釋臣
夫祇緣妄誕陳詞雖經問擬而身禁衛獄不得預恩
審之列 皇仁浩蕩霑溉無由臣不昧死陳情則夫
束終當老死囹圄豈能復見天日臣夫之父見年八
十有八垂死無依勢難再延而臣下無子女孤孑旅
食益難自活臣每一痛思輒欲引絕但念臣死則臣
夫絕食而臣夫之父亦繼填溝壑一家三口相依爲
命惶迫無計故竊欲以無益之身代夫繫獄暫容臣
夫歸家一見老親番死之面以盡烏鳥私情卽臣死

亦瞑目誠不敢顧避斧鉞於萬一也見今熱審在時
如蒙 皇上大需好生之仁垂憫臣孤寡無告苦情
特爲再勅法司查審原擬早開生路或姑容臣代夫
囚繫暫釋臣夫生還少伸人子養老送終之私庶臣
一家生死仰蒙鴻恩再造子孫銜結世世無涯矣臣
不勝瀝血披誠哀懇籲鳴之至

請代夫繫獄三疏

張氏

奏爲披瀝血誠三懇 天恩矜憐孤苦超豁生命事
臣夫沈東原任禮科給事中草茅寒賤初任言官未
諳世務感激 聖恩妄竊報塞嘉靖二十八年五月
內偶值邊臣之事誤陳激勸之言不合事宜獲罪繫
獄經今一十六載罰由自取幸荷 恩宥猶存微命
感深悔極尚復何言但念臣夫之父遠在原籍四千
餘里今年八十九歲衰病侵尋朝不保暮養生送死
續玉臺文苑卷之一 二十九

之具更無可托昔臣因束年長無出爲買一妾同來
未得到京東已入獄臣父張元淑伴送至此隨即身
亡止臣與素未見夫之妾寄居旅舍歲月積深悽楚
艱難形影相弔一家數口隔別分離臣誠不勝哀苦
迫切曾于嘉靖四十一年四十二年二次具本陳乞
代罪節奉 聖旨法司知道欽此臣感戴 天恩竊
自慶幸意東更生有望守候至今法司未見奉行臣
竊伏思 皇上至仁極聖憫念困窮施藥賑災皆欲
曲賜全活每發 明詔適審在獄犯人情罪重輕多

所矜釋但臣夫束雖經問擬而身禁衛獄未得一預
送審之列 皇恩浩蕩沾沐無由臣又伏思夫束妄
誕陳詞委應懲治已蒙廷杖下獄死而復蘇一十六
年之間必知痛自艾責悔過無路雖束蠢愚不足憫
憐而垂死之舅引領須臾沈氏一線一祀幾致覆滅
臣若不及今哀懇則舅命勢難再延而夫將竟死獄
底臣亦不能獨生存亡絕續僅差毫髮此臣所以
徬徨憂懼昧死乞憐不敢有所顧避者也伏乞 皇上
淨太上好生之德施天寬地容之恩 勅下法司或
續玉臺文苑卷之一 三十

見監衙門查照原擬早賜超豁或容臣代夫囚繫俾
束得生還一見老親以伸人子送終之情則 皇上
再造鴻恩勝如放雀之生救蟻之命功德浩大難以
名言臣一家仰戴時時刻刻子子孫孫恭祝萬萬年
聖壽萬報無涯矣臣不勝瀝血披誠哀懇顙鳴之至
沈東浙江人嘉靖二十八年建言國事廷杖繫獄
一十八年放還歸里隆慶元年復職

蓮臺仙會謝啓

金陵妓

青樓弱質。深慚誤落風塵。紫閣元公。何幸得瞻山斗。既遂登龍之願。復叨與雁之榮。勝集一時。價增百倍。簪纓滿座。文并麗日之才。歌舞當筵。響遏行雲之調。誰識箇中天。趣請看別樣風光。蘭麝噴瓊葩。如在神仙蓬島。蒹葭依玉樹。共登學士瀛洲。杏臉生春。寵沐金莖之錫。花心藏字。榮逾華袞之褒。沉李浮瓜。辱追隨於夏日。野花閒草。盡披拂以春風。絕勝纏頭。偏宜鐵骨。蓮花會上。纔知此境清涼。桃葉渡前。不數當年佳麗。嫦娥相愛。曾釣鯨於朱紫班中。風月爲盟。更駢鸞於翠紅隊裏。玉堂人物。金屋嬋娟。聚茲天上。德星占盡人間福海。雖司空見慣。應謂事出尋常。而太史品經。頓覺光生倍蓰。聊陳悃素於萬一。不勝感激之至。

再三

蓮臺仙會答啓

金陵妓

良緣勝賞。真千載之一時。附翼攀鱗。實三生之萬幸。歡騰巷陌。羣鳥解歌。喜溢几筵。百花知笑。恭惟相公閣下。出塵風調。絕俗襟期。擅譽詞場。擲地韻成。金石馳聲。翰海濡毫。價擬珠璣。龍虎榜頭。高題姓字。鳳凰池上。首列班行。爾乃抗志烟霞。養蒼生之重望。結盟泉石。乞綠野之間。身譬諸楚。壁潛形。精光自昭。乎萬壑。吳鉤隱耀。神氣自衝。乎七星。茲者浪跡名山。偶過游俠之窟。濯纓勝地。暫棲佳麗之都。歌舞起南薰。不減樂天高致。管絃留夜月。何殊安石清標。豪舉滿前。競說平原好客。英才接席。爭誇鄭驛邀賓。笑語雖在案中。典趣自超天外。時維六月之末。節換素秋之初。欣當降嶽。令辰况有夢熊佳兆。芳年初度。人間奇會難逢。遐笑千齡。天上祥光正照。蟬聲集高樹。西郭迎金。梧葉覆瑤階。心星送暑。妾等鉛華。凡質每叨金谷瓊筵。蒲柳弱姿。恒覲玉堂青睞。兩行粉黛。安能斷刺史之腸。一曲琵琶。未必下江州之淚。僅借光陰於暇。

日聊開怡悅於幽林到處宜秋喜新涼之沁爽隨方
爲樂幸大雅之陶情謹飲輕裾用迴逸駕

右二啓見潘景升巨史外紀叙曰金壇曹公家居
多逸豫恣情美艷隆慶庚午結客秦淮有蓮臺之
會同游者毘陵吳伯高欽玉來梁伯龍辰魚輩俱
擅才調品藻諸姬一時之盛嗣後絕響吾嘗詢之
舊游頗能言之而未悉也已酉仲夏遇先輩吳令
君乃得所梓錄而傳之

續王臺文苑二卷

橫山江元祚邦玉甫編輯

姪 長訂政

勅弟樊書

李文姬

先公爲漢忠臣雖死之日猶生之年梁冀已族弟素
得濟豈非天乎慎勿有一言加梁氏加梁氏則傷重
上是又撥禍也奉行之

按華陽國志文姬南鄭趙伯英妻太尉李固女也

續王臺文苑卷之二

父爲梁冀所免兄憲公季公罷官歸文姬歎曰李
氏滅矣乃與二兄議匿弟樊父門生王成亡命徐
州涕泣送之謂成曰託君以六尺之孤若李氏得
嗣君之名義參于程杵矣久之遇赦樊得還行喪
服閔文姬勅之云

臨終勅諸子書

程文矩妻李氏

吾弟伯度智達士也所論薄葬其義至矣又臨亡遺令賢聖法也今汝曹遵承勿與俗同增吾之累諸子奉行焉

李氏字穆姜有二男而前妻四子以母非所生憎毀日積穆姜慈愛溫仁撫字益隆衣食供養兼倍所生後長子與遇疾困篤母親調藥膳與疾瘳于是呼三弟謂曰繼母慈仁出自天愛吾兄弟不識

續玉臺文苑卷之二

二

恩養禽獸其心過惡深矣將三弟詣南鄭獄陳母之德狀已之過乞就刑辟縣言之表異其母蠲除家徭遣散四子後四子並爲良士穆姜年八十餘卒臨終勅云

遣武三思修建功德書

唐武皇后

暑候將闌炎序彌溽山林靜寂梵宇清虛宴坐經行想當体愈弟子前隨鳳駕過謁驚巖觀寶塔以徘徊睹先妃之淨業薰修之所猶未畢功一見悲驚萬感兼集攀光寶樹載深風樹之哀吊影珠泉更積寒泉之思弟子自惟薄祜鎮切兢懷每屆秋期倍軫摧愴之痛炎涼遞運逾添切骨之哀未及三旬頻鍾二忌恨乘時而更恨悲踐露而逾悲惟託福田少申荒思

臺文苑卷之二

七

今欲續成先志重置莊嚴遣三思齋金帛等物往彼就師平章幸識斯意卽務修營望及諱辰終此功德所冀罄斯誠懇以奉津梁稍宣資助之懷微慰梵迷之緒畧書示意指不多云永淳二年九月二十五日

◎答周默第一書

孫氏

數辱書問荷意甚勤上有良人安敢私答妾之本末
畧爲君言妾本富貴家幼歲常近筆硯及長繼遭兇
災兄又死邇州弟妹散去家貧不能自振信妹氏之
說歸身此翁至於今日皆不可言亦不復恨婦人無
他能惟端自持爲令節欲不白君子則子之意亦
千萬自保無貽深念爲異時恨安心匪石焉兼有詩
道意

正室文苑卷之二

四

附 雨集枯池時暫滿藤籠老木一翻新如今且

悅日前景粧點亭臺隨分春

二詩題

◎答周默第二書

孫氏

前詩已少道區區之意君尚不已今爲君少言天下
物理之大分以解君意夫鵲橋木不過一枝鼯鼠
飲河不過滿腹上苑之花色奪西錦遇大風怒號飄
蕩四起或落銀瓶繡幙之間或委空閒坑澗之所此
各繫平分也我之夫固老矣求爲非禮以累之則我
所不忍君雖百計其如我何可絕來意無勞後悔

正室文苑卷之二

五

◎答周默第三書

孫氏

近者妾病知子有術可以起我之疾居貧我乃謀於夫曰鄰居周君善醫彼士君子且以鄰里之故必不子拒今因妾病而召汚穢之事入其家使子爲翁子能忍而捨之乎翁雖老聞此安肯爲子下而不發耶如得子東欲聞於翁且發人之私不仁也忘人之恩不義也是以不爲每得子東急看或火或毀恐露而彰子之惡今子之言甚詳侵逼尤甚子意欲因醫之功邀而娶之也若然雖商賈市里庸人有不爲者況士人乎古之烈女吾之儔也子無多言青松固不凋於雪中千萬無感焉

上臺文苑卷之二

六

◎答周默第四書

孫氏

愧感深意蚤夜聽君子啟行無緣叙別破囊久空不能爲贖空自悚愧承論雅意安可預道無妄之言未敢奉許人之脩短固自有期設或不幸卽俟他日况君慶門當高援無以鄙陋獨貽伊戚彩舫長浮知有日矣氣象尚和惟自愛千萬珍重

按寺承丘潛撰孫氏記云周默字明道以延賞爲太廟郎歲久改宜興簿默幼知書通醫術比隣有

上臺文苑卷之二

七

張復妻孫氏病危謁默治之愈時默喪妻纔經歲既見孫氏心發狂悖念無計得之乃爲書投之孫答云默不久赴官願終身不娶以待之後三年潛歸訪之復死已經歲遣媒通好久之孫乃許相得其歡復授東阿尉默甚好賄孫諫之欲赴井死默改過以謝孫生二子親教之皆舉進士見元劉斧青瑣高議

○別母書

趙喜珠

十五年膝下之珠。今已沉之滄海。命也。如斯。嘆如之。
何第六十載辛苦。不能得一髮。侍奉母之命也。母
之命也。先君數千里客骸。何日走故鄉。諒亦不及矣。
阿珠生不能慙。死當作怨鬼。然非敢怨母也。怨阿珠
生非其時耳。馮家姊慧而情。母可依之。或推李日。慈
愛。應不教母冷落。珠死後。當携之郡城。城西止隅翠
雲崗。馮家山也。母爲珠請於馮母。再致馮姊贊之。此
續玉臺文苑卷之十

囑餘無言

○馮姊嫁三日遣婢訊之

趙喜珠

姊得新友妹失良朋。送姊歸泣下沾衣。弟不敢向人
前。彈耳中心如擣。何可言。似想姊入春谷。陶陶躍躍
不知亦念及寂寞之弱妹否。倘一念及。則姊之鴛鴦
枕。應爲淚汝湧去矣。妹無聊甚。偶想桃杏芬芳。染之
扇頭。敬遣我姊。使春風亦得入秋林。姊之意也。短詠
一絕。惠然肯教。

詩附十里長堤。桃杏芳。幾枝帶露。幾枝香。東林一

續玉臺文苑卷之十
樹先春色。惹得遊蜂歸去。忙。

九

○別馮姊書

趙喜珠

一月三報。婢字字血淚放筆。卽長號竟日。著衣喫飯。僅存其名已耳。今雖有言不能走東。數年姊妹之私。諒亦已矣。老母在幸。姊留意妹。欲卜葬於郡城。得親我姊死亦瞑目。他日姊出尋春。乞垂一盼。緣命之人。不獲緒言。祈恕顛倒。臨楮泣血。

續玉臺文苑卷之二

○與嬌書

徐德英

一別忽已半歲。瞻仰顏範。寤寐弗置。累辱翰札。慰問綢繆。情愛周至。感念之深。銘心鏤骨。方當披瀝奉謝。而沉疴纏綿。支離床席。四肢痠痺。舉筆輒廢。遂踈問候。歉也何如。生世不幸。沉淪苦海中。志與命違。事與願睽。妯娌無共戚之親。同室非斷金之好。憤懣抑鬱。將歿世而不見知。乃獲奉吾嬌周旋契同。芝蘭恩喻。骨肉所謂生我者父母。知我者鮑子。定不幸中之幸。

玉臺文苑卷之二

十一

也。自惟稟賦。慙拙叨承慈訓。誦習經史。志慕往哲。率情任真。不能矯飾。以佞世媚俗。遭家不造。如氏早棄。拮据家政。雖公爾忘私。鞠躬盡瘁。而勞不言功。恩反爲讐。嗟乎命矣。復何言哉。然其獲謗之由。其中曲折。嬌亦有不知其詳者。拂鬱之懷。孰爲陳訴。非嬌其誰亮之。所以然者。某乙驕養成性。沉湎無度。典籍不親。狎暱羣小。叔姪遨遊。光陰虛度。蓋身任家督事。無巨細不得不持正。盡規不免拂情忤意。而某乙內乏賢助。外罕益友。煽惑鼓舞。猜疑橫生。遂謂刻削得以充。

肥故妻非因之成錦也獨不思田產有限外寄不恒食指孔多人事旁午入有盡而出無窮乎故欲豐則力不副心奮則内外交怨不免割東移西損左補右勞心焦思寢食弗寧以蒲柳傷軀而任此軫輶猶稚兒而負千鈞之重以渡百尺危橋上有風雨之沾下臨不測之淵進止維谷雖欲息肩不可得也人生之窮于此極矣此杜門所以有終窶之悲而靈均所以有汨羅之溺也某乙受室以來諸凡資費無非公給固無彼此之分纖芥之隙也邇者省親益肆毀謗閒談戲語無不上徹其設心爲何如也夫痛既絕于枯椿則分荆之念奚恤哉宜其吹毛求疵以爲逢迎之地耳殊不知榮枯得失自有分定蒼蒼者存何勞機智世道至此堪笑堪憐抑不知前生宿業當爾如釋氏所謂果報乎何其遭逢之不幸而連遭之甚也斯固涉歷之辛艱然非中心之所悲也所恨者某甲才質朴性亦易染上之不能希賢聖立不朽之鴻圖次之不能隨世俗建顯揚之駿業下之不能營生計爲保家之令主而荒寧踈畧凡百因循苟圖目前罔懷

長慮家事多端不明之父母不圖於妻子雖忠告良謀日陳于前而執滯迂見如水沃石且母非顧復之仁弟鮮友于之愛憤憤蕩蕩如孩童然其立心過於忠厚流於委靡不知將來究竟作何狀每念及此腸一日而九迴夜徬徨而弗寐也得疾之源端在于此及其病勢昏沉加之人事慳惓且不知有生人之樂矣斯時也父母且不暇顧尚知有戚屬哉夫事之煩劇莫如婚嫁此而不避而避其產乳豈人情乎生平不設城府未嘗欺人不虞人之見欺也古謂正方腹中有鱗甲不謂撫張出於不意薄命取遭安所歸咎顧俯仰無愧一聽之天而已承諭語及憤懣之懷不覺觀縷抱疾以來齒髮墜落手足不仁幾成廢人矣五十爲壽今年已過半河清難俟富貴何期儻仗庇得延歲月獲了子平之債當求靜室作蠹魚與婦結爲月會以談心抒素論討古今搜奇獵異開豁心胃復得逍遙山水徜徉勝景以終餘年志願畢矣炎涼世態曾何足云綠衣白華自古有之幸甚珍重諸不多及

與夫安次山書

明邵氏

良人去楚遂成黃鶴思君不忘首如飛蓬耳髮所囑
未敢遺忘事姑謹教子勤田園命人胼胝不至荒蕪
毋庸懷弟游子悲故鄉人情乎竊慮湘江兩岸花
木深中有如如者在計此地距高唐未遠嗟我良人
更勿作行雲之夢

遺夫列必明書

徐孺人

老樹一株綠陰半窓頗足以自適幸無念我
徐孺人龍游人嫁信安列必明家甚貧而弟頗有
餘粟乃以孺人托其弟遊學遠方弟以餘粟貯別
所棄孺人破屋中與一婢日夜績紵以自給終不
言其弟之過久之必明歸囊有白金數兩孺人問
所從來必明曰人托我謀事既成以此爲謝孺人
怒擲金于地曰吾爲君安貧樂道而乃若是也宜
亟還之必明慚竟還其人後必明釋褐令湖南秩
滿一日引鏡照白髮種種嘆曰此豈做官時耶遂
謝事去與孺人窮終其身

致商生書

楊采采

伏承來使具述綢繆昔日惟情一旦終阻自遭喪亂
十載于茲祖母辭堂先君去室煢然形影四顧無依
欲終守前盟則雁斷衡陽而莫適欲徑行小諒則蟻
填溝壑而莫曉故委身從人苟延微命雖應酬之際
強爲權筴而岑寂之中不勝傷感追念舊事恍若前
朝華翰銘心芳言在耳每孤燈夜永落葉秋高往往
日所遙天情牽異域豈意高才不棄撫念過深加恩
續玉臺文苑卷之二

十六

澤以旁施廣餘光而下照采苒非之下體託葛藟之
微踪雖荷殊恩愈懷深愧蓋自近歲以來形銷體削
面目可憎覽鏡徘徊自疑非我兄若見之亦將賤惡
而棄去尚何矜恤之有倘恩情未盡于今時擬宿緣
再結于來世漫世之恨悞嘆何言拜會無期憂思靡
竭惟宜自保以冀遠圖無以妄爲深念

采采原與商生爲表兄妹幼時共戲于秋香亭誓
相好也不意士誠兵亂各流散不相及女適太原
王氏商訪之奉以絲花紫脂通其意女以書報之

上父母書

鄭節婦

履之亡矣弟方稚穉二親宦遊且遠適兒爲鄭家婦
不能以死殉又忍其親之不養嗣之不續哉

鄭節婦閩縣人年十六歸三山鄭坦甫三月而坦
疾又二月坦歿父母謀歸節婦上書云既而父

母欲終奪之節婦慟曰吾親不諒豈非以形累乎

乃引刀斷兩耳血流三日夜不食七日得不死以

斷兩耳遺父母曰矢志以久待時而納諸壙猶全

續玉臺文苑卷之二

十七

歸也嘗類偏古今節烈以自鑒坦之弟生仲子雲

鎬遂撫爲嗣既就傳取馬援柳玭顏魯公邵康節

戒子弟書授簡誨之事聞詔旌表其間

寄江夫人楊氏書

陸氏

別來忽忽二旬中心百結柔腸九迴致令寢食都廢
只落得魂夢間相偎相倚昨女侍來聞玉體清吉如
前我心差慰特因薄冗所牽不能一過香閣耳日來
雨色淒霏孤弱之身倍加清冷承賢姊不時惠問真
是大發慈悲楊枝一滴殆令枯萼再花耶會晤無期
忖懷有筆敬奉三絕以興一覽

詩附問睇秋空一雁飛應知離索逐風西從來孤

續玉臺文苑卷之二

十八

况原如是只恨當年福不齊 悶倚熏籠不理粧
玉人何日去柔腸夢中有路頻相對覺後空驚月
滿床 常依隻影自年年若個知心爲我憐此去
光陰能有幾不如閉閣學參禪

上某夫人書

小青

玄玄叩首瀝血致啓夫人台座下關頭祖帳迥隔人
天官舍良辰常非寂度馳情感往瞻涕慈雲分煥噓
寒如依膝下糜身百體未足云酬姊姊姨姨無恙猶
憶南樓元夜看燈諧謹姨指画屏中一馮閨女曰是
妖嬈兒倚風獨盼恍惚有思當是阿青妾亦笑指一
姬曰此執拂役鬟偷近郎側將無似姊于時角彩尋
歡纏綿徹曙寧復知風流雲散遂有今日乎建者仙

續玉臺文苑卷之二

十九

樣比渡斷便南樓信語嗒聲日焉三至漸乃微辭含
吐亦如尊旨云云竊揆鄙衷未見其可夫屠肆苦心
餓狸悲鼠此直拱其換馬不卽辱以當壚去則弱絮
風中住則幽蘭霜裏蘭因絮果現業誰深若便祝髮
空門沈妝浣慮而艷思綺語觸緒紛來正恐蓮性雖
胎荷絲難殺又未易言此也乃至遠笛哀秋孤燈聽
雨雨殘笛歇謾松聲羅衣壓肌鏡無乾影晨淚鏡
潮夕淚鏡汐今茲雞骨殆復難支痰灼肺然見粒而
嘔錯情易意悅憎不馴老母姊弟天涯問絕嗟乎未

知生樂焉知死悲憾促歡流無乃非達妾少受天穎
機警靈速豐茲膏彼理詎能雙然而神爽有期故未
應寂寂也至其淪忽亦匪自今結禱以來有宵靡旦
夜臺滋味諒不殊斯何必紫玉成烟白花飛蝶乃謂
之死哉或軒車南返駐節維揚老母惠存如妾之受
阿泰可念幸終垂憫曷昔珍贈悉令見殉寶鈿繡衣
福星所賜可以超輪消劫耳然小六娘竟先期相俟
不憂無伴附呈一絕亦是烏死鳴哀其詩集小像托
陳媼好藏竟便馳寄身不自保何有丁雲青冷翠乎
玉臺文苑卷二 十一

宅時放船堤下探梅山中開我西閣門坐我綠陰床
夢平生之響像見空帷之寂颺是耶非耶其人斯在
嗟乎夫人明冥異路永從此辭玉腕珠顏行就塵土
興思及此慟也如何玄玄叩首叩首上

小青爲武林某生姬家廣陵與生同姓故諱之姬
風則逸艷夙根穎異年十六歸生生不韻婦奇妬
嘗置姬于孤山別業自是幽憤悽然鬱鬱成疾歲
餘疾深命函工寫照凡三圖而始得妖纖之致乃
取圖供榻前設梨酒奠之一慟而絕時年十八耳

止遺詩一卷像一幅寄某夫人啓一緘餘爲妬婦
所焚

○答鄭僊書

吳氏女

字啓多情足下兩才相遇方圖結于牽絲一語敗盟
竟空成于画餅小詩寄恨柔翰傳情先人之遺訓昭
昭曾已告約慈母之嚴命切切不避嬌羞齊眉之案
已休衆口之鑠不息適占罔吉雁幣却修鴛鴦枕上
夜夜淚結愁絲蝴蝶夢中時時魂驚幽恨恨深沉之
院宇似隔天外巫山窺寂寞之簾櫳甘爲長門怨女
雖沒後而竊玉亦知尋柳氏而今生文君恨未識相
續三臺文苑卷之二 二十二

如思之忘倦勒此申酬伏祈注念

吳女有姿才初其父許配鄭後爲母所奪適周鄭
慕之屢托乳母以詩詞往來曲道其情云

與密之姪書

方維儀

作客江湖以陰以雨薄寒中人念汝殊甚幸自慰度
汝少年成人尚節儉不事封靡出見紛華美麗而悅
吾知汝未必然也獨念汝居平薄鄉里夜光之璧見
之而惟故爲四方之遊四方名賢雖多然實能淵塞
好古者豈可數數吾正恐惟夜光者不少耳且交不
可太廣太廣則務爲浮名而相競學何以益固有實
慎所之也可不慎乎司馬子長浮江淮汶泗窺禹穴
續玉臺文苑卷之二 又三
九疑鄭康成遊學數十年汝勿以能遊爲免于鄉里
之行也世風下矣勢位富厚誠不可失汝父祖皆簪
纓汝何苦以布衣稱學者齊王好竽而子鼓瑟瑟雖
工其如王之不好何汝慎勿博學好古薄舉子業而
不爲也舉子業夫奚礙博學好古耶汝母宜人叢佩
居遺集當于書坊中更刻之余清芬閣集汝勿漫贈
人余甚不欲人之知也汝父尚茹素廬墓家無督汝
亦當早歸吾念汝殊甚

●復吳偉英書

沈素瓊

曩者登樓晚眺投下青子誤也此實非佳人擲果憐
潘岳君何事錯把杭州作汴州耶君欲以妾之粧樓
爲雲雨臺以妾之青子爲因緣果亦誤矣誤矣雖然
事出無意似爲有意來翰所云知君之念妾深也明
月有意而入窓人誰隔之者白雲無心而出岫風則
引之矣但紅拂女投李靖卓文君奔相如妾不爲者
春色滿園關不住隔牆花影玉人來君知乎否

續玉臺文苑卷之二

二十三

●答周煦春書

陳鳳仙

周郎足下妾守香閨一任春色年年不解着看花眼
不意天台之洞未扃使我劉郎直入百練鋼化作繞
指柔矣數宵恩愛一旦分離使妾落落難口念兄之
姿貌也六郎似蓮花也憶兄之才華也李白嚼珠玉
也想兄之笑語也蕭郎吹鳳簫也早知相會倍相思
何以當初不相識向者所贈金魚扇墜金釵戒指扇
墜在手玉人在心戒指在指情人在握睹物興懷心
緒玉臺文苑卷之二

二十四

如春杵豈金魚金釵在吾心之跳躍耶此雖表記實
作怨端嗟哉愁乎夢斷巫山嶺上雲嗟哉愁乎淚流
楊子江中水妾不知離恨天如此其高也妾不知相
思海如此其深也妾無他顧蒼穹有意后土有情三
生有幸使妾得與兄作並頭蓮比翼鳥吾願畢矣紙
短情長畧打數語伏惟心照荷荷

○醉後與李生書

羅月華

昨叨陪龍光。無愧青蓮謫仙才也。且更籌錯。擁燈滅。沉浮曾何異。絕纓佳會哉。那時酒容與花容。並映而春興。隨酒興。迭增卽一石。安能盡醉。雖五斗何以解。醒酣歌益媚。奈玉山之先頽。迷戀陽臺。任乾坤于醉。破午間鳥語。喚醒猶疑是夢。敢捫管紀勝。永誌勿誼。

續玉臺文苑卷之二

二十五

○寄仲權書

張卯

執手契濶。遂復五稔。戀戀之私。君爾妾然。有如敝屣。君馳康莊。未遑踟顧。妾墮苦海。風波日乘。雖修名善保。而軒車已遲。今妾走險。不能擇蔭。東海生理。弱無良幾。成怨耦。以玷嘉譽。夫已氏失職。雲杜則江漢之靈寶。鑒君誠而奪其魁。乃妾不卽隕陞。以待戮于君。或者微衷。猶可宥乎。今日之事。百口難陳。卽斷臂陷冑。寧噴萬一。顧妾未分明。君或因而遐棄。恐令識者謂君乘妾之尤。而自計爾。君以此始。寧無令終虞耶。自今以往。請濯袂待君。繼之以死。今天下有心人。目爲仲權棄妾足矣。隕淚一絕。夫復何言。

續玉臺文苑卷之二

二十六

○寄王百穀書

馬湘蘭

別後妾頃刻在懷卽寤寐未忘知已遙憶故人再續
舊好恨各一天涯中心鬱結不能朝夕繼見聯枕論
心又兼秋水盈窓寒蛩破夢此情此景真妾消魂時
哉何日既見君子了却相思宿債作人問世未有之
歡乎長江險壑莫能匍匐八行相訊神與書馳

續王百穀書卷之二

二十七

○青丘生書

文如

足下近得他人無復記憶妾矣奈何徒以責券之故
行李往來乎妾自有之身尚欲委之足下區區金錢
挂之齒頰亦可慚也每思疇昔之事泣數行下足下
雖棄我如脫躐然妾冀帶之心猶如一日惟天知之
來諭命我嫁人妾豈甘路傍花柳者以足下兩情相
投幾成而棄之何論俗子哉倘憐我初心使得侍櫛
左右志願畢矣足下得無意乎若侍女之賣爲債家
續王百穀書卷之二
所噪實出無聊剝肉充饑心則良苦足下已不憐我
乃責問我妾固薄命君亦薄恩哉聞將至省江上竹
房掃徑以待情緒千縷都容面陳

二十八

答期蓮生辭慣字書

鄭如英

對談不覺一別增思適接來翰知爲一慣字惱心令人亦增歡重可取亦取然慣字有意弟取君之才之情天下無雙弟愛君者非獨詩但一閒言令人翫飛天外豈忍見妙才付之流俗故出此一毒字欲君後改勿自輕才乃弟之實意非有他也願自珍重
附生書我與君相知自信有天地以來未有如我二人者即再有天地亦必不能再有如我二人者
讀玉臺文苑卷二 下九
詩青語及贈暢然詩君言阿癡原來是慣的阿癡死矣究何如之我此等詩果然慣做如與君此情實未慣有如此亦是慣何情之有鍾也愈思愈苦死矣死矣生來只一相知尚且加以此名不得已奉書相告莫謂我慣苦慣死慣寫此書也

贈期蓮生半臂書

鄭如英

君歸無以相贖自裁半臂護君曉寒遂不覺天明矣今董小持贈願勿棄人并棄承自忍凍歸也離愁如亂絲容面時求解長歎長歎

寄期蓮生書

鄭如英

英與足下才結新盟便當分別好事多磨折耶分手之日實望尋一靜處與足下將種種情懷種種囑語舉杯細說不意行至碧峯寺見車馬簇擁意欲前進恐伺察者知之只得入寺又遇他客先在卽苦不可言候多時足下至共出玉鶯榭相視嗚咽共語未終又卽促飲與足下舉杯時英心竟如醉夢霎時又促去聽去罷一聲如萬針刺我五內欲隨不可欲捨不能此時此刻寸寸柔腸絲絲痛斷足下別後又復還席共飲惟英悲苦難言見他人冷冷不著疼熱的眼只得以酒自遣不覺大醉歸家成期兒事事完入房寂寂無聲淒淒盡是離况卽無情當此能不淚流思昨與足下促膝談心今忽東西相隔此夜必難成寐寧不思及我苦乎卽此夜思量光景筆不能盡况其他乎念七日見雨不止做一掃晴娘掛窓上咒之曰帚一舉掃盡滿空烟雨見太陽封汝爲掃晴娘鄭如英小名安字無美金陵人

答岑生書

金素英

佳果拜領道人可得見乎相見不相親不如不相見來詩未達但云禪心已作沾泥絮料不是楊花輕薄兒

○趙喜珠傳

馮新英

喜珠姓趙氏河南巨族女父趙松湫以鄉進士官故
郭教諭母金氏夢神人遺一鵲覺而生女遂名喜珠
珠生而韻甫三歲學鄰童讀書入耳便不忘五歲父
卒於官母拊棺哭曰天天我四十無子止一女尚稚
何以了後半世也珠亦哭曰天天我五歲無弟母年
已衰喜珠下稍頭何以結局也長洲薛一翔趙之門
弟子也弔於趙聞珠言而異之以千金爲趙母壽願
一見喜珠珠隔簾應聲曰嬌母寡女之門君家何敢
胡行好携此金去趙雖貧不受此露面之貨也薛心
折者久之懷慚而退趙貧不能歸居故郭又六年珠
十一齒矣終日與母闔戶繾綣賣以糊口一日道士
過其門長聲曰有緣者齋我珠內應曰於汝有緣於
我無緣矣道士曰無緣者正有緣也珠又應曰不齋
者正齋汝乎道士曰好張利口可惜少福若減口得
二十歲活耳拂衣去又明年其母爲予塾師遂携珠
來郡城予時年十三見珠若故交結爲姊妹終日聯

歌綴詞脫盡爾我踰年而予聘越二年而予嫁喜珠
不勝悽楚復與母返之學宮未幾而珠病矣母皇皇
求醫終不瘳惟日夕飲水嗟歎之聲形之夢寐病三
月甚篤晨起向其母索照臨鏡嘆曰可惜十五年阿
珠竟至此耶遂撒鏡而哭曰我哭汝汝笑我笑以汝
笑我弗如無照復索筆吟咏數絕併聞予書一紙閣
筆而逝母大慟幾絕叫曰珠兒汝負我珠復醒曰非
珠負母母負珠矣卽合眼母曰我負汝可續汝負我
亦合也珠又醒曰繼已斷矣續之何益母曰汝緣在
續之弗遲也珠躍起急索粧服復理粧靚服拜母曰
見緣在來世爲母續也再望空拜天曰天天汝旣天
我命何生我多情旣生我多情何奪我命使我情無
所用耶起對母曰書一紙爲我達馮姊素所歌咏願
殉我葬勿留於世謂趙喜珠薄命也端坐而死母葬
之郡城西之翠雲崗喜珠髮垂肩而面白兩頰似桃
片修眉細腰鞋可三寸體不勝衣常對空作嘆聲與
予稱最善敘其顛末併小像一幅繡餘綠一帙捲簾
談怨一帙續命集一帙置之石匣卽藏於喜珠墓側

去墓約半里許以俟後世鍾情如喜珠者鑑之

張孺人小傳

趙陸卿

從來鑄鐘鑿垂竹帛者率歸男子夫男子乾象也而女亦以坤成寧無名世足伉宇宙丈夫哉武林有朱母者朱君夢錫昆季母也朱君博雅著書慷慨任俠時過支硎與凡夫盱衡千古必揚母張懿行余緣聞之胸中已著一張孺人念今年歲云暮朱君鐵母狀并諸名公之不朽母者更屬余余即稍知筆墨側之珠玉方抱慚形穢然閨中之情非其人不知也遂草

續上卷之卷末二

三十五

率陳辭勉答遠命按母名文粹出於張爲天官尚書元洲公女孫工部尚書郎蔭亭公女也生有過人之慧授女紅而女紅精授內政而內政理甚至琴書翰墨種種擅名以故陸夫人陳太宜人絕憐愛如明月珠及笄張公擇配于朱爲光祿涵真公婦蘋繁中饋無所不周朱刺史干宜人盡孝之姑陸孺人性嚴肅母侍之愈謹而陸亦終底於慈戚里皆稱張孺人善事其賢孝可知至如姻黨族屬昆弟姊妹與夫內外大小之務母身荷之曾不分公讀書志益又難矣且

絕無綺羅脂粉態惟是助公好施調公盛氣成公清
白佐公慈飭勤與俱勤儉與俱儉雖宜家令德哉亦
母之小者也都門之變孤寡執紼遠道南旋已落閨
中之膽矧孟河爲險特甚渡且三晝夜驚風怒濤積
永滿路孺人此時夫豈利涉大川兼利禦寇乎乃其
安而不危夷而忘險何必哉母旣稱未亡生歸非願
設有不虞母方自爲有死地矣不然豪傑處此艱難
俱困母豈邀天以自倖耶天自憐其貞順而安之夷
之耳余臨池之際穆然深思宛若母迎而訴我也亦
以余知已耶年來得一再晤當有爲千秋師者而今
可復得乎因想母之庭幃婦若而人女若而人必咸
軌於正以無忝孺人身教矣胡天不期願其年竟無
以謝德也將有待而報之厚乎

陸隱君曰余讀史而知母之必傳也舊矣彼夫姜原
簡狄太姒以德傳齊姜樊母充容胡尹以賢傳
鄧曼德耀以敬傳叔敖陳嬰之母以仁傳巴媛妙惠
息夫人之屬以貞傳曹張以孝傳陵母懷羸以義傳
陶孟以教傳卽如班姬之史魏夫人之書夜來之針

公孫大娘之劍朱甄之詩蘇氏之迴文錦傳之事不
同然皆其可傳者也至於今而有張孺人其生平行
事不具諸君爭光瓊美哉亦何美夫鍾葵竹帛之男
子也余匪較書得藉手朱母以傳余其厚幸矣余其
厚幸矣

擬宋文丞相移江淮諸郡檄

徐德英

景炎二年月日右丞相兼知樞密院事文天祥檄告
江淮諸郡等蓋聞有夏之澤猶厚一旅而可中興漢
家之祚未衰南軍而皆左袒況養士於百年期效用
於一日忠臣當爲君授命烈士不與賊俱生我國家
德配三代惠渥九有太祖提三尺定鼎於比高宗登
五位重興於南諸帝悉是令君列代並無失德兵藏
武庫寢干戈而不試馬歸華陽息烽而無驚蠢然

事本苑卷之二

三十九

醉屯禮樂之虜遽肆鴟張豕突之形生靈塗炭吏卒
倉皇山河半爲胡虜之有億兆已非宋國之人忽爾
興思重可涕也瞻馬耳顧更堪悲矣誰無金甌百年
之願誰成土瓦一崩之朝今主上新嗣大統矢掃妖
氛築壇臺而拜猛士式靖四方提斧鉞以授元戎用
昭九伐凡爲國之臣子忍視賊之跳梁仗劒揮戈同
發忠義之憤卧薪嘗膽勿忘君父之讐況當異類之
鯨奔尤幸群心之風起張日中整興化之甲陳子敬
興江西之師劉肖會兵零都李芾保障潭州共除沙

漢之驕子載清皇宋之乾坤凡爾有民有社實宜一
德一心突陣之威雄於翻花摧敵之勢捷於破竹俾
烏散而鼠驚若禽蒐而獸獮庶盡食祿之心少伸冲
冠之恨事若可就名垂千古徽猷孔熾我是亟擬成
徵伐之功匈奴不滅何家爲各效委身之誼用告同
戚咸知此意速赴轅門拱聽號令

橫山江元祚邦玉甫編輯

子 廣訂政

革除建文皇帝紀

徐德英

建文皇帝諱允炆 太祖嫡孫懿文太子第二子也

母懿敬太子妃常氏開平忠武王洪武二十五年

帝年十六而太子薨是年九月立 帝為皇太孫三

十一年 太祖崩 帝即位時年二十三初 太祖

前代孤弱之弊故大封子孫重地得專制國中各

有護衛近邊者時令訓將練兵防禦比虜地大權重

易以驕奢及 帝為太孫諸王多不遜服 帝謀于

太常卿黃子澄子澄以漢平七國對及即位諸王頗

有異謀黃子澄與兵部尚書齊太議制其權於是廢

周王樸徙雲南拘留齊王棹留京師削岷王梗護衛

湘王柏自焚死以燕王某善用兵多智畧未即討之

乃詔以張昂為布政使謝貴都指揮使密伺之命都

督宋忠等率軍分屯關平臨清山海以圖之建文元

年秋七月王遂舉兵犯闕執尚貴等殺之攻取北平

永平保定諸郡縣詔長興侯沐文討之為所敗命

曹國公李景隆代之督諸軍景隆儒而無謀觀望懷

二心屢戰敗績四年夏破大將軍盛庸軍師潰江止

燕王遂進攻京城景隆以城降 帝乃縱火焚宮持

楊應能度牒亡去雲遊四方自潮州入蜀復如閩已

如廣西至橫州南門壽佛寺居之十五年人莫知者

文帝遣使物色之不得最後居南寧陳步江寺中已

去之思恩州至正統五年出見知州岑瑛陳狀聞

于朝事英宗勅馳傳歸京師命宦侍內臣審諦良是

居之西內號曰老佛時年六十五矣在位四年後以

壽終葬京師之西山初 帝之焚宮也 皇后馬氏

赴火崩 帝弟三吳王允熲衛王允燾徐王允燾

文帝革祚允燾允燾廢為庶人以幽死允燾降封歐

陽王永樂四年冬暴火焚於居第而卒年十六謚哀

太子文奎壬午之變莫知所終少子方二歲幽禁

八內裕陵復辟念其無辜出之居之中都尋卒無後

孫是懿文太子及 帝皆無嗣焉○帝聰明仁厚好

學重文、初在青宮、萬歲時付裁斷、時政務嚴切、帝濟之以寬、大百姓欣欣向戴、纂承大統、溫恭儉約、絕迹畋遊、尊禮師傅、慕行古道、日召儒臣講論經史、嗣位之初、遣使巡行天下、問民疾苦、命官贖民鬻子、減田租、詔有司掩骼埋胔、令羣臣舉山林才德、懲內侍出使暴橫而勅簡送、嘉言官晏朝之諫而褒納、選儒學官、免賃舍錢、恤民興學、崇儒重道、有可稱者、于時寬刑薄賦、與民休息、使得賢相佐之、足爲守成令主、惜乎、左右鮮格心啓沃之人、多輕浮刻薄之士、喜於有爲、紛紛不靖、於是改制度、易官名、更號令、迄無虛日、高王據重權、強負尊榮、寧無尼末之虞、當極消弭之道、安石既誤以紛更、晁錯復輕爲削弱、裁抑太深、已失睦親之義、疑閭交積、又眇戕過之籌、騎虎之背、不可以下、螫手之痛、其毒難忍、遂致暴起、藩牆禍生、骨肉磐石遂摧、醜悍莫解、加之廟堂昧姬霍之猷、奔走匪柴條之武、連兵累歲、海內騷動、白溝喪師、靈壁敗績、干戈交於畿輔、儲備悉爲煨燼、天變示警而帝不悟、請將敗績而帝不知、羣臣獻策而帝不

用、景隆受命、觀望懈怠而帝不辟、方且討論周官、究心文翰、今日改官制、明日更殿名、成憲舊章、交亂殆盡、齊眉一捷、國勢甫振、而連爾召還、自失事會、卒之寶祚傾移、辱身亡家、狼狽出亡、流離播遷、而王弟二子、又皆不得其死、竟以不祀、可哀也已、然當鼎革之際、公卿大夫、以及庶僚、摠忠竭節、殞軀殉國者、餘百人、甘心鑊鑕、九宗靡遺、而弗恤、其他耻食讐粟、遜身胤迹、不可過計、首陽以還、未之有也、風教之美、於斯至矣、固諸臣降衷秉彝之良、乃孝陵培養振作之效、而帝崇儒禮士之功、不可誣也、嗚呼烈哉、

內訓序

明文皇后

吾幼承父母閨訓誦詩讀書之暇職謹女事蒙先人積善餘慶夙被妃庭之選事我孝慈高皇后朝兢夕惕恒恐怠緩以悞朝廷更懼黜辱以累父母此鄙人之勛勞恭奉夙夜匪懈者念何切也高皇后教諸子婦立法垂訓照然耳目今皇上三十餘年一遵先志以行政教吾思備位中宮愧德弗似歉于率下無以佐皇上內治之美卽以違高后淳嚴之訓實非鄙人之初意也竊觀史傳賢婦貞母雖稱夙性亦由教成然古者教必有方男子八歲而入小學女子十歲而聽姆教昔小學無傳朱子慮焉由是多方博採編輯成書爲小書之教者始有所入獨女教未有全書此何異欲渡閩津成舟失斧也乎蓋後漢有云曹大家女誡爲訓恒病其畧雖有所謂女憲女則亦徒有其名耳俯觀今世女教盛行太要撮曲禮內則之言與周召二南詩之小序傳記而爲之者孰如我高皇后教訓立言卓越往昔昭垂萬世吾耳熟而心藏之乃

于永樂二年冬備述內庭著爲女訓上以廣高皇立法之深心下以成宮壺肅清之令範有如所謂養德性者而必以修身也夫身非修其何以能克聖何以能成人故莫切于謹言慎行推而至千勤勵警戒而又次之以節儉其曰遷善曰改過皆人之所以獲福而深慶久長者也之數者乃身之切要而所以取法者則必守我高皇后之教也故繼之以崇聖訓遠而取法於古故次之以警賢範上而至于事父母事君事舅姑奉祭祀又推而至于母儀睦親慈幼逮下而繼之于待外戚顧以言詞淺陋不足以發揚深旨而具條目亦龐備矣觀者於此不必泥于言而但取于意其于治內之道或有裨于萬一云

經籍考艷體詩序

陳氏

元稹嘗自彙其詩爲十體其末爲艷詩。翠眉約髮匹
配色澤劇婦人之恠艷者。今世所傳李娃鶯鶯夢遊
春古決絕詞贈雙文示楊瓊詩皆不見于六十卷中
意館中所謂逸詩者卽其艷體者耶

獄中自序

張麗貞

悔此宵一念之差。嘔心有血。致今日終身之恨。劍面
無皮。還顧影以自憐。更書空而獨語。妾本吳江望族。
會解披章。閨閣幽姿。米閒窺戶。北堂恩重。琅函深貯。
掌中珠。南浦春明。金屋迴遮。機上錦。况值髫年二八。
忍忘戒律三千。夫何隨父。嚆城。寄居椽舍。溺女奴之
長舌。未奸套之籠頭。謾誇國士之才。計諧占鳳。妄數
家嚴之慙。悔擬乘龍。伊旣曲敘其悲思。儂亦頓深其
結。玉臺文苑卷之三
怨慕自謂知書識禮。不妨反經爲權。逐張倩之離意。
重門夜出。持樂昌之破鏡。永巷宵奔。天明而至荒郊。
日暮而棲別館。一朝消息。漏道傍。笑破朱唇。三尺典
章。嚴堂上。嗔生鐵面。雷霆。劈開鬼膽。冰鑑照出妖形。
爲訪婚姻。並非媒妁。所圖嫵婉。竟是人奴。方知假假
真真。神呆半晌。已悟生生。世世。罪大彌天。延息之入
圜。圍撫心而傷塵土。淒涼夜柝。坐來牆角。鬼憐寒。懽
悴春華。睡起夢中。鄉路杳。青草黃泥。畢竟冤於今日。
白雲紅日。見慈母以何年。感衰衣之已舊。哭手線之

猶新嗚呼。碩鼠拖腸。羗羗。化羽。倘青蘋之得薦。尚白
圭之可磨。已決策於外黃。世無張耳。誰錄瑕於上蔡。
人是季心。已矣。蛾眉。淹然。殲命。圖再新而不得。仗九
死。以何辭。謾訴衷腸。十首怨題。留客。即可憐骨肉。一
絳清淚。寄吾家。

●花殿最序

萍鄉花史無戒

不佞家世黃國。旅寓白門。情耽雪月之場。意愜風騷
之侶。喪佩懷鄭。賦西歸而未能。流水遇鍾。操南音以
自遣。駕稅廣陵。甫閱兩月。目成衆伎。不下百人。爰量
品而注出身之資。高卑斯在。兼采詩而綴題評之語。
褒貶用章。是使女士者流。頗著殿最之等。譜名花而
儷色。庶艷曲以成聲。嘔盡閒心。刊爲豪舉。

牡丹

續玉臺文苑卷三

十

國色天香。揉蕊塵而作粉。美肌膩體。剪霞艷以成粧。
一捻嬌姿。百花魁首。

芍藥

分西洛之景。放廣陵之春。態度妖嬈。丰神艷冶。偶爾
證時相贈。惟他名曰可離。

蘭

伍衆草于深林。貞姿獨異。托孤根于空谷。芳藹自殊。
興嘆者援琴。行吟者紉佩。

桂

金粟下生。幻作人間花品。藥珠結伴。灑來天上香氣。信是巖緣。無慚仙友。

梅

芳傳春信。籍占花魁。移從白玉堂前。窓橫疎影。游在紅綃幄下。夢繞清都。

菊

孤標堪掬。秀色可餐。羞開桃李之芳園。雅挾松筠于澹圃。

茶蘼

清玉臺文苑卷三

十一

風流能助詩狂。謂之韻友。名字每因酒得。命曰醉紅。

薝蔔

祇園四照。曼陀共薝蔔。而香芬雙樹。蓮臺九品。緋髮並金光。而祥映中天。龍女獻來。世尊拈起。

梨花

冰姿淡不粧。巧妬何郎之粉。綺袂清無染。夢回荀令之香。

竹

黃冠維用簪裁。白毫本宜霞罩。出土有節。坐對此君。

凌雲無心。行看這叟。

海棠

香減韻長。最愛朱唇得酒。綠微紅艷。偏傷翠袖。籠紗色妍而潤。香遠益清。彼君子兮。何羨魏家富貴。抑通人也。却嫌陶氏隱淪。

蓮一

茉莉

翠幙朱欄。朶朶幽香。梅共色。瑤階玉砌。垂垂清影。玉爲階。

清玉臺文苑卷三

十二

含笑

粲粲綴朱欄。似列石家之金谷。垂垂墮紅雨。如啼漢女之宮粧。

臘梅

蛺蝶領上。芳綴梨花之幽艷。巧藥欄前。香舒素手之文無。覩此素心。擅爲檀口。

水仙

玉蕊冰肌。想凌波之素魄。黃冠翠袖。懷姑射之仙標。

丁香

夢回枝上。私語脂香。花隱梢頭。柔情粉褪。雖拔心而
不死。經百結其何萎。

瑞香

風轉濃芬。旖旎洒來。春閣暖月。新清影。綢繆結向夜
窓寒。

女醫雜言序

談允賢

妾談世以儒鳴於錫。自曾大父贈文林郎南京湖廣
道監察御史府君贊同里世醫黃遇仙所大父封奉
政大夫南京刑部郎中府君遂兼以醫鳴。旣而伯戶
部主事府君承事府君父萊州郡守進階亞中大夫
府君後。先以甲科顯。醫用弗傳。亞中府君先在刑曹
嘗迎奉政府君暨大母太宜人。茹就養。妾時垂髻侍
側。亞中府君命歌五七言詩及誦女教孝經等篇以
勸。妾奉政喜曰。女甚聰慧。當不以尋常女紅拘使習
書。可也。妾時能記憶。不知其言之善也。是後讀難

續玉臺文苑卷三

十五

經脈訣等書。晝夜不輟。暇則請太宜人講解大義。頗
覺瞭瞭。無窒礙。是已知其言之善。而未嘗有所試也。
笄而下。歸連得血氣等疾。凡醫來必先自診視。以驗
其言。藥至亦必手自揀擇。斟酌可用與否。後生三女
一子。皆在病中。不以他醫用藥。但請教太宜人。手自
調劑而已。是已有所試而未知其驗也。及太宜人捐
養。盡以素所經驗方書并治藥之具。親以授妾。曰。謹

識之吾目瞋矣妾拜受感泣過哀因病淹淹七逾月
母恭人錢私爲妾治後事而妾不知也昏迷中夢太
宜人謂妾曰汝病不死方在某書幾卷中依法治之
不日可愈汝壽七十有三行當大吾術以濟人宜母
患妾驚覺強起檢方調治遂已全瘳是已知其驗矣
相知女流眷屬不屑以男治者絡繹而來往往獲奇
效倏忽數稔今妾年已五十屈指太宜人所命之期
三去其二矣竊嘆人生駒過隙耳餘日知幾何哉謹
以平日見授於太宜人及所自得者撰次數條名曰
續玉臺文苑卷三
女醫雜言將以請益大方家而妾女流不可以外乃
命子濂抄寫鈔梓以傳庶臆見度說或可爲醫家萬
一之助云爾觀者其毋誚讓可也

自序

殷氏

爲人在世求無忝所生丈夫固當盡女流同一生此
陰陽所以配合而成者也幼習女訓長遵婦道妾年
十八歸于方門時父宦留都翁携夫至嫁之日慈母
囑之無違夫子以順爲正思昔鞠育明教無所不至
來未二年吾母遽喪喪嘆失其恃大恩未報有兄與弟
今不暇言妾歸二年生女蕙姝又二年生敬姝又二
年甲辰生子光表憶過門二月夫卽抱病辭父母于
續玉臺文苑卷三
南京三月十一抵家謁家廟拜舅姑妯娌和氣愉愉
嗣後夫體常弱妾親湯藥未嘗間以歲月舅姑奉養
未能少盡心實歉歉辱舅姑不鄙反加愛焉不幸五
月兒出天花竟爾夭殤自歎薄命夫既有病女留子
死私心矢志遺書嚴君祈以身代天卒不應六月廿
九夫亡終天之恨哀痛無已願以身殉姑妯娌苦勸
妾敢不聽念夫不幸而死妾何忍以獨生有子者守
無子者死妾今求無忝所生而已豈有他願哉

題項淑裁雲草序

陸卿子

我輩酒漿烹飪是務固其職也病且戒無所事則效
往古女流遺風賸響而爲詩詩固非大丈夫職業實
我輩分內物也借無嫺詞以傳其志方切自慚而得
嘉禾項淑黃夫人者名閨奇媛出字高門經史傳家
雕龍世業染翰濡毫不思而構每一摘藻落筆成風
雅逸鮮妍備遵衆妙觀者目眩心驚卽子墨客卿所
不能得而君得之若探囊取珠非宿世才情何以有
此我輩垂垂衰落記述幾何而謬爲見諒者妄錄其
愚矣庶幾比之饑年糠粃乎他時感夫人而興起者
何限後生可畏故知玉振金聲君其作明時大家可
望而至因君謬爲見知以此相勗當必無讓讀裁雲
草一過。四山盡作玉佩琳瑯。山中人誠不貧矣。聊題
數語歸之味雪齋

宛在篇自叙

王微

予近憇必在山水之間詩名宛在率取此意非敢以
伊人自目也嗟乎我所感存亡生死之變多矣造化
七尺相拘而不能捐筆焚研懺除綺語之業猶沾沾
向蟬鳴剝竅中作生活耶秋水浩淼風露已盈苟復
有情誰能遣此予多言予誠不自知其多言

湖上曲序

王微

癸亥秋杪病歸湖上卜築葛洪嶺下門掩飛泉徑埋落葉意適然也適黃茂仲偕細君孟晚禮佛靈鷲寓與予近以輕舟就談至月上聽俞大家彈琴作水龍吟繼觀夫人與大家手談遂燒燭忘返嗟乎茂仲何人洗却康樂繁華喚醒鹿門枯寂哉醉後與夫人偶咏竹枝詞欲一變調以洗靡靡遂分韻爲湖上曲約曉烟初醒再叩蓬蘼歸時蘭露未晞漁燈已沒因寢

新玉臺文苑卷三

二十一

不復能起而夫人行矣長堤烟柳入望凄然未幾夫人以新詞寄示讀之琅琅如夜光百串落我懷袖聊一拈筆勉和且紀其時而感其遇宇宙雖大如斯邂逅豈可多得乎

紉蘭閣集序

孫夫人鄭氏

昔年從宦京都時所歷成均祝鳩皆閒曹退食自公過從靡間而余輩中饋多燕亦得與年姒脩女兄弟之好歲時伏臘以粧妝花勝相問詒惟張夫人齒最少德又最茂毓自高門甫結褵而卽昂貴乃樸素儉勤持家政課女紅不少怠惠洽小星祥鍾大國匪直女士展也婦師又以其暇脩觚翰之業長安籍籍有徐淑管夫人聲以余佞佛特繪二大士見贈妙得慈悲三昧並扇頭佳咏余至今嚴供而珍襲之猥自還里雲泥阻脩迴念古懽俱屬夢境北聞魚軒至閩喜溢大宅而一水盈盈依然隔千里而共明月翁年姒忽以紉蘭初集相寄馥馥清芬若清奪琳珪真若攬清輝于霍肯挹高霞于雲端也余性鈍樵于此義向無所解第先大人以詩起家幼受公宮之誨二南所稱貴而能勤仁以逮下如葛覃樛木諸什夫人皆身有之天授既奇壺範復淑鳴和奏雅宜其可絃可歌江漢汝墳化俗美今且洋洋被于吾閩此豈從來閨

續玉臺文苑卷三

二十一

秀詩集所可雁行余不知詩何敢譚詩偶因披誦有感
感時曩爰綴數語于末以識一時同籍內譜之誼云

輓吳宜人詩序

方孟式

吳宜人太史公仲女吾弟淑配也佳兒佳婦美擅于
歸宜室宜家名香閨秀善事公姑曲得歡心克相夫
子以永令譽至詩字琴畫刺繡酒漿出其餘才種種
精絕余比昵十六年兩心莫逆每聞令教如捧和璧
重以庶雛令姻玉樹言念高誼佩以百世壬戌桂月
全從宦芝城月餘家郵驚聞仙逝盈盈一水竟成永
別涕淚無從肝腸盡碎聊述長歌用寄哀況云耳

清芬閣集序

方孟式

皇甫玄晏隻語千金名公鉅卿事也我輩嚆噉深閨
終日行不離咫尺何足當弁簡之贊雖殊吾姊弟間
子墨酬唱可得而更僕數也憶吾姊弟稚孺時從家
侍御遊天雄及燕侍雪而咏輒津津嚮林下風歲月
流易分飛中落脩極斷腸之嘆余幸托副笄車塵女
弟姚則已哀清臺而號柏汎矣生涯苦辛賴有文史
間難字差足慰藉乃吾女弟玉節冰壺加慧益敏而
不炫其才居恒仰天曰女子無儀吾何儀哉離憂怨
痛之詞草成多焚棄之偶一繪施金相競炙莊嚴卽
沉閣弗錄鄙爲末技窺其學不減女博士祭酒下上
古今娓娓成章偶示扇頭衛楷永真咸捧如寶常諱
之爲餘藝嗟乎阿妹墮體黜聰之意固已遠矣余抱
病適志小有積什附遊豫章閩粵山水奇勝復納交
名媛印可以娛雕殘願當吾身而令懷瑾握瑜啖茶
嚙藥之碩人不顯于名媛方幅哉半百窮愁空悲腐
草發洪鐘而撾雷鼓何忍須臾忘之于是載其近編

用觀寤寐其有名公鉅卿流攬彤管者當必擇琳瑯
之一枝存湘閭之班淚云璽

● 螽斯慶詩序

方孟式

憶昔于歸夫子獲事大姑十年之交風雨不替今歲南歸晤言一室形影相弔悲玉樹之先摧肝膽共傾願蘭夢之應兆語刺刺不能休也茲昭武署中得家報如夫人慶始抱玉而余姬亦幸育蘭天報善人可爲我兩人賀矣用贈短章是揚休美

續玉臺文苑卷三

壬午

● 紀夢詩序

方維儀

余年十七歸姚前甫一年前甫逝有遺女亦復不育嗟嗟薄命百萬摧殘淹留至今十六年矣朝暮禮靈前哽咽而莫能訴也近者夢前甫來不見其面但見其身枯而衣裳濕余問安否乃相與大哭曰吾向者之沉痾也子能盡孝又瞞其簪珥爲吾甘旨吾之歸山也吾母之卽世也子能盡禮而盡哀吾安能一刻子之情子今辛苦極矣吾所居未寧誰爲理者子淑女也吾將告于帝益子壽成子名余對曰所不如君丁寧語者有如此日余所忍死千辛萬苦爲君無後欲代君爲子以奉翁姑又不幸姑逝此心痛何極也余父母亦老旦夕定省以報天恩之萬一心長力短抱恨無涯至于墓事當隨余力經營爲同穴計必須俟翁歸日請命而後行不敢遽也旣醒而枕上淚痕淋漓甚焉爰爲之記

續玉臺文苑卷三

壬午

●題驛壁詩叙

秦氏艷雪

儂本吳人流寓燕地近歸蜀客宦遊閬邦故園萬里觸目成愁每至夜闌人靜尤難爲懷天啓二年春二月十五日過此館月色皎潔僕夫鼾睡繡衾半冷斗帳淒涼意散竟飛心酸眼熱遙憶家鄉通夕無寐日占絕句二首聊以誌歲月云爾時漏下五鼓

硯絲雲執燭

又題

續王臺文苑卷三

王人

妾少知書思諸所託于今已矣兼以蛾眉招如命之薄也每念不能成寐起題驛壁以當撫心此詩已題于前路恐有所壞因再錄之幸覽者憐其苦心則蒹丘野草妾心願之矣

●題青樓黃絹引

文淑

响嶼主人太原生也髫年從之游淹忽六霜負深交也寒色被臯陸驪歌途喧雪涕忡惻生如都門也解厝贈言識別也華帙在把珠玉錯落皆所貽也歸頻展玩心颺神役瞬息海涯不能忘也索觀庭來客填如麻嗜其好也托棗人移之木重佚也青樓黃絹仍山人秉之題也序以引之俟知音也爲是者江夏詹妓胡也胡誰文淑舉也時萬曆元年臘七日也

續王臺文苑卷三

王人

隔溪十咏小引

王微

甲子初秋寫經之暇時復憑欄隔溪花竹如伴幽人
予於此雖未見搖落然露謹風號轉盼可待因拈數
絕以見感興之錄坡公有云泥上偶然留指爪鴻飛
那復記東西此又他年一則公案也

畫蘭跋

李夫人

予家雙井公以蘭比君子父東野翁甚愛之予亦愛
之每女紅之暇嘗寫其真聊以備閨房之玩初非以
此而求聞於人也

右見唐錦龍江夢餘錄元人畫蘭獨推雪窓而不
知李夫人之蘭亦有可稱李乃宋狀元黃朴之女
能文章自叙其所作蘭後

云

香奩集目錄

桑貞白

妾本桑林中女幼荷嚴母庭誨日究女訓烈傳經史
以明古今方識漢有曹大家中郎女晉有賈消妻宋
有朱淑真明有朱靜庵俱各雋才巧思異句奇章行
世心甚企慕捧誦之餘欲追芳躅慮難輟合茲適所
天素晚佳句益慰熏陶有時遇明月流天芳菲映地
或風晨雨夕輒燒沉水烹雀舌促膝吟哦遂忘寢食
或又漫成下里數十百言錄成一帙少紀閨中漫致
諸玉臺文苑卷三 三十二

增補詞耳

桑林月妹嘉禾周逸之妻也著香奩集

書遙集編序跋

徐翮

往泰符爲儂語呼孃事嘖嘖壯之嗣宗難余中道悔
遁索使君何儂謂不然呼孃計之密矣及見使君于
新都信海內有心人也呼孃爲無負哉遙集編爲千
載風流公案可謂文生于情而少廉一序疊疊有致
豈非情生于文耶因屬儂手書之每遇心折之語不
能無動觀者毋謂花骨嫩斜雲情散亂幸矣

萬曆間江夏呼姬文如小字祖善善琴能寫蘭且
續玉臺文苑卷三 三十三

知詩詞與其姊舉齊名或訛爲胡姓云西陵有丘
生者以民部郎出守粵次于黃州值郡中宗伯邀
生飲文如侑酒遂定交焉其後情事見于酬和詩
詞名曰遙集編

通集編跋

李素素

儂在秦淮則楚人士道呼儂事如指掌今來新安得識使君因知呼儂即使君婦也嘆賞不已儂觀使君日所止處其門如市其客如雲得士若此自其氣味乃女伴亦欲寄命焉何也徐卿曰使君海內有心人也知言哉顧論呼儂者多嘖嘖雪夜事儂謂未盡也呼儂曰率孺子耳一至舍寒之者至矣又初別後卽別丘家文如圖記其志定矣其見卓矣寥寥數載而始就使君烏得無罪使呼儂聞之當必首肯是語萬曆丁亥七月十五日

新玉臺文苑卷三

三十四

舜二妃贊

左芬

妙矣二妃體應靈符奉嬪于媽光此有虞沅湘示教靈德永敷惟斯善美諒無泯乎

臺文苑卷之三

三十五

齊杞梁妻贊

左芬

遭命不改逢時險屯夫萃莒場郊哭不賓哀崩高城
訴情穹旻遂赴淄川託身清津

太倉張天錫母贊

徐淑英

太倉有母節義無雙栢舟再續黃鵠重光玉潔冰清
寒燈孤幌斷機和九陶成賢郎郡史志紀萬載流芳

臺本苑卷之八

三七

趙昂發並妻雍氏贊

徐淑英

有宋忠臣昂發誰嗣心存報國從容就死賢哉厥配
慷慨言辭夫爲國隕婦爲夫亡貞忠兩全節義成雙
元祭爾墓史編爾名千載之下凜凜氣生

吳節婦贊

徐淑英

人倫之大唯夫與君臣當死忠婦宜守節賢哉吳氏
貞烈莫續操堅金石名並蕙蘭白髮如新千古尤難
詩詞騷賦凜凜不刊

梁鴻孟光贊

徐德英

有漢介士伯鸞卓爾高尚其志罔諧以儷懿厥淑女
令德孔宜既見君子樂只有儀屏華祛利道德是怡
禮敬相將舉案齊眉同心遯跡遠歟鴻飛嗚呼悠哉
百世之師

王凝妻李氏贊

徐德英

有美玉姬環然其驚携孤挈骸歸戾旅止夫也弗仁
執臂以驅脫則可斷胡爲節虧風動都京帝恤孔慈
克植天綱克張世維竹素垂光川流岳峙士也浮沉
昭茲頽泚

崔鄧祖母夫人贊

徐德英

婦德有常曰孝與敬惟唐崔媛實邦之貞事彼嚴姑
厥後振振婦乳可餐其孝不墮有嚴其儀永式後人

孟母仇氏贊

徐德英

卓矣聖善實鍾大賢何以爲督教誨秩然斷機示學
擇執三遷弗罔以細而示以專垂裕有訓參回衡肩

續玉臺文苑四卷

橫山江元祚邦玉甫編輯

子 廣訂政

●武周諸臣論

徐德英

武曌以唐妾婦宣淫神極革命稱尊蓋有生民以來非常之大變也耶那王舉義七日而敗李敬業起兵不越旬而死惜哉雖天命妖孽以禍李氏然使曌得以儼然肆毒於上揚其腥波而煽其內熖者則唐之續玉臺文苑卷四

臣子成之也被許敬宗侯周來宗輩猶大義然不足貞賢如狄仁傑宋璟才如婁師德郭元振知如魏元忠姚元之他若劉知幾陳子昂張嘉貞蘇頌張柬之崔玄暉桓彥範袁恕已敬暉等皆當代名賢亦被其籠絡或執政當樞或禦侮邊陲或盡瘁奔走或屢上獻替或膺爪牙或典詞命以左右弼成其政是何異傳豺狼之翼哉故僭竊二十年雖惡逆滔天而中外晏如諸君子維持之力也於逆順何如哉乃若文惠之委曲彌縫潛侵齒豎之謀五王之達權濟變遂成

反正之勛勛則偉矣大節之虧奚贖也為諸君子討者當僭亂之初因四海之憤興征誅之師聲大義以討之幸而可以匡復社稷不幸以身殉國以報高宗太宗地下不能則逕迹以達其垢不亦偉哉何至甘心與腥穢為比肩趨踰於禽獸之下乎昔王魏不死建成之難論者猶非之矧委身晨牝乎然予猶深致憾於五王也夫曌廢唐宗廟殲滅其宗於李氏何有誅之而剪其根幹斯得矣或曰子無廢母之義立子而殺其母可乎曰除惡務本聖人戒焉所謂根幹

續玉臺文苑卷四

二

中宗其根也諸臣則餘也何也昔平勃之誅諸呂也昭呂后所名孝惠子而立文帝彼誠知所務也夫中宗實曌自出也其始固失正矣又常有言以天下與韋玄貞其昏憒狂惑不克負荷已見於始立之初矣五王能以天下之公簡宗室之懿使主神龍而肆曌及諸武於朝市亂源可塞矣後廬陵則必母曌母曌矣諸武不能悉誅絕勢也大根不拔末枝是剔其反噬也能無及乎當耶那父子之舉義也使告壽州刺史趙瓌妻常樂長公主謂使者曰昔隋文帝將篡

周室尉遲迥周之甥也猶能匡救社稷功雖不成威震海內首爲忠烈今李氏危於朝露汝諸王不能舍生取義欲何須也大丈夫當爲忠義鬼無爲徒死也嗚呼烈哉斯言雖厥志不遂其峻節義氣百世而下凛然猶生曾謂狄張諸君子之賢而不若哉嗟乎

楊廣論

徐德英

亂臣賊子昏君暴主自古有之未有若隋楊廣之甚者考其二十年之間奢虐兇忍惡醜滔天雖古昔不道之君如三代之桀紂幽厲秦之政亥漢之桓靈宋之駿昱子業齊之寶卷北齊之高洋湛緯周之贊陳之叔寶無不兼而有之而其悖逆過之迹其罪惡神人共憤開闢以來一人而已當時不能聲罪致討肆諸市朝固爲可憾後世君子始正其弒逆之罪大書續通文苑卷之四

于開似可以少快千古之憤矣然弒逆之罪遂正而誅討之義未盡乎不能無疑焉何則吳越先王之封國也賢君數興春秋以僭亂之故貶而夷之今廣也弒父弒兄僭于天位豈吳楚僭亂之比哉乃以一統受授之例書之何歟豈不以天下混一統當在隋不得以一統之例書而君之誠如是也則孺嬰既黜居攝則真漢氏之統固以挈之新莽矣而作史君子乃於莽則削其帝號不齒於正統之列者豈非以莽之篡竊爲後世僭亂之故特貶之以示戒歟夫君親

無將將則必誅三代以還未有以臣弑君而奪其國者有之自莽始也亦未有以子弑父而君天下者有之亦自廣始也雖其爲惡不同然其亂天常而滅人極爲萬代首惡則一而已今也於莽則貶而名之於廣則君而帝之是君臣父子有二義也如以廣雖可黜而國不可以無君則莽亦常君天下矣天下固無無君之國而豈有無父之國哉彼不親其親人安得以君之春秋之法亂臣賊子人人得而誅之夫以廣之悖逆暴虐人不能正名討之生前而作史君子又續玉臺文苑卷之四
五
不能舉春秋之法誅之於死後顧乃拘於歷代傳受之例而君之帝之偃然兆庶之上是舉中原之地皆爲無父無君之國而胥爲夷狄禽獸之域豈不大可憾哉或以爲當時天下混一隋氏之君非廣而誰今削廣而何君乎匪削之以其悖逆以示隋氏之臣子不得以爲君父耳而非以爲匪隋氏之君也其義亦始王莽而已矣宋元兇劾弑君父而自立武陵王舉兵討誅之然劾之僭位亦有時矣作史君子亦不以僭也而遂以宋主書之而必正其名及廣之時群盜

蜂起不曰反而曰兵起亦以明廣爲隋氏之罪人而天下不得而君親之耳廣之漏網視劾頗久而被禍一也而其書法獨異於劾斯予之所憾也至于隋之臣子猶有可言者訓有之曰臣弑君凡在官者殺無赦子弑父凡在官者殺無赦夫以廣之弑逆昏暴而爲之宗室爲之臣子者皆默然坐視甘於荼養罔恤君父之難迫夫虐焰燎原然後乘時奮起互相吞噬以塗炭生民而討賊之義無聞焉揆以大義寧能免於素王之誅乎凡仕於其朝者作史君子皆宜斷以從逆之例若楊雄之死曰莽大夫春秋之義其庶乎續玉臺文苑卷之四
六

高頴論

徐德英

高昭玄佐文帝篡周滅陳以成隋氏之業卒之死於非罪予讀傳記而惜其去就之不審進退之不明以致禍也夫乘車載難忠臣所蹈滅頂濡首哲人不爲也而頴胥失之庸能免乎方周天元洛暴朝綱解紐宇文之鼎益岌岌然日趨於墜矣頴于是時爲內史大夫矣不爲逢干之諫則爲竇子之愚否則爲考槃之隱人臣之義得矣旣而楊堅矯詔輔政踈擯宗室則操政柄招引才望以自拉樹頴不能抗不二之操明秀質之義如龔勝之避新謝朓之拒齊乃一聞楊患之論意輒欣然奔告視君臣之義猶弁髦然徒知從堅之可以成名而不知逆順之分不可干也他日虞慶則請盡滅宇文之族李德林固爭以爲不可而頴依違其間莫可爭止遂使宇文之族炯飛灰滅靡有惟類所謂長君之惡者也運籌制策平定宇內勛名已隆富貴亦至與頴行衡戮力以佐大業者皆接踵誅廢矣斯時也尚何爲哉引身而退優游林泉頴

不偉哉而乃耽寵戀祿罔知已極於是猜阻日積薦被斥譴得全其軀可以已矣以文帝之信任猶不免於投杼之惑矧彼廣何人者蓄拒命之志懷睚眦之忿重以太子勇之締結哉而欲以區區之口舌以格無窮之欲心庸能濟乎適足以殺其軀耳然則可遂其非而不諫乎口君子量時而入見幾而作焉有弑父與兄而可責以君師之道以禮樂治天下乎彼且不視其親又何有於臣民哉是時也辭祿遠遁杜門杜門以避其害猶懼其不免也其可蹇蹇以犯顏哉

續玉臺文苑卷之四

八

卒之觸豺虎之怒而身被刑戮者乃其不明大義失身匪人以取之也矧又陷溺富貴而以身徇之乎論者謂其達權濟變夷險不二而悲其遭逢之不幸殆所謂枉尋直尺而可爲典

○梁元帝論

徐德英

梁孝元爲魏師所圍焚周殿所藏書十四萬卷後人問之帝曰讀書萬卷猶有今日故焚之君子曰帝之亡國皆不學之故也何有于書哉帝王之學與書生異豈特章句之間而已乎必也先其本而後其末何爲本綱常倫理是也何爲末辭章文秋是也夫克明峻德以親九族兢兢行道業業致孝此二帝之所以帝也人紀肇修邦家輯寧刑于寡妻至于兄弟以御

南王臺文苑卷之四

九

于家邦此三王之所以王也古之聖人欲天下之治乎必先正其心心正則身修身修則家齊家齊則國治國治則天下平矣道學之本原莫有外于此而其大經大法則於易書詩禮春秋莫不備載所以垂訓於後世者深矣是故切而學之壯而行之將以致其道而成其法也衆庶且然况于帝王乎學既博矣而心不正身不修不可謂之善學也身之不修而能治國平天下者未之有也今觀元帝所行其昧于聖賢之道者多矣夫人道莫先于綱常綱常之中莫親于

父兄武帝帝之父也方侯景之逼臺城爲人子者君父之難所常用心者也故乃頓軍武城淹留不進方且殺桂陽逐郡陵圖譽兄弟叔侄治兵相攻腹心之疾未除骨肉之讐隨起簡文廬陵帝之兄也初在藩邸廬陵因事奏帝帝聞其入關而躍騰爲之破簡文嗣位不思翊戴不奉正朔微倖國患惟利是圖既承爪髮之變曾無徇難之志欲興成濟之謀其親父兄爲何人也豫章帝之侄也蒞祚不及三旬受制賊臣捐棄幽辱帝不惟不能拯之于難抑且密沈于水

南王臺文苑卷之四

十

及其二弟武陵帝之弟也其子固正以寬和得衆帝以詭計誘而囚之死由是遂懷異志又不能聲其罪而討之故乃畫版爲像親訂支體道引外冠自滅宗親厥後江陵之陷變基于此徐妃帝之婦也囚王妃之死逼之赴井不聽諸子制服帝之子也庾溪之沒戰于帝無戚容蕭賁劉之逃帝之臣也賁以勸討賊而被誅之遽以才勝已而見殺王偉左右奸逆毒亂天下身爲賊相親弑簡文父兄之讐不共戴天者也帝見其文辭華麗卽欲宥之聞其毀已然後

誅之其所爲如此是誠夷狄之不若而所謂綱常倫理漸滅殆盡矣方其始誅侯景卽安江陵苟圖一時之寧不思日後之計乃於龍光講釋蹈前車已覆之轍至於將亡亦不能悟何其愚哉季木之言不聽于謹之計得行束手就降身辱國亡蓋其宜矣且當是時齊盛於西魏強於北夷狄充塞於天下而堂堂中夏之君乃偏安於江左一隅之地不思保國安民廣土拓境顧乃戕害骨肉講習非道欲以不亡得乎夫書豈能壞人人自壞之耳秦始以焚絕經書而失天

續玉臺文苑卷之四

十一

下漢高以不事詩書而教化不振武帝表章六經罷黜百家其尊崇道學亦重矣而治不至於三代者以綱紀不張故也夫帝王必以務學爲急所貴乎正心而不偏必以博達爲本所重乎純一而不襍蓋學所以正心也身所以率物也心之不正身之不修則雖博綜經史學貫天人竟何益哉昔舜之命禹曰惟精惟一允執厥中豈非道學之要領乎夫經書正道也佛老異端也既學經書之正道而又雜以佛老之異端亂道學之真佛聖賢之理其不喪身亡國者或寡

矣書曰天作孽猶可違自作孽不可活若孝元者其亦自作之孽歟何辜於書哉治天下之道無他在乎正其本而已矣本既正矣則其末自舉矣能正本者莫如仁義行仁義者莫如學夫學精而後義可守義明而後本可正使元帝于當時所謂曰仁曰義者習之熟而行之篤必不至于三綱淪而五常廢矣又何亡國喪身之有哉假使時人問焚書之故而帝荅之曰此我國家典籍吾恐爲人所得故焚之耳亦庶幾乎爲國之志設或人舉經史之義以詰其亡國之由不知帝將何以應之帝之意將以欺時人也豈能逃後世之譏乎非惟不知已之過抑且不知經史矣吾故曰帝之敗亡皆乃不學之故而於書則無負於帝也雖然蕭繹不足道也博聞強識如魏文帝文武之才如唐太宗而卒不能免於篡脅君親屠戮同氣況於六朝三綱廢淪五常攸斁之時乎無怪乎帝之所爲也吾獨悲夫聖賢之道日熄日竭而讀其書者徒知多聞博洽之爲貴而不知躬行實踐之爲功吁可勝嘆哉

續玉臺文苑卷之四

十一

衛將軍諸葛瞻及鄧艾戰於綿竹敗績及其子

尚皆死之論

徐德英

諸葛瞻見危授命可謂忠矣然余猶有憾焉鄧艾以數千之衆行無入之地七百里將士疲敝深入敵地微倖而取入國此兵家之所忌也曾以艾之謀畧而智不及此乎蓋艾旣入陰平前有堅城後無援師唯有一戰可以逞其志其將士自知必死破敵必矣此

偉信敗李左軍之故智也瞻於是時誠能勒兵據險

續玉臺文苑卷之四

十二

而拒之移檄州縣諭以固守堅壁清野以待之彼戰則不得攻則不克抄掠無所獲欲歸則山谷險阻曠日持久士氣蕭瑟猶之魚遊釜中坐以待斃耳瞻乃潛遣一師出其後而以大軍擊其前艾以疲敝之衆兼以腹背受敵破之猶迅風之振枯葉耳而乃計不出此以一言之忿捐萬全之策率疲弱之兵當必死之寇父子俱殞國隨以亡哀哉且瞻爲元臣之子與國同休戚者也當黃皓秉政之時所宜叩關力陳陳王業之艱難明邪佞之不可近不聽則以死繼之庶

君心感悟天意可回而乃嘿嘿苟祿曾無一言之匡救及乎社稷傾危徒以一身捍之不亦難乎雖然瞻爲國而死於忠尚爲父而死于孝彼賣國偷生若譙周者視之可愧死矣

續玉臺文苑卷之四

十四

●女誠論

徐淑英

宿瘤女齊閔王后

婦女之美不在於容貌嬌冶在於德行端莊故語醜貌若宿瘤甚矣仁義有當王心期月而化行鄰國后星告隕遂有燕人之禍焉予觀自古理亂莫不由於宮壺者矣夏之興也以塗山及其敗也以妹喜商之盛也以簡狄及其衰也以妲己周之隆也以邑姜及其替也以褒姒誰謂理亂不關於內助乎總之未有臺文苑卷之四
出於仁義之一言也

程女敬人

貞女佩父訓烈婦死鋒刃所以然者杜淫亂之風爲後世失節者之明戒也程女不辱父母冒賊就死其節孝炳矣唯此義常明故有嚙指題詩如清風之與桂林義不受辱如詹女之與蘭婦并可全身如柳氏之與婦女此心不欺千古一轍彼不惜此生身爲重寧逐甲馬上來者亦可鄙矣亦可愧矣

不野之婦

夫義姑乃魯野一婦也棄兒全姪能明大義如此宜乎齊將一見而遂止然有向私愛而背公義視猶子如路人者此可令義姑見乎雖爲丈夫反不婦人若矣

吳婦都昌之婦

吳氏無子娶居玉潔不塵誠可謂千古一人矣其所尤難者爲紡績等役以孝養其姑終身不聞怨言至於雙眸重明孝感豈不彰彰哉

汝妻汝敦之妻

臺文苑卷之四

十

汝妻不以財帛爲寶而以友恭爲寶始焉避居繼焉分金成夫恭讓之名賢婦令夫貴諺信不虛矣雖然亦由敦用其言也爲敦兄者始聽妻言不友其弟卒以分金感悟去妻全義吁亦已之過何不獨斷於已以成妻之不德耶

黔婁妻

大凡君子得聞其隱行多賴有賢內助若黔婁妻之生平守正不有其妻不幾以死而移乎況謚不在貌其顯在於昭其隱不以衣食不足爲康而以仁義清

介爲康魯子曰斯人也而有斯婦吾曰無斯婦也不

見斯人

劉母 劉安世之母

安世欲辭諫垣孝子也劉母勵其就職賢母也名垂
殿虎忠臣也且謂爾父欲爲而不得則一門忠孝可
見矣

吳母 姓謝宋吳賀之母

君子曰口舌者禍福之門也減身之斧也言語不可
不慎如此矧言及人之短長乎吳母之管其子非以

臺文苑卷之四

十七

若子實以愛子矣

齊長繼母

吾觀世人私其子嫉人之子甚且追之無立錫之地
何不效齊義之爲母乎而乃欺死者之託然則爲子
者當學王祥爲母者宜如齊義母也

房母

夫孝親之心本於天性偶有未盡實上無以率之耳
房母不欲衆人以不孝召其母子以感悟卒使其人
以孝聞人謂景伯純孝也孝其親施及他人吾曰房

母真慈也教其子並及他人之子

梁那 女奴

梁那雖一女奴也觀其奉主日謹及視死如歸其方
寸浩然一丈夫也若霍林所載養犬白噬者可以風
矣

臺文苑卷之四

十八

父鄉公行狀

鄒賽貞

先父諱謙字終吉號益軒世系太平當塗人自幼穎敏博學有大志昆季三人長伯孟亨次仲和各有夙疾未能持家先人與母孫氏事先祖父母以孝行稱于鄉里時遊郡庠甘勤經史家事維持備歷辛苦景泰庚午領鄉薦赴禮闈得乙榜授浙之常山訓導予時同窓友數輩偕乙榜者各以職薄而辭惟先人以家貧親老而念之曰余若以職薄而辭則余雙親桑榆之景曷能留耶其布衣友若布政使端仲仁右副都御史吳輿璧等皆領其孝誠而惜其小就既而奉

續玉臺文苑卷四

十九

先祖父母之任晨昏侍養靡不得其懽心九年考滿奉親還鄉給由之京陞靈壽學諭仍爲雙親年高弗能迎任奉養晝夜惶惶尋遇恩例許分俸養親卽欣然以任內該支俸糧分回原籍養贍歲時又以土產及衣服履襪之類寄奉問安長伯無子兼患目疾先人期以終身供奉衣食少年失偶先人仕常山輒寄資物爲其續絃止一女爲作資粧嫁之次伯子女

七人皆有恩惠所及又如祖產之類悉皆讓與次伯復勉長伯曰汝無子終身靠我可矣幸毋念祖業也在靈壽時密近京師因女年將及笄每以書謀諸心友鍾寺正爲之擇婿鍾遂復以同鄉故族門下生濮子某賢敏可妻于癸未歲親迎于靈壽留貳館授業三年生子韶先父每以英物目之後挾歸京邸乃得諧綿綿之慶又在靈壽六年聞祖父憂回家守制殊幾祖母亦逝輻車並葬哀毀踰禮服闋間遣弟魯入郡庠補弟子員乃起復赴京仍授夏邑三年通滿諸

續玉臺文苑卷四

二十

士子不忍別以任內有績又陞湖廣常德教授于時終已登進士第父到任四年自陳休致還家共族人親故作樂終日會魯宰建德與行取之京父以塵事不羈心自快且有平昔鍾愛婿女之情因同抵京師會悟時乃癸卯大比之年旣而延芳果中京闈父得滿素願喜之不勝復諭孫韶爾能加勉下年當出人頭地也外孫女秀蘭亦嘗戒以女工婦道之端爲之議婚姻命愚夫婦曰婿苟賢矣貧富莫較後有太學生費氏子明經飽學媒氏請締婚姻遂欣欣贊成

曰此因緣實吾兩家之慶將來者安可量乎斯言也
蓋有徵矣先人生前爲人篤實正直平居教子女皆
有法度飲食必謹節服飾不華靡歷官四處舉得人
心士子咸服其教養之恩同僚重其寬厚之德初任
常山有生徒曰樊鯢者幼失父同母守孤衣食不贍
前典教者責以束修未備或受呵譴不能容身欲罷
學事農畝父到任卽喚入講下特加青盼教誨傳示
經旨後此生果中鄉舉入監後授福建某府同知會
先人于都下拜謁感泣曰今日之榮先生之賜也其
續玉臺文苑卷四

廿一

成人大率類此乃於成化丙午四月十五晨起召
次子常具飲饌共子婿族人相宴中庭食畢而遽歿
壽六十七子二長魯任監察御史次常生員女二長
賽貞適濮中癸卯鄉試次安貞適儲悉成化二十
三年五月 日女賽貞泣血書

祭夫葉天葵文

江錢娘

于惟君子實有可悲。幼曾牽幙。長擬結禱。如何至此。
天傾地移。生與君無半枕之歡。死與君擬同穴之期。
蓬室寂寂。梅帳淒淒。驚衾夢斷。鶴駕踪馳。霜華冷戶。
月涼浸扉。風號露泣。景是人非。空有纖手。莫縫君衣。
空有鬢髮。莫與君齊。空有孟案。莫奉君卮。空有頽顏。
莫侍君幃。君有老母。其誰與依。君無嗣子。其誰與繼。
肅堂奉事。妾願爲之。幽窓苦節。妾願守之。君含笑入
續玉臺文苑卷四

廿二

地下妾尚何以人爲。嗚呼。昔何緣兮天作合。今何據
兮鬼難欺。相舟兮泛泛。薤露兮萋萋。金堆兮君掩骸。
銀粟兮我滅肌。白日兮如駒隙。綠窓兮損蛾眉。今夕
兮不知何夕。少時兮一如老時。縱有慇懃。兮莫酬契。
澗縱自摧。傾兮莫爾支持。海流不竭。兮淚流山石。難
崩兮。誓語庭月兮。照子懷。子懷兮。與君知。

錢娘婺源江基之女也。幼許聘葉氏。天葵天葵物。
故錢娘聞訃。卽易服往其家。親祭之。自撰哀詞。朝
夕莫哭于靈前。遂不肯歸母家。營造雙壙。以期同

穴事姑以孝謹聞姑沒盡哀喪葬如禮家產蕩析
攻針繡以自給親族憐而饋之皆却不受常坐一
木龕不踰戶闥者數十年爲遠近處子師士論稱
爲女中夫子狀聞詔旌表貞女之門

祭費太宜人文

鄒賽貞

天鵬婉懿胥興慶門循循立教成子及孫輪囷參錯
天葩吐芬巖廊燕遊旣修旣文天子推恩兩錫封誥
珠翟霞裳彰此慈教冠佩養殮忻忻又孝惟德之修
承天之報顧予弱息賢孫之嬪萸炙慈範用淑其身
胡阻攸望哭此哀聞終教奚恃切我憂殷哭送就道
親戚之禮遙阻雲天恰望千里悠悠我心曷維其已
緘辭告虔薦以敬禮尚享

祭夫未軒文

鄒賽貞

嗚呼哀哉嗚呼痛哉惟我與君蚤爲夫婦合志同心
期大門戶君志四方我聊內助蚤歲連遭中年雲路
發軔曹庠師儒碩傳教法蘇湖清白亦固養子岐嶷
一經蚤附子北父南參商幾度幸兒京闈天荒一破
我君共喜達旦而坐自念平生遭逢屢蹉衮衮諸公
二郎必做歲之丙辰果中甲科玉堂金馬子壻聯珂
君陞東萊京師順過父子壻女團樂咸和洽然內集
續玉臺文苑卷四 二十五

綵服婆娑匆匆宦况復爾奔波中州特銜英才網羅
四藩文主公道維多庚申之春應詔而起寒谷春陽
恩例不次父子同朝天倫篤至豈料季兒殤於此際
傷割之悲淚竭心灰猶賴長兒慰我愁懷盤殮日侍
杖屨追陪噫承平頗稔禍孽將媒君轉美官南冑繩
愆故鄉咫尺擬拜墓阡獨嗟父子恩愛纏綿卜日啓
行中秋月圓舟楫而南速抵江潯踐任弗及背瘡伏
虎欲奔家園風波故阻電後跋前誰能我顧君猶命
我移入官署湯藥親嘗精神無異執手不言尚冀疾

愈禍變不測竟成長逝嗚呼哀哉嗚呼痛哉君骸我
收君柩我撫北都病兒南奔哀苦鞠柩歸鄉聊遂安
妥近郭僧房謹奉香火豈料吾兒尋亦寢疾茹苦抱
痛瞑眩無益晨猶在床暮已在簀嗟我痛腸五內禱
裂嗚呼哀哉天胡不仁而致於我此極哉二人父子
偉偉乎英才堂堂乎奇理天胡奪之速而相繼爲塵
埃耶橋門翰苑官秩不殊而儼乎其仙境也何夢
逆運而不得盡錦於鄉閭也嗚呼哀哉痛哉我爲君
婦四十餘載百年之期歲月不待憶昔清閨八詠有
續玉臺文苑卷四 二十六

在今逢逆境三從誰賴嗚呼哀哉幸我壻女遠來洎
喪爰擇佳城金山之陽仲冬甲申維辰之良雙旌聯
輅玉骨斯藏潛德不磨天符共佩父子並穴泉臺飛
賁慈孝相憐苑生一致嗟我悲哀苦生人世尚冀我
靈陰祐俾家不墜俾孫有成善門餘慶指日復興臨
柩俯伏血淚如傾蘋蘩侑奠清酒在樽靈其不昧鑒
此哀忱三獻殯官永別千春嗚呼哀哉尚享

祭鮑兒文

郝賽貞

爾之亡矣倏忽一年日月易邁幽冥杳然思爾音容
淚如潺湲入爾書室塵埋几筵殘書斷簡觸目心煎
人亾物在此恨誰憐嗚呼哀哉兒邪母自戊戌生爾
頗見岐嶷汰沙得金中心自喜父母鍾愛兄弟憐恤
方能言行育養以正教讀四箴卽能領訓枕畔膝前
泠泠聲誦嗟惟斯時父運尚蹇遭家多難省祖同鄉
數月遷延祖病於床祖病甫愈便欲束裝殆至南京

續玉臺文苑卷四

二十七

毒發背瘡於時母携爾輩遠處帝鄉獨身操持艱辛
備嘗念爾幼弱擔我心慮晨興保無虞於夕息日夕
保無慮於再旦撫摩愛養望爾成人幸而父病愈止
上癸卯之歲適中大比仍遭祖喪合家南還守制故
里我於斯時欲擇爾配周詢密訪殊無可意自揆有
兒患無佳配憐之寶之事亦未遂嗚呼哀哉殆至丁
未爾父任官曹南爾方十歲挾於官邸切磋琢磨勤
勞教誨日侍家庭所親經義里巷之語鄭衛之音皆
不令接之於耳如此者蓋欲養爾性情端爾繩識以

續玉臺文苑卷四

二十八

成大望也嗚呼哀哉彼歲已酉爾兄發解京闈春榜
未遇省祭南歸復爲爾推姻事乃得故族謝氏之女
父母議之甚爲相當遣使賁書文定厥祥繼當丙辰
爾父官滿念爾長成議畢姻娶挾家南行爲我馳驅
舟車水陸冰霜崎嶇歲暮親迎喜動庭幃父母祝願
壽考維祺承我宗祀大我鐵基豈意杯蛇釀疾在脾
嗚呼哀哉痛哉丁巳之春偕上京師病尚未愈體貌
甚羸兄姊既見恠問驚疑父官萊州限有程期獨往
赴任我故不隨拳拳爲爾訪求名醫藥餌調護寢食
節宜旣頗平復得展愁眉心欲向學力或見疲母嘗
勉爾量力爲之兒之心志母亦深知嗚呼哀哉已未
之秋母兄遣爾省父來萊爾侍晨昏居餘半載父應
詔起俱爾北來見爾丰采我懷獨開不意房中父夫
提孩嗟我含飴痛淚盈腮自謂罹此凶咎必當否往
泰來夫何未久爾病復摧陰癰內毒禍已成胎庸醫
誤療婦怨誰哉兒邪哀哉痛哉爾病卧床母心憔悴
旬旬倉皇無可爲計值時盛暑夜以日繼欲爾疾愈
理不可得兒見母苦尚以言慰母聞爾言亦不忍以

死事備何期丙申之夕爾神色異骨肉相看肝腸裂
碎亦有遺言執手爲記殆至天明永訣而逝嗚呼痛
哉服親迎時之衣覆衾登時之被歲月之促號天莫
企噫先生固有命而思愛何能割耶父母在堂亦有
而兄祿養固有以樂天年者所悲者爾婦幼發無嗣
繼續爾雖付以節義之言吾不知其能金石否也噫
昭昭節義在丈夫或亦有迷於利欲者彼蠢然之陰
賢寧知節義爲何物耶吾以是切心痛腸爲爾恨也
兒若有靈尚當陰淑其心默勵其志使古人之風見
續玉臺文苑卷四

二十九

於吾門則生死者皆有光矣嗚呼痛哉與言至此注
淚成河螭蛉之子負之驟羸探之於義古人亦有求
玉他山而名不泯者蓋思爾遺言匿愛是從也適茲
期年俗禮則作佛事云爲兒超度在士夫家禮蓋無
信然者母之痛兒亦欲從俗而又止乎禮義也吾兒
生前亦能以禮自處而無信於異端者今登鬼錄矣
英魂渺渺不知在天堂耶在地府耶抑果有天堂地
府可爲之超度邪嗚呼哀哉兒之生也過隙之駒兒
之死也鰥目之魚母心傷悲重寫哀詞侑奠殯官以

盡情嗙嗙呼哀哉尚饗

續玉臺文苑卷四

三十一

祭妹婿文代子作

徐淑英

嗚呼蘭有至德忽爾改馨玉有令名倏焉毀形吁嗟
吾丈慷慨雅識手神駿逸票氣淑清勞搜百氏勸史
例經秀鍾靈蘭志凌斗星僉日偉麗玉潤金精况有
世德奕葉簪纓大夫勲業佇藉繼承胡為不祿星隕
天津黎燈掩照綠水珠沉魂騰千里鬼歸九京白也
借逝捉月騎鯨二儀高下窺其縱橫嗚呼光陰隙過
石火難延黃泉幽遠去路無程丈甫祖母痛哭撫膺
臺文苑卷之四 三十一
我之弱妹晨昏哀吟殯篋斷奏幼女誰憐烏泣夕陽
萬啼夜聲旁人側聽且斷心旌嗚呼某託內兄涕淚
沾襟追憶客歲問疾談心朝夕話言在耳猶新望爾
振翰共扶共矜詎期今日遽隕厥身臨訣呼問痛巨
可陳撫棺嗚咽疾首傷情天耶命耶皆不可明長吉
有夢伯道堪憐吁嗟悲風兮橫來苦霧兮滿振高山
兮送遠流水兮無音飛雲兮西馳零露兮未凝猿鳴
兮鶴唳花落兮鳥湮思丈兮不見兩淚兮交征愁緒
兮何極長號兮難伸神靈兮如在洋洋兮來臨

祭父文

節婦

痛夫早逝不天而天我無天而有父天而不天父棄
我乎中路我思我育情均骨肉我訓我儀露蘭霜竹
自我伏牀聚我永棠掃我琳瑯篴我玄黃歸寧饋問
歲時無間淺淺之思勤劬繼繼夫何此身生也不辰
將安將樂事變輪雲我早霜居諸幼孤孤我姑既卒
誰恃孰怙所望我父庶既我乎胡為微恙父亦長往
而今而後托于誰仰嗟夫為人之女也父其天為人
之婦天其夫夫天其父也以育我之故天其夫為終我
之圖今終我之天既絕而育我之天亦折昔不天而
天之幸遽轉而為天而不天之孽孽我之天孰遣孰
排聿我之天孰挽孰回嗚呼哀哉嗚呼慟哉枯稍號
塞兮怨析聲酸舉酒一奠兮永訣乎萬古送我父於
大坡墟兮腸裂而淚殷

祭夫文

殷氏

嗚呼吾夫制行端方稟性剛直孝於父母友于兄弟御內以禮接人以恭取與不苟語默中倫淡泊自律儉素自持與偕自髮胡久抱病不幸子天所望惟君君今長逝敢愛吾身誓以死殉斷斷不移君毋棄我方執輿輻嗚呼生則同衾死則同穴相從吾分豈以市烈聊具薄奠訴我一志惟靈有知九泉相俟

續玉臺文苑卷四

三

祭夫文

黃氏

嗚呼吾夫之生也髫年立志長涉經營無柰命途多舛每靡成而有敗遭逢不偶更受辱而寡榮公姑信嫉妬之言手足無恃時之望二叔同入贅官僅免剝膚之禍良人終身偃蹇幾遭貝錦之譏寄食窮途幸留殘喘食半菽以無餘登二鬴而不給夫庸婦庸儻供朝夕之需骨立神銷遙將甘旨之奉寓寄十有餘年凄涼百千萬狀方與白首何期中折况無後嗣倚杖何人脫珥解衣治衾棺而送殯扶輿執紼歷千里而歸窀穸靈宗祠之隅卜兆前山之古墳塋治桑信椿昭矣獨念孤能正首幸息半生於飄零爾余舉目崩城寧委敝廬於草莽雖撥蠶蒙驪姬之譖而飛霜杳齊殿之誠游覽尚逐夫蒼梧灑淚忍斑乎湘竹生陳一奠庖有餘悲尚饗

黃氏者歙方洪山妻也夫亡未七竟自絕粒歷訴生平鬱事作文祭夫文成怡然觸死于靈之下士大夫聞之無不驚嘆

祭兒文

劉二酉

屈在仲春有如芝蘭之苗秀生於二日又似桃柳之敷榮相貌清奇果非涼德者所能承受丰姿高異又豈薄福者所能鎮壓耶雖未獲承歡膝下而孺慕依依已相質于無言實頃刻不違步趨而誠求顧復已默中其心簪一啼一哭罔不關心一舉一動悉皆基念不意滿月之期方過二日竟鬼之游忽歸九泉吁嗟噫嘻造物何奪彼之速而苦我之深也杳冥蒼天

續玉臺文苑卷四

三十八

既不可問恍惚形象猶在目前徒自慟惜無濟生事輕徇小子轉失丈夫是以覩物懷人不勝觸目之慘強制柔腸難免天性之思因其始焉生也過於靈變不禁人人鍾愛繼焉死也暴得奇病不覺念念哀憐祇見朝暮冷清益增我淒愴之感襟懷空綽更添我嗚咽之悲迄今三日化爾骸骨請向西路以仙遊堂上二親送爾冥資願作轉世之貴客草創此而哭吾兒卽讀之而祭亡鬼

二酉青田之裔嫁栢蒼黃玉季寓虎林

作文時年十九歲

讀崔張傳

趙喜珠

張生者人言唐元微之亦莫可考第跡其與崔鶯行事良可嗤也始而合終而棄人情薄似秋雲次鄧如所嫌者鶯之再適也既不自愛苟託於張更不自愛再從及他亦何異朝作張郎婦暮作李郎妻者人之無良一至於此論鶯者但據剝後一乘墜朝千古第一情人若據此東鶯正千古第一負心夫也彼鶯雖當骨化形銷丹誠不滅言猶在耳盟豈忘心卽謂張不認我義已斷絕不知義雖斷而情難斷安知張之不我合也及嫁後張果以中表求見崔此時速死以謝張猶謂偷生而僅以疾拒崔果何如雖然良心猶未死也使崔亦以中表見張則向之盟言止齒頰之好音乎罪崔者崔不肯死留崔者崔不敢見若張則花間蝶耳何尤焉

續玉臺文苑卷四

三十九

讀離騷

徐德英

離騷九章九歌或有重雜無次者乍觀之覺雜亂然咏而味之字字不苟蓋皆出於忠君愛國之誠心悲傷哀怨之不已者初非爲辭藻也後世作者往往學爲蹇澁至不可讀而騷之意以矣予常考其時爲之處而不得也彼以君昏而懷以臣佞而誚適他國也則宗臣無去義欲隱嘿則心不能忍唯死可以安耳視其涉江哀郢惜往日諸篇尤爲切至慘不可讀其

臺文苑卷之四

三十八

忠義慷慨之氣足使人感動興起君子有言爲人君

臣父子不可不知春秋予於離騷亦然

讀史一

明徐德英

孔子曰魯之郊禘非禮也周公其衰乎禮莫大於正名分諸侯已得行天子之禮矣季氏旅於泰山卿大夫之僭諸侯之禮也又何怪乎

讀史二

秦始皇恐匈奴爲禍役民以爲衛而亡國者胡亥項籍恐義帝之爲害而弑之而卒以是敗亡曹魏恐陳思之生變沒身禁錮而出移於司馬宋文虞彭城之

臺文苑卷之四

三十九

作亂誅戮不疑而身殞於凶劬明帝以疑忌剪刈兄弟而蕭道成滅其族蕭鸞屠戮宗枝而梁武覆其社隋文帝操宇氏之種嗣而躬被弑於愛子唐太宗殺二王之子孫而後嗣幾滅於妾婦周世宗除諸將之強壯者而國竟傾於宋藝祖嗚呼孰謂天道遠歟

讀史三

李太白不喜孟子多誹毀之後世非之予謂孟子當天下交利之時獨倦倦以仁義爲說固非當時遊說之士可比而盱江之意亦有所在未必盡不是也周

天下之共主也孟子未嘗一至焉乃慙慙於齊梁之
僭王告之以王者之道信斯言也其置周何地乎若
孔子必無是矣然孟子歷聘列國而終不遇後世不
以爲卑汚文中子獻策文帝後世疵議之不置嗚呼
豈尚論之當歟

讀史四

唐賢臣前有房杜狄張後有姚宋李裴然出處之際
吾臣之義均有慚德矣其無愧者其陸敬輿乎顏魯
公乎知無不言言無不盡官公也殷身成仁舍生取
義者文忠也然保身之智有遺恨矣

臺文苑卷之四

四十一

讀史五

唐僖宗之際王綱解紐藩鎮跋扈皆有朶頤羊昝之
心獨李克用不失臣節亦空谷之足音然始則冠忻
代以倡亂中則恃強兵以要君終而君父西遷危迫
求救不能奮袂以赴國難徒擁大衆以自封植史謂
唐能臣其然豈其然乎

琴問

徐淑英

徐氏偶彈琴於貞寢堂有嫗聽罷問曰琴有說乎曰
有琴者禁也禁邪心也又曰胡之何人曰伏羲氏始
曰長三尺六寸六分者何曰象三百六十有六日廣
六寸者何也曰通六合前高後狹何也曰象尊卑止
圓下方何也曰圓象天方象地是故迅雷疾雨不彈
以天地不和也十二徽以應十二月曰十三徽者何
曰中徽爲君象閏月曰聞古琴五絃今琴七絃者何
曰文王武王各增一絃大爲君小爲臣徽高五分者
何曰象五嶽鳳池四寸龍沼八寸又何曰四寸象四
時八寸通八風曰昔昭烈過潭溪聽德操鼓琴何以
卽知有英雄竊聽曰此亦仙耳至若閔子聞知有感
中卽入辯殺音豈初學之所可企曰安道何以破琴
曰彼不爲王門之伶人河汾之叟何人乎曰亦賢而
隱知音之輩伯牙何以絕絃曰鍾期旣去高山流水
誰復能知鳴琴可以治耶曰畢父之宰是已能辯琴
絃之斷者何人曰蔡邕之女琰也琴名亦同乎曰不

同庖羲曰離轍伯皆曰焦尾伯牙曰遞鍾亦有曰號
鍾曰綠綺曰操固不同亦有爲乎曰有其操固難枚
舉若虞帝之南風爲閭閻歌也宣廟之倚蘭爲招隱
作也尼父顏回爲悼道無傳也師曠陽春爲法素女
奏五絃也如猿鶴雙清石楊休解組而賦客應夜話
誠意伯明農而成也言已嫗振衣謝曰不聞爾言幾
爲琴障請述以志不忘

綠窓語

秦氏

天地生人付以弱質蓋假此娉嬈陰陽轉續人世之
命脈焉耳乃嗜焉者溺之以爲惟如飲醇醪不知其
醉如焉者驕之以爲樂如競好爵不知其他迷焉者
驕之以爲痴如入鬼錄不恤其斃繼焉者得之以爲
美如遇奇珍不差其汚天下如是之丈夫如是之婦
人恣情忘義等志滅中大失天地化育生人之意

警世語

王臺文苑卷四

四十五

彼美丈夫德義外不着閒想彼淑女子貞信中獨全
此身丈夫快事最多奚以得女爲樂女子育嗣足矣
稍徇則戕人之生伐人之國毀人之家天地陰陽之
靈氣豈以供人戲弄之資哉弄天地陰陽者天地以
爲不祥不祥而能自保者從古無有

二則至理名言可當座右箴發人無限猛省慎勿輕

易閱過也 丙辰六月辛酉前記于溪川村舍

玉臺文苑八卷續玉臺文苑四卷

兩淮馬裕
家藏本

玉臺文苑明江元禮編續集江元祚編二人兄弟而元禮自署曰醴陵元祚自署曰橫山疑元禮自托江淹後襲其侯國之名也其書錄女子之文自周訖明中間多采小說傳奇如張麗貞上太守書之類至爲猥雜又如魏文帝寡婦賦序曰爲丁廙妻作此乃直作丁廙妻梁元帝爲妾宏夜姝謝東宮賁合心花釵啟此乃直作宏夜姝又訛姝爲珠宋李清照卽李易安此乃分爲二人唐侯莫陳邈妻鄭氏乃三字複姓此乃訛爲陳邈又如漢武內傳神仙傳真誥之屬皆純構虛詞托言神怪此本乃題曰漢西王母漢上元夫人漢麻姑晉右英夫人晉九華安妃尤爲不經矣

元四大家詩集二十七卷

〔明〕毛晉編

北京師範大學圖書館藏明崇禎毛氏汲古

閣刻本

附《四庫全書總目·元四家詩

二十六卷》提要

虞伯生詩目錄

卷之一

味經堂詩

題宋誠甫侍郎垂綸亭

高彥敬青山白雲圖

趙忠簡公祠堂詩

賦衛節婦王夫人

題學易齋

諼草生竹間

伯生詩

目錄

汲古閣

高竹臨水上

月出古城東

書上京國子監壁

至治壬戌八月十五日榆林對月

憶三十年前與元復初參政同賦秋日梨

花元有句云朝食葉底梨莫看枝上花

而忘其後句因續之云

李老谷

泰定甲子上京有感次韻馬伯庸待制

賦水木清華亭

天曆戊辰前續詠貧士 一首

又一首畬舍弟見和

後續詠貧士 四首

觀花有感

赤城館

同閣學士賦金鴨燒香

退直同柯敬仲博士賦

送良上人賦得井上桐

伯生詩

目錄

汲古閣

送吳子高

于仲元舍賦紅梅

寄題新冶亭

題儋耳東坡載酒堂 二首

盜發亞父塚

應制題王拙画吳王納涼圖

步虛詞 四首

題商學士畫

贈藝監小吏

記子昂畫

送西臺治書仇公哲

送張道士歸上清

日出行

贈治冠者

贈寫真佟士明

寄陳衆仲助教上都作

贈鐵庵道者 二首

題商德符華山圖

伯生詩

目錄

汲古閣

寄幻庵主者

賦茅山道士雲松巢

酬上清道士鈔陰何詩

題李旣之學士白雲半間

題浴日觀

爲范尊師賦雲林清遊

吹笛圖

送甘以禮調官歸鄉

送李彥方閩憲

題鄭秀才隱居

題朱邸竹木

詠史

画古木

賦蘇伯修滋溪書堂

題薛外史瓊林臺

送張兵部孟功巡河分題得屋上烏

題彭澤陶氏家譜

卷之二

伯生詩

目錄

汲古閣

賦洛川老人九十

張令鹿門圖

子昂画馬

湛湛行

家兄孟修父輸賦南還

子昂墨竹

商德符画幽篁古木

吳郡陸友仁得白玉方印其文曰衛青臨

川王順伯定以爲漢物求賦此詩

爲達兼善御史題墨竹

画鶴

題画

寫廬山圖上

題旦景初僉司画

題柯敬仲画

白翎雀歌

敬仲画扇

題簡生画澗松

伯生詩

目錄

汲古閣

題李受益承旨作東平章萬戶繼志堂後

題柯博士画

題高彦敬尚書趙子昂承旨共画一軸爲

戶部楊侍郎作

題灤陽胡氏雪溪卷

題楊友直檢校所藏李營丘枯木圖

題詹圖老梅圖

酬蕭侯送蒲萄

題衮塵騶圖

林臯亭

題子昂長江疊嶂圖

挽胡伯恭令尹 二首

題雪谷曉行圖

送先隴二鄰僧還吳 二首

節婦王夫人劉氏

次韻阿榮存初參議秋夜見寄

雪谷早行

雪岩樓觀

伯生詩

目錄
六

汲古閣

送人之劔閣倅

寄子山尚書

漫興

送張尚德

寄丁卯進士薩都刺天錫

送趙繼清令尹之官安陸

明皇按樂圖

送長沙守

送趙編修祀西嶽江瀆

代衆仲作

題宋雲舉太常臨汾二節婦序後

送王照磨之官雲南

玉堂燕集圖

寄荅桂風子先生

寄莆田先生

鄭谷圖

画檜

李貞嶠墨竹

伯生詩

目錄
七

汲古閣

爲歐陽少監題宋好古竹

贈楊友直

題朱邸竹木

寄阿魯疊學士

赤壁圖

題況肩吾縣令贈行卷

送朱萬初之廣東照磨

八月八日有感題視草堂壁

賦程氏竹雨山房 二首

戲作試問堂前石 五首

代石答 五首

送魯子暈廉使之漢中

立春夜試墨

蜀人曲江之官贈以墨竹

正月十一日朝回卽事

贈別兵部崔郎中覲還高麗卽回中朝

次刁筠軒司徒足成旦公所藏英宗御題

之句元題曰日光照吾民月色清我心

伯生詩

目錄

汲古閣

又題琴曰至治之音

次刁李侍讀東平王哀詩

慶史顯甫治書父八十

送國王朶而只之遼東

送陳碩

奎章閣有靈壁石奇絕名世御書其上曰

奎章玄玉有勅命臣集賦詩臣再拜稽

首而獻詩曰

送南宮舍人趙子期宣詔交趾

卷之三

送袁伯長扈從上京

代祀西嶽至成都作

贈星上人歸湘中

子昂秋山圖

題黃竹村所藏画卷

過池陽與周南翁同知

安慶路雙蓮寺得上人超然亭

謝茅山主者贈白羅襪衣請爲作大洞祖

伯生詩

目錄

汲古閣

宗師四十五贊

送莫京甫廣憲經歷

集與諸公遊尚書何公山莊公孫斯明先

爲剪雉荆榛并致酒饌遂得瞻敬尚書

墓道盡日乃還偶成四詩酬斯明兄弟

并簡同遊者

黃氏妹之葬余以他故不及送之既葬之

明日仲常弟與譚元之表姪述事興懷

形諸詠嘆後十餘日始得併見諸公和

章集憂患之餘觸事易於傷感俯仰存
歿不覺清涕之交頤也依舍弟韻亦述
二章一以示黃氏諸甥一以寄元之表
姪

題故太子少傅翰林承旨李野齋幽居圖
送江聲伯

歐陽元功待制入院後僕以兼領成均辰
酉甚嚴絕不得相見今夜當同宿齋官
賦此先寄并柬謝敬德修撰

伯生詩

目錄

汲古閣

次韻張蔡國公淡菴青山寺詩

次韻國子監同官 二首

次韻馬伯庸寶監學士見貽詩并簡曹子

貞學士燕信臣待制彭允蹈待制 二首

鼇峰者國史院庭中石名也伯寧御史爲

僕言自其先公時與諸老名勝賦詩者

蓋數百篇今玉堂無本而御史家具有

之且曰峰所托差低盍稍崇其地乃八

月五日旣克如命因賦此以報且請錄

示舊詩補故事以傳云

進講後侍宴大明殿和伯庸贊善韻 二首

十一月二十夜思仲常弟 二首

次韻道士竇神清賦舜粟

太一道士張彥輔族本國人從玄德真人

學道妙齡逸趣特精繪事爲其友天台

徐中孚用商集賢家法作江南秋思圖

東觀大隱蜀虞翁生爲賦此詩

贈竇神清歸隱茅山

伯生詩

目錄

汲古閣

題南野亭

送貢仲章學士奉祠嶽瀆

次韻吳成季宗師赤城阻雨

次韻伯庸尚書春暮遊七祖真人菴兼簡

吳宗師 四首

送宋誠甫太監祀天妃

觸石墜馬臥病蒙恩予告先至上京寄漚

之學士敬仲參書 二首

閒閒宗師和前韻期望過當復用韻以謝

二首

雲州道中數聞異香

次韻楊友直北行道中

王儀伯參政見和郊字韻詩復用韻序謝

二首

十月十六日奎章奏對回至李旼之學士

宅宜旨行香孔林按上得佳紙因賦此

詩并得其鎮紙王蟾

次韻馬伯庸尚書

伯生詩

目錄
十二

汲古閣

送甘太史祀名山大川

就甘太史并寄天台武夷太無三君

子昂墨竹

二十五日即事呈閣老諸學士

賦胡氏皆山

賦礪山成簡卿心遠亭

送全州錄事

與衆仲助教讀王臨川遺事慨然興懷良

上人口蔣山善公求送行因爲賦此

玉堂讀卷

謝吳宗師送牡丹并簡伯庸尚書

和范德機從楊撫進士見寄

送進士劉聞文廷赴臨江錄事

大廷策士問經世之道僕忝在讀卷之列

觀諸進士所對有感賦此錄以贈別鐫

性粹中支渭興文學二賢良

羅朋友道擢高科拜官還崇仁賦此爲別

贈趙生

伯生詩

目錄
十三

汲古閣

贈昇龍觀主

訪李真人不遇

賦壺洲

完哲篤下第歸蜀

吳宗師夢予得山居奇勝特甚夢覺歷歷

分明忻然相告賦此

答李簡伯司直分俎

次韻朱本初訪李旼之學士不遇

寄趙子敬平章

仁壽寺僧報更生佛祠前生瑞竹有懷故

園四首

題張太玄爲陳升海画廬山圖

別國史院鼇峰石二首

神鳳琴

繼陶居士傳

謝書巢送宜和瀘石硯

送蘇伯修御史

次韻柯玉文寄別

伯生詩

目錄
十四

汲古閣

謝書巢惠梅花

再用韻簡巢翁

送玉泉長老栗木果

送王君實御史

寄句曲外史張伯雨

寄答馬昂夫總管

觀大洞經書與董道士

送劉宗師歸茅山

與薩都刺進士

送歐陽元功謁告還瀏陽二首

送王師魯編修祠南鎮

次韻楊友直

題東平王與盛熙明手卷

和馬侍御西山口占

到先隴爲墓人書

八月十五日傷感

題暖翠亭

送許有孚赴湖廣提舉

伯生詩

目錄
十五

汲古閣

賦石竹

集爲朶兒只慎齋平章題紫微亭用王右

丞語也并賦詩一首奉寄

賦碧筠堂

奉同吳宗師賦蔡七祖新齋

次韻吳宗師

寄來鶴亭主人

送王中夫赴安慶教授

送張兵部巡視運河

謝吳宗師惠墨

再和 二首

三用韻答巢翁就以奎章賜墨賜之

四用韻寄吳宗師奉祠城東岱祀其一謝

夏真人送海棠一枝 二首

謝吳宗師送牡丹

題著色山圖

題熊太古畫

送趙伯常自中臺出貳淮憲

伯生詩

目錄
十六

汲古閣

題淨慈書記

送趙秉彝因王君實末章以起句

題畫

城東觀杏花

題張希孟中丞送畢提點申達卷後

寄海南故將軍

次韻宋誠甫學士城南訪病莫歸

寄泉南三老人

次韻答衆仲助教相壽之句

題康里子山尚書凝春小隱六韻

次韻杜德常博士萬歲山

次韻宋顯甫

燕陳公子宅贈燕學士

宣和墨竹寒雀

上馬

題且僉司所藏慧甄腐瓜行蟻圖

雙鴛圖

畫扇雀竹

伯生詩

目錄
十七

汲古閣

畫扇柳蟬

畫雙蝶

商德符畫松

河梁泣別圖

題蒙古松壑圖

捕魚圖

子昂畫 二首

雜寫 七首

題柯敬仲雜畫 十五首

題李旼之學士湖上諸亭

烟蘿境

金潭雲日

漏舟

紫霞滄洲

秋水觀

無倪舟

紅雲島

蕭閒堂

伯生詩

目錄
十八

汲古閣

松關

大千豪髮

觀心

題熊太古画
二首

敬仲竹樹古石

題柯博士九疑秋色圖

題柯士画

卷之四

次韻竹枝歌答表伯長
三首

水夫容

水夫容

送四川憲使
五首

曹將軍馬

舊屋

誰家

馬圖

先君大史棄諸孤之四年集來吳門省連

州府君大墓始見叔父南山翁翁與集

伯生詩

目錄
十九

汲古閣

同出太師雍國公蓋四從矣翁曰後會

未可期幸畱數語識歲月翁方客授外

鄉又以推人生年月日論禍福以助道

故不能久畱城中敢用賦此以承命云

耳
三首

王母圖
四首

竹杏沙頭鵲鵲

閩州海棠

画猿

記夢中詩

祝融君紫虛君率子廉 三首

題周東陽進士爲南郭園林記後

維摩

錢舜舉折枝夫容

商德符小景

天曆改元十月題子昂馬

寄馬伯庸尚書

商德符小景

伯生詩

目錄
二十

汲古閣

賦故宋李忠襄公植烏石渡舊隱

訪杜弘道長史不值道中偶成

聽雨

春雲

與趙子期趨閣

王堂讀卷雜賦次韻 三首

題陳衆仲助教送人之官南平序後

院中獨坐

題歐陽原功少監家柯敬仲画 二首

子昂人馬圖

紹興間臨安士人有賦曲一春長費買花

錢日日醉湖邊玉驄慣識西湖路驕嘶

過沽酒樓前紅杏香中簫鼓綠楊影裏

鞦韆晚風十里麗人天花壓髻雲偏画

船載得春歸去餘情付湖水湖烟明日

重扶殘醉來尋陌上花鈿思陵見而喜

之恨其後疊第五句重攜殘酒酸寒改

曰重扶殘醉因歐陽原功言及此與陳

伯生詩

目錄
二十一

汲古閣

衆仲尋腔度之歌之一再董此字求書

其事因書之并系以此詩

題画古木

八月十五日得旨先歸驛騎在門復召還

草詔十七日至桓州驛壁

子昂幽蘭修竹

子昂竹石

画竹石 二首

酬書巢送棕箒

子昂画

送上黨長

画馬 二首

画羅漢

題納涼圖

題画

題趙子固山礬瑞香水仙蕤蕙

息齋竹

冬至前一日答吳宗師

伯生詩

目錄
二十二

汲古閣

題吳彩鸞所書唐韻

壬申芝亭春帖子 四首

華萼樓宴集圖

爲歐陽學士題子昂墨竹

二首

送道士趙虛一歸金陵

題子昂春江聽雨圖

賦思州田氏楊夫人栢舟堂

次韻杜德常典籤秋日西山有感

四首

題柯敬仲雜画

黃筌夫容乳狗

題柯敬仲画

題蔡端明蘇東坡墨蹟後 四首

題著色山圖

題東坡帖

題張彥輔小景

題李氏青溪精舍

題李氏浩然堂

聽雪軒

伯生詩

目錄
二十三

汲古閣

放鶴亭

臘日偶題 二首

無題

與陳升海

與陳道士

題扇與周幹臣

卷之五

環洲詩爲蔡天璧作

冰雪相看亭

竹林七賢圖

竹溪六逸圖

題汪華玉所藏蘭亭圖

寄題曹元賓尚書臨流圖王繼學叅政画

玉隆畱題

黃堂畱題

記夢

次韻陳溪山樓履 三首

浮丘公吟寄赤城陳道士入山有遇爲溪

伯生詩

目錄
二十四

汲古閣

山壽

爲變理普化題陳立所作龍眠山圖

和陳溪山韻

和陳溪山送蘭花韻

送空岩印公還徑山

題張觀海所攜虛舟竹所二毛圖

送龍翔高獨峰上人還金陵

送海東銛上人十首

楚石琛藏主自蔣山歸却欲就叢林閱藏

同舟清江之上賦此贈之

題東郊山房

題蒙菴爲黃石谷賦

爲黃氏賦大雅詩

已卯十月廿二日從宜春郡懷嚴伯威觀

南軒新閣登舟有賦却寄同游者劉粹

中賢良

秋堂 二首

題雪泉齋

伯生詩

目錄
二十五

汲古閣

平江開元雪總光禪師訪予臨川山中其

歸也予與賓客用一雨六月涼中宵大

江滿分韻送之不足予爲繼之而予分

得一字

賦彭氏靜深堂

秋山行旅圖

爲題馬竹所九歌圖

清明山房爲危太朴作

次韻太朴良友對何仙舟讀書山中見懷

之作

卷之六

江樓看劍歌書趙子昂劍銘後

劉忠肅公之四世孫中書舍人諱震孫之

曾孫益之題其居曰雲松巢予家與劉

氏累世之契故爲書忠肅公文集之首

詩三篇并賦此詩與之

吳興趙子昂十馬圖

画馬

伯生詩

目錄
二十六

汲古閣

題画

空山歌

爲變玄圃題鰲溪春曉圖

題馬竹所画

霍元鎮規模董北苑米南宮父子寫山水

雲物殊有標致見示春江捕魚圖賦此

南岡

題何大夫画馬

同開先南楚悅禪師觀息齋画竹卷於崇

仁普安寺煜公之禪室蓋煜之師一初

本公所藏也因記延祐甲寅息齋奉詔

寫嘉熙殿壁南楚與之同寓慶壽寺惠

子時爲太常博士俯仰之間已爲陳迹

乃題其後云

題村田樂圖

柳塘野鴨

丙吉問牛喘圖

江貫道江山平遠圖

伯生詩

目錄
二十七

汲古閣

爲汪華玉題所藏長江萬鴉圖

盤車圖

贈羽士費無隱

題漁村圖

題韓幹画馬

題黃都事仲綱山居溪閣圖二首

題秦號二夫人承召遊華清宮圖

方壺画山水歌

示固

玉隆宮所藏宋乾道宸翰雲壑二字

寄忽承旨

寄三衢守馬九臯

題朱澤民山水

寄題汪道士草亭

黃敬延送竹本

聞鴈

錢舜舉画

山水圖

伯生詩

目錄
二十八

汲古閣

丹霞觀黃知微畱別

題馬竹所画

題曹霸馬

答陳溪山元日卽事

送客北門晨登山水閣

次韻陳溪山
二首

杏園詩爲黃思順賦

寄題樓撫山普潤禪寺

寄題許愿夫抗雲樓

贈劉無作

又贈劉無作

卷之七

與變元溥登仙遊和李浩卿韻

陳可復爲予寫戴笠圖賦詩四首

仙遊道士余岫雲爲從珠溪余隱士求得

華山下黃茅岡一曲規作丹室喜而賦

之不覺五首

崇仁監邑阿里仁甫茉莉花盆中折竹插

伯生詩

目錄
二十九

汲古閣

之而生枝葉近年翰林學士蔭公謙齋

作御史時亦有此瑞朝之士大夫引寇

萊公故事以爲徵名其堂曰瑞竹而咏

歌之蔭公仕東南歷郡守部使者所至

有仁政著清節美名耆壽今爲中朝老

臣瑞蓋不虛發也仁甫長邑三年清介

明恕孚于上下此竹之生父老庶士爭

走山中相告因取而觀之略寫其狀賦

詩以美之

撫郡天寧明極覺講主陪敬齋監郡奉祠

華蓋特有高詠三讀敬嘆僕偶共清游

輒復次韻衰退不工聊資笑粲

鄧公信吾契家賢弟比奉憲臺書幣存問

衰朽于山中其還也無以爲餞賦此與

之二首

安成劉雲章漢章兄弟兩秀才來訪一長

書一長詩皆有志文學賦此爲別

壽陳溪山生日

伯生詩

目錄
三十

汲古閣

秋日同朋游北塔山

三首

送尼山廟學彭山長

游洛湖田舍

題范德機詩集後

溪山翁所居與小雅易君相近翁與余賦

詩易君之季子至善輒隨錄之遂成巨

帙賦此以答其美意云爾

題徐孟俊屏山閣

送易用昭

和陳溪山雪中雪晴

二首

和陳溪山立春後三日卽事

寄陳奉常

集自郡城歸溪山翁寄詩并和申字韻垂

教依韻再呈殊愧遲拙

二首

謝陳溪山送蛾眉豆種

已卯秋舟過清江憶范德機

二首

宜春臺晚眺

廬陵歐陽德器游京以所藏先世誥敕見

伯生詩

目錄
三十一

汲古閣

原功於玉堂賦此以送之

送黃子昂

書武進縣學記後

已卯臘八日雪爲魏伯亮賦

二首

寄賀吳宗師七十壽旦

二首

和陳溪山元日後雪

和吳先生韻

和天師韻

自和韻

贈武夷道士羅鑑空兼憶范德機

題張采石新造觀瀾亭

某與胡伯友書問疏闊稍久因楚石藏主
待謁翹仰高誼賦寄此詩

贈楚石藏主謁饒心道六有先生

十月朔旦同監邑大用暨僚屬游北塔山
九月與薛玄卿外史會于黃氏溪園陪坐

溪山先生玄觀古仙像

會後將登華山按茆岡玄卿先往候予至

伯生詩

目錄
三十二

汲古閣

予與玄卿相遇山下別後和朱德嘉韻奉

寄重厘賡和再用韻奉謝

和朱德嘉登華蓋山有賦韻寄薛玄卿和

詩未成登山已遇玄卿下山道中足成

以寄

縉山張君榮字仲華來丞撫之崇仁歷兩

政六年心平氣順上下相安如一日雖

有遠役重勞亦無闕事甚可稱也予之

閒居相愛如故舊每懷扈從東道往來

縉山道中見其風土之勝民俗之美未

嘗不談道以爲樂於其受代調官京師

因記之以詩而與之別明年進秩南來

觀舊治父老兒童相迎於東門之外又

當歌此以爲一笑之歡也

三首

集家世以文學爲業亂離顛沛憂患困苦

無敢失墜然學未成而出早涉筆爲文

應事而已人或以爲能自知其不足也

歸田以來稍得安閑而目疾相嬰學不

伯生詩

目錄
三十三

汲古閣

加進於立德立言之事無有乎爾也是

以所作事過卽罷不復記錄至元庚辰

冬臨川李伯宗黃仲律來訪山中拾殘

稿于敝篋得粗可屬讀者二百餘篇而

錄之賦此以謝

答黃仲律學文之問

重題環翠亭爲李浩卿作

答馬竹所見示詩韻

二首

送吳文明

冬至後陳溪山貺以佳句謹用韻奉答

雪夜有懷華蓋山王玉玄

答盱江聶空山 二首

寄和吳開閑大宗師

答吳宗師壽稀年詩韻 三首

送撫郡經歷海朝宗調官 二首

寄趙知微廉使

題致爽樓

東坡墨竹

伯生詩

目錄
三十四

汲古閣

白雲閒上人度夏

寄龍翔寺訢笑隱

寄魯學士

答甘允從寄海東白紵

次韻董子羽見寄 二首

次韻答聶空山

寄貞居張先生

孫宰金碧山水

甲戌四月十七日至臨川冲雲寺祝聖壽詩

齋罷爲賦此詩

蜀人錫夢良效楊補之掀蓬阿

寄吳思可廉使

寄南安燕信臣總管

遊仙遊山賦詩

方壺作仙遊山圖

畚錢翼之

次韻聶空山送杏

和陳溪山春雪見貽

伯生詩

目錄
三十五

汲古閣

予少年過薊門酒樓賦此題曰連十八書

郡人疑其爲呂洞賓詩也謾記於此

卽事 四月十六日

目疾偶成 二首

柯敬仲画古木疎篁

答盱江石門江秀才

夢吳成季真人見訪夢中作

嘉平歲望陳谿山白山齋還邑月下獨步

有賦 二首

題馬竹所照磨捕魚圖

李伯宗錄詩

壽陳溪山生日

鶴

二月雪與陳齊賢

閩憲克莊以故舊託文公五世孫明仲遠

徵鄙文老退遺棄散逸荷伯宗用昭止

善浩淵子勗至善及余表姪孫陳誼子

兄子豐仲弟之壻賈熙用昭之從子

伯生詩

目錄
三十六

汲古閣

大年等十餘人寒冬連旬日夜錄之得

五十卷亦已勞矣賦此爲謝

送朱明仲歸建安并簡貳憲幹克莊

送王公輔遠遊

題趙師舜謝安遊東山圖

活水源爲王欽道賦

夜宿周氏簡饒復心李伯宗

贈朱萬初之官建寧

題汪華玉子昂蘭石

四首

題黃與可所藏錢舜舉瓜圖

題趙師舜光風轉蕙汎崇蘭圖

春妍帶雪圖

江村秋晚圖

題饒世英所藏錢舜舉四季花木

海棠

黃蜀葵

芙蓉

家茶

伯生詩

目錄
三十七

汲古閣

題趙師舜所藏雪竹圖

題饒世英所藏孤鶴圖

贈朱萬初

四首

卷之八

雪後偶成

二首

自贊題白雲求陳可復所寫像

築室

客有好仙者持唐人小遊仙詩求予書之

惡其淫鄙別爲賦

五首

子昂竹	子昂蘭石	夢蟾圖	唐五王出遊圖	八駿圖	射獵圖 <small>二首</small>	題白玉蟾像	題大別山柏圖	答趙秉彛送地黃膏	伯生詩 <small>目錄 三十八</small>	酬張用鼎	題關尹問道圖	中秋前偶賦 <small>四首</small>	次韻答魯子暈叅政	題赤城站壁	又和赤城壁韻	秋夜有作	玉龍圖	郭熙畫木
									汲古閣									

浙西提舉陳衆仲以其省之命請考秋試 其還也賦此贈之 <small>五首</small>	贈閒白雲	無題	題亡弟嘉魚大夫與眉山奴詩後 <small>二首</small>	書蘭亭後	題黃敬申虎圖	聞機杼	賦玉簪花 <small>四首</small>	伯生詩 <small>目錄 三十九</small>	溪橋踏雪	奉答吳仲谷見寄兼簡許愿夫 <small>三首</small>	賦范德機詩後	題文丞相詩後	次韻陳溪山春日卽事 <small>三首</small>	題呂洞賓見滕子京像	題魏受禪碑	崇仁邑士吳景永客授齊安寓定惠院書 來報寺之海棠東坡所爲賦詩者今二
								汲古閣								

百五十餘年枝蔓復盛住山明月溪增

葦坡翁舊寓并錄所賦爲寄偶成三章

答之并呈幹公克莊部使者云

次韻東山鳳栖別墅四時詞

四首

臨川艾蜚英茂才求書北游京師荒山久

病筆墨盡廢偶有近詩二首寫寄國

史侍講祭酒先生數千里外一笑契舊

有同在者共一看之亦知衰朽託庇無

恙也

二首

伯生詩

目錄
四十

和陳溪山韻

二首

汲古閣

題樓攻媿織圖

三首

送程以文兼柬揭曼碩

三首

西郊草堂圖爲從子豈作

四首

至正改元辛巳寒食日示弟及諸子姪

二首

寄成都孝成姪

寄吳門弟姪

寄子安民從子宣

癸酉歲晚留上方觀

四首

葵榴雙鳧

題明皇按舞圖

題昭君出塞圖

題陳氏遠塵樓

偶成

三首

桂亭

二首

田舍

題漢孝宣受貢圖

答饒心道

四首

伯生詩

目錄
四十一

汲古閣

題約牖爲譚無咎賦

四首

別變玄圃後重寄

聞變玄圃除御史

變玄圃除御史後寄蕭往淵巡檢

題趙子固梅

古檜

題夢良梅

留易小雅樓促陳溪山同飲

和陳溪山櫻桃

留題龍門寺 四首

補遺

題周怡臨韓幹明皇出游圖

明皇出游圖

端午賜大長公主

董元夏景山日待渡圖

徽宗画梨花青禽圖

趙千里小景

燕文貴小景

伯生詩

目錄
四十二

汲古閣

趙千里出峽圖

蘊能羅漢圖

白樂天重屏圖

陳閔画中宗射鹿圖

羅漢圖

韓幹馬

曹霸下槽馬

韓晉公浼土星像

柯博士画扇

胡虔取水蕃部圖

滕昌祐香睡鵝圖

伯生詩

目錄
四十三

汲古閣

虞伯生詩目錄 終

虞伯生詩卷一

明虞山 毛晉子晉 訂

味經堂詩

有序

國子祭酒魯公伯子暈父作味經堂自爲
記以勗其子遠公嘗命遠從予遊故賦此
詩

維昔玄聖有子過庭學禮學詩詔之丁寧面牆之
室繇不知味親能使學不能使嗜觀于德容聽于
德音詠歌周旋實悅我心邈乎千載聖往言在舍
伯生詩

卷一

汲古閣

而不求匪往斯殆畏友暈父窮經篤行既有諸躬
思貽厥成既苗既畚俾稼之食既畋既漁之
實作堂高明曰子遠來吾經在茲遠其味之始予
虛匍匐來食茹草飲水以禦朝夕窮人得歸自
我父師俛焉斯文老至不知煌煌靈芝如彼嘉玉
薄言采之在彼中谷南陽之人來詹來言君子豈
弟宜其後昆

題宋誠甫侍郎垂綸亭

岷源建高駛無游舠漢會其委安流滔滔爰有君

子垂綸其下雖不得魚意甚閒暇援繭引楫至于
中沱蔭樹以休悠悠永歌逝波汙汙不轉維石樂
茲忘憂矢言不食烝然雲興風舉以高駝翔中天
遺景九臯木其落矣魚亦潛渚晷言夙好除于風
雨風吹衣裳彼爲栖栖行吟望子寔勞我思山有
榛棘河有鯉鯉豈其飲泉必冷之美君子冠純秩
秩大經洞有清酌可以濯纓

高彥敬青山白雲圖

兩崖之間曾不容舠白雲悠悠與山俱高

伯生詩

卷一

汲古閣

趙忠簡公祠堂詩

皇元至順三年春解州聞喜縣學用禮部
符祠其鄉先生故宋丞相趙忠簡公公六
世孫國子博士寶翁求虞集作迎送神詩
山河邈悠宗國爲虛騎箕來歸懷此故都鳴梟在
樹飢鱷在渚閼宮不存公食無所董澤之陂有蒲
與荷子孫具來式燕以歌瞻彼洛矣其水泱泱斯
文在茲俾也可忘

秦檜旣貶趙公於海南隨使人逼殺之公

臨終從所寓寺僧索素帛一方書其上云
身騎箕尾歸天上氣作山河壯本朝以付
寺僧而絕聞喜之董澤公鄉也

賦衛節婦王夫人

汎汎淇水岍有佳竹閨門嚴嚴樂爾貞獨泛泛淇
流岍有松舟閨門間樂爾貞幽汎汎淇右有堂
孔阜娟娟貞幽肅肅眉壽淇原有泉可濯可沿亨
萬勺尊樂爾高年高年樂止亦有孫子式歌衛風
以告國史

伯生詩

卷一

汲古閣

題學易齋

其人將詣孔林

惟學易君子慎其齋居動息有存起處是於奇耦
玩畫方負視圖書循靜始夜根動初罔不在中日
居月諸乃秉元化以時盈虛共惟玄聖啓我後愚
載瞻巍巍魯林鬱如

護草生竹間

護草生竹間翠色相綢繆美人欣有託君子故忘
憂昔聞有鳴鳳飲水來丹丘不食衆木實樂只淇
園秋

高竹臨水上

高竹臨水上幽花在崖陰以彼貞女姿當此君子
心春陽不自媚夕露忽已深湘妃昔鼓瑟悵望蒼
梧岑

月出古城東

月出古城東海氣浮空濛車騎各已息宮闕何穹
隆牧馬草上露吹笳沙際風帳中忽聞鴈傳令轂
雕弓

書上京國子監壁

伯生詩

卷一

汲古閣

神京極高寒幽居了晨夜雷風無時發零雨每飄
灑炎光不到地蕭爽度長夏大化漠無宰豈必事
陶冶楊雄不曉事守道栖栖者玄經百無徵白髮
謾盈把

至治壬戌八月十五日榆林對月

日落次榆林東望待月出大星何煜煜芒角在昴
畢草樹風不起蛩蛩絕啁啾天高露如霜客子衣
盡白羸驂齟齬餘棧癡婦泣幽室行吟毛骨寒坐見
河漢沒驛人告晨征瞳瞳曉光發

憶三十年前與元復初參政同賦秋日梨花
元有句云朝食葉底梨莫看枝上花而忘其
後句因續之云

朝食葉底梨莫看枝上花花開食實後霜風振長
柯遠水良可鑒彩雲亦易過念爾白於雪日莫當
如何

李老谷

十轉山崦交九度沙磧溜始辭平漠曠稍接山木
秀老病畏行役慰藉得良靚秋嶺晚更妍寒花畫
伯生詩

卷一
五

汲古閣

如繡故園夫如何朝陽眩霜袖

泰定甲子上京有感次韻馬伯庸待制

翰音迎日轂儀羽集雲路寂寞就書閣老大長郎
署爲山望成岑織錦待盈度我行起視夜星漢非
故處

賦水木清華亭

中流泛蘭柁望彼嘉樹林落日蕩野水浮雲生夕
陰游魚戀芳藻好鳥鳴幽岑爲樂恐易老吾將脫
朝簪

天曆戊辰前續詠貧士一首

目昏畏附火枯坐寒窗中破褐著絮重虛豆兼冰
崇病骨於此時浮屠屹撐空呼兒檢餘曆記日待
春風雖欣解凍近翻驚紀年窮貰酒欲自廣無錢
似陶翁

又一首舍弟見和

蜀侯昔罹憂嶺海萬死中詩書庶不泯焉思祿位
崇爾來五十年所以恒屢空涉世惟信道卓然立
頽風漫仕非我能偶貧豈人窮深耕定有獲歸歎
伯生詩

卷一
六

汲古閣

兩衰翁

後續詠貧士四首

老骨寒不寐夜長況聞風心悸危欲折跼跡敗絮
中雞鳴當晨參馬疥芻不充山童衣百鶉喚之愧
匆匆求火掃木葉庭樹亦已空決起不敢怠曙光
屋南東苟遂牛馬性歸放春草豐

又

歸蜀越關隴棧閣危登天適越河濟隔堰水丈尺
間飢寒迫旦暮舟車計茫然東家有一叟欲去初

不言早朝聽詔畢喚馬闔闔前童奴受宿戒向暖
爭相先聞之噴兒子我何爲汝牽屨無千金賈吾
足安暇憐

又

爲政貴察色讀書在研覃司視旣不明兩者無一
堪尚不遑吏責爲師固宜慙聖世無棄物況茲久
朝簪決去豈我志知止亦所諳頗聞南山下菊根
浸寒潭濯餌千日期冰臚復清涵老馬果識道更
服鹽車驂

伯生詩

卷一
七

汲古閣

又

天風夕號怒霜日殊清妍探架得古書前日手所
編奈何視茫茫字若萬蟻緣精意成寂寞惆悵還
棄捐於惟仲尼衰清夢不復然小子未聞道何以
卒歲年

觀花有感

掛巾花樹枝酌酒花樹下風吹巾上塵花落手中
竿清唱起相壽母遽且聊暇流光急去人莫怪行
樂者

赤城館

雷起龍門山雨灑赤城觀蕭騷山木高浩蕩塵路
斷魚龍喜新波燕雀集虛幔開戶微風興倚杖衆
雲散

同閣學士賦金鴨燒香

黃金鑄爲鴨焚蘭夕殿中窈窕轉斜月逶迤動微
風綺席列珠樹華鐙連玉虹無眠待顧問不知清
夜終

退直同柯敬仲博士賦

伯生詩

卷一
八

汲古閣

月下白玉階露生黃金井疎條栖鵲寒衰蕙流螢
冷戀闕感時康懷歸覺宵永晨鍾禁中來白髮聊
自整

送良上人賦得井上桐

桐陰秋轉薄井氣曉爲霜交柯舞幽鏡墮葉響鳴
璫高巢翠羽下澄水玉蚪藏上人從定出行吟繞
石床

送吳子高

懷寶獻京國悼亡還獨歸日落雲中樹風吹江上

衣湘靈瑟在席織女石支機遠道多寂寞強飯勿相違

于仲元舍賦紅梅

白雪不成夜丹露遂崇朝妙質承日映飛英向風飄醉來紅袖近歌罷彩雲消揚州問何遜何似董嬌嬈

寄題新冶亭

窈窕冶亭莫蕭條江南秋泛覽山河外張樂鳳皇丘公子飛翠蓋美人回綵舟從茲至黃髮樂哉以伯生詩

卷一

汲古閣

忘憂

題儋耳東坡載酒堂

翳翳儋耳城歷歷枕榔樹百年遺故丘新堂設賓作清風海上至朝陽在庭戶丹山五色鳳覽德屢來下甘辛熟桂酒羅列雜諸蘋苻黎多孫子食飲祭先具蛟龍波浪深歸來風雨除

又

鑿井得甘泉渴者恒自私流潤不擇地委順復何疑海南絕風雨水木況華滋鄰舍解讀書諸生還

誦詩何必懷故都聊樂宜在茲星河度白鶴山月懸蛾眉來晚去何速勞人千載思

盜發亞父塚

彭城有盜識寶氣於亞父塚上發之得一劍云

盜發亞父塚寶劍寶累之塚開寶氣盡獄吏書盜辭盜言惟見寶寧知亞父誰項王不相信弟子遂輿尸黃腸下深錮千歲復何爲大河繞城東落日在城西過客立城下踟躕望安期

應制題王拙畫吳王納涼圖

雨過太湖上風生響屨廊紅綃拂几席白紵製衣伯生詩

卷一

汲古閣

裳朱光淪厚地明月在高堂何以保玉體長年樂未央

步虛詞四首

步虛長松下流響白雲間華星列燿火明月懸珮環肅然降靈氣穆若愉妙顏竹宮愴清夜望望久乃還

又

稽首望太霞離羅間層霄細縕結冲氣要眇出空謠前參千景精後引務猷收攝衣上白鶴招搖事

晨朝

又

朱光出東海高臺迎赫曦六龍獻陽燧九鳳保金
支鍊丹軒轅鼎濯景崑崙池拜賜冰玉佩玄洲共
遨嬉

又

學仙淮南王問道劉更生三年鍊神丹九載凌上
清日月作環珮雲霓作旆旌回首召司命靈雨灑
蓬瀛

伯生詩

卷一
十一

汲古閣

題商學士畫

方士好服食商山多紫芝采之長松下濯以清澗
漪滄涼百里內秦皇都不知駕舟載男女築宮東
海涯

贈藝監小吏

廣術何迢迢榆槐蔭蔽之鼓鍾晨莫起車馬中間
馳此有養居者閉戶教孤兒十歲學文史十五從
吏師丹青出天性落筆有令姿藝監取材伎小大
無一遺署兒筦庫下祿薄不足爲手持一束書求

以慰母思告兒勿薄吏公卿出自茲請看孟氏里
軻母自有祠

記子昂畫

春風動蘭葉庭戶光陸離言收竹上露石角掛練
衣車行不擇路茅苴何楚楚遊子憺忘歸徘徊歲
云莫

送西臺治書仇公哲

陝郊得時雨生意始來復存者事稼穡還者葺牆
屋安知凋瘵餘政可致新福闢除正廣術區井表

伯生詩

卷一
十二

汲古閣

深漬均齊定恒志忠厚保敦篤豈無憂世士受仕
在芻牧爲義苦多違好名常不足治書肅將指善
類庶有勗

送張道士歸上清

白雲盱水上自古多仙人手攜綠玉杖頭戴白綸
巾袖中出風雨天上禮星辰歸來庭戶靜芳草自
生春

日出行

日出上城府日莫當蚤歸城門已擊柝出郭何焉

依下馬投館人空垣月當扉涼風振庭樹巢鳥屢
驚飛起坐搔白髮忽如霜草稀周公不復夢仲尼
故沾衣老萊有孺色傳聞惟食薇求之事已晚徘徊行道微

贈治冠者

車馬入隘巷言尋治冠師反關不受客高坐哦書
詩布衣不掩脰晝食甘藿藜冠成動經歲不售亦
不辭我少好文章把筆無不爲愧爾爰寂寞慎與
當自茲

伯生詩

卷一
十三

汲古閣

贈寫真佟士明

佟郎居上京閱人如風花拈筆寫其似千歲留英
華邇來七十年將相紛在目來者有如此往者那
可續昔我初北遊面白髯如鴉點染煩粉墨華星
映丹霞今如雪中松苦硬雜蒼白却視當年容邈
如不相識不識當如何臨風且長歌黃雲接河漢
白雪漫陂陀乞身願歸老吳蜀山總好贈君千黛
螺翠色秋可掃

寄陳衆仲助教上都作

學省足清晝詞垣驚蚤秋美人隔河漢落月在高
樓持衣未成曲吹笛不勝愁還趨鵲觀別製鷓
鴒裘

贈鐵庵道者二首

昔遊雲臺觀山色上衣青松花春雨落栢葉秋露
零飢來煮白石睡起看黃庭人間忽已老莫問少
微星

又

海上別妻子山中求茯苓白虎戲玄渚蒼龍護黃

伯生詩

卷一
十四

汲古閣

扇燒香招五老行廚庖六丁從子似非遠丹霞粲
華星

題商德符華山圖

昔祠雲臺館行穿御階栢夕陰嵐氣深重碧照行
客獨訪張超谷漸覺巖險迫冰生玉井頭日射仙
掌側豈無鐵鎖懸翻身若飛鵲恐煩華陰令不奈
昌黎伯王事況有程車馬何忽忽流觀終南山周
覽天府國爾來十七年欲往不再得山河想邈悠
傷殘轉蕭索摩娑商老圖彷彿希夷宅高哉蓮華

峰白雲澹秋色

奇幻庵主者

朝遊武夷麓莫入匡廬岑放舟臨野水採藥過幽林清泉磨寶劍磐石鼓瑤琴臘月歸溪上還作蚤春吟

賦茅山道士雲松巢

昔年李太白廬山思結巢雲自天上和鶴止松梢道士潘間遠高居古大茅誦經門臥虎看劍石眠蛟飛步脫鳬鳥長吟吹鳳匏九江攬秀色許爾

伯生詩

卷一十五

汲古閣

作神交

酬上清道士鈔陰何詩

殘雪松上落輕冰硯裏生寫詩過夜半歌枕又天明少陵愛何遜太白似陰鏗不愁勞弱翰亦足助高情

題李漑之學士白雲半間

山中多白雲何由到城邑招之恐不來欲攬遽無迹栖檐候晨光納牖作秋色用冲不爲盈常住寧若客分張任蒼松散石日照香爐峰月射

仙掌側有恩封一鄉與子當共食

題浴日觀

煌煌赤老烏三浴乃出海波濤始見濳宇宙破冥昧西登泰華顛東望方丈外稽首希夷翁今晨良慶會

爲范尊師賦雲林清遊

大茅千仞下結屋三四楹雲林戶牖潤鶴去海天平坐上發長嘯人間聞玉笙斲苓春霧重煮木晚烟輕綠室噓丹氣蒼崖受日精樵遺伐木斧真降

伯生詩

卷一十六

汲古閣

引霓旌九鼎金還就千齡樹不傾問誰解居此云是范長生

吹笛圖

白雲悠悠去長松披高丘匡坐吹笛人似是馬督郵飛鴻遺哀響幽泉發春流女樂亦何有消搖以忘憂

送甘以禮調官歸鄉

甘君有良材於政無不宜白頭郡縣下尚覺非所施奈何筦庫冗而可紬吏師豈直名吏師積學本

書詩高情抗浮雲廉節濯清漪君子安所遇固無
喜慍辭嗟我忝從官簪筆恒殿帷竟無國士薦徒
稱故舊知晚歲向田里藜杖相追隨尊酒以怡老
未爲負明時

送李彥方閩憲

文監李公彥方出貳閩憲同朝群公皆賦
詩以爲贈彥方屢摧臺職激揚之宜有不
待予言者適有一事深有感於愚衷先正
魯國許文正公實表章程朱之學以佐至

伯生詩

卷一
十七

汲古閣

元之治天下人心風俗之所係不可誣也
近日晚學小子不肯細心讀書窮理妄引
陸子靜之說以自欺自棄至欲移易論語
章句直斥程朱之說爲非此亦非有見於
陸氏者也特以文其猖狂不學以欺人而
已此在王制之必不容者也閩中自中立
之歸已有道南之歎仲素愿中至于元晦
端緒明白皆在閩中不能不於彥方之行
發之去一臧吏治一弊政不如此一事有

以正人心儒者之能事也集臥病目眚尤
甚援筆書此云

七閩去天遠顛連苦無告牧人受深寄昧者覆爲
暴犀象雜金貝飢渴劇飮膏大言相鄙夷饜奪心
自狡豈無循廉吏實病黑白撓聰明屬旒旌聽瑩
資所到李侯金閩彥方圖史擅離校晨聞大夫奏
理武夷棹君子慎修職寧適豐廩稍蕉荔甘多毒
薑桂老堪老所懷延平翁揚休似明道授受有源
委精微足深討言立聖如在表正愚可造師匠久

伯生詩

卷一
十八

汲古閣

不與真妄如枘鑿云何誚支離肆誕長克傲異言
古所誅末學足深悼閩雖在海隅前聞此淵奧正
誼從簡編良俗宜善導贈言不及他持此永爲好
題鄭秀才隱居

陶翁昔好菊荒徑不暇鋤素琴無絃名酒亦屢
虛雖有二三子薪水不讀書淒涼千載下高名將
焉如不如鬼谷洞鄭子樂有餘種菊以爲田田中
更爲廬善藥不二價詠觴送居諸有子揮五絃涼
風在庭除時來青田鶴亦出濠淝魚昨者遊京師

侯門曳華裾捧檄忽一喜翩然告歸與芳蒲采甘
露玉漿釀清醕老父在堂上稚子具籃輿晨遊南
山陲暮濯清水渠席間撫荷蘭房中詠關雎以此
得高壽何必南陽居

題朱邸竹木

猗猗淇園竹結根磐石安枝幹相扶持風雨不可
干其實鳳所食君子思保完恒恐聲影疏蕭條霜
露寒金玉慎高節千載承清歡

詠史

伯生詩

卷一
十九

汲古閣

軒后邈已遠漢武亦雄哉荒忽九州外百年過煙
埃變化庶長久臨海築層臺黃金靡鏤飾喬林摧
斷裁樂通竟先死孫卿殊未回不知作者意空令
來者哀奉盤泣繁露馳道殷奔雷志氣昔所在風
雲恒往來

畫古木

荒郊臥蒼苔蛟龍在其上不知風雨來垂影一千
丈後主撥鐙法江南久寂寥空令沒骨畫容易媚
中朝

賦蘇伯修滋溪書堂

滋源恒伏流春雨川乃盈林疇廣敷潤草木俱繁
榮臨深見遊鯨仰喬有鳴鶯君子樂在斯齋居托
令名積學抱沉默時至有攸行抽簡魯史存采詩
商頌并禹穴追馬公湘江歌屈生紉蘭不盈握伐
木有餘情浩然欲浮海歸興還濯清方舟我爲楫
白髮愧垂纓

題薛外史瓊林臺

高臺積方石瓊林樹交柯晨光眩白雲夕景纏紫

伯生詩

卷一
二十

汲古閣

蘿每聞樵子唱恐是仙人過塵世在足下豈能聞
笑歌過海祇騎鶴開池還養鵝外史政瀟灑太白
鳥足多

送張兵部孟功巡河分題得屋上鳥

花發上陽春門開未央曙城柝起群栖流光散朝
羽息影須近檐結巢願當戶轆轤轉金井終日灌
嘉樹

題彭澤陶氏家譜

百甓在戶外五柳當門前燕去王謝宅人依墟里

煙述德尚千載人情猶昔年以安遺孫子高哉爲世賢

伯生詩

卷一
二十一

汲古閣

虞伯生詩卷一

終

虞伯生詩卷二

賦洛川老人九十

洛川老人年九十鬚眉如畫身玉立錦袍金帶方
烏巾手挽強弓無決拾八月平原秋氣高聞有狡
獸依蓬蒿清晨上馬薄暮返累騎毛血懸韃囊身
是前朝將家子生逢太平百無事都將英氣化高
年何物小兒堪指使太守上言朝有恩束帛養牛
兼上尊洛川老人過百歲擊壤爲歌傳子孫

張令鹿門圖

伯生詩

卷二
一

汲古閣

張侯襄陽人深知襄陽樂十年宦學懷襄陽故托
豪縑寫山郭老我不樂思蜀都人言嵩陽好隱居
三十六峰常對面水竹田廬還可圖欲往不能心
燥燥忽見新圖被山惱沙禽浦樹俱可人金澗石
床爲誰好向來耆舊皆英雄駕言從之道焉從弄
珠月冷識遊女沉劒潭深知臥龍八月霜晴水清
淺聞道扁舟足迴轉何時古寺傍檀溪幾處殘碑
在江峴呼鷹臺高秋草多養魚池中蓮芡波蜀嵩
未必不如此我今不遊奈老何張侯張侯蚤結屋

莫待史詹爲君卜要看壠上課兒耕好在漁梁白沙曲

子昂画馬

憶昔從公侍書殿天閑過目如飛電池邊儘有吮
豪人神駿誰能誇獨擅公今騎鯨隘九州人間空
復看驊騮惟應馭氣可相逐黃竹雪深千萬秋

湛湛行

湛湛天字玄以黜星白如銀垂近人牛羊散漫草
多露大帳中野傍無鄰去年八月羽書急婦女上

伯生詩

卷二
二

汲古閣

馬小兒泣今年八月天子來身屬囊韃月中立

家兄孟脩父輸賦南還

大兄五月來作客八年不見頭總白五人兄弟四
人在每憶中郎淚沾臆我家蜀西忠孝門無田無
宅惟書存兄雖筦庫實父蔭弟竊微祿承君恩文
章不如仲氏好叔氏最少今亦老五郎十歲未知
學嗟我何爲長遠道諸兒讀書俱不多又不力耕
知奈何憂來每得二三友看花把酒臨風哦蜀山
嵯峨歸未得盤盤先壠臨川側碧梧翠竹手所移

應與青松各千尺南風吹雪河始冰兄歸烏帽何
眾眾明年乞身向天子共讀父書歌太平

子昂墨竹

吳興画竹不欲工腕指所至生秋風古來篆籀法
已絕止有木葉雕蚕蟲黃金錯刀交屈鐵大陰作
雨山石裂蛟龍起陸真宰愁雲暗蒼梧泣湘血吳
興之竹乃非竹吳興昔年面如玉波濤浩蕩江海
空落月年年照秋屋

商德符画幽篁古木

伯生詩

卷二
三

汲古閣

湘君宮在洞庭湖幽篁古木龍所都石壇雨長碧
苔蘚水屋風動青珊瑚老人欹枕看螻蟻發婦停
舟聽鷓鴣江南蜀道問來往商公商公今有無

吳郡陸友仁得白玉方印其文曰衛青臨川

王順伯定以爲漢物求賦此詩

將軍騎從公主時豈意刻玉爲文章珠襦已隨黃
土化此物還同金鴈翔軍中只識長平侯西風木
葉茂陵秋人生卑微何可忽碌碌姓名誰見收

爲達兼善御史題墨竹

荒涼多古木，簣簣千尺相。因依小年慣，見今白髮杜。字愁不歸老，可嘗作陵州。守古墨蛟龍，多入手春雷。每恐破壁去，神鼎空令夔。魁走丹丘，越人不到蜀。修葉何以能縱橫，內府人家爛熳寫。使可見之心，亦驚江南御史龍頭客。暫別那能不相憶，知君深識篆籀文。故作寒泉溜崖石。

畫鶴

薛公少保昔畫鶴，毛羽蕭條向寥廓。通泉懸壁久微茫，故物都非況城郭。長鳴闊步貌閒暇，解寫高

伯生詩

卷二
四

汲古閣

情亦奇作田中芝，草日應長石上松。花晚猶落赤壁江，深孤月小白雲野。迥秋霄薄群帝相從絳節朝，八公許製黃金藥。誤嬰塵網跡易迷，移召中洲夢如昨。借懸素壁憶真侶，忽有微風動林壑。碧虛寥寥積雪高，直過蕭臺絕栖泊。

題畫

棠梨生竹間，牽牛引蔓相。因依晨華墜，露水碧斷蘚。絡石爛斑衣，鷦鷯踏枝歲。將莫蟋蟀在戶人，當歸蕭條落墨人間稀。

寫廬山圖上

憶昔繫船桑落洲，洲前五老當船頭。風吹雲氣迷谷起，霜墮楓葉令人愁。高人祇在第九疊，太白一去三千秋。石橋二客如有待，裹茶試泉春岩幽。

題旦景初僉司畫

旦公山堂城東南，畫圖古檜何氤氳。城中無山有山癖，直藉豪墨窮幽探。旦公彈琴古檜下，鬱鬱窗戶生晴嵐。春雨時來鶴鳴谷，秋聲夜作龍吟潭。先皇畫坐群玉府，內使趣召飛雙驂。畢宏韋偃出中

伯生詩

卷二
五

汲古閣

祕營丘北苑開，滕絨是時旦公主舒卷。一二文士相交參，旦公歸來坐成想。亦頗拈筆爲梗楠，伯熙奉詔每有作礪礪相並，將無慙嗟予懷歸亦已久。摩挲老目百不堪，山中豈乏真偃蹇。可容白髮抽朝簪。

題柯敬仲畫

予先世居隆州，州治之後山石室翁守郡時。隆爲陵州，州事簡時來就吾家，拾故紙背作茅蘭竹木之屬，所得頗多。吾幼時尚

收得數紙今亦亡之丹丘生用文法作竹
水而坡石過之近又以新意作墨花甚妙
從子悅有眉山學官之行丘爲作此予愛
而賦之

昔者老可守陵州守居北山吾故丘太守時來看
山雨每画紙背成滄洲老蒲松煙色過重揮霍陰
崖交劒矛百年離亂亡故物敝篋江南誰復收新
圖質管枝葉修使我不樂思昔侯碧雞祠前杜鵑
叫玉女井上叢篁幽棠梨樹高青子落碧花翠蔓

伯生詩

卷二

汲古閣

縈牽牛楊雄無家不歸老蟪蛄蟋蟀寒相求丹丘
先生東海客何以見我空山秋蕭條破墨作清潤
殘質刊落精英留陂陀重複分細草山石縈紆生
亂流眉山學官莫厭冷言歸故鄉非遠遊石田茅
屋倘可得萬里欲上東吳舟百花潭深濯新錦持
報以比珊瑚鉤

白翎雀歌

易桓城下白翎雀雌雄相呼以爲樂平沙無樹托
營巢八月雪深黃草薄君不見舊時飛燕在昭陽

沉沉宮殿鎖鴛鴦夫容露冷秋宵永芍藥風暄春
晝長

敬仲畫扇

松根伏令如石髓服食令人壽千歲子欲求之觀
此圖老身偃蹇枝扶疎長鑱篝火新雨霽羽人丹
丘期不至却剪蒼簷崖石間吹作龍吟秋滿山

題簡生畫澗松

簡生與我皆蜀人留滯東南凡幾春每拂齊紈作
山水使我感慨懷峨岷如此長身兩松樹滿谷悲

伯生詩

卷二

汲古閣

風散陰霧雌雄如劒變爲龍鱗鬣齊成擘崖去祕
閣常觀韋偃圖蒼潤雄深世所無默識形神出模
畫把筆蒼蒼增嗟吁玉堂寶書本同館官府旣分
難復見摩挲新墨慰衰朽髣髴雪飄蕭數開卷昔我
樵牧青城山坐起政在雙樹間當時簡生若相見
應并寫此聽潺湲劉郎集賢好賓客好著幽窗對
晴碧凌靈爲我哦七言有鶴飛來破秋色

題李受益承旨作東平章萬戶繼志堂後

將軍腰間黃金符父兄功成百戰餘太平不復事

弓馬秋雨高堂聞讀書門有喬松墓有草永言思
之願終保幙中賓客誰屬文東魯儒生國元老

題柯博士畫

磯頭風急潮水長兼葭蒼蒼繫魚榜青山一髮是
江南白頭不歸神獨往幽篁繞屋茅覆簷木葉脫
落秋滿簾買魚沽酒待明月定是黃州蘇子瞻子
瞻文章世希有謫向江波動星斗夜投斷岬發清
嘯栖鶻驚飛怒蛟吼圖中風景偶相似欣然揮洒
春雲開子瞻應是念鄉里還化江東孤鶴來

伯生詩

卷二
八

汲古閣

題高彥敬尚書趙子昂承旨共畫一軸爲戶
部楊侍郎作

不見湖州三百年高公尚書生古燕西湖醉歸寫
古木吳興爲補幽篁妍國朝名筆誰第一尚書醉
後妙無敵老蛟欲起風雨來星墮天河化爲石趙
公自是真天人獨與尚書情最親高懷古意兩相
得慘淡酬酢皆天真侍郎得此自京國使我觀之
三歎息今人何必非古人淪落文章付陳迹

題灤陽胡氏雪溪卷

去年予與侍御史馬公同被召出居庸未
尺東折入馬家甕望縉山度龍門百折之
水登色澤嶺過黑谷至于沙嶺乃還道中
奇峰秀石雜以嘉木香草輦道行其中予
二人按轡徐行相謂頗似越中但非扁舟
耳適雨過流潦如奔泉則亦不甚相遠郭
熙畫記言畫山水數百里間必有精神聚
處乃足記散地不足書此曲折有可觀恨
不令郭生見之灤陽胡太祝乃以雪溪自

伯生詩

卷二
九

汲古閣

號豈所見與予二人同乎然灤水未秋冰
已堅尋常已不可舟況雪時耶當具溪意
云耳因爲賦詩云

積雪平沙陰山道射虎殘年不知老豈識船如天
上坐翠竹爲帷樹爲葆昔乞鏡湖苦不早白髮如
絲照清潦它年此地若相逢應著漁蓑脫貂帽

題楊友直檢校所藏李營丘枯木圖

老龍出海蒼髯營丘枯木天下無回枝屈鐵墮
崖雪澗底應拾青珊瑚明堂清廟要梁棟朔風吹

沙澤腹凍老身不用歎遲莫按圖來求萬鈞重

題詹圃老梅圖

鄉人共識古梅樹移植詹亭仍百年計時當生宣
政前僻遠幸遺花石船昔僑寶唐尋故物石樓嗟
峨白沙白陵陽慈竹樂公移根節相扶俱遠客此
樹乃在鄰邑間看花食實真足間人言支離故多
壽我意培植茲惟艱華蓋高人世師表爲爾賦詩
歌窈窕詹家孫子多讀書早晚春雷化龍矯

酬蕭侯送蒲萄

伯生詩

卷二

汲古閣

蕭侯昔致蒲萄苗山童不灌三日焦宛西上品復
親手種窗南自澆水一月當生一尺長移向江
頭薛荔牆
舉囊石壓青霞漿是
時蕭侯當走馬來訪
酒酣舞劍傾一
尊不信金盤露如瀉

題裘塵騮圖

騮騮食粟石每旣立仗歸來汗如洗脫羈展轉聊
自恣落花塵土隨身起君不見春雷起蟄龍欠伸
霧擁雲蒸九河水

林臯亭

九月天氣蕭鶴鳴在林陰使君甚好客來者總能
吟紅樹秋山近黃華夕露深鄰翁八九十有酒卽
相尋

題子昂長江疊嶂圖

昔者長江險能生白髮哀百年經濟盡一日畫圖
開僧寺依稀在漁舟浩蕩回蕭條數根樹時有海
潮來

挽胡伯恭令尹二首

伯生詩

卷二

汲古閣

二十南陵簿才名舅氏同千金劍客散一棹酒船
空朱紱稱循吏安輿已病翁神明盡今日嘆惋謾
群公

其二

病起思歸日齋居臥治時抱孫方在膝反席遽如
遺江路牽愁遠坊門望到遲遙怜賢弟哭未忍老
親知

題雪谷曉行圖

踏雪度嶙峋霜髯跨玉麟前瞻那有際後至豈無

人松樹紛紛老梅花的春金烏海底出遍界爛如銀

送先隴二鄰僧還吳二首

闌若背山陰松筠夾逕深門間容虎臥湖近聽龍吟雨過泉添澗風飄磬出林衲衣皆舊識一一謝幽岑

又

東嶮憶招提幽尋日未西過山隨虎跡倚石待猿啼雲外催歸錫松間覓舊題十鄰吾欲老母惜伴

伯生詩

卷二
十二

汲古閣

扶藜

節婦王夫人劉氏

中丞在清淳古道存節高賢女弟文托外諸

孫慈竹宜家慶桓楹表國恩燕秦鬱相望美俗繫

人門

次韻阿榮存初參議秋夜見寄

寓館城門夕高秋雨露開天垂華蓋近月轉紫垣來疏闊思良會淹留到不才深期謝安石揮塵散風埃

雪谷早行

積雪擁柴門行人稍出村溪頭或遇虎木末不聞猿接棧迴山閣支橋就樹根駟車上重坂回首見朝暾

雪岩樓觀

高閣丹青起中天紫翠分窗當大白雪門俯九疑雲伐木山人去吹簫帝子聞塵中歸未得春思轉紛紛

送人之劔閣倅

伯生詩

卷二
十三

汲古閣

往年登劔閣快馬著春衫設險懷前賦磨崖覓舊劄鄉人遊雪界郡倅試冰銜歸道觀新政春江不掛帆

寄子山尚書

竹色侵衣碧重簾雨氣深白鵝翻墨沼紫燕入書林北海春尊側西山夕閣陰東曹公事少歌舞散黃金

漫興

雨閣添衣潤風簾隱几高白頭更事少病日向書

勞南客傳音信東家問酒醪江邊茅屋破歸楫若
爲操

送張尚德

史館薦張尚德爲檢閱官朝廷以爲宜稱
可其請未奏也有司以闕簿注新進士尚
德頗有聞卽斂裳宵逝噫進退若是可以
信史館之薦人矣予力雖不足以留之亦
終不敢失之也故作是詩以餞之

六月初聞雨官河潦水生江南歸宋玉稷下謝荀

伯生詩

卷二
十四

汲古閣

卿鵬鶚青霄迥蒹葭白露盈都留詩興在來聽上
林鷺

寄丁卯進士薩都刺天錫

鎮江錄事宜差

江上新詩好亦知公事間投壺深竹裏繫馬古松
間夜月多臨海秋風或在山玉堂蕭爽地思爾佩
珊珊

送趙繼清令尹之官安陸

雲夢開七澤陪尾貫連山爲政煙塵表吟詩松竹
間故人總華要令尹獨清閒文學偏宜老母愁髩

髮斑

明皇按樂圖

新度霓裳曲三年教得成驚鴻渾不下飛燕若爲
輕芍藥春亭莫夫容野水生黎園多白髮吹笛到
天明

送長沙守

白髮長沙守循良又好文近辭金馬去遠有玉魚
分對竹聽湘雨開簾看嶽雲漢庭思賈誼一飯莫
忘君

伯生詩

卷二
十五

汲古閣

送趙編修祀西嶽江瀆

西道祠官去東風入旆斜汾陰已歸鴈江水正飛
花歲事聞宜穀鄉人喜過家老來思故里欲寄使
君車

代衆仲作

昔在泉州住將軍每見招春雲山對屋夜雨水平
橋池鴨穿荷葉溪魚上柳條禁城鐘鼓起車馬晚
蕭蕭

題宋雲舉太常臨汾二節婦序後

許氏姪從姑相承患難餘自傷還自誓同志復同居白髮冰霜共丹心鐵石如有關名教重珍重太常書

送王照磨之官雲南

遺廟珍珠浦歸舟焚道溪飛鳥愁暑雨走馬畏山泥官署尊丹鷺祠官勝碧雞題詩遠相送紅日五雲西

玉堂燕集圖

朝廷多暇日別館又青春薄醉猶催酒清歌況有伯生詩

卷二
十六

汲古閣

人玉堂金硯匣翠袖白綸巾老去渾無賴憑誰爲寫真

寄荅桂風子先生

深隱廬山裏題詩忽見存風高應跨虎月落更聽猿酒熟邀皆去丹成笑不言雲屏第九疊相與浴晨嗽

寄莆田先生

懸榻塵生席深居晝下帷齊眉安饋食擁髻近歌詩藥裏須鍾乳書題憶荔枝白頭吟更苦何必蜀

人思

鄭谷圖

道士徐太虛生紙畫山居林壑春煙裏桑麻夜雨餘過橋九節杖連屋一床書似是子真谷歸耕三月初

畫檜

茅山多古樹此檜更長生鶴鶴棲來穩蛟龍化得成雲深還近戶月落似聞笙千載如相見蒼然故舊情

伯生詩

卷二
十七

汲古閣

李貞嶠墨竹

河東李學士隨意放洋州月落亭陰迴雲生谷口幽江濤空渺渺筆墨更悠悠瀟灑西清地令人憶舊遊

爲歐陽少監題宋好古竹

幕中能寫竹作此雨瀟湘出石根還瘦臨溪影更長班班稚子立一一鳳雛將日有長安使平安岡老蒼

贈楊友直

雒陽楊友直字擬漢中郎畫若錐穿石垂如雨漏
牆舞花羞女美醉草笑僧狂昨日鴻都學煩君寫
數行

題朱邸竹木

江上復春雨曾陰覆碧波石高龍影臥林迴鶴聲
過解佩倚蘭浦揚旌落木坡佳人翠袖薄日暮欲
如何

寄阿魯翬學士

問訊東泉老江南又五年涼風鳴步屧明月棹歌
伯生詩

卷二
十八

汲古閣

船陪講長懷舊還朝獨後賢治平二三策蚤晚玉
階前

赤壁圖

過鶴生新夢攜魚憶舊遊清霜凋木葉落月湧江
流隱者時堪訪良田亦易求如何王堂夜白髮不
勝愁

題況肩吾縣令贈行卷

縣庭都禁謁祇許見諸生接壤皆興學遊民亦願
耕絃歌居室迴山水畫圖清千載雲巖石能留令

尹名

送朱萬初之廣東照磨

聖主多清暇臨池愛日長天章垂鳳彩雲氣動龍
香進諫慙簪筆爭書敢近床承恩君最蚤服玉向
炎方

八月八日有感題視草堂壁

截筆趨芸閣探囊索縑袍坐銷秋日淨心折夜風
高識字頭先白謀生計轉勞文園多病渴常想賜
蒲萄

伯生詩

卷二
十九

汲古閣

賦程氏竹雨山房二首

春雨過山竹幽泉繞舍鳴燕泥書帙晚魚浪釣絲
晴奉席從孫子連床總弟兄舊聞林下叟讀易到
天明

又

遊子聞春雨思親望故園竹間開几席花底注山
尊累世書連屋頻年稻滿村卜鄰淳朴地絕學欲
重論

戲作試問堂前石五首

試問堂前石來今幾十年衰顏空雨雪幽致自風
煙微醉寒堪倚孤吟靜更眠舊湖春水長誰繫釣
魚船

又

爲問堂前石何年別太湖春風神不王夜月影長
孤不中明堂柱空遺艮嶽圖頗思嘉種木歲晚與
相扶

又

爲問堂前石何無藤蔓纏金蓮疑可致紫菊若爲

伯生詩

卷二
二十

汲古閣

妍舊夢遺波浪間情閱歲年祇緣相識久親爲濯
清泉

又

碣石久淪海女媧曾補天乾坤遺叢爾霧雨護蒼
然淬劍龍隨化彎弓虎自全昔賢多賦此誰賦最
流傳

又

爲問堂前石屢逢堂上人遠來嗟最久獨立與誰
鄰運載勞車馬摩挲識鳳麟鑒車書吉日追琢到

嶙峋

代石答五首

幸自鄰頑鄙母煩問歲年當寒金作礪向暖玉生
煙眉黛無歸意毛群有叱眠涼州三百斛亦未醉
觥船

又

昔觀一柱觀還度幾重湖雪盡身還瘦雲生勢不
孤研穿鄴臺瓦賦就草堂圖芝閣玄雲在危踪敢
藉扶

伯生詩

卷二
二十一

汲古閣

又

牛角何堪礪蝸涎謾自纏沉冥辟邪古羞澀望夫
妍神物須清鑒靈根厲小年金輿曾共侍千載憶
甘泉

又

轉徙寧論地存留亦信天露盤危欲折劫火不同
然雖下殘經斷岐陽數鼓全向無文字托寂寞竟
誰傳

又

去歲留詩別嗟哉白髮人冠依子夏製居切左丘
鄰執籥充振鷺修辭綴獲麟終須愁坎塲勿用誚
麟峒

送魯子暈廉使之漢中

封上頌臺禮輕車入漢中節毛吹渭雨水葉動秦
風把酒臺基石馳書歲事豐朝回倚西閣日日數
歸鴻

立春夜試墨

輕雪作春花飛來入髻斜紫貂迎曉霧絳蠟炫晴

伯生詩

卷二
二十二

汲古閣

霞書詔頻趨閣思歸卽借車幾時將稚子隨意踏
江沙

蜀人曲江之官贈以墨竹

粘筆寫琅玕清風入室寒蜀山空偃蹇海郡更盤
桓雲霧瓊簫遠冰霜玉節完莫忘鄉里意持向曲

江看

正月十一日朝回卽事

宮樹春陰合霓旌拂曙來天光臨閣道雲氣轉蓬
萊晝漏沉沉鼓晨尊灩灩杯香霏簾底霧樂殷殷

前雷祥瑞儀曹奏珎淳尚食催舞庭分鷺序效獻
過龍媒融雪微生草輕風不動埃老人南極至王
母上方回玉色何多喜金華得重陪裁詩賀新雨
西閣待門開

贈別兵部崔郎中還還高麗卽回中朝

束髮來東海從軍護北門珠光連旭景玉氣達春
溫淵靜龍含德門嚴虎列屯從容叅幄帳慨慷屬
繫鞬拜表推黎獻趨朝謁至尊雲依溫室樹星入
紫微垣不道璠璣貴仍嬰筦庫煩利行雖近市義

伯生詩

卷二
二十三

汲古閣

守不窺園眷遇忘身得危難欲手援懷邦維父母
於國實甥婚還羈勒原原致壁殄魯連名竟
重箕子教應存簡在從當日扶持宿藩清宮風
肅肅驂乘火焯焯帝所爲郎重王家報禮敦暫伸
桑梓敬末愛李桃繁神闕秋期蚤康侯畫錫蕃九
成思閣鳳六月待溟鵬

次勻筠軒司徒足成旦公所藏英宗御題之

句元題曰日光照吾民月色清我心又題琴

曰至治之音

化國多長日高人侍紫宸觀書從上相屬筆念生
民雲漢文章備風雷號令新惟應青簡在能載古
風淳御翰龍池曉繡經鸞殿陰雲依清靜葉月印
妙明心千載堂堂去諸天肅肅臨朱絃誰爲鼓至
治有遺音

次勾李侍讀東平王哀詩

宇宙生奇變明良陷逆圖傳聞昏白晝悲憤結全
區治極機潛否恩深事失謨犯車仍斷軌壞戶竟
傷樞魑魅嫌明鏡強梁忌雅模甘心成首禍藉口

伯生詩

卷二
二十四

汲古閣

肆群腴隱忍危衝決馮陵善唯俞自天侯鈇鉞累
月具簞壺裏革疑亡地招魂競出都笳鳴月
馬債四交衢所痛倉皇際將無古昔殊腹心何盡
蝕肘腋不支梧列位多翹楚干城總豹貙詎言歸
厄數不復頌貞符天討公無赦皇心愛不姑報讎
論婉孌錫爵爵呼相業今如在民生寔少痛誰
能疵璧玉唯有泣瓊珠執簡書群盜當關欠一夫
馳奔嗟薄日沐浴止中途決共思投闕違之或汎
湖危知無復死恨不奮前誅春雨煩冤滌朝陽瀛

思蘇謳吟申感慨述作懼荒蕪芒忽思離散君蒿
起苑枯神還嵩岳峻氣直斗杓孤陟降先皇側回
翔造化徒英靈常會合瞻想豈虛無

慶史顯甫治書父八十

治世尊三壽高年見八朝羽儀叅漢皓神觀邁周
喬柱下聲名遠壺中日月饒微酤霞灼灼新冰雪
蕭蕭地厚原初峻天全玉不凋一經傳令子貳憲
肅群僚侃侃稱時望英英樹國標繡衣兼綵服白
日上青霄上壽歸榮異推恩錫爵超紫深宗伯橐
伯生詩

卷二
二十五

汲古閣

金重列侯腰珍膳應恒從安車必見招乞言逾藥
石報德稱瓊瑤千歲庭來鳳群工韻合韶陳詩方
懿頌擊壤比康謠

送國王朶而只之遼東

太祖收中夏元臣有武功建邦開土宇爲位冠君
公奕世王章在諸孫相業隆春秋周正月禮樂魯
新宮鹿幣金遺耐熊侯算失中河山仍鐵契寶玉
右琬弓投筆鄒枚秀揚旂芮綰雄塞雲依碣石凍
雨灑遼東戎器橐藏盡賢書奏納同大夫勞勩御

惇史采民風

送陳碩

莆田陳氏慶曆名法從故家也自衆仲來
京師集得友焉凡問學修己之事有益於
愚陋多矣又從知其父兄之賢也問所自
出則南塘趙氏信乎其學之有傳矣嘗以
其從子碩來見予愛其端謹可望南歸省

父衆仲送之以文予不能忘也乃賦詩曰

六歲過閩郡書聲憶滿城目盲今子夏心醉昔延

伯生詩

卷二
二十六

汲古閣

平爾叔同游息吾文愧老成每分重席暖相對一
燈明遠海乘桴意高山伐木情願攜邛竹杖往看
離支生辟掾青衫舊趨庭綵服輕爲言穿木榻亦
未厭藜羹寶瑟留飛鴈蘭舟及轉鸞佩懷湘渚贈
綬向會稽迎去去江雲濕飄飄島霧清重來知有
意時我已歸耕

奎章閣有靈壁石奇絕名世御書其上曰奎

章玄玉有勅命臣集賦詩臣再拜稽首而獻

詩曰

禹貢收浮磬堯階望喬雲自天承雨露拔地起網
緼擊拊磬音合衡從玉兆分巨鼇三島力威鳳九
苞文辨位資乾坎爲山填幅員固知興寶藏不假
運神斤書帙侵春潤香爐借宿薰烟光晴冉冉波
影畫沄沄融結繇元化登崇荷聖君瑞於龜出洛
重若鼎來汾柱立尊皇極磐安廣帝勛詎云陳祕
玩因願獻前聞

送南宮舍人趙子期宣詔交趾

三年領正朔五月向南交將命方離闕陪臣已在

伯生詩

卷二
二十七

汲古閣

郊衣裳鴻羽漸干戚虎皮包瘴霧衝風散瀧湍急
雨捎朱鷺窺土室白雉下樽巢夜浦蛟停織陽岡
荔折苞初筵紛氍毹後騎器笳鐃諏日修王貢兼
時眠客庖方言書仄理海錯藉青茅漢柱苔侵篆
秦林桂拂旃括囊無意苴當戶有蠨蛸卽見還英
節母煩筮繇爻

虞伯生詩卷二

終

虞伯生詩卷三

送袁伯長扈從上京

日色蒼涼映赭袍時巡毋乃聖躬勞天連閣道晨
留輦星散周廬夜屬橐白馬錦韉來窈窕紫駝銀
甕出蒲萄從官車騎多如雨祗有揚雄賦最高

代祀西嶽至成都作

我到成都纔十日駟馬橋下春水生度江相送荷
主意過家不留非我情鷓鴣輕筏下溪足鸚鵡小
廳知客名賴得郛筒酒易醉夜深衝雨漢州城

伯生詩

卷三

汲古閣

贈星上人歸湘中

潭北湘南無影樹一花吹度海門潮天香滿室定
初起雲氣上衣身欲飄寶月夜寒龍在鉢銀河秋
近鵲成橋豈無一箇邛州竹與爾松根共寂寥

子昂秋山圖

翁昔少年初画山丹楓黃竹雜潺湲直疑積雨得
深潤不假浮雲相往還世外空青秋一色牕中遠
黛曉千鬟瀛洲雞犬同人境尚想翁歸向此間

題黃竹村所藏画卷

雪後城陰雪一坡寒梅疎竹共婆娑經行不覺籃
輿遠點染還疑綵筆多蜀棧煖雲生野樹匡廬晴
照落江波商公已老高公死惆悵誰人奈汝何

過池陽與周南翁同知

使過池陽聞上日好懷浩蕩爲君開江干維楫車
馬集亭上持盃風雨來通夜魚龍聽語竟明年驚
鷺憶朝回九華秋色翠可食爲問謫仙安在哉

安慶路雙蓮寺得上人超然亭

超然之亭何所超雙蓮孤塔共峩城頭疎雨散

伯生詩

卷三

汲古閣

花至江外斷雲將樹朝晨飯舊從香積化晚鍾常
送海門潮尋原悵望空歸去此地安禪試往招

謝茅山王者贈白羅氅衣請爲作大洞祖宗

師四十五贊

鶴氅裁成雪色新仙翁持寄感情真清高自此全
拋俗寬博由來穩稱身佩玉洞聞雲外響劍光飛
射日中塵画圖寫向羣真裏便是揮毫贊詠人

送莫京甫廣憲經歷

延春閣下承恩日是我經帷侍講時方擁青編臨

綺席遙看朱紱拜丹墀風微細草鳴珂珮日煖飛
花近鬢絲上憶遠人常軫念莫言南海是天涯

集與諸公遊尚書何公山莊公孫斯明先爲
剪薙荆榛并致酒饌遂得瞻敬尚書墓道盡
日乃還偶成四詩酬斯明兄弟并簡同遊者
盛德高年陟泰階歸尋仙隱石樓開舊聞前引朱
衣吏每爲行吟綠逕苔夜色園林瓊圃樹春寒庭
館石湖梅誰家今有賢孫子黃菊高秋與客來

又

伯生詩

卷三

汲古閣

先君夙有登臨志老去無能共往還敢謂菊華憐
寂寞許教筇竹歷屏顛地高天近惟秋好雲淡風
輕盡日閒早晚涪翁酬素約更從几杖一躋攀

又

石梯一逕仙凡交過此先見蒼崖坳幽穿斗角潛
蛟窟危出雲根棲鳳巢題字百神驚澗底嘯歌衆
籟越林梢重吟仙伯石樓詠一解齊人山鬼朝

又

黃姑仙崖置屋牢我躡飛磴如猿猱環山翠黛是

城郭平地白雲皆海濤人頭關上走馬健仙掌峰
前飛隼高願得金丹換毛骨三清入極共遊遨

黃氏妹之葬余以他故不及送之既葬之明
日仲常弟與譚元之表姪述事與懷形諸詠
嘆後十餘日始得併見諸公和章集憂患之
餘觸事易於傷感俯仰存歿不覺清涕之交
頤也依舍弟韻亦述二章一以示黃氏諸甥
一以寄元之表姪

寒泉涓涓山木秋子弟行役荒原頭忍聽諸生哭

伯生詩

卷三

汲古閣

慈母浩將孤淚灑新丘山川神氣早晚復珠壁輝
光日夜浮不惜衰年待爾輩受成積德過岑樓

又

憶別高堂十五秋不堪俯仰雪盈頭翁時贈玉歌
清渭子正將車從太丘久矣孤懷成寂寞曷哉古
學矯虛浮每看舍弟承容辨如見從容月滿樓
題故太子少傅翰林承旨李野齋幽居圖

車蓋歸來托遠林魯山齒翠魯原深漁樵相識頻
分席賓客時過共賜金百歲儀刑猶近古五朝文

物至於今披圖想見登臨地松滿徂徠起夕陰

送江聲伯

家近茅峰無百里羨君來往及清秋每看丹井晨
光起幾見龍池雨氣浮白髮紅塵嗟我老素書玉
訣使人愁仙都羣老渾相識定著雲裘訪羽丘

歐陽元功待制入院後僕以兼領成均辰酉

甚嚴絕不得相見今夜當同宿齋宮賦此先

寄并東謝敬德修撰

學省初兼禁直稀故人同署却相違食餘首舊承

伯生詩

卷三

汲古閣

朝日坐候棠梨過夕暉

成均堂東有棠梨樹日影至則師生始散二十餘年

預喜奉祠秋寺燭定知催襍早朝衣今晨瘦馬

經門巷想擁青綾尚掩扉

次韻張蔡國公淡菴青山寺詩

相國觀山負夙期聖恩祇許暫相違身隨雲影留
三宿心了泉聲絕百非開士談空依寶樹野人耕
雨薦山薇雙龍深護安禪處繞坐諸天近紫微

次韻國子監同官

坐隱烏皮髀肉消諸生應笑懶邊韶階前老馬隨

秋草袖裏遺編俟早朝乞米西鄰晨有粥畱家南
國暑無綃經明亦是歸耕好清夢無時萬里橋

又

學宮南直禁垣陰假寓唯愁兩壁沉一曲鏡湖遺
老事三年經幄小臣心銀河回夜天逾近草逕迎
秋露轉深珍重鄉人居巷北時能來往和鳴琴

次韻馬伯庸寶監學士見貽詩并簡曹子貞

學士燕信臣待制彭允蹈待制

禁廬曉直夾城西經筵龍光映壁奎繞閣浮雲飛

伯生詩

卷三

汲古閣

野馬當階生草伏馴驕雷行已識天無妄風烈唯

聞帝弗迷徒積寸誠無補報每懷冰署欲鷄栖

其二

奉節通宵虎帳西重光貫玉護文奎賜餘分食兼
羔雉侍側專茵雜豹麋樂事易成團月怨吟情深
入五雲迷上林更有高枝在彩鳳還來擇舊棲

鼇峰者國史院庭中石名也伯寧御史爲僕

言自其先公時與諸老名勝賦詩者蓋數百

篇今玉堂無本而御史家具有之且曰峯所

托差低盍稍崇其地乃八月五日既克如命
因賦此以報且請錄示舊詩補故事以傳云
視草堂前石一拳何人移置自何年久憐翠色連
重地故拔孤根近九天俯仰百年承雨露等閑千
尺接雲煙故家御史遺書在爲錄鰲峰舊賦篇

進講後侍宴大明殿和伯庸贊善韻

丞相承恩自九天講臣春殿秩初筵養賢敢謂占
頤象陳戒猶思誦抑篇既奏文韶兼善美豈無后
稷暨艱鮮願推餘澤均黎庶樂只邦基億萬年

伯生詩

卷三
七

汲古閣

又

劍履歸來帶玉璫元臣促召不崇朝盍簪誠與朋
求助納約須從牖向招御柳新條臨畫殿仙桃曉
色上春潮校書寂寞揚雄宅亦賦凌雲麗九霄

十一月二十夜思仲常弟

江梅應發去年叢叔也俄爲畢竟空來後去先康
節苦離多會少子瞻窮近書時閱猶疑在舊學重
思孰與同萬里相從憐季子白頭清淚夜牕中

又

還京聞計在秋餘老淚無多眼易枯丹旄到無頻
入夢佳城得否未收書食貧未已憐孤幼述德無
聞愧老夫忍讀近緘成永訣爲敦衰薄趣歸與

次韻道士寶神清賦舜粟

帝德無爲保太和歷山遺種有嘉禾想經稷教躬
耕法正及堯時擊壤歌旆旆九秋新雨露離離千
古舊山河曲肱飲水幾忘肉最憶宣尼感歎多

太一道士張彥輔族本國人從玄德真人學

道妙齡逸趣特情繪事爲其友天台徐中孚

伯生詩

卷三
八

汲古閣

用商集賢家法作江南秋思圖東觀大隱蜀

虞翁生爲賦此詩

三年別却釣魚磯晝看新圖夜夢歸石壁蒼松含
爽氣江沙翠竹弄晴暉西瞻雪嶺家何在東入天
台路轉微賀監若蒙湖曲賜遍翔千仞振塵衣

贈寶神清歸隱茅山

翩翩歸鶴自遼東又向茅山擬住冬啄食定依何
處竹結巢應得古時松雪滿空山騎一虎月明秋
水佩雙龍別來彷彿三千歲亦欲還棲第一峰

題南野亭

門外煙塵接帝局，坐中春色自幽亭。
雲橫北極知天近，日轉東華覺地靈。
前澗魚遊畱客釣，上林鶯轉把杯聽。
莫嗟韋曲花無賴，畱擅終南雨後青。

送貢仲章學士奉祠嶽瀆

三十過從今六旬，故人唯我兩吟身。
空華作賦相爲壽，寧復升堂互拜親。
送別轉令嗟影獨，思歸從此上心頻。
南湖春滿鷗波綠，定艤乘槎往問津。

次韻吳成季宗師赤城阻雨

伯生詩

卷三

汲古閣

人間伏日當蚤休，道上馬車如水流。
神仙不愁風雨夕，父老已知禾黍秋。
誰憐司馬久多病，惟有杜康能解憂。
北溟之鵬六月息，載我八極歌遠遊。

次韻伯庸尚書春霖遊七祖真人菴兼簡吳

宗師

賞心不作三春過，高興都爲百事牽。
願解蘭舟溪水洗，思攜藜杖野雲穿。
真人館在無塵界，太尉詩如絕行仙。
花下共遊仍獨往，不辭泥醉晚朝天。

又

石渠承雨作流泉，中有參差荇菜牽。
花近飛觴魚駭逝，柳低步障燕隨穿。
紅塵朝路常參吏，清晝齋居幾劫仙。
但乞會稽尋賀監，酒船一棹水中天。

又

花時宮館多賓客，春酒盈缸餽在牽。
據石發歌風爲起，臨流揮翰硯將穿。
紫髯一去惟憑夢，白髮頻搔豈解仙。
賴有看雲高閣在，江東烟樹共晴天。

又

一住京華三十年，春花秋月謾相牽。
高情總付珠

伯生詩

卷三

汲古閣

簾卷危坐空餘木，榻穿水曲停驂新。
祓事牆陰題字昔，遊仙動成陳迹多。
惆悵安得長生老，後天

送宋誠甫太監祀天妃

使者受節大明殿，候神海上非求仙。
廟前水生客戾止，帷中靈語風泠然。
麗牲有石載文字，沉璧用纁求淵泉。
賈生何可久不見，海若率職君子還。

觸石墜馬卧病蒙恩予告先至上京寄慨之

學士敬仲叅書

翠幄臨都尚駐郊，言瞻龍漠度前茅。
雨餘草氣千

原合日下雲章五色交給札修辭持玉筆賜羹充
腹出珍庖白頭感遇知何補阿閣清嚴棲鳳巢

又

趨召顛躋歎目昏旋聞予告荷深恩藥頒西域干
金劑酒賜初筵九醞尊默憶舊書忘晝永行吟冷
署覺春溫摩挲素壁光於雪思得叅書寫樹根

閒閒宗師和前韻期望過當復用韻以謝

草堂長憶蜀西郊屢卜歸休自折茅司馬檄傳驚
父老少陵詩苦入神交山多美竹深安屋江有嘉

伯生詩

卷三
十一

汲古閣

魚遠致庖乞得閒身當及早堯時元自有由巢

又

書卷連床度曉昏懷歸猶復戀君恩養生賴得南
華論好客時傾北海尊山木向秋俱老大海霞迎
日共清溫蓬萊正與鼇峰接幾見浮雲起石根

雲州道中數聞異香

雲中樓觀翠峩巍截道飛香遠見招非有芝蘭從
地出略無煙霧只風飄玉皇案側當霄立王母池
邊向日朝却袖餘薰散人世九天清露海塵飄

次韻楊友直北行道中

蕭蕭戎馬昔升虛壯士吹笳慘不舒關外羽書三
月急道傍茅舍百年餘沙田雨足仍生黍河水冰
消不禁漁洛下賈生猶獻策平明立在玉階除

王儀伯參政見和郊字韻詩復用韻叙謝

龍游宮沼鳳游郊通水明堂不剪茅絲蕪草儀三
日具大亨饗帝五雲交執輿已信神爲馬和鼎寧
容祝代庖八月涼風張樂地頌聲洋溢播雲巢

又

伯生詩

卷三
十二

汲古閣

聖遠言湮感墊昏汾河千載最知恩垂綸論道稱
前古束髮明經奉至尊車騎身從遊汗漫庭闈心
在視寒溫朝回未覺歸途晚斗柄西移揭角根

十月十六日奎章奏對回至李溉之學士宅

宣旨行香孔林按上得佳紙因賦此詩并得

其鎮紙玉蟾

聖恩深念魯東家林木蕭條散暮鴉丹詔先令修
古廟彤庭即日遣皇華閣中學士馳山驛天上文
星絢海霞偶爲傳宣到書閣就床奪得玉蝦蟆

次韻馬伯庸尚書

邃閣晨趨禁掖西，莫街騎馬及鷄棲。
退朝每想花邊散，得句應從竹上題。
賜被南宮無宿火，齋居方丈有蒸藜。
鳳池何似承明近，久候文星共聚奎。

送甘太史祀名山大川

名山閼秘經承恩，衣繡喜趨庭江頭。
飛蓋逢春雨林下，幽人使星宣室夜。
深蓮燭絳石渠風，煖竹書青清朝盛。
典須成蹟最想迢歸駟馬駒。

就甘太史并寄天台武夷太無三君

伯生詩

卷三
十三

汲古閣

武夷山裏芝三秀，華頂峰前黍一炊。
湖老每懷鴻去遠，山人毋謂鳳來遲。
浮關紫氣綠書住，照夜青黎賴客知。
賀監清狂天所放，故令華髮侍安期。

子昂墨竹

高崖數竹凌風雨，老可當年每畫之。
修影自憐流水遠，虛心如待出雲時。
縱橫鴻爪畱沙磧，宛轉鸞羣向墨池。
百世湖州仍見此，故知王子善參差。

二十五日卽事呈閣老諸學士

松陰鵲立候宮車，風送飛花著白鬚。
水影漸移簾

側畔鶯聲祇在殷，東隅近床擬進名臣操。
載筆親題列女圖，太液雨餘波浪動。
龍舟初試散魚鳧。

賦胡氏皆山

萬山起伏如波浪，外固中寬故可居。
日出擁金千仞雪，雲生納翠八牕虛。
亭中畱客多爲酒，谷裏成樓更貯書。
朝往莫歸勞杖屨，醉翁應不憶環滁。

賦碭山成簡卿心遠亭

作亭臨河河水渾，草樹繞屋啼鳥聞。
夢回枕上彭城雨，目送檐間芒碭雲。
歸來黃菊有佳色，坐老青

伯生詩

卷三
十四

汲古閣

山無垢氛但願尊，中長得酒曲阿莫問。
舊叅軍

送全州錄事

清湘郡城公事少，錄事官曹盡日間。
且可隨雲度流水，更宜把酒看青山。
僧前虎跡石苔紫，雨裏鳥聲江竹斑。
應會吟詩一百首，寄與明年春鴈還。

與衆仲助教讀王臨川遺事慨然興懷良上

人口蔣山善公求送行因爲賦此

霜筠雪竹鍾山寺，最憶臨川舊所遊。
病骨荒陂秋澹澹，白頭遺恨思悠悠。
燕歸雲海迷華屋，鷺起星

河近綵舟欲托善公重到日松間石上試相求

玉堂讀卷

玉堂策士詔儒臣御筆親題墨色新省樹坐移簾
底日宮壺馳賜殿頭春虞廷制作夔龍盛漢代文
早董賈醇書閣算年偏感遇但歌天保答皇仁

謝吳宗師送牡丹并簡伯庸尚書

風紫陌少塵沙忽見金盤送好花雲氣自隨仙
天香不許世人夸青春有態當窗近白髮多
帽斜最愛尚書才思別解吟胡蝶出東家

伯生詩

卷三
十五

汲古閣

和范德機從楊搗進士見寄

清江先生最好奇十年不出髮如絲田舍每詢歸
反計玉堂今見寄來詩風前雨過林花動日下雲
行省樹移還覓舊遊春欲莫楊搗爲我道深期
送進士劉聞文廷赴臨江錄事

清江百尺石爲城太華千峰積雨晴官府幾時書
帙靜漁舟盡日釣絲輕故家好訪春秋學上國多
傳月旦評頗有老懷煩錄事到州爲問范先生
大廷策士問經世之道僕忝在讀卷之列觀

諸進士所對有感賦此錄以贈別鏘性粹中

支渭興文舉二賢良

昔人有欲問先天林下相期二十年已向塵埃成
白髮尚從燈火事青編獲麟遂訖春秋後鳴鳥猶
喧樂前春雨未來農事晚獨懷歸計在山田

羅朋友道擢高科拜官還崇仁賦此爲別

疊嶂竹交加曾著芒屨踏白沙名勝多年嗟
寔文章此日美才華青雲步武纔重見白屋詩
尚幾家鄉邑相逢煩告語好教忠信作生涯

生詩

卷三
十六

汲古閣

追居近之昔崇仁有何同父尚書李公父舍人
果故宅在焉國朝六科崇仁舉進士第者惟家
與友道方二人故云重
所以深期望於來者云

贈趙生

天門一日觀黃榜茅屋三年掩素扉湘帙蠹魚春
雨潤練囊螢火夜光微夢遊朔雪畱鴻跡思入南
山望鶴飛會倚宮牆看射策上林初日炫朝衣

贈昇龍觀主

榻前親製先生號賜與江南謝舜咨太華雲開天
使下少微星動史官知龍飛滄海畱珠樹虎卧丹

房守玉芝聖主無爲千萬壽更應築館候安期

訪李真人不遇

退朝花底佩珊珊去訪真人曉出關芳草欲迷行
逕古長松深護步廊閑蒼龍挾雨得瑤簡白鹿穿
雲致玉環如到天壇看月影定知清露滿人間

賦壺洲

符聞海上有玄洲曾是安期舊所遊千頃白雲都
匯玉一杯弱水不勝舟魚龍夜護黃金鼎鸞鶴晨
朝紫綺裘波浪不驚星斗近步虛聲裏度清秋

伯生詩

卷三
十七

汲古閣

完哲篤下第歸蜀

西郊長憶草堂吟塵外幽居更可尋奏賦上林春
事晚攜書舊隱歲華深濯錦江波紅灩灩浣花潭
水碧沉沉白頭未覺歸與算待子重來獻好音

吳宗師夢予得山居奇勝特甚夢覺歷歷分

明忻然相告賦此

夜來夢我山居好笑我平生豈有之野服許辭金
殿直俸錢足辦草堂貴安知蓬島非兜率不是匡
廬定武夷還有勝緣同晚歲至人無睡已多時

答李簡伯司業分俎

憶昔同堂肄樂歌朝陽煦煦午風和炮羔升俎堆
紅玉醕酒盈尊汎綠波坐席已成三載別交情猶
似嚮時多尋常飽德寧私我願賦緇衣上禁坡

次韻朱本初訪李漑之學士不遇

城南城北煖塵飛伐木相求苦未歸吟到碧桃還
雨行尋芳草又斜暉綺牕綵筆題詩偏斗帳沉
人袖微共載小車勝上馬重遊莫待曉紅稀

寄趙子敬平章

伯生詩

卷三
十八

汲古閣

乘閒入翠微猶愁嵐氣溼人衣道傍野樹飛
花盡溪上春雲作雨歸故舊釣絲輕在手仙人棋
局忘機赤松曾許同千載擬向高秋傍鶴飛

仁壽寺僧報更生佛祠前生瑞竹有懷故園

故園生瑞竹試從來使問何如蒼莖獨出千
竿翠節駢生數尺餘比管可吹丹穴鳳長竿莫
釣錦溪魚折筵已向靈氛卜亦說能歸似雨疏

又

聞道故園生瑞竹令人歸興滿江干扁舟不長瞿

塘險匹馬誰云蜀道難杜甫溪頭花匝孔明廟裏栢闌珊新堂題作歸與字定得臨江把釣竿

又

聞道故園生瑞竹山僧爲我重栽培百年雨露餘生息一日風雲幾往廻龍上枯桑烏萃止城東華表鶴歸來聖恩若許歸田里千石清尊爲爾開

又

聞道故園生瑞竹吾家孫子好歸看佛祠竟日春陰覆先隴多年莫雨寒門戶淒涼嗟老病鄉關迢

伯生詩

卷三
十九

汲古閣

通報平安重來慎勿勞余夢駟馬橋邊據馬鞍

題張太玄爲陳升海画廬山圖

誰向匡廬成舊隱画中一似夢中看千株松樹叅天起一箇茅亭俯水安清風空谷傳吟嘯白日高岑生羽翰寄語山中陸修靜葛巾不畏過溪寒

別國史院鼇峰石

秋雨蕓苔數尺身文章曾見百年人吁嗟一代興王盛付托諸公製作新垌野有詩皆在魯泰山無刻更先秦鳳麟一去無消息空使駑駘愧後塵

又

執戟揚郎九不遷頻年從幸到甘泉賜歸特許先三日作賦時今奏一篇翠勺娛人花帶露貂裘倚馬草橫煙殷勤爲謝堂前石何處來秋共月圓

神鳳琴

鳴鳥人間久不聞遺紋欲托斷琴紋曾看土鼓歌朝日亦共陶尊醉夜分五色雲中迎太一九疑山下望湘君采詩應被唐風譜早晚樓船或祀汾

繼陶居士傳

伯生詩

卷三
二十

汲古閣

湘水滔滔蜀嶺高幾千里棘心勞道閒化虎作人語城上慈烏向十哩上樹新歌殘王氣朱門往事付鴻毛將軍莫歎今爲庶居士當年已繼陶

謝書巢送宜和瀘石硯

果翁新得瀘州硯拂拭塵埃送老樵毀壁復完知故物沉沙俄出認前朝豪翻夜雨天垂藻墨汎春水地應潮恐詔相如今草檄爲懷諸葛渡軍遙

送蘇伯修御史

新除御史南臺去頓覺文星闕下稀病起可堪江

霧溼信還莫待苑花飛千年鳳鳥來阿閣萬里鱸
魚出釣磯總道揚雄文最古君知頭白久思歸

次韻柯玉文寄別

避戈驚鴻過遠汀啄苔病鶴想華亭臨邛枉騎情
都盡於越扁舟影更俾賓客莫詢溫室樹君王猶
問楚江萍重來賈傅非年少前席從容對夕廷

謝書巢惠梅花

巢翁遠送梅花樹正在東風四口前紅萼無言餘
舊雪白頭相見又新年喜從嘉樹來江雨憶共香

伯生詩

卷三
二十一

汲古閣

杭上海船春夜不眠賓客醉只畱孤鶴伴清妍

再用韻簡巢翁

豈無尊酒梅花側聞道長齋繡佛前方閣護雲宜
煖日小車衝雪稱高年願辭閣下金蓮炬但乞湖
中菴画船約取巢翁携鶴去鬢毛同白不爭妍

送玉泉長老栗木果

非青非黃栗木果使者西川馬上來楚國共疑金
橘味衛人祇道木瓜栽頻婆妙色情懷別橄欖餘
甘齒頰迴歸到玉泉應說法試令關老聽轟雷

送王君實御史

頓覺文星闕下稀旁人猶道此言非東風十日京
城雪西道三春客子衣鶯滿潮川君定到鵲啼劍
閣我思歸千花並繞圖書府相待承恩入紫微

寄句曲外史張伯雨

獨抱長鐮管白雲琴心誰錄內篇文清齋三日秋
仍瘦徧禮羣真夜每分石記恐妨塵外事仙經聊
許世人聞已從司馬求真錄更爲通章九老君

寄答馬昂夫總管

伯生詩

卷三
二十二

汲古閣

白髮先朝舊從官幾年南郡尚盤桓九華山裏詩
題徧采石江頭酒量寬鴈到京城還日暮馬懷餘
棧又春殘何時得共鳴皋鶴八月匡廬散羽翰

觀大洞經書與董道士

江東昔有大茅君大藥親令二弟分紺綠俄消頭
上雪玄黃初合洞中雲雷鳴春谷龍三變月滿秋
空鶴一羣一落人間成老大何年名字刻瓊文

送劉宗師歸茅山

長松落落千峰雪碧漢寥寥一鶴風十月暫離句

曲洞早春還謁大明宮君王舊識蒼龍劍圖畫新
傳白髮翁欲把紫芝歌隱德三茅應聽月明中

與陸都刺進士

當年薦士多材俊忽見新詩實失驚今日玉堂須
倚馬幾時上苑共聽鶯賈生誰謂年猶少庾信空
慚老更成唯有臺中馬侍御金盤承露最多情

送歐陽元功謁告還瀏陽

憶昔先君早識賢手封製作動成編交游有道真
三益翰墨同朝又十年心似古人機獨敏用周當

伯生詩

卷三
二十三

汲古閣

世德仍全雍祠已有蒼崖石欲托高文與代傳

又

曉奉新書進御床解纓隨見濯滄浪歸鴻不計江
雲闊倦驥空懷野水長竹簟暑風竟夢遠茶烟清
晝鬢毛蒼藍輿千里空春道投老相求訪石霜

送王師魯編修祠南鎮

山陰巖壑多塵迹王事能來況暮春太史好探神
禹穴老夫先是會稽人海東日出雕闌近湖上風
生白苧新若得拖樓同晚飯便從賀監卜爲隣

次韻楊友直

真館能容客避囂深簾飛絮畫寥寥數枝芍藥誰
相贈一束生芻故可招坐定驚雷經席上酒闌纖
月在林標何由長共陶弘景聽取松風作鳳韶

題東平王與盛熙明手卷

宋宣和手敕一通卷首題識四字我朝英
宗皇帝御書也帝嘗以至治三年正月十
五日幸五華山臣有以此書獻者丞相拜
住侍側就題以賜之既歸第曲先盛熙明

伯生詩

卷三
二十四

汲古閣

寫金字佛書一帙贊丞相丞相因此卷
馳之且語以其故至順三年三月八日熙
明屬歐陽玄記其事於左方

聖代御題前代敕小臣叨備史臣書事業久爲人
士重文章猶作世璠璵海淪碣石圖空在墓築祁
連計已疎誰識全燕天所斬萬年形勝帝王居

和馬侍御西山口占

岵嶺宮殿水西頭春日時聞翠輦遊霧引旌幢連
閣道風傳鍾鼓出城樓羣臣頌德金爲刻萬歲稱

觴玉作流避暑醴泉涼氣早旋京應喜大田秋

到先隴爲墓人書

未忍他鄉作故鄉故因使騎入陵陽鄉人共訪聲
音似客路疑將鬢髮蒼親老長懷鄉里意孫多宜
置墓田旁治生自可諸葛數頃膏腴八百桑

八月十五日傷感

官車曉送出神州點點霜華入弊裘無復文章通
紫禁空餘涕淚洒清秋苑中苜蓿煙光合塞外蒲
萄露氣浮最憶御前催草詔承恩回首幾星周

伯生詩

卷三
二十五

汲古閣

題煖翠亭

老去惟思卧白雲一亭萬竹喜初開波回曉日鴛
鴦竝沙散晴煙翡翠分把釣左泉歸衛女乘舟北
渚望湘君誰能獨采薇盈袖却道高寒思不羣

送許有孚赴湖廣提舉

奉詔掄文祕殿西才華知合藉金閨思親浩蕩江
波遠戀闕遲回苑樹低望鶴樓前移綵鷁吟詩花
底聽黃鸝歸來尚覺春風早鴈字充庭玉筍齊

賦石竹

積雪初消萼綠華東風吹動絳綃霞龍嘘石氣千
年潤鶴過林陰一逕斜刻字欲尋金錯落折旌如
織翠交加綺牕坐對吹笙煖未覺人間歲月賒

集爲朶兒只慎齋平章題紫微亭用王右丞
語也并賦詩一首奉寄

右丞昔向終南住獨對南山賦紫微春雨乍收原
上牧晚晴仍見谷中歸好畱杜牧爲賓客更寬閑
公共蕨薇聞道新亭多雅興想持尊酒看清暉

賦碧筠堂

伯生詩

卷三
二十六

汲古閣

藹藹江東雨後雲碧筠堂上注芳尊眉山老去無
賓客番水春生有子孫團扇晚涼畱翠黛疎林纖
月對黃昏問誰吹得參差玉爲斲蒼苔向石根

奉同吳宗師賦蔡七祖新齋

城南煙樹聽鶯啼石上莓苔覓舊題自有琴心傳
內景更將書帙事幽棲晚來相鶴風生竹雨過籠
鵝水滿溪蜀客草玄成底事蕭條白髮愧青藜

次韻吳宗師

硯池滿貯薔薇水罍腹輕磨翡翠釵仙苑煙雲隨

地煖道山風日向春佳巢笙夜夜鳴金屋飛鳥
時步玉階祇恐江頭花事晚謾勞車馬賦茅齋

寄來鶴亭主人

德清舊館何時到雨後春泉定滿池綠字久無
景信紫苔應長少霞碑數峰煙樹天垂野千頃
波雨散絲海內交遊多老去爲誰溪上放船遲

送王中夫赴安慶教授

太行積雪都消盡船到舒州水正高江樹連城
野色門生加豆薦溪毛尋原白去書山石問字

伯生詩

卷二
二十七

汲古閣

能載醴醪爲覓種椒張處士早收丹實待歸舫

予延祐己未秋南歸安慶城東有張教授

與予同舟從者得椒實數升至江右種皆

成予復來京師又數年山中椒已無存者

可爲求種秋過江上行取之爾

送張兵部巡視運河

画橋水判動龍舟鴨綠粼粼出御溝使者旌旗穿
柳過人家鳬鴈傍溪浮桃花吹雨春牽纜江水平
堤夜唱籌應有餘波方浩蕩不令歸楫恨淹留

謝吳宗師惠墨

念我衰年不廢書錦囊古墨送幽居明窗塵影丹
同熟玄圃雲英玉不如敢爲文章勝虎豹祇應箋
註到蟲魚研磨不盡人間老傳與兒孫尚有餘

再和

價見天真按筆書七言宛麗出閒居誰云太璞無
存者藏在丹房已久如寫韻臺虛人跨虎換鵝池
煖水生魚玄霜比似金丹祕祇得刀圭便有餘

又

伯生詩

卷三
二十八

汲古閣

家傳戈法負遺書得墨深將藻繪居華采每慚誇
既往平安聊遣問何如画殘翠黛愁蛾綠寫得甚
庭辟蠹魚鬚髮如霜還可染硯池不敢棄君餘一

三用韻答巢翁就以奎章賜墨賜之

鄰父長思長史書不辭頻謁惱巢居臨池三月方
霜盡對月千篇白雪如賦敵洛波翔翠羽歌成
浦媵文魚故分瀘石松烟色猶是奎章舊賜餘

四用韻寄吳宗師奉祠城東岱祀其一謝首

真人送海棠一枝

休奉東封遠獻書神宮咫尺九重居香飄祕殿人
顚若靈降方壇樂翕如水上祓除祠候燕雨中歸
牧夢占魚此時最憶風雲地濯濯清沂詠歎餘

又

定計歸來已束書高齋虛寂似禪居好花送與春
風共病目愁看宿霧如四月落林多野筍半陂流
水足溪魚今春又過今秋早一飯踟躕不願餘

謝吳宗師送牡丹

人人看盡洛陽花誰似堯夫小小車高閣每煩君

伯生詩

卷三
二十九

汲古閣

實望西街還過伯淳家東風寒食吹烟散燕子空
梁莫景斜最憶青城坪上樹樵人祇向檐頭誇

題著色山圖

江樹重重江水深楚王宮殿在山陰白雲窈窕生
春浦翠黛嬋娟對晚岑宋玉少時多諷詠江淹老
去倦登臨扁舟却上巴陵去閑聽孤猿月下吟

題熊太古畫

亭上長松三百丈何人可以此經過窮冬藜杖出
同谷清夏盤興還曲阿棲鶻每來從島嶼老猿時

復下藤蘿王維韋偃久不見病目摩挲愁奈何

送趙伯常自中臺出貳淮憲

淮南地沃偏空麥況可扁舟弋鴈鳬此地正須能
賦客中臺新剖使君符山城過雨驚春盡野老扶
藜到日晡行部若臨江岸濶烟波冉冉有漁夫

題淨慈書記

寒梅的的西來意翠竹青青劫外春日出碧雞山
作霧臺空彩鳳地無塵八年寫徧湖光好萬里歸
來月色新我在錦宮城裏住白雲滿屋便爲隣

伯生詩

卷三
三十

汲古閣

送趙秉彛因王君實末章以起句

朝裏儒冠盡白頭斯言三復使人愁芳叢獨見芝
蘭樹蚤歲不矜梯稗秋藏書靈谷訪遺老把釣清
江懷故侯大中梁棟小榱桷匠氏尋引還相求

題畫

緝熙殿裏御屏風零落誰收百歲中錦樹總含春
雨露画橋猶是舊青紅花開陌上懷歸燕潮落江
頭送去鴻何似綠波生太液絳桃風急綵船東

城東觀杏花

明日城東看杏花丁寧兒子早將車路從丹鳳樓
前過酒向金魚館裏賒綠水滿溝生杜若煖雲將
雨少塵沙絕勝羊傳襄陽道歸騎西風擁鼓笳

題張希孟中丞送畢提點申達卷後

十年七聘不還朝起爲飢民夜駕輶嘉樹百年誰
忍伐生芻一束不能招西州華屋交游少北海清
樽意氣消欲寫濟南名士傳泉聲山影晚蕭蕭

寄海南故將軍

海上風來五月秋晚涼應上木蘭舟金盤丹荔生

伯生詩

卷三
三十一

汲古閣

南國玉椀清水出北州狂客醉時花作陣美人歌
罷月如鉤期門舊識將軍面從獵還披翠羽裘

次韻宋誠甫學士城南訪病莫歸

騎馬城南覓舊題飄蕭蓆帽碧雲低東風花柳過
韋曲落日兒童唱大堤繡閣豈無和玉髓□□□

□□金蹄歸來吟轉樓頭月池冷芙蓉翡翠栖

寄泉南三老人

春城連海樹扶疎中有幽人八十餘庾信流傳江
左賦伏生零落濟南書鄰翁社舞尊多酒弟子晨

炊饌有魚前代衣冠今絕少故懷三老載安車

次韻答衆仲助教相壽之句

老牛無力服柴車道遠鞭驅未到家碩果當留霜
後樹寒梅深辨雪中花青城萬里懷空谷滄海千
年望太霞賴有良朋相慰藉釣竿隨分倚江沙

題康里子山尚書凝春小隱六韻

羣玉府中香滿袖凝春亭裏看花開綠雲近席微
風動紅日當牕好客來西海珊瑚階下長東家蝴
蝶雪中回竹深每聽尚書履池暖時分太液盃鳳

伯生詩

卷三
三十二

汲古閣

味浮烟金錯落鵝羣隨水白毡毼人間應得函封
帖青李來禽繞舍栽

次韻杜德常博士萬歲山

秘閣沉沉便殿西頻年立此聽春鸞風搖翠岸新
生柚□□銅池舊產芝玉几由來長咫尺衡門此
日遂栖遲申生欲去柴車在杜甫長吟雪髯垂墨
沼遊魚翻宿藻畫檐飛燕習晴絲山中竹簟涼如
水應夢釣天九奏時

次韻宋顯甫

御溝雪融三月初鳧鷖鴻雁總來居蒲萄水綠可
爲酒楊柳條青堪貫魚迤邐天河起箕尾滉漾雲
海浮青徐舟前花落傍飛燕隄上風來溼舞裾翠
輦時畱金駿褭錦波不着玉夫渠臨流宋玉偏能
賦莫待東都客問予

燕陳公子宅贈燕學士

落日炤大隄花間聞馬嘶城頭鼓角起相送五門
西

宣和墨竹寒雀

伯生詩

卷三
三十三

汲古閣

洒墨寫琅玕深宮春晝閒蕭條數枝雪不似紇千

山

上馬

眼昏身手鈍上馬怕風沙祗好扶藜杖循籬看落

花

題旦僉司所藏慧甌腐瓜行蟻圖

瓜腐來螻蟻梧生致鳳凰荒園空宿雨阿閣自春

陽

雙鷺圖

戢翼石梁陰秋風日夜深使君莫行野江水蕩人
心

畫扇雀竹

啄粟野田莫飛鳴亦求雌誰家江上雨發船歌竹
枝

畫扇柳蟬

不食遂終日長吟如老翁金盤九秋露玉樹一絲
風

畫雙蝶

伯生詩

卷三
三十四

汲古閣

舞罷庭花落池邊看睡鳧無端雙蛺蝶飛上繡羅
襦

商德符畫松

松根生茯苓松葉纏兔絲服之可長生歸哉南山
陲

河梁泣別圖

落葉滿長安秋風漢節還裁詩寄歸雁三月到天

山

題蒙古松壑圖

長風壑中來吹雨洒高竹憶昔曾見之終南跨黃
犢

捕魚圖

網罟日相從天寒澤國空釣竿長倚樹老却渭川
翁

子昂圖

拂石藜竹間采蘭幽林下遊子口忘路何以遺遠
者

右

伯生詩

卷三
三十五

汲古閣

松上一枝雪竹間千本蘭江湖嗟遠道風雨憶春
寒

雜寫

韓子登華封縣令捐其口口呼始得下亦不傷雅
懷

布

粵人善操舟先去令人愁今年水未落不見尊鱸
秋

本

狂罵人不怒徒然傷天和問君丹丘月當勝白蘋
波

右

雲間陸士龍寧知千金貲文章倘有取論薦何愧
辭

右

長鬚一握雪昏目九重雲不爲成去計猿鶴皆怨
紛

右

伯生詩

卷三
三十六

汲古閣

夕望姑蘇月晨瞻太湖波金章還闕下隨意覓漁
蓑

右

貪祿戀君恩三年金馬門願於堯舜世頭白老人
村

題柯敬仲雜畫

北苑今仍在南宮奈老何青山解浮動端爲白雲
多

右

雨過蒼苔石雲生堃岸泉幽懷春冉冉稚子秀娟娟

右

眠
鐵石餘生色水霜作曉妍春雷明日起何處尚龍

右

秋
雨過黃陵廟蒼梧雲正愁何時倚虛幌對此滿林

右

伯生詩

卷三
三十七

汲古閣

江上秋漠漠風雨晚蕭蕭千載誰相識惟應待老

樵

右

昔過簣簞谷鉤衣石角斜擬尋龍作杖拾得上天

槎

右

黃金千瑣甲瑯玉六簾鈎雨送鴛鴦夢烟籠翡翠

愁

右

娟娟生玉潤楚楚作金聲羽扇迎風定羊車過月

右

歌
峽口春雲重江南夜雨多水深桃葉渡風急竹枝

右

幽
蒼涼初出日黃落早知秋不遇采芝客寧知叢桂

幽

右

伯生詩

卷三
三十八

汲古閣

明堂要梁棟大匠取修直鬱屈崖石間秋風動蕭

瑟

右

平陸蒼龍起近山生遠烟前村三萬頃明月水平

田

右

莓苔生石路翠竹自交加不惜青鞵溼臨流踏白

沙

右

昨夜采樵去偶逢三尺枯山人不到海不識是珊

瑚

右

瀟洒一枝新惟堪掃淨塵白雲在窓戶畱作老僧

隣

題李漑之學士湖上諸亭

烟蘿境

玉女乘烟霧松間采薜蘿飛行了無跡明月送空

歌

伯生詩

卷三
三十九

汲古閣

金潭雲日

金沙灘上日潭底見雲行祗有琴高鯉時時或作

羣

漏舟

春水如天上秋潭見月中如何列禦寇猶欲待冷

風

紫霞滄洲

洞裏琴鳴澗洲前棹入雲倏尋雲谷叟同訪武夷

君

秋水觀

湖深山影碧天淨月光空幸自無波浪蘋花謾晚

風

無倪舟

三周華不注水影浸青天不上銀河去空明擊棹

還

紅雲島

日出湖邊曙雲生島上紅綵舟移曲岸白塵對微

風

伯生詩

卷三
四十一

汲古閣

蕭閒堂

受業蕭閒老令人憶稼軒高堂何處是湖曲長蘭

孫

松關

黛色浮空表蒼髯積雪邊雞鳴從此度掉臂向秋

天

大千豪髮

善聽返無聲善視入無覩還將一緒雲散作萬山

雨

觀心

炯炯燈留室微微息若存仰探當月窟俯察識天根

題熊太古畫

路過秦時檜家畱蜀道山長安都看徧回首入柴關

右

海內此亭古幽村春事多扁舟歸未得江水已生波

伯生詩

卷二
四十一

汲古閣

敬仲竹樹古石

雪樹寒逾勁霜筠晚更修玄雲動蒼石令我憶湖州

題柯博士九疑秋色圖

余獨游今洞庭野雲徘徊今天將雨望九疑今不可見結幽篁兮聊延佇

題柯士畫

登孤丘而望遠見江上之楓林放余舟兮澧浦何天高而水深

三卷終

虞伯生詩卷四

次韻竹枝歌答袁伯長

沙禽東去避網羅蕩舟相逐如遠何越山青青越女白從此勞人魂夢多

又

春江風濤苦欲歸東盡滄溟南斗低明年白日百花靜憶爾琴中烏夜啼

又

燕姬當壚玉雪清簫中吹得鳳凰聲不及晴江轉

伯生詩

卷四
一

汲古閣

柁鼓洗盞船頭沙鳥鳴

木夫容

九月襄王宴渚宮霓旌翠羽度雲中滿汀山雨衣裳溼宋玉愁多賦未工

木夫容

長洲宮沼醉西施蕩漾蘭舟不自持願奉君王千歲樂一盤清露玉淋漓

送四川憲使

晚趨嚴召直承明侃口論思歲未更國老不應持

節去鄉人徒羨過家榮

又

錦溪園裏千尋竹夏日移床就綠陰烏帽練衣印
竹杖閒來誰與共清吟

又

已歎玄經返墨池復愁國史奉嚴祠離鄉遊子歸
仍晚獨對東風惜髮絲

又

小東郭外今無舍萬里橋西況問田不恨錦官非

伯生詩

卷四

汲古閣

昔日但尋玉局是何年

又

龍游峽口芝千本仙井山中玉數參老去首丘天

所念未甘孫子祗東南

曹將軍馬

高秋風起玉關西踣鐵歸朝十萬蹄貌得當時第
一匹昭陵風雨夜聞嘶

舊屋

舊屋已屬他人家臨風且復立江沙欲從子雲訪

墨沼更向少陵尋浣花

誰家

誰家結屋倚江湍五月湍聲入座寒種樹已堪維
馬騎開軒即可把漁竿

馬圖

昔在乾淳撫蜀師賣茶買馬濟時危鄉人啜茗同
觀畫解說前朝復有誰

先君太史棄諸孤之四年集來吳門省連州

府君大墓始見叔父南山翁翁與集同出太

伯生詩

卷四

汲古閣

師雍國公益四從矣翁曰後會未可期幸畱
數語識歲月翁方客授外鄉又以推人生年

月日論禍福以助道故不能久畱城中敢用

賦此以承命云耳

玉屏古栢與天齊使過于今又七期各道遺書向

江上西風江水鬢絲絲

又

玉遮墓下有諸孫東望滄波每斷魂泣血三年餘
喘在更將衰淚灑荒園

又

族人散處江南郡不識音容但記名世澤須令孫
子憶故家今幾尚簪纓

王母圖

瑤草春深盡日閒靈芝清露自怡顏變成吹徹參
差玉八駿人間去不還

又

偷桃小兒癡且妍恃恩無賴更豪憐竊翻雷電天
公怒風雨落花紅九川

伯生詩

卷四
四

汲古閣

又

黃竹遺墟白雪高空桑戴勝向晨鳴茂陵多欲非
仙器枉賜金盤五色桃

又

西望瑤池斗柄旋金明水淨月娟娟請觀阿母神
仙籍名在龜山第幾篇

竹杏沙頭鴻渤

蛺蝶飛來石竹藂羅襦曾試繡紋重荷花啼鳥銀
屏暖臥看牕間吐碧茸

閬州海棠

閬州城南天下稀海棠參天鸚鵡飛百年高興付
蕭散老著西江何日歸

書猿

冷泉亭下呼常到巫峽舟中聽更愁老石枯藤還
見汝因懷經處思悠悠

記夢中詩三首

祝融君紫虛君率子廉

出海雲霞九色芒金容混漾水中央向曾賜服玄

伯生詩

卷四
五

汲古閣

洲玉今結蕭臺五鳳章

又

飛步崔嵬上九宮親題彩筆篆明虹玉樓臨海連
天碧待子扶桑鶴出籠

又

失脚漁磯返棹遲幾回石上候來期老翁巖下諸
年少總解題詩笑鬢絲

題周東陽進士爲南郭園林記後

南郭名園纔隔縣好添花竹及清時歸來未老柴

車在百里尋春定可期

維摩

二士同開不二門是何境界儼評論若爲普供諸
香飯貴得薰聞悟識根

錢舜舉折枝夫容

白髮多情憶劔南秋風溪上看春酣剪來一尺吳
江水儼比千花濯錦潭

商德符小景

商君昔者觀秦蜀劔閣崢嶸筆底開又向江南住

伯生詩

卷四
六

汲古閣

三載不爲廬阜卽天台

天曆改元十月題子昂馬

朝廷無事日從容太僕承恩出九重前代王孫今
閣老只畫天閑八尺龍

寄馬伯庸尚書

江上河豚吹柳花三月淮船當到家賜金盡賣買
田舍坐對八公吟日斜

商德符小景

五老峰前屢往來紫雲如蓋蔭崔嵬十年京國頻

看畫最愛高僧坐石苔

賦故宋李忠襄公植烏石渡舊隱

窈窕幽篁帶薜蘿青春白日坐蹉跎試詢烏石江
頭水寧有微波接汨羅

訪杜弘道長史不值道中偶成

雨挹輕塵道半乾朝回隨處借花看橋東千樹垂
楊柳飛絮時來近馬鞍

聽雨

屏風圍坐髮氈氈絳蠟搖光照暮酣京國多年情

伯生詩

卷四
七

汲古閣

盡改忽聽春雨憶江南

春雲

春雲漠漠度宮城樓雪初融水未生行過御溝成
久立起頭枝上有流鶯

與趙子期趨閣

日出風生太液波畫橋千尺彩船過橋頭柳色深
如許應是偏承雨露多

玉堂讀卷雜賦次韻

待漏宮門聽鑰開袖中進卷總賢才奏名殿裏千

花合傳教階前好雨來

又

千花覆檻柳垂絲畫刻傳呼淑景遲聖主自觀新
進策侍臣簪筆立多時

又

文章光焰貫長虹來者無窮去者空頭白眼昏心
力盡高堂深夜燭搖紅

題陳衆仲助教送人之官南平序後

我憶錦溪最上原春雲爲雨日行天何時獨上溪

伯生詩

卷四
八

汲古閣

邊閣不待冷風已灑然

院中獨坐

何處他年寄此生山中江上總關情無端繞屋長

松樹盡把風聲作雨聲

題歐陽原功少監家柯敬仲畫

淅陽日日水生波翠袖黃裳晚耀過珠樹月明花

婀娜鳳毛春煖錦婆娑

又

楚宮朝雨過江潭燕燕新來試浴蠶庭下錦衣皆

稚子江南香色是宜男

子昂人馬圖

綠衣奴子十七八面如紅玉牽馬過繡簾美人時
共看堦前青草落花多

紹興間臨安士人有賦曲一春長費買花錢

日日醉湖邊玉驄慣識西湖路騎嘶過沽酒

樓前紅杏香中簫鼓綠楊影裏鞦韆晚風十

里麗人天花壓髮雲偏畫船載得春歸去餘

情付湖水湖烟明日重扶殘醉來尋陌上花

伯生詩

卷四
九

汲古閣

細思陵見而喜之恨其後疊第五句重攜殘

酒酸寒改曰重扶殘醉因歐陽原功言及此

與陳衆仲尋腔度之歌之一再董此字求書

其事因書之并系以此詩

重扶殘醉西湖上不見春風見畫船頭白故人無

在者斷堤楊柳舞青煙

題畫古木

高秋木落洞庭空岳陽城南多晚風蛟龍夜護王

壇古劍影長留明月中

八月十五日得旨先歸驛騎在門復召還草

詔十七日至桓州驛題壁

烏桓東望天無際祗有銀蟾出海頭不得吹簫送
清夜禁城鐘鼓度中秋

子昂幽蘭修竹

舊時長見揮豪處修竹幽蘭取次成欲把一竿惹
水上鷗波千里看雲生

子昂竹石

數尺琅玕近玉階連昌宮苑少人來庚庚蒼石如

伯生詩

卷四
十

汲古閣

人立恐有題名上紫苔

畫竹石

井中墮却翡翠釵海上拾得珊瑚鈎蒼龍過雨影
在壁斷雲零落令人愁

又

簣簣谷中春事晚老鶴俛啄莓苔生長鳴憂憂雨
氣潤舞羽翛翛山月明

酬書巢送棕箒

積雨蒼苔路不分松華盡日落紛紛塵埃滿袖歸

來晚誰與柴門掃白雲

子昂畫

棠梨枝上白頭翁墨色如新最惱公直似故園花
石外銅盤和露寫東風

送上黨長

春雨人參長紫苗縣庭無事坐終朝俯看雲氣千
山表野有新田市有謠

畫馬

蕭條沙苑貳師還苜蓿秋風盡日閒白髮圉人曾

伯生詩

卷四
十一

汲古閣

習御長鳴知是憶關山

又

虢國夫人學畫眉宮門催入許先馳春風十里聞
薌澤新賜金鞍不受騎

畫羅漢

虎嘯千山木葉空晴空無處著神通蒼龍浴罷軍
持水閒玩明珠似日紅

題納涼圖

百頃芙蓉水滿隄綺窓只在畫橋西羊車薄算過

湖曲驚起鴛鴦不並棲

題畫

松戴蓬萊山上雪竹含滄海岸邊風三更月上誰
能看唯有河東學劍翁

題趙子固山礬瑞香水仙蘂蕙

梁園池館日蒼涼飛蓋追隨憶故鄉澤畔行吟春
事晚時時駐屐近微香

息齋竹

紫貂蚤解獵圍騷一棹夷猶雪滿簷山雨欲來春
伯生詩

卷四
十二

汲古閣

樹暗盡將情思寫江南

冬至前一日答吳宗師

綿綿微息起黃庭仰望樽桑拂帝青海上鶴來知
有意手持楊許寫來經

題吳彩鸞所書唐韻

豫章城頭寫韻軒繡簾窄地月娟娟尋常鶴唳霜
如水書到人間第幾篇

壬申芝亭春帖子

祗今江上無茅屋何日成都有薄田若荷聖恩歸

去蚤東風擊壤慶堯年

又

髮從更白三千丈身似初生第一春久向黃庭畱
白鶴偶隨華蓋駕蒼麟

又

東風吹雪著髭鬚目力都妨讀舊書兒子總堪供
稼穡故人還許共樵漁

又

一種芝蘭異楚薪儀如鸞鳳氣如春他山借石成
伯生詩

卷四
十三

汲古閣

瑚璉莫負深耕種玉人

華萼樓宴集圖

華萼樓前翠輦來寧王吹笛百花開夾城誰敢爭
馳道獨對霓裳進玉盃

爲歐陽學士題子昂墨竹

蒼崖倚水雲千尺新筍穿林玉一雙若到瀟湘聽
夜雨定知剪燭向西牕

又

先生歸到歸鴻閣閣下應生此竹枝定有鳳凰來

共宿可憐翡翠立多時

送道士趙虛一歸金陵

三月二十五日集侍立延閣上顧問集嘗
至金陵否集謹對曰嘗到又曰冶亭是汝
所題往年八九至其處新松當長茂矣集
謹對曰臣猶是未種松時到也近臣奏曰
玄妙住持道士趙虛一所種也上曰然又
顧集曰已陞觀爲宮汝知之乎集謹對曰
臣奉敕題榜賜之矣是日趙虛一來別歸

伯生詩

卷四
十四

汲古閣

江南卽告以聖上不忘冶亭之意又三日

吳大宗師賦詩贈行董先生爲持卷來索

賦因錄所得聖語如上云

春明畫侍奎章閣聖上從容問治亭爲報仙都趙

貞士新松好護萬年青

題子昂春江聽雨圖

越鳥巢南枝所欲得於江湖之上者甚不
多也區區不余畀覩此慨然

憶昔江湖聽雨眠翩翩歸雁度春前數株古木依

茅舍老去何年踏釣船

賦思州田氏楊夫人栢舟堂

白髮高堂畫霧昏自將忠義教兒孫邊傍種得千
株柳春雨深深荷主恩

次韻杜德常典籤秋日西山有感

落日龍舟山下回寺門依舊對山開霜凋碧樹烟
生草從此頻傷八月來

又

百頃夫容野水光石梁秋日度流香空遺玉座臨

伯生詩

卷四
十五

汲古閣

高閣只有金仙住上方

又

閣上露華生翡翠潭陰日色射金虬舊時車駕迎
風動此日闌干傍水流

又

每進文章出殿遲日華西轉萬年枝甘泉罷幸揚
雄老滿鬢秋風不受吹

題柯敬仲雜画

夢裏江南憶舊遊明璫翠佩不勝愁一鉤纖月清

如水吹笛何人共綵舟

黃筌夫容乳狗

西旅初聞效貢來金毛覆地不凡材騶虞麟趾同
靈囿抱子花陰臥石苔

題柯敬仲画

牽牛引蔓上棠梨上有幽禽夜夜栖自有秋風動
疎竹江南落月不須啼

題蔡端明蘇東坡墨蹟後

天際烏雲合雨重樓前紅日照山明嵩陽

伯生詩

卷四
十六

汲古閣

道士今何在青眼看人萬里情此蔡君謨

夢中詩也僕在錢塘一日謁陳述古邀余

飲堂前小閣中壁上小書一絕君謨真跡

也綽約新嬌生眼底侵尋舊事上睂尖問

君別後愁多少得似春潮夜夜添又有人

和云長垂玉筍殘粧臉肯借金釵露指尖

萬斛閒愁何日盡一分真態爲誰添二詩

皆可觀後詩不知誰作也杭州營籍周韶

多蓄奇茗嘗與君謨鬪勝韶又知作詩子

容過杭述古飲之韶泣求落籍子容曰可

作一絕韶援筆立成曰隴上巢空歲月驚

忍看回首自梳翎開籠若放雪衣女長念

觀音般若經韶時有服衣白一坐嗟嘆遂

落籍同輩皆有詩送之二人最善胡楚云

淡粧輕素鶴翎紅移入朱闌便不同應笑

西園舊桃李強勻顏色待春風龍靚云桃

花流水本無塵一落人間幾度春解佩暫

酬交甫意濯纓還見武陵人固知杭人多

伯生詩

卷四
十七

汲古閣

慧也

祗今誰是錢塘守頗解湖中宿畫船曉起鬪茶龍

井上花開陌上載嬋娟

白樂天蔡君謨陳述古蘇子瞻皆杭守也

又

老却睂山長帽翁茶烟輕颺鬢絲風錦囊舊賜龍

團在誰爲分泉落月中

又

三生石上舊精魂解后相逢莫重論縱有繡囊畱

別恨已無明鏡著啼痕

又

能言學得妙蓮華贏得春風對客誇乞食衲衣渾
未老爲題靈塔向金沙

丹丘桓敬仲多蓄魏晉法書至宋人書殆
百十函隨以與人弗畱也他日獨見此軸
在几格間甚怪之及取觀則吾坡翁書蔡
君謨夢中詩及守居閣中舊題也第三詩
以爲不知何人作其軒轅彌明之流與陳
太守放管妓三詩亦辱翁翰墨流傳至今

伯生詩

卷四
十八

汲古閣

亦有緣耶卷後多佳紙敬仲求集作詩識
其後賦此四首是日試郭杞墨但目疾轉
深不復能作字又知年歲後雖若此者亦
尚能作否臨楮慨然至順辛未二月望日
蜀人虞集書

題著色山圖

巫山空翠溼人衣玉笛凌虛韻轉微宋玉多情今
老矣閒雲閒雨是耶非

題東坡帖

東坡先生書少陵翁負薪行筆力與辭氣
同一高古憶在江上聞舟人竹枝一首謾
識於此

魚復浦前春水生負薪渡江初月明憑郎莫下巫
峽去楚王宮殿在專城

題張彥輔小景

山下吳王避暑宮宮前浪起白蘋風抱琴響簾廊
頭去多是扁舟笠澤翁

題李氏青溪精舍

伯生詩

卷四
十九

汲古閣

昔逢李白青溪上醉著宮花紫綺袍松雪落崖迴
晚擢海風吹月見秋豪

題李氏浩然堂

水滿青溪花滿蓼浩然堂上看春風小車還過溪
頭去徧看青山似洛中

聽雪軒

樓前宿鷺起星河近歲江南雪轉多投老鍾山寒
不寐滿山松竹夜如何

放鶴亭

山人不受北山移
春雨開田種紫芝
昨日華陽真逸到
借令過海問安期

臘日偶題

大藥無功卦氣銷
等閒雙鬢雪飄蕭
東家釀得黃精酒
說道凌晨許見招

又

舊時燕子尾毵毵
重覓新巢冷未堪
爲報道人歸去也
杏花春雨在江南

無題

伯生詩

卷四
二十

汲古閣

夏簾琅玕冷於水
綠韞烹魚手操七
西風歸燕杏梁深
恨不身先貴人死

與陳升海

門外大風都不起
牕前卷書淨於水
匡廬道士上清來
吹笛數聲月明裏

與陳道士

門外大風吹樹倒
牕下燒香禮黃老
日午誦徹大洞經
白鶴隨人啄瑤草

題扇與周幹臣

玉疊松花蜜餅香
龍珠星顆露盤涼
遙知環碧樓中坐
翠竹蒼松夏日長

伯生詩

卷四
二十一

汲古閣

虞伯生詩卷四 終

虞伯生詩卷五

環洲詩爲蔡天璧作

愛有清流環我中洲雜華鮮明芳草和柔詠有文
君鳴有雉鳩采采遊女侃侃良疇載泳載遊在我
中止遡遡無端沿沿無止旣采蘋藻亦有蘭芷觀
彼嘉魚一日千里彼畎彼畝皆爲方田分合雍丘
我流璧旋星迴於天雲媚于川君子樂豈眉壽永
年言命輕舟言載百壺駕我乘黃履我雙鳬汎汎
彭蠡至於匡廬詠歌以歸清風載途

伯生詩

卷五

汲古閣

冰雪相看亭

有序

趙君有道之先故宋南渡時自東都徙分
宐二百年于茲矣其大父登進士第仕至
文林郎湖北憲司幹辦公事其父兩舉江
西轉運司進士覃恩受官宋亡不復仕城
中故地美竹萬箇作亭其間而隱焉名之
曰冰雪相看信國公之子平遠宜慰之所
題也有道信厚敦愿衣冠容氣翩翩然有
王孫公子之遺風敏稼穡以服徵賦謹詩

禮以保族姓無外驚無妄求弗變其父之

志以老其身以長其子孫是以士君子稱

焉夫元亨利貞之爲德猶春夏秋冬之爲

時也君子觀乎運序以自處則合於時措

之宜而不過焉方其以振振麟趾之賢處

富貴之極則大亨春夏之時也自其來南

族蕃以久非秋之利乎其在有道爲冬之

貞無疑矣冰至堅而不折雪至潔而不汙

凜然相看不接于他物誠得處貞之道也

伯生詩

卷五

汲古閣

予聞而善之故爲之賦詩焉

挺挺直筠琴岡之陰豈無春陽匪今斯今高宐於
天下蟠地深不易其節侃侃素心豈無膚敏白駒
駸駸我獨考槃樂乎幽林堅冰在淵積雪在岑獨
往不廻悠然行吟采采紫芝園綺是尋還求陶生
撫我素琴邈乎古人副我夙欽

竹林七賢圖

瞻彼修竹下臨清流文石偃隄華松蔭丘植表界
壤翦茅宅幽梁度高巘臺隱中洲方床讀書異宮

同休詠歌相聞觴豆相求或時名藥或釣遊脩課
藝嘉植坐思遠遊濯纓微波看雲良疇逸而不放
儼而自修泰哉沮溺邈乎巢由按圖以觀永宐春
秋孰若五君遺其故儔槽柏塵世高踪莊周我懷
古人邈而違憂安得揮弦以招湛浮

竹溪六逸圖

悠悠逝川矯矯逸民攜書相從敷席水濱支頤負
暄揮羽却塵躡屐遠道隱几重茵幽響中發虛觴
載陳投我嘉實舍和茹醇優哉悠哉及茲良辰山
伯生詩
三 卷五 汲古閣

有鳴鳥郊有遊鱗濟濟以寧我懷古人

題汪萃玉所藏蘭亭圖

衡茅負晴旭有客至我門共披會稽圖山水盛續
紛衆賢坐水次飛觴汎沄沄夷曠各有趣高閒知
右軍幽情付後覽陳迹感前欣悠悠千載來不異
更且昏探穴問神禹望海悲秦君逝者皆如斯死
生固奚云所以鼓瑟人思從童冠羣春服沂新浴
歸歟聊永言撫卷不知老遐思在茲文東南極積
水日暮多浮雲

寄題曹元賓尚書臨流圖王繼學叅政書

昔聞適炎服中道臨清漪潏潏蕩荒日悠悠動寒
颼來者何滔滔逝者不可追聖有川上歎晝夜固
如斯解纓手自濯浩蕩忘險夷高人今摩詰萬里
同襟期抽豪寫幽思滯雨更題詩三年反田里春
河釋冰斯舟楫繫野樹灌沐晞晨曦上堂喜懼集
艱辛謝親慈入室換野服登山采靈芝庶以永年
壽豈惟療朝飢開囊見舊物感慨深係之歲晚金
石友看雲立多時憐我不共看寄言令我知來鴻
伯生詩
四 卷五 汲古閣

春苦早去燕秋易衰道遠不相覲加餐慰遐思

玉隆畱題

仙真治茲山重阜隱延廣冲奧元氣會運至法靈
響與世作司命神宇廓弘敞及門春雨來玄感副
夙仰摩挲晉時樹託身何蕭爽千載抱微息日月
共來往欲爲黃髮期日待紫芝長上天垂光彩月
出江海上故人不可待惆悵理歸鞅

黃堂畱題

雲館息塵鞅夜間春雨聲溪水傍階長仙茅新綠

生曉氣動原野曠分見夷平神真昔叅合觀泉宅
幽貞儼然師弟子歲來會秋清遺民千載後高宴
從簫笙因嗟蚤好道晚歸濯冠纓矯首望遠海駕
言羽翰成神仙在平地崎嶇愧凡情太乙有移召
中洲良可管

記夢

夢行衡廬間千仞過蒼壁崇高仰神明深廣下不
測雲雨蓄盤礴時至如欲出網緼尚回旋揮霍忽
奔逸物怪匿岩穴懔若俟霹靂黑波汎高樹木葉

伯生詩

卷五

汲古閣

走崩石升身登玄間縱觀龍變跡俯視九州野草
木有輝澤乃在風雨外手畫素三尺揮毫極動盪
落墨更沉鬱圖成示坐人共笑不可得顧瞻以脚
躡恍惚增歎息因之命肩輿出門聊有適大術何
舒舒白鶴從數客略經幽澗濱便上青松側憑高
望遠水雙景蕩虛碧拂石共客坐芳草藉尻膝忽
然聞鐘聲睡覺北窗席

次韻陳溪山櫻履

頗憶蜀并西櫻欄每易討披心割魚子束皮充雪

掃制工巧紉履文織象花草輕鬆隔沮洳緩步得
堅好長跪獻圯下會期後三早知君貴賤履陟降
恒有道憐我涉世深垂誠不待造兢兢歷淵冰縮
縮奉師保時行不違矩庶慊歲年老

又

解舄還上方歸山據枯槁禁足結僧夏陳編謝探
討隱几或過晝凝塵遂忘掃行庭不見人誰或踐
生草寔由筋力衰無復馳走好前年當此時嚴召
出城早追度龍門水賜見沙領道鼎湖忽踰年始

伯生詩

卷五

汲古閣

克罷趨造感君素履詠幽貞可長保番番茹芝人
長歌豈知老

又

六月乃屢雨良田不憂槁獨念桂林戍觸熱赴南
討道路備攘掠所過淨於掃縛人夜送軍吏卒何
草草蠻獠亦人類義利啓戎好尋原可制亂機要
貴及早夜來送者還頗言喝橫道諸軍四面集同
月約皆造誰爲飢渴謀性命安可保藜藿雖滿盤
對之令人老

浮丘公吟寄赤城陳道士入山有遇爲溪山

壽

浮丘生上古形神蓋不泯說詩秦漢間安知非斯
人世俗苦淺迫無能信真淳雨雲不待攷飛光越
窗塵豈知有道者千歲一息勻金精歷可鍊色重
無磨磷蒼蒼紫玄峰只尺天北辰神明寂已定尊
高此依因握機稟元化同流溥無垠所以赤城子
從師踐荆榛三周日却中志確神乃親廬間玉雪
相旭陽射光新稽首受餘啜骨換非昔民不遠恆
伯生詩

卷五
七

汲古閣

爲變理普化題陳立所作龍眠山圖

變侯起高科得邑舒水上民淳事稀簡田野甚夷
曠戰爭遺跡泯山水良足賞幽棲南昌尉英爽赤
壁將古仙家白雲美人化黃壤岩岩龍眠山一士
獨可尚高懷托千載妙画極羣象向來讀書處春
雨草木長夷遊昔賢遠瑤席共來享彈琴坐終日
微泉散清響來者安可期徘徊以俟悵回圖記彷彿

佛聊以慰遐想

和陳溪山韻

幽人慎素履古道思獨往瞋目登高臺浮雲不足
上丹砂煉仙骨沆漭濯神爽遠懷澄江靜耿若孤
月朗河漢自傾注山川邈遊想歛跡倦飛翼歸耕
故時壤好風從東來空谷感遺響詔書薦遺逸郡
府屬高仰聊持東湖水往助敬亭賞

和陳溪山送蘭花韻

伯生詩

卷五
八

汲古閣

時涼風動綠葉清露生華滋世傳神農經圖書竟
空披深根寄連茹藉以瓊瑰詞同心永爲好豈但
服食宜先民昔有言所貴希見知舊聞絕行仙晚
有童孺姿南陽有黃華西山多紫芝度世未聞道
咀嚼空莖枝湛一保冲炁執御正不奇靈苗無助
長無爲以熙怡始信斷金利終古貞不移千載同
一息敢忘君子期

送空岩印公還徑山

東出楞伽室西望香爐峰曲折披翳蘿蕭條倚枯

錦然燈共過夜曝日忽經冬天山斷綠想海國識
行蹤忘言及生滅抽簡托疎慵追憶塔中相表茲
雲際封螭父謝五鳳永護煩雙龍

題張觀海所攜虛舟竹所二毛圖

虛舟倚亭臯修竹相因依水木有清華魚鳥淡忘
歸鷺羣晚色靜鶴羽傍林暉似是鑑湖曲幽棲掛
朝衣古道日已遠昔人相見稀蒼茫寫雲霧蓬壺
是邪非

送龍翔高獨峰上人還金陵

伯生詩

卷五
九

汲古閣

承詔寫宮榜馳使出丹闕黃金射江海光景依日
月邇來垂十載感遇嗟白髮神靈在雲漢呖私慨
明發祇園何潭潭夙志返超忽幽士任精舍諸妄
久息歇浩劫鑑止水高峰獨齒岸觀察勝願力知
我心兀兀清風不可執振錫出林樾

送海東銛上人十首

用雲霞出海曙梅
柳渡江春爲韻

積水衆鷗滅春空鶻餘雲掩室坐修竹天花散繽
紛上人東海客來去何見聞飛錫還日下珠宮浪
云法

又

日色出海水千波散明霞一杯承足來九載不爲
賒要觀香爐峰折蘆長風沙微吟動林響蒼龍送
浮槎

又

我昔叅泰霞東望候日出子從日下來海水中蕩
滴坐受龍女珠簾垂夜光室持還定何有長空斷
鴈一

又

伯生詩

卷五
十

汲古閣

爲法不辭遠遨遊歷年載衣中得故珠終夜動光
彩還持一枝葦歸泛萬里海駕言乘桴行沙際如
可待

又

肯蓄崇虛豆生芻長水署無堪餉遠客桑下若爲
住行囊掛屋壁破榻夜風雨神光發慧劍耿射東
海曙

又

燕坐共禪月行吟向孤梅有懷匡廬山老人岌崔

崑洗鉉三峽水振木東林臺乘槎動歸思欲去更徘徊

又

山居如老禪坐致不請友何方簷下雲識我門前柳翠竹不礙山黃花紛在手未覺酬對難離妄亦無取

又

老胡昔東游勝士乃西度到岸無彼此不憚費筏屨要之心本空一了不移步龍宮解相迎黃金已

伯生詩

卷五
十一

汲古閣

先布

又

百鍊成利器千金來海邦清霜凝秋水國士歎無雙持正行正令魔邪孰不降觀子製名字高風凜寒江

又

正觀覓心要律儀檢凡身密言轉相付海利幾秋春奇哉善根熟一微無遂巡子來得何法歸報日邊人

楚石琛藏王自蔣山歸却欲就叢林閱藏同舟清江之上賦此贈之

手攜北山雲却上西江水月明洲渚生葉落風不起虛舟不移棹寒波釣金鯉銀河轉碧落北斗去天咫龍吟匣中劍虎躍弦上矢殺機誰敢當吹毛豈輕試貝葉啓千函木榻脫雙履惟應勝壁觀悠悠度年歲

題東郊山房

秀挺東郊山雲氣常覆之林丘翳幽潛流泉發芳

伯生詩

卷五
十二

汲古閣

滋盤桓在中谷良疇漾清波開堂直岡景長年誦書詩孝友夙所敦求道遠有師雅志尚端潔凡近諒難知康樂昔賜履詠歌足遐思啓書訪前聞往跡無所遺瞻彼商澗松深根連喬枝亭亭植高節鬱鬱含令姿衆木不同泯悠哉副深期

題蒙菴爲黃石谷賦

東南有高丘下臨萬家邑汪洋浹春潤沃衍盛秋入群山入浪波起伏翠重襲靈運好奇險高平罕相及幽人園綺間周覽度原隰隨山導清泉積石

拾層級結菴以蒙名果行信所執良時一來游朔
月九交十門當星斗高隴卧風雨溼一川燈火歸
賓從雜車笠登高愧能賦騰身竦山立

爲黃氏賦大雅詩

岐山鬱嵯峨鳴鳥昔有聞周公盛制作經綸以彌
文朝事接燕饗勸勞兼賓軍肅雖述盛德工歌贊
前勲流蕩桑濮靡何由返咸雲陳肆輒有見吳季
真不羣公子有古絃歷然宮徵分大雅忽有作青
春日方殷高堂以居之樂康永欣欣

伯生詩

卷五
十三

汲古閣

已卯十月廿二日從空春郡幙嚴伯威觀南
軒新閣登舟有賦却寄同游者劉粹中賢良
茲郡多美泉小大各有神深潤浹溫厚草木何光
新披圖閱名世顧皆仙佛人遐儉寡外驚懷哉此
良民退之文旣遠泰伯學未醇昔我朱與張遺言
存縉紳東湖有新閣下臨南澗濱周眺忽已晚皎
然仰空旻虹梁亘溪流落日車馬塵曾丘間叢祠
鐘鼓嚴昏晨江潭嘆搖落名邦感空春爲治古有
道川原隨所因華構相爲雄大雅竟誰陳移舟古

峽口西望蒼嶺响浩蕩無與語逝波絕垂綸

秋堂

秋堂者臨川吳生文明之親舍也生才甚
清美賦詩婉麗無塵滓之汨觀其同門未
之及也昔胡邦衡以詩人薦朱文公大儒
豈以玩物以成名哉性情之正冲和之至
發諸咏歌自非衆人之所能而士大夫各
以其見見之耳生未可自喜自畫也是以
爲賦秋堂詩云

伯生詩

卷五
十四

汲古閣

巷多囂塵秋堂獨高深有子能讀書幽懷發微
天高風露下澗泉落危岑神仙絕飲食穢濁無
沉所以聽夜誦共愛風滿林神清易以哀情長
恐成淫大冶昔有作九牧歸吉金焚樞下五石工
成振鴻音宣風萬物暢神祇肅有臨鳳鳥鳴岐山
人文示來今候蟲入床下嗟哉苦勞心

又

清風拂高堂舊席忽已除下堂具甘旨上堂列琴
書垂紳夙夜至再拜問起居誦詩已三百習禮少

壯餘納交君子室執御長者車爲樂古之道誰能
笑其迂

題雪泉齋

長河互凝合微泉自溫活蛟龍依以生抱困待春
發南雪不到地流泉常在山飛英散絕澗流漸響
潺湲融結各有方不息在無二觀茲保深長乃得
養生理濯尊薦寒冽春陽向熙怡君子遠莫致永
言以相貽

平江開元雪牕光禪師訪予臨川山中其歸

伯生詩

卷五
十五

汲古閣

也予與賓客用一雨六月涼中宵大江滿分
韻送之不足予爲繼之而予分得一字

積雪何處高蜀山最崑崙海東極孤絕目送斷鴻
一徘徊杪樞樹宴坐但空室園果隋宿雨當晝從
定出八月露水繁石鉢滿華蜜相會豈無因分床
便深密

賦彭氏靜深堂

君子愔無欲淵然事幽潛貞居觀物初天機引休
恬寂寂象愚朴容容無斂狀羣動不知止謀思賸

鈎籍反息不及踵乘舟膠漸漸豈知本湛一不與
利欲兼圖書發聖緼受命乎不占戒慎保靈秀先
幾發微纖進善取損益閑存日惟嚴浩浩厚有積
悠悠寢何淹盈科以時行小人慙屬饜虛堂積雨
霽光風草侵簾空洞溥龍澤止水澄秋壑善學在
年富勇哉副遐瞻

秋山行旅圖

春夏農務急新涼事征遊飯餽既盈橐治絲亦催
裘升高踐白石降觀索輕舟試問將何之結客趨

伯生詩

卷五
十六

汲古閣

神州珠光照連乘寶劒珊瑚鉤乘馬垂首舊縱目
上高丘策名羽林郎談笑覓封侯大行何崔嵬日
暮摧回轉古木多悲風長途使人愁羸驂見木末
足倦霜雪稠谷口何人耕禾麻正盈疇出門不及
里酒饌相綢繆壯者酣以歌期頤醉而休安知萬
里事有此千歲愛

爲題馬竹所九歌圖

屈子久去國行吟山澤秋思君不復見婆娑感巫
謳仰瞻貴神遠俯慨深篁幽衝波起浩蕩玄雲黯

綢繆初陽翳扶桑莽蒼蕩海漚渺渺君夫人遺蹟
在中洲壽夭乘陰陽孰知制命由慨然長太息
歌寫離憂想象以倘悅開卷令人愁

清明山房爲危太朴作

矯首望太清正色蒼以玄皦皦何歷歷日星高
旋游塵雜氛氣起滅尋丈間容光見擾擾孰與爲
控搏所以學仙者凌空恰妙顏質化人常寂凝暉
托空山據會觀往來生死何足患妙哉太朴子難
爲世上言

伯生詩

卷五
十七

汲古閣

次韻太朴良友對何仙舟讀書山中見懷之
作

得謝荷休澤消搖在巖阿結廬庇風雨樊圃攀藤
蘿塞坐古人書日夕猶詠歌追念少壯日玩惕亦
已多兢兢事補塞奈此遲暮何美人百里內邈若
隔山河典懷貽好音繼藉三春莎報言慎芳歲卷
石崇巍峩

伯生詩卷五

終

虞伯生詩卷六

江樓看劍歌書趙子昂劍銘後

豫章高秋宴高閣乃出此劍相娛樂當時冶鑄絕
精英土蝕沙沉更銷鑠遺質所存如冷電江光不
興晝光却神光內闕氣逾深識察誰能動冥漠等
閒千年不一試壯士酣歌謾揮霍嗟予衰朽雪滿
顛空對涼風起天末或言江中有蛟壁當煩仙人
下寥廓吾故臨風拂其鐔俾伏崖陰無敢作

劉忠肅公之四世孫中書舍人諱震孫之曾

伯生詩

卷六
一

汲古閣

孫益之題其居曰雲松巢予家與劉氏累世
之契故爲書忠肅公文集之首詩三篇并賦
此詩與之

丞相昔遊泰山頂天風浩浩春晝永玉檢微茫不
可求但覺靈霞熟丹鼎白日人間如水流前代衣
冠成古丘悠悠憂患何足計直道千年橫素秋徂
徠之松數千尺東連海上莫烟碧中書偉人如玉
立每向南風望東北濁世公子何翩翩却憶匡廬
還謫仙夫容出水耀初日五色彩新天爲妍我今

僑居廬阜側西視峩眉歸未得豈無雲錦晚相娛
月落終懷雪山白森森喬木魯東家河間禮樂更
光華勿忘先世舊遊處吾秣爾馬膏其車

吳興趙子昂十馬圖

昔在祕閣見十馬云是韋偃之所画此圖位置略
似心神偶同豈臨寫馬種本自渥洼來濯濯清
更瀟洒常恐一旦風雨至感踏波濤遂神化豪
意氣今豈無未見深沉如此者君看最後臨岸
自是真龍無世價

伯生詩

卷六
二

汲古閣

画馬

白年升平却走馬立仗天閑常見画蕭灘灘頭八
十翁却寫西來大宛者高蹄如鐵項如鈎風鬣蕭
蕭首舊秋常見貢來騎不得長嘶要蹴崑崙丘

題画

連昌宮裏古牆陰積雨過春黃竹深老樹無枝交
屈鐵立石有書名錯金吮豪池上寫幽鳥承恩春
日風光好當時執戟今白頭却對蕭森倚秋昊

空山歌

高空之山聶公宅稚川作圖纔數尺秋天薄雲千
仞表春雨喬林百年物憶昔侍郎鎮成都將佐盈
庭賓客趨錦官城外笳鼓發駟馬橋邊高蓋車先
廬舊在小東郭丞相祠堂同寂寞嚴公同訪杜陵
家退之亦到淮西幙峩眉峩久不歸江水娛人
秋日暉坐看蓬萊變桑海自古南城天下稀公子
親迎陳氏館我初至撫猶弱冠看君揮翰甚風流
豈想重逢鬢毛換君言中間一再來數見先公胸
次開鶯花風雨必求友水竹園林持酒杯嗟子晚

伯生詩

卷六
三

汲古閣

爲燮玄圃題鼇溪春曉圖

夫容山陽萬家邑石嶺戴轍縈紆入溪水西行夜
雨深連村桑柘春雲溼昔因荒迥少官府日莫孤
兔作人立自從置縣二百年稍有衣冠更俗習讀
書進士比舍聞潤屋黃金亦家給山中白日浮雲
多負乘因仍足車笠燮侯世胄國勲舊賦策君門

恥沿襲朱衣作監列星宿遠人豈意高軒及援琴
不鼓書牒稀彈鋏無魚賓客集 衣使者停車見
黃堂大夫下床揖登高望遠送飛鴻攬轡駸駸度
原隰人言桐鄉人愛我我愛桐鄉重於恒畫圖千
疊山水稠芳舍蕭條莫忘葦

題馬竹所画

霜清木落江海空一棹歸來何處翁雙松千歲如
鐵石爲爾回薄旋天風憶昔神龍劍所化夕卧滄
波弄明月望中冉冉雲氣生直按銀河上瓊闕

伯生詩

卷六
四

汲古閣

霍元鎮規模董北苑米南宮父子寫山水雲
物殊有標致見示春江掃魚圖賦此

春江聚網萬魚急漁人相歡魚相泣負薪深山何
處樵利害相乘不相及海鷗冥冥秋影微黃葉江
南一棹歸人間得失兩無迹不廢山水含清暉

南岡

萃蓋三峰立天表山北山南可未了曾看雨雲出
太虛幾送餘霞落飛鳥岡頭春歸露未晞梧桐鳳
皇相因依卧龍之孫思外氏悵望輝光生翠微

題何大夫画馬

國朝画手何大夫親臨伯時閱馬圖伯時絕憶鐵
面語放筆驕驕懷此都此都大夫八九十千萬
馬在胸臆偶然數鬣落江南捲束上箱謝槽櫪

同開先南楚悅禪師觀息齋画竹卷於崇仁
普安寺煜公之禪室蓋煜之師一初本公所
藏也因記延祐甲寅息齋奉詔寫嘉南楚與
之同寓慶壽寺惠子時爲太常博士俯仰之
間已爲陳迹乃題其後云

伯生詩

卷六
五

汲古閣

嘉熙殿裏春日長集賢奉詔寫蒼筤邇來二十有
五載飄零殘墨到江鄉匡廬高人昔同住每見揮
毫鳳鸞翥木枯石爛是何年修竹森森長春雨

題村田樂圖

尺素自是高唐物瑩如秋水空設色何人画此畎
畝間二三老人若相識茅屋蕭條古樹下農務未
殷牛在野或伶鸛鵲脫籠繫或弄獼猴笑真假老
翁政自如兒嬉高髻襁負相扶持古時粉社祀田
祖移饌高亭隨所宜抱甕初來未貯酒亦有生鷺

宛延首村優競攜樂具至犬怪雞驚兒拍手拄杖
出門欣見賓雜華滿庭生好春歲時無事得如此
擊壤何必非堯民騎驢過橋殊矍鑠攜具荒陂來
赴約定知張果千歲人游戲人間共盃酌

柳塘野鴨

江南水退秋光淺風柳參差萬絲捲鴛鴦在梁鳬
在渚蕩蕩扁舟去家遠千艘轉海古長策白粲連
江動秋色斷蒲折葦野水闊爛爛明星且將弋翠
盤擎露夜深寒玉色亭亭落月殘太液池頭黃鵠

伯生詩

卷六
六

汲古閣

下夢中曾見画中看

丙吉問牛喘圖

少陽用事春猶淺丞相公行問牛喘三公職事知
者稀嗟彼德微蒙策免天子有道守四夷中心無
爲日萬幾遠有甸服近有畿夙夜明哲發裳衣

江貫道江山平遠圖

江參去世二百年翰墨零落多無傳人間幾人寫
山水誰能意在揮毫前昨見石林舊家物春雷疊
嶂初破墨我和葉詩頗豪放三者相望都突兀險

危易好平遠難如此千里數尺間高雲舒卷非散
地麗日炤耀皆名山我持美脯酒一斗墨汁盈盤
可濡首江生精神作此山向山呼生當至否高秋
銀漢天無雲帷中冷然來夜分黃茅嶺頭華蓋頂
画我獨訪浮丘君

爲汪華玉題所藏長江萬鴉圖

雲巢幽人愛江渚抽思揮毫寫橫素波瀾不驚潦
水盡秋氣晶明絕煙霧征帆去棹不相襲岸曲洲
旋總堪賦孤村城市僅如蟻百丈牽江直如縷蕭

伯生詩

卷六
七

汲古閣

蕭木葉洞庭波歷歷晴川漢陽樹蕪葭宿鴈天欲
霜叢葦寒鴉日云算就中樓觀何王宮想見華年
貯歌舞丹青倒影駭靈怪粉黛含情怨幽阻青春
遊子澹忘歸白日冷風帳中語人間遺跡何足畱
最惜精思墮塵土郭熙平遠無散地小米蒼茫托
天趣鉅鋒鏗戟不破墨刻畫晶瑩昔誰苦渤海細
書藝文草精絕戈波絕回互南唐後王萬鴉圖點
點晨光動毛羽昔年曾見今日昏雖復逢之亦難
睹汪侯此卷出故家相示摩挲極愁予香奩犀軸

見者稀謾錄餘情示來者

盤車圖

大車麟麟牛駕輓西望大行雪千尺往時飛輓實
長安百兩仰關過阡陌亂流十里九屈曲水澌車
箱沙沒轂前和後應日云莫王事有程車下宿旂
旄中央昔臨洛東南會期出方嶽侯伯有位賦有
差載幣瞻迎來若若君不見海艘百萬乘天風京
坻連雲多腐紅天子視朝大明宮千乘萬騎來何
雄

伯生詩

卷六
八

汲古閣

贈羽士費無隱

東望雲林三十六聞有仙人結茅屋清露零零采
紫芝白雪深深斲黃獨國初山下苦流離義士傾
家救世危百年孫子俱華髮誰解燈前說舊時聖
恩深重絕征戰猶慮寒溫資瞑眩身着黃冠寫古
方薄素細書三十卷相從寂寞久者誰禹穴山頭
一布衣鬢如鴉羽顏如雪跳入壺中夜不歸市人
扣門呼不應光影俱消聲色泯但言解隱不言無
不道本無何所隱我欲作丹須水金人間無藥不

堪尋青霞如練還相覓華蓋衝天丈室深

題漁村圖

黃桺江南何處村漁翁三兩坐槐根隔溪相就一
烟棹老嫗具炊雙瓦盆霜前漁官未竭澤蟹中抱
黃鯉肪白已烹甘瓠當晨粲更擷寒蔬共萑席垂
竿何人無意來晚風落葉何毵毵了無得失動微
念況有興亡生遠哀憶昔采芝有園綺猶被畱侯
迎之起莫將名姓落人間隨此橫圖卷秋水

題韓幹畫馬

伯生詩

卷六
九

汲古閣

韓生觀馬十二閑時寫一二傳人間坡翁嘗來伯
時宅見此遺迹開衰顏前行如雲塵不動後者追
風絕飛鞚昔人能事已可能始覺賞識非虛諷昔
觀祕府韓絕少得見龍眠已驚倒使人讀詩如見
畫人中豈復生坡老五雲之中天上奇代產明駒
天子騎神明尚令後古見莫歎韓生非畫師

題黃都事仲綱山居溪閣圖二首

出山作官十載餘聊托筆墨懷幽居連雲一一列
睂黛細雨往往逢樵漁隣家父老每載酒隔屋弟

兄皆讀書我久居山不待画獨念稚子扶犁鉏

又

閣前流水秋愈深故人東來還見尋方舟直過彭蠡澤把釣坐對香爐峯雲中煙樹差可辨江上鄉關誰與吟我欲芳蘭寄遠者日暮天際多輕陰

題秦號二夫人承召遊華清宮圖

貴人竝鞚如輕鴻承恩馳入華清宮道途先不止行客策蹇奔趨烏帽風奚囊墮地何足拾豈有篇章浪相及画史當時妙墨傳光彩流動狂情急君伯生詩

卷六

汲古閣

方壺画山水歌

方壺之山在海中世人欲見知無從壺中仙人憫昏濁綵筆手開三五峰亭亭兩箇老松樹萬壑千崖閱今古憶昔長從王子喬坐聽秋風最高處世人画山非不多不識真山奈若何君看崑崙上丹穴芝泉玉樹森婆娑東望方壺應不遠飛度九州如過電便從海上問金公莫待浮杯水清淺

示固

憶我番歲離親側足自踐踈心惻惻中年祿廩不及養人美清華已驚惕歸來老病五年餘閔子謀食躬犁鉏蓬蒿羅生果厥異蛛網微細仍紫紆星河江上喜非遠況與良朋適我願故人念我一相見暑中尚慎施樓轉

玉隆宮所藏宋乾道宸翰雲壑二字

昔者雲歸壑天章自九重日華常映鳳山氣盡成龍俯仰遺陳迹高深儼德容飄然化春雨結想在伯生詩

卷六

汲古閣

高松

寄忽承旨

投老清江外依山結數椽扶藜循水竹把筆賦雲煙歲熟無憂食秋清不礙眠故人相望遠北極在天邊

寄三衢守馬九臯

聞道三衢守年豐郡事稀詩成花覆帽酒列錦成圍鶴髮明春雪貂裘對夕暉扁舟應載客閒聽洞簫歸

題朱澤民山水

積雪山陰道嵯峨筆底生雲門見童子禹穴闕蛟
精高卧人何在幽情幾詠成杜陵空想象晚飯拖
樓晴

寄題汪道士草亭

飛白妙娉婷新題炤草亭仙遺相鶴法客借換鵝
經霧雨歸懸黍風雲護茯苓遙知春晝永深坐養
黃庭

黃敬延送竹本

伯生詩

卷六
十二

汲古閣

分得瀟湘玉森森忽滿林香爐來曉色石檻借清
陰好共芝蘭長毋令草蔓侵清風月如晝老朽要
長吟

聞鴈

樓近煖雲溼夜深歸鴈低聲音燈外盡羽翮月邊
迷冉冉白榆上悠悠黃竹西應逢穆王駿春草一
長嘶

錢舜舉畫

一樹花如雪清明客未歸坐看黃鳥竝夢作彩雲

翠袖寒猶薄羊車過絕稀相如能作賦月下卷
衣

山水圖

之舟桑落浦望見香爐峰野水常欹樹山雲不礙
桃源攜客覓松徑與僧逢爲託荆關輩添予九
節筇

丹霞觀黃知微留別

仙館隔溪津過從厭市塵振衣清露曉拄笏野亭
春歸作芝田主思存黍谷神松華頻寄取老去欲

伯生詩

卷六
十三

汲古閣

輕身

題馬竹所画

老樹依江岸歸舟傍釣竿水花看晚淨風葉識天
寒鴈字來千里魚羹付一餐遠山青可隱日下是
長安

題曹霸馬

將軍今爲庶画馬寄高情聚立天風起長嘶沙草
生飛揚萬里意凌亂五星精日暮太行道悲哉長
短行

答陳溪山元日卽事

積雪埃塵淨光風宇宙新
閒來知惜日老去善酬春
遐密觀羣動憑虛集百神
真人起居法無一是違仁

送客北門晨登山木閣

晨登山木閣零雨煖於春
溪水解畱客梅花偏煖
八秋香知酒熟市遠覺民淳
此地堪娛老惟愁度頻

次韻陳溪山

生詩卷六十四汲古閣

以棹避殘暑開樽就夕陰
冥鴻聊自達幽草若爲
離索連三月棲遲共寸心
遙怜溪上晚扶策獨深

又

小興忽忘遠相思知幾何
未便塵事少謾悔世緣
朝食烹芝菌秋衣製芰荷
平生但隨運何地不跼跼

杏園詩爲黃思順賦

口樂多陰德名花種滿園
暄風吹雪盡暑雨綴金

繁臥護煩仙虎分嘗任野猿
佳兒足文學食實似桃源

寄題樓撫山普潤禪寺

寺在撫州城南八十里唐普潤禪師道場
師姓翁氏元和元年二月八日坐化於潭
州有靈異州人就肉身裝塑後現夢撫州
太守迎歸建寺至今遺體堅固如初靈應
尤著

高人出世間未忘鄉里思靈骨萬里還深恩千載

伯生詩卷六十五汲古閣

遺嘉穀歲恒登羣生無癘疵古剎抱禪悅高丘依

毋慈寺右有師母墳名翁家林即師故俗家崇構起積廢新堂納華

滋今長老秋雲富公所建東鄰有一士峩冠誦書詩謂表徵君誠夫

清秋約杖屨千步攀松枝寺後有山名千步

寄題許愿夫抗雲樓

城居苦迫隘層闌上宕嵒措身方丈間千里心目
超可以抗浮雲誰能顧塵鷲擬覲有古臺遺碑正
蕭條子固若星斗其魂安可招龐公輟耕際頗懷
見凌霄賦詩托飛鳥長空何寥寥

贈劉無作

袖中殘卷在動是十年前逝水從前輩傷情有妙
年博聞誰共學孤坐獨求禪莫恨相知晚文章倘
爲傳

又贈劉無作

家俱學佛之子更劬書諸老交游徧眞乘究竟
餘治生惟淨業志養足嘉蔬爲問龐居士成能更
久如

伯生詩

卷六
十六

汲古閣

虞伯生詩卷六 終

虞伯生詩卷七

與變元溥登仙遊和李浩卿韻

老去江山已倦遊況聞風雨滿溪頭擬尋黃鵠望
松壑聊伴白鷗經稻疇山崦有雲堪作供酒樽無
婦可歸謀從教賓客回車晚畱取衰翁專一丘

陳可復爲予寫戴笠圖賦詩四首

浮雲滿空無所依高岡獨行來者稀仙人冉冉遺
松老鳴鹿呦呦生草肥伐木遠聞何處谷頃筐近
得故時薇山中雨來霧先合此日先生戴笠歸

伯生詩

卷七
一

汲古閣

又

南園多竹暑氣微始來結屋相因依掛巾石壁畫
霧溼沐髮池水朝陽晞頻年車馬踐霜雪六月裳
衣無絺絺鄰翁問舊坐來久此日先生戴笠歸

又

老去懸車百慮灰西風獨愛菊花開田家酒熟邀
皆去茅屋詩成懶更裁欲及天清食沆瀣要觀日
出上蓬萊赤松有約應相待此日先生戴笠來

又

捨却鄉人駟馬車老身全不要人扶雲霄一羽山
頭杜風雨孤村海上蘇薄命長鑱隨積雪多情破
帽落輕烏莫園玉帶垂朱紱此是先生戴笠圖

仙遊道士余岫雲爲從珠溪余隱士求得華

山下黃茅岡一曲規作丹室喜而賦之不覺

五首

華山東下有茅岡云是毛公舊隱場清露尚餘丹
滿臼白雲今許草爲堂冬憑野燒開畬隴春託山
雷淨石牀從此便爲千載計洞天先拜紫玄章

伯生詩

卷七
二

汲古閣

又

茅岡地主古醇儒乞我岡頭作隱居嶺上閒雲從
管領澗中流水聽開除刀耕火種從茲始雨笠風
瓢便有餘自古詩人多會合浮丘毛氏不愁予

又

石人屹立古仙壇雙澗交流拱一盤臨水種松須
匱匠就中作室要寬安洞經卽日修真訣玉臼逢
春浴舊丹却恐山中添故事題詩莫與世傳看

又

仙遊辦得茅千束華蓋須分屋數間微吟玉經忘
我老謾調金鼎勝於閒龍雷變化從舒卷鶴露清
寒自往還何似綺園諸老者採芝初不離南山

又

茅岡初割一溪雲玄契華陽舊隱文謁簡自題香
案吏封章先報大茅君種成和露桃千樹借與摩
霄鶴數羣便是宸清真洞府不煩夢想託紛紜

崇仁監邑阿里仁甫茉莉花盆中折竹挿之

而生枝葉近年翰林學士薩公謙齋作御史

伯生詩

卷七
三

汲古閣

時亦有此瑞朝之士大夫引寇萊公故事以
爲徵名其堂曰瑞竹而咏歌之薩公仕東南
歷郡守部使者所至有仁政著清節美名耆
壽今爲中朝老臣瑞蓋不虛發也仁甫長邑
三年清介明恕孚于上下此竹之生父老庶
士爭走山中相告因取而觀之畧寫其狀賦
詩以美之

華盆挿竹忽生根枝葉青青向曉暎直節有生資
地力虛心無愧荷天恩薩公堂上今重見萊國祠

前孰更論但得清風千古在常扶筇杖看淇園

撫郡天寧明極覺講主陪敬齋監郡奉祠華

蓋特有高詠三讀敬嘆僕偶共清游輒復次

韻衰退不工聊資笑粲

三峯宮殿接新橋十月長齋陟翠巖朝步仍垂蒼

玉珮登歌還引紫瓊簫千枝絳蠟連虹貫五色香

雲向日飄賴有高人陪後乘輕清詩句似參寥

鄧公信吾契家賢弟比奉憲臺書幣存問衰

朽于山中其還也無以爲餞賦此與之

伯生詩

卷七

汲古閣

幙府秋高寄遠情飛鴻肅肅度江城深慚衰朽勞

人問豈有文章與世驚疏傳多年餘賜盡揚雄已

老太玄成憑君歸致殷勤謝擊壤田間荷聖明

又

故人將命清嚴地越陌經阡枉見存松菊荒蕪慚

重客裳衣顛倒出柴門老忘舊事尋書卷喜走鄰

家覓酒尊此邑故家無幾在更崇令德及諸孫

安成劉雲章漢章兄弟兩秀才來訪一長書

一長詩皆有志文學賦此爲別

步屨東行好弟兄束書銜袖見才英只愁困學孤

來問豈有奇聞外素誠知道言辭無詭妄及人事

業匪縱橫名鄉自昔多君子珍重歸來在矯輕

壽陳溪山生日

西來羈客作南居來往風流舊不疎好句每容鄰

曲寫高情不解世間書溫溫中夜還丹鼎冉冉高

仙畢道車千歲相期真有約九天風露壽尊餘

秋日同朋游北塔山

縣西北塔極蕭疎投老能來幾度餘山木已隨樵

伯生詩

卷七

汲古閣

斧盡屋塵猶護醉翁書遠懷天上多騎鶴近愛槎

頭可釣魚九日懸厓多細菊可能無意再巾車

又

縣道蕭條北客疎西人居者亦無餘春尋道士松

花館秋覓山人柿葉書太史闕文誰借馬相君退

食尚烹魚何因得似先天叟維下人家揔駐車

又

歸田多病故人疎好客相逢樂有餘老去深盃那

解飲詩成大字尚能書門生去上青驄馬道士歸

騎赤鯉魚如此餘閑多樂事誰能七十始懸車

送尼山廟學彭山長

尼山新作素王庭春告成功用上丁徂徠有松充
采斲靈光何殿效丹青風霆形氣皆垂教金石文
章具刻銘天子萬年綏福祿曾孫奉若薦明馨

游洛湖田舍

近郭林泉無可游行尋田舍逐微流春眠稍可遠
鐘鼓秋熟或能求豆區萬里橋邊祠廟古百花洲
畔釣船幽兒童不愛憶鄉里老夢時時還故州

伯生詩

卷七
六

汲古閣

題范德機詩集後

抱膝長吟老范兄寒巖古柏兩同清東都高節鴻
毛遠南海真仙鶴骨成遺藁飄零存梗槩孤兒孱
弱賴高情若無塵外知心友千古誰聞出世名

溪山翁所居與小雅易君相近翁與余賦詩

易君之季子至善輒隨錄之遂成巨帙賦此

以答其美意云爾

橫塘烟雨易東家翠竹娟娟映白沙綠筆徧題詩
滿卷繡簾長對樹交花往來二老隨天分爛熳三

春感物華却問綺園商嶺外曾無高咏到烟霞

題徐孟俊屏山閣

題詩遠寄屏山閣回首人間二十年西嶠依然仙
子館東湖還載隱君船同時翰墨嗟誰在滿屋詩
書嘆獨賢欲買一舟江海去遠看喬木翠參天

送易用昭

詩成長是倩人書最愛東家織翠裾遠樹斷雲春
雨外華星明月晚涼初滿牕柿葉題都徧短帽梅
花畫不如莫向墨池成久別鷺羣還欲謝崇虛

伯生詩

卷七
七

汲古閣

和陳溪山雪中雪晴二首

柴門積雪未全開千樹瓊林豈異哉鉛鼎微溫過
半夜玉經細咏却千災江南冰向川流合天際春
隨斗柄回太華高人觀物表詩成先寄鶴飛來

又

東風先散息寒威病骨欣然解帶圍日照瓦溝生
淑氣冰融硯沼漾晴暉銀旛試戴花枝弱玉贈新
嘗菜本肥尊酒欲爲君子壽除公誰是兩忘機

和陳溪山立春後三日卽事

夢朝金闕見明晨
泱泱閭閻積玉塵
三日新春三日雪
一分深雪一分春
柳條封盡芽如粟
梅萼飄殘實已仁
欲破鳳團銀盃凍
冬溫且酌井泉新

寄陳奉常 并序

昔聞朝廷寧廟升
祔奉常陳君新甫以世
胄之貴游博洽之高誼
特奉明詔出使江海之上
采上金明材擇良工絕藝
新作禮器樂器求在郡國
之書與通樂律之士以備
一代之盛典焉鴻儒碩彥
感嘆其委任

伯生詩

卷七
八

汲古閣

之隆非尋常效一職治一事之凡近而已
故賦相饒奇辭瑰句傳乎四方何其盛哉
僕泊然老懷未忘舊俗亦成一章奉寄

新廟工師謹駿奔奉常承詔出修門
鐫金就徵楊州貢觀樂應求季札論功德
頌成諧鳳鳥文章策定刻瑤琨
千年制作于今盛擊壤猶慚荷宿恩

集自郡城歸溪山翁寄詩并和申字韻垂教
依韻再呈殊愧遲拙 二首

暮春長日雨兼風
買得江船未及東
出郭故人邀

杜老輟耕田父訝
龐公謾從修禊忘
溪曲何用安車徧
洛中且起紫芝行
復長詠歸先與謝
崆峒

又

待客花陰午過申
茶香榆火一時新
千竿嫩綠搖輕暑
數萼餘紅墜晚春
坐憶雲林行道迹
夢遊仙島意生身
連根分種如冰雪
來向清池對玉真

謝陳溪山送蛾眉豆種

種豆南山憶故鄉
蛾眉分種喜封囊
底須飛鵲能銜子
未許蹲鴟共淪湯
玉碗茶香分瑟瑟
瑛盤櫻

伯生詩

卷七
九

汲古閣

穎間煌煌然箕裘
金催詩句更約鄰
翁共佛床已卯秋
舟過清江憶范德
機 二首

歸來江上鬢如絲
所謂伊人獨繫思
千載清風東漢士
百年高興盛唐詩
離離宿草秋雲斷
采采黃花夕露滋
山水含暉無盡意
他生何處共襟期

又

玉堂風日擅揮毫
海上馳驅嘆二毛
太傅竟無宣室召
拾遺空署華州曹
孤兒衣食交遊古
百世文章墓石高
車過不留應腹痛
寒泉秋菊賦離騷

宜春臺晚眺

長沙王子舊層臺古佛神龍寶殿開秋水繞渠三
峽漲春雲垂雨大瀉來萬家香火網緝合四而峰
巒紫翠堆最憶老藤陰覆地空中幾見異僧迴

廬陵歐陽德器游京

以所藏先世語教見原
功於玉堂賦此以送之

充公孫子不離鄉封誥于今幾世藏恩數重懷全
盛日標題猶是故時囊遠從史館求同姓未覺輶
車滯一方昭代治平多制作討論應及漢文章

送黃子勛

伯生詩

卷七
又九

汲古閣

從師學道暫辭親百里西來動十旬夜讀松林堂
下月晝吟梅夢坐中春每欣老筆蛟龍走亦愛幽
居鹿豕馴春服蚤成還再到永歌同向澗之濱

書武進縣學記後

縣令之職有社稷民人之寄不敢以百里爲小也有政焉有教
焉不可以偏廢也陳君子瑛治武進修學校馮彥思記之可以
知其所系之重矣崇仁之士觀乎其記蓋亦有所感而不及爲
者豈非天乎因邑士之意賦詩以書其後云

從容文學聖門優惆悵吳人獨子游百里絃歌誰
濟濟千年禮樂付悠悠邑人此日傳新記弟子遙
知憶故侯何事紫芝三秀地空聞疎雨過新秋

己卯臘八日雪爲魏伯亮賦

官橋柳外雪飛綿客舍樽前急管絃僧粥曉分驚
臘日獵圍晨出憶殘年白頭長與青山對華屋誰
爲翠黛憐唯有寒梅能老大獨將清艷向江天

又

漫空飛絮散輕綿所異寒威欲折絃縣令溫存僵
臥吏詞人解頌太平年剪雲爲葉煩相寄種玉成
田不受憐丹鼎溫溫千歲熟樂天事業在知天

寄賀吳宗師七十壽旦

伯生詩

卷七
十

汲古閣

開府希年正樂康聖恩錫宴在斯堂歲周二十逢
熙洽年接期願披寵光劍珮摠從仙苑集簫韶還
就洞庭張簪花當日今誰是試向雲籤閱舊章

又

舊德高年荷聖恩幔亭如宴武陵君松喬能壽多
深隱園綺來朝只暫聞千歲天邊觀鶴髮五雲日
下護龍文山七日陽初動遙禮三台過夜分

和陳溪山元日後雪

瓊妃剪水散春天坐下先迎華嶽仙飛步摠鳴蒼

玉佩閑居能檢白雲篇朝元閣近星辰北獻壽孟
深雨露前白髮舊時香案吏幾迴七日是千年

撫郡玄都觀羽士黃一初自京師還得大
宗師吳公所爲和詩三篇其一故翰林學
士吳先生廿年前廬山中所賦其一則和
天師所與詩其一則予在茅山羅山第一
谷中送一初詩也臨行大宗師囑之云到
臨川卽以示予也忽復一歲一初又將北
游却賦此一百六十八字託一初謝大宗

伯生詩

卷七
十一

汲古閣

師古道高誼也

和吳先生韻

世外神丹起積疴
牕塵坐見月明過
侯生猶識遺經草
梁甫空成鼓缶歌
柱史通家今昔少
番君分祀子孫多
淒涼遠寄懷賢咏
譜入朱絃久未和

和天師韻

白髮高居古道山
蓬萊雲氣隱垂環
尚方徧識前朝履
特進仍先法從班
桃李成蹊春日滿
風雲繞坐晝陰閑
梅仙舊隱玄都館
紫陌紅塵有客還

自和韻

荒陂野色帶餘曛
隴上時逢植杖耘
靈囿鳳麟千載去
玉階鷄鶩此時分
誦詩自託浮丘伯
垂問長勤大隱君
爲報黃茅岡曲舍
簷端盡日宿浮雲

贈武夷道士羅鑑空兼憶范德機

學道應須住武夷
青山綠水不勝思
九天清露三生夢
千古高情兩鬢絲
羽客鑑空猶有鑑
故人詩後更無詩
懸厓仙骨堅如玉
明月長歌覓紫芝

題張采石新造觀瀾亭

伯生詩

卷七
十二

汲古閣

雪嶺春融萬里來
浮雲天際兩眉開
魚龍夜水星前起
風雨春潮足裏回
尊俎誰陪賢太守
文章莫媿昔英才
無邊李白登臨意
更覓遺碑步紫苔

某與胡伯友書問疏澗稍久因楚石藏主待

謁翹仰高誼賦寄此詩

喬木千章萬壑秋
使君清興在危樓
星沉夜水神魚化
霜落寒汀宿鴈留
紅袖烏絲酣楚客
畫屏銀燭看吳鉤
不知肯著枯藤杖
采采芙蓉涉遠洲

贈楚石藏主謁饒心道六有先生

不識南塘第幾橋翠樓華屋上岿峩古文獨許揚
雄識幽興誰爲杜甫邀伐木春聲生澗谷涉江秋
影蕩蘭苕散花如雨攜雙履解與高人話寂寥

十月朔旦同監邑大用暨僚屬游北塔山

敗壁殘書五十年重來山色尚依然田疇稍稔農
民喜官府多閑令佐賢黃菊不羞蓬鬢改清尊一
聽酒盃延坐中有客天邊去金榜春風待鴈傳

九月與薛玄卿外史會于黃氏溪園陪坐溪

山先生談玄觀古仙像

伯生詩

卷七
十三

汲古閣

自昔簪纓盛邑東新堂還見百年風兩人白髮驚
先老一客玄裳喜暫同食飲具陳先世業耘鋤全
效野人功談玄不及紅塵事盡日溪園樂意中

會後將登華山按茆岡玄卿先往候予至

石斛金釵感素秋洞懸鍾乳入山幽扶衰不是人
間藥聞健聊爲物外遊雲作衣裳塵不染詩成珠
玉世誰收石人久立黃茅月歲歲能來爲客畱

予與玄卿相遇山下別後和朱德嘉韻奉寄

重厘賡和再用韻奉謝

茅岡七疊七香車誰賦新宮蔡少霞千歲畱蹤丹
井曰諸天獻供菜羹瓜石人兩立春衣溼崖蜜蜂
來畫樹譁憑仗仙翁須一到浮丘已遣鹿銜花

和朱德嘉登華蓋山有賦韻寄薛玄卿和詩

未成登山已遇玄卿下山道中足成以寄

相期秋晚命柴車同看華峯散綵霞農父苦畱杭
似雪山人先許棗如瓜蛟翻巨石痕猶在鶴立危
峯語不譁邂逅不畱知有意林臺菊有未開花

縉山張君榮字仲華來丞撫之崇仁歷兩政

伯生詩

卷七
十四

汲古閣

六年心平氣順上下相安如一日雖有遠役
重勞亦無闕事甚可稱也予之閒居相愛如
故舊每懷扈從東道往來縉山道中見其風
土之勝民俗之美未嘗不談道以爲樂於其
受代調官京師因記之以詩而與之別明年
進秩南來觀舊治父老兒童相迎於東門之
外又當歌此以爲一笑之歡也

昔從時巡出縉山翠畦綠樹畫圖間驅車百折龍
門險載筆千峯虎帳閑麥粉勸嘗銀縷熟梁炊持

獻玉漿還道傍父老應常好爲說鄉風一破顏

又

馬公同涉龍門道歎似山陰及武夷儘有千崖如
罨畫但無一棹弄清漪知君久有鄉關夢老我能
無木石思抱甕青梁洪玉食饋漿道左野人誰

又

太平縣道喜年豐每出城南訪野翁粗有軒牕開
草木謾畱車馬翳蒿蓬心寬易醉毋多酌事簡無
私亦屢空好得公田多稼地長年歌詠聖恩中

伯生詩

卷七
十五

汲古閣

集家世以文學爲業亂離顛沛憂患困苦無
敢失墜然學未成而出早涉筆爲文應事而
已人或以爲能自知其不足也歸田以來稍
得安閑而目疾相嬰學不加進於立德立言
之事無有乎爾也是以所作事過卽罷不復
記錄至元庚辰冬臨川李伯宗黃仲律來訪
山中拾殘橐于敝篋得粗可屬讀者二百餘
篇而錄之賦此以謝

冰生鐵硯不堪磨收錄殘編夜每過老病自知才

思少應酬常愧語言多天人理一非無學內外篇
分豈自訛只恐玄經終寂寞空煩彌月駐山阿

答黃仲律學文之問

少學文章慮每周鄉人未免是吾羞讀書次第依
先覺下筆流行稍自由血氣旣衰尤帖帖神明自
至但休休聖賢端緒無岐徑篤信躬行莫妄求

重題環翠亭爲李浩卿作

亭深環翠燭光寒曾與詩人語夜闌秋色相高風
肅肅露華如洗月團團莫疑窈窕圍歌舞自愛空

伯生詩

卷七
十六

汲古閣

閒接羽翰我憶舊書陰德事百年應長萬琅玕
詩人謂變元傳觀志能也

答馬竹所見示詩韻

黃茆分土勝封畱惟有松喬是匹儔戴笠不愁山
雨溼倚筇嘗聽澗泉流玉堂夜永空餘夢瓦甕春
生欲自浮豈料朝雲停翠竹能從幙府一來游

又

壯氣橫秋勢利輕讀書讀律摠畱情爭看撤幙清
風起歸拜懸車白髮榮馬上詩成憐我老尊前花

發爲君清鳳池緩步春還近莫厭羹魚斫尾鱗

送吳文明

山雨牕寒詠楚辭可人同有古人思冰梅的的開
生面霜菊英英係令姿詩似仙成隨世換學如春
到只心知重來宜及東風早華蓋茅岡長紫芝

冬至後陳溪山貺以佳句謹用韻奉答

一陽初動反隆寒久雨山居絕往還彩筆曉題傳
密意綠樽春泛換衰顏希夷睡足風雲外安樂吟
餘水竹間共看往來閒日月紛紛塵事不相關

伯生詩

卷七
十七

汲古閣

雪夜有懷華蓋山王玉玄

三峯千仞玉穹廬石骨金筋守靜孤渺渺微陽丹
建地縣縣深息火生符瓊林撐柱虛明免銀海奔
吞黑赤烏持酒相尋行迹斷人間無鶴到蓬壺

答盱江聶空山

老去文章不滿車蕭條家學賴兒扶從師授業渠
能達對客揮毫我病蘇春雨解憐轅下犢朝陽愛
及屋頭烏德星何日賢人聚膝上瑤環看畫圖

又

繞屋看山不命車天寒翠袖自攜扶梅花照眼春

常健竹葉怡顏氣倍蘇復有新雛娛老鶴莫將舊
事憶童烏書堂圍暖歌春雪蜀錦波瀾列海圖

寄和吳閑閑大宗師

釣天樂徹洞庭波野迥誰爲擊壤歌筆硯烟雲塵
世隔鶯花風雨客愁多傳書稚子空遺簡伐木樵
夫久爛柯舊識浮丘華蓋近相思何處看雲過

答吳宗師壽稀年詩韻

早接雲龍晚散萍三年交信祝修齡公從天上承

伯生詩

卷七
十八

汲古閣

恩宴我向山中讀道經老兔幸分千歲藥高鴻還
借九秋翎蓬萊清淺人應識拄杖過頭并會星

又

老子長年藏室居舊聞星象動江湖尚方別賜三
公舄維嶽恒馳六轡駒龍馬河中先聖畫麒麟閣
上列仙圖從游童冠俱頭白幾度涼風咏舞雩

又

能歌能辨九爲章無限才情屬楚襄巫峽草生春
易晚渚宮花發日何長玄經寫就池皆墨國語成

來目少光把筆題詩亦聊爾坐中何用怪韋郎

送撫郡經歷海朝宗調官

館閣論思拜命新風雲近接屬車塵受釐宣室多
清夜奏賦甘泉是暮春雨過落花行處少日移高
樹坐來頻知君此日行吟思驄馬封章又避人

又

論撰西清近九天回頭二十五華年送人趨召迎
新雨對客停思倚暮烟染翰朝朝裁五色吟詩往
往過群賢故人若遇楊開府莫說韋郎鬢颯然

伯生詩

卷七
十九

汲古閣

寄趙知微廉使

曾賜玄洲水玉丹南征六月海生寒宣威辨說誰
爲陸列守文章孰是韓溟渤不驚天蕩蕩烟塵如
洗月團圓故家文獻應催召拭目雲霄一羽翰

題致爽樓

易君小雅雅士也自其先長沙知錄公老
於是邑子孫守儒業至于耆耆又以醫藥
活人鄉邦稱世有善人者也小雅與余年
相近少相好也元統癸酉余自京師還小

雅觴余新樓之上望眺平遠山川邑屋烟

雲竹樹歷歷在目而易氏子孫或仕或處

皆循循敏藝而敦本小雅髮須郁然顏貌

充悅諸子侍立若弟兄之相次也余深嘆

善焉小雅曰樓未有名也子爲我題之余

以爲米元章最號善標置嘗自名其軒曰

致爽子之樓四面皆可觀而西面獨遠請

用柱笏意字之曰致爽仍請賦之

易公屋上有青山故架層樓擁髻鬢客至每畱風

伯生詩

卷七
二十

汲古閣

燕外詩成多在雨簾間南階竹似兒孫長東老身

同日月閑若道神仙平地好便從南郭覓柴關

東坡墨竹

扁舟憶上浣花溪風雨橫江萬竹低石室歸來秋
似水峨眉相對醉如泥春雷翻石蛟龍起夕照穿
林鳥雀栖二老何年重會面爲揮濃墨寫淒迷

白雲間上人度夏

白雲長傍太湖飛忽向西江度釣磯彭澤小龍遊
共飯潮陽遷客憶畱衣笋因春雨朝朝喫橘待秋

霜顆顆肥我自本名無所住經函松下共柴扉

寄龍翔寺新笑隱

贏得歸來休便休鶯花何處更追遊閒雲過樹依
檐宿好雨添泉繞舍流世上文章將底用夢中塵
業又何憂隨身宮殿香雲裏還見千峯百海秋

寄魯學士

往歲樓船過太湖珠簾翠幙護圖書泉南五馬傳
燈後天上群龍進講餘滿座賓朋尊有酒盈疇秔
稻食多魚趣裝未覺曹叅晚應有賢人載後車

伯生詩

卷七
二十一

汲古閣

答甘允從寄海東白紵

海國練衣雪色明寄將千里見高情著隨野鶴渾
相稱行近沙鷗亦不驚江露滿船歌醉起爐烟攜
袖憶詩成秋風遊子偏愁予誰采芙蓉共晚晴

次韻董子羽見寄

家徒壁立相如宅森列雲山作畫屏前日遠煩天
子使至今猶詫野夫亭有來妙句題章草政爾齋
居讀道經積雪滿庭誰見問故人千里眼終青

又

昔年供奉懃清刃簪筆春明近御屏一日攜書歸
菊徑幾回對雪坐茅亭女蘿薜荔如新葺華蓋夫
容歷舊經最憶先生天上去皇都應見草青青

次韻答聶空山

惠我名香海上來講帷還憶舊親陪微風高閣紆
天步細雨深簾對露臺滿袖當時攜馥郁孤村此
日爰蒿萊高人雅意相期遠未覺匆匆白髮催

寄貞居張先生

司馬先生苦著書久淦金液日清虛星辰欲動含

伯生詩

卷七
二十二

汲古閣

精劒雲霧長隨畢道車重憶仙翁千仞表爲修真
錄百篇餘白頭供奉黃金盡靈笈何因到隱居

孫宰金碧山水

昔代香山避暑宮中天積翠立夫容雲生金水三
春柳露滴銀床五粒松飛瀑橋長通窈窕斷堤人
倦立從容舊時行處今看盡烟雨樓臺晚更濃

甲戌四月十七日至臨川冲雲寺祝聖壽齋

罷爲賦此詩

郭西寺門雙石頭水檻相對林塘幽白花過雨落

松暝黃鳥隔溪鳴麥秋衰朽虛蒙宜室問淹遲實
愛小山畱爲食佛日同僧話滿袖天香念舊游

蜀人鐫夢良效楊補之掀蓬圖

錦屏山下花如錦却愛清江野水邊放筆豈能無
直幹掀蓬方欲鬪清妍最憐半面歆歌扇更笑輕
身障舞筵君看上林千樹雪繁枝何處獨娟娟

寄吳思可廉使

歲月將題傑閣成寄來三筆荷高情知公任比中
丞重念我文慚吏部名王勃當年神所助江淹老

伯生詩

卷七
二十三

汲古閣

去夢還驚尚懷曝日茅檐下解寫農謠詠治平

寄南安燕信臣總管

昔同禁苑又經筵一別于今四五年太守政成梅
嶺北老夫吟徹野雲邊愁來每看新題字夢裏猶
懷舊奏篇頗欲仙茅扶病骨想能函致到臨川

遊仙遊山賦詩

仙遊亭子北門東雲樹烟霞野逕通秋淨華峯千
仞表春濃仙縣百花中昔人黃鶴何年去九月清
尊此意同醉插菊花歸路晚莫令狂客惱衰翁

方壺作仙遊山圖

身在山中底用圖偶然點染出方壺數株古樹雲
連屋一箇橫橋水滿湖門外從教車馬過鑪中不
計稻梁儲等閒真遇尋師者指與雲間一翠渠

畚錢翼之

吳郡名書盛有唐流傳風致到錢郎閉門三月梨
花雨徧寫千林柿葉霜客看舊題驚歲月僧將新
句度江鄉莫愁茅舍淹畱久秋菊春蘭各自芳

次韻聶空山送杏

伯生詩

卷七
二十四

汲古閣

看徧生紅雨滿林筠籠遠致百丸金遙知過熟心
先喜猶恐微酸齒不禁洗琰便應催泛蟻封囊何
必共來禽唯當種核成嘉樹花遶春壇坐鼓琴

和陳溪山春雪見貽

彌天春雪積塵空花信今爲第幾風一色瓊瑤無
別間九年金粟有餘豐愁吟野徑雲俱黑睡起東
牕日已紅幸自與公同此樂莫辭微醉注黃中
予少年過薊門酒樓賦此題曰連十八書郡
人疑其爲呂洞賓詩也謾記於此

耳目聰明一丈夫飛行八極隘寰區劒吹白雪妖
邪滅袖拂春風槁朽蘇氣似酒酣雙國士情如花
擁萬天姝如今一去無消息只有中天月影孤

卽事 四月十六日

臥病丘園忽五年千官此日正朝天縣公稱壽邀
相共野老扶藜拜不前帶拭文犀看舊賜髮垂明
鶴愧初筵莫言小邑天光遠朝蓋靈芝五色鮮

目疾偶成 二首

一任榴花五月開看如烟霧亦悠哉靜聽靈響空

伯生詩

卷七
二十五

汲古閣

中發坐受天香世外來樂府好邀張籍賦策書宜
共左丘裁太清絕點誰能畫一瞬青蓮月滿臺

又

木綿鶴袖小烏巾百事無聞自在身舊是玉皇香
案吏今爲華蓋洞天賓看花謾笑如烟霧落筆那
能泣鬼神聞有紫芝新可食園公有約願爲隣

柯敬仲畫古木疎篁

不見丹丘四五年幽篁古木更蒼然蒹葭霜露風
連海翡翠蘭苕月在川憶昔畫圖天上作每題詩

句世間傳前村深雪誰高臥亦有晴虹貫夜船

答盱江石門江秀才

石門山在盱江上聞似金山及落星浮石不隨春
漲沒道林常見晚雲停鳥飛空界誰能賦龍負經
函我所銘此地卜隣多逸興重來爲寫向幽亭

夢吳成季真人見訪夢中作

竹外旌旗駐馬鞍兒童驚喜識衣冠青山春日何
須買高閣浮雲只共看野簌不堪供七筍新詩聊
可助盤桓當年赤壁扁舟夢幾度人間玉宇寒

伯生詩

卷七
二十六

汲古閣

嘉平歲望陳谿山自山齋還邑月下獨步有

賦

野迥霜明月轉高寒花疎影立亭臯池冰下見蒼
鱗鬣雲海東迴雪羽毛客去夜深猶倚杖詩成春
近更揮毫茅簷數尺當晴昊無限清歡一緼袍

又

莫愁寒日經簷短甕牖西南緩有餘頗有襟期俱
老大略無塵滓涉清虛飢來進火烹仙朮定起和
丹較道書憑仗白雲封谷口免教人跡近幽居

題馬竹所照磨捕魚圖

霜寒水淨已無魚
漁者縱橫罔不疎
羹食盡供晨市遠
炊烟猶待晚歸餘
已知漠漠濠梁異
豈盡洋洋鄭沼如
萬里江湖春雨濶
海鷗不去小舟虛

李伯宗錄詩

老去逢春祇謾吟
敢煩綵筆爲追尋
玉堂天上成塵夢
茅舍山中稱野心
萬里雲霄歸鳥盡
孤村風雨落花深
文章傳世知何用
空使高情慨古今

壽陳溪山生日

伯三詩

卷七
二十七

汲古閣

風動蕭蕭白髮疎
高齋長日共清虛
輕雷過雨神功外
瑞露垂雲壽瀝餘
藜杖每期天外友
松肪更試枕中書
九秋華蓋通天極
千載相隨兩鹿車

鶴

予家有薛少保鶴一軸
先尚書自蜀攜至此
邑以爲珍玩先參政
晚歲失之不知何在
當時極惋嘆今二十
餘年集妻姪浚儀趙
德莊從好事者重購
得之欲集識其故而
藏諸篋笥爲賦此

吾家舊物薛公鶴
老氣崢嶸壓九臯
鐵石閭身修足脰
雪霜依骨淺翎毛
通泉久失千年壁
杜甫空吟一世毫
老去思鄉歸未得
時時借看倚秋高

二月雪與陳齊賢

江南二月常聽雨
誰見翩翩雪滿舟
病眼直驚翻玉樹
吟身渾欲覓貂裘
衝寒載酒憐佳客
把筆題詩想舊遊
得意長安各騎馬
山堂還憶醉翁不

閩憲克莊以故舊託文公五世孫明仲遠徵鄙文老退遺棄散逸荷伯宗用昭止善浩淵

伯生詩

卷七
二十八

汲古閣

子勗至善及余表姪孫陳誼予兄子豐仲弟之婿賈熙用昭之從子大年等十餘人寒冬連旬日夜錄之得五十卷亦已勞矣賦此爲

謝

老去斯文付寂寥
寒枝枯甲一遺蜩
虛言自歎眞何補
好友相求不憚遙
敗篋塵埃煩數子
破窓燈火每連宵
書成明日尋梅去
共看春風轉斗杓

送朱明仲歸建安并簡貳憲幹克莊

道南遺緒實天存
徑寸神膠萬里渾
路遠祇憑霜

履穩歲寒更覺縕袍溫山川文物今誰在師友淵源尚可論弱翰不堪酬使者遠來深愧考亭孫

送王公輔遠遊

君子之所居雖歲月易遠而餘風流韻不自知其及人之不窮也空山雷先生隱於種湖之上豪傑名勝多從之遊其光顯盛大者固已著見于代其高尚深遜者則有不可得而知者矣然種湖猶有先生遺書數百卷與平生著述皆無恙也湖觀之師

伯生詩

卷七
二十九

汲古閣

弟子相傳而守之其寥廓之趣粵古之思必有彷彿其精微者乎至元二年丙子正月六日大雪道無行人有羽士王公輔自種湖來袖詩一篇爲贊觀此風致諒非俗塵所能固有得於君子者乎問其年纔三十喜其盛年好讀書苦吟聞其將從吳越淮泗而遂至乎京師也故作詩以送之

春雪門前二尺深子喬雙鳥度幽岑欲吹藜杖同清夜靜看梅花對苦吟江國鴛花時冉冉京城烟

雨晚駸駸老來每憶登臨處仗子芳年一一尋

題趙師舜謝安遊東山圖

太傅東山杖屨行總將憂患托高情獨尋窈窕開瑤席雙引娉婷韻玉笙春雨松間殘奕冷秋風江上莫塵生三分籌策頻煩甚惆悵雲霄一羽輕

活水源爲王欽道賦

川上嘗聞感聖衷萁源曾見出泉蒙風霆流動千門闢山澤高深一氣通潤物已隨時雨化濟川猶歎昔人功野塘舊隱誰能住一勺清泠謝太空

伯生詩

卷七
三十

汲古閣

夜宿周氏簡饒復心李伯宗

復心與伯宗留宿周氏東齋談易論語集註至於達旦某以微疾不得奉陪然心甚喜雞鳴賦此章呈二君子

霜月高齋宿兩賢夜深清話極幽玄退藏莫測神明化通變猶聞典禮傳五十華年思絕學二三良友信遺編選鋒若欲驅殘臘晴昊梅英孰與先

贈朱萬初之官建寧

并序

仲春之望建寧幕長朱君萬初之官迂道

百里惠訪山中存撫老病深感古誼得見
禁林貴臣名公書報萬初延閣機暇得進
所製新墨甚稱旨意中書傳問所居官將
有朝擢之喜良爲助慶因賦此爲別云

墨卿玄壁進明光玉硯雲興御榻香內相貽書傳
異賞中朝垂問仕何方宗家應訪金絲舊古道相
求草木荒把筆欲題新感遇牛衣春夢鬢蒼浪

題汪華玉子昂蘭石 四首

海內出珊瑚枝撐碧月孤鮫人拾翠羽泣露得明

伯生詩 卷七 三十一 汲古閣

珠

又

參差不可吹紉佩寄遠道遂令如石心歲晚永相

好

又

抱玉下天河繞叢秋露多天寒翠袖薄日莫欲如

何

又

翠袂倚岩巖來尋碧玉簫拂衣成歷劫遺跡映寒

潮

題黃與可所藏錢舜舉瓜圖

秋蔓有遺實不食庸何傷東陵爲圃地何曾憂雪
霜

題趙師舜光風轉蕙汎崇蘭圖

衆芳非不多金石好兄弟維佩以問之春風接襟
袂

春妍帶雪圖

玉茗深宮裏春妍帶雪殘可憐五色羽相竝不知

伯生詩 卷七 三十二 汲古閣

寒

江村秋晚圖

依約米家船疎林泊暮烟新詩吟未了槎上釣江

鯿

題饒世英所藏錢舜舉四季花木

海棠

睡起多情思依稀見太真一枝紅淚溼似憶故宮

春

黃蜀葵

花萼立清晨鵝黃向日新金杯承玉露偏醉蜀鄉人

芙蓉

丹霞覆苑洲公子夜來遊終宴風露冷折花登彩舟

家茶

萬木老空山花開綠萼間素粧風雪裏不作少年顏

題趙師舜所藏雪竹圖

伯生詩

卷七
三十三

汲古閣

鳳皇臺畔竹猗猗別出參差玉一枝閱盡雪霜心似鐵高風惟許歲寒知

題饒世英所藏孤鶴圖

海風吹月憶危巢清夜梳翎雪墮坳仙客不知猶是畫每聽長唳向松梢

贈朱萬初

四首

霜雪摧殘澗壑非深根千歲斧斤違寸心不逐飛烟化還作玄雲繞紫微

近世墨以油烟易松滋媚而不深重萬初

既以墨顯得真定劉法石刻墨法以爲劉

之精藝深心盡在於此必無誤後世因單

思而得之蓋取千百年摧朽之餘精英之

不可泯者乃用之非常松也烏乎孰肯舍

易而求難必求古人之成法而後盡其心

者乎

又

珥貂鳴珮入明光新墨初成進御床草野小臣春夢短猶懷染翰侍君王

伯生詩

卷七
三十四

汲古閣

天曆已巳天下大定中外又安天子始作

奎章之閣於宮廷之西日親御翰墨時榮

公存初康里公子山皆近侍閣下以朱萬

初所製墨進大稱旨得祿食藝文之館其

名藉甚邈在草野豈勝千古之思乎

又

延閣晨趨接佩聲又紆朱紱向江城丹心要似東陽水釀作官壺徹底清

朱萬初以藝文直長以年勞恩賞出佐帥

幕南海轉丞東陽東陽文物之邑俗第以
名酒歸之豈其山川之望哉韓文公譏丞
不負余余負丞今丞凡邑之風俗教命刑
獄科賦無不得言言之當無不可行存乎
其人而已萬初勉之

又

頗愛燒香是鼻塵不應緣歟又勞人方牀石鼎過
清晝一縷山雲伴老身

深山高居爐香不可闕退休之久佳品乏

伯生詩

卷七
三十五

汲古閣

絕野人爲取老松柏之根枝葉實禱治所
楓肪和之每焚一丸亦足以稍助清苦久
亦不復爲今年大雨時行土潤溽暑特甚
萬初袖致土速數片空齋蕭寒遂得爲一
日之供亦可喜也

於仁宗英宗一歎未能顯擢一斥同列不能
相容皆呼字而不呼名可謂恩寵極矣及門
弟子訂其在朝應制及歸田方外諸稿爲道
園學古錄予妄摘其詩不敢紊其卷次与楊
范揭詩集並傳庶幾四美具云海隅毛音識

伯生詩

卷七
三十六

汲古閣

虞伯生詩卷七 終

虞伯生詩卷八

雪後偶成

千山積雪日華明
甕牖前頭畫不成
未有樓臺供遠眺
負暄過午聽簷聲

又

曉來殘雪在陂陀
遠似羊群或似鷺
憶踏春泥看柳色
駝裘貂帽度冰河

自贊題白雲求陳可復所寫像

歸來江上一身輕
野服初成拄杖行
祇好白雲相伴住
天台廬阜聽松聲

伯生詩

卷八

汲古閣

築室

溪頭築室苦不多
無奈今年春雨何
水暖白鷗渾不去
泥深田父少相過

客有好仙者持唐人小遊仙詩求予書之惡

其淫鄙別爲賦五首

東海轉上白玉盤
滿天風露桂花寒
方平欲來共今夕
微聞洞簫過石壇

又

偶過松間看奕棋
松枯鶴老忘歸時
山前酒熟不中喫
自有金盤行五芝

又

關關雎鳩在河洲
錦幄春溫吁可愁
六合清凝海天碧
木公金母坐優游

又

衣垂烟霧冠晨暉
雪色鬢毛風外稀
何事酒壚眠不去
塵中醉裏或忘機

又

伯生詩

卷八

汲古閣

老婦扶兒休笑儂
不肯學仙早已翁
東家木公合辟谷
但汝護田祈歲豐

子昂竹

憶昔吳興寫竹枝
滿堂賓客動秋思
諸公老去風流盡
相對茶烟颺鬢絲

子昂蘭石

汀州離離石老蒼
行吟何處樂清狂
江中遺佩相思久
莫待明年春蕨長

夢蟾圖

炯炯孤蟾兩目寒
莎羅臺上濯神丹
冰容映日初無質
故許空巖夢覺看

唐五王出遊圖

華萼樓前御柳長
春風馳道曉塵香
龍姿鳳質多相似
黃髮爲期樂未央

八駿圖

瑤池積雪與天平
西極空聞八駿名
玉殿重來人世換
蕭蕭苜蓿漢宮城

射獵圖

伯生詩

卷八

汲古閣

羽獵長年從翠華
合圍八月度龍沙
蕭蕭徒御圖中見
猶想君庖賜滿車

又

日莫推車力已疲
道逢猛虎快饒饒
負嵎何待要馮婦
弱婦嬰兒未可欺

題白玉蟾像

日出樛桑積雪高
海空天淨絕纖毫
每看劒氣衝銀漢
知是吹笙詠碧桃

題大別山柏圖

憑陵霜雪鼓風雷
此樹相傳手所栽
想見樓頭黃鶴客
千年一度此山來

答趙秉彝送地黃膏

身如老馬視茫茫
多謝銀罌致地黃
昨日飲餘肌骨煖
解持書卷近晨光

酬張用鼎

老馬尚書賓客盛
淮南淮北誦君詩
玉堂自是歸來晚
不及觀君落筆時

題關尹問道圖

伯生詩

卷八

汲古閣

身隱何爲更註書
區區關尹強留車
周公制作成殘缺
嘆息何人問緒餘

中秋前偶賦

一室蕭然絕蔽虧
桂香初發自先知
已無熱惱仍無夢
坐到空林月落時

又

空林月落大如盤
雞犬無聲曉氣寒
童子凝謀朝一食
玉盃盛得露漙漙

又

一杯濃露滑如飴
灌溉清涼可療飢
畢力石田嗟已晚
空山何處采靈芝

又

采芝不覺過前山
偶答樵歌莫却還
人影自行殘照外
雨雲先入翠微間

次韻答魯子暈叅政四首

山水娛人若妙顏
幾年搖落鏡中鬟
高情誰與爲膏沐
舒卷春雲指掌間

又

伯生詩

卷八
五

汲古閣

海風吹雨散晨曦
紈扇高堂兩鬢絲
想見東南賓客盛
臨江醞酒看潮時

又

病鶴前年下玉京
空巢聊寄一毛輕
白雲千載悠悠外
自照寒溪野水清

又

方嶽羅賢祝罔開
選掄更欲籍非才
故人情厚慚衰朽
千里空煩重使來

題赤城站壁

莫怪扁舟不早歸
斜風細雨溼蓑衣
天心月滿江心定
贏得閒身坐釣磯

又和赤城壁韻

飛鴻力盡始能歸
敢向漁樵詫芰衣
多謝相如遠相問
華星明月照寒磯

秋夜有作

月明清露浸山河
八極無塵水絕波
形質不應猶有礙
鼻端惟恨桂香多

玉龍圖

伯生詩

卷八
六

汲古閣

貝闕澄澄海月生
水晶簾影接空明
蛟綃剪得霓裳就
却擁冰髯上太清

郭熙畫木

江南喬木已無多
誰畫參天鐵石柯
記得玉堂春晝永
寒林坐對老東坡

浙西提舉陳衆仲以其省之命請考秋試其

還也賦此贈之

道誼交情志竟完
千山觸熱訪衰殘
唯慙薄德成虛辱
故詠高風小子看

又

百病消沉老病身
石田茅屋度餘春
故人遠訪閒相對
共看流泉日日新

又

合禮文章體道心
事成物致精深老
來更覺交游少
珍重高賢副所欽

又

游揚羅李生聞土
千古斯文一綫微
最憶相逢共紬繹
開牕東海眇烟霏

伯生詩

卷八
七

汲古閣

又

子去聲光日已高
荒村那復重相遭
畫屏甕牖閒欹枕
春雨秋雲見羽毛

贈閒白雲

白雲東去又經春
每想飛鴻到水濱
幾箇遮山松樹子
憑君洒雨洗埃塵

無題

貝闕珠宮夜不眠
露華浩浩月娟娟
不應又作人間夢
窈窕吹簫度碧烟

題亡弟嘉魚大夫與師眉山奴詩後

瞻望眉山艸木春
西還無計每傷神
數家共客巴陵下
只託詩書論古親

又

吾弟文章絕幻麗
只餘詩句似西江
十年夢斷遺書在
風雨梧桐自一窓

書蘭亭後

墨池春雨水泠泠
消得鸞群舞雪翎
千載臨文嗟悼盡
摩挲病目看蘭亭

伯生詩

卷八
八

汲古閣

題黃敬申所藏虎圖

當時玉帳蜀雲西
坐嘯風生艸木低
傳寫餘威千載外
空山藜藿尚萋萋

聞機杼

咿啞機杼隔林幽
夢覺江湖憶舊遊
滿地月明涼似水
數聲柔櫓過楊州

賦玉簪花

玉簪花發憶京城
徧閱詩篇未識名
解道折花猶帶露
却愁香色起凡情

又

面植芝蘭背植諼高花冠玉擅中園小冠不厭雙
蓬鬢賴有朋簪玉露繁

又

翠葉長筵出露叢素華高潔倚微風方田種得新
秋玉萬斛濃香屬老翁

又

天官會弁若星流簪筆同朝八月秋一色尚方新
切玉含香無語度中洲

伯生詩

卷八
九

汲古閣

溪橋踏雪

萬竹孤亭積雪明衝寒先到寄高情過橋不是尋
常客共聽空山裂帛聲

奉答吳仲谷見寄兼簡許愿夫

城南謾作草堂新過客全稀甌有塵城闕鶯花二
三月無因藜杖伴詩人

又

華蓋山前已結菴荒陂獨往策羸驂何如城北蕭
閒叟吟詠高齋從適參

又

翠竹如雲百尺樓川原錦繡出城頭遙知吟詠群
賢老清酒千壺薦膳羞

賦范德機詩後

玉堂妙筆交游盡投老江南隔死生最憶崖州相
憶處華星孤月海波清

題文丞相詩後

六廈明非一木支區區未忍聽傾危故人邂逅聊
相問矢死終天更不疑

伯生詩

卷八
十

汲古閣

次韻陳溪山春日卽事

日出蒼龍霧露零郊原花柳揔蘇醒七言內外黃
庭景歷歷東風舊所經

又

河漢光微海出瞰蓬萊宮闕啓千門晴虛無外來
相覓塵影俱消湛若存

又

蕉竹窻中舊席虛白雲不住意何如欲占正叔來
消息正值包羲未畫初

題呂洞賓見滕子京像

一杯湖水碧于天飛劍來時月正圓天下儘多憂
樂事翛然來往又千年

題魏受禪碑

華歆勤進鍾繇筆妙畫千年不可磨舊有始皇金
石刻李斯文字更嵯峨

崇仁邑士吳景永客授齊安寓定惠院書來

報寺之海棠東坡所爲賦詩者今二百五十
餘年枝萼復盛住山明月溪增葺坡翁舊寓

伯生詩

卷八
十一

汲古閣

并錄所賦爲寄偶成三章答之并呈幹公克

莊部使者云

滿山桃李擅春風麓俗何妨總化工賴得土人渾
不愛故容山寺對衰翁

又

江城紅萼是鄉人人去花飛海復塵二百餘年還
一見雨中月下爲誰春

又

昔登棧閣俯春濤紅萼青松翠壁高應有故人知

我在鷓鴣春雨老江皋

次韻東山鳳栖別墅四時詞

湖邊綠樹多年柳島上紅雲二月花惟有舊時雙
燕子經春仍在故人家

又

雨餘飛蝶傷秋潤江外蹲鴟喜早涼高屐圍碁歸
別墅東山莫是謝家莊

又

秋聲柿葉書連屋日暮黃花醉短籬每歎觀文修
伯生詩

卷八
十二

汲古閣

舊史不違初志見新詩

又

寒陰潔白分嘉玉園果青黃貢上金受命素心如
鐵石不知冰雪歲年深

臨川艾蜚英茂才求書北游京師荒山久病

筆墨盡廢偶有近詩二首寫寄 國史侍講

祭酒先生數千里外一笑契舊有同在者共

一看之亦知衰朽託庇無恙也

鳥鳴不鳴山更幽少學多聞今始休當年空喚人

間飯聊爲田家事牧牛

又

牛角掛書田裏歸昔人行處不相違
白蘋如雪鷺飛起耿耿銀河星宿稀

和陳溪山韻

林園寥廓靜簾櫳來往風雲盡日中
萬卷相娛嗟歲晚一簞猶恐負時豐

又

幽幽直入南山路行到水窮猶有雲
回首獨歸無

伯生詩

卷八
十三

汲古閣

一事道傍還見丈人耘

題樓攻媿織圖

我國家既定中原以民久失業置十道勸
農使摠於大司農慎擇老成重厚之君子
而命之皆親歷原野安輯而教訓之今桑
麻之效徧天下齊魯尤甚其後功成省專
使之任以歸憲司憲司置四僉事其二則
勸農之所分也至今耕桑之事憲猶上之
大農天下守令皆以農事繫銜矣前代郡

縣所治大門東西壁皆畫耕織圖使民得

而觀之而今罕爲之者撫圖頌詩爲賦三

章章四句

鄉里蠶桑勿失時畫圖勸相又題詩當時補袞應
無缺金玉餘音到璽絲

又

吳越蠶桑用日多始終吟咏極婆娑玉成繭館閒
琴瑟宜薦房中備樂歌

又

伯生詩

卷八
十四

汲古閣

昔者東南杼柚空詠歌蠶織到圖窮勸農十道先
齊魯百世興王衣被功

送程以文兼東揭曼碩

樸學清忠荷主知每驚異論苦相危只緣自信非
鄉愿俟命從容絕妄思

又

玉堂北局是秋官健筆相遭白晝寒莫怪討論成
諍論御床夜索艸篇看

又

故人不肯宿山家半夜驅車踏月華寄語傍人休
大笑詩成端的向誰誇

西郊艸堂圖爲從子豈作

故家東郭百花洲梅柳西郊總舊游賢子獨知懷
土念結廬爲擬草堂幽

又

早晚東吳買客船直歸萬里畫橋邊寄貨儘有詩
人在忍向園中看數椽

又

伯生詩

卷八
十五

汲古閣

草堂在處卽西郊巴嶺還如雪嶺高但有奸孫能
力學不愁老杜不春遨

又

野梅官柳頗依依酒債尋常七十稀莫遣錦溪賢
姪覺恐愁安樂不思歸

至正改元辛巳寒食日示弟及諸子姪

疾風吹雨作春深抱膝西牕獨自吟百世詩書千
古事只憑孫子不虛心

又

江山信美非吾土飄泊樓遲近百年山舍墓田同
水曲不堪夢覺聽啼鵲

寄成都孝成姪

寒食風花高下飛錦官城外是耶非百年墳墓惟
孤姪因酌寒泉薦薺薇

寄吳門弟姪

尚書大墳在吳門老病西江更斷魂春雨滿山湖
海去扁舟強飲引諸孫

寄子安民從子宣

伯生詩

卷八
十六

汲古閣

兩兒逐祿廣東西解憶荒村叫竹雞北返衣冠先
志在扁舟有日發端溪

癸酉歲晚留上方觀

投老歸來山縣小無端人事尚關情雲房借宿最
岑寂亦有鄰春月下聲

又

燈前自了讀殘經風入疎簾月入櫺坐到夜深誰
是伴數枝梅萼一銅瓶

又

偶行幽徑豈尋春忽見叢蘭紫茁新幸自林深可
終日莫將香引路行人

又

山中積雪到簷端獨對篝燈坐夜闌不是梅花心
似鐵如何禁得許多寒

葵榴雙鳧

江南春事已蕭條只有葵榴絢日嬌水國不知炎
暑近雙將文羽戲清朝

題明皇按舞圖

伯生詩

卷八
十七

汲古閣

寢安食飽對青雲按舞調笙不厭頻西內歸來還
獨看梨園弟子白頭新

題昭君出塞圖

天下爲家百不憂玉顏錦帳度春秋如何一段琵琶
月青州離離詠未休

題陳氏遠塵樓

春風滿縣花開日夜月千山雪積時定有扁舟來
好客倚闌溪水度雲遲

偶成

野田閑水浸秋天隨意行吟到水邊樵牧各歸魚
鳥散微風吹面鬢蕭然

又

半畝秋陰近石床倚床自炷水沉香新涼透骨清
如水幾箇簪簪共夜長

又

鶴骨新來怯曉寒東牕睡覺日三竿蒲團深坐香
如縷塵几殘經亦倦看

桂亭

伯生詩

卷八
十八

汲古閣

夜色澄澄海氣深水光蕩漾入簾旌冰肌玉骨便
清夢不爲吹簫送月明

又

壁月珠星繞四周團團翠樹屋東頭黃金布地香
爲國此是山中富貴秋

田舍

晨昏車馬亂雲烟花下追遊亦偶然百舌無聲春
亦去蕭蕭田舍日高眠

題漢孝宣受貢圖

悠悠旌旆馬蕭蕭萬里歸來氣不驕黃屋東邊渭
水上從官誰是霍嫖姚

答饒心道四首

碧玉淒涼思入雲數峰江上見湘君夜深霜冷絃
中折儘有遺音世未聞

又

月下紫微還獨歸陰陰夏木掩柴扉空傳秀句寰
區滿世外高情更絕稀

又

伯生詩

卷八
十九

汲古閣

巴水東流日夜深先生茅屋背城陰東風盡日吹
香艸金石臺荒想獨尋

又

塞坐詩書日晏歌陶公於此每婆娑匡廬雨過青
如舊只爲長松不易柯

題約牖爲譚無咎賦

約牖前頭一沼開天光倒影入蒼苔臨泉洗墨春
雲溼恐有神魚起鰓雷

又

檢束精神不外馳天光融徹入初曦飛塵不礙睛
虛景意識空從一管窺

又

意識休將一管窺斂藏深密靜無私始終慎獨成
天德深信開天自宓義

又

酬酢紛拏窘室廬老來漸覺就明虛羨君盛歲先
知約絕利尋源事廣居

別變玄圃後重寄

伯生詩

卷八
二十

汲古閣

郭西山路有寒梅想見臨行首重回夜聽雨聲知
水長滿船明月幾時開

聞變玄圃除御史

好風天上送春來紫陌紅塵萬里開春雨春波舟
一葉題詩先到鳳凰臺

變玄圃除御史後寄蕭往淵巡檢

望仙亭長最清閒日日吟詩竹樹間長官新裁豸
冠去誰與空山相往還

題趙子固梅

楚王宮室賦離騷不及梅花莫解嘲留與周南舊
公子歲寒聊寫兩三梢

古檜

根到深泉石作身疎疎香葉不知春海波不動天
風遠千歲寒蛟作老人

題夢良梅

詩翁白髮對青春看遍江邊玉雪新我是錦城城
裏客開圖更憶錦屏人

留易小雅樓促陳溪山同飲

伯生詩

卷八
二十一

汲古閣

花滿橫樓酒滿盃晴光偏送好春回東家縱有溪
山興聽得歌聲也合來

和陳溪山櫻桃

紫玉盤中絳雪繁相如多渴喜清寒明光分賜難
重得却作金丹火齊看

留題龍門寺

自入重山知者稀默然終日坐垂衣山猿還笑癡
頑甚無見無聞忘却歸

父

一榻東軒絕百非浴波紅日上當扉輕雷谷口作
飛雨知是老龍回翠微

又

舊得鵬雛短羽毛筠籠三月未能高攜來聽法生
公石風竹雲松任所遨

又

投閑雖久尚勞生數日山居實稱情香象渡河姑
且置端然聽得落花聲

伯生將生之時外祖楊文仲夢南岳真人事

伯生詩

卷八
二十二

汲古閣

降心甚異之三筆即知讀書繼之弟舉同闕
書舍為二室左室書陶淵明詩曰陶菴右室
書邵堯夫詩曰邵庵故世稱邵菴先生後知
于仁宗英宗一乳未能顯擢一片同列不能
相與皆呼字而不呼名可謂恩私極矣及門
弟子訂其在朝名制及歸田方外諸稿而道
園學古錄予妄摭其詩不形齋其卷次与楊
翁揭詩集並傳庶幾四美具云海隅毛晉識

虞伯生詩卷八

虞伯生詩補遺

虞山 毛晉子晉 訂

題周怡臨韓幹明皇出游圖

開元盛事何人畫玉冠夫容御天馬從官騎步各有持移仗華清意閒暇宮花如錦照青春詔許傳看思古人不知身在瀛洲上親奉圖書侍紫宸

明皇出游圖

輦路風微曉霧開華清宮裏看花來五王走馬誰先醉倒著宮袍去不回

伯生詩

補遺

汲古閣

端午賜大長公主

細葛迎颺喜宮衣之初試瑞蓮承霧慶壽
屏之方持輒陳節物之多儀用祝年齡之
有永併將唐律式衍魯風

殿閣薰風五月涼綠荷池上度天香扇裁團鑑飄
羅雪盃注輕冰酌玉漿塵尾可消時畫永絲絲宜
祝壽年長清朝共慶宮闈貴萬歲菖蒲汎紫觴

董元夏景山日待渡圖

董元夏山何可得嘉木千章鐵作畫曾巒總舍雨

氣潤百谷正受川光溢犬牙洲渚善泐涸滄江散
落碣石開山田何處無耕盤尋源不得還徘徊柳
下行人將有適臨流不度心爲惻我楫孔堅舟孔
安奉子以濟諒非難

徽宗畫梨花青禽圖

宿雨初收禁林寂玉斧臨牕看春色蒺藜沙上暖
塵飛何處人間作寒食

趙千里小景

前代王孫不好武拈筆幽牕寫汀渚殘雲野水三
伯生詩

補遺

汲古閣

百年依舊松筠溼春雨

燕文貴小景

行盡長松逕溪頭有小舟鑑湖如賜與終日弄清
流

趙千里出峽圖

巨舟臨峽口衆工志如一各以所操濟雖危萬無
失所憂至平曠玩肆生縱逸毋俾持釣翁倚杖三
太息

蘊能羅漢圖

有寶其寶破慳來獻我乃回施非見所見月輪當
空天清海平神光赫然萬國永寧

白樂天重屏圖

錦屏圍煖坐衰翁妻子相看語笑同翡翠鴛鴦元
是畫櫻桃楊柳詎非空清朝優老容歸早野寺宜
閑見歲豐兜率有天何異此葛巾吟偈白蓮風

陳閔畫中宗射鹿圖

昭陵石馬立殘陽曾見騰驤逐鹿場馳射衝波夸
獲雋故知英氣似前王

伯生詩

補遺
三

汲古閣

羅漢圖

神光炯炯視容直坐展兩足手按膝雨龍還入軍
持水風衣拂著磐陀石深山海島非人間碧桃花
開啼鳥閒法雲還爲等慈起矍然飛錫無留難

韓幹馬

開元沙苑蒺藜秋韓幹新圖總不收天廡真龍奇
骨在故知臣甫負驊騮

曹霸下槽馬

歷下長年飽豆芻誰通馬語識踟躕主恩深重知

何報或者東封駕鼓車

韓晉公滉土星像

倚黃靈填土中馴伏牛類相從朱旂揚招八風乘
天田入紫宮命司嗇錫九農鳴塊梓年屢豐

柯博士畫扇

旭日鳴幽鳥露華在芳藂外廷無奏事殿閣自微
風

胡虔取水蕃部圖

駝車度磧輒三日老馬砲沙泉水溢橐囊盛滿不

伯生詩

補遺
四

汲古閣

辭勞徼外天山雪千尺君不見聖明天子恩澤多
旁及四海猶翕河昆蟲草木感餘潤日獻醴泉甘
露歌

滕昌祐懷香睡鵝圖

蒼鵝惜毛羽宛宛臥春雨雨餘日照沙上有懷香
花懷香不自獻夢到金鑾殿殿池多躍魚君王方
草書

虞伯生詩補遺

終

楊仲弘詩序

大德間余始得浦城楊君仲弘詩讀之恨不與相識
爲人及至京師與余定交商論雅道則未嘗不相
與挺掌說也皇慶初仲弘與余同爲史官會時有
纂述事每同舍下直已而猶相與回翔畱署或至
見月月盡繼燭相語刻苦澹泊寒暑不易者唯余
一二人耳故其後余以御史府用筦南憲架閣適
海上仲弘復登乙卯進士第爲浮梁別駕余遷江
西仲弘亦改宣城理官相違十數年相距數千里
仲弘詩
一序
汲古閣
迹雖如是而心固猶數晨夕也而仲弘竟未任宣
城以卒烏乎慟哉余嘗觀於風騷以降漢魏下至
六朝弊矣唐初陳子昂輩乘一時元氣之會卓然
起而振之開元大歷之音由是不變至晚宋又極
矣今天下同文而治平盛大之音稱者絕少於斯
際也方有望於仲弘也天又不年假之豈非命耶
蓋仲弘之天稟曠達氣象宏朗開口論議直視千
古每大衆廣席占紙命辭敖睨橫放盡意所止衆
方拘拘已獨坦坦衆方紆餘已獨馳駿馬之長坂

而無畱行故當時好之者雖多而知之者絕少要

一代之傑作也仲弘有子尚幼其殘藁流落未有
能爲輯次者友人杜君伯原自武夷命僕曰將就
其平生所得詩刻諸山中此誠知仲弘者而杜君
猥謂罄仲弘海內之交相好又莫余若也俾爲序
之用掇其梗槩著于篇端

致和元年六月一日臨江范梈序

仲弘詩

二序

汲古閣

楊仲弘詩目錄

卷之一

雪軒

次方韶父遊九鎖山韻

桶底圖

次景遠學士立春日韻

四

送淳安徐教諭之任

贈季尊師

太古雪爲楊友宜賦

仲弘詩

目錄

汲古閣

胡氏刺虎圖

溪山積雪圖

偕虞伯生魏雄卿魏池燕集分韻得閣字

題溫日觀墨葡萄

題金壇宋氏自怡軒

礪松爲丁師善作

劉將軍詩

古木詩

東山詩爲葉子實賦

題恒齋

次仲實見寄韻

題文丞相書梅堂

塞上曲

邑中南峰陳翁義莊

偶題

夢讀退之詩頗奇詭已覺記其大旨作此

篇

雪後次鄭集之韻

仲弘詩

目錄

汲古閣

次劉師魯韻

夏夜偕田郎中宿張子元家田君有詩用

韻

橘中篇

次袁伯長韻

題屏風畫商山四老人

李御史之陝

遣興偶作

書懷寄杜原父

二首

黃天祥衍三天數求詩

題史仲憲重修三皇廟

贈無極進上人

贈執中允上人

靈龜篇爲陳渭叟作馬尊師所畫芝龜也

卷之二

送凌吉叟 二首

初陽臺望月

次韶卿壬寅元日又三日聞遊人頗盛之

仲弘詩

目錄

汲古閣

作韻

寄劉師魯 二首

龍井

贈吾子行

東陽十題

焦桐

蠹簡

破硯

殘画

舊劒

塵鏡

廢檠

敗裘

斷碑

臥鐘

送屠存博 二首

渡江寄俞仲連

奉題伯父雙峰樵隱 五首

仲弘詩

目錄

汲古閣

贈方韶父處士 二首

和孟東野題崑山寺

送方韶父先輩遊五湖

和張仲實之吳興舟行雜詠 二首

卷之三

寄題羅氏別業 二首

江行次韻 六首

酬子行初秋風颶之作

送孫大方歸朝元宮 三首

挽饒國吳文康公詩 二首

題張氏順堂

題信州先天觀圖 四首

次引浚儀公題蘭竹卷子韻

贈程景純 二首

思菴

赤壁圖

贈昌上人 二首

送葉彥中之官行臺 二首

仲弘詩

目錄

汲古閣

送胡秀才歸新安 二首

惠崇古木寒鴉

留別陳益謙

送陳氏園偕李治中張提舉

挽艾處士 二首

顧氏義塾

挽吳道士

送林季羽入京宿衛 三首

送徐義父入京 二首

贈晏上人 二首

贈胡汲古 二首

送胡汲古之吳中

中秋

挽曹光益 二首

贈劉時中 二首

送王元禮歸平城 二首

贈張之翰 二首

送陳君佐入京 二首

仲弘詩

目錄

汲古閣

宿延祥觀有感 二首

題青田葉叔至野清堂 二首

送張宣撫使嶺南 二首

送李侍郎使安南

喜雪酬康子淵院使

送吳清叔

贈鄭尊師

黃櫨杖爲龔聖與作

次夏仲勉韻 二首

冬至次張宣撫韻 二首

送吳清叔歸婺

與方韶卿望月

孝思亭詩爲王心田作

淨香亭 二首

酬吾子行

偶作

送劉明卿歸安東

和張仲實舟行雜詠

仲弘詩

目錄
七

汲古閣

題秋江釣月詩卷

卷之四

壽姚承旨

贈周景遠學士

壽杜尊師

次韻曹士開毗陵喜雨

春雪次陳元之韻

送張仲實之宜興

送丘子正之海鹽州教授

贈班彥功

士開燕岳氏溪堂有溪山新月上海海故

人同之句邀予及張仲實曹克明同足

成之

次韻黃子久喜晴三十韻呈汪知府

再用韻贈黃子久

寄王繼學二十韻

送完者都同知

贈郭集賢

仲弘詩

目錄
八

汲古閣

悠然閣

寄周御史二十韻

送董與可爲句容縣主簿

送朱復之爲邵武教授

趙彥祥母慶八十

雲山圖爲茅山劉宗師作

題康里氏家譜

題王叅政積翁別故人詩卷後

贈魏虛舟少府

贈劉平叔郎中

送丘子正之海鹽

贈虞彥高

鄭中丞母大夫人壽八十

送朱仲山歲貢入京

招真觀圖

喜晴得楊字呈汪知府

寄沈少微金華山隱居

挽徐處士

仲弘詩

目錄
九

汲古閣

送侯尊師歸蜀

春晚喜晴

卷之五

次韻虞彥高遊陽明洞

送俞用中之蓮城

古牆行

題山石猿鳥圖

李伯時画浴馬圖

送時中兄入京

次韻題慈照寺浪紋石

題王起宗畫松岩圖

題華岳江城圖

神馬歌次韻陳元之

古劍歌爲吳真人作

梅梁歌酬鄭集之

題趙千里山水扇面歌

題秋雨長吟圖

竹樹圖

仲弘詩

目錄
十

汲古閣

時中兄示余畫一軸畫一老翁推獨輪小

車上載兩巨甕意其爲警世之爲因爲

賦詩

卷之六

宗陽宮望月分韻得聲字

次韻錢唐懷古

四首

題豐樂樓

水樂洞

題拱北樓

次韻羅雲叔紅梅

紀夢

次韻陳子仁黃河 二首

遊水樂洞分韻得人字

望海

送羅雲叔歸山中

送段時敏之京

留別京師

東澗東萬戶蕭伯善

仲弘詩

目錄
十一

汲古閣

送勾曲外史張君歸華陽

送戶部康里尚書 二首

贈同院諸公

玉堂夜直

惠山泉

寄維揚賈侯

寄康大夫 二首

寄康里公 二首

寄康大夫

送伯長扈駕 二首

寄袁伯長

東湖四景爲大尹本齋王侯賦 四首

虞待制魏錄事述懷有作次韻奉和二首

二公皆故相之後 二首

卽事

次韻伯長待制

送薛玄卿歸龍虎山

送虞貞白之辰陽

仲弘詩

目錄
十二

汲古閣

春雨

徐獨清挽詩

寄武當山人張真人

題火涉不花同知画像

次韻田師孟西曹卽事

次韻黃子久獄中見贈

鷗波亭阻雨

懷錢唐故人東應中父

寄吏部張尚書

題謝疊山遺墨 二首

題本齋王公畫像 二首

寄題成都萬竹軒爲李仲淵作

送范德機

送鄭子謙倅蘭溪 二首

贈彭萬里

七月十九日大明殿早朝

酬賈郎中

雷江阻風寄池陽通守周南翁

仲弘詩

目錄
十三

汲古閣

送王仲儀歸婺源

體覆本綿價過樂平境中偶賦

點義倉卽事

題楊指揮樂善堂

次韻張秋泉真人碧桃

再次韻

江上

過安慶城下呈李惟肅判官

寓長春道院春雨卽事呈鄭尊師 二首

題沈君湖山春晚圖詩卷

東程處士

贈合部遇宗師

卷之七

舟次池陽偕通守周南翁燕表姪陳和卿

家席上贈歌者

簡松江汪知府

壽姚國公

武當山張真人

仲弘詩

目錄
十四

汲古閣

奉呈左司張元朴郎中

贈惠山聖長老

寄曹雲西

送師總管

題景德寺雲谷老師宜月軒

送趙伯常

重陽日作

贈善畫沈處士

送戴尊師入越

簡李可度

贈戴醫

贈王止善

次韻吳生見贈

贈雲上人

卜畊宋徵士

送周用章

送陳堯卿之京師

登邵氏宜晚樓

仲弘詩

十目
五錄

汲古閣

呈馬昂夫僉院

次韻錢翼之

賦飛鴻送胡則大

賜宴謝恩

送劉長卿張伯起二公歸閩中

奉美劉侯

次韻蕭君用

送殷國華之和州

遣興

湖上

贈沈子成

偕汪侯宴舟中

偕鄭尊師飲余氏池亭

竹所爲余隱君作

贈月桂庭長老

送王仲致舍人歸閩中

用左轄郝公詩韻寄曹雲西居士

送劉希孟赴曹雲西招

仲弘詩

十日錄

汲古閣

送葉顯仁任衢州錄

暮春遊西湖北山

題夏氏濟饑詩卷

謝曹雲西菊

題沈氏東陽義塾

謝曹雲西寄菊花

寄無錫倅劉雄飛張景亮二史君

次韻羅雲叔雪中見寄

贈張相師

次韻汪復心主簿

送方天瑞釣臺山長

高沙朱山甫挽詩

送高子盤初菴山長

題張氏順堂

遣興

用左轄郝公詩韻曹雲西居士

題胡伯衡飛雲圖

元日早朝次韻辛良史

仲弘詩

目錄
十七

汲古閣

歸至丹陽宿逆旅主人夢作燕子詩

送吳真人

二首

題貢氏秀野堂

次韻張仲實除日間鵲

吳山晚眺

次克明韻贈劉時中

潮

次韻袁德平苦雨

遣興

雪

夏夜對月

送方仲永爲重慶路校官

次韻劉時中見寄

遣懷

卷之八

題高尚書竹石

趙浚儀公竹石

王晉卿古木

仲弘詩

目錄
十八

汲古閣

墨蘭

墨蕙

題松雪翁墨竹

二首

題墨竹四首爲鄭尊師

畫竹

二首

客中卽事

五首

悼隣妓

三首

種柳圖

趙松雪畫蘭竹石

謾題	贈陳相子 <small>二首</small>	棘林圖	沙鴈	題應中父所藏陳仲美山水小景	扇上竹	題高尚書墨竹	聽琴圖	讀碑圖	仲弘詩 目錄 十九	水仙花	題雪竹圖	題風竹圖	題息齋竹	雷泉	次韻康子山舍人 <small>二首</small>	題鍾呂傳道圖	到京師	送人 <small>二首</small>
									汲古閣									

畫竹石 <small>二首</small>	宿浚儀公湖亭 <small>四首</small>	題十二紅卷子	題巨然秋山	題鄭子貞畫像 <small>二首</small>	次韻陳又新真人北上	贈高如山	題画兔呈馬伯庸學士	喜晴	仲弘詩 目錄 二十	題廣寒龍先生詩卷 <small>三首</small>	題倪御史墨帖 <small>二首</small>	紀夢 <small>二首</small>	題溫日觀葡萄 <small>二首</small>	題墨竹 <small>二首</small>	用韻送德陽人越爲贅壻 <small>二首</small>	次韻子正雪中雜興 <small>四首</small>	題子行所藏魚藻圖	題宣和画爵 <small>二首</small>
									汲古閣									

次韻雪	三首
題曾氏墳山詩	
題三生圖	
雲林雨霽圖爲瞿澤民賦	
山谷帖	
趙承旨帖	
陽關圖	
春山圖	
集虛	
仲弘詩	目錄 二十一
偶題	二首
画枇杷	
偶題	
清溪	
喜晴	
題沙總管屏風	
画馬	
楊仲弘詩目錄	終

楊仲弘詩卷一	
虞山毛晉子晉訂	
雪軒	
北風海上來大雪何壯哉上下九萬里洗淨無纖埃君家十二樓軒窗洞然開吹笙擊鳴鼓呼賓與銜盃名言落四座大咲聲如雷舉頭望長空高興驚冥鴻仙人五六輩飛下白雲中粲粲明珠袍相從萬玉童問君何所事未就丹鼎功翩然却攜手共入蓬萊宮	
仲弘詩	卷一
次方韶父遊九鎖山韻	
平生一枝筇畏踏市朝路出門見青山如鵲追狡兔茲晨正炎暑赤日那肯算振衣得冷風超若忘世故冥冥九鎖雲未睹心已慕想當挾良朋盡取奇絕處曠哉天壤間寓物豈爲痼歸來思舊丘我服寧改素無官正爾佳有子亦堪據誰歟事虛名白首不知誤	
桶底圖	
巨鰲奮其首戴山出海中神人擇所處共搆金銀	

宮凭高開戶牖屈曲互相通女仙七十二顏色如花紅一一執樂器奏曲殊未終世傳桃源圖共徵彭澤翁此本出與士雕刻尤精工天地極廣大爲地當不同我願學仙道積久乃有功鍊形去滓穢五色浮虛空一朝乘風去浩然入無窮

次景遠學士立春日韻 四首

大雪入歲暮其兆爲有年漉漉始彌旬父老怨苦寒平旦上馬去重裘忽如單況彼牛衣子束縲噓微煙賴有固窮節猶念及古先

仲弘詩

卷一
二

汲古閣

又

古來有道士聲利不寘懷顧於草木微而愛松若梅茲辰閱庭戶適逢數花開芳意未渠央是足銜吾盃

又

人事重名實趨向盡百端丈夫負雄氣動欲追古賢於意少不愜自放江海邊登高望八極雲氣生我前萬事何足問所須惟酒錢

又

崎嶇旣山曲迢遞亦水濱旣見蓬葦士輒復忘爲勤得之眉睫間我遇固目神所善但樓護豈暇從若人

送淳安徐教諭之任

握手出南城眷眷從此辭蒼茫寒江色日暮浮雲滋大舟挾雙鶻輕若四馬馳淳安衆才彥竝遲得師資擊鼓會高堂帷帳春風吹執經列座下質問無畱疑平生五車書少出胸中奇欻然聽佳譽庶用懌我思

仲弘詩

卷一
三

汲古閣

贈季尊師

季君神人也冥晦居山中還丹九轉成顏色如兒童致虛感元氣語默與天通頻歲傷水旱下民食不充曰雨須有雨曰風必有風上帝聞其賢行世多陰功策名紫虛府進位稱仙公騎龍上天去此樂無終窮

太古雪爲楊友宜賦

往時天大風能吹華山裂墜此一卷石或云太古雪粵自開闢初雲氣所凝結已經六萬歲變化同

截業望之色正白表裏共澄澈塵土不能浣光采
耀日月願君勿愛此持以獻金闕回中避暑時持
用消毒熱

胡氏刺虎圖

浣有烈婦人胡姓嫁劉氏從夫東陽戍車宿水之
滋夜半猛虎至銜夫入菑翳夫人自驚起不暇生
爲計直前執虎足盡力與牽制呼兒抽佩刀刃刺
虎立斃夫命復不救復讐古所貴嗚呼流俗弊人
義日以廢婦不失其夫臣子競爲利患難圖苟免
仲弘詩
卷一
四
汲古閣
聞此得無媿吾故作此詩于以告萬世

溪山積雪圖

大雪歸溪山長林晝冥宵桺橋跨絕岸遠望行客
少買魚酤新酒獨酌竟昏曉似此非他人高士戴
安道

偕虞伯生魏雄卿魏池燕集分韻得閣字

侯家有貴客置酒燕池閣潯暑方盛極風雨俄大
作移楊相簸蕩蒲荷紛偃薄亂叫失蛙鼃回翔迷
鵲鶴街流汗穢盡寶湧波濤惡喧聲劇降殺神氣

欣洗濯趣歡爭酬酢獻咲雜歌弔益弛劒佩嚴未
厭觥籌錯調變維理得滌漉宜施博和澤布原野
溼烟散城郭嘉蔬已蒔蒔良苗常濯濯吾徒家食
餘豫有豐稔樂

題溫日觀墨葡萄

日觀作葡萄電掃無踪跡誰於故紙上點綴辨墨
筆西天十萬里來往僅瞬息敗闕固不小遺下履
一隻

題金壇宋氏自怡軒

仲弘詩

卷一
五

汲古閣

白雲生何許萌芽自山石厥初僅毫末須臾大充
斥蔓延塞虛空日月爲昏匿或時爲霖雨庶類蒙
潤澤或隨飄風散起滅竟無迹相緣千萬變發色
黑青赤畸人飭棟宇遠俗喜幽閒開軒納高曠撫
翫自怡憚人情慕富貴驅逐不暫息轉盼失故常
在已何所得上下數千載往事猶歷歷於焉服聖
訓無用苦沉溺昔年陶隱居常作帝王客挂冠神
武門作詩寫胸臆超然處物外可謂貞且白何以
企若人鞠躬修道德

礪松爲丁師善作

礪松高百尺磊落多大節連根抱危石古色黑如
鐵隆冬方沍寒山中積霜雪蘿葛悉枯死蒼崖猶
凍裂此時唯老幹峭直不摧折國匠求美材瞻望
歎奇絕險阻不可致旣作復中輟我顧驅六丁操
斧隴嶺得此棟梁材持以獻天闕

劉將軍詩

交趾小蠻夷去國將萬里土產無異物其人狀如
鬼溼熱生瘴氣疾者無不死天兵雖南征棄之良

仲弘詩

卷一
六

汲古閣

有以往年鄂州省綬靖失其理交馳赤白囊來告
犯邊鄙遣人覘虛實在廷孰可使矯矯劉將軍一
旦備行李有才兼文武不但善弧矢深入險惡地
限敵纔一水介者數百人視之若螻蟻移文至其
國詰問事終始指摘中利害文辭更深美報書禮
甚恭敝邑何敢爾疆吏爭怨隙構煽乃爲此賄賂
却勿受足以振綱紀威聲聞遠方一邊禍爲弭國
家方全盛武備不可弛如此將帥才宜歌宿衛士

古木詩

大木生何許乃在泰山隈泰山崖石裂怒水響如

雷浸潤長膏液相株日以培縱歷千百載霜雪不
能摧長安天子詔欲築九層臺臺上構宮殿青雲
共徘徊匠氏走海內博求棟梁材萬夫治道路揮
斧重林開大器當大用小器易剪裁有如豪侈士
蹤跡困塵埃適可厚自養母爲興歎哀

東山詩爲葉子實賦

東山高幾許上有浮空雲葉君居其間好道風所
聞窮年絕人事屹坐攷遺文松關晝常扃石田朝

仲弘詩

卷一
七

汲古閣

自芸蓀真去汨昏養息襲氤氲軒冕有遺策高舉
謝世紛悠悠阻林莽長與麋鹿羣繇來巢許臣不
事堯舜君

題恆齋

精金有恆質入火愛百鍊君子有恆性寧逐外物
變既不慕富貴又不厭貧賤素履往無咎夷險隨
所踐張侯老世故此義頗深見勉之復勉之繼之
在無倦

次仲實見寄韻

平居憶故舊懷抱輒不佳興來望浮雲悵恨獨舉
盃奇文孰能賞高言孰能偕茲辰辱使至喜有意
問來諷誦劇傾倒百過卷且開得知賢者心出處
與作排山嶽縱可移厥高固崔嵬敝廬邇喧市卑
涇苦病骸常念川路修杖屨安得陪撫事意疎散
母論與俗乖猶恐戰不勝常處澗谷隈斯言弗果
踐臨風重徘徊

題文丞相書梅堂

大厦就傾覆難以一木支惟公抱忠義挺然出天

仲弘詩

卷一
八

汲古閣

妾死既得所處自顧乃不疑惻愴大江南名與日
月墜我行見遺墨再拜墮涕洟名堂有深意亦唯
歲寒枝可知平昔心慷慨非一時義義著棟宇昭
昭示民知勿使風雨敗永慰千古思

塞上曲

沙塞何窅窅樹短百草長大河屈曲流不復辨四
方驅車日將夕黑雲隱長岡人馬俱飢疲解鞍飲
寒塘張坐逐平地擊火燒烏羊桐酪過醇耐搖艷
盈盃觴既醉譟鳴鳴頓蹋如驚狂月從天外來耿

耿流素光悲風動寥廓拂面吹胡霜白雁中夜飛
參差自成行一箭落霜羽挾弓負豪彊中情無畱
滯千載能鷹揚

邑中南峰陳翁義莊

骨肉分枝葉由來同一身榮枯不相待此富或彼
貧君子尚周急況復在親親昧茲損益理有覲獨
何人南峰自善士義勇超常倫焦心視末俗變化
世成吾仁仰止文正公遺法實所循垂名倘不朽
仲弘詩

卷一
九

汲古閣

當與斯人均

偶題

叢生園中草蔚蔚媚幽姿乘時各敷榮皓色被綠
枝似有微香發秋風輒吹之入人襟袖中亦復可
憐茲詰朝步荒畦莖葉稍離披飄零卽已矣霜露
不爾私榮悴既有時小大何異而幸愛七尺軀天
道不可誣

夢讀退之詩頗奇詭已覺記其大旨作此篇
自聞蓬萊山大林夾長巒上生瘦藤蘿下生荆榛

管仰不見天日藏蓄霧雨寒仙聖常所處沮洳亦
少乾雖云誇鳳凰出入傷羽翰哀音起空洞令人
鼻準酸我欲訴上帝爲施鐵鑿鑽琢落石側裂化
爲千丈磬瓊樓與玉殿玲瓏相通寬日月交戶牖
光射青琅玕而我從吾師來遊樂且般呼吸養元
氣華腴生肺肝萬劫永不死如循環無端竊爲仙
聖慮炳然心若丹上帝如許我致此亦何難

雪後次鄭集之韻

雪後登高望江山信奇哉重岡起且伏相連白皚

仲弘詩

卷一

汲古閣

皚水官方謝事雲氣霽然開六龍翻滄海赤日從
中來萬物將蠢動忽如登春臺木行味正酸含菱
先屬梅天時亦相應初昏占斗魁遨遊自茲始入
林踐蒼苔西湖青灑澹西山高崔嵬長松更千載
老枝多折摧名僧初精舍靜謐依巖隈伊予實放
士正可誅蒿萊情深惟痛飲毋吝發新醅家人欲
求我但見白雲堆機心無自作可使絕嫌猜君辭
如泉酒我醉如山頽卜居同里巷時時得追陪爲
瓶或先罄此恥當及疊大雅歌治世其音不宜哀

有倡必有和愧我非長才美哉春雪篇雲漢共昭
回

次劉師魯韻

三年客塞上日夜懷舊丘飢來迫我去何暇爲遠
謀四顧無一親此身如羈囚悲風動沙漠回首令
人愁道路已漫漫歲月復悠悠丈夫四方志至此
何所求買船發河上河水亦南流攜鉏理荒圃吾
疾日已瘳飛雁至江潯北風天始涼是時禾黍登
斯人亦少康皇天降厚德胡爲私一方燕趙及齊
魯人飢或相戕奈何有積廩如陵復如岡生非肉
食者此憂心甚長亟謀樹臯壤剪茅覆小堂我志
亦易豐歲祀有特羊

仲弘詩

卷一

汲古閣

夏夜偕田郎中宿張子元家田君有詩用韻

長日氣甚昏欲睡不可忍薄葺更飲酒趣取太白
引坐久輒醒然累語加況矧高情逸世表遂使名
迹泯彼人較是非達者但微哂交遊半天下公輩
獨英敏

橘中篇

竝海無山林莽莽皆平疇君家擇地利卽此營菟
裘襍樹作藩屏青紅間綢繆其中植橘柚擁蔽枝
葉稠盛夏開白華朱實懸高秋飛霜虐萬物寒風
助颼颼凌晨察變候策杖巡維陬是何黃金多暴
露宜藏收採摘資衆力轉輸及佗州不長傳貸殖
謂此同列侯上充國家賦下貽筐筥謀千縑可坐
致何必龍陽洲

次袁伯長韻

盤盤海底石竝樹青琅玕至陽生至陰龍宮常苦

仲弘詩

卷一
十二

汲古閣

寒揚光炫朝彩吐氣烝微瀾根株歷千載莫測勞
悴端端如巢居子草木皮衣冠超然去人羣取友
蹄與翰日誦黃帝言浩歎淚闌干奈何天下治必
以雲爲官佩劔黃金環咀丹白玉盤自聞至人德
積熱生肺肝黃塵日暮起對面不相看三山在何
處使我師王韓聊歌紫芝曲倚君清夜彈

題屏風畫商山四老人

飛雪灑遙野衝波蕩無垠蟠蟠山谷間居此四老
人下爲民庶師上作王家賓清風眇何許馳想寂

冥濱

李御史之陝

秦中古帝都遺俗五方并君爲監御史出治周百
城上當采民風下當宣德明赫赫英威振奸惡皆
振驚弭節事觀覽慷慨有高情宅土稱上腴後稷
此躬耕稅稌旣充實烝民日已生岷然我行由天
下畱滯客燕京岐山嶺嘗致鳳凰鳴駢駢不可追
矯首望去旌贈詩聊自寫寸心西向傾

遣興偶作

仲弘詩

卷一
十三

汲古閣

春蔬茂前畦蒨蒨有顏色珍禽叫深樹過耳亦一
適用是易吾慮毋爲自襞積放浪天地間無今亦
無昔古人得意處相與元不隔如何故人心未炤
我胸臆徵言極纖芥實出左右力豈憚決係躊躇人
生且爲客

書懷寄杜原父二首

吾生何爲者穉年志頗高神仙與功名壯思躍秋
濤中宵豈無寐悲甚幾欲號後來失所養百數患
難逃竭力奉甘旨出入身甚勞舊書益遺忘九牛

存一毛稍後與人事忍情如忍刀且夕自惟念未足非兒曹常欲力道德屢失逃所搯區區習蠹簡對案夜焚膏倘然有所得中心樂陶陶忽如從古人握手共遊遨攜持亦何事庶用娛蓬蒿追思作詠歌示之必賢豪丈夫生世間毋論賤與貧夙發多意氣往往惟任真松柏生高岡挺然固出羣不爲霜雪阨不爲風雨春得時可行道節義亦足伸吾生托下土所識凡幾人窮交獨相慰咲語亦復親

仲弘詩

卷一
十四

汲古閣

又

遙望山下雲旦起迷羣岫老鶴巢其中縹緲標未構長鳴對秋月鳴罷復俛啄散入墟落間聞者莫能究顧惟雲外客娛心飲醇耐於此何如哉吾亦有所遘往來常泛舟泝流浙江上是時秋風高濤水日夕壯瞬息踰百里敏捷莫可狀倚船縱觀久力可騎駭況顧謂吾友言爲樂頗豪放斟酌尊中酒懷抱益虛曠常從山中遊實愛巖谷幽長松蔭泉水四時清如秋佇立輒良久忽欲忘其儔吾聞

古來人山居多名流此語或可信市朝安得爾

黃天祥衍三天數求詩

嘗論術數書其變難盡紀爲之非賢聖亦多有妙理造端無大與據六甲五子分門復析類包括備終始黃生衍衍天有名聞遠邇蔓延善推測布算加積累吾行徧天下所見亦多矣如生豈易得詣實不虛美往來江海上海上宿留隨所止省識凡幾人孰爲豪傑士歲月瞥眼過春花旣紛萎蕭條卧旅邸風雨響窗紙勸生遊京師北走五千里貴人多仲弘詩

卷一
十五

汲古閣

題史仲憲重修三皇廟

史君宰宜黃政績頗殊異廉不至苟取明不可壅蔽有詔行括田使者自臨視限期已促迫責在州縣吏乘時自掊剋上下受其弊君不憚勞苦日夜親算計頃畝無增損成書極根柢隣壤大盜起相約不犯界三皇大聖人典祀承國制捐金修廟學首政繫瞻視事事有條理後來貌難繼集賢秉直

筆稱述傳後世當令處風憲擇才頗詳諦一朝任
擊搏風采必嚴厲英主方在上明見萬里外鄙詩
或流聞亦可當獻替

贈無極進上人

進公宗門秀高標如長松霜雪亦摧折天矯化爲
龍燕坐大道場五戒爲垣墉魔賊悉散走不復事
戰攻禪居閤青峭窗戶加雲封長日語聲絕風動
欄牙鐘

贈執中允上人

仲弘詩

卷一
十六

汲古閣

南山多白雲澶漫塞崖谷中有龐良叟寂寞卧林
屋前門樹高松後戶植幽竹孤風相纏繞波濤驚
蕩沃梵文五千卷誦說盡精熟時時發清唱鏗鏘
擊金玉伊余走海內一見輒嘆服願言從之遊淡
泊心自足

靈龜篇爲陳渭叟作馬尊師所画芝龜也

蒼龜生中山深阻絕中道不飲亦不食靈和中自
抱軀休凝神液巖上產芝草支干集五采相射顏
色好彼遊江海上海上作計苦不早一罹豫且罔性命

莫能保歸遺宋元君天意資探討築宮修祠祭相
承以爲寶神者固如斯遺骨易枯槁古聞蒙莊氏
苦語欲相曉持爲衛生經千載長不老

仲弘詩

卷一
十七

汲古閣

楊仲弘詩卷一 終

楊仲弘詩卷二

送凌吉叟

大江風雨暗此日送行舟會合能無間攜離祗自愁棄繻才足侍題柱志初酬請看秋鴻舉冥冥獨未休

又

末俗唯無侶吾儒氣亦卑相從謀飲食那復敬師資衆已欺王式吾猶信不疑可憐如鷓鴣擾擾在藩籬

仲弘詩

卷二

汲古閣

初陽臺望月

彩雲相羃歷華露共嬋娟在水渾疑墮當空孰使懸潛虬精魄動宿鶴羽毛鮮寂寂丹臺夜相從訝得仙

次韶卿壬寅元日又三日聞遊人頗盛之作韻

堂堂宵雨過栗栗曉寒仍獻歲人同得東郊事復興杜門疑我拙有句愛君能且驗臨堦草從今日漸增

寄劉師魯

好在劉公子遨遊興若何江湖勞悵望歲月劇奔波迹寄天涯遠詩傳海內多前賢題詠處一一爲經過

又

想君遊宦處正值洞庭湖落日波濤壯晴天島嶼孤舟航通漢沔風物覽衡巫天下文章敵非君孰起予

龍井

仲弘詩

卷二

汲古閣

元造生羣物唯龍德最靈作霖蘇亢旱取水竭滄溟變化無畱迹蜿蜒善養形壯哉吾美汝一躍上青冥

贈吾子行

春雨連城濶春雲暎戶多長衢方淖淥小水亦風波慎獨能如此思君可若何便當乘興去著屣一相過

東陽十題

焦桐

只作全生計唯存半死心芻蕘猶不置斤斧重相尋遂使燧焦釜誰爲愛古琴有材不足恃愁絕念知音

蠹簡

往古韋編在何年始汗青蠹蟲深卜宅科斗少成形泯滅沾秦火搜羅出漢廷斯文未喪不敢望全經

破硯

彼美瑞溪石家藏歲月多廉隅皆破缺筋力盡研仲弘詩

卷二
三

汲古閣

磨玉亦堅而已星如粲者何向來曾自詭持用掇高科

殘画

斷裂無邊幅華堂棄置餘蒼松深踞地白鶴上凌虛風格猶森若丹青總翳如苦心絕人事誰見用功初

舊劍

匣裏雌雄劍通神世所聞潛精依厚地吐氣切高雲亦有蛟龍害寧無星斗文不逢雷煥識埋沒復

何云

塵鏡

收藏無寶匣歎息網絲懸孰使明爲暗如觀魏勝妍玉臺終寂寂金鵲尚翩翩政訝開元日虛將盛事傳

廢檠

二尺書檠在如今久棄捐魚膏雖有焰蠹簡獨無緣墻下偕遺礫窗間帶舊烟却觀提挈處辛苦悔當年

仲弘詩

卷二
四

汲古閣

敗裘

寂寞牛衣子能無敝緼袍塵埃須浣濯蟣蝨費爬搔意味存雞肋寒涼視馬毛千金旣銷鑠猶聽朔風號

斷碑

摩挲不成讀上有蘚斑斑字畫鍾王輩文章漢魏間龜趺凋蟲螭首落孱顏渤海神明遠今同礎石頑

卧鐘

漢殿經焚後，喁然卧草中。雕殘牙板廢，鏽澁土花蒙。
追蠡難陳力，拳鯨不奏功。待賢初設簾，想見古人風。

送屠存博

君往金陵郡，於予亦有聞。海環平野盡，山出大江分。
未召元司馬，誰憐鄭廣文。自今師道立，章薦必紛紛。

又

江左知名士，唯君德最淳。明經初試吏，食祿可榮親。
弘詩卷二五汲古閣

親矯矯能違世，棲棲直爲貧。朝廷求俊乂，未易捨斯人。

渡江寄俞仲連

舟濟大江濱，中流日欲曛。鹵翻沙際雪，潮落渡頭雲。
鯨躍常知候，鴻飛不亂羣。頗思論勝槩，把酒莫如君。

奉題伯父雙峰樵隱

山出雙峰秀，溪流一派清。土風存禮讓，人事省將迎。
路逐高低過，田隨早晚耕。家林有如此，南望每

關情

又

童稚離桑梓，猶能憶故山。雲峰乘白腳，薜石露蒼顏。
挿架詩書富，應門禮義閒。綠林遺我恨，回首淚闌珊。

又

石樹盤根瘦，沙溪激浪清。竹閒看犢卧，木末見人行。
穡事常分力，樵歌輒和聲。從來攜杖處，不礙白雲生。

仲弘詩

卷二六

汲古閣

又

山曲兩三家，相過路不賒。對門開竹迳，臨水種梅花。
酒熟畱人醉，詩成任客誇。時時談舊事，相看鬢垂華。

又

草滿三春綠，山畱萬古青。呼兒欣解意，應俗憚勞形。
採菌敲寒木，收魚焙夜汀。祇應老崖谷，束帶尚論經。

贈方韶父處士

蜀郡蘇明允襄陽孟浩然成名兼二子得句詫羣
賢口絕人間事身如物外仙卓然能有此未信獨
無傳

又

古賢皆眇邈不意見斯人得趣時時好吟詩句句
新挈舟來訪友覽勝輒經旬別業稠山下歸歟願
比隣

和孟東野題崑山寺

蘭若負崑岡鑿崖安佛牀梯雲石磴滑入厨泉水

仲弘詩

卷二
七

汲古閣

香旦寒鳥相聚月黑龍放光舟行苦局促幸憩殊
勝場

送方韶父先輩遊五湖

蕭蕭垂素髮渺渺汎滄波過眼江山好離家日月
多詩名終不朽世事復如何一往五湖上蒼茫問
釣簑

和張仲實之吳興舟行雜詠

水程通百里雲樹隔千層鶴髮歡相見龍門美獨
登文辭無乃壯栢杓尚能勝仰止情何極吾爲附

驥蠅

風流須我輩解后及斯時道術懷經濟文章出咲
嘻由來天下士絕異里中兒它日金閨彥娟娟想
翠睂

仲弘詩

卷二
八

汲古閣

楊仲弘詩卷二

楊仲弘詩卷三

寄題羅氏別業 二首

溪行如百里爲地已幽深石轉黃金塢山抽碧玉簪
盃觴酬日月弦誦起雲林樂事無終極誰能得此心

又

門前臨白逕長日少人行野樹重重暗溪流脉脉清
山光元不斷雲氣自相縈已似龐公隱何時重入城

仲弘詩

卷三

汲古閣

江行次韻

六首

潮頭終歲白沙腹有時畚利涉他州施終更古戍
戈天依臨海樹風作滿江波亦有投竿意還聽孺子歌

又

舊事如遺迹新愁轉泥人晴天宜縱步東草各含
春野鵲飛林杪沙鷗過水濱江山故如此晚望及斯辰

又

藜羹真我食薜荔亦吾衣養性隨時足今生徇物
非秋蓬猶未定風樹莫相違謾作烟霞想曾無羽翼飛

又

春花聊共采若木有誰編浩蕩寧無取紛華幸見
憐緒風吹四裔清露洗重玄萬物皆生意蹉跎畏此年

又

路僻行來好天清望極還白魚翻急浪黃犢卧晴
沙柳吐千條葉梅殘幾樹花佳辰從此數歷歷看

卷三

汲古閣

仲弘詩

韶華

又

子胥因諫戮茲事幾經秋顧爾忠難捨于今憤不
休天風吹地轉海水入江流欲問鴟夷處茫然使我愁

酬子行初秋風颶之作

暮夜風濤變崩騰怒不休魚龍皆失穴江海欲同
流竝岸漂千舍連檣覆萬艘陰陽知有沴惻愴動

深憂

送孫大方歸朝元宮

高卧林泉表超然謝世紛空山鳴白雨古石繫蒼雲不作夔龍伍甘從鹿豕羣都門遊宦客回首總慙君

又

飛構上凌空依稀想故宮金盤凝曉露玉佩振秋風溟滓那違俗支離更養蒙大還何日就變化入無窮

仲弘詩

卷三
三

汲古閣

又

爲樓因地勢四面盡青山路落秋城外河流曉樹間雁飛雲漠漠龍現雨珊珊建木光華盛何時共折攀

挽饒國吳文康公詩

二首

厚德修天爵崇資拜地官粲然周典禮偉甚漢衣冠共喜懸金印俄聞蓋玉棺史臣書寵數光照碧巔岏

又

道學繇賢子推恩自聖皇白茅分壤土華袞賜衣裳漫注長生錄虛傳邵老方神遊終不返瀛海路茫茫

題張氏順堂

百順名爲福紛然會此堂詩書成蘊藉黍稷發馨香夜戶鳴琴瑟春筵酌酒漿子孫宜孟晉相繼謁明光

題信州先天觀圖

四首

回環因地勢制作本人謀蔽日來龍駕凌空結層樓秋琴翻浩蕩夜磬答深幽願受長生訣他年幸一遊

卷三
四

汲古閣

又

高林寨翠氣虛谷散虹光道士多騎虎仙人自牧羊澗泉通地遠山嶺際天長戴子文爲記流傳示不忘

又

四圍山不斷狀若碧芙蓉谷遠含風細崖深下露濃茂林藏虎豹隱洞伏蛟龍恍惚神人降浮空羽

蓋重

又

鬼神相與處燒藥易成功雲霧生牀下雷霆起室中養身唯淡泊遊世等虛空高舉寧無日飄然獨馭風

次引浚儀公題蘭竹卷子韻

樹蕙連叢竹祗應族類同相依巖石畔併入畫圖中勁葉凝清露危梢倚碧空諒非高世士此意固難通

仲弘詩

卷三
五

汲古閣

贈程景純

二首

南遊觀楚越北度覽幽燕羈旅新愁換英豪往事傳塵沙迷遠驛風雨暗長川好醉新豐酒清朝正選賢

又

論士無他術先觀氣盛衰澗松多勁節瓊樹有高枝圖籍曾無覽弓旌詎久遺似君宜努力慎莫負明時

思菴

閔氏青山下遺封見若堂蓼莪我恩未泯拱木恨難忘德業銘金石詩書塞棟梁子孫修學術奕世有輝光

赤壁圖

寂寂長江夜同人共泛舟清尊方淡蕩孤棹且夷猶望遠幽禽度歌長獨壘抽千年遺跡在不逐水東流

贈昌上人

二首

山中明月小壠上白雲多且食食松柏秋衣攬薜

仲弘詩

卷三
六

汲古閣

羅俗人希見問禪老每相過異日高僧傳坐名定不磨

又

未生天地始此理固存直木何由曲清源不可渾養生母過厚守道在彌敦超出塵埃網斬師共與論

送葉彥中之官行臺

二首

范滂將攬轡周景已題輿九扈名兼美三鱣兆豈虛都門愁搵袂江徼喜沿書重有斑衣奉南州總

不如

又

大府徵才士知君學業優兩京勞侍從十載困淹
畱白雪歌難和青雲志易酬鍾山多勝槩有意與
同游

送胡秀才歸新安 二首

明詔方求士知君有俊才未聞遺杞梓何事返蒿
萊似驥寧淹足爲龍豈暴腮文章成錦繡他日必
重來

仲弘詩

卷三
七

汲古閣

又

彼美逢衣子遨遊至上京雲霄方有志塵土已知
名塞雁驚新恨溪鷗憶舊盟秋風吹易水惆悵復
南征

惠崇古木寒鴉

江上秋雲薄寒鴉散亂飛未鳴常競噪向晚復爭
歸似怯霜威重仍嫌樹影稀老僧修止觀寫物固
精微

畱別陳益謙

大帆仍馭娑雙棹復夷猶曉岸烟沙濶春江霧雨
稠桃花隨漲水荇菜逐長流遲子來京國何時賦
壯遊

遊陳氏園偕李治中張提舉

曉日從千騎郊原樂事多溪山春與麗烟靄晝相
和宿蠹藏編冊鳴騶隔薜蘿使君辭滿引起舞亦
傒傒

挽艾處士 二首

才行能震美終身作布衣江湖名自遠塵土迹還

仲弘詩

卷三
八

汲古閣

稀野菊秋霜薄岩松夕照微沙鷗盟未改忽忽下
漁磯

又

撰文來相府書字出詞垣盛事傳千載幽光發九
原父賢宜竝著子孝復堪論多少衣冠族無聞愧
後昆

顧氏義塾

居鄉爲義塾茲事罕前聞外戶來衿佩中堂蓄典
墳儒宗先麗澤聖德尚彌文吳下多豪族能賢總

羨君

挽吳道士

曾爲方外士抗迹出塵氛
既草歸田賦仍書誓墓
文卧牛空有兆紀鶴竟無聞
春草年年合誰憐道
士墳

送林季羽入京宿衛

三首

青雲自致身羈落見斯人
卷袞辭蒼麓綏纓侍紫
宸漏綫珠閣曉香暖玉爐
春倘厭承明事歸來衣
錦新

仲弘詩

卷三
九

汲古閣

又

終軍方近幸賈誼最能文
獨用奇才進應將美譽
聞金鞍光照地寶劍氣凌雲
來往燕臺下同游必
羨君

又

衛郎皆世胄之子更才賢
意氣雲霄上榮光日月
邊都俞聞寶訓出入奉瓊筵
立志當弘毅功名不
偶然

送徐義父入京

二首

舊富三冬學今爲萬里遊
風雲丹鳳闕雨雪黑貂
裘南土名先著東堂選必
優相逢多意氣談咲接
名流

又

幽燕向日邊裘馬去翩翩
磧迥沙如雪河窮浪入
天上書雙闕下待詔五門
前壯節當奇遇無煩媿
往賢

贈曇上人

二首

多生爲佛子慧達自童蒙
蟬蛻凡塵外龍騰覺海
仲弘詩

卷三
十

汲古閣

中一眞元不染四大本來
空異日叢林下知師繼
杲公

又

人世百年內都如過隙塵
不開心上眼苦愛夢中
身城市無閑日江山又晚
春相逢言道好獨覺意
相親

贈胡汲古

二首

先生唯達道久矣樂山林
致聘無雙壁爲生過十
金身閑雲出岫髮短雪盈
簪遁世猶吾志同盟欲

自今

又

野客何蕭散長年暫出遊風塵唯短褐江海自扁舟有迹能來往無心任去留才名今藉甚屈指到枚鄒

送胡汲古之吳中

有客佩蒼精居然得此生山開樓越跡水泝入吳程佚老悠悠計傷離戀戀情食非方未已應不爲魚羹

仲弘詩

卷三十一

汲古閣

中秋

攬雲憑結構步月上林臯不記金尊竭頻瞻玉宇高神清存夜氣天濶數秋毫百尺樓如在何煩臥汝曹

挽曹光益 二首

斯人吾所愛不見已經年頗怪魚書絕俄聞鵬賦傳歸魂迷道路遺骨滯山川遠業凋零盡臨風爲悵然

又

好學無如子冥冥獨苦心未成梁棟用誰使雪霜侵宿草孤春意游雲泊太陰憶渠情不已揮淚在衣襟

贈劉時中 二首

騷雅誰能繼居然屬大才銳思羅宇宙逸興走風雷處勝輕流俗名高震外臺東郊乘大路翼翼待龍媒

又

吳越千餘里君來按轡遊羣公虞罪戾多士想風流決事曾無壅觀民輒有憂若人何可得離別重

卷三十二

汲古閣

添愁

送王元禮歸平城 二首

燕趙多奇士遺風有固然射鵬猶絕藝屠狗亦名賢形勢威天下風流號北邊送君歸此地亦欲奮吾鞭

又

牧羊憐馬援投筆困班生侯印終兼綰窮愁實飽更大才當用世小挫亦知名快飲桑乾酒能澆氣

不平

贈張之翰 二首

外臺收掾屬奮步集亨衢落落蟠英氣飄飄發壯圖
威風聞郡邑行李涉江湖並轡逢佳友周游興不孤

又

長才當用世進取或殊途
劇曾揮刃銷奸若燎枯交游冠蓋盛出入禮儀都有賴寬衰俗餘波及腐儒

仲弘詩

卷三
十三

汲古閣

送陳君佐入京

二首

子欲遊京國程途萬里遙
束裝辭邑社振旆躡風颺學問先餘子飛騰在一朝
太平知有策必顯聖明朝

又

董子知天道朱雲善易經
由來登俊乂所以重朝廷彼有譏儒服吾無鼓說鈴
君看鴻鵠舉忽忽至青冥

宿延祥觀有感 二首

處世如庸俗胡爲淹此畱
蹉跎悲往日磊落愧前修願棄人間事來爲物外遊
大還如可就猶足訪丹丘

又

瓊館遊仙子超然遠世情
言辭多近道豪翰久知名露下衣裳溼風來几案清
似君居處勝亦足寄吾生

題青田葉叔至野清堂 二首

爲堂殊顯敞在野興尤濃
白水流千折青山繞百重樹麻行旆旆時木倚童童
相對漁樵話終朝亦

仲弘詩

卷三
十四

汲古閣

重樹麻行旆旆時木倚童童
相對漁樵話終朝亦罕逢

又

遠來山異甚龍虎互騫騰
溪狹灘聲悍林繁雨氣增正須求靜坐何事角多能
謁告還鄉里君堂或可升

送張宣撫使嶺南 二首

奉使入蠻烟終軍始妙年
抗旌辭朔野擊楫渡湘川翠竹侵巖際黃茆盡海邊
很荒非善地爲戒莫

留連

又

此行行萬里渺渺極朱涯地勢雖懸隔天威可遠
加引弓飛惡鳥拔劍斬妖蛇遲子歸來日燕南看
雪花

送李侍郎使安南

九秋天色晚萬里送君行馬首塞雲起腰間寶劍
橫奉揚天子命慰答遠人情直渡蠻江水炎氛一
日清

仲弘詩

卷三
十五

汲古閣

喜雪酬康子淵院使

漠漠連天暗霏霏著地輕欲迷鳩鵲觀先入鳳凰
城凍影篩簾密寒光射隙明詰朝宜表賀來歲卜
收成

送吳清叔

驛路程雖遠帆風勢甚適青山隨岸去白水滿江
流牢落添新恨繁華憶舊遊只今歸去好把釣卽
槎頭

贈鄭尊師

茫茫雲著地撼撼雨交天篁竹連河上青茅盡海
邊棲遲聊應化放曠且談玄相對蒲團坐清風爲
肅然

黃櫟杖爲龔聖與作

嗟哉黃櫟杖吾賴汝扶持未免道途苦無如筋力
衰散才唯不用大節固多奇老向江湖上提攜得
自隨

次夏仲勉韻 二首

門前無繫馬屋外有鳴蜩迫近衣冠府蕭條翰墨
仲弘詩

卷三
十六

汲古閣

場雨淫憂地淫風暴喜天涼推轂無時已令人憶
鄭莊

又

不喜爲文富長憂得酒慳尊罍堆案上筆硯棄墻
間有傳追王績無書繼賈山貴人能慢士往見亦
胡顏

冬至次張宣撫韻 二首

北去關河遠南歸歲月長屠龍雖有技相馬獨無
方雲水連天暗霜蕪滿地荒客遊應未已塵土在

衣裳

又

瀛海無消息冥冥鳥道長已驚雙鬢短更待兩瞳
方落日依平嶂洪河入大荒憂來那可得揮淚欲
沾裳

送吳清叔歸婺

客遊春向暮無日不思歸雨給桑麻秀山深笋蕨
肥薄醪能屢醉舊社足相依莫道天邊雁衝衝適
禍機

仲弘詩

卷三
十七

汲古閣

與方韶卿望月

月明胡乃爾秋盛故能然匣鏡無纖翳繁珠有許
圓寒光搖碧海爽氣挾青天幸遇山頭鶴令人夜
不眠

孝思亭詩爲王心田作

山嶠靄蒼蒼盤旋衛古藏盎溫通地氣赫奕闕天
光神化倂飛劒前聞驗若堂子孫修祭祀歲久不
能忘

淨香亭 二首

藝竹蒼空古爲亭白日幽一麾方出守千戶益封
侯外物從渠屏清樽喜客留相間標勝語朗詠亦
風流

又

翼翼四簷外蕭蕭三逕中珠璣穿夜雨幢纛舞天
風擁袖生清氣開軒近碧空古人雖不見佳興詎
無同

酬吾子行

耿耿思朋舊悠悠涉歲華旣依秦大姓方問魯東
仲弘詩

卷三
十八

汲古閣

家雅道將誰與新詩敢自誇祇今能會合不憚路
途賒

偶作

碧草含秋意黃雲起暮容歸鴉昏且噪去雁有無
踪孟酒因循醉朋人邂逅逢身名猶碌碌正坐日
疎慵

送劉明卿歸安東

同郡居相遠逢君豈偶然秋天聯席宴寒夜共衾
眠不爲時名役猶嗟俗事牽語離還悵快後會是

何年

和張仲實舟行雜詠

莫作匆匆去相隨稍稍觀遠山多意態急水易波
瀾把酒悠然樂扁舟得爾難五湖天下景六月氣
常寒

題秋江釣月詩卷

泛跡秋江上而今不計年垂綸牽細浪欹帽破長
烟已類玄真子兼疑孟浩然後來名未泯題品有
高賢

仲弘詩

卷三
十九

汲古閣

楊仲弘詩卷三終

楊仲弘詩卷四

壽姚承旨

上帝黃金闕仙人白玉堂皇猷資黼黻大筆主文
章間氣生奇偉休期際吉康四朝承寵渥多士仰
輝光盡發琅函祕重繡石室藏成書侔二典有道
述三皇碩望高天下榮光近日傍謀謨須稷契羽
翼藉園黃上殿扶鳩杖開筵接蟻觴九重師道德
千載合明良共說綸如綍能催繡作裳人思興禮
樂國待理陰陽舊族名先著高門慶甚長賜書踰
仲弘詩

卷四
一

汲古閣

贈周景遠學士

朔易回元氣人才起俊流聲華當翰苑文采冠中
州振佩趨臺閣抽毫侍冕旒人傳鸚鵡賦家有鸛
鶴裘式觀黉宮立共惟祀典修一朝虞武缺六器
俾傍求俎豆俄成列蘋蘩遂可羞中朝方有道下

士實同休已及歸鴻候姑爲食蟹謀朋簪多纒縈
使節少淹留曉日花間酒春風柳下舟篇章微品
藻山水塊清幽鄭璞曾先愿隋珠不暗投考槃雖
自引闕觀亦吾憂簡冊銷長日蓬蒿憚凜秋論高
非縱誕興遠託賡酬尚憶駒千里胡能貉一丘何
當把君袂相逐馭風遊

壽杜尊師

淡蕩風雲氣沈雄虎豹姿絲來天下士絕異里中
兒苦縣常栽李商山舊采芝不當卿相位猶可帝

仲弘詩

卷四
二

汲古閣

王師始有中車獲俄蒙仄席知賢才方竝用讒說
遽相欺豸角將巍冠龍鱗敢逆批變通俱合道舒
卷各乘時築室煙霞祕還丹日月遲願公長住世
須作後天期

次韻曹士開毗陵喜雨

下土方淫澇高田獨旱乾木形憂隕命藿肉愧爲
官索寞雲容合蕭條夜色闌精誠天已感祠禱力
初殫迥野霑新潤曾檐下急湍槁苗還蕤蕤大豆
且團團達宦俱相似疲民乞少安佳章宜刻石畱

示後人看

春雪次陳元之韻

寒氣何悽慘春空正杳冥東皇收橐籥北帝駕軫
輶混沌包三極繽紛走百靈散殊分的礫擊玉碎
瓏玲始試朝藏日俄疑晝隕星危橋無客渡曠野
少人經百沸疑奔瀨孤撐沒峻嶺林荒顛凍雀崖
滑墮哀挺袞袞隨風舞颼颼襍雨零遺蹤初得免
匿種詎憂螟眴昧傾農室歌謠徹帝庭陽春將布
德品類各成形捉筆題新句持盃酌舊醅今朝須
仲弘詩

卷四
三

汲古閣

痛飲醉卧不須醒

送張仲實之宜興

南渡邦初造西山將獨賢立功何赫赫流慶尚綿
綿報國橫戈數登壇授鉞專風雲方際會江海固
周旋控險千鈞弩臨危七寶鞭忠誠深足仗智勇
實兼全自返高橋役端持宥府權兵威終抗敵人
力可回天甲第無踰者諸孫固穎然初生同燕頤
有美自嬋娟善學聞當代能詩起妙年衛公猶故
物鄭老竟寒羶矯矯青雲器泠泠白雪弦同遊雖

未達自現已無前政事兼留意時髦孰比肩知機
無轉石縱辨若奔川特達羣公薦酸寒衆目憐姑
爲文學掾會覓孝廉船必見公侯復無論雨露偏
秋風鵬鶚健萬里正翩翩

送丘子正之海鹽州教授

有美區中彥由來志不羣舟航了吳越裘馬向燕
雲才思庾開府風流王右軍得時宜玉筍稽古賸
香芸果拔英毛穎遙收翰墨勛諸公希宦達半世
有辛勤奔走空皮骨躋攀不寸分夏侯何地芥郢

仲弘詩

卷四
四

汲古閣

匠實風斤嗟我慚鳴鷺棲山似鹿麕偶來詢故老
因得友多聞湖舫曾秋雨河橋幾夕暝過從方不
散慄別亦奚云俎豆班侯泮鹽締薄海漬未論虞
廩米聊樂魯宮芹此日顏應抗之人德已薰化爐
新鼓樂學殖重耜耘行矣穿黃落歸歟守白紛贈
言將底事努力在斯文

贈班彥功

名書稱晉代盛事起江東內翰鍾奇氣深情縱古
風樞衣皆弟子入室自豪雄欲立千金價寧論百

日功秦名黃閣老承詔大明宮遺教規王氏陰符
易褚公杯沾銀鑿落佩遶玉玲瓏文學談經早聲
華脫穎同麥光人共賞棘刺巧無窮願積臨池趣
流傳史冊中

士開燕岳氏溪堂有溪山新月上江海故人
同之句邀予及張仲實曹克明同足成之

置酒秋風裏凭闌野色中溪山新月上江海故人
同縱浪情何極畱連燕未終三鱣來上客五馬會
羣公積水輸清氣微霞銜近空將昏林尚白及早

仲弘詩

卷四
五

汲古閣

稻先紅極論追遐古深情念困窮尚觀儀秩秩未
遂樂融融才著當朝傑文誇命世雄數君今日選
宜爾集南宮

次韻黃子久喜晴三十韻呈汪知府

霞彩晨張錦蟾光夕挂鈞陰霾雖盡解淫潦豈全
收震動遨遊興還聞倡和謳容容追舊賞歷歷破
新愁騎氣城邊縱龍光海際浮艷粧來士女盛服
擬王侯在藻羣魚躍依林白鳥啾河流交不斷山
勢轉相繆物理歸含毓人情釋怨尤娛娛從老稚

燕樂逐朋儔幄帟分郊次
幃帷擁道周聯翩馳画舫
截樂累朱樓貿易通遐壤
繁華壓大州聚廬千井富
接棟萬家稠已戒增周口
仍催波下流嘉疏連隙地
宿麥徧高丘曹事虞多廢
胥徒戢過求醲恩方竝育
和氣與同遊期會朝先往
追隨暮不休露華開的的
風葉振颼颼拾芥非無日
登禾卽有秋朝家期少試
隣郡固難侔共美光華著
還矜德業修在廷爭進薦
當宁免垂憂玉漏傳金角
金尊出殿頭秉心存正道
造膝待嘉謀履直恆如矢
防

仲弘詩

卷四

汲古閣

再用韻贈黃子久

自惟明似鏡何用曲如鈎
未獲唐臣薦徒遭漢吏收
悠然安性命復此縱歌謳
石父能無辱虞卿卽有愁
歸田終寂寂行世且浮浮
不假儕羣彥真堪客五侯
高人求替洽末俗避喧啾
藜杖常他適繩樞每自繆
與人殊用舍在已寡愆尤
濟濟違班列俚俚遠匹儔
能詩齊杜甫分道偈莊周
達飲千鍾

酒高登百尺樓艱危仍蜀道
畱滯復荊州鶴度烟霄濶
龍吟霧雨稠東行觀海島
西逝涉江流自擬需于血
何期渙有丘古書嘗歷覽
大藥豈難求撫事吟梁父
馳田賦遠遊堂名希莫莫
亭扁效休休檻日迎東濟
窗風背北颼鳴琴消永晝
吹律效清秋雅俗居然別
仙凡迥不侔多聞踰束皙
善對邁楊修進有匡時略
寧無切已憂塵埃深滅跡
霜雪暗盈頭始見神龜夢
終營狡兔謀雪埋東郭履
月滿太湖舟急景誰推轂
流年孰唱籌凌波乘赤鯉

仲弘詩

卷四

汲古閣

寄王繼學二十韻

聖主敷皇極元臣建上台
虛心求俊乂削迹去奸回
拜命超凡品知君秉大材
淳風隨日播公道應時開
負鼎資烹飪操刀貴剗裁
銛鋒行肯綮異味合鹽梅
廟議常叅決朝班復共陪
艱難須仗助豁達遠嫌猜
遺佚聞風起英豪接踵來
經綸非董賈辭藻亦鄒枚
在野思羅致盈庭想轂推
旣將龍作友惡假鳩爲媒
走也今畱此公乎可念哉
執竿猶

海上扶耒卽巖隈自守幽人意寧虞俗子吟舊遊
辭王府故事憶金臺落魄江湖阻蒼茫歲月催丹
心徒耿介素髮已毵毵勿謂交如水能忘恥及疊
飛黃當駕馭猶足異駑駘

送完者都同知

來游天子學籍甚有聲華論事依三策藏書至五
車姓名題雁塔譜牒記龍沙自可編青竹兼宜縮
白麻文工金有價貌美玉無瑕興盡方豪飲篇終
不浪誇豈惟吟芍藥曾是賦蒹葭事莫分難易人

仲弘詩

卷四
八

汲古閣

須辯正邪月中初折桂天上始乘槎勿待秋風起
宮門聽鼓撾

贈郭集賢

衣冠趨近地藻翰集羣賢給事黃門裏抽毫黼座
前佩龜金作紐賜馬玉爲鞭御酒傾壺滿宮花插
帽偏清光依日月逸思撓風烟記憶踰三篋吟哦
過百篇自惟叨侍從不敢廢周旋秋著隨車獵寒
當襍被眠蘇環才旣敏陸贄寵尤專自爾紆皇眷
於焉理化弦詞臣方進用才大畢騰寒可念如揚

子蕭蕭獨草玄

悠然閣

高閣凭虛起登臨興甚長江流春渺渺樹色曉蒼
蒼原隰魚鱗布峰巒鳥翼張雲來兼北極雨過及
南荒地大遺民富時清致理康南山常在望懷古
意難忘

寄周御史二十韻

同游河北後共抵浙西初獨倚知心舊翻成會面
疎三年仍契濶萬里更吹噓小子無奇氣先生有

仲弘詩

卷四
九

汲古閣

過譽見稱司馬賦求授夏侯書倉卒排歸計淹留
着寓居已非興俊逸猶與主癰疽名士多親我諸
公或請予駕言將采芑卽事欲連茹顧爾傷流矢
居然恨倚閭驚心聞杜宇過眼易蟾蜍忽召抽金
匱俄徵論石渠文章殊賈馬謀略匪嚴徐薄技終
難效窮愁只自如尚矜存弊屨不肯曳長裾與作
棲梁燕寧爲呼轍魚儀形長日想懷抱幾時攄奏
疏聞當宁抽毫待直廬烏臺弦旣改鰲禁席仍虛
馬首何繇見分光興有餘

送董與可爲句容縣主簿

主簿非高仕通才或暫爲催科虞慘急勾校慮稽遲
慎察文無害詳觀獄有疑溫純規白璧正直視
朱絲要使聲名著何嫌品秩卑烏臺懸日月舉辟
實無私

送朱復之爲邵武教授

放浪來京國于今復幾年山川多歷覽日月屢推
遷異俗疑烏帽窮途信馬鞭達官空有榻遊士固
無羶始聽除書下俄聞抗旆還南州分教地成法

仲弘詩

卷四
十

汲古閣

紹前賢

趙彥祥母慶八十

從親年八十萬里自西來氏族稱三蜀光華照二
臺柰繁愁夜雨筍長望春雷綺食和金鼎香醪進
玉盃鳳毛方煒燁鶴髮正毵毵試使蟠桃熟從今
更幾回

雲山圖爲茅山劉宗師作

長江千萬里奔浪薄高雲龍現誰能覩猿啼不可
聞迂迴因地勢昭晰應天文劒氣秋如洗珠光夜

欲焚連峰俄筍迤斷岸復瓜分句曲臨東極巖頭
有隱君

題康里氏家譜

國受輿圖廣家傳譜詳馳聲絲雁塞拓跡至狼
荒轉戰踰千里來降盡一方奮戈回白日列戟耀
清霜破竹收城邑分茅賜土疆弟兄皆勁悍父祖
各雄彊相印仍兼綰兵符更迭藏排衙開萬弩納
笏過三床已及書宗祏還宜紀太常後人能繼紹
千載有輝光

仲弘詩

卷四
十一

汲古閣

題王叅政積翁別故人詩卷後

聖主膺新命明公遇盛時混同開宇縣困厄守城
池寇盜思攘攷黔黎賴寵綬合珪承燕享前席備
詢咨築室求梁棟徂堂薦鼎鼐用兵陳廟算養士
作邦基已草歸田賦仍題伐木詩此生終契濶吾
道豈磷緇編犒游龍字綿綿吐鳳辭錦囊加十襲
細覽想形儀

贈魏虛舟少府

西蜀文章伯東吳閥閱家族傳貞觀舊躅繼信陵

遐雅度人難測高名衆共誇爲楨材不小韞櫝玉
無瑕鳴鳳占諧吉乘龍偶契嘉三牀邀納笏萬弩
護排衙世賞官仍及朝叅寵復加天顏垂眷顧地
肺修光華緩步方鳴玉高情欲泛槎翻然歸翠麓
姑爾奉黃麻彭澤還栽柳河陽不種花投閒銷日
月訪古略烟霞臘蟻常開宴春魚每看叉興來恆
放逸賓從任喧譁閤靜寒珠箔窗虛闕綠紗琴彈
多古雅詩就輒妍婷願作梁間燕徒慚井底蛙執
鞭曾莫劬抱瑟敢長嗟戀戀情終在悠悠道苦賒

仲弘詩

卷四
十二

汲古閣

春風吹去旆翹首又天涯

贈劉平叔郎中

肇自三苗氏淫爲五虐刑商周終至治禮樂固常
經放過存三宥原情用八聽未能還畫象猶貴去
殘刑末俗仍澆薄生民曷救寧謂宜沾雨露抑使
震雷霆皞皞惟毋擾元元庶有靈林殘求虎豹穀
害去蝗螟此意雖忠厚斯言若宵冥君乎吾有望
當使在朝廷

送丘子正之海鹽

珠生滄海底玉韞碧山中夜氣交明月陽精現白
虹有賢兼重價當代振英風好學由天性能書至
國工知名傳冀北作賦擬河東始欲徵楊子旋聞
薦褚公陰符難獨美遺教實爭雄絕藝雖宜進奇
才自不同交游傾上國掄選屬南宮鄧禹官初試
匡衡對漫通海邦終寂寞學館尚穹崇已注千人
錄當成五典功星辰皆在水渤澥信浮空把酒歡
何限乘槎興不窮文章趨浩瀚物態入牢籠子必
登芸閣吾方守桂叢索居彌寡陋荒業孰磨礱弗
仲弘詩

卷四
十三

汲古閣

獲披雲霧惟思對華嵩知音期郭泰流俗易王充
江海從茲逝飄飄任短蓬

贈虞彥高

吳越知名士風流得此人結交何待久晤語卽相
親丹穴生儀鳳滄波豈縱鱗飛鳴常見瑞變化不
無神家世皆爲善文儒謹飭身不將執耨累自著
綵衣新力學追高古修辭絕等倫汪茫涵巨海要
眇動纖塵鐘簴聲音大謾誣節奏均詎誇傳里巷
可使杼絲綸籍籍聞當代駸駸集要津省闈曾奉

檄學館已垂紳滋味嘗郊鼎光華薦席珍南宮延
國子西掖選詞臣慷慨升車日遲回執袂宸論心
情已至抵掌氣滿振虞詡才方壯湯休學最醇相
期終晚歲無取艷芳春抱獨知何向爲朋喜有因
從君鳴一世流詠被無垠

鄭中丞母大夫人壽八十

端公居重位壽母在高堂天意何相厚人倫實有
光豸冠方俊偉鶴髮尚康彊內翰爲封誥同僚舉
慶觴欣欣承玉饌赫赫帶金章獻笑慈親側繩愆
仲弘詩 卷四 汲古閣 十四
聖主傍中天懸日月下土凜風霜可謂全忠孝都
緣積義方孟軻難獨美湛氏竟齊芳頌得吾無媿
名宜百世揚

送朱仲山歲貢入京

昭代陶淳化多方出異材鳴岐聞鳳鳥清道服龍
媒養素稠山僻觀奇載籍該爲珍如寶璧奮蹟起
蒿萊未展綏綸趣初承勸駕催羔羊填委巷駟馬
踐輕埃戰藝鋒無敵搜賢網正恢上書追偃樂作
賦竝鄒枚奮發眞從此遊觀亦壯哉雲霄千萬里

瞻望重徘徊

招真觀圖

欲學無爲道來居小有天精神消物怪采色變風
烟恬澹知天德虛無象帝先高風何特達古跡尚
流傳地涉鴻荒表山開混沌前谷幽疑鬼聚峰巧
類人企疊起三重閣分流百道泉岩穿畱虎跡石
冷逗蛟涎放浪曾無日遨遊未有年古經披覽罷
毛骨爲醒然

喜晴得楊字呈汪知府

仲弘詩

卷四
十五

汲古閣

霏霏寨宿靄煜煜射初陽出谷鶯聲滑摩空鶴勢
張鼓輦爭奮發帆幔各飛揚不畏塗泥滑寧憂積
潦妨農夫分舊種紅女覓柔桑爲有豐年慶陳陳
滿太倉

寄沈少微金華山隱居

巖前通細路嶺外接危峰梯磴踰千級烟霞過萬
重緣崖收異卉步壑數長松隔屋號朱虎當窓現
黑龍蘅蘭爭酷烈桃李角鮮穠隱士多相過仙人
庶可逢第能安性命何患改顏容煉鼎丹砂熟傾

壺白酒釀微茫追絕響瀟灑振孤踪鄉里宜同好
它年必子從

挽徐處士

此日新安郡名家復數誰危科雖屢掇舊業詎多
遺孝友全高行溫恭集令儀花殘青歲晚木落紫
山悲結蟻容兼盛銜鱸譽更垂白雲埋骨處揮涕
想漣沍

送侯尊師歸蜀

北上關河遠南歸歲月賒飄飄攜短劒杳杳泛靈

仲弘詩

卷四
十六

汲古閣

槎別岸秋濤掩前山曉霧遮欲攀青桂樹先採白
蘋花大道元無極浮生卽有涯舉杯吞夜月引袖
拂晨霞獨跨沖天鶴能追赴壑蛇祇因投老去長
日煉丹砂

春晚喜晴

積雨俄經月新晴始見春蒼苔侵別墅綠水過比
隣性僻居宜遠身閒景易親無詩排世累有酒縱
天真循圃花粘履凭闌柳拂巾歌呼從稚子談笑
或嘉賓漸喜漁樵狎仍欣鳥雀馴幽情延薄莫浩

思集清晨養拙元非病爲文敢自珍杜門緣底事
作計懶隨人

仲弘詩

卷四
十七

汲古閣

楊仲弘詩卷四終

楊仲弘詩卷五

次韻虞彥高遊陽明洞

憶昔神禹奠九州茲山會計功始休諸侯玉帛渺
何許但見萬水從東流衣冠永閉陽明洞夜閉鬼
哭巖之幽珠宮貝闕號龍瑞天造地設非人謀槎
牙怪樹凍不死化作千丈蒼玉虬丹洞呀然仙掌
裂翠峰巧矣蛾眉修梅梁飛去鐵鎖斷往往雷雨
生靈湫軒轅緱神極祕怪海上笙鶴時相投平生
閉門讀史謳子乃探穴先吾游明當挾子騎汗漫

仲弘詩

卷五

汲古閣

送俞用中之蓮城

君家文獻猶未泯名載舟車無不之乃翁種德不
食報流慶涓涓方在茲皦然玉立七尺軀相非公
卿無此奇早孤爲學孰勉劬藏書萬卷能盡披季
父撫育過已子將爲前人護址基我兄長公有年
歲才氣偉燁通時宜賈誼晁錯奉大對生晚弗及

同驅馳君令沿檄治鄉校初官履歷固不卑要爲
國中養賢俊政無大小視所施括蒼山好著仙籍
昔人於此自燕願榮公相業輩王謝石僧尚有踪
跡遺君居三載業可想再見惟有操降旗

古牆行

建炎白馬南渡時循王以身佩安危疏恩治第壯
與衛縮板栽榦繇偏裨下鋪江城但沙鹵往夷赤
山取焦土帳前親兵力如虎一日連雲興百堵引
錐試之鐵石堅長城在此勢屹然上功幕府分金

仲弘詩

卷五

汲古閣

錢謹聲如雷動地傳爾來瞬息逾百年高崖爲谷
驚推遷華堂寂寞散文礎喬木慘淡棲寒烟我入
荒園訪遺古所見惟存丈尋許廢壞終嗟麋鹿游
飄零不記商羊舞王孫欲言淚如雨爲言王孫毋
自苦子孫再世墮門戶英公尚及觀房杜如君百
不一二數人生富貴當自取況有長才文甚武公
侯之後必復初好把家聲繼其祖

題山石猿鳥圖

萬卷堆中昏欲睡忽見畫圖醒我意眼前崖谷起

嗟峨便似着身遊此地梗枿櫛櫛大百圍奔泉透
石辟歷飛玄猿孤峙態美蔭下視白鳥娛清暉昔
聞虞舜狩南嶽君子相隨化猿鶴往時此輩猶爾
爲慨想雲林真可樂拔劍斫山山骨露山鬼吟嚶
安敢怒祇今踴躍歸去來莫愁無覓誅茅處

李伯時畫浴馬圖

古稱難畫莫如馬近朝唯數李伯時不至天閑觀
帝服如此骨相何由知頭類渴鳥尖挿耳竟度流
沙輕萬里圉人牽浴恒凜然復恐化龍奔入水貪
仲弘詩
三
卷五
汲古閣
居里巷無馬騎徒步出入多傷悲大脰薄蹄何足
願退立道傍塵滿面

送時中兄入京

先生意氣非常流有如鵬鶚厲九秋讀書不肯守
章句經濟可許斯人儔懷抱利器將遠遊直往上
國交公侯王侯位高不下士如以蛟龍視螻蟻爲
君莫斂光範書以氣撼搖差可耳功名倘來不足
爲丈夫須作遠大期君不見麒麟閣上圖英俊當
時或自閭閻
有闕文

次韻題慈照寺浪紋石

山前流水響急灘崖崿齟齬嶮且艱直上正平稍
去水坡陁漫漫龍背起幽阻之間有奇石洶若北
風吹海立滄海飛塵事有徵遂使喧阗化冥寂開
闢而來六萬四千歲浩浩洋洋不休息雖有好事
者欲爲之不似大造無痕迹我行見之頗愕然抽
觴戲欲取涓滴僧堂託宿語不眠竟莫禮了生公
禪意外奇崛當眼前跋涉無負兩足趼君家住時
宅通廊何如金堂石室友羣仙會見石髓流爲泉
仲弘詩
四
卷五
汲古閣
何事更種東臯田子能食之可長年

題王起宗畫松岩圖

雲起重岩鬱凌亂長松落落樹直幹若人於此結
茅屋爽氣飄然拂霄漢艤舟之子何逍遙從者偃
僂攜一瓢山中無日不間假跋涉相顧凌風颺始
知王宰用意高使人觀圖鄙吝消世間未必有此
景塗抹變幻憑秋毫丹青遊戲故足樂收絕視聽
搜冥冥向來爲政殊不惡乃爾胸中有丘壑

題華岳江城圖

華岳能詩世有名學畫丹青亦豪放此圖似寫安
慶城雉堞樓臺儼相向北風將至江面黑千艘萬
艘爭避匿滄溟漏溢水倒流南嶽動搖天柱側蛟
龍戲落秋潭底素練平鋪八千里時清好作釣魚
翁閑弄輕舟烟霧裏

神馬歌次韻陳元之

神馬來自崑崙西有足未始行沙泥朝趨欲出飛
鳥上夕逝直與奔星齊綠鬃半散插雙耳赤汗交
流攢四蹄風神秀溢陞天地豈顧燕蔡并渠黎時
仲弘詩

卷五
五

汲古閣

時牽浴臨清溪對人誇殺黃須奚玉沙之禾中芻
秣不啮堤頭枯草稊與君側耳聽長嘶凡馬不聞
生駃騠

古劍歌爲吳真人作

閒閒真人藏古劍敬之如神不敢忽賓客時來求
一觀輒有悲風起倉卒人言此是金鐵精良工鍛
煉久始成動搖天地合變化摩蕩日月含光精昔
年有蛟起江中口吐烈焰燒長空下民昏溺上帝
怒雷電往擊皆無功嘗持此劍斬蛟首流血涓涓

浸廬阜傳記傳聞時旣久不意世間今尚有吾過
下里多惡氛魍魎魑魅能食人請君爲我絕此怪
一洗宇宙長清新

梅梁歌酬鄭集之

大禹之功及天地廟有梅梁何足異奈何過用鐵
索纏太祝爲之欲徼利每言變化失其所去作老
龍治風雨一聲霹靂震岩扉千尺蜿蜒辭殿戶七
月槁苗沾塊土憂殺村中老農父買羊沽酒祭梅
梁祭罷祠官傳好語吁嗟老農無爾愚大禹有神
仲弘詩

卷五
六

汲古閣

題趙千里山水扇面歌

公子丹青藝絕倫喜畫江山上統扇祗今好事購
千金四幅相連成一卷春流漠漠如江湖飛烟著
樹相有無嵐光注射翻長虛白玉盤侵青珊瑚追
隨流俗轉蕭疎對此便欲山林居旗亭花發酒須
沽舟行爲致雙提壺抱琴之子來相須醉歸不省
何人扶旁有飛泉出岩隙掣電飛霜相盪激蛟龍
不愛鯢桓食但見垂綸古盤石人生萬事無根柢

出處行藏須早計一丘一壑倘如斯便可束書從
此逝君不見鄭子真躬耕谷口垂千春毫芒世利
能沒身汝胡齷齪爲庸人

題秋雨長吟圖

雨暗秋天黑如墨窮居茅屋出不得終日長吟復
短吟吟罷令人轉淒淒飢猿抱樹屈雙肘病鶴拖
泥垂兩翼何當策杖過溪頭要看南山新翠色

竹樹圖

荆棘蒙龍迷竹樹亂堆古石蒼苔護縱獵青郊懷
仲弘詩

卷五
七

汲古閣

舊路躍馬重岡追狡兔箭翎落地無尋處

時中兄示余畫一軸畫一老翁推獨輪小車
上載兩巨甕意其爲警世之爲因爲賦詩

小人無他獨嗜利兩甕載車將遠致肩頰足跣汗
潸然冉冉修程胡不與世人但笑愚翁愚甕破卽
與瓦礫俱不知人有千金軀前行險道方乘車

楊仲弘詩卷五

終

楊仲弘詩卷六

宗陽宮望月分韻得聲字

老君臺上涼如水坐看冰輪轉二更大地山河微
有影九天風露寂無聲蛟龍竝起承金榜鸞鳳雙
飛載玉笙不信弱流三萬里此身今夕到蓬瀛

次韻錢唐懷古

四首

江湖清濁自天開鴻鴈鳬鷺與往來黃道星辰環
太乙紫雲宮殿擁蓬萊論文競奏王褒頌獻壽深
傾阿母盃九域輿圖今混一百年耆舊獨興哀

仲弘詩

卷六
一

汲古閣

又

斜界鈎陳通大道中分魏闕對層巒雲生殿上金
爐暗露下庭前玉井寒江漢飛龍俄宵宵滄溟泛
鷗竟漫漫中天會合寧非數坐見蒼生奠枕安

又

山回禁禦入雲長無復陳兵衛兩廂千石金鐘埋
野草萬年珠樹落秋霜龍文不徙陽人聚鳥篆終
降軹道傍九市塵埃來袞袞一江波浪去茫茫

又

化人宮闕被層阿棟宇高低若湧波翠石文章書
日月寶珠光燄燭山河空桑說法黃龍聽貝葉繡
經白馬駝誰謂一無超衆有只今塵土重來過

題豐樂樓

崢嶸飛構壓名邦西望平湖東望江氣合重玄蒙
沆瀣標存九域莫洪龐朝來散霧縈朱拱夜後流
星透碧窓倚徧闌干愁目眩飛鳶旋轉故雙雙

水樂洞

石林求路轉聲牙來訪香嚴大士家雨過門前生

仲弘詩

卷六
二

汲古閣

薤葉風行隴上落松花懸崖滴水鳴金磬激澗流
泉走玉砂欲適山林去城市久知寂寞勝紛華

題拱北樓

殷地鼓輦迎日出倚天梁棟與雲浮北瞻帝闕三
千里南控臣藩三百州江海無波沉罔象旌旗垂
野駐貔貅鸞迴麗榜多深意繡袞于今有魏牟

次韻羅雲叔紅梅

玉人中酒殢芳華盡壓東風百種花襍被冬深裁
異錦篝燈夜永障輕紗纖蕤露沁蜂腰蠟密蕊雲

蒸餾頂砂爲問閨風何處在相期高舉簡晨霞

紀夢

海上垂綸有幾年平居何事夢朝天蒼龍觀闕東
風裏黃道星辰北斗邊治世祗今逢五百前程如
此隔三千楊雄解奏甘泉賦應有聲名達帝前

次韻陳子仁黃河

二首

禹功疏鑿過憂勤海內山川自此分元氣渾淪通
地脉孤光迢遞貫天文母金伏礫秋逾盛陰火藏
淵夜不焚多少魚龍爭變化總歸西北會風雲

仲弘詩

卷六
三

汲古閣

又

陰陽爲殄黃河溢北度艱難擁萬艘齊楚百城防
雉堞淮沂千里避鴻濤耕鋤已失天時正流徙爭
依地勢高此日朝廷憂水患須明利害策賢豪

遊水樂洞分韻得人字

常聞勝地宅仙人如此淵泉必有神子晉重來玄
鶴舞琴高初化赤魚馴巖排利劍鉤鐔古水象鳴
球節奏均更有山僧能解語自今休厭往來頻

望海

海門東望浩漫漫風颺無時縱惡湍黑霧漲天陰
氣盛滄波銜日曉光寒豈無方士求靈藥亦有幽
人把釣竿搖蕩星槎如可馭別離塵土亦何難

送羅雲叔歸山中

黃石山原風物幽賤子往年曾一遊舊行櫪柘已
成逕新藝禾麻應滿疇馮衍能忘白首嘆謝安須
爲蒼生憂餘杭溪上明日發愁殺楊花吹客舟

送段時敏之京

懷山挾海英京師氣執紆餘盡北陲鴈度塞雲秋

仲弘詩

卷六

汲古閣

色遠鵲鳴宮樹曉光遲四方英俊皆來萃一代經
綸屬有爲君有長才希屈賈好將詞賦重當時

留別京師

囊衣託載道傍車人事匆匆歲欲徂風雨四更雞
亂叫關河千里鴈相呼蕪菁散漫根猶美桑柘蕭
條葉漸枯卻向高丘重回首五雲繚繞帝王都

東澗東萬戶蕭伯善

擇帥中軍自古難獨分符節守藩翰夜鳴鼓角溪
山靜曉豎旌旗雨雪乾不待掃門知魏勃豈須彈

缺識馮驩祇令四海無征戰萬卷詩書好厭觀

送勾曲外史張君歸華陽

送君高舉入華陽古洞深蟠石路荒蔽日旌幢朝
旋旋飛空環佩夜琅琅食霞已試登仙訣祀竈還
修却老方見說陶公雖隱遁猶將道德佐齊梁

送戶部康里尚書

二首

經濟才高負重名早趨蘭省執權衡唐除宰相同
三品漢拜司農列九卿禮樂正圖興美化錐刀先
務已苛征公家事業齊周召重使斯民望太平

仲弘詩

卷六

汲古閣

又

屢挾囊書上國遊途窮獨擁弊貂裘驟蒙陸贄知
韓愈直待常何薦馬周北上塵埃憐寂寞南遊歲
月苦淹留鰕生資歷猶卑淺可使徘徊製錦不

贈同院諸公

詔編國史有程期正是諸郎倬直時虎士守門宮
杳杳雞人傳箭漏遲遲窓間夜雨銷銀燭城上春
雲壓彩旗才大各稱天下選書成當繼古人爲

玉堂夜直

直廬歲晏動羈情朔雪將飛覺夜明金井轆轤哀
響絕玉階僊甃斷紋生薛花莫辨沿牆迹松葉時
聞委砌聲愧以不才同制作諸公此日負高名

惠山泉

此泉甘冽冠吳中舉世咸稱煮茗功路掛山腰開
鹿苑池攢石骨閼龍宮聲搖夜雨聞幽谷彩發朝
霞眩太空萬古長流那有盡探源疑與海相通

寄維揚賈侯

經國長才世豈多羣邪嫉正奈公何氣蒸雲霧藏

仲弘詩

卷六
六

汲古閣

喬嶽聲轉滄溟放大河遠跡江湖猶棄絕驚心歲
月屢消磨賜鵬自有垂天翼肯逐飛鴻入網羅

寄康大夫

二首

往年持節使山南及此人情上下詰高士變心慚
隱逸小胥縮手戒貪婪猿聲散漫浮青嶂鴈影離
蹤曳碧潭遙想政成多暇日幬帷出郭有誰參

又

遙想幬帷出郭時先驅十里走旌旗青山落日蒼
茫暗白水秋風慘淡悲勁矢每隨前隊發清笳偏

逐後行吹荊州未覺風流遠縱飲還應到習池

寄康里公

二首

廟堂爲政已優游第秉純誠贊大猷五緯連珠環
北極萬方同軌會中州衣冠肅肅趨金殿鐘鼓遲
遲報玉樓治世賢才今盛集願陳早麓頌宗周

又

歎息流年逐逝波功名到手莫蹉跎高才自昔遭
逢少公論于今責望多梁棟器充能負荷鹽梅味
合要調和共誰魯國勲庸盛青史何年可減磨

仲弘詩

卷六
七

汲古閣

寄康大夫

官居易府號清嚴察吏由來首六廉舊直螭頭司
紀載新加豸角備觀瞻蒙恩聖主寧求進具禮名
流每執謙欲論六朝典廢事籃輿應度蔣山尖

送伯長扈駕

二首

早畢前驅盛國容黃麾仙仗衛重重星流曠野飛
蒼鶻日麗層霄馭赤龍耀武邊陲須北狩合祛天
地待東封論才孰可銘休烈扈聖還宜祀岱宗

又

追從羣彥客金門獨用才高被國恩石室紬書裁
帝紀玉堂草詔代王言宦途赫赫名方振餘子紛
紛氣可吞會合適逢千載運奮飛寧羨北溟鯤

寄袁伯長

幾年簪筆侍明光直取才華補衛郎祀事悉稽周
典禮頌聲須假漢文章雲垂迥野鳴鞘遠月滿高
城下漏長校獵合祛尤盛事願聞作賦擬長楊

東湖四景爲大尹本齋王侯賦

四首

朝來千騎出城闔爲向東湖踏早春素練幕林雲

仲弘詩

卷六

汲古閣

氣薄明珠穿草露華新山花獻笑開簷畔海鳥忘
機戲水濱記取當年賢太守及時爲樂與斯民

又

夏月湖中爽氣多南風疊疊捲長波漁人舟楫衝
蘋藻遊女衣裳擘菱荷膾切銀絲嘗美味腔傳金
縷換新歌史君用意仍深遠卽此光華豈減磨

又

暫停麾蓋擁輕舟此日湖山屬暮秋采采黃花登
几案離離紅樹散汀洲傾壺浮蟻杯頻竭下箸鮮

鱗網乍收莫向錢唐誇往事白蘇未許擅風流

又

雲氣低藏十萬家東湖飛雪又交加玉禾舊布仙
山種瓊樹新開帝所花別浦移舟聞過鴈高樓凭
檻見歸鴉侯門似有相如客賸賦篇章與世誇

虞待制魏錄事述懷有作次韻奉和二首二

公皆故相之後

二首

勢等衡廬各柱天家傳性理竝鈞玄諫垣劇切章
連上文館招延席屢前羊豕尚修松下祭麒麟肯

仲弘詩

卷六

汲古閣

信草間眠岷峨舊日求遺族萬里須乘逆水船

又

理氣兼明善論天祗應爲易又爲玄玩辭已契忘
言表說卦仍觀未畫前對案窮年無近效閉門長
夏且高眠却忘京國多奇士欲向長河共買船

卽事

禁城曉色清如水高下樓臺錦繡中千樹好花連
上苑百壺美酒出深宮珍禽競集高林霧寶馬爭
嘶橫岸風人物此時俱盛極兩都絕勝漢西東

次韻伯長待制

揮鞭遠過御溝斜，出院時時見暮鴉。
已入玉堂同視草，還趨瓊砌共觀花。
獸爐香繞窓前霧，蠟炬光搖帳底霞。
此去天津元不隔，何須八月泛靈槎。

送薛玄卿歸龍虎山

金門詔下羽人歸，欲向山中採薜薇。
琥珀懸崖松樹老，琅玕倚澗竹根稀。
高巖蓄雨星辰濕，古石懸雲逕路微。
養性可無軒冕累，遊塵元不浣仙衣。

送虞貞白之辰陽

仲弘詩
卷六
十
汲古閣

君以調官來上國，藹然聲譽動儒林。
出門遇雨泥塗滑，歸路逢霜歲月深。
楚國千年歌白雪，揚州三品貢黃金。
高才不仕朝廷上，有詔應煩使者尋。

春雨

濛濛春雨暗重城，莽若山林雲氣生。
駕過東朝霑羽蓋，仗移前殿濕霓旌。
蒼松密掩巖頭鶴，翠柳深藏谷口鶯。
明日不愁花爛熳，新晴陌上有人行。

徐獨清挽詩

大道無名識者稀，獨于元始探精微。
秦關忽報青牛度，遼海寧聞白鶴歸。
經秘玉函旋地軸，書懸金榜闢天扉。
門人攜拾編遺事，第錄先生杜德機。

寄武當山人張真人

山走西南氣勢尊，大神遺迹至今存。
冰橫磧下千年凍，雲起巖前萬里昏。
既有嚴威彰赫赫，詎無厚福護元元。
真人制行通天地，日日飛仙降殿門。

題火涉不花同知畫像

堂堂玉立照青春，昭代由來重世臣。
帶納掖庭聯衛士，分符江徼總編民。
鸛鷖裘暖鳴鞭疾，翡翠簾

仲弘詩

卷六
十一
汲古閣

深翦燭頻州縣三年姑少試，驅馳休厭屬車塵。

次韻田師孟西曹卽事

隱吏重來右掖初，清明時節亂花舒。
霧承黃閣霏霏重，雨散彤庭點點疎。
李耳舊藏周典禮，蕭何元得漢圖書。
經邦事業須公等，要使皇文日祭如。

次韻黃子久獄中見贈

解組歸來學種園，栖遲聊復守衡門。
徒憐郿塢開金穴，欲效寒溪注石尊。
世故無涯方擾擾，人生如夢竟昏昏。
何時再會吳江上，共泛扁舟醉瓦盆。

鷗波亭阻雨

坐聽高樹響颼颼風雨相兼卒未休氣雜昏明侵
豈景色交黃赤變河流潛移窟宅蛟龍怒固守林
樊鶴鶴愁水潦此時傷稼穡天人何事計仇讐

懷錢唐故人東應中父

幾年流滯客京師每憶江邊話別離落魄已甘心
似鐵蹉跎無奈髮成絲草玄思苦無人問彈鋏歌
長只自悲滿目塞雲飛去盡倚筇獨立更多時

寄吏部張尚書

仲弘詩

卷六
十二

汲古閣

復喜清朝用大賢玉音俄對廣庭宣姚崇已託君
臣契李泌終操將相權此日經綸須展布他時簡
冊要流傳淵明有待公田米可念江湖久棄捐

題謝疊山遺墨 二首

荆南失守見亡形太歲徒聞忌丙丁羸老扣心天
藐藐鬼神號哭夜冥冥忠臣效死招烏合烈婦捐
生報雉經辭氣凜然遺墨在再三尋繹淚雙零

又

故宮愁見黍離離大厦元非一木支義士忠臣徒

走死寡妻弱子謾傷悲五經文字寧虛設一代人
才頗中衰慷慨殺身猶易事似公方可正民彝

題本齋王公畫像 二首

天姿英粹異庸常早籥雲霄被寵光劍戟森嚴開
武庫珪璋特達薦明堂願承簪履趨門下竊候旌
麾拜道傍邪正此時真雜糅秦臺懸鏡亦煌煌

又

詩禮傳家德望隆一門三世拜三公五營帶甲軍
容盛九府流泉國賦克房魏素懷尊主術龔黃先

仲弘詩

卷六
十三

汲古閣

奏養民功欲將惠澤量深淺楚浸洋洋與海通

寄題成都萬竹軒爲李仲淵作

君家種竹蜀江傍高與蠶崖勢頽頽已樹旌旗分
部曲更鳴琴瑟應官商蛟龍併逐波濤化虎豹曾
因霧雨藏兄弟至今俱宦達未應開逕接求羊

送范德機

往歲從君直禁林相於道義最情深有愁併許詩
頻和已醉寧辭酒屢斟漏下秋宵何杳杳窓開晴
晝自陰陰當時話別雖匆遽祗使離憂攬客心

送鄭子謙倅蘭溪 二首

主人情重賦驪駒戶外羣騶有所須將喜在場登
齊麥毋忘入澤取萑蒲風乾鳥雀當欄噪日下牛
羊隔隴呼昭代擇賢先治理服勤簡牘是良圖

又

青絲絡馬去翩翩正是春風二月天樂作前行尤
蔚壯書隨後乘併稠填徵符此日須官次射策他
時對御筵玉府編摩求大手知君元有筆如椽

贈彭萬里

仲弘詩

卷六
十四

汲古閣

素居鄉鄙繫瞻聽遠涉京都迂寵靈掛席波濤秋
森森據鞍星宿曉熒熒肯如蛟劍終藏匣誰信牛
刀始發硎將相與人殊勢分祗應雙眼爲君青

七月十九日大明殿早朝

王氣浮空御殿開金衣照日近臣來綵囊已進千
秋錄黼座還稱萬壽盃王子吹笙雙鳳下羲娥攬
轡六龍回衢樽此日霑恩賜散作祥風遍九垓

酬賈郎中

挺生雄俊氣昂昂服事朝家被寵光鸚鵡盃中春

正好鳳凰池上日偏長新栽樂府傳宮體舊着朝
衣帶御香忠孝兩全人所羨只今慈母在高堂

雷江阻風寄池陽通守周南翁

繫舟江岸隱蒲蘆坐聽篙師制疾徐巨浪駕空龍
出沒猛風吹樹鳥譁呼詩題短札難頻寄酒滿長
鉶已屢沽輦道沙乾宜竝馬問君何日宦京都

送王仲儀歸婺源

學道山中歲月長中年已見髮蒼蒼爲延簪笏開
松逕困蓄詩書蓋草堂季子不期爭富貴公孫莫

仲弘詩

卷六
十五

汲古閣

厭舉賢良告歸苦值兼旬雨幾度黃流撼石梁

體覆木綿價過樂平境中偶賦

蒼山百里路盤盤遙望連峰劍戟攢斷岸回風纏
古木高崖飛雨雜奔湍石田硤确收成薄巖屋崎
嶇結構難度地何如江以北提封百萬有餘寬

點義倉卽事

南來受命佐爲州喜遇豐年暫出遊過嶺崎嶇尋
道路上山硤确治田疇修藤掛樹龍蛇走惟石攢
溪鴈鶩浮賦役已寬詞訴簡素食無補謾優悠

題楊捐揮樂善堂

樂善名堂事可誇，兩全忠孝故侯家。
絃匏入廟思無忝，分胄升壇聽不譁。
窗下唱雞書未卷，門前立馬鼓猶樞。
後人自爾蒙遺德，流漲春江詎有涯。

次韻張秋泉真人碧桃

道院桃開一樹春，往來勾引看花人。
揮毫欲賦巫山女，振佩疑逢洛浦神。
翠萼臨風搖不定，珠蕤承露綴如新。
煌煌更結千年實，凡木何由竊比倫。

再次韻

仲弘詩

卷六
十六

汲古閣

一枝如玉照芳春，幾度凭闌欲殢人。
翠被夜寒愁灑淚，珠簾月冷怕傷神。
劉郎陌上裁仍舊，王母池邊賞又新。
不是梨花飄雪樹，望中清絕更無倫。

江上

合流渾渾古則然，中有物恠藏深淵。
鮫人賣鮑出水底，龍女結佩遊堤邊。
芙蓉覆波顏色好，薜荔絡石根株懸此行。
欲遂極幽險，所聞廬阜多神仙。

過安慶城下呈李惟肅判官

山川未到已知名，前代英雄幾戰爭。
水受委輸開

巨浸地乘走，集建孤城島夷筐。筐來修貢楚俗魚，鹽樂治生四海晏。然當此日，斯民何幸際承平。

寓長春道院春雨卽事呈鄭尊師二首

南榮相距數尋間，滿地春泥隔往還。
夜雨暗添籬脚水，曉雲濃掩樹頭山。
修篁夾徑宜增植，細草侵堦莫謾刪。
世慮紛然無止極，敢求大藥駐衰顏。

又

客遊無賴阻重陰，院落蕭條徑術深。
數畝林塘觀不厭，一窓風雨坐相侵。
靈蚪尚有蟠泥跡，老驥寧

仲弘詩

卷六
十七

汲古閣

無越塊心多謝西家賢，太守相招樂飲費千金。

題沈君湖山春晚圖詩卷

迤邐沙堤接畫橋，東風楊柳暗長條。
鶯隨玉笛聲偏巧，馬受金羈氣益驕。
舞榭歌臺臨道路，佛宮仙館入雲霄。
西湖春色年年好，底事詩翁歎寂寥。

東程處士

故人不見十年餘，鴻鴈南來得素書。
茶吐槍旗迷澗谷，竹供編簡塞庭除。
詎容煉藥燒金鼎，有待橫經校石渠。
江上繫舟將發去，黃山回首重躊躇。

贈合部遇宗師

遠俗超然百慮忘蒲團孤坐日偏長高城靜數蓮
花漏密室頻燒柏子香古地神通周世外諸天雄
猛侍階旁雜華義諦無窮盡願見菩提發寶光

仲弘詩

卷六
十八

汲古閣

楊仲弘詩卷六 終

楊仲弘詩卷七

舟次池陽偕通守周南翁燕表姪陳和卿家
席上贈歌者

故人相見話綢繆三日江干繫客舟高燕未闌明
月上豔歌初轉彩雲留光搖崖蠟寧知夜字寫邊
鴻已報秋底事尊前能盡醉爲伊肯展翠眉愁

簡松江汪知府

君爲郡守屢豐年能使歡聲塞市廛泮水薦游聲
甚美釣金竝入聽無偏漁河夜集千家網煮海朝

仲弘詩

卷七
一

汲古閣

凝萬竈烟賓客況聞才子盛詠歌宜屬後人傳

壽姚國公

可樂無如父母全旣賢旣貴又長年金壺賜出青
雲上玉佩朝辭白日邊楚木論春猶五百蟠桃稱
壽必三千似聞黃綺歸來後長向山中作地仙

武當山張真人

張公被髮下山來欲爲神州救旱災感召上天垂
雨露指揮平地起風雷稿苗再發還堪刈枯木重
榮不假栽受詔卽思歸舊隱瓊樓玉殿繞崔嵬

奉呈左司張元朴郎中

上相登庸求飲助明公秉德動觀聽旂常大法藏
清廟玉帛彌文薦外廷欲立高名垂宇宙須知雅
量配江濱鯁生論事非晁董盡力還堪備使令

贈惠山聖長老

道人卓錫向名山路絕巖頭未易攀海上潮來風
浩浩洞中雲出雨潺潺松栢直起叅天碧苔蘚旁
行匝地斑藉甚後人蒙法施有如流水注蒼灣

寄曹雲西

仲弘詩

卷七
二

汲古閣

羨君卜宅遠紛龐長把絛綸釣大江杭稻色枯雲
慘慘芰荷聲急雨淙淙消磨歲月書千卷傲睨乾
坤酒一缸甫里當年道帙在交鋒那肯豎幡降

送師總管

使節南來寵渥新漢家京尹擇能臣金爐香暖迎
丹詔玉陛霜清謁紫宸已用嚴威摧酷吏更推仁
政澤齊民知公夙抱經綸志多立功名繼古人

題景德寺雲谷老師宜月軒

月入中庭欲睡遲況逢秋夜特相宜十分陰魄凝

中氣五色祥光溢上規影漬金盃須滿汎風生玉
笛任橫吹老禪心地元虛寂更想高簷獨坐時

送趙伯常

君如寶玉不磨礱吐氣騰騰作白虹外戶將迎皆
美士前途推挽必名公錫行不獲朝叅共燕坐猶
能獻酢同我憶東歸心正切奮飛偏羨挾秋風

重陽日作

客中佳節罷登高獨坐悽然感二毛紫陌泥塗秋
泊泊黑山風雨夜嘈嘈幽人侈有觀魚樂壯士慚

仲弘詩

卷七
三

汲古閣

無汗馬勞得喪古今都一律唯應痛飲讀離騷

贈善畫沈處士

繪畫時賢屢逼真謾於城市老間身孰知麋鹿臺
前客解寫麒麟閣上人種樹十尋知閱世滋蘭百
本喜逢春詩成有愧丹青引獨使曹劉夔絕塵

送戴尊師入越

躍馬年年塞北遊春風此日送歸舟山中樹老飛
玄鶴江上莎長卧白鷗欲與謝公同隱逸肯容賀
老獨風流山陰道士如相見沽取村醪醉未休

簡李可度

從來憲府擢群英攬轡雍容按百城鵬鶚逢時方
厲疾豺狼避道敢縱橫每崇實政除民瘼肯假嚴
威駭物情君有美才當進用竚聞雅譽達神京

贈戴暨

推測陰陽術已精研窮問難更通明山中說劍仍
聞道上懸壺卽治生蛇爲銜珠知藥聖犬因舐
鼎驗丹成上鑒鑒國惟君可行載輶車入帝京

贈王止善

仲弘詩

卷七

汲古閣

不見故人十年餘況復往來音問疎倏然携離事
何限卽此歡會情如初不愁官卑少俸粟第恐年
長廢讀書隨群逐隊祇可厭秋風共釣長江魚

次韻吳生見贈

早入儒林衣鵲袍淋漓杯酒謾稱豪愁來客路烟
沙遠夢斷仙山雪浪高魯望浮家名獨著君平賣
卜志仍操和詩不足酬佳貺孰謂瓊瑤報水桃

贈雲上人

道人庭戶闕烟霞誦習微文願力加萬法莊嚴充

世界一音演說被河沙懃光盡日搖松葉履迹長
年沒蘚花解后有言還契合緬思同會結龍華

卜畊宋徵士

古人命卜極精詳苟得神龜必寶藏分胃在天兼
赤黑圖書隨地列圓方大而元氣求乖合細則人
爲驗否藏家食如君知此術耕耘何事竟凶穰

送周用章

君行萬里赴京師凜凜風霜及此時第挾簡編辭
白屋遽承袍笏會丹墀宮花插帽知恩重御酒霑

仲弘詩

卷七

汲古閣

唇覺醉遲必有三篇侔賈傳上陳王道正民彝

送陳堯卿之京師

欲携三策扣天關萬里程途未易論彈鋏幾年依
客舍曳裾何處覓王門夜闌孤館聽殘漏春入長
河辨舊痕文采似君宜得意要津何患少攀援

登邵氏宜晚樓

曾入明光捧御筵歸來山澤伴儒仙驅馳已出紅
塵表締構還依碧嶂前豁達軒窓吞宇宙鬼蜮梁
棟接雲烟憑高眺望尤宜晚屏幃橫開紫翠連

呈馬昂夫僉院

君爲胄子入京都才望高華世所無祕殿爲郎監
玉篆雄藩作守判銅符科條自可甦民瘼議論還
宜贊聖謨更倚覃懷功業盛峩峩天柱立坤隅

次韻錢翼之

有聲吳下頗多年長把漁竿釣海邊李賀才名過
杜牧魯公書法繼張顛塵沙撲面驚吾老星宿蟠
胸愧子賢歲晚著書言道妙青青林竹正宜編

賦飛鴻送胡則大

仲弘詩

卷七
六

汲古閣

年年客裏見飛鴻成陣成行上碧空杳杳江湖尋
故侶蕭蕭蘆葦下新叢翱翔已出雲霄上飲啄寧
來沼沚中今日似君歸去好扁舟一夜起東風

賜宴謝恩

恭承明詔策羣英欲爲斯民致太平孔孟教人先
禮樂申韓操術尚刑名混同已正千年統恒久方
觀萬物情勿謂成周多吉士朝陽亦有鳳凰鳴

送劉長卿張伯起二公歸閩中

去來蹤跡固相違邂逅今朝共載歸欲效駉蛩俱

北上復誰鴻鵠向南飛乍離江上芙蓉幕還著山
中薜荔衣所羨二君才氣盛願聞玉屑吐霏霏

奉美劉侯

蘇白風流迹未賒賢侯相繼事堪誇史書日覽三
千牘民版春登百萬家遊寺已諳松下路泛舟頻
醉柳灣沙要知爲政多恩澤看取庭前丹桂花

次韻蕭君用

崔嵬出水翠雲浮舁輜拖舟豈厭遊澶漫渠河方
涉夏蕭條竹樹已迎秋銜杯興盡人先醉舞劍歌

仲弘詩

卷七
一

汲古閣

長客易愁八月江湖翻瀚海長竿更約與君投

送殷國華之和州

送君行李欲何如楚國蕭條戰伐餘西塞人州連
草莽南江風浪入空虛遺民少作先王服故府徒
存博士書舊事到今多泯滅好從黎老問從初

遣興

庭樹號蟬日已涼塞雲橫鴈夜何長挾書萬里干
明主仗劍三年別故鄉西北諸山連朔漠東南衆
水隔荆楊淹留不去慚蘇子莫遣貂裘壓雪霜

湖上

秋郊縱步却驂驛勝事能多許客叅如雪萬家收
早稻未霜千樹著黃柑鼃鳴海上潮先湧猿叫山
前霧欲含放浪漁樵元有處使人猶愛住江南

贈沈子成

學琴年少已知名揮弄和柔指法精秋塞乍聞鴻
鴈叫朝陽還聽鳳凰鳴幽人隱几中情適壯士投
戈宿憤平此日有虞興至治南風一曲解同聲

偕汪侯宴舟中

仲弘詩

卷七
八

汲古閣

中流畫鷁獨翱翔暫勒鳴騶駐岸傍風引錦帆衝
野色波隨蘭棹汎晴光草涵宿潤珠璣滑麥漲春
雲餅餌香何事乘槎之海上問津從此達天潢

偕鄭尊師飲余氏池亭

池亭翼翼午風涼隔岸田疇穉麥香碧水千尋鷗
蕩漾青天萬里鶴翱翔藏書不爲傳孫子學道還
宜應帝王獨行似君何可得結交晚歲獲求羊

竹所爲余隱君作

奇君負郭定幽居多植修篁數畝餘結實已期棲

鳳鳥垂綸仍欲釣鯨魚揭竿對戶思排戟截簡盈
筐備寫書清響繁陰皆可愛炎天飛雪滿庭除

贈月桂庭長老

婆娑影滿一輪中普照人間不計功金色光明函
世界玉毫相好現虛空開時已與羣芳異出處難
將衆木同萬里青雲方得路遨遊願入廣寒宮

送王仲致舍人歸閩中

鳴騶擁道去翩翩欲詣閩中拜墓田伏虎爲司樵
牧禁蟠螭著代鼎彝鑄上公復世儀文備胄子承

仲弘詩

卷七
九

汲古閣

家問學專家舍驟興循制度大書史冊必流傳

用左轄郝公詩韻寄曹雲西居士

姓名燁燁冠清流處世還同貉一丘千木道高寧
仕魏子房身退尚封畱靜依杉竹營書室深入藕
荷理釣舟乘興每思陪笑語揚帆萬頃泛清秋

送劉希孟赴曹雲西招

吳郡唯君善鼓琴曾于律呂用情深和聲細潤鶯
遷木奏響清圓鶴在陰素習已能除俗調靜聽真
可禁邪心相知賴有曹居士爲產從茲過十金

送葉顯仁任衢州錄

吾鄉文雅舊彬彬再遇時清喜有人鳳沼已聞繇
衆選熊蹯無愧用賢賓橫經辯論超周列奉檄光
華及老親姑茂到家三百里告歸晨省莫辭頻

暮春遊西湖北山

愁耳偏工着雨聲好懷長恐負山行未辭花事駸
駸盛正喜湖光淡淡晴倦慙客猶勤訪寺幽棲吾
欲厭歸城綠疇桑麥盤櫻筍因憶離家恰歲更

題夏氏濟饑詩卷

仲弘詩

卷七
十

汲古閣

木饑火旱際荒年百姓流離狀可憐往往富人心
似鐵纍纍餓殍口生烟此時顆粒無沾丐是歲鄉
都少棄捐天道神明如鑒在宜令夏氏子孫賢

謝曹雲西菊

聽鶴亭西處士家中國萬本值秋華攜鉏歲歲根
株茂載酒時時興趣嘉已散白英凝曉露更敷紅
艷照晨霞新題料得篇章富肯示同遊細細誇

題沈氏東陽義塾

泣海蒼涼建學宮雲端百里現青紅東南多士題

詩徧西北諸儒坐席通求道每加操守力明經深
著討論功流傳後世光華盛事與南京戚氏同

謝曹雲西寄菊花

君種菊花兼五色能令秋日勝春時香浮殘竿和
金屑光射園林列錦帷遠水波寒凝慘淡嚴霜節
屈厭離披淵明去後踰千載猶有斯人把一枝

寄無錫倅劉雄飛張景亮二史君

閱閱俱高負美名共分符竹守江城帆檣密送遮
天影鐘鼓遙傳動地聲木落西山愁歲晏禾登南

仲弘詩

卷七
十一

汲古閣

私慶秋成知君佐政多恩惠側耳邦人頌太平

次韻羅雲叔雪中見寄

目前坑塹已平填此日封姨復弄權略約未通溪
上路輾輻方陷漠南天寒侵免窟愁山鬼凍合龍
宮偈水仙堪羨廣文才力壯詩成竝和轉清妍

贈張相師

縉紳往往識名流歲晏猶爲汗漫遊自許唐生知
蔡澤欲干季布禮曹丘囊詩價重聯珠玉匣劍芒
寒射斗牛輦轂諸公爭致士江湖何事更淹留

次韻汪復心主簿

秋霜壓鬢似相陵喚父呼兄乍肯鷹厭采黃花延
醉客喜焚柏子待禪僧驟登臺閣期君可久困塵
沙歎我曾二子說聞俱好學鵬程萬里羨飛騰

送方天瑞釣臺山長

富春江上釣臺高傍築書堂處俊髦要爲鄉閭施
教化更因山水暢風騷鹽鹽供養寧嫌薄朱墨研
磨肯憚勞至日菊花黃滿地淋漓觴酒任君操

高沙朱山甫挽詩

仲弘詩

卷七
十二

汲古閣

何勞開市稅魚雞歸去山中樂舊棲瘦杖穿雲登
峻嶺小舟乘月泛清溪無僧扣竹茶仍煮有客尋
花酒亦携江海風流今已矣孤墳愁見草萋萋

送高子盤初菴山長

文行繇來著本根芳菲何異殖蘭蓀諸公籍籍多
相許凡子區區不足論書館已能更士習翰林併
可代王言明年復應求賢詔必掇高科奉帝軒

題張氏順堂

厥宗好德繇先世門內曾無害氣侵春鯉上盤琬

白玉夏蠶登箔鑄黃金兒長愷悌求書帙女大妖
妍弄繡針彼美堂名從此得固應長句爲君吟

遣興

庸人往往慢吾曹汨沒空嗟命不遭死後欲留千
載譽生前須作萬人豪倦遊關塞身將老悵望雲
天興漫高却恨素無田二頃欲乘春雨執東臯

用左轄郝公詩韻曹雲西居士

羨君祕學治玄玄黃老遺文有自傳不與宛駒爭
萬里漫隨遠鶴歎千年橫編每欲論今古中酒何

仲弘詩

卷七
十三

汲古閣

勞問聖賢甫里似聞杭稻熟舉家還泛五湖船

題胡伯衡飛雲圖

未應時命固相違千里遨遊久不歸已占龍頭承
紫詔更靳馬首賜朱衣塵沙客路牽愁遠泉石家
鄉入夢稀日夜思親心更切滄浪悵望白雲飛

元日早朝次韻辛良史

掖垣迢遞到城回魏闕嵯峨此日開赤帟會庭宵
仗引朱輪爭道曉鐘催三泉忽報藏金甲萬歲徒
聞獻玉盃樂奏象簡從此畢小臣思見鳳凰來

歸至丹陽宿逆旅主人夢作燕子詩

燕子歸來意何當羽毛初刷仍煌煌孔鸞相望不
我與鷹隼有知那汝傷晴雲淑郁鳴上下春院芳
華飛頽頽莫言帝力遠微物長發曾聞興彼商

送吳真人二首

具嚴威命領祠官歷祀名山不厭難上帝乘龍遊
下土真人騎鶴降虛壇已刊白玉爲封檢更鑄黃
金作祭冠國壽延洪千萬歲願所穀熟小民安

又

仲弘詩

卷七
十四

汲古閣

子紹重黎有大功父宜封建至三公綵綸詔下皇
恩重黼黻衣成古禮崇視草乍聞辭玉府獻桃曾
見到珠宮有闕文便與彭錢得壽同

題貢氏秀野堂

貢氏諸郎皆好學南湖舊有讀書堂波濤已逐鯢
鯨化霧雨猶聞虎豹藏隴上麥禾春娓娓谷中杉
桂曉蒼蒼君卿雅有當時望八十能來佐漢皇

次韻張仲實除日間鵲

奕世侯門能載德微如鳥鵲到今馴雕簷曉日鳴

聲好綠樹春風鼓翼頻雲漢有愁天欲近昆岡見
抵俗難親主人定有除書至貴爾先知及上春

吳山晚眺

山椒暈構四垂寬上相旌旗會覽觀傍近江湖天
廣大上連星斗地清寒龍宮永鎖函書闕鳳嶺重
嗟苑樹殘此際獨無雲蔽日正宜翹首望長安

次克明韻贈劉時中

循行郡國弗遲遲宣布新條及盛時民俗要令無
狗盜人才今喜得牛鑿窓間夜雨銷銀燭門外春

仲弘詩

卷七
十五

汲古閣

雲壓彩旗左右湖山都未覺好分餘力治文辭

潮

潮頭初起壯何如如阜如岡乍有無高浪駕天龍
出沒疾風吹樹鳥謹呼陰陽莫測機相軋朝夕初
生信不渝海石向來誇水德已應傾倒盡歸墟

次韻袁德平苦雨

二月雨霖無乃早園林誰復辨青紅浪花汨汨還
登岸雲葉翻翻久亂空水落巖崖通鳥道壑流榴
翳塞龍宮只今海上尤空濶願踏浮槎逐釣翁

遣興

門前高柳綠紛紛
戀靄留烟晝不分
雨砌芳菲晴後見
風窗言語靜中聞
桐花可作鳳凰食
竹葉還成虎豹文
但使此心無外慕
卜居何日絕人羣

雪

急霰中宵響瓦墜
寒光未曉入窓稜
橫飛朔野威風壯
盡壓西山氣槩增
蟻酒佐歡唯弟共
貂裘縱獵豈吾能
如今何處堪游目
葛嶺浮圖寂一層

夏夜對月

仲弘詩

卷七
十六

汲古閣

暑天煩倦唯酣寢
薄暮登樓起宿痾
簾報新秋涼意早
窓開永夜月明多
不眠孤鶴頻驚叫
好事流螢屢見過
安得泛舟江海上
坐觀冰鏡落滄波

送方仲永爲重慶路教官

君有英才世罕徒
矯然如鶴上天衢
長懷道藝干明主
却恨衣冠累鉅儒
愁裏論心相慰藉
醉中發興共歌呼
此行萬里官西蜀
有問長因竹使符

次韻劉時中見寄

泥塗霄漢固難謀
亦有元龍百尺樓
籍籍圖書聊

自適茫茫江海與誰遊
但聞燕市能求馬
肯向秦川輒飯牛
富貴不才名盡滅
未應推沮恨淹留

遣懷

往歲銜杯意氣疎
願隨童子誦詩書
久荒靖節松三徑
獨守揚雄宅一區
春圃花殘收夏果
海門潮落買江魚
如今也足成吾趣
何事王門作曳裾

仲弘詩

卷七
十七

汲古閣

楊仲弘詩卷七終

楊仲弘詩卷八

題高尚書竹石

矯龍疑蒼筠踞虎肖白石倘乘風雲會變化那可測

趙浚儀公竹石

老竹倚危石比德猶弟兄凌競度霜雪然後大節明

王晉卿古木

走根坼裂石曲榦漸清漣雷電忌交作化龍起重

仲弘詩

卷八

汲古閣

淵

墨蘭

謂香辭迫求曰色却媚愛執德非固然何用結爲

佩

墨蕙

與蘭大相似多花花蕊蕊在古象何人孤竹君二

子

題松雪翁墨竹 二首

蘅蘭倚修竹寂寞生幽谷比德如夷齊於此受命

獨

又

側石狀奇峭橫竹枝扶疎倚蘭復叅立信哉德不孤

題墨竹四首爲鄭尊師

飲霧初泠泠沐雨還施施相從采真遊可作晤語對

又

蔽日訝無影疏風疑有聲移根來室中尙假筆墨

仲弘詩

卷八

汲古閣

精

又

虛心可遊世直道難事人伯夷聖之清信哉德有

隣

又

風味旣澹泊顏色不斌媚孤生崖谷間有此凌雲

氣

畫竹二首

翡翠含春霧琅玕振曉風清聲來枕上秀色入簾

中

又

萌芽成虎豹變節作蛟龍正直唯吾與清修必子從

七言絕句

客中卽事 五首

漸覺星星兩鬢皤推愁不去奈愁何客中忘却春光度驚見前林嫩竹多

又

仲弘詩

卷八

汲古閣

終朝矻矻坐書帷春去春來總不知怪得山禽如
有意隔窗掠亂踏花枝

又

幾日懸懸雨不休客窗孤迥使人愁杜鵑啼切知
何處坐對雲山萬木稠

又

美木千章遶故宮如烟如霧塞虛空路衝南北山
岡斷披拂能來萬里風

又

遠望潮頭出海來直衝西岸復東回鷗夷萬古留
深恨如此波濤亦壯哉

悼隣妓 三首

西子湖邊楊柳花隨風飄泊到天涯青春遇着歸
來燕銜入當年王謝家

又

金沙灘上觀音面劫火光中幻化身抱取摩尼却
歸去天衣元不污風塵

又

仲弘詩

卷八

汲古閣

一種腰肢分外妍雙眉畫作月娟娟春風吹破襄
王夢行兩行雲若箇邊

種柳圖

連山斷岸古今同彷彿柴桑入望中爲問江邊枯
柳樹飛花幾度亂春風

趙松雪畫蘭竹石

石上蘭苕已蔚然竹枝相間復娟娟正如王謝佳
公子文采風流並世傳

謾題

都門幾度見秋風
楓柘連山樹樹紅
江海此時回首望
黃花滿地酒樽空

贈陳相士二首

英豪無處見知音
奔走塵埃嘆陸沈
他日預言當富貴
相逢何惜贈千金

又

江湖茫茫眼欲空
尋常貴賤相多同
低頭強與時人語
踪跡徒勞逐轉蓬

棘林圖

仲弘詩

卷八
五

汲古閣

村北村南隔暮雲
滿林黃葉亂紛紛
楚江回首三千里
過鴈如今不可聞

沙鴈

漠漠寒烟樹影微
一行沙鴈背人飛
江南江北秋將盡
客子如今猶未歸

題應中父所藏陳仲美山水小景

層巒疊嶂倚晴空
松檜相連秀色同
下有幽人茆屋在
浩歌宜屬紫芝翁

扇上竹

種竹何須種萬竿
一枝分影亦檀欒
秋宵更受風披拂
聽取清聲入夢寒

題高尚書墨竹

尚書善画名天下
戲掃修篁筆更奇
何異補陀巖石上
雪霜摧折有殘枝

聽琴圖

繇來六律妙難知
聖德巍巍亦有師
欲向琴中求至理
想從虞舜五絃推

讀碑圖

仲弘詩

卷八
六

汲古閣

老瞞自負知無窮
文藝兼求事事通
獨忌楊侯才勝已
陷身令入網羅中

水仙花

花似金盃薦玉盤
炯然光照一庭寒
世間復有雲梯子
獻與嫦娥月裡看

題雪竹圖

飽經雪霜性堅強
拔起危梢百尺長
大節挺然雖屈撓
渾如宋璟立班行

題風竹圖

屋後屋前皆種竹中宵無奈朔風號似維舟楫滄
江上裂岸崩崖聽怒濤

題息齋竹

老節嚴嚴若自持脩然分影覆堦墀此君不受纖
塵污更看清朝雨過時

雷泉

石崖深處有潛龍奮起春雷不見蹤自此白雲山
下路流泉一道響淙淙

次韻康子山舍人

二首

仲弘詩

卷八
七

汲古閣

兼旬風雨氣寒涼院落幽深草木長却喜今年多
夏果碧苞丹實滿林香

又

欲賞秋花色已涼碧雲散盡楚天長姮娥舊種無
多樹何故人間有此香

題鍾呂傳道圖

濟世曾聞有大才超然脫屣去塵埃劍光昱昱今
何在上下乘龍戲九垓

到京師

城雪初消蘂菜生角門深巷少人行柳梢聽得黃
鸝語此是春來第一聲

送人

二首

客路逢春雪乍消眼前愁思轉相撩垂楊染作黃
金色舞遍東風萬萬條

又

金溝河上始通流海子橋邊繫客舟却到江南春
水漲拍天波浪泛輕鷗

画竹石

二首

仲弘詩

卷八
八

汲古閣

竹前怪石起參差篁竹叢深使客疑如過瀟湘江
上路鷓鴣啼罷日西時

又

息齋道人能画竹攬結造化歸毫端偶從紙上得
一箇大勝渭川栽萬竿

宿浚儀公湖亭四首

夜宿湖亭水氣涼四更風露濕衣裳空濛霧重前
山暗屋角斜明是月光

又

兩兩三三白鳥飛背人斜去落漁磯雨餘不遣濃
雲散猶向前山擁翠微

又

幾年鄉夢隔江湖此日登臨興不孤小艇欲行無
遠近不愁歸醉要人扶

又

能文亦有張公子往歲俄加道士衣載酒白雲山
下路擬將毫翰與同揮

題十二紅卷子

仲弘詩

卷八
九

汲古閣

碧桃枝上有珍禽調舌交交聽好音畫出江南春
意思明年携酒共追尋

題巨然秋山

山色嵯峨樹老蒼筆端描邈辨毫芒從來名下無
虛士可與荆關作鴈行

題鄭子貞畫像

二首

外姓爭權國必危若人有道獨前知倘緣辟召登
朝著忍見他年漢鼎移

又

躬耕谷口雜編民寧肯懷金媚賊臣楊子解言如
許事不知執戟是何人

次韻陳又新真人北上

驛騎翩翩抵甌歸壽觴捧罷戀慈闈秋風萬里關
河道回首那堪翔鴈飛

贈高如山

江行矚望多奇絕疊壁重崖翠倚空此日如山相
邂逅皓然秋鬢一衰翁

題畫兔呈馬伯庸學士

仲弘詩

卷八
十

汲古閣

姮娥乞與長生藥自可騰空入月中竊食草間多
利害飢鷹奮擊待秋風

喜晴

樓外斜陽放晚晴街衢前後聽歡聲迴舟更倚南
風順千里青山照眼明

題廣寒龍先生詩卷

三首

匡廬山下有仙翁壽與乾坤配始終記得霓裳羽
衣曲此身曾入廣寒宮

又

人事休祥靡不知道高曾作帝王師龍顏大悅承
天寵長記麻衣上殿時

又

古來聞有列仙儒栖宿巖巒道味腴度世直須功
行滿乘龍飛去侍清都

題倪御史墨帖 二首

官府移文存大畧僧家常住守清規祇令坐奪齊
人食嘆息浮屠亦少衰

又

仲弘詩 卷八 十一 汲古閣

唐季朝銜亦漫加長憂群盜亂如麻子孫奕葉猶
昌熾知是當年積善家

紀夢 二首

四面青山擁翠微樓臺相向闢天扉夜闌每作遊
仙夢月滿瓊田萬鶴飛

又

紛紛鸞鶴滿虛空耳畔如聞度海風直上雲霄千
萬里此身飛入紫微宮

題溫日觀葡萄 二首

老禪嗜酒醉不醒強坐虛欄寫清影興來擲筆意
茫然落葉滿庭秋月冷

又

醉中捉筆兩眼花倚簷架子欹復斜翠藤盤屈那
可辨但見滿紙生龍蛇

題墨竹 二首

嶰谷陰寒石如鐵二龍僵立露骨節春雷動地萬
物活畏汝飛騰衝石裂

又

仲弘詩 卷八 十二 汲古閣

攢青聚綠生巖幽海濤聲引風颼颼年年三伏林
下卧白晝惺惺如深秋

用韻送德陽入越爲贅壻 二首

從來浪迹信流槎始至山陰便作家不與淮王援
桂樹應隨越女採荷花

又

輕霞薄霧詰朝晴岸柳江梅着樹明更向若耶溪
上聽傍人歌唱盡春聲

次韻子正雪中雜興 四首

天宮何事又飛花欲以文章起作家坐想玉堂風
味在赤銅官鼎試春茶

又

舊說曾城玉爲樹千樹萬樹遶仙家又須天上春
風早想見飄零如此花

又

姑射仙人玉佩裳周流天地有輝光但令穀熟不
疵癘未受人間黍稷香

又

仲弘詩

卷八
十三

汲古閣

寂寞寒儒半畝宮堆瓊積玉未爲窮向來得此成
奇觀一任衡門動健風

題子行所藏魚藻圖

畫出儵魚戲綠漪羣分小白更相隨主人真得蒙
莊趣視此洋洋樂可知

題宣和畫爵

蓂然徵命出蓬蒿飛躍無踰數仍高阿閭鳳皇行

此畫渠能使聖躬勞

又

一爵翩然飛且鳴翎毛嘴爪若天成遼陽一往無
消息猶得人間著畫名

次韻雪 三首

若有神人爲散花往來揮灑任橫斜乘龍忽忽行
天上何不斯須過我家

又

初上衣裾細細花老松俄頃半枝斜高林窮谷無
行徑敗壁頽簷有住家

又

仲弘詩

卷八
十四

汲古閣

研光帽于舞山花吹落曾城萬仞斜安得鸢輪爲
我駕一時飛到列仙家

題曾氏墳山詩

漫漫平田一望中前山突起勢穹崇千年畱得孤
墳在祇爲州人敬魯公

題三生圖

一生曾歷萬生多貴賤賢愚變幾何更向此身存
業識茫茫大劫詎消磨

雲林雨霽圖爲瞿澤民賦

麗澤乘時灑八荒歸雲杉杪尚悠揚齊民亦有豐
年望豈但陳陳問太倉

山谷帖

古來君子重親親欣戚相於此意真再拜先賢遺
墨在弟兄鬪閱是何人

趙承旨帖

書名世仰浚儀公望重朝廷品秩隆今日後生思
倣倣臨池須費十年功

陽關圖

仲弘詩

卷八
十五

汲古閣

咸陽西距玉門關萬里征人憚往還此別尊前須
盡醉相逢俱是鬢毛斑

春山圖

春山流水暗涓涓發斂朝雲與暮烟更茸奇峰千
萬仍不愁無處學神仙

集虛

虛室還能致吉祥唯嫌六鑿互相攘百神受命皆
來含豈假乘雲入帝鄉

偶題二首

巨木埋根數百年蔚然蒼翠上參天不歸宮闕充
梁棟也作龍舟濟大川

又

海上雲來徧地陰波間漏日瀉黃金水車倦踏傷
涇潦無奈連天雨正深

画枇杷

四月江南盧橘熟離離佳實滿枝黃丹青偶向圖
中見漬蜜猶思配一觴

偶題

仲弘詩

卷八
十六

汲古閣

藏名匿迹黃塵中日抱書案心冥濛牆頭花變兩
三色又是一年看春風

清溪

霧擁春郊白晝昏清溪路斷客銷魂更憐把釣衝
風雨欲與漁翁共一樽

喜晴

簷外喧喧雀報晴夕陽猶照小窗明迴舟更倚南
風順要聽田家打麥聲

題沙總管屏風

驚濤奔衝山震動靈液滲灑樹滋長襲肌或怯寒
吹搖入耳如聞怒雷響

画馬

天家狙狡骨骼奇朝飲暮秣必以時世無造父能
駕馭直欲弄影舞瑤池

楊仲弘与范德機皆少孤也後同直史館嘗
有詩送德機云往尋後君宜禁林相於道義
見情深有悲併許詩頻和已醉寧尋酒處斟
漏下秋宵何省上窓閒晴畫自陰上當時話

仲弘詩

卷八
十七

汲古閣

別雖匆遽祇使離憂攪客心合誼操一序並
讀則二人交情名宮商形影之不能可想見矣
宋濂後移仲弘詩出一洗宋季之陋述其語學
者曰詩當取材於漢魏而音節必以唐為宗
真白氏金鍼集中名句也都云教云以實揚范
揭四子方塘宋人特取山之卷石拔才正學一
詩云天厯此公著心新力挑舊習祖唐更廣家
未脫風沙氣雖詆禦重作後聲是史法于文
字之外示褒貶之意也哉海隅毛晉識

范德機詩序

范先生者諱樟字德機臨江清江人也家貧
學有文章工詩尤好為歌行年三十餘辭家北遊
賣卜燕市見者皆驚異之相語曰此必非賣卜者
已而為董中丞所知召置館下命諸子弟皆受學
焉由是名動京師遂薦為左衛教授遷翰林國史
院編修官與浦城楊載仲弘蜀郡虞集伯生齊名
而余亦與之遊伯生嘗評之曰楊仲弘詩如百戰
健兒范德機如唐臨晉帖以余為三日新婦而自
德機詩

一序

汲古閣

比漢庭老吏也聞者皆大笑余獨謂范德機詩以
為唐臨晉帖終未逼真今故改評之曰范德機詩
如秋空行雲晴雷卷雨縱橫變化出入無朕又如
空山道者辟穀學僊瘦骨峻嶒神氣自若又如豪
鷹掠野獨鶴叫羣四顧無人一碧萬里差可彷彿
耳晚尤工篆隸吳興趙文敏公曰范德機漢隸我
固當避之若其楷法人亦罕及其居官廉直門不
受私謁歷佐海北江西閩海三憲府三棄官養母
天下稱之嘗一拜應奉翰林文字而有閩海之命

不果行至順元年年五十九卒其詩道之傳廬陵
楊中得其骨郡人傳若金得其神皆有盛名其平
生交友之善終始不變者郡人熊勰也楊中將刻
其詩命其子繼文請序爲書其始末如此嗚呼若
德機者可謂千載士矣楊中字伯允傳若金字與
礪熊勰字敬輿詩凡若干卷富州揭僕斯序

德機詩

二序

汲古閣

范德機詩目錄

卷之一

送張鍊師歸武當山

奉同元學士以落月滿屋梁猶疑照顏色

爲韻賦贈鄧提舉之官江浙一首

寄謝周文學

贈馮鍊師歸岳陽

贈李學正洙扶觀歸真定

次韻古體二首

德機詩

目錄

汲古閣

和胡椽

貽字述魯編修

蒙恩供奉翰林未行改佐閩幕自豐城便

道取疾錄撫過肝與郡守薩侯會約尋

麻源不果明日別肝

上巳日文宣王廟陪祀畢歸西館作奉貽

儒宮諸同志

昨夜書懷將行且書且賦因成十二韻

上牛頭石望海

重五日至西峽渡解后閩帥王侯盛稱山	川之壯余謂可以爲知矣亦復有賦渡	近方山之下	送樵隱侍親之濟南	西岩夜宿懷雷州幕府同僚	奉同陳應舉月夜齋宿玉堂有賦 <small>五首</small>	袁州謁韓祠已宜春臺晚眺	八月十九日城東辟喧孤坐書懷	畱贈黃明府	德機詩 <small>目錄</small>	二	汲古閣	繇海昏入武寧道中	過梅尉祠下	七月初二夜洪州對月懷伯丈親舍	和廉將軍村居二章	九日報熊敬輿	贈安西王提舉別	宿夏庄	夏日奉酬汪使君	贈方永叔往教重慶路
------------------	-----------------	-------	----------	-------------	---------------------------------	-------------	---------------	-------	-----------------------	---	-----	----------	-------	----------------	----------	--------	---------	-----	---------	-----------

冬至日	天冠山	送吳真人持詔寧親	贈揭景哲茂才別	贈李端朝別	散步還南軒	市汊水驛候邑吏不至北亭書懷	發富州	寄劉掾	德機詩 <small>目錄</small>	三	汲古閣	嘉澤	度澤過關山	古干將	須句曲	沂漳水有懷在京二三子	鵲來巢	盧鴻	和答楊茂才	春雁
-----	-----	----------	---------	-------	-------	---------------	-----	-----	-----------------------	---	-----	----	-------	-----	-----	------------	-----	----	-------	----

卷之二

韓山曲

二杏

甲寅

贈別白忻州

檢校菊吟

雨後山莊圖

道靈巖峽宿吳都人家

谷口散暑

登石城驛亭

德機詩

目錄

汲古閣

饒國吳氏晚香堂

立秋日分司書懷

將赴江淞大府校進士試會疾止建安驛

上後山東眺郡城作十二韻

送答里麻廉訪使

有序見文類

肇慶李知事會別至峽上阻風因以懷李

贈李兄提舉之官豫章

立春日和王翰林

寄福建杜廉訪使君

贈翰林宅山水圖

奉觀百官迎香輿出南郊

和謝友人惠范君用筆

詠古

贈別羅元友教授之應昌

感興

袁州謁韓祠

重出

四月朔經楊林作詩奉命宣布郡縣值大

水蠶俱盡深念民生

德機詩

目錄

汲古閣

八月十五日公堂讌別作

秋日海康齋居

懷丹丘奉寄元尚書

止酒

曉出西郊

登西山頂還方澗作

秋江釣月

郡中卽事十二首

出甘蔗州

晚登南樓眺烏石九仙方山諸峰

四月八日訪閩粵王無諸古城遂至蓮花

峰下僧寺寺乃唐王審知祠

數日毒熱喜雨適立秋先三日也

新雨堦除花藥倍茂田里生意懷之欣然

情至有述簡諸作

苦熱懷楚下

觀錢塘上人墨蘭 二首

明月幾回滿

德機詩

目錄
六

汲古閣

蒼山感秋

酬申屠子迪

筠州東都遇雨

贈宣掾蒲瑛還靜虛山房

遠遊

述古

卷之三

題張果老騎驢圖

題竹樹圖

秋江

建昌小湖望廬阜 二首

題二仙圖

絕句 五首

看東亭新笋

送別

燭夜

秋江圖

芙蓉

德機詩

目錄
七

汲古閣

蘄州城下晚泊與土人語及西方事平有

喜而作

黃州道中

贈孫秀才

舍前龍骨樹

百丈山中夜坐聞謹思將還憶甲寅入南

中正此日也十二月二十三日 六首

壬戌秋錄囚晚行寧州道中追錄

寄題嚴氏樊川別墅 二首

數日跋涉泥淖至北山始霽暮經鄱陽湖	寄謝董簡卿	步畦	引兒灣晚泊	秋雨寓舍酬答夏編修 <small>四首</small>	九月十四日過紫極宮熊道人房	九月諸生携酒至城東看菊	閱除目仲淵宣慰傳之廉副俱出山南暑夕有懷無由傾倒	德機詩 <small>目錄</small>	題山居圖 <small>汲古閣</small>	社前七日作	奉訊浦編修	送譚殷卿歸徽州	題贈李右丞	晚過孔奉常舍下	悼遠用友人韻	酬孔太祝	贈別朱生爲南海醫教得問字
------------------	-------	----	-------	-----------------------------	---------------	-------------	-------------------------	-----------------------	-------------------------	-------	-------	---------	-------	---------	--------	------	--------------

贈別李教授亭赴五羊先往餘饒觀省	贈別徐教授之欽州 <small>二首</small>	移居東城	十二月五日雪答傅淵道	王繼學晚過舍下翌日惠詩兩章用韻會	貺 <small>二首</small>	和二章已而徵者適至戲用韻爲再疊云 <small>二首</small>	用韻報李宗明 <small>二首</small>	德機詩 <small>目錄</small>	送張月梅 <small>汲古閣</small>	三月二十三日雨中示諸生	贈別李太祝還廣平省親	贈畬吳二奉禮	登南城樓	寒食後百丈山夜坐	月出	山壽生日	九月二十八日濟上作
-----------------	----------------------------	------	------------	------------------	---------------------	------------------------------------	--------------------------	-----------------------	-------------------------	-------------	------------	--------	------	----------	----	------	-----------

快閣延望

題秋山圖

正月三日大雪

康大監善慶堂

九日和危太樸見貽

九日簡危太樸

夏夜登後亭

湖上值雪

貴州

德機詩

目錄
十

汲古閣

發橫浦之永淳縣

寄劉傳之

晚至沙塘

三月十一日遭家人還舍奉侍值雨十四

日值晴作

古木

贈別韓德卿歸安西因候蕭司成

寄宿維揚驛寄懷王儀伯

題靖節徵士歸來圖

題吳生雨吟圖還寄清江皮野

東齋秋雨後花藥具有生意

病中

哀文集賢時奉使南海道卒

贈葛推官

張別駕山居產玉芝

贈別李全

奉寄高郵李使君

晚興

德機詩

目錄
十一

汲古閣

澄邁縣有蘇內翰所題通潮閣在海上

將行值暴漲

詠荔子

細雨

和謝梁內舍過訪

河口

晨至西郭池亭見新荷有感時物而作

三山對月懷山壽

晚上南山觀燒

庭草

昨遊

雪觀雨後對薛老峰

京下思歸

延平西峽

次韻曾五判官

贈顛叟僧別 二首

遣懷

卷之四

德機詩

目錄
十二

汲古閣

贈海康舉進士者

送鞠

奉新縣樓對月望浮雲山李八百洞超然

有懷

閩州歌

奉陪京城諸友遊南城尋丘尊師道場作

贈劉山人遊湖南

搗練圖

題李白郎官湖

王氏能遠樓

梁椽枉教冬菊之歌仍韻答貺

錢舜舉畫馬歌

杏葉黃

題姑蘇丁氏一樂齋

贈彭生

侏儒行

輓轡怨

田君寫真

德機詩

目錄
十三

汲古閣

贈鄭元澤別

張月梅子昂竹石圖歌

西黎歌

掘塚歌

望瀛海一首送危太樸之四明兼簡廉訪

鄧使君翰林袁侍講

重登興真觀小樓

至日行

得黃太史重碧拈春酒輕紅擘荔枝十字

扇面以歸友人

孟先生

七月一日颶風後奉和廉訪使

奉觀許尊府遺墨

夜上烏巖

朱鍊師洪厓丹井歌

古杉行

題皮野逸亭

卷之五

德機詩

目錄
十四

汲古閣

釣臺歌

首陽山圖

贈余相師

張明德經歷松石圖

二韓詩爲韓吏部作

懷舊游贈別杜君還益津

用韵酬醵茂才

畱諸生

凌雲篇

舟下龍舒望九華有懷秋浦守集賢周使

君

小孤行

張吏部宅山水辭歌

贈李山人

已未行

次韻賦吳尊師漱芳亭白紅梅花二首

贈陳兄

奉酬段御史登岳陽樓之作時分理盜賊

德機詩

目錄
十五

汲古閣

至海康

贈俞楊顯民四方采詩

題冷架閣修原圖

蕭鍊師

登君堂酌君酒爲張氏順堂賦

贈別清夫還吳

城南諸園觀牡丹

奉和效古意醉歌

二月行

送蕭二十兄

雲林歌爲貢供奉作

芝山歌

奉和李監丞醉贈羽人之作

官河曲

元城行

卷之六

懷小柏

楓林雨止

德機詩

目錄
十六

汲古閣

題黎氏家山圖

社日

贈卓秀才還澄州

五月二十六夜宿松林蘭若

瑞州城東水邊松下遇老翁稚子蕭然有

桃花源想

登高風亭

桑落洲

發湖口

潯陽

題山水圖

十月白牡丹郢中孫氏家植也

八駿圖

試院中戲題姚檢校山水圖

以瓊扇一握奉致黃明府

詠鹿

鐘陵夜宿聞鐘

宿村庄見高進士留題戲作

德機詩

目錄
十七

汲古閣

午憩村落竹溪上

日晏

四月三日早作訪夏編修

禽贈晚春

初六日在院中僚友無人至

因杜右父編修贈痔醫

院中夜直

贈黃道士別

鄰燈

休日	十一月十六夜	戲題二牛	離揚州	贈裴氏二子	過三合驛	江閣雨望圖	見觀西人家石榴	十月十一夜東署聞鴈	德機詩 <small>目錄 十八</small>	詰朝進書西宮問盧九修誤借馬戲奉絕句	高齋	候孔枚書	悼節	清明後聞鄰莊牡丹盡發館中獨遲雨晴	忽開一枝詠以志賞	題楊補之墨梅	江東晚泊
									汲古閣								

江上古祠	重感	湖面	玉隆宮	經梅仙壇下	北山谷中老父	題萬竹秋聲	錢生幽禽圖	封州作	德機詩 <small>目錄 十九</small>	渡端州峽	正月二十四日至寶圭驛是北流縣自此	遵陸指鬱林矣	登杏磊驛樓自此度海	謁海神廟	得樟樹鎮便寄家書	瓊州出郭	臨高阻雨	檳榔寨
									汲古閣									

定安縣

至富屯

西樓

遊南臺閩粵王廟

元夕

正月十六夜雙門觀燈時閩粵閩官吏皆

集

二十六夜得舍弟書及知熊敬輿茂才消

息期旦夕有會并知便良尉快也

德機詩

目錄
二十

汲古閣

南澗志見

池館夜坐聽雨

懷京下親友

池上晚步

不寐

夜坐池上館

建安館夜坐聽流水

路傍樹

臨觴

聞笳

夜誦賦瓶花

寓書

山僧養太

憶得

聞東隣歌

贈郭判官

種樹

溝上

德機詩

目錄
二十一

汲古閣

卧庭

靈應宮

清明日畱西山

逢芳草

西谷訪人不遇

題閨人望遠圖

酬友人月夜見寄

題沈李二山人談道中

春日 upper 平坡寺

省災初至新建山谷山家

山下

章義門送人還南城觀臺

懷臨江寓居

清明日

西垣感春

楊花

挽西蜀先生

歸自館中聞鶯

德機詩

目錄
二十二

汲古閣

友人壁間寒山圖

東郊

絕句

懷南省海棠感新事作

贈聊城施主

贈盛復之之官宣德

戲題張平章所贈洪生書後

贈水鑑道人寫真

十二月十九日候進賢該吏不至看野人

家道書

送薩僉憲至岩頭渡

小年日仍宿北山

題秋林圖

牽友堂

戲題奉寄行營董僉事

和揭曼碩茂才揭嘗過臨不遇畱題墻壁

題烟雨圖

題稚川蘆鴈圖

德機詩

目錄
二十三

汲古閣

伊孝子

題松雪圖

桃花原是漸嶺對江

卷之七

正月節日上寶曆寺行禮退述事

晚終皮使君江居不見賦簡

松湖渡亭子夕眺懷西山朱鍊師

題阮茂才詩卷

贈熊處士還山房

贈傅汝礪北遊

贈熊文學

送馬椽遷潮南

八月二十日晚試院得雨次時作

贈李宣使

大明殿退朝

清讌奉教

四月十六日指東華門奉迎香輿

禮成還齊宮

德機詩

目錄
二十四

汲古閣

至夏庄懷平坡舊遊

贈王主事如上都

長春瓢奉同夏楊二編修爲九宮道人作

送梁知事之婺州

追和盧修撰張平章園亭觀花飲

秋日集詠奉和潘李二使君浦編修諸公

十韻

送白无咎太守之郡

奉同陳應奉訪友人不遇

夜坐有懷舍弟在江右別來凡閱九冬至

矣

寄別倪大同

將赴雷陽送羅提舉之任廣東

休日出郊三首

寄友人

題燕山僉事綵繡堂

贈余使君致仕還江東

焚樓鎮志曰漢大將焚船處也今爲文昌

德機詩

目錄
二十五

汲古閣

縣懷古奉簡邑文學

立春日

寄題何處士竹閣

屈原廟前觀雨雨止渡口觀魚

送毛練師奉祠禮成還京

龜潭參

題黃隱君秋江釣月圖

寄上甘肅吳右丞

三首

郭茂才要飲舍下忽報董中丞靈樞自上

都至出城迎之遂負此約戲題奉謝

九月十九日京東門與董右軍諸公別至

通州還寄在京朋游

山齋 二首

送陳從事歸江東 二首

傳之經歷謁告還湘中丞未語別而宵征

翌日與僚友追送生居亭中 二首

十月九日詣天光門上進三朝實錄

画馬

德機詩

目錄
二十六

汲古閣

石氏壽母

歸來

和柳提學贈危太樸

題新喻吳氏浩然堂遺事

過隣人園林

金鳳

贈楊茂才

贈王文學

到京之七日親祀禮成聞喜有作簡曹奉

常

辛酉歲元日

次韻送人之五羊

七月一日度毛竹山

曾教授趨韶州

獲鹿西郊在樵舍下十里鹿脫奔走山麓

余驅騎者踏之以縛自隨時藩兵方燎

原靡得觀者傳訝

靖海縣

德機詩

目錄
二十七

汲古閣

百丈春日紀懷 三首

太樸緘至君靜清詩讀之尉快斯文周弊

之餘安得見二桀然者敬歎敬歎一詩

寄謝并簡君瑞要知於二賢傾倒之至

也

弔張鍊師

季原李翁

寄題集賢周司直悠然閣

徐聞縣懷京下舊遊

泰定二年丙寅歲元日

自戎府出還珠門晚歸廨舍

閩山神光寺西厓上觀唐李陽冰篆篆爲

山僧架屋掩所壞居始二十二字云

遊南澗寺寺乃唐節度使王審知所建

伏觀中書以內郡饑通行拯拯新令感激

有作

憲司雙榕輪囷數十圍其芘數畝雨止觀

白鷺

德機詩

目錄
二十八

汲古閣

歸思

到官

風止聞鵲

奉和吳宗師退朝

奉觀郊廟禮成簡曹禮部

元用

和馬貢士元夕同觀燈之作

答李洞

調馬君

獨立

張留公母

奉和王繼學懷濟南舊遊

四首

和田師孟郎中寒夕西曹卽事

上真應寺觀寺後龍湫湫在厓上蓋由寺

北下馬並高數十折得之又數步許得

巨石有僧龕其中云卽唐盧叟所隱成

道處時日斜方焚香誦經間聞客至乃

能輟誦相迎作茶去

雨後坐郝大參亭子

德機詩

目錄
二十九

汲古閣

雨後過王長史

挽劉提舉

范德機詩目錄

終

范德機詩卷一

虞山 毛晉子晉 訂

送張鍊師歸武當山

張君瀛洲人來作武當客始來武當時祇着謝公
展弟子百數輩稍稍來服役誅茅立萬柱空中現
金碧辛苦三十年夜卧不側席以之律鬼神故亦
如短墨元年踰冬早火燒四國野谷方焦熬六
月畿甸赤朝廷亦不愛犧牲與圭璧僵巫暨憑史
歌舞無消息君時待詔來公卿初不識一朝傳天
德機詩 卷一 汲古閣

語問以濟旱策君云臣鄙愚造化非所測陰陽有
開閉此寔智者責公卿復致辭物生孔今棘已勅
京兆尹取足輸粟帛此如解倒懸祀事惟所擇君
聞猶固讓心寔內憂惕飛章白玉闕瀝膽殫悃幅
臣寔才淺渺臣寔學迂塞臣有一寸心願輔后皇
德后皇本愛民民今旱爲厄或者罪有由皇亦重
開釋祈謝各有方呪禁各有式上堂薦明水下堂
考金石夜分請命既昧爽大施設爲壇東市門經
紀法靈冊庭中玄武旗飄飄墨黍黑君臨一揮手

怒髮上霄直指揮東方龍卷水東海側指揮西方

龍卷水略西極北南暨中央各以方率職某日某

甲子漏下五十刻我在壇上伺不得忤區畫豐隆

與飛廉列缺與辟歷汝將汝風馳汝遣汝雷擊汝

雲馮勿滴汝雨必三尺汝不從誓言不畏上帝敕

至期果響奮動蕩七日澤常時人所難君若不以

力公卿奏天子是必有褒錫可以寵號名可以蕃

服謁君曰天子聖卿從誠所格臣敢貪天功況在

歸計迫昨得山中書至自青溪宅向來百弟子遲

德機詩 卷一 汲古閣

歸在朝夕暇時冬序半霜下木葉積明當課斬伐

結構西岩壁山田晚報熟芝朮及採摘獮猿長如

人夜夜盜柿栗隄防苟不豫六氣盡蠹賊公家事

既已私事容棄擲方知用世士遺世等糠粃所過

如虛空焉知去畱迹我持一瓢酒欲以贈遠色歲

算不見君悵望空中翮

奉同元學士以落月滿屋梁猶疑照顏色爲

韻賦贈鄧提舉之官江浙一首

青天青如石星辰何磊落適見北斗高忽復滯郊

郭感此流電驚行邁孰爲樂況植杪春令清商動
涼幕芳宴候朋親驅車背河朔登高望四野下田
畢新穫於時不同賞惆悵睎雲岳古人有云然未
契重交託託契自有初相睎在結髮請持交龍鏡
比似空際月昔月三五盈今夜三五缺月盈自有
時侯君采薇蕨采薇涉崇岡空筐不易滿季女懷
朝飢日下光纂纂豈無機杼思十旬義一澣含凄
就經緯意長絲緒短路逢相識親要入鮫人館泣
下仍成珠更苦哀歌緩緩歌浮雲停急歌流水促

德機詩

卷一

汲古閣

水流亦有宗雲散復成族踽踽行路子離居振羣
肅會合寧無期載感時運速晨風懷苑林玄鳥辭
萃屋明發念飛蓬秋聲浙江曲浙河名山水在昔
最餘杭浩浩海負區地絕川無梁執玉夸禹會帶
甲宣吳疆慨彼仁義都風俗殊興亡末代綴縣會
周衢沸絲簧聞之虛廟闕斷雨生蛩螢幸及九域
一四民樂時康游歷須慎重勿用多殞傷矧茲握
新命出布堯文章雖當日月遠足昭雲漢光凄其
金氣厲嘉賓方斂藏楊柳卧枉浦蒹葭委嚴霜物

情各有歸我獨不得將仰視雲中雁肅肅俱南翔
雲雁明天中回首顧齊州沙嶼重縣平竟復少遲
畱欲知鳴雁心黍稻非終謀視彼羣飛者矢心良
不猶不猶將謂何豈復不如茲明年擇聖蹈既往
無復疑譬之駉蹄駒昂藏養雲姿下乘歲百駕逸
足誠歸誰伯樂偶竝世當受知者知長鳴待儔侶
首路復安之所之在東南斷水列風嶠至人遺吏
隱出處惠兼妙干莫居匣中千年逸神耀一朝持
入手未言心相照照之千里外如在只尺間明夜

德機詩

卷一

汲古閣

夢見君怡怡越河關惜去不須臾念來亦循環古
時歧路人何用涕潛潛景岩草木斷虎豹啼空山
方水先春水野飯維清灣買觴斯魚鮮甫謝金鑾
班此行竟遂媾亦慰親友顏天目掃煙岫日夕飛
禽還山中桂樹多庶爲故人攀攀花貽遠道詢美
道中軼苦復無相忌報之雙白璧美人如夫容隔
浦無相識舊交日以違新交當日得各自有殷勤
初不在容色俯水愧游鱗仰空慚飛翼眷言執手
地歲暮霜霰迫踟躕復踟躕悽惻重悽惻

寄謝周文學

周子雅孝友聲價動江隅有德斯有言新詩敷道
腴示余以詠嘆累日不知劬雅亾風亦衰賴爾亦
區區與子初識面青春滿洪都別來二十年王事
勞馳驅山澤念耆舊風塵揚鬢鬚焉知離憂中乃
得此長娛公園橘柚寒驥鳴感修途發音詠隆施
重見能來無

贈馮鍊師歸岳陽

王子吹笙侶精神如九秋覽攜碧山屐遨歡帝王

德機詩

卷一
五

汲古閣

州江湖未識面寄語旋鳴騶夏雲逼幽澗春鳥啼
芳洲行色當及春景氣適惠柔眷眷將歸客勝日
懷林丘何時謝燕闕亦得西南遊洞庭木葉下期
爾岳陽樓

贈學正洙扶櫬歸真定

朔風吹急水哀雁繞天鳴送子川路遠浩蕩扶神
旌少年挾高藝求仕入皇京祖父通籍家蟬聯及
弟兄奈何抱長痛鞠此霜霰情伯氏江外居心殫
慈母驚奉命持哀來畱連鎮陽城會言襄祔事各

復東西行生養死當葬若爲好爵嬰最子泣血日
寡言收視營尚愛千金軀以保百代貞

次韻古體二首

偶爲淳朴語卽有熙夷風在世能勿忤聊以古爲
同大巧三代人所拙辨僞工曲哉末學士妄擬述
作功至性苟能盡焉能推盛隆先師予狂狷蓋憤
失所中於時得依歸敢嘆吾道窮

又

聖道缺已久文不充其資自從夏殷來因革當從

德機詩

卷一
六

汲古閣

誰中更鳴鳥聞載嘆德之衰寥寥大師樂復得存
那猗大音苟有託不必稽其辭設有盈樽酒日夕
斟酌之樂杯當在手自今不復疑胡爲不復疑賢
者當明知

和胡掾

三違江海春再見歲將夕開軒觴微風忽近載陽
節鳥鳴氣適和晨鵲亦稍集逮歡不猶今萬事已
逾昔緬懷命世士具爲知所役翻知不賢名可足
濟身策而我拙自藏流動日月積達觀良有餘仁

者造其極播弄明珠篇時草當更碧

貽李述魯編修

悲風動日夜游子絕河山一別十年流四方幾時
還憶子旅江外過余撫林鬢曉色竹庵霽春容杏
闌珊陽坡鳴赤雞陰館來白鵬文義相剖析宴歌
亦循環吳星逐夢變楚月帶愁彎自來燕薊中相
望漢沔間初傳教下郡或道釣清灣起居雖未悉
聲聞已難攀明聖御八極震驚折羣奸登賢彌制
斷進士嚴刊刪倒澤起游詠搜空集翻翻斯時麟

德機詩

卷一
七

汲古閣

見郊絕世驥在閑豈期脫布衣復得聯朝班始疑
迹與方卒見意俱閑惟此冰雪壺近當雲霧關紀
載竹帛藏潤色絲綸頒儲才藏地悶抽思刮天慳
固當讓俊逸焉得委疎頑物化豈堪玩仙栖庶可
扳寤寐在靈嶽俯徨愧塵寰碧草蒙澗沚青霞冠
雲鬢長生願不負竟往事無艱常聞羽人言頗落
俗士頑早伐九節杖倚之聽潺湲

蒙恩供奉翰林未行改佐閤幕自豐城便道
取疾絲撫過肝與郡守蔭侯會約尋麻源不

果明日別肝

覽遠雲霞觀却希山水音珠星聯極下璧月動江
潯始集寶氣亭復趨金晶岑馬飲樹連澗猿啼風
滿林揚瀾思汗漫睠領寫欽崙輟棹更垂釣推書
時弄琴石門生夕景麻源籠曉陰是那遇賢守佳
致契幽尋尊俎迫清好絃歌彰古心郡中宜鳳集
泓下或龍吟頗愧塵務逼還爲旅病侵一行混吏
軌千載負國琛卽往事莫究于茲念方深姑山如
有意遂許一登臨

德機詩

卷一
八

汲古閣

上巳日文宣王廟陪祀畢歸西館作奉貽儒
宮諸同志

禮殿肅春薦齋居清曙鍾斜街星斗轉阿閣霧煙
重久去金華直覽依赤社封非才需教育希世念
遭逢休風洩洙泗治日舒黃農深恩曷效報彝典
幸追蹤粲粲金石列鏘鏘珂珮從飲福嬰多疾高
卧對千峰

昨夜書懷將行且書且賦因成十二韻

鉅海截上國危星轉清旻去來抵二極俛仰適周

晨往鵲無遺影潛魚有縱鱗勁風山葉碎濃露草
根勻卓彼趙李輩鬱爲唐宋臣忤恩非棄置知命
有高屯妙句鏗金石荒臺蔓蕪薪憑高重回首懷
古獨傷神記別玉堂夜來尋丹竈春常恐學仙侶
亦猶碎世民蓬萊雖與陽卽此是通津

上牛頭石望海

人謂此石險我言茲境佳日兼山氣動雷與浪聲
偕平浦煙浩渺高林雨參差游魚依碧澗飛鳥却
丹厓飲濁逞孤坐乘危費亂排稍知舒磊砢初不
德機詩
卷一
九
近排諸玄圃知何許蓬萊在所懷將尋白雲侶高
處結茅齋

重五日至西峽渡解后閩帥王侯盛稱山川
之壯余謂可以爲知矣亦復有賦渡近方山
之下

繫馬西峽間朝曦射厓赤城中見方山江上成亂
石緣流感重險攬勢得鉅敵不有歌詠懷徒困馳
驟役因之竊歎欬美哉此嘆息寧醕清婁住繁荔
朱新摘紛厖異方俗卓犖同門客去去無久畱薰

風蕩南國

送樵隱侍親之濟南

春晚川陸靜日高風雨收班衣隨授節畫鼓送行
舟未知會面期寧識離思憂崇旌殿歸雁柔櫓會
鳴鷗遠去違四美幽尋考三周菱荷生歷下煙浪
際吳頭設有來魚使因之寄舊游

西岩夜宿懷雷州幕府同僚

月出萬籟靜岩宿紫烟深解后逢清景飄蕭澄素
襟久辭蓬萊苑復憶嵩高岑掃雪待白鵲凌霄看
德機詩
卷一
十
翠禽如何較奇賞而此事幽尋雖負簡書良還希
金玉音逕暗泉移澗風疏星滿林願持千里意空
外寫瑤琴

奉同陳應舉月夜齋宿玉堂有賦五首

崇館肅玄闕虛屏敞彤碧詞林何蒼蒼國器皆奕
奕顧惟樸樸材謬忝文字役嘗僚負簡陋祇事深
蹴踏於焉嚴明享況復在今夕

又

奉禮慙明信斂誠資宴歇風露酒九天星辰逼雙

闕屏聽非效聰規行殊改別春容啓華萼宵影動
林樾思君空中雲惠我席間月

又

幅員施廣圖輪魄昭晬像三后猶照臨萬代極瞻
仰寶之在禁密本以肅靈爽豈伊程苾芬遂爾通
盼蠻洞洞乎其忠洋洋如在土

又

塞直慕南董良明憲夔臯孰爲非我事相命須其
曹被褐騫寒素奉璋叅俊髦王戡載簡冊臣職效

德機詩

卷一
十一

汲古閣

牲牢忠敬道無二笑談誼彌高

又

燭暗曙鍾遠詩成春漏沉古苔見隱約幽檜響蕭
森白雪留寒色青雲延夙心在闕諒當補唯賢庶
可欽願逐西蟾影長棲丹鳳林

袁州謁韓祠已宜春臺晚眺

乘月泛修渚凌晨訪崇臺曾費匝地起疊觀凌雲
開時須炎夏首斗柄從南迴四周翠巘出六合清
風來王明猶日月憲令若風雷惠澤綠郊樹陳蹤

蒼澗苔鼓鍾代寂寞輪軫路徘徊聞茲守郡者自
昔何雄哉百鳥見孤鳳衆星嚴三台吏負鈞石寄
法已豪分該云胡會臨眺遠揖謝英才

八月十九日城東辟喧孤坐書懷

始生值高秋久客感流年睠茲琳宇闕瞰彼滄海
孺霧畜朝雨洩雲汎暑風還避人非絕俗淹病寔
妨賢昉膺良辰會適使中情宜靜能驅百慮生已
慕孤騫焚香禮碧草種玉思藍田焉得青鳥使馳
歸王母邊

德機詩

卷一
十二

汲古閣

畱贈黃明府

黃甫古傲吏而多清白心屈身試下位載道發清
音洗刷邑弊陋宣暢民滯滯荒村無吠犬秀隴有
鳴禽淵明不醉酒子賤自彈琴未必盡師古何曾
慙淪今裁詩俯碧澗煮藥玩虛岑清眠消白晝高
視抵黃金我本江海人常聯桑梓陰攜持粵山酒
寤寐朔城砧鴻鵠歲月晚鯢鯨煙浪深還爲異鄉
別舉手一沾襟

繇海昏入武寧道中

登高勢欲墜踰險心始領戒想適其恆經過何由
騁洩雲行崦杉雲落浥澗蒼玄蟬振山淒皓鷺團
沙整久盼歸舟近況懷垂釣永豈不畏岩程無因
攬流景煙霞蘊至樂歲月啓深省百丈有幽期眷
茲心耿耿

一 過梅尉祠下

梅尉清萬古許令騰八埏能官不必高高者遇其
賢真材儲世用遺蛻或如蟬嘗疑說者謬何獨今
不然斯人井竈處往往在林泉還丹誠可學但恐

德棧詩

卷一
十三

汲古閣

難爲傳

七月初二夜洪州對月懷伯丈親舍

初秋公府肅明日到南軒開懷納清輝林影類溪
園偶得塵氣靜萬籟此中存物生感氣機候蟲噪
四垣心虛無所入起坐復何言猶云不如雁飛逝
抵高原

和廉將軍村居二章

居止簡物競頗受歲月侵誠願輸崑崙遐舉遺浮
沉時冬萬物斂野迴景載陰雉鳴穡在場煙火村

巷深兒女戲我前有酒聊自斟自斟何足貴得飲
勝千金聖哲去已遠六籍傳其心受生敢不受發
憤攬長吟

又

念世居難終忘世亦易度今旦庭樹落空明見飛
雨沉疴從誰解采草時自炷萬里無一歸願得妙
者悟寥寥宇宙間舍此復奚慕

九日報熊敬輿

羸疾卧江滸承君尉高秋水落鳴階淨天朗氣暄

德棧詩

卷一
十四

汲古閣

柔便了晨光中授我雙螭蟀呼童敬薦之風味宜
南州憶昔客燕薊白雲從方舟於時見此物千錢
三十頭打黃試新羹爛醉天市樓一日食一百更
爲明旦謀三日困暴六傳笑諸公侯此邦試罕見
初出愈難求矧當浮莢日傾道俗如流厚價得兩
螯持之比琳球物有少爲貴感事重綢繆奈何雷
同者政復多優游欲折黃金花報君向滄洲此花
苦未發少待歲寒酬

贈安西王提舉別

車聲何軋軋我去亦翩翩借問車中人幾時到秦
川秦疆數千里西與雲棧連行人秣過鳥猿啼上
青天長安古帝州宅土腴不偏聞君畲平昔宦游
抵晏眠十齡涉文史十五懷家羶二十學壯遊五
十綴朝聯奉常老掌故今已二十年功業晚何就
蕭蕭髮垂肩天子念逢掖錫官頗靜便紫衣綰墨
綬此是車中緣飄飄上都門白馬錦連乾舉案招
青山孟光老猶賢大兒坐車軒小兒調馬鞭中兒
又絕好國語荷珠圓旦夕俟君至買舍清渭壩此

德機詩

卷一
十五

汲古閣

皆足尉意日食官俸錢俸錢足養親親自有圭田
人生慕富貴富貴翻受憐不有鍾鼎食亦無膏火
煎前日三市事目擊心凜然當時氣凌人不得呵
烏鳶觀君浩蕩去萬事當棄捐孔子不西行及河
軌再旋今君涉河流西路方綿綿終南與嵩華是
中多神仙仙掌出浮雲上有三峰蓮真人玉拄杖
掛在明月弦便當往從之吸月升太玄金鼎交龍
虎使我神貌堅奈何二三月百憂集離筵空花如
錦機野色相交鮮楊花亂愁思萬條散青煙我不

酌美酒敬讓故人先推碎琥珀杯獨洒春風前春
風澹無言徒以別慮牽別亦無所慮所慮應當宣
願及相思時中腸鬱糾纏爲吹雙紫燕銜書到君
邊矯矯蕭徵君珠貝藏龍淵一別如列星隨天夜
移躔鳳有五色瑞時下岐山巔請君問起居歸來
定何年

宿夏庄

陰晴知何如開戶月滿地主家種長榆竟夕薰風
至半生朝市蹤頗負山林意及茲登覽婁亦復纏

德機詩

卷一
十六

汲古閣

世界棘籬臨大道嘶馬咳童穉衆卧復離披躊躇
獨無寐江山轉寥落星斗亦連綴丈夫十載間豈
獨鉛槧事

夏日奉酬汪使君

浮雲無時停浮雲有時停停雲在何方乃值初雨
星我亦毒炎伏歡言酒盈鉶解帶斟酌之醉已萬
慮輕飄飄翼長風便欲東南征林壑蓋青天上與
霞霧爭安得徑至此念之觸中情使君新詩來陳
義富且精私慙應涉淺如畜不充簾忘已量須進

茲乃聖所營永然內熱解始識道非名

贈方永叔往教重慶路

汲水得明月倒影上青天客行三十年未識蜀月
園中宵夢巴蜀秣馬辭燕服成都雖云遠未到意
已足遠意不可期宿夕宛見之雲迷飛鳥道雨急
卧龍祠干戈何草草祇說渝州好但得渝州官甘
就渝州老渝州古雄城彭君舊建旌至今江石上
猶有古時名豪傑世已矣空城俯流水復有江東
人來教渝州士方侯天機深大雅託遺音沉潛萬
德機詩 卷一 汲古閣
十七

冬至日

冬陰已解剝天運旋其初晨興理書策盼望周太
虛纖雲無凝停旭景亦已舒未知太史家偵言復
何如古來聖明世不必徵其餘和氣乃致祥斯語
端不疏大田黍稻滋秋事在苗畝誓將理歸櫟臨
江卜吾廬

天冠山

江東有天冠山翠巒嵯峨浮嵐衍縣郭鳥啼若笙
歌古來有真人學仙雲岩阿丹成脫之去晞髮臨
咸池年深化爲石石色切星河至今剛風吹梁柱
不偏頗羽人室其下厭見頂婆娑朝陽夏影縮秋
月夜陰多吾欲敕五丁掇之超滄波東掛扶桑枝
此心諒匪它弘彼日月光不可將如何天寒歲又
晏雲露滴烟蘿

送吳真人持詔寧親

德機詩 卷一 汲古閣
十八

垂楊十二門旦旦羅鳴駿千騎萬騎中孰是違世
儔美哉吳夫子脫酒住丹丘氣涵羣象動思與萬
物周天馬出名駒逸態橫九州自從下地走但飲
星河流明月落中江倒影射斗牛飄然持玉節去
犯蒼山稠紫鳳把細華逶迤仙岩陬遂經三茅岑
已登閣峰頭還家拜封君玉冊珊瑚鈎笑問遊子
衣不獨五色優門縣朱雀旌坐擁金明裘開筵浥
芳醴魚觴進庶羞承顏開淑訓慰爾道路修爾歸
奉天子萬歲更千秋番君大國壽賀老清湖愁煙

水三萬頃宮袍在扁舟荷花合古渡此處不夷猶
雲錦雙鴛鴦悠悠戲汀洲東風長年來揚我闌檻
幽白馬絡金羈奈此甚盛休儂家閣峯下霞竹數
稻疇鶴集偃松雪青雲互綢繆自從干戈餘川岳
秋蕭騷骨肉倚四海風雲擾吟謳聞君復此去浩
蕩懷今游罷酒黃鸝鳴高華艷城樓長辰難能別
嘉會易爲酬至樂夫子行子行無滯留

贈揭景哲茂才別

司揭本楚官子孫以官氏揭陽漢建侯氏寔出於

德機詩

卷一
十九

汲古閣

史同源而異流流各昧其源泛舟在中河安得窮
崑崙驅馬燕山市路逢子揭子爲我述其先本自
司揭始及平肝徙洪著與揭陽通以茲究其源瀕
海而南東南東煙濤惡將身犯蛟鰐遠拜故侯墳
遺蹤尚如昨歸來見翰林贈以雙南金集賢亦敬
嘆高文畱賞音二公天下士子亦庭階笑胡不攬
家瓊黃朱耀閭里九萬扶搖風相看尚轉蓬高樓
有橫笛送雁上長空

贈李端朝別

驅馬別舊故舟楫麗城隅欲復少款叙子云不可
須哀笳激長雲羣飛滅霄衢孟冬猶溫風鄉此川
途迂賢良策上第再命由南區沉沉大藩府勤事
以馳趨幸接江湖歡豈期流次殊一朝遂西東何
以慰踟躕高霞映列嶽寧不眷名都解組翕清譽
在德由豐輸要當給餘用初終保瑾瑜

散步還南軒

幸自塵鞅絕走遊欲何之江遠夕氣澄開軒納新
詩莎雞振陽砌蠨蛸結陰池珊珊修木靜宛宛好

德機詩

卷一
二十

汲古閣

風遲桃李競秋園旋隨時草萎寧不悅生植肅殺
乃其宜於斯見發育及深霜露思稽康本達節竟
受薄俗嗤快哉東方生嘲哈得吾師

市汊水驛候邑吏不至北亭書懷

端坐息萬慮於此道心存江沱歸雁集楊柳落柴
門刻符期邑吏日晏已成昏相望不百里曾莫思
崩奔以爲公家須緩急義所敦嘗抱慢令戒空復
嬰憂煩藩羊蹂嘉蔬頗傷主者恩雖非四鄰物祛
除奚討論小橋通北亭澗涸青煙絲未明復來日

覽得辟塵喧塵喧不足辟班馬在丘樊遠想高堂
君逝將反中園

發富州

驚拙謬承乏巡遊至茲邦登危始出幽歷覽見長
江不與夷曠會焉得壯心降力小而任重民憂正
紛厖斯須舉隱慝頽俗何由扛初下豐水船爽氣
夕浮窗柔櫓奏長風中流鳴鶴雙景晏川色淨岩
際縣漁扛行止欽聖則胡能守株椿

寄劉掾

德機詩

卷一
二十一

汲古閣

住與魏盧亘談君在直廬會時春月和省事重脚
蹏聞子大夫掾廉厲久猶初羈孤限馳驅不能枉
尺書建康古名都自昔帝王居陳迹今具在斯人
定何如清吟足度日羹飯可無魚勿論爵祿事於
此自有餘廟堂議賢寶匱美常安舒我我惠文冠
四海將誰譽

嘉澤

嘉澤徧羣物山郭餘寒收日臨公館靜聊足散優
游古松含晚秀春桂吐新柔樹聲鳥語和苔逕蚓

行周念彼農畝士生涯託岩幽雖無豈弟賢亦免
曠厥憂而我委素業布衣以敖游謬通金閨籍一
志旅荒陬還歸吏鄉部胡寧心不休深承采菲意
終負伐檀羞庭闈通江外何時泝扁舟誰能違天
命且復盡人謀

度澤過關山

單車度大澤有似游梁山初飛雁驚徒辱在葭葦
間季冬陰風盛雨霰紛紛珊念我離大府行役何
時還朝臨昌邑浦夕指番禺灣衝泥赴農村老屋

德機詩

卷一
二十二

汲古閣

夜不關然薪設供帳風味猶百蠻蒸烘溼衣裳徒
御相回環極知道路難尤念奔走藉傳餐逮明燭
飢渴未容慳春和理稅駕且以慰衰顏

古干將

戛戛古干將經世不再見豐城匣已空龍亦久當
變百怪日夜出思爾一斷剗裝佩美紛紛不爾真
百鍊又恐百怪飛翻著它人身麒麟或失所魍魎
氣益神不如且深藏慎勿干星辰我歌干將行庶
爲君子陳

須句曲

朝望須句曲青桑被原野牛馬何茫茫盡在大隄
下隄高容可隱河水隄上流年去復年來青蒲送
行舟借問行舟裏誰是回鄉客燕趙與東吳懂懂
競晨夕山中有老人白髮不可量自不緣年壽何
因爾許長

沂漳水有懷在京二三子

晨發宜姑階迤邐沂黃流天清鉦鼓和檣櫓隨川
浮南征卜利涉陽晷適三周野花明遠川時鳥詠

德機詩

卷一
二十三

汲古閣

芳洲麥苗已含秀蘆笋亦吐柔一行被明命豈不
職思憂時物已具變未得吾行休眷眷二三子秉
德聿宣猶密高諒能淑大業非人謀惡乎報終令
庶以畚山丘

鵲來巢

靈鵲空中至棲我庭樹枝樹高不尋丈下有弄丸
兒朝騎庭樹府莫仰樹巢窺寄巢欲生子值此將
焉爲是以舍巢去拮据忍如遺青天覆上林何息
非所宜物情非有異念亦顧其危倘逢愛護者鵲

有復來時鵲聲但報喜說似主人知

盧鴻

在昔有志士隱居嵩高峰行義集四海矯若人中
龍天子念治具詔書訪孤蹤既來亦竟往去就何
從容架岩結茅堂虛砌靡無封身雖草土間道爲
世所宗攀磴采石華引手接雲松朗揖謝污瀆長
笑紫煙重不能諧聖君豈徒愧萬鍾安得起斯人
千載已相從

和荅楊茂才

德機詩

卷一
二十四

汲古閣

始我南山居與子共朝夕服事子尊君德義藹宿
昔焉知二十載萬變如頃刻漁釣負平生浩蕩隨
所適進慙負官義退媿尋幽迹而此山水間時勤
問消息夜深款岩扃蘿月在屋翼清言溢前聞子
學自有力世好將未忘相資庶有得

春雁

磬磬九春雁整列鄉天端雖念洲渚幽已違霜雪
寒羣行旅陽土亦爲稻梁難啖食曾未充知時詎
能安銜蘆領孤雛蕭蕭理羽翰明年還當賓勿與

中路歎

德機詩

卷一
二十五

汲古閣

范德機詩卷一 終

范德機詩卷二

韓山曲

韓山白雲下遙見翠竹祠其祠何代人云是宋君
時里中有周氏子孝母深慈所以樂慈母不吝千
金資爲母築別館旬帶好園池母曰我暇日臨眺
良歡怡夾山爲壽藏死汝葬於斯及死如母言攀
恨無窮期卽館奉母容灑淚松柏枝至今空澗阿
幽鳥鳴聲悲故老更爲語母訓猶父師子亾孫已
貴孫復昌書詩紫衣要黃金入侍白玉墀間歲萬

德機詩

卷二

汲古閣

里至展省甚光儀流水莫自急浮雲有餘思誰能
和此曲爲繼棘荆辭

二杏 甲寅

北隣杏一株身作龍盤拿直上青天中虛空高結
花南隣杏更好枝幹相交加三月二月時匝地堆
紅霞自我來京城寄居諸公家其地僻自阻茂樹
繞牕紗亦有桃與李盛節爭豪奢雖富無可人紛
紛亂如麻晚遇此二杏突兀超塵沙嘗時好客來
立旆遙咨嗟欲去復顧戀往往至日斜我昔詞館

直羸馬道路賒晨往昏黑歸無由領其嘉今我已
投散終日猶枯查朝暮出見之百匝虛簷牙而我
又將去何由報繇葩誓將適南郡辟地江之涯種
此一萬樹漫漫被荒遐花成寔給食收拾歲盈車
此事亦易集但恐君疑誇

贈別白忻州

昔年上都門送君作太守今年太守來失喜狂欲
走問知郡中治稱冤不容口彊欲對酒歌愁引杯
去手古來選郡監本爲奸慝糾豈宜肆其私鍛鍊

德機詩

卷二

汲古閣

易妍醜幸逢賢執法白日雲霧剖快馬歸并汾且
以慰慈母失身落州縣茲事無不有君子善奉持
凡百淑爾後排難與解紛吾愧魯連友明年江之
南得寄消息否

檢校菊吟

百華已爛熳虐雨更及晨疾風吹青空好日麗芳
鄰自知園居僻與繁會親編籬種黃菊元不計
秋春昨朝新芽吐大葉已輪囷軒昂各有意未謂
非其神故廬陵雲下苦壤多荆榛孤芳久不見賞

酒問遠人

雨後山莊圖

川容麗過雨百谷會新流溪路凌高轉佳木鳥鳴
幽我田橫岫下黍稷歲可收不謂有生意乃復見
將秋時從野老飲歡語載道周宇宙無終極此外
更何求

道靈巖峽宿吳都人家

野飯寄峽寺重過已三秋雖若涉降險頗歡臨眺
幽風翻白練帶樹響黃栗留舊宅有主人無復識

德機詩

卷二

汲古閣

先猷向者之名園老木陰相繆青山入坐席白水
抱門流自傾雞黍載感古心悠悠

谷口散暑

谷口月未上漁火出橫塘門前面稻畦龜黿雜風
簟童艸弄山墅今茲白髮長新歸稍結構日俟江
海涼琴書散衡宇藥物布滿床謝告未緣衰以疾
不得將維時仲夏半織女當西堂常恐梧樹落莎
雞戒衣裳平生荷來志經歲失豐穰此行庶無負
海內膺時康

登石城驛亭

南游未是謫北行不當歸今日能崇岡飄飄風吹
衣始我在京時雙闕凝秋暉別來守窮海故國音
書稀竊祿滋愧負何時覩柴扉胡不依白日去卽
能如飛驛樓俯平川其下白雲圍雨餘足稻梁可
以信豐飢去去道路遠王事毋稽違

饒國吳氏晚香堂

大江秋似練楚樹落清曉巖際不逢人翩翩數歸
鳥饒君庭宇靜澗水黃花繞爛錦照天朗繁錢承

德機詩

卷二

汲古閣

露小何當鵲鳴誤識春事了焉知歲寒姿獨立
西風表乾坤有清氣欲少未易少搖落莫春期美
人烟霧杳

立秋日分司書懷

清晨鍾鼓鳴海角金氣應芳樹哀蛩歇凜節亦已
微如何向亭午毒熱尚吹飈是空起居謬不與安
養稱逝川無回波駕馬少返乘簪髮恥虛名丘園
激高典飄飄百年內過者已蹭蹬彊學而有成庶
以道自勝

將赴江淞大府校進士試會疾止建安驛上

後山東眺郡城作十二韻

青雲建安郡人物故鍾秀承旭開芳樹凌虛列遙
岫溪聲涌夜長石角吐秋瘦漁沙府圖識仙室川
浸漚征塵汨炎毒服事彌奔奏淡淡鴻鵠舉蒼蒼
鷹隼候山英茗在淪館飯菰登豆勤渠相國諡忝
竊大夫後顧惟論賢能奚取推寡陋吾欲救五丁
雷電激宇宙疾飛移萬壑及此洗昏疚起爲梅子
真南厓掃丹曰

德機詩

卷二

汲古閣

送答里麻廉訪使

有序見文類

龍節倚皇皇六轡忽如流聖主命大吏出按東南
州東南何所有榕荔蔽山丘深有險跋履淺有佳
敖遊繡衣關戶庭法署若瀛洲提封憲令行霜日
淨高秋公來天爲歡公去海生愁渺渺衆庶望爲
我少淹畱郊亭接烏石楊柳蔭清溝鳥哢方睨睨
花林復綢繆吾聞古君子弗替進退憂昕朝正圖
舊庶用慰忠謀

肇慶李知事會別至峽上阻風因以懷李

取別非云莫王事有程拘臨流逢執手復念野脚
蹶季秋北風急遙遙引方艫出峽江始放迨迨波
浪敷仰天覺形全俯地會心娛暫得珪組解樂與
漁樵俱撫事悉解后迴翔且須臾滿秩不受更竟
行諒非愚

贈李兄提舉之官豫章

公孫閣下士多似魯諸生昨者聞高誼茲行起盛
名文亭南斗近征旆北風輕余亦懷鄉郡今猶滯
帝城關河驚半面霰雪念孤征芳宴絲簧咽新詩
德機詩
卷二
六
汲古閣
錦繡成長途心果怯令節眼增明渺渺飢鷹度
替旅鶴鳴露凝秋浦白雲散夕堂清是物關流動
何階計合并會須縈桂檝相共啜蓴羹徐孺亭前
水因之幸寄聲

立春日和王翰林

北斗紅雲上西城皓雪邊歲華今若此宦味故依
然節輻荒冬後寒驅挾日先樓臺通帝極井散落
人烟登眺臨無際歡娛信有年客情關外地農事
庾陰田只有傷弦促那能效屐穿幾時歸櫟社盡

日接芳筵寶鼎昇平瑞金旛淡蕩妍透迤朱鳳集
瀟灑白鷗眠遠業嗟何就高名賴必傳道雖沾世
用意漫逐時遷顧遇煩頻數欣榮頗倍千江湖萬
里興爛熳百花前

寄福建杜廉訪使君

臬府羣工表言官百世公君王咨稷禹臺閣起黃
龔吳越聯閩服蠻夷偃漠風九州諸道右一柱衆
流中虎豹精神肅豺狼道路通青冥行勁銳白日
貫清忠斧繡飄秋隼泉阿達夜蛩壺冰元自潔瘴

德機詩

卷二
七

汲古閣

雨不勞空賤子嗟何幸微心誓盡躬望來方切切
告別匪匆匆祗爲文科重尤慚祖餞隆客魂消海
鵠病骨碎溪蛩謬敢辭王事私嘗泣老翁髮綠思
母白顏每應人紅倘俠彛倫薄其如祿養豐以茲
三逕撫猶獲二天蒙上幕刑雖簡滄洲道未窮請
將心萬疊寫入嶧陽桐

贈翰林宅山水圖

敏絕丹青手驅馳翰墨場力能移地軸藝直破天
荒素壁清風起蒼厓旭日光喬林支混沌巨石偃

滄浪鶴背夫容影牛頭薜荔香參差殊不謬奔峭
亦非嘗仙去遺真館人來倚釣航向知萬里近不
費一生忙擬乞丹沙洞長尋碧草鄉松喬如可及
結友更何方

奉觀百官迎香輿出南郊

聖治尊皇極天章達紫微禮宏崇報祀時則重瞻
依吉日初蠲策因丘肆太祈相君蒼玉珮卿士赤
金圍高管寒猶混清鞭晝漸稀合薌來北闕敷隊
出南畿夜雪旖旎過晨烟沈沈飛難叨惟帝澤獨
德機詩
卷二
八
汲古閣
敬在天威禮樂寧無述歌聲合有歸從知堯德大
不外贊巍巍

和謝友人惠范君用筆

毛君好伯仲枉駕及東堂盡縛曾無竿蘇亂反同行
倍有光欲飛隨燕上未化學龍藏盛賜懷个壁斯
文託一芒姓名渾偶合潤色奈何當且効裁眉老
題詩西上陽

詠古

五言在王國安所雕琢工肇及蘇李輩猶復相冲

融往還離別者人情之所同正聲始微茫與世狎
汗隆遂令天地產山川與雲風鬼神百物怪屈曲
歸磨礪組繪麗羣巧爭以爲長雄雅道日以晦六
義誰折中後無述作者仰止泣麟翁

贈別羅元友教授之應昌

翩翩郡博士騎馬涉長道居庸關門北仲夏綿茂
草應昌信殊僻宅近今豐鎬雖當清冽鄉足以消
熱惱天家振文治造士克國寶延攬必時髦如何
戀芹藻驚風吹過雨川水白浩浩但祝慎馳驅歸
德機詩
卷二
九
汲古閣
來顏色好

感興

龍駕迴層霄陰衡伏照光聖人一萬歲有道過虞
唐我與二三子羣珮爭翱翔玉京陳義問金匱發
冥藏春容麗藻繪晨色泫孤芳停思候物媚沉思
鬱難當願及西北風馳之通建章此首重

袁州謁韓祠已空春臺晚眺

乘月泛修渚凌晨訪崇臺曾覺匝地起疊觀凌雲
開時須炎夏首斗柄從南迴四周翠嶽出六合清

風來王明猶日月憲令若風雷惠澤綠郊樹陳蹤
蒼澗苔鼓鍾代寂寞輪軸路徘徊聞茲守郡者自
昔何雄哉百鳥見孤鳳衆星麗三台吏員鈞石寄
法已蒙分該云胡答臨眺遠揖謝英才

四月朔經楊林作詩奉命宣布郡縣值大水
蠶麥俱盡深念民生

吉日涉大川單舟若鴻毛搖搖遇順風泛泛凌雄
濤已過赤岸渚復宿楊林臯權師何心術在險益無
勞受命未踰期觸目歎所遭蠶熟麥再空萬口聲

德機詩

卷二

汲古閣

哀整年時有災地白屋皆滔滔不能補分寸奚用
徵秋豪綸言本溫厚下布肅官曹奉宣吾職爾庶
用揀蕭騷

八月十五日公堂讌別作

悠悠我行邁去此粵山端遲名駐征車爰盡公堂
觀開筵俯城郭簫鼓集儀鸞謂欲戒醉飲重此良
辰難關門集會府僚友竝征鞍更辭無別語但祝
長加餐役者四五人相從出林巒亦復路傍泣豈
獨殊肺肝況我離慈母朝莫偵平安送行各如許

焉得不辛酸

秋日海康齋居

吟事久已落茲辰遇高秋冷冷空中籟襲我書帷
幽如何寒暑疾徑與大江流江流不復轉歲月已
還周游子去京華邈在天盡頭胡雁不踰嶺脊脊
非良謀排雲挹飛觀金爵露光浮在遠心所仰胡
爲滯滄洲茅屋足草花洵美難久畱苟能一吾志
斯道將何憂

懷丹丘奉寄元尚書

德機詩

卷二

汲古閣

舉酒撫往日酒盡得離愁初謂歸心迫海天今已
秋虎豹守玉關宮殿天上頭青春白日麒麟鳳俱
來游廣成攝四象安期扶九州下視汙濁世漂轉
空烟浮仙人要我來招我住丹丘豈非交不信景
晏此淹畱明日鼓桂楫徑泛星河流高樓有長笛
黃葉下滄洲

止酒

大鈞播羣物攘攘勞吾生得酒足痛飲何用身後
名所以戒飲酒豈矯世俗情昨日足歡笑今日愁

思盈多見桃李花語亂作棘荆反以飲召歡何以
忘虧成靡穀漢詔切喪邦周誥明奚必宇宙內獨
有屈子平

曉出西郊

自春已及夏歲籥寢中更平旦西郊道始聞啼鳥
聲川晴樹氣嘉夕露枝條盈西峰近在眼白雲夾
路生一從違夙昔好懷鬱難并未知高世意忽復
何以營屠狗與漁釣俱足成大名卓哉箕顙客使
我抱深誠

德機詩

卷二
十二

汲古閣

登西山頂還方澗作

弱質有貞向依依在物表謬當城闕隘放意窮昏
曉晨興理良轡啓途慮已悄白日滿澗阿林虛答
鳴鳥幽尋晚適遇頗覺知者擾俛仰古人迹達生未
爲少緬彼高翔禽凌空自騫矯

秋江釣月

秋江明似鏡月色靜更好之子罷琴來蘿逕初尚
早衆峰更滅沒橫笛隔幽鳴我船爾擢歌絲綸蕩
浮藻潛魚却寒餌宿雁起夜稿離離不可招白露

下烟草高風桐庭士俊業渭川老同是釣魚人那
應不同道把酒酬清輝如何答穹昊

郡中卽事十二韻

儋耳九州外邈然在南荒周回數千里大海以爲
疆古來非人居禽獸相伏藏自從中世來貢賦登
明堂其或失撫馭山藪更陸梁聚則成蜂螳散卽
驅牛羊高結舞大鹵上衣不脩裳殺戮乃酬勸誅
之仁者傷吾嘗七八月持節泛滄浪一旬錄郡獄
詢事考纖芒問之守郡人莫識爲治方但見西風

德機詩

卷二
十三

汲古閣

多廨宇秋蕪長聖哲戒忠信勿謂不足行及茲蠻
貊邦始見斯道藏

出甘蔗州

清雨氣候變移船孤石根已行千里餘始驗初冬
寒颯解霧露毒稍知江山寬新人異言語故事同
憂懼思者夏后氏封建天南端伯業起句踐世遠
子孫殫無諸佐大業遂作漢王官身受閩君策白
日海澄瀾至今崇臺上列戟綢衣冠古來樹名節
於此事常難惟有精英在青霄明羽翰

晚登南樓眺烏石九仙方山諸峰

自來閩中郡僑寓公宇偏身病縻服餌單居日如
年憲署歷三試愚庸寡所宜茲行臨辟道龜勉以
周旋日夕登高臺遙盼四山川山川亦云美空與
萬念捐慈幃隔江關稚子目娟娟連夜夢新堂嬉
戲在我前祿食無寸補遠遊何當還東風號陰澤
此土候氣先草木相衰榮已復爭碧鮮思及方春
時買船向邵延長歌蕩暄景吹笛王臺烟行止欽
聖訓莪著良象篇此豈不在人虛心以勉旃

德機詩

卷二
十四

汲古閣

四月八日訪閩粵王無諸古城遂至蓮花峰

下僧寺寺乃唐王審知祠

維夏氣清宴原藪樹龍葱上弦適休暇游詠紫烟
中石澗演新流山苗含惠風肥苧膚隱白崇櫛葉
張紅撫節警代謝未歸憂心忡承官黜政術但覺
祿養豐句稽困日月始得如游驄觀看職何補庶
望碑至公遺丘隱莎草廢刹在空濛而況塵境事
斯理固有終

數日毒熱喜雨適立秋先三日也

夏末始炎毒沉憂坐匡牀起行無所之登高睇遐
荒問昔西風歸颿颿向何方往還不可期賴得天
道常聖主御大曆故可稽明堂粲粲白駱駝茲晨
郊路長念我伏遷次江海葉再黃旅懷抱焦火思
濯寒水鄉忽來浮蒼雨爽氣吹衣裳稻田已就穫
晚種待新秧微軀亦易持但願蒸黎康

新雨堦除花藥倍茂田里生意懷之欣然情
至有述簡諸作

久旱埃霧集間居寡高情微雨夜來至滿庭花藥

德機詩

卷二
十五

汲古閣

生長年憂里術退坐若無營偶攜一榼酒得喚故
人傾念彼昨隸便勞生在偶耕薦飢苟不熟何以
供王程幸天沛時澤食息日已寧繕性衡門下寒
飢無足驚

苦熱懷楚下

苦熱不可極念此西南風誰云灝氣遠乃在庭戶
中我家百丈下井上雙梧桐向夕集歸鳥未秋足
鳴蛩自從別家來江海信不通宛宛維桑思願從
孤征鴻夜夢白髮親歡笑攜稚僮倚門望子歸未

歸憂忡忡東臯無良田何以待歲豐盛年將稱意
無爲學轉蓬

觀錢塘上人墨蘭 二首

蘭以比君子所貴者幽深黯然空谷中遠爲人所
欽志士秉美德如玉復如金篤寔而輝光芳齋出
喬林偶然爲時出節義凜森森下愜烝庶望上當
君王心功成無所累宿好在雲岑

又

翰墨者誰子妙年出江關翦須事浮屠游戲在雲

德機詩

卷二
十六

汲古閣

山時將騷臣意寫入尺素間嗟彼爲形士長往不
知還其心猶有慕豈不薄茅管學古寧爲人誠念
修已艱聖哲雖異代詎云不可攀

明月幾回滿

明月幾回滿待君君未歸中庭步芳草蝴蝶上人
衣誰念同袍者閒居與願違

蒼山感秋

蒼山秋意長池館靜而悶雨止修竹間流螢夜深
至皇羲世云遠雅頌日凋弊舉手遏頽波誰識作

者志烏啼魯東門泗水不染袂後去三十年直可
肩聖知機關繫風化詞語特細事月落閑虛簾坐
夢太古帝揚眉順玉色盡發養生祕勿謂仙學難
此道可立致

酬申屠子迪

碧月出海底挂在青天中美人如明珠滄波思無
窮身非千歲逢欲逐萬里風願因紈素衣託向孤
征鴻

筠州東都遇雨

德機詩

卷二
十七

汲古閣

高林展夏綠杲日轉城岡四圍金石流忽見飛雨
涼飄飄西北風亦復至我傍我行初涉旬去意已
傍徨親交苦滯雷川陸互阻長遠行雖有命期至
詎能忘宵分睇南星命僕戒川航豈無它方願且
反顧舊鄉舊鄉寧非懷吾生未渠央

贈宣掾蒲瑛還靜虛山房

掃地謝塵鞅坐誦聖賢書妙年陟府署復食猶休
居聞子進修地花藥羅齋廬惟靜故能定有容當
在虛而虛乃非空養之貴安舒苟能克至理德業

將有餘子本西蜀珍西南散簪裾問知其方俗有
苦輪華胥教化本自然匪學故有初況彼聲教敷
封疆常晏如清秋武昌郊氣霧夕開除誰能不重
別執手以踟躕

遠遊

遠遊非吾志偶墮天一角去就亦有期寧能計今
昨料理貧居士守書負西郭清心見古初德宅甘
寂寞杜門坐春深綠竹解寒籜雖無清時賞幽意
各有託千載非長生松喬未足學焉知勾漏令不

德機詩

卷二
十八

汲古閣

厭宦情薄山中歸去來朝霞可以酌

述古

天下有大垣人自隱多岐任理忘恩怨何乃累吾
私元氣育萬物雨露豐悴之豐悴雖有恆還復係
其資彊者固弗已弱者自有期向者橐籥中竟是
誰設施美哉唐虞聖至治以無爲

范德機詩卷二終

范德機詩卷三

題張果老騎驢圖

細柳官橋路騎驢不用鞭先生誠有道此去亦千
年

題竹樹圖

老樹半垂葉疎篁斜露根若無煙霧隔應見石西
村

秋江

秋生洲渚靜露下蒲荷晚忽憶釣魚時人家楚鄉

德機詩

卷三
一

汲古閣

遠

建昌小湖望廬阜
二首

青雲覆疊巘白鳥度平湖釣嶼夜來雨山深知有
無

又

我懷貞練士多在巖谷陰惟有高林月長知望遠
心

題二仙圖

明月萬山空溪橋暗路通不知何洞府終夕坐松

風

絕句

障擁芙蓉競燈隨棹移繁星臨迥野疎雨過高池

又

江上打魚船有頭那無尾與卿相見時不望如魚水

又

鄉路西州是延平那向東片帆儂會使祇是怕隨

德機詩

卷三
二

汲古閣

風

又

水清灘自急蕩槳直須人勸卿休恨水多爲不知

津

又

水如青銅鏡山色綠芙蓉中天明月上此處好相逢

看東亭新笋

問竹何年有親曾共歲寒昨傳新筍發扶杖繞林

看

送別

爲君垂別淚更向楊花側斗酒問離鴻幾時歸故國

燭夜

燭影夜侵牆松桂成行列鼓絕草蟲鳴四山露華結

秋江圖

雲裏衡陽雁網下武昌魚石門秋共遠江樹雨餘

德機詩

卷三
三

汲古閣

疎

芙蓉

芙蓉生石壁雲錦映青松那憶南州路歸船處處

逢

蘄州城下晚泊與土人語及西方事平有喜

而作

野澗秋無際天空夕始涼漁船下浦急畚火入雲
長洲遠懷鸚鵡山危指鳳凰戍人新歛甲垂老幸

時康

黃州道中

逕轉山仍掩沙移圃自成蕪葭連水白楊柳蔭門
清無復論餘事真堪了此生眼中陳仲子九鼎一
毫輕

贈孫秀才

四海孫思邈雲仍復盛名白駒空谷遠黃鶴大江
明子去何瀟灑人知盡老成特來容貴近次第取
公卿

舍前龍骨樹

德機詩

卷三

汲古閣

鳴夷籬落見誰種此江津結榦多於葉成陰迥不
塵取材因惡剌感事撫長身安得艱難際相從作
四隣

百丈山中夜坐聞謹思將還憶甲寅入南中

正此日也十二月二十三日

六首

近得雷州信遙知弟姪來江山淹遠望天地係疏
材鄉爲魚羹起今寧馬豆猜殘年有心事未定着
寒灰

又

欲雪翻成雨何天恰吝情似緣春在近故與月爭
明谷樹行行暝川雲冉冉輕往年當此夕孤棹適
南征

又

歲月嗟匏繫乾坤信梗浮蹉跎逐越鳥迂濶問吳
牛正道曾無弊旁觀各有由聖人如可起吾欲詰
東周

又

飲谷驚風合空壑墜溜鳴燈昏時作暈漏遠不傳

德機詩

卷三

汲古閣

更但得林間趣何須谷口名是誰超物外不用計
浮生

又

往備清華賦寧知濩落心槐街春日盛杏省午燭
深出試終何補還歸敢自任祗慙山澤吏空受二
毛侵

又

客行身萬里家在地中分爵命優臣子江湖遠聖
君夜瞻龍鳳氣歲出虎狼羣舊故無消息低回瘴

海雲

壬戌秋錄囚晚行寧州道中追錄

曉發高平鎮前旌路未分小橋煙外過流水月中
聞虎豹宜多隱豺狼不可羣居人敵炎暑報有竹
連雲

寄題嚴氏樊川別墅二首

先生天下士小隱郭東村
樊水緣開逕楹山對掩
門土風寧近洛川姓不離樊樽俎心雖閒衣冠口
已喧

德機詩

卷三
六

汲古閣

又

亦欲西流去相尋素澹邊多應百年術少見一人
傳生事空芝朮心期托蕙荃明當詢大藥良子不
論錢

數日跋涉泥淖至北山始霽暮經鄱陽湖

川路遶長林歲窮千里心賈舟棲港迨樵火出迤
深欲雪應消瘴因風忽解陰轉移足清景難受客
愁侵

寄謝董簡卿

高人北海下遂與世情疎
悵望九霄鶴携持千里
魚風雲今邇只泉石後何如
詔讀須中密無疑未
見書

步蛙

白髮榮中將清晨步菜畦
祇言無所事寧復有相
携日靜聞禽語泥融散馬蹄
讀書不解俗猶自負
幽棲

引兒灣晚泊

席壓波心正舟移岸脚斜
夕陽明細霧秋樹擁荒
德機詩

卷三
七

汲古閣

葭問道獨如夢懷京却勝家
客愁不自整更苦暮
啼鴉

秋雨寓舍酬答夏編修四首

亂竹通隣舍修梧限掖垣
日長惟有雨秋半祇如
昏野色愁俱破河流良更渾
唯應好像友孤寂義
彌敦

又

左丞京下宅太半貯蛩螢
容曳棲烏地披爭卧鹿
場幾時衣定暑昨夜酒生涼
太息時人語依稀不

可莊

又

平生談笑口未是向人慳直以朋友內難爲伯仲
間陳君元下榻賀老自懷山見謂前修事因之一
破顏

又

倚巖推許遜負水揖文簫萬里初鄰竝長年此寂
寥不要麟閣畫虛累鶴書招同是西江客君當結
夢樵

德機詩

卷三
八

汲古閣

九月十四日過紫極宮熊道人房

曾軒俯江竹欹枕對連山雨止煙霧集洲回鷗鷺
閑紫霄行有逕白日戶無關但見空中侶飄飄不
可攀

九日諸生携酒至城東看菊

楚楚臨堦菊重陽特地開慰人良有意報汝愧無
才巷杵聞鷄發鄰觴送蟹來采英吾欲寄悵望倚
江臺

閱除目仲淵宣慰傳之廉副俱出山南暑夕

有懷無由傾倒

舍下初秋至明月出雲端清輝延細竹爽氣集幽
蘭江漢不容越方舟逝良難瑤琴誰起坐中宵爲
我彈

題山居圖

平湖含白水斷岸見青林籬落初秋氣雲山向夕
陰養閒祇用拙避俗更懷深爲問舟中客何如澤
畔吟

社前七日作

德機詩

卷三
九

汲古閣

久早春始雪社寒猶未妨沈沈鶯待木語語燕歸
梁靜想親交絕儀求旅處藏以身觀萬物應繫未
輝光

奉訊浦編修

聞君踐馬厄詩賦日應多但倚文爲命焉知病是
魔蒲萄深巷雨菡萏遠湖波未始無相憶經過奈
禮何

送譚殷卿歸徽州

送君從此發何日到徽城以是夕螢亂況堪秋雁

鳴行藏無定策仕養最關情見誦覃懷守名家舊有聲

題贈李右丞

恂恂李右轄行義古人期緩急倉公傳勤勞衛母詩滄波大地轉白首老天知莫寫青田鶴鳴臯重我思

晚過孔奉常舍下

滄江一萬里書信近如何向暮客懷薄及秋鄉夢多故人相慰藉竝舍數經過但願長無事彤庭接德機詩

卷三十

汲古閣

珮珂

悼遠用友人韻

采江莫采蘋思食莫思蓴間歲曾爲客經時獨夢人林園花動夕帷帳草留春萬里燕山路空懷涕泗頻

酬孔太祝

蘇郎懷印綬不計弊貂裘一去青山下三年白露秋關心悲地隔涉患見天游笳管深無那看而動戍樓

贈別朱生爲南海醫教得問字

拜命辭中闕鳴簫下南郡天晴木葉空江暖梅香近解鐸風成陣開堂月生暈欲酌扶胥碑移船定相問

贈別李教授亭赴五羊先往餘饒觀省

行色動西風鄉心去住同諸生五嶺外之子大江東且羨還家鶴無愁度海鴻若逢天上使書記莫匆匆

贈別徐教授之欽州 二首

德機詩

卷三十一

汲古閣

徐子雅好易白頭來上京如何懷遠檄竟往教專城山近煙霞密江澄瘴癘清朋游政事少況在仰修名

又

冉冉歲月莫悠悠關塞長歌鐘凝旅宴舞袖拂征艎到日梅花亂來春蕙草芳南金自昔重寄贈可能忘

移居東城

移居古城喬桑竹似村墟已謂丹霞近無嫌白日

疏天晴時見鶴池淺尙通魚賴有知心者過門亦下車

十二月五日雪答傅淵道

薊門臘月雪初似楚南寒祇悅年光盛寧愁旅宿單濡毫思謝朓掩戶憶袁安昨暮瀛洲暑應當策馬看

王繼學晚過舍下翌日惠詩兩章用韻會賦平生病太史淺陋愧曹邦自足封函谷聊須壘受降黃鍾和知寡白璧動成雙天外誰招得清風滿

德機詩

卷三
十二

汲古閣

八窻

又

客居惟所適不是遠時人聞喜池臺僻來依第宅新月涵鍾警夕風引釀生春頗得過從樂相看莫厭頻

和二章已而徵者適至戲用韻爲再疊云

久客歲云暮悠悠念異邦病因詩蹙愈愁爲酒先降屋隱疎篁半城依老樹雙晨朝有好鳥命我隔東窻

又

頗恠君家使徵求太迫人從知工匠苦況復物華新輟夢天開夜思歸水墅春縱無青玉案寄贈莫辭頻

用韻報李宗明

李侯持重器隱若一雄邦敵至嬰城守威行走傳降薰絃須知五古劔肯埋雙見說研朱地車聲繞碧窻

又

德機詩

卷三
十三

汲古閣

古來輦轂下不畜隱淪人況有龍門舊寧無獸錦新江山政如画松栢自宜春可是東城曲過從步履頻

送張月梅

卧病空山裏君來起素秋叩門驚遠字扶杖揖清流潦倒炊梁客從容樹橘侯偶同螢夜語行李又何州

三月二十三日雨中示諸生

後園僧寺裏聞有蜀葵花好赴今朝雨移來向我

家編籬雖待菊引蔓盍藏瓜總在經營力秋成莫浪誇

贈別李太祝還廣平省親

六祝周遺禮千官漢盛儀聲名無此達少壯任君爲孤戍程雖迫萱堂拜恐遲都門四月別愁殺萬黃鸝

贈畬吳二奉禮

新詩走風雨感謝老兵來藥圃昏長樹柴門靜古苔妬晴鳩狎喚怯冷燕頻回解說銷愁事何由斷

德機詩

卷三
十四

汲古閣

酒杯

登南城樓

樓倚晴空外登臨延賞心微風孤雁過落日萬蟬吟客路侵齊樹鄉愁接楚砧爲詢宮外筑流水似哀琴

寒食後百丈山夜坐

已新寒食火更近暮天鍾花片隨風滅柴扉帶月重以閒酬宦達將病抵心慵本不從畊稼臨江愧老農

月出

清楓起夕陰明月出高岑達識衰榮理深齊去住心夏蟲先振砌昏鶴未休林不有詢奇字應誰載酒尋

山壽生日

見爾開三歲堪余謝一官常憐爲子重更念報君難曷日勝裘馬于天學鳳鸞終當慰老眼空濶萬人看

九月二十八日濟上作

德機詩

卷三
十五

汲古閣

昨日立冬雨內河中夜雷晨興猶未定震懼忽如摧衰柳竝寒在早梅何處開飢年方禁釀不飲稱無才

快閣延望

快閣延江望清尊息坐彈風鷄猶戒曙雪鴈每辭寒莫使晨歌廢聊思飽食安百年會有故終不愧儒冠

題秋山圖

我愛秋景好自緣秋氣清江空石露骨木落風無

聲偶向画中見猶如雲外行祗疑豺與虎無地得縱橫

正月三日大雪

大雪生何處飛來應早春清寒微著物光霽亦宜人日月雙吟髯乾坤獨病身濁醪差可近祗爲有天真

康大監善慶堂

大府聲名舊京華有此堂棟梁深盡制花竹淨分行世美尤當濟身名賴必揚自公常退食把易細

德機詩

卷三
十六

汲古閣

焚香

九日和危太樸見貽

年年江海上飲菊對重陽又復茲辰至都無少日狂遙峯樓戶碧敗葉擁池黃只有長生事于今墮渺茫

九日簡危太樸

疾風吹細雨忽忽過陰厓久喜江山靜新增節序佳秋聲連迥野冥色起高齋自得論文侶中年有好懷

夏夜登後亭

縣酌羣山置亭因古堞安幸無多檢校于以小盤桓潦倒淵明釀淒涼子賤彈杖藜聽夜鶴世慮苦無端

湖上值雪

農事傷下澤官曹限窮年崎嶇盡所歷縑綵何由宣窻明變松雪室冷延山烟少歲守恬淡未敢輕棄捐

貴州

德機詩

卷三
十七

汲古閣

離思久不愜幽情晚旋添天宜明月獨山與宿雲兼蛩語通支柱蛛絲映卷簾若無光霽在何以破朱炎

發橫浦之永淳縣

急漿開潯漲孤尊已夕陽水光排峽靜洲勢背城長太史才無敵將軍義不忘感傷今歲月淹泊愧滄浪

寄劉傅之

故人去南海已度百花時萬事須重到孤舟何太

遲雲迷帝子渚月過伏波祠幕府文書省來須慰我思

晚至沙塘

風雨病屢涉烟山知幾重平湖番近服大邑艾遺封受粟常慙吏看花正閔農周原已遍度明旦復何從

三月十一日遣家人還舍奉侍值雨十四日

值晴作

具船聞解纜想像係朝昏到日初收雨沿流定達

德機詩

卷三
十八

汲古閣

邨初生南澗藻好近北堂萱載感飄零意清江是故園

古木

誰擘蒼煙破依稀露老龍偶違風雨會遂感雪霜蹤飛動關元氣沉潛見物宗何階韋偃伎千歲此相逢

贈別韓德卿歸安西因候蕭司成

十年關隴道文學老貂裘久別重相見相看更自愁早膺朱紱寵慙爲白雲畱寄謝蕭夫子岩棲向

幾秋

寄宿維揚驛寄懷王儀伯

水墅見明月適隨歸棹圓故人在郡國今夜隔風烟何日徵河內常時誦潁川經過因念此書信賴流傳

題靖節徵士歸來圖

維公楚杞梓作令晉衣冠得志但恐暮濟時非所難古今絃韻寡歲月酒杯寬渺渺山中去深深画裏看

德機詩

卷三
十九

汲古閣

題吳生雨吟圖還寄清江皮野

江雨四時昏故人家遠邨如何一見面還又兩忘言老樹經蛟淚空花斷鴈寬由來前日畫妙手出吳門

東齋秋雨後花藥具有生意

田園雖尚遠未肯効淒涼藥就籬成蔓花因逕作行豈惟延晚趣自足信年芳頗敬鄰人婦驅雞不過牆

病中

世故只如此予生今若何不憂新食少但喜好詩
多野鶴來濠上山猿落澗阿平時朝夕者經歲不
吾過

哀文集賢時奉使南海道卒

瘴海距天關道踰千萬山空傳靈雨送不見使星
還旌旆青楓暗樓臺白水間郡人唯我最遠客泪
潺湲

贈葛推官

五罰從容至羣生阨塞多但無爲已甚勿問達如

德機詩

卷三
二十

汲古閣

何早讀于公戒終傳召父歌故人風雨節爲我數
經過

張別駕山居產玉芝

高秋別駕宅異草吐奇芬爲爾掇白雪服之乘紫
雲但恐仙靈物長遮虎豹羣待棄人間事先報赤
松君

贈別李全

士以才名重君猶梗槩先間關百年道浩蕩九春
天不爲歌彈鋏還尋與酒錢古來自如此相問澗

西田

奉寄高郵李使君

題詩報使君春遠楚江濱刺水龍鼉窟低空鴈鴛
羣朱幡臨野日翠袖遶山雲早晚金鸞召風流許
細分

晚興

古寺山重掩平田縣對門鷓鴣藏白晝蟋蟀破黃
昏貝賈多通市諸偷每近村殷勤省風俗慷慨動
心寬

德機詩

卷三
二十一

汲古閣

澄邁縣有蘓內翰所題通潮閣在海上

候館駐征騎西風獨夜清開門聞葉落倚杖看潮
生有禮齊蠻俗無歌學楚聲淒涼蘇季子行處足
高名

將行值暴漲

雨發巒山漲來從五指原風橋初沒馬到縣已侵
門甚欲乘槎去還思棄佩言輕身犯南斗信有北
溟鯤

詠荔子

思歸江路永荔子幾時丹祇念違親久何嫌待爾
難園林有專美霜雪莫畱寒記得珠厓道長吟立
馬看

細雨

細雨沾墻竹輕風發檻桃幕分流水靜樓抗遠山
高但長琴書癖寧知案牘勞趨朝未覺懶興味屬
吾曹

和謝梁內舍過訪

承聞招隱處獨占萬山清乍見心如醉多憂眼遠

德機詩

卷三
二十二

汲古閣

明薦遺唐四岳道付魯諸生欲理尋幽事唯妨夜
鶴鳴

河口

神女大河口逸人陰洞中船鳴谷雨浪門掩荔枝
風鶴鶴行相背烏鷗宿自同爲於百年內試問鹿
皮翁

晨至西郭池亭見新荷有感時物而作

虛亭結構美驛路帶垣斜山薌含晚翠池響集春
蛙官荷已偃蓋僧蔬欲架花俛仰賓從役孰與測

幽遐

三山對月懷山壽

豫章千里月漸解向天高安得山兒惠能知海客
勞榕城咽韻鼓竹館淨香醪何日書帷下清輝映
鳳毛

晚上南山觀燒

渡口向寥聞夕暉生翠屏隨風初繞電翳霧忽如
星鳥獸蒸空遯柴荆照不肩閩都春始過雨洗合
重青

德機詩

卷三
二十三

汲古閣

庭草

爲愛亭中草經春坐不除澄心皆淨域履道卽安
居海氣含樓閣年光映簿書咎人傷廢事作吏竟
何如

昨遊

昨遊居士澗春入羽人丘面面山相引年年水自
流乾坤雙蠟屐江海一漁舟知我能來否啼鶯去
復畱

雪觀雨後對薛老峯

高閣飛雨過新涼連海隅竹溪魚板集松寺鶴巢
孤吏隱井兼得登臨適自娛盛名蘇季子猶是老
征夫

京下思歸

黃落薊門秋飄飄在遠遊不眠聞戍鼓多病憶歸
舟甘雨從昏過繁星達曙流鄉逢徐孺子萬口薄
南州

延平西峽

巨浪劈山傾孤舟與浪爭逆飛天地肅掣出鬼神

德機詩

卷三
二十四

汲古閣

驚至險追前載終身願太平不然忠孝理值此各
何情

次韻曾五判官

磊落將軍石周游太史遷世人寧見爾我輩故超
然勝急投豺地神銷過鵠天祇今誰可語壯志必
同年

贈顛叟僧別 二首

問子家何在名山越樹春來遊萬里道去作五臺
賓乞食寧忘祿行歌若有神曾逢陸修靜招入社

中人

又

未是真顛者能顛故有餘試畱吳郡草爲報揭陽
書帶日辭銅馬投雲聽木魚南歸定何日白象守
林廬

送施處士還東溪

東溪子故物歸去一身輕樹曉雛鶯坐沙晴乳鹿
行乘舟不盡興釣罷忽忘名憶我南山下藤蘿繞
舍生

德機詩

卷三
二十五

汲古閣

期出東郊不果却率便河間橋諸張道人菴
尋故舊作

却欲東郊去還尋北渚來江翻垂木動風過雜花
迴道迷朱轂虛空見紫臺世氛渾不奈憶得是
蓬萊

閱友人壁間詠有懷舊游

漫說經行處雲邊第二春石林投倦客画壁跋高
人迹與風鵬轉心兼野鶴親平生許玄度自比白
頭新

和李溉之園居集詠

書劒上青霄鄉關雨雪遙年華侵水竹客思墮山
苗會想商岩綺將從鄭里橋文辭誠小伎祗比俗
情饒

又

豈是幽棲地飛騰亦未量城根分鼠壤池面合魚
梁名久喧郎署歌時感女桑畏卿音調苦疇復貴
相忘

又

德機詩

卷三
二十六

汲古閣

圃色依簾障天光切戶庭草生連夜雨花落遍池
星未遂翔寥廓真堪託晦冥逢時須紫燕得意拂
青萍

又

亦欲依家耳衡門斗極邊鄉心徵化鶴宦逕貼飛
鳶白日拋書送青山拂檻延風流自無已憶上五
湖船

又

都無京國意滿眼舊生涯壁隱崆峒木瓊蒙婀娜

花善隣垣故關愛客酒能賒噉噉荒途子音期只
爾遐

又

偶從耕鑿事便有古人風井瀉千畦碧林然獨杏
紅世情何近遠宦秩自卑崇任道流行意零壇或
與同

又

磊落人間士名成定不虛願陳元有策交薦可無
書莫遣從師苦因將作吏疏吾徒豈念此蜺盡馬

德機詩

卷三
二十七

汲古閣

相如

又

丹柰花初結朱櫻子半成寢興因物變筋力與年
增燕拂承塵去蜂隨曳杖行玉泉幾千仞好在翠
如傾

重過太傅忠憲王園林

一代王章寵于今勝地非野池花自發春日燕爭
飛坐送笙歌密衙迎劍佩稀頗榮遊子騎修景澹
忘歸

登覺山寺

遠見浮圖頂逡巡及寺門此行如有待何地更無
喧山背斜陽惡泉侵落葉渾沈沈委臺殿多是賜
金旛

種瓠

或言種瓢蔓長必翦其標乃寔子齋所種
因樹爲架蔓緣不已果多虛花欲去之慮
傷其凌霄之意因賦五言爲之解嘲云

豈是階庭物支離亦自奇已殊凡草蔓綴得好花

德機詩

卷三
二十八

汲古閣

枝帶雨寧無寔凌霄必有爲啾啾羣鳥雀從汝踏
多時

秋後瓠果成一實輪囷可愛余嘉其晚成而
不羣答賦云

嘉瓠吾所愛孤高更可人不虛種植意終繁發生
神有葉誠藏用無容豈識眞明年應見汝衆子亦
輪囷

六月菊

蕭然故可愛況在五侯家未到三秋節先開萬點

花風霜寧未熟歲月自云賒慙愧青松幹昂藏炤
島沙

戲簡孔太祝

人間最好日祇在菊花前頗怪來今雨相看語後
天門階銷俗客冠佩切飛仙願約秋風住長年泛
酒船

送劉修撰赴湖南提舉任

久淹詞館寄新奉璽書還白髮臨漳水青雲動楚
山文稱一道重政類百司開設有湘南騎因之解

德機詩

卷三
二十九

汲古閣

別顏

寄李彥謙

古燕城下路柳下落西枝每到重來處長憐欲別
時鵲飛平炤急鷗集遠烟遲此去秦州什應須寄
我知

寒齋對雨書懷

冬煖久不雪天分雨破顏依稀才洒戶慘淡欲連
山垣屋重重密壺樽獨獨慳焉知魏闕士隱與吏
相關

客至

客至冠纓好殊非舊友生曉晴霜太重冬煖日偏明
覺我肌膚弱與言感慨并子雲工賦述切莫論公卿

詠柳和陳城南

我亦吳頭客年年念遠梅孤根元自植冷蕊爲誰開
因覩城南詠深思嶺表來北人盆裏看應不近蒼苔

守歲詠懷次韻

德機詩

卷三十

汲古閣

大年在今夕旅爵記前除時序無閑事江湖少定居
燭花分坐委漏箭落城疎底復窮廬嘆人生各有初

送貢仲寔還江西

送行何太頻日日見行人又復風霜節相違旅病身
浮名非甚急遠意獨難信念子關勞苦題詩莫待春

題友人山居

遊居展靜好盡日有高情竹下流泉過花間時鳥

鳴因人問藥裏要我罷琴迎本自無知者山林頗近名

林尊師招不果就別

甚欲握衣去仍煩折簡呼竟孤林下約還想市間壺
野館侵濃樹春波亂嫩蕪看雲解榻意秋露近玄都

野望

思遠卑棲地憑高獨望辰峽雲低度晚野水淨含春
語合關梁迴歸鴻歲月新不堪回首處橫笛倍

德機詩

卷三十一

汲古閣

傷神

游招提

勝地相從日應無俗客蹤春花濃夾騎畫樹靜藏鍾
妙理端深得佳遊亦漫逢伶渠絲與竹舫上見西峰

送白湛作尉金溪

離思已無極尊前況夕曛閉門六月雨行李萬重雲
遠祿年雖壯名家代不羣縣人迎主簿應似大浮君

盧師東谷懷城中諸友

契濶遽如許淹留空復情
天遙一鶴上山合百蟲
鳴異路嗟何適冥棲得此生
平居二三子今夜隔重城

送鄧慶長衍從宦吳中

聞說吳中郡青山萬疊開
雲霞通井邑水木映樓臺
子去嗟何恨吾生念却迴
辛勤官下養書記合頻來

正月三日海子汎舟

德機詩

卷三
三十二

汲古閣

曉日明如茜春波凝不流
浴鳧浮斷梗過雁折危樓
頗敬吳兒狎何傷楚客囚
沙邊縈小楫初尉玉京遊

送雲知事赴餘杭

一舸發春瀨涓涓沙鷺鳴
官煩南郡佐禮重北城迎
海浦潮聲暗山城日氣清
宗卿懷故掾蚤晚薦高名

暑夕

煩暑不能寐望鄉憶宵征
開門海月白高枕林風

清不飲畏投轄將歌思濯纓
誰家橫短笛吹盡楚關情

七夕祠

天上新秋節人間巧夕祠
不成兒女笑空負歲時悲
壁月當軒墮銀河帶闕垂
低頭愧烏鵲寧爲遶南枝

和吳初得子

喜事平安使家書遠見貽
正愁行路子新得稱家兒
白璧無勞羨青雲日與期
庭階人事意眼冷念德機詩

卷三
三十三

汲古閣

舍館

離席合賦贈南劍教授盛復之之官十首

盛君江海士直氣軋霄崢
翻爲詩書苦焉知印綬榮
度遼曾萬里走越更千城
便是來難得鄉關近慰情

又

首路向朱夏出關猶到官
麥收風張暑梅熟雨畱寒
氣候隨方異才名自古難
豈容賢若爾敎授老江干

又

江浦見黃鸝石榴花滿枝欲攀猶屢惜已去復何
疑蚤畏紅英亂還當絳帳移驛程動易隔畱待寄
相思

又

娟娟沙尾鶴毛羽映江鮮去住長如此飛鳴豈偶
然仙家應汗漫侯判莫畱連憶得東門事須君正
壯年

又

德機詩

卷三
三十四

汲古閣

閩南荔子熟問客倘能來題爲諸生屈寧傷獨茂
才雲飛絕寒落雨過行平臺賦就新詩別扁舟且
莫催

又

肯向遼東郡長歌覓管寧此行無贈策故事有談
經豆寔登朱荔紅光炤紫萍龜山文物在未用嘆
凋零

又

躍馬問人郤解龜聽報衙江沙侵細竹墻蔓覆疎

花政不離書閣吟情上釣查有懷當皓月玉署聽
啼鴉

又

碧草津頭郡雖偏是勝遊野人頻識劍稚子亦能
舟稍定傳衣怪聊資宦秩周南來記風物有待細
詢求

又

杯酒莫停手路長思入閩精靈深狎客瘴霧薄侵
人海近漁船集山空鳥道鄰來京書一束賴爾老

德機詩

卷三
三十五

汲古閣

隨身

又

黃帽催晨發郵箴報旅程迴風斜帽舉虛日亂弦
鳴異俗從誰變真才不自成倘於高第內歲久得
歐生

奉寄淮東憲孔知事

百

日有烏臺使因君問合肥熊章官不食虎略幕中
威易政聽時變交深念日遲知音偕上列須假綉
爲衣

又

昔在東門別相離數載星一官何委折萬里獨飄
零楚樹春頻落燕雲晚自停幾時淮浦月仍與共
揚舲

遺懷

柳影侵門暗桃枝亞竹高年深詩竝進春在酒爭
豪吏隱嗟何擇行藏信所遭斯文如未喪端合付
吾曹

愚庵寺

文正

范德機詩卷四

贈海康舉進士者

聖主徵儒用文學翩翩五士起海角元戎虎帳飛
薦鴉泮水成材玉新琢吉日舉餞鐘鼓作皇華大
夫繡朱襮快馬鑿蹄輪脫斷相送西風出郊郭問
君此行事何若於菟要是赤手縛侯雁南飛不踰
嶽洞庭山秋水落詞場先鋒奪霜鏑萬里青山
上黃鶴明光宮中問禮樂董生策有經濟略一朝
聲名動河朔往取青紫如六博前年禮闈開峻擢
德機詩 卷四 汲古閣

送鞠

臥病高秋畱海浦明日重陽更風雨杜門不出長
蒼苔令我天涯心獨苦籬角黃花親手栽近節如
何獨未開含芳闕采亮有以使君昨暮徵詩來凌
晨試遣霜根送畚玉雖微甚珍重極知無意競秋
光往作橫牕歲寒供憶我初客天子都西垣植此
常千株結花年年應吹帽始信南邦事盡殊願得

封培自今日何問朱厓萬家室秋香端不負乾坤
但願簫管亂儔匹歸去來兮雖得歸念歸政自莫
輕違他日采英林下酌誰向清霜望翠微

奉新縣樓對月望浮雲山李八百洞超然有
懷

白露浥宵桂月滿浮雲山遙想山中人與我身俱
閑少日曾陪供奉班流浪三千隨百蠻海水接天
看不足却歸萬壑聽潺湲累土成嶽涼非艱蚤服
玄英勒大還金闕玉清名籍在不應猶自戀人間
德機詩
卷四
汲古閣

閩州歌

閩州土俗戶不分生子數歲學繡文圍綳坐肆雜
男女誰問小年曾識君古來夜行斯秉燭今者衢
路走紛紛那更誅求使者急鞭箠一似雞羊羣古
來閩閩佩箴管今者女工徵六軍雖復太平少征
戰設有備豫將何云去年居作匠五千耗費府藏
猶烟雲官胥培克常十八況以鳩斂奪耕耘祗今
棄置半不用民勞竟是誰歡忻歲歲條章省費煩
辛且不省無方殷唐虞在上儉且勤後王猶復錦

繡焚豈有夔龍讓姚宋不言忍使憂心熏觀風自
是使者職作歌雖遠天應聞

奉陪京城諸友遊南城尋丘尊師道場作

我本漁釣清江濱三生自是華蓋君往從竹浦拾
明月初向芝山尋白雲聞有仙人姓丘者舊廬正
在燕城下杖藜隨步躡天梯千尺雲門淨如灑門
前水流清且深朗如石鏡開煩襟中有幅輪碾浩
劫多見聽者無知音高莫高兮嵩山之中岑幽莫
幽兮壺嶠之雲林萬金買間不易得一到城市無
德機詩
卷四
汲古閣

歸心堯舜之事俱寂寞獨畱一人在丘經問渠羽
駕來仙壇夜夜疎星迷皓鶴我爲長春行興在碧
草間白日又欲暮浮雲無時還十年往天都塵土
汗客顏於此意不愜冷然遂懷山更將攜手上烟
蘿曾是軒轅弓劒過我來正值五月半青天漸少
綠陰多每思東山公興來恣婆娑左持玉塵揮俗
客右引采扇遮妖娥明時豪達盡如此逝且不樂
今如何我亦欲喚細腰舞白馬馱酒金叵羅誠恐
道人嗔我慢空遣弟子來相看上堂椎鼓日色晏

孤我青精白石飮黃金臺前春已歸海榴花發乳
燕飛同行佳人莫相違相思更贈女蘿衣

贈劉山人遊湖南

楚山高高楚水清之子西還復遠行手持空縣寶
月鑑人中得到處測公卿楚有羈臣面如削千載姦
諛膽驚落誰能早向太平年識得聲名等光嶽洞
庭湖上莎草生湘娥祠下鷓鴣鳴與人言必據忠
孝豈獨賣卜嚴君平子言亦是蜀州士家寄錢塘
小江浹九野飛鴻逐便風行色將我泛湖水湖水

德機詩

卷四

汲古閣

上幾時來自古生才須世用試爲今人青眼開

搗練圖

深宮佳人白日長夜感蟋蟀鳴中房起視河漢心
回皇雲髮籠鬆分作行清水如天收素練翠蛾帶
月杵玄霜輓轡無繩金井悄邊頭不見梧桐黃裁
縫熨帖坐在牀載玄載黃公子裳制成不遠煩寄
將但見寒暑彫三光身體甚適平特康君不見古
來邊庭士雪壓關河征戰多折盡衣表淚如水

題李白郎官湖

當時郎官奉使出咸京仙人千里來相迎畫船吹
笛弄綠水何意芳洲遺舊名唐祠蕪沒知何代惟
有東流水長在黎侯獨起梁棟之彷彿雲中昔軒
蓋南飛越鳥北飛鴻今古悠悠去住同富貴何如
一杯酒愁來無地貯西風大別山高幾千人隔城
正與祠相直青猿夜抱月光啼挂在東湖之石壁
黎侯本在斗南家枕戈猶自憶烟霞祗擬將身報
天子不負胸中書五車昨者相逢玉闕下別來幾
日秋瀟灑黃葉當頭亂打人門前繫著青驄馬君

德機詩

卷四

汲古閣

今歸去釣晴湖我亦明年辭帝都若過湖邊定相
見爲問仙人安穩無

王氏能遠樓

遊莫羨天池鵬歸莫問遼東鶴人生萬事須自爲
跬步江山卽寥廓請君得酒勿少畱爲我痛酌王
家能遠之高樓醉捧勾吳匣中劒斫斷千秋萬古
愁滄溟朝旭射燕甸桑枝正搭虛牕面崑崙池上
碧桃花舞盡東風千萬片千萬片落誰家願傾海
水溢流霞寄謝尊前望鄉客底須惆悵惜天涯

梁稼教冬菊之歌仍韻答貺

中書省郎梁茂才嗜好雅興時流乖休衙歸來緊
閉戶剝啄或爲幽人開屋前枯楊千萬樹屋後官
槐傍官路別起新亭翼瓦間晝閱黃花夜吟句自
別仙城白兔公采英泛菊九秋同江清水落寒雁
遠我思古人煙浪中彼美人兮無此美不見憂兮
見之喜本是千崑萬壑姿如何肯落君家裏昨夜
遣詩兒過門挑燈三誦月黃昏更酬迭唱未足報
要須共倒花前尊君不見長安富兒買歌笑意擲

德機詩

卷四
六

汲古閣

錢舜舉畫馬歌

錢君畫人勝畫馬安得名驄妙天下青雲隱約見
龍紋有意軒昂駛華夏圍官山立頤而髯朱衣黑
帶高帽尖問渠掌握詎有此牽控寧知人女嫌君
不見才士受束縛往往因之縱寥廓

杏葉黃

杏葉黃天雨霜穹窿攜日照八荒回光照見白玉
堂堂中美人雙鳴璫中宵抱被直西廂忠君愛親

兩不忌奈何零露沾衣裳清曉樓頭見征雁不如
謝官歸故鄉

題姑蘇丁氏一樂齋

人生開口日幾何一日所得亦已多請君爲我酌
美酒我當爲君歌樂歌堂上仙翁紫錦袍堂中碩
人冠嗟峨瑤池日遲眩五色椿樹春生交萬柯借
問綵衣行者誰丁家令緒如絲蘿兄弟無故父母
存此語未必慚鄒軻況肯知君在朝列贊教國冑
懸璫珂當時權倖悉故舊青紫可拾不肯阿扁舟

德機詩

卷四
七

汲古閣

一去江海遠事實由已非由他他人束縛我掉手
此又一樂信所過要當高名日益昇使廉如華分
如河歸掩茅齋坐清沓松竹交蔭花成窠丈夫所
就類如此劒絕卽與浮雲摩聊題長歌送君去出
門至笑臨鵑波

贈彭生

自來西垣二月吉品裁良士無虛日上感天子大
聖明下知朝政靡闕失耳聞目見心所然莫此名
郡彭君賢辭官歸養終二親流水二十有四年古

人作官計百世今人動作晦朔計赤面持籌舞銓
吏哀哉賢愚同一致豈知彭生後時寵更二十年
猶如至耕田足雨稻刺波種樹繞天花照地未知
義和多少事但願堯舜一萬歲千鐘有待亦人情
尺璧無瑕乃士貴四牡以之不爲傷蓼莪以之不
爲廢王人若徵雅道闕清席朱弦倚三二美哉彭
生淑慶源孝子亦在忠臣門幾人嘆嗟向穹昊下
馬指點銅臺村

侏儒行

德機詩

卷四
八

汲古閣

君不見東方朔長九尺餘不如侏儒長三尺朝捧
一囊錢夕竟飽死復何益死者不可作飢者食有
餘堂堂之軀天所命生之短者續則悲嗟哉世之
人羨彼侏儒復何爲

輓轡怨

門前水揚聲似雨幽人當牕碧弦語東里征夫去
不歸一雙蛾眉鏡中舞年年井上攀轡轡勞心只
恐秋葵枯他家種得長生草梅花落盡青青好

田君寫真

田君力幹成霜鐵一筆能開萬豪傑總是人間敵
海愁但自不忘泓穎別我所思今大江濱欲往致
之道路分安得煩君寫作巫山與洛中有美人兮
泛波上之遊鴻行岩巔之素雲烏乎此君不可見
獨立乾坤淚如霰

贈鄭元澤別

燕城閉門百花節鄭郎騎驢索我別示我高人王
右丞輞川之圖澹明滅一從辭山去吳越寤寐鄉
關五情熱偶逢此卷卽欣然人間何處無奇絕虞

德機詩

卷四
九

汲古閣

生教授司成館文字精神萬人傑品題一百二十
言一言不作溪山說卿云亦有溪山趣事與虞言
當合轍贈朋與親各有義頗媿紅塵驅蹇拙更欲
相畱度小春夜深綺杏都成雪平旦何以畫答圖
爲解臨江雙珮玦

張月梅子昂竹石圖歌

近來海內寫竹石集賢學士有李衍吳興翰林公
更神大抵不令石作板半幅蕭蕭烟霧枝如卷中
有千尺奇洞穴常起鬼神疑嵩華衡岱狎童兒金

溪處士清似鶴攜此隨秋訪幽壑我憶爲公故寮
吏細撫遺書雙淚落吁嗟翰林今世無一筆猶可
重江湖鳴鳳之下出瑾瑜高風況足勵頑夫

西黎歌

一十三縣海之州四城結帶相綢繆中有羣黎集
百峒畊鑿不知堯舜憂手扶長弓架鈎箭白馬白
似雪花片此又外黎漸漢習仇殺從前如旅勸春
花滿山禾滿臯婦饋壺漿夫血戰曾不如深居不
識禮教人又誰使之郡若縣黎霧山高裹白雲哀

德機詩

卷四
十

汲古閣

猿驚鹿夜深聞下瀨戈船今已遠行人猶說路將
軍

掘塚歌

昨日舊塚掘今朝新塚成塚前兩翁仲送舊還迎
新舊魂未出新魂入舊魂還對新魂泣舊魂丁寧
語新魂好地不用多子孫子孫綿綿如不絕曾孫
不掘玄孫掘我今掘矣良可悲不知君掘又何時
望瀛海一首送危太樸之四明兼簡廉訪鄧
使君翰林袁侍講

危君英妙年獨往志千載天馬出名駒空行見風
采昨日銜書到空谷甚欲畱之不能待九月開帆
指四明要逐高秋望瀛海海上接天漫漫世人
不知此別難當君夷由碧嶼日是我對月永夕俱
飲啼青巒江樹葉飛天雨霜江上吳歛思斷腸窈
窕徐家兒與女却望蓬萊如故鄉君行却向三山
望雲霧軒牕六鰲上東方雖樂不可以久畱歸獻
仙公白雲唱西過錢塘過順風爲拜湖南持斧翁
會稽學士臥雲島朱絃流水鳴孤桐道我寄語莫

德機詩

卷四
十一

汲古閣

匆匆送君有情亦如海海水有盡別意無終窮

重登興真觀小樓

瀕湖觀戶舊倒顛新起小樓明且鮮道人不慣養
白鶴食豕却來堂下眠偶聞使者薄暮至考鼓搥
鐘吟昊天春茶煮就且莫試慷慨憑高詢往年

至日行

長安夜半通明光羣公冠佩列鴈行秦壇三成樂
萬舞布衣類得齊鳴璫小官需次祗自賤當日再
拜謝日長多少朱門圍艷質何當起視東方白

得黃太史重碧拈春酒輕紅擘荔枝十字扇

面以歸友人

豫章先生行孝友作書往往心應手想當揮汗臨
風時不在荔枝與春酒竹枝歌中喜鵲鳴食蓮感
秋思弟兄素紵便面大如斗送與君家作千壽

孟先生

孟先生愛青山看山累月出不還蹇驢長笑天地
間杖頭酒壺時取酌身須飢病多容顏往時佳句
動明主富有聲名無比數先生遇之亦不驚去臥

德機詩

卷四
十二

汲古閣

南山紫蘿雨嗟吾豈是先生徒朝朝飽飯謁禁廬
暮歸却向衡門趨刻畫造化論錙銖但有千載名
衆人不知而已獨信非其愚未知吾師先生先生
師吾孔子不師周公吾亦聊以自娛嗟哉先生獨
不得相與於同世雲龍上下遊八區

七月一日颶風後奉和廉訪使

海上颶風久不來一日示我破柱雷乘此便欲歸
蓬萊炎州四時無落葉大木不效軀幹折怪事何
止犬吠雪蓬門土銼雖足憐日月晝夜行青天借

爾楚竹洗蠻烟

奉觀許尊府遺墨

奉常許君玉色立手抱父書紅錦襲紛茫蜀令九
霄神扶摘郢州千首涇鐘張雖云世已遠任趙未
可肩相及葉滿天地雨聲急我縱覽之重於邑却
憶風雷昨夜顛萬壑起盡蛟龍蟄不然尺素尋常
耳何日蕭蕭百靈集草堂驚怪不敢畱至寶豈復
能輕酬還君子孫世善收扁舟歸弄江湖秋

夜上烏巖

德機詩

卷四
十三

汲古閣

扁舟夜傍烏巖宿然火上巖尋古祠老巫輟睡啓
神戶牽幌請官窺漢儀漢家將軍利於鵠征行往
往皆良奇當時光武皇帝聖舉以善馭皆周知將
軍再出定窮粵忠義耿耿光精垂不然夷祀已千
載何定至今歌舞之高縣銅鼓五獸缺以手摩拂
增深悲蜈蚣宵行蛛網結不識欵書何歲時庭中
蕉葉照石面猛虎出谷靈風吹澤魚導從吏扶掖
欲畱頗復慰深危登臨有客動必戒況此星露景
倭遲獨立蒼茫問橫浦明日江山勞夢思

朱鍊師洪厓丹井歌

城西山相鉤連隔水照見蔚藍天中有夫容碧蘚
然真人手持綠玉杖瀛州一去茫無邊谷巖歷落
挂飛斗樓閣崔嵬凌紫烟古松當道石作根松下
寒瀨縈潺湲百花盡遶諸峰前前有神龍藏九淵
赤鱗蜿蜒過千尺四海豐登長晏眠堯舜在上位
佐命皆惠宣豈如秦漢王燒丹學飛仙白玉之牒
黃金編樓船美人去不旋窮極耳目欲思比松肩
焉知清靜化乃可與長年

德機詩

卷四
十四

汲古閣

古杉行

丹陵觀有古杉屹如雙闕當雲門云是鐘君之手
植君去此樹餘空村尾搖翡翠梢八表根結蛇蛟
行九原幽邊豈無鬼神護深處直形天地恩一方
拆裂引穿溜猶是百年燒火痕蒼皮樹裏漸欲合
始知草木有道存或云下有丹火伏四時地底皆
春溫神還復壯此其驗疑是自此無傳喧平生政
坐嗜奇古來看適值寒冬昏長歌沉思遶其下夜
半月高松露繁飄搖葉縣見舄影牢落豐城龍劍

魂何當喚起博物者共騎黃鵠凌昆侖

題皮野逸亭

方丈新亭隱藂篠下有長風蔭清沼杖間白日漏
遊絲空外青烟送飛鳥人生百歲今半之更百千
歲將奚爲麻姑自是好風骨按行蓬島歸何時

德機詩

卷四
十五

汲古閣

德機詩卷四

終

范德機詩卷五

釣臺歌

吾慕嚴子陵隱居富春山故人乘六龍身隨魚鳥
閒羊裘大澤雪在須忽來導從入皇都掉頭不受
諫大夫高風逸節何代無慎勿滄浪輕釣徒

首陽山圖

山漠漠兮谷逶迤中有二士形容飢問之不合告
者誰在管父死人致國弟讓兄舜俱去之一朝隱
居北海北去亂就治婦人師遇世偶有戰伐事叩

德機詩

卷五

汲古閣

馬垂血陳愧辭君王知名臣義直直不退聽將疑
爲見兵不果事乃定恥食其粟隱於斯終然飢死
茲山下到今稱誦猶當時白旄黃鉞不可追功業
甚盛德甚衰救民水火事誠危三綱一失誰扶持
是以聖人表其怨謂彼仁者良由茲首陽之墳高
幾尺自古富貴埋沒野草空累累我欲酌北斗薦
以黃金卮展圖涕漣漣此意畫者宜不知

贈余相師

幽人本自居丘壑誤上青天養黃雀長教四海不

知歸幾見珠玄雜花落厭原山下遇余君語余世
事徒紛紛書眼猶如牖中日宦情正似嶺頭雲

張明德經歷松石圖

張君画手天下奇往者京城曾見之濟南參議最
博雅每爲送酒題長詩深山大澤生喬松緘封寄
我章江潛問君安得致此本吏檣政類麒麟羈又
費臨川百日假不爾能事何能施澗阿無人白石
爛飛泉但見下漣漪老夫對此神慘惻況近歲寒
霜霰垂高齋展玩意未已便欲共赴青雲期搔首

德機詩

卷五

汲古閣

弦歌白駒操悠悠四海將誰知

二韓詩爲韓吏部作

太行青雲城上頭城下亂水亦東流誰家烟中楊
柳樹鳴鳧一似黃栗畱是時東風蕩瀛州瀛州寇
帶集英游有客抱琴來海岳罷彈爲我誇韓侯韓
侯家慶邇晉始異代流風尚能耳九十丈人住丹
丘猶子類翁翁類子一門兩世百八十更問千年
今有幾余係生子子生孫錦衣爛照晴空裏我向
瑤臺聽洞簫靈風浩蕩迷宮徵桂枝翠弄月光寒

一時秋滿夫容水神仙中人無俗賈說似青天
爲喜往年初識吏部君吏部有子才絕羣與我同
僚內相府給事朝夕均勞勤是則知君莫如我作
歌盛德況所欣皇都二月花紛紛美酒斗值錢萬
文把酒欲醉春日醺爲君却日呼流雲此歌此事
今罕聞

懷舊游贈別杜君還益津

往與羽人曾結滄洲期醉騎鯨魚躍天池北走幽
都摩碣石所歷至今皆見之澤國波光秋澈灑津

德機詩

卷五

汲古閣

亭月色曉參差山夾踈鐘和雪度樓栖斷角引霜
吹蘭閣坐送流鶯亂華觀行聞住鶴悲別來幾度
斜陽裏平曲風烟勞夢思安得任心化爲浪去隨
流水到天涯偶向烟城逢杜子爲我立馬歡相持
自言家在碣石西易水清淪漪易州風帆日日至
佳人何事重來遲重來易遲去易遠便欲從君川
路返歲年冉冉思無限詩成雁過雲濤晚

用韵酬鏞茂才

弱冠從遊狎山水三十餘年屈伸指南隨粵鳥北

燕鴻祇今甚矣吾衰矣學門無成不了事況望清
名炤書史得歸重賦茅屋春青眼相看賴吾子丹
鉛曾近更生閣但惜案頭螢亂死世情浩蕩何足
云高人不厭席爲門百尺山前秋屢過九州外事
憶重論咎傷萍梗流滄海慙喜梅花侑翠尊制古
直須追左契聲英必合紹前聞昨朝示我清江作
洵如壘壁瞻風雲媿我徒當大敵怯此陳何止摧
千軍流離天驥志速道悲鳴往往思其羣

留諸生

德機詩

卷五

汲古閣

凌晨風雨踰山樹把書對酒聽鳴鳧牡丹初茁柳
新芽復逐春光向何處元舅曾聞白水誓婦翁更
審清冰譽二家姻好侔無匹四海交游加有數我
於卿門訖不薄況此阻陜泥中路元宵只在數日
間天氣未佳須少住

凌雲篇

往與凌雲山人披虎豹謁太清是時東風滿瑤京
綠楊三月聽流鶯君隨挂席湘江行予亦騎馬趨
承明手把宮袍厭縛身却憶南溟有縱鱗四年辭

海岳一舉上星辰逢君却向凌雲下心上經綸甚
瀟洒半夜清猿四合啼長松古月照回溪桃花原
上路一去意都迷我本凌雲峰畔客何日相從卜
其宅早服還丹生羽翼共脫朝衣挂青鋒

舟下龍舒望九華有懷秋浦守集賢周使君

長淮初四月照見九華山不見秋浦人使我心怡
然昨者蓬萊闕下相周旋白雲冉冉招歸船余亦
泛海追羣仙未知成道何因緣可憐拖頭月只尺
成胡越安得馮夷半席風疾似南飛寄書雁從君

德機詩

卷五
五

汲古閣

今夜過江東

小孤行

小孤有石如虎蹲西望屹作長江門洪濤萬古就
繩墨雖有勁勢不敢奔大哉禹功悉經理何必有
志今能存大者爲網小者紀不徒百谷知王尊靈
祠正在石壁下我來適值秋風昏明朝東行弔碣
石更與尋河問九源

張吏部宅山水壁歌

高堂秉燭見翠微岩厓突兀當兩扉庭前繫馬霧

露集老木倒挂藤蘿衣問誰妙手能至此筆墨簡
古世所稀天官主人爲我言翰林供奉精天機憶
我尋山客南粵地暖四時皆芳菲眼中得此了不
易便覺宇宙揚清暉旅人獨行歌采薇滄洲茅屋
何年歸安得峰頭置雙鶴相逐蓬萊頂上飛

贈李山人

平生慕事華蓋君四海孤蹤隨白雲峨眉山人住
盱水駐馬重逢帝城裏別來相問意悠悠北走南
飛又幾秋咎向貴溪尋講鼓又從薊杞攬征裘展

德機詩

卷五
六

汲古閣

圖示我青山屋山在盱城小江曲東風日日蕩人
歸明發行歌載黃鵠憶管上帝敕游華子岡中道
勒回俗駕寶炎方是行倘或如私願華子岡頭定
相見麻姑應解索題詩碧桃花發報人知

已未行

二年六月己未朔京城五更大地作卧者顛衣起
若吹起者環庭眩相愕室宇無波上下搖乾坤有
位東西却自我南來覩再震依微初震不今若昨
朝展席坐堂上耽翫圖書坐無覺堂下羣兒又驚

報方饌饗人喪杯勺櫛者倉皇下牀榻門屋鏗鏘
振鈴鐸祇今猶自騰妖譌旦暮殊言共郭郭大家
夜臥張穹廬小家露坐瞻星落焉知怪變不可屢
安巢盡有南飛鵲管聞上帝憂瀛洲親敕巨鰲十
二頭特爲群臣舉手戴萬古不與水東流豈其九
州亦類此此事或誕或有由上帝甚神吾甚愚戴
者勿動勿優游

次韻賦吳尊師漱芳亭白紅梅花 二首

梅仙之宮在何許五尺青天隔風雨冰雪肌膚綽

德機詩

卷五
七

汲古閣

約人鐵石心腸軟媚語行藏一粒粟中寄品格百
花頭上數所以商廷和鼎功大濩登之六代舞鳥
呼安得東皇錫白社昨以金陵爲爾土

又

惟梅本是羣仙侶別有芳姿照微雨人嘗誤作杏
花看我亦戲作蓮花語卽色非空還是色遽數不
終須悉數偷服丹砂忤玉唇顏頡向春風舞鳥
呼安得東皇錫赤社昨以朱陵爲爾土

贈陳兄

侍御諸孫美絕儔辭我遠行遊桂州道路炎暑正
足畏山水清涼須翫畱管我效官滄海上歸棹春
前拂青嶂極知茲郡烟景樂欲往終然背晴浪送
君此去倍傷悲夢寐梅花雪片詩故舊相逢憑問
信何時重與覓安期

奉酬段御史登岳陽樓之作時分理盜賊至

海康

誰能手鋪湘水平刻却君山看洞庭管人已騎黃
雀去樓前亂芷春蘭青豈知綉衣後千載遠違鳳

德機詩

卷五
八

汲古閣

闕來江城凭高弔古落日紫領客置酒開雲屏酒
酣點筆賦新句薄海傳誦令人驚憶我初游白玉
京與君聯步趨承明手宣皇猷赦帝績濟濟學士
如登瀛一行竟墮萬里外回首滄茫思濯纓守官
區區事無補惟有白髮欺人生牂牁水外萬竹底
四時鳥語烟邊鳴忽忽此地復相見恍如幽夢求
仙靈中宵秣馬不遑暇君又北鄉子南征如茲後
會復何日念之使我雙涕零宮中聖人總四溟所
過海岳須澄清鐵冠峨峨望天下青霄快展皆修

程由來豺虎伏仁獸況有鷹隼當秋橫明夜相思
隔雲島月落高臺聞笛聲

贈龔楊顯民四方采詩

今人論學古人詩事皆天者非人爲文章由來貴
爾雅但顧有法何妨奇六經固已殊緩急樂子飛
騰自茲入國賈寧懷大寶疑宮工肯效微綃泣志
至言從意自足何必王風繫流俗觀變時時到黍
離宗周思近西郊哭十道使者明如水閭閻盡在
冰壺裏觀風本是使之職太息幽人爲之起昨雨
德機詩 卷五 九 汲古閣

題冷架閣修原圖

曾泛修江入海昏更數百里緣人村道至常州四
晨夕猶未遂得窮河源山人世世原上住示我畫
圖聯秀句安得移家向碧峰釣磯長倚沙頭樹

蕭鍊師

若有羽人吹洞簫拂手不拾松門樵身披破笠揭

一瓢獨攜雲霧通青霄幼曾逢人越領椒教襲造
化爲科條坐致雷雨不終朝罔雨不習持斧燒其

徒夸者長嘒嘒時夏汗流金石焦山川圭壁走乘
輅大巫結舌小巫嬌但見空宇行肖翹人謂蕭師
服神僚胡不試手須人邀師乃含思坐中宵謂患
不禦猶助妖便以誠意荅狎調至期發號從不驕
閉戶赤脚飛招搖白蠟倏忽朱鱗超赤日卷上青
天潮四郊冷冷蘇旱苗列缺一去天迢遙喁喁曲
士蹙顏銷何且坎鼓更煩囂爭以俎豆相呼招誰
德機詩 卷五 十 汲古閣

登君堂酌君酒爲張氏順堂賦

登君堂酌君酒願君有親千歲壽有蟠者木嶷彼
堂前越女能舞秦女能弦羽觴流月翠幙張天絜
粲在側羅列庶鮮登君堂酌君酒願君有親千歲
壽咎屈生去芰君子貴之鄭莊循愛終悔其爲先

師遺言戒爾從今至孝有道豈不在敬酌君酒登
君堂願君有親千歲壽歲壽且康

贈別清夫還吳

新雨不作泥鉤輶樹上帝征夫懷遠路家在太湖
西別家今幾度楊柳江邊樹念鄉車輪下漸是中
年路萬事中年尚可期人生且莫長別離長別離
向何方九江落花清浦香王睢班班鳧乳黃南望
不見三高堂奈何遊子思故鄉我家諸公濟時早
功成身退合天道當時未必知者賢挽不廻之卧

德機詩

卷五
十一

汲古閣

烟島後來閱盡虧成事始識從之去時好我不能
赤手縛虹霓又不能委身同草木生逢堯舜世肯
受泥塗辱昨者誤奮龍門雷蟬蛻嘲之自云足憂
來舉觴酌白日唯有皇天照空谷張公子吳江生
我有千載意不羨身後名爲君寫作贈行曲曲中
鏗憂難爲明君行不聽我意平明日買船擢秋聲
亦欲東下窺蓬瀛飄然始去白玉京須卿禹穴來
相迎相迎未見須相待客行雖遲心未改

城南諸園觀牡丹

燕然牡丹絕世嘉名園是處列如麻清晨步騎醉
暮歸胸中稍得一萬花青雲長銜若木日綠水亂
泛天台霞神功天巧奮心目依稀半在侯王家欲
持此花表眾芳斗大亦有歆與斜堂堂不動吾所
敬似者何得爭豪奢我從年少過花下雖有車馬
不敢譁未知時人作意否俛仰宇宙思深遐

奉和效古意醉歌

憶我初年三四齡當客唯對聲令令夜誦漢賦一
千字朝來千字仍心冥自許英年逼華蓋豈信流

德機詩

卷五
十二

汲古閣

光不相待祇今四十少二年坐念立志足悲慨我
當贈君金縷羅君當會我黃鵠歌吳南水遠春似
画欲行未行可奈何莫使風雷寄鳴缺莫歎羊裘
墮烟雪人生萬事如春花瑠花雖晚君須折

二月行

二月欲半春風顛對食廢食心黯然排沙蕩沙忽
到眼須臾几席無光鮮昨者出門吹欲倒乘黃不
病不得前百圍大木拔莫動決折斷輪追鳥鳶驚
雷萬車碾空過倏歛卷地散百川未知何自蛟龍

怒坐使老屋如流船先生老屋十五椽寄住主人
從昔年崩騰直爲居者憎過客東西何用憐幸自
環堵無足樂屋雖朴陋形製堅但念素衣髮如漆
白黑變盡思歸田勉焉守之勿易地會且風止天
清妍君不見列禦寇御之還得同飛仙

送蕭二十兄

東郊蕭條生事微快馬日日趁朝歸黑頭遊宦吐
梁肉青眼高人歌族薇儂家旅食強甘苦何物俗
流輕是非百歲乾坤消屐屨三江風浪隔庭闈柳
德機詩 卷五 汲古閣
十三
眼臘雪春猶凍沙上晴雲暖更飛管擬此時具吳
梅送行何故不沾衣

雲林歌爲貢供奉作

朝望宣城夕企雲林埽花釣月清我閒心城東之
山倚天碧手捫南斗近只尺幽人築堂面山坐絕
似謝公故時宅謝公今何在蒼苔翦行跡調笙誦
新詩流水炤白石看水作明鏡年光靜來往夜深
敬亭雨坐見南湖長清風被長阪鳥度菱葭響雲
之林兮不可攀中有青猿白雀相盤桓林之雲兮

不可縛時來宿我青簷端昂藏老仙人抱劍卧山
側憶在中華時相逢髮未白問之笑笑亦不言阿
客中子瀛洲客卻起遣我實字書依稀稀攝精鍊魂
魄相期後天無極年共爾守之合自然專氣還得
同飛仙未登雲林堂試作雲林歌嗟我久客意衰
邁雲林雲林奈若何

芝山歌

自公習隱華山丘園公既未相清乾坤三光廻明
五秀闕儲靈肆啟忠孝門管在至元侍潛藩出佐

德機詩

卷五
十四

汲古閣

刺史窺江源二十年間躡台輔卽復拂衣辭紫垣
憶管尋真度海岳騎鯨相見芝山根手拋仙人綠
玉杖傾笑爲之顏色溫芝山嵯峨熊虎奔屏風百
疊翠波飈青天夫容翦秋水高堂宴罷浮嵐分醉
陪藜杖陟山榭桑麻被逕松滿原此時細屬方外
里但覺泉石多深恩帝思舊臣振頽弊下詔明言
徵吏煩使車日歷林澗曲復攜白雲朝至尊觀公
出處握至要自許當有古道存方今明堂力更化
頗陋周漢追堯軒蠻夷來庭百辟享聖心正欲嚴

天元黃鐘九奏樂萬舞廟薦無月無愛膳大脯精
神蓋六合民物自爾能豐蕃功成次第勒彝鼎歸
去欵委尋笙尊此是英雄千載事慎勿輕與常人
論只恐門墻少壯客白頭猶是芝山村且持此山
爲公壽願益公壽如崐崙

奉和李監丞醉贈羽人之作

自從墮地愛名山五岳尋真去不還青山無津度
日月旦莫御風行其間九江西來赴海門中有道
路古來難談笑解入蛟蜃腹脫此命與松喬班

德機詩

卷五
十五

汲古閣

吾嘗左揖三茅君右手真接高飛翰至今空濛偃
翠蓋望雲懷我雙佩環君從茅山來青衣白霓裳
肝膽出古劍刺裁光甚揚玄元皇帝雲與仍

李武昭王

嵩之稱世舉德朝未央偶吹龍笛過九市共君斟

酌北斗飭浪轉北斗不可揖酌之昨以白玉觴百
觴未已已復醉援此織女天機章舉頭眼送南婦
鴻秋自滯畱君遠翔眇眇美人絳珠宮弦白雪兮
歌清風浮萍流水相遭逢何獨不在岐路中何獨
不在岐路中相思昨夜春缸紅

官河曲

官河人世居河水邊嚴冬二月河水堅響厨待汲
烹庶鮮朝朝投壺先奴女十指凍墮貂金蟬今日
出門又苦早行人爭憎少夫憐鑿冰難得水上堂
養姑欲姑喜

元城行

元城郭使君愛母不逮養刻木貌慈母去官西山
濱上堂示甘旨下堂候寒溫人見使君孝作書細
討論我論使君政亦由孝所敦虞周雖已遠此道

德機詩

卷五
十六

汲古閣

今幸存嗟乎使君天壤何茫茫此道誰與期天雖
高孝心本自達天德地雖厚孝心當有徹地時何
必邦人子弟能化之致之家國天下皆爾爲秋風
吹庭樹樹葉秋如雨秋樹則有枯鳥生長顧雛

范德機詩卷五 終

范德機詩卷六

懷小柏

手種庭前小柏樹分枝散葉總天成
涉旬不見長相憶況是經年別友生

楓林雨止

籬肉楓林露鶴巢春深翠葉未全交
山家老屋渾相似千里行人識把茅

題黎氏家山圖

漠漠家山在白雲石橋流水路斜分
狀元坊裏重

德機詩

卷六

汲古閣

來日還有新阡表陸君

社日

丘隣雨止散青烟白叟相違已隔年
忽遣大兒三角結打門來覓社神錢

贈卓秀才還澧州

不說從師學道難一身千里暮雲端
是行若拜庭闈罷有使題詩祇寄蘭

五月二十六夜宿松林蘭若

白沙寨下接飛霞行至招提日已斜
睡覺忽聞山

易語不知今夕離吾家

瑞州城東水邊松下遇老翁稚子蕭然有桃

花源想

花墻竹柵護長松雲去柴門晝啟封
不是武陵州縣古秦人那得晉人逢

登高風亭

亭在三劉祠後今西澗書院劉倌之書高安人子道原孫義仲

罷官本自亦由君直節高風世世聞
天下布衣能致祿多應無傳附青雲

桑落洲

德機詩

卷六

汲古閣

桑落洲前秋典孤白雲遠見近還無
傳聞酒吏經年罷美釀家家得縱沽

發湖口

已過匡廬却向西片帆猶逐暮雲迷
路長正是思親節取次驚猿莫浪啼

潯陽

露下天高灘月明行人西指武昌城
扁舟未到心先到卧聽潯陽譙鼓聲

題山水圖

烟厓宵宿樹欒欒三兩漁舟戲碧瀾不解買山頭
已白今朝又得画圖看

十月白牡丹郢中孫氏家植也

霜檻枝頭結素雲分明便有繡成裯紫皇爲愛春
風早特向瑤臺折贈君

八駿圖

天上房星照九垓翩翩西域画龍媒崐侖一去無
消息空見人間八駿來

試院中戲題姚檢校山水圖

德機詩

卷六

汲古閣

故園不涉已經秋何日徑辭黃雀樓卻借仙人綠
柱杖乘風散上碧峰頭

以瓊扇一握奉致黃明府

拾得炎州月一團殷勤持贈比琅玕情知已是秋
風後畱作明年九夏寒

詠鹿

可富終然不稱家呦呦如怨復如嗟何如送汝歸
山去許令臺前卧落花

鐘陵夜宿聞鐘

中年江海夢靈皇夜半聞鐘似上陽一百八聲猶
未已更兼雲外雁啼霜

宿村庄見高進士畱題戲作

三水橋邊望翠篁行人駐馬立昏黃因何秉燭來
投宿州判題詩在草堂

午憩村落竹溪上

竹連流水水緣村上有青山蔭亭園此處不容居
士住短牆午暑特侵門

日晏

德機詩

卷六

汲古閣

昨日相期早出村今朝日晏未開門可人一夜東
風雨綠遍天街舊草痕

四月三日早作訪夏編修

曉穿甲仗抵晴沙橋角垂楊亂映花春色於人元
不薄將詩勾引到君家

畲贈晚春

懶向佳人說翠微長安陌上見春暉誰家門巷花
狼藉吹作漫天白雪飛

初六日在院中僚友無人至

乘輿聞喜達皇都自此玉堂宣鎖無閒殺幕中揮
翰手日長獨坐數花須

因杜右父編修贈痔醫

舐痔曾聞獲乘車王卿妙藝復何如祇應杜老波
瀾筆絕似齊人治驗書

院中夜直

此身只似到南州莎草寒雞一片秋後夜玉堂誰
上直料應少睡更多愁

贈黃道士別

德機詩

卷六
五

汲古閣

二十四岩煙霧幽輕舟橫笛戲清流萬人舉手風
塵下惟殺仙人學遠遊

鄰燈

星星遠映孤村外炯炯微穿落木間知有鄰姬思
遠道續麻應待夜深還

休日

楚解晨叅不出關有時持酒憶南山無端却被詩
牽引斷送先生此日間

十一月十六夜

本是圓時半不明非緣掩冗復何情更無雲表真
消息鐘鼓盆罍亂自鳴

戲題二牛

燕山丈人年九十戲筆掃此雙犂牛江南夜半春
雨作老農驚起爲君愁

離揚州

孤蓬如磨遶汀沙葉滿平湖藕未花回首竹西亭
漸遠一江烟雨酒旗斜

贈裴氏二子

德機詩

卷六
六

汲古閣

唐晉公之後家有胡銓盛德堂銘其先世
爲守是郡家焉至今尚爲儒家

有後深知晉國賢傷心不爲海南邊相逢莫笑無
多贈猶是詞垣舊俸錢

過三合驛

一春歸計又蹉跎窮粵風光奈病何總有青山千
萬疊行人長少鷓鴣多

江閣雨望圖

高閣秋風樹半枯連山更帶雨模糊幽人把釣空

江上縱有扁舟不受呼

見觀西人家石榴

石榴始華實已紅
橘柚照日青玲瓏
自來南州感風物
賴得鄰人生意同

十月十一夜東署聞鴈

久別雲林舊草亭
南江都邑歲凋零
可怜此夜長空鴈
正在青松樹底聽

詰朝進書西宮問盧九
修謨借馬戲奉絕句

作書太史具有喜
徒步拾遺方可憂
明日待朝天

德機詩

卷六
七

汲古閣

上去何由贈我紫驊驪

高齋

俗客過門應有數
祇言渾似野人家
少齋高接萬

林杪坐見城南城北花

侯孔校書

承聞舟楫止河干
久別深思再見難
已具一尊林

下酌好來共慰百華寒

倬節

百華高下攤晴天
竹屋方牀興悄然
忽憶逝人泉

下冷學燒楮火作新烟

清明後聞鄰莊牡丹盡發
館中獨遲雨晴忽

開一枝詠以志賞

千山颯颯雨無風
憔悴羣芳二月中
整待人家春事過
小亭特放狀元紅

題楊補之墨梅

學到逃禪自一家
洗空塵墨印江沙
筆端不有蘭亭骨
莫寫園林雪後花

江東晚泊

德機詩

卷六
八

汲古閣

雲間列岫映朱樓
江水東來打石頭
不是行人惜光景
人心舊有帝王州

江上古祠

老樹昂藏倚岸隈
祠靈經歲鎖蒼苔
豚蹄卮酒能多少
便有羣鴉旦暮來

重感

曾謁聊城太守歸
吏扶殘醉踏斜暉
重來柳下停船處
太息人間萬事非

湖面

湖面春深煖氣勻青蕪未隕已知春沙灣散駐張
魚客葦室時驚射鴈人

玉隆宮

東晉真人尚典刑石函故在藥飄零閣前正是升
仙處雲路笙歌少得聽

經梅仙壇下

懶慢朝辭楊子真空山祠廟已千春自從上疏東
都後不見江湖有直臣

北山谷中老友

德機詩

卷六
九

汲古閣

無多林屋冠青山長子成孫鬢未斑問我鄉原何
處是半生江海未知還

題萬竹秋聲

山人愛竹手自種萬箇直臨江水邊長吟浪被秋
風覺散作宮商轂滿天

錢生幽禽圖

誰人翦下碧梧枝誤落西風粉墨池立斷小禽飛
不去朝陽何事鳳鳴遲

封州作

魏闕迢迢隔綵霞別來幾歲客天涯春風二月崖
州道時見棠梨一樹花

渡端州峽

櫂郎得便汧清流忽報舟前曉霧收蠻語酬人翻
自苦好山不敢問何州

正月二十四日至寶圭驛是北流縣自此遵

陸指鬱林矣

遠辭京闕碧雲端汧盡夷江未到官回鴈峰南更
千里是行誰爲報平安

德機詩

卷六
十

汲古閣

登杏磊驛樓自此度海

半生長以客爲家罷直初來瀚海查始信人間行
不盡天涯更復有天涯

謁海神廟

南州未識異州蘋初向沙頭問水神料得行藏無
用卜乘桴人是北來人

得樟樹鎮便寄家書

商船夜說指江西欲託音書未忍題收拾鄉心都
在紙兩殷杜宇傷人啼

瓊州出郭

自出瓊州古郭門更無平衍侶中原重重葉暗桃
椰雨知是梨人第幾村

臨高阻雨

恐傾南海成秋雨急喚西風作晚涼淨掃黎山須
見骨莫令楚客屢回腸

檳榔寨

秋入黎山風雨多長江不定駐驚波翠榕葉底聞
鸚鵡自此無如客思何

德機詩

卷六
十一

汲古閣

定安縣

陽上晴雲滅復生誰家吹笛海天明縣堂曉起西
風急半是深黎夜雨聲

至富屯

承恩千里出江鄉轉歷三關道路長黃葉霧開山
市集見人鳬鴈憶橫塘

西樓

童子出春親掩關春來芳樹伴人閒別家五月不
得信獨上西樓思遠山

遊南臺閩粵王廟

海角釣龍人杳杳雲閒待鴈路迢迢石爲借得山
頭石每到高秋坐看潮

元夕

危樓向暮倚層空故歲今年不得同記取合沙元
夕節滿街簫鼓雨兼風

正月十六夜雙門觀燈時閩粵閩官吏皆集
雙門此夜啓崇臺次第東山好月來自古金吾元
不禁少畱大將與銜杯

德機詩

卷六
十二

汲古閣

二十六夜得舍弟書及知熊敬輿茂才消息
期旦夕有會并知便良尉快也

故人天闕騰新薦舍弟雲溪守敝廬未省東歸何
日見挑燈細讀寄來書

南澗志見

繁桃只稱倚紅屏醵酒吹香著舞衣樓底誰家吹
玉笛一雙白鷺上雲飛

池館夜坐聽雨

更聲隨雨動譙門頗似聽泉宿楚原客裏青燈如

骨肉獨能相待向黃昏

懷京下親友

海上經年思殺人絕
冷京國舊交親過江
唯有傳郵使寄得書
回是暮春

池上晚步

清池斜步竹煙微
鶯轉重門鎖夕暉
退食幸堪無趣謁
見人慙道聽公非

不寐

鼓角連天月滿城
芭蕉葉上露華生
思鄉不寐占

德機詩

卷六
十三

汲古閣

潮信說是中甸夜半平

夜坐池上館

沉沉畫戟隱高牙
月滿閭都十萬家
竹外小曹人睡穩
杖藜獨立聽鳴蛙

建安館夜坐聽流水

平生慕愛武夷君
及此名山阻白雲
九曲水聲流過郡
夜深猶得世人聞

路傍樹

路傍古木是誰栽
更有山棠次第開
東海神仙求

不得何因百歲客重來

臨觴

幾見春鐘度上陽
偶因寒盡強臨觴
故鄉只在車輪下
自是青雲路每長

聞笳

何處聞笳最是悲
京門獨立晚晴時
鸛庚一十二荒郊
遠借聞春光有底遲

夜誦賦瓶花

膽瓶折得樹頭花
初是東園一片霞
西澗讀書過

德機詩

卷六
十四

汲古閣

夜漏忽隨燈影上窗紗

寓書

欲寫鄉書寄故園
行人已遠意空存
舉頭却見南來鴈
箇箇隨春度塞門

山僧養犬

不見岩扉淨業君
山僧養犬謾成羣
人知自此來看少
祇向山中吠白雲

憶得

憶得佳人白紵詞
幾將天外數歸期
自從落盡庭

前樹夜夜秋聲總不知

聞東鄰歌

促指繁歌沸不停月高絃語轉明星莫令知有西
鄰客獨坐挑燈課六經

贈郭判官

慈烏夜夜向人啼幾度紗窗免魄低自有平安三
百字無因却寄大江西

種樹

種樹江頭不記春年來年去祇傷神今朝忽向江

德機詩

卷六
十五

汲古閣

頭見稍有清陰芘路人

溝上

御溝新綠動朱闌溝上垂楊盡可看唯有西山九
千仞朝朝闕角倚晴寒

卧庭

朝來忽見樹藏霞碧草春邊逕路斜佳客不來春
雨盡山禽啄徧小桃花

靈應宮

萬花如繡擁青紅梯石稜層見梵宮一十二時春

百刻日長半在鳥聲中

清明日畱西山

離家六度見清明知是何時出帝京今日登臨倍
惆悵好山多似豫章城

逢芳草

忽逢芳草思綿綿綠遍郊原翠滿川不是王孫歸
未得盡緣春色有今年

西谷訪人不遇

出郭幽人晚未歸青天咫尺見何稀一年祇有春

德機詩

卷六
十六

汲古閣

晴好多事楊花學雪飛

題閨人望遠圖

郎行不用苦悲辛久別心知萬事親看取江邊垂
柳樹最先零落最多春

酬友人月夜見寄

舍北舍南流舫通高荷萬柄倚微風不識此時明
月夜共誰談笑水煙中

題沈李二山人談道中

白雲流水兩無情一段忘言回不成昨夜天壇明

月滿野風四壁候蟲鳴

春日 upper 平坡寺

羅逕陰陰近百層金輿記是昔人登山僧苦避尋
詩者牢閉柴門喚不應

省災初至新建山谷山家

卹災猶自惱漁樵太息無時緩賦徭日算解鞍仍
秉燭強顏聚吏戒科條

山下

樓外風江集米船樓中光景月流天空洲此際無

德機詩

卷六
十七

汲古閣

鳴鴈猶比山深少夜眠

章義門送人還南城觀臺

郊原平晚綠萋萋獨上高臺意轉迷古樹鳴蟬城
下路送人長憶向安西

懷臨江寓居

石霜峰北淦西頭寄住林塘數畝幽比及到家猶
是客對人強自說鄉愁

清明日

旅庖欲禁自無烟酒裏中原熟食天不憤小桃紅

似火爲人兒女照秋千

西垣感春

簾幕沉沉燕子歸牡丹帶露浥春暉依然画省風
光妙少問去年人是非

楊花

穿空透戶本無因若便隨風惱殺人我似楊花花
似我年年飛盡玉堂人

挽西蜀先生

八十猶傳隱者名乾坤未是負先生無端白帝城

德機詩

卷六
十八

汲古閣

邊水欲載哀歌上玉京

歸自館中聞鶯

春來羈思不堪論日日瞻星謁禁垣昨夜歸來津
口聽嬌鶯啼斷內城園

友人壁間寒山圖

行盡天涯不見秋君家庭院冷颼颼太平欲選風
霜吏画史當居第一流

東郊

東郊芳草綠萋萋欲到渾如戀馬蹄總是都門好

春色隨人直到大江西

絕句

幽人不出戶長開看盡春風長綠苔多謝有情雙燕子
顰時飛去又飛來

懷南省海棠感新事作

海棠花發醉題詩猶記西垣下直時今日豈無歌舞地
一尊先被外人知

贈聊城施主

京國相逢意若何向人平蹶路人歌旱陶此去爲

德機詩

卷六
十九

汲古閣

廷尉似子寧疑一樣多

贈盛復之之官宣德

帝城穀雨見黃鸝關外風光大較遲想得牡丹花落後
先生初是到官時

戲題張平章所贈洪生書後

一翁二季響皇都未必遭逢事太殊祇惜翰林歐學士
當時書讓蔡君謨

贈水鑑道人寫真

鑑盡公卿寫盡真此心澄徹故通神世間未用論

滄海何日河流照得人

十二月十九日候進賢該吏不至看野人家

道書

社農家近白鷗沙再繫停驂候蚤霞閒啓古囊看
法籙此身如到玉清家

送薩僉憲至岩頭渡

石頭渡口風烟古洗盞開樽對淺沙卻喚椽曹無
覓處移船幽寺看黃花

小年日仍宿北山

德機詩

卷六
二十

汲古閣

臘日才過又小年那看澤國雨連天兒童把酒傳
明燭遠想慈親尚未眠

題秋林圖

霜樹前頭欲下禽遠行逢有慕歸心佳人昨日天
際去紅蓼作花秋正深

孝友堂

堂前多種紫荊枝堂上能啼白髮兒但恨後來風
雅廢南陔不似古人詩

戲題奉寄行營董僉事

五月沙山鉄騎羅將軍無那太平何帳前養得堂
人鹿祇愛行營芳草多

和揭曼碩茂才揭嘗過臨不遇畱題牆壁

麻姑蚤解鬢成霜況說山中海與桑久別南城壇
近客西風殘照憶題牆

題烟雨圖

似有江南布穀聲亂流觸石野橋平何由招得魚
竿客共上西峰看晚晴

題稚川蘆鴈圖

德機詩

卷六
二十一

汲古閣

不見羅生心惘然回圖河朔盡流傳滄洲舊隱無
人識正似寒蘆落鴈邊

伊孝子

是州寧有古藤君子弟班班行義聞又說水村烟
郭外伊家水樹抹青雲

題松雪圖

傍人不識歲寒松冷殺深山大雪封待得化爲東
海水青天白日睡蒼龍

桃花原是漸嶺對江

雪晴尋路入華原絕愛清江抱遠村行處祇貪幽
樹好不疑山谷易黃昏

德機詩

卷六
二十二

汲古閣

范德機詩卷六終

范德機詩卷七

正月節日上寶曆寺行禮退述事

朝參不見承明廬夢想三更尚是初宵宵重山遮
列炬泠泠流水逐行車柴關響接羣僧磬草澤心
馳上帝居聖壽延長天廣大固應涵養及樵漁

晚經皮使君江居不見賦簡

使君直節更無雙又拜濃恩出海邦絕域朱旛兼
皂蓋名園碧樹倚清江山明殘雪當松陽岸斷斜
暉射石缸愧殺舍稽王子敬過門未遂此心降

德機詩

卷七

汲古閣

又

憶得去年尋藥圃甚怜此日負花時拏舟況說看
燈及叩閣應煩把酒思浩浩古今奚我獨悠悠江
海足吾師西墻儻遂殘年願來往風流或可期

松湖渡亭子夕眺懷西山朱鍊師

不解無愁祇遣愁憑高試看水東流一天鷺影摩
僊闕兩岸蟬聲送客舟肯信先生居錦里不將夫
子敬丹丘如聞舊按蓬萊節松下時時省釣游

題阮茂材詩卷

炳炳人間阮嗣宗能詩化動每愁儂九霄麗日開
鳴鳳六月深淵起臥龍前輩文章工祖述後生師
友係遭逢一編欲反明珠寄寶匣看君不敢封

贈熊處士還山房

廬山中有山房宋李尚書公擇藏書處今
廢矣海昏李氏爲其先作書堂於建昌州
亦曰山房并記尚書焉蓋有慕廬山者矣
聞熊修業是間故作此記之

德機詩

卷七

汲古閣

薦鞠鬼神猶自護遺書石泉宛宛輪池細川樹芒
芒映日疎不識海昏熊處士冥棲消息近何如

贈傅汝礪北遊

十年身不到瀛洲江上逢君又素秋行李祇今何
處在看花須及俊年遊滄波遠去浮三陽白日高
縣照九州大旱若將敷說命賢良記取舊弓裘

贈熊文學

江東閭閻冠羣倫多士如君復幾人庠序弦歌時
雨潤廟堂俎豆德風淳嘗因矯舉思鴻鵠何幸升

平觀鳳麟黃葉薊門寒色早佇看天上紫泥新

送馬椽還湖南

聞君暫與故交違去逐西風落葉飛看劍未成今
夕會拏舟定復幾時歸雲開帝子黃陵廟月過將
軍赤壁磯事業還須各努力收名卽用繡爲衣

八月二十日晚試院得雨次時作

彤庭下詔簡賢良大府新開藝戰場一道風雷嚴
號令九霄星斗煥文章求材正合隆天爵發策應
當急歲荒昨夜雨聲傳數點爭燒銀燭待新涼

德機詩

卷七
三

汲古閣

贈李宣使

故園雲臥四三年府署依然念子賢莫爲馳驅傷
遠道但將忠孝感皇天湖南政譽聞爭薦日下絲
綸圻近傳爲報津頭黃鞠藥明當炤我上江船

大明殿退朝

曉星寥落動晴霄雙闕香煙近眼飄警蹕西來天
影近衣冠北上海光搖問因正笏知春漏忽報簫
聲押晝朝忝後詞人雖寡陋極知聖主體軒堯

清讌奉教

日上高城烟霧多玉簫前路散鳴珂開筵迥出清
川上對酒其如綠樹何南極有星朝玉闕中天佳
氣掖鑾坡長年不負經綸寄願及昌時養大和

四月十六日指東華門奉迎香輿

天香曉報出宮城已辨隅頭合樂迎黃鳥低斜衝
隊過紫駟疎蕩著班行百王盛祀無遺典萬乘深
居有至情失喜快傳湯沐賜禮官識姓未知名

禮成還齊宮

九重雅有舜儀刑猶遣精神接杳冥朱戶瞻星扶

德機詩

卷七
四

汲古閣

帝坐清天分月下齊庭周旋宛若羹牆見薦裸徒
聞黍稷馨歸舍何人發新詠卻兼鳴珮兩邊聽

至夏庄懷平坡舊遊

平坡谷前桃花花年時著屐到君家祇今可買惟
村酒無復能來試石茶簾幙高高通紫燕溪潭欸
欵伏青蛇同遊昨有虞公子卻爲盧郎得浪誇

贈王主事如上都

天官幕府盛諸卿又從皇輿赴上京解后同爲遠
道客比隣猶有故鄉情秋風響近彈琴峽夜月懸

當直斗城須記今年上馬日麟蒲杯裏試長生

長春瓢奉同夏楊二編修爲九宮道人作

妙絕新亭九宮下似杯非杓異山壘昔從樹杪冷
風去今向天邊灑雨來芥子量應容宇宙黍銖境
不外樓臺從師斟酌行藏事小閑冥靈一萬迴

送梁知事之婺州

皓月青雲若箇邊送行恨不共吳船新官浙下皆
名郡舊宅山東有賜田禮樂固應張盛代簿書勿
用嘆流年經時不見曹員外今日因君重惘然

德機詩

卷七
五

汲古閣

追和盧修撰張平章園亭觀花飲

白藕花邊香已秋西郊風物野亭幽未須短杖扶
持病且遣孤尊斷送愁紫氣近連飛鳳闕青山遙
隔釣魚舟勝遊縱在招要外猶解因詩頌醉侯

秋日集詠奉和潘李二使君浦編修諸公十

韻

晉薊城邊白露零秋聲不任旅人聽差差乳燕朝
辭舍嘒嘒高鴻算過庭以病酬閒翻自惡將愁抵
醉祗難醒何人解擬匡廬賦千仞岡頭瀑瀉鈴

又

將身跳出市間壺美賈由來不用沽大地騎鵬須
共化中宵上鶴倩誰扶庶幾未老投簪去尚可長
生折簡呼此輩終非塵土物明朝種橘學諸蘇

又

生也無涯死有涯拋書幾擬問南華要知立志非
多事但使成言自一家寒樹接天霜映鵲溼蕪滿
地雨生蛙相過倘遂攜尊酒檢按墻東野菊花

又

德機詩

卷七
六

汲古閣

迥無江左管夷吾誰復能稱晉宋書運本關天聊
爾耳力能蓋世復奚歟百年草草雲龍地四海悠
悠法象廬曾向鐘山酌芳草至今心死及菑畬

又

流落移家白帝都低頭愧盡馬相如題橋一字終
何益賣賦千金竟或無風月長留前輩詠塵沙滿
載古人書此身汎寄空江上已異當時舊鬢鬚

又

浮世有田虛寸尺明時無伎畚涓埃偶隨青瑣須

高步欲緩丹書甚寡才斷壁雲過溪笛逝虛林映
雨寺鍾來幾年閒卻持螯手強爲清秋送酒杯

又

潘公牆角樹連亭曾是笙簧晝夜聽門巷祗今埋
糞壤輪蹄自昔走雷霆長因午睡思茶竈卻爲朝
吟欸竹局若續濟南名士錄莫令憔悴鵲湖亭

又

李侯高朗若空晴論議詩書滿腹撐期接仙舟應
少便偶分宮硯亦多情蠻荒異俗中年歷河漢頻

德機詩

卷七
七

汲古閣

秋向夕傾此去暫煩南郡守旌旄勿用野人驚

又

浦君高價本璠璣多幸蒹葭得所於學道初輕千
里驥收功直到九州魚詩探飯顆尤難測賦擬蘭
陵定不虛月月西垣更夜直還應共我惜居諸

又

秋入江山錦繡開白雲紅葉盡詩材句成祗用三
年得槎在應須八月回自是每爲浮客累非關不
受故人催憑將寄語詞林老風雨重陽又近來

送白无咎太守之郡

瀟灑中書舊省郎排雲曾攬舜衣裳一麾況復守
名郡萬事不如歸故鄉馬首漸遠燕闕雨雁聲欲
度晉城霜漢廷擇相皆良吏蚤奉潘輿謁建章

奉同陳應奉訪友人不遇

翰林小暇出西城京國餘秋晚更明鷗度折磯心
已熟馬逢危石眼偏生疾風稍定樓臺色微炤猶
含鼓角聲會合何因得惆悵潛夫祗媿未潛名

夜坐有懷舍弟在江右別來凡閱九冬至矣

德機詩

卷七
八

汲古閣

天邊此夜逢冬至江表頻年望客還謬戴詞林深
雨露卻怜棣萼遠河山周流本已違長策趨走那
堪益厚顏何日求田歸計定一尊松下詠閒關

寄別倪大同

知君久住玉真壇日與飛仙弄紫環從此便令行
地縮逢誰不說上天難鶴邊紅日浮觴送馬首青
山抱檄看相好何因不相別寄詩應到算雲端

將赴雷陽送羅提舉之任廣東

松滋暫泊薊門船復指番陽路幾千茉莉香深和

酒露枕椰葉暗驚鹽烟齊人舊算無遺策漢史新
藏有剩錢莫爲遐荒心力怠朱崖更在海南邊

休日出郊三首

上方鐘鼓晝依稀出定諸僧綰法衣迎客猶能下
殿走訪人更有待尋歸禿鷲近水行仍啄危燕當
梁乳更飛自古旅懷煩尉藉竝遊萬事莫相違

又

丞相祠西椰子園新開湖館見遙邨風含碎羽珊
珊過浪湧長干刻刻翻止息幸然無鶴爵去來應

德機詩

卷七
九

汲古閣

或有鵬鵬江邊柳樹晴相倚祇爲行人作斷魂

又

歇馬高林烟霧開感今懷古獨登臺遷臣逐客皆
前輩幕長郎官盡上才放浪已聞窮九域飛騰終
合近三台謝公自有青雲屐且與從容步紫苔

寄友人

繡衣行部直南州幕府英名蚤歲收如此一臺兼
二妙令人萬里破千愁枕椰葉暗潮聲算薛荔花
縣岳影秋此去三湘寧九住近天須應璽書求

題燕山僉事絲繡堂

海康城下白雲飛南部觀風使者歸督部須持直
指斧歷階尚挂老萊衣高堂見月思丹檄遠路逢
春憶翠微賴有勝流詞翰在定隨華榜炤林扉

贈余使君致仕還江東

九華山下女羅衣使者旌旗發粵中昔至本膺丹
詔重今歸唯頌白頭公百年自喜行藏定千里何
當語笑同門口侍船應有待大江西即大江東

焚樓鎮志曰漢大將焚船處也今爲文昌縣

德機詩

卷七
十

汲古閣

懷古奉簡邑文學

龍節迢迢去不歸漢家將軍建國威當時曾見樓
櫓集異代空聞塵土飛風壓春潮吞亂嶼岸分古
木轉斜暉旁人猶解祠神女何故功臣廟貌稀

立春日

今辰春節喜新晴況是山堂此日成畦菜撥餘傳
葉美逕桃留在著花明雲開葛井蛟龍動雪盡蕭
岩鶴鶴鳴失喜浪傳京邑信未聞隣舍識高情

寄題何處士竹閣

吳漢仙翁丹井西君家高閣俯清溪冷冷修竹鶯
時到井井空烟鶯晝啼解帶欲圍蒼雪遠敲門待
看綠陰齊何當試會登臨願繫馬宅前楊柳枝

屈原廟前觀雨雨止渡口觀魚

乍來修去峰前雨半落未開沙際花春遠客懷淹
燕雀年荒民命掇魚蝦徒聞黃霸能爲郡豈識張
騫苦泛查早謂仙人無世慮山深往往飯胡麻
送毛練師奉祠禮成還京

僊官持節下青冥海濱嚴祠衛百靈行爲治平循

德機詩

卷七
十一

汲古閣

禹服禮從禋祀想虞廷東風到處隨神雨南極歸
來奏壽星致福要當宣室問鶴書先報白雲局

龜潭壑

征夫魚貫涉秋脣樹底炤見石磷磷攀緣唯有千
古意搖落獨如三月春天清過澗猿飲子日晏噪
林雞警人七曲擢歌誰按得他年重問塏頭津

題黃隱君秋江釣月圖

舊識先生隱者流偶因圖畫想滄洲斷雲滿路碧
牕晚明月何年青嶂秋世故風塵雙短屐生涯天

地一扁舟何由白石空磯畔招得人間萬戶侯

寄上甘肅吳右丞三首

要使唐虞化遠覃玉門關下屈征驂多憂總爲民
心苦有喜唯聞郡姓甘日晚邊沙黃浼浼天晴隴
樹碧穆穆國風不繫秦州外自此西人識召南

又

歷數先朝輔弼賢如公孰可語同年二童一馬臨
荒鎮百感千憂倚上天深厚已聞鸞詔趣平安不
用雁書傳別來濯濯春城柳誰信秋風慰目前

德機詩

卷七
十二

汲古閣

又

塞上孤鷹白雪毛塞門風物靜蕭騷黃河西去從
天下泰華東來拔地高枸杞莫將如意苴醍醐足
飲勝蒲萄遙瞻圭袞還舟日正屬江湖心緒勞

郭茂才要飲舍下忽報董中丞靈樞自上都
至出城迎之遂負此約戲題奉謝

相期把酒對秋暉忽報中丞旅櫬歸遂逐城東朝
騎發遙怜江口夕鴻飛陶潛宅隱波吞石謝傳山
寒雨打扉人事雖殊風物在笑談豈可眼中稀

九月十九日京東門與董右軍諸公別至通

州還寄在京朋游

臨分強顏作笑言上馬慟哭投烟村十年總仗舊
交力萬里獨懷明主恩南極下頭星象少東風近
便柳梅綠時人祗怪丹砂令曾以虛名細討論

山齋

二首

山齋朝雨竹光勻茶竈催添石火新對語黃鸝真
不俗飛來白鷺淨無鄰辭榮豈敢要時論賞靜猶
應愧古人報道林河春漲起少須重理舊絲綸

德機詩

卷七
十三

汲古閣

又

幽棲自是少經過藥裏書囊奈癖何僊井朝來雲
氣重洞房夜盡雨聲多江湖耆舊深思憶臺館風
威尚琢磨自爾索居增固陋負苓誰問首陽阿

送陳從事歸江東

二首

長年京下送人歸初及扁舟指翠微豈意遂聞鴻
鵠操卻須同製芰荷衣清江碧樹重重見紫燕黃
鸝處處飛如此交遊二三輩何因中歲每相違

又

吳儂呼劍每通神鑄作由來極苦辛天下縱無增

價士夜中須有識光人卽今況躡青雲地何日重

翻紫陌塵令弟兩街清顯甚定應攜手接星辰

傳之經歷謁告還湘中未語別而宵征翌日

與僚友追送生居亭中

美人歸思洛滄波昨者論心肯重過寒盡極知春
意在夜深無奈月明何海隅雖蹙違霜幕天上應
須接玉珂如此才賢移病去瘴煙端的爲誰多

又

德機詩

卷七
十四

汲古閣

北風盡日破南溟行客經年倚壽星子有全家依
翠岳我猶萬里隔青冥山田鹿下投書去水館猿
啼却坐聽王事馳驅知有素何由重見此郵亭

十月九日詣天光門上進三朝實錄

儀鸞簇仗滿雲端玉鑰初開衆樂攢三后龍光周
典冊羣臣鵠立漢衣冠爐香著日浮晴靄宮樹班
香試曉寒千騎前頭都不避祇傳學士拜金鑾

畫馬

一自房星下渥洼龍媒多在玉皇家赤毛洒血微

生汗黑暈搏雲整作花不待老能知失道固應來
是涉流沙如今豈少真神駿猶有丹青紙上誇

石氏壽母

鶴髮西風尚健身綵衣天上四麒麟爾門皆可二
千石此母何妨五百春露下齊山紅樹曉雨生灤
浦綠波勾勝筵偶覩諸賢詠盡敬東川學士醇

歸來

十載歸來問草堂入門喜見葛山蒼慈親已尉占
烏鵲稚子行堪詠鳳凰新理園池幾瓶物小移松

德機詩

卷七
十五

汲古閣

柏且分行卜居未是居難卜爲恐傍人議楚狂

和柳提學贈危太樸

伐木丁丁秋滿山詩筒忽到與開顏當時有客諳
花洞此地經年上竹關絕域尚懷身倚劍深居曾
夢手持環文章政類龍多變識察能通豹幾斑

題新喻吳氏浩然堂遺事

釣磯西畔間宜州回首空山又數秋曾見龍蛇飛
敗壁每疑魚鳥逐扁舟風雲一變衣冠地城郭重
來水石幽傳得眉山遺記在吳家子弟更風流

過隣人園林

隱者園林畫不譁冠山樓閣護青霞平安日上琅
玕竹富貴春行錦繡花高島時排朱檻過遠溪正
帶白雲斜江城只解聽絲管何處能來玉女車

金鳳

金鳳階前只漫生移栽行列甚方平新來兩本當
軒出各吐幽花炤眼明夏雨要將蘇衆槁朝陽端
已瑞先鳴勿云小草精神短每論韶簫記爾名

贈楊茂才

德機詩

卷七
十六

汲古閣

西風淅淅風雨生南塘蕭蕭樓觀清玄蟬抱樹一
時息老鶴懷山終夜鳴放形海岳等雲水託好音
書猶弟兄未知此別會何日爲子商歌無限情

贈王文學

法樂洞天曾一遊君家聞在水西頭石潭密映藤
蘿月山葉深藏虎豹秋豈意吳城祠下路共尋楊
子岸邊舟胸中富有天官學莫爲東南久滯留
到京之七日親祀禮成聞喜有作簡曹奉常
南征被命過柴荆瘴土歸來溼病嬰行撥煙霞歸

上界臥聽風雪打長更侍祠想重鳴珂密出次知
先警鼓清拂曉齋宮聞好語誰人不賀泰階平

辛酉歲元日

西山千仞鬱崔嵬山下樓臺紫翠開玉帛會同來
萬國璣衡縣運屬三台嘗聞海客談金鼎更見祠
官進玉盃慙愧辭臣今白首久無賦頌獻蓬萊

次韻送人之五羊

豫章遠接五羊城白鳥飛邊道路明管我乘槎游
汗漫今君攬轡度崢嶸湖堧夕下潮聲轉斗角寒

德機詩

卷七
十七

汲古閣

深寶氣橫總爲觀風揚職業有詩才不負茲行

七月一日度毛竹山

毛竹山高風物幽夜宿白雲新雨收沿溪而上鐘
鼓導自簪以來仙聖游久知地迴飛猿黯新喜天
空鳴鳥稍折嶮縈危盡吾力此行聊不負司秋

曾教授趨韶州

荔子紅邊五月初廣文去住定何如報恩豈戀將
軍馬治盜聊迂太守車多近藤蘿安吏舍少憑椒
葛附音書到官定有佳聲薦瘴雨蠻烟細袂除

獲鹿西郊在樵舍下十里鹿脫奔走山麓余

驅騎者路之以縛自隨時藩兵方燎原靡得
觀者傳訝

獵人大火布江磯準備平章旦出闌麀鹿齊看赤
手獲驚鷹猶傍碧雲飛呦呦尚想山居縱麋麇寧
忘野食肥天上神仙不得力心安束縛從吾歸

靖海縣

海縣春深沙氣暄居人生事不離邨上梯取斧料
桑尾抽櫪移舟繫柳根已過清明違帝里不妨紅

德機詩

卷七
十八

汲古閣

白遍江園持杯試與酬風物深媿樊遲學圃言

百丈春日紀懷

三首

江墅羣芳手自栽春前相次刷蒼苔隣僧昨許山
蘭送社姬新分圃藥來本爲聖情思共濟更饒生
事得相催粵王溪畔韶光好誰想經年逝不回

又

東風久不到新堂生意雖微未卒荒草上蒟蒻偏
挺特花間蘆葍故高長時來豈盡栽培力物化須
知長養方葵藿有心終莫奪每聞支笏炤滄浪

又

飛飛燕子守繩樞愛爾由來似鳳雛肯謂撩人嗔
坐對向曾去我憶巢孤塗泥須責經營苦爪背無
供啄哺娛春社風光時有再生品彙各應殊

太樸緘至君靜清詩讀之尉快斯文凋弊之
餘安得見二桀然者敬歎敬歎一詩寄謝并
簡君瑞要知於二賢傾倒之至也

元豐宗匠是吾師幽夢江湖每見之在笥才名真
蓋代祗今子弟好能詩六經更待黃麻擬雙劍終

德機詩

卷七
十九

汲古閣

因紫氣知衰疾連秋猶長物扁舟未到謝相思

弔張鍊師

名家接武依丹陛壯歲招魂入翠微雖使老聃成
自弔不知丁令竟何歸蛇蟬豈戀尋山蛻雞犬曾
聞挾日飛獨有皇恩無以報昨傳天語慰松扉

季原李翁

魯國先生九十餘百年消息定何如世情看作東
流水天地畱恩下澤車隴西供奉豈無酒河上丈
人空有書見說鄉鄰問何事扣門語及莫鐘初

寄題集賢周司直悠然閣

番陽東下萬山圍魁閣崢嶸面翠微雲接大荒迴
古色波涵落木動晴暉宦情靜與游魚逝詩思長
隨夕鳥飛久待倚闌成獨酌癡兒了事各須歸

徐聞縣懷京下舊遊

平生不識張廷尉中歲方逢馬伏波昨見山川皆
膽落稍侵霜露始心和皇恩遠荷優隆至旅況深
慚慨惜多天上故人安好在西風遲算意如何

泰定二年丙寅歲元日

德機詩

卷七
二十

汲古閣

閩藩傑構入青雲簫鼓聲高萬壑聞甌粵誰存封
建業唐虞真是聖明君蓬萊瑞氣皇居正太液恩
波御席分身遠猗懷歸委珮綵綸閣近最繽紛
自我府出還珠門晚歸解舍

光迎署府千花樹秀入河橋萬柳梢春日樓臺圍
翠巘夜晴燈火接青郊升平舊俗今猶在浩蕩流
年又過交董奉接官何處宅相依願與結衡茅

閩山神光寺西厓上觀唐李陽冰篆篆爲山
僧架屋掩所壞居始二十二字云

城西有寺忽如林伏地叩霄苔蘚侵古人題字看
欲遍今我杖藜來相尋潛蛟在壑不多見飛鳥過
岩時一吟斫破荒祠山鬼怪祇饒游覽重千金

遊南澗寺寺乃唐節度使王審知所建

閩山東面啓松門梯石層層見梵尊題表尚存唐
節鎮地圖渾似洛林園亭因聚遠開幽逕棧至臨
危出小軒最是躋攀宜健步病身無羽亦飛鶩

伏覩中書以內郡饑通行拯拯新令感激有
作

德機詩

卷七
二十一

汲古閣

江南往歲旱連州河北今年水逆流恭體朝廷寬
大意少紓田里散離憂表章有道誠長策衣食無
功本拙謀國制由來重農畝太平政不在他求

憲司雙榕輪囷數十圍其芘數畝雨止觀白

鷺

榕樹庭中翠欲曛飛來白鷺動如雲每當彈射思
傷物忽到裴徊感離羣護子烏鴉來辟易附人鶴
鵲漫繽紛要知得失都何與含育無由報聖君

歸思

陶公歸思定如何山郭春風長薜蘿直道當官唯
任拙庸才負祿祇慙多江山實自辭家隔日月虛
隨閉戶過點點飛鴻向天末憂端不類澤中歌

到官

陶公到官八十日今我到官踰半暮勸農省俗了
何補暖衣飽食將何爲常思在山深虎豹幾曾當
道假狐狸英雄見義尤飢渴可使文人有愧辭

風止聞鵲

荒山遠水放輕刀頓雨顛風戒弊袍五六月餘鄉

德機詩

卷七
二十二

汲古閣

問絕二千里外客心勞樹間鳥鵲聲頻好天上麒
麟格自高獨有武夷看未了野人寄語壓香醪

奉和吳宗師退朝

柳外朝冠古進賢雲間觀戶舊通仙蓬萊豈隔三
千里華頌宜過一萬年香竝袞龍浮瑞日聲隨簫
鳳下晴天文臣不願金莖賜但想黃封到竹邊

奉觀郊廟禮成簡曹禮部

元用

西山半壁影鈞陳晴雪新消路馬塵兩歲通行三
大禮千官中稱一閒身伊臯事業何當下管樂才

名不用真遙憶南宮舊詞伯退歌清廟屬生民

和馬貢士元夕同觀燈之作

已戒金吾夜不譁西山又被雪微遮飢年禁釀知誰力到處看燈似我家旅夢比嘗經赤甲病身尤欲戀黃芽雲端此日烟霏暖遙想仙人立露華

答李洞

客居離索感芳晨頗耐物色惱詩人花心盡逐陽和動柳眼宜於故舊新萬里清江家共遠九春皓雪夢兼頻鹿門自有龐夫子長往烟林秋復春

德機詩

卷七
二十三

汲古閣

調馬君

平時有酒不解醉愁至方知酒道尊一萬里程兼雪霰三千年事隔朝昏何因洗盞花間嶼更與停鞭柳下墩寄語東隣馬貢士今辰琴筑好溫存

獨立

能詩不得靜中師又是天涯獨立時高帝夕陽人影亂曲河新水棹聲遲一身慷慨家仍遠十口淒涼歲荐饑偶爾凭闌感風物臨流先被白鷗知

張留公母

山風遙引紫雲車樓閣春深阿母家更五十周重

甲子後三千歲一桃華絲衣故綰封留印白璧新隨蜀使查見說麻姑舊行處至今原上有丹砂

奉和王繼學懷濟南舊遊

前輩風流逐斷澌濟南舊錄故人詩遙知靈運初遊日正是元方後載時青社寥寥成異物丹丘晶晶屬遐思壯年易動離居感繩綬花前金屈卮

又

樓上看山翠黛浮樓前沽酒錦纏頭登臨試與詢

德機詩

卷七
二十四

汲古閣

湖雁豪傑親曾侶海鷗沙領曉晴雲散出野亭春盡水交流意中故舊那能得強擬偷生賦遠遊

又

每愁大手不如燕多見公侯勝昔年計拙欲求千戶等心勞政類十洲仙幾回見月思歸去暫到臨風復惘然翦盡綠楊三萬樹多應無處著啼鶯

又

手接新詞絕底清一雙白眼爲君青寰區政待新年穀江漢徒傳赤日萍斷雨潛蛟虛水榭遠波迴

鷺實雲汀此情可在齊州外不解無人問獨醒

和田師孟郎中寒夕西曹卽事

正是西曹遣翰初落花寒食柳微舒每因作者留心苦多恨時人守法疎詩思偶關縣上史刑修正在腹中書平生萬卷蘇居士皓首東坡雪不如

上真應寺觀寺後龍湫湫在厓上蓋由寺北下馬並高數十折得之又數步許得巨石有僧龕其中云卽唐盧叟所隱成道處時日斜方焚香誦經聞客至乃能輟誦相迎作茶

德機詩

卷七
二十五

汲古閣

去

憑高窈窕辨精藍濯佩還思訪古潭字貶孟家題處碣洞畱盧叟去時龕近人野鳥如曾識問客山精不敢談聞說平坡猶在上登臨雖倦且停驂

雨後坐郝大參亭子

每見人來問草堂偶從燕坐憶滄浪地形遠競朝霞爽林氣清分宿雨香移石旋成行藥逕障泉思引釣魚航它年紫綬歸黃閣几杖苔生儘不妨

雨後過王長史

省郎近佐三公府想得深懷似故山風急游絲當院靜雨餘芳草閉門閒未離塵土長思蛻已近江湖不論還自爾相看慰岑寂不聞朝署有新班

挽劉提舉

逝川無力可能攀又送先生葬碧山化鶴不歸華表上鳴雞倘在白雲間空歌楚水巫陽些不見蓬洲使福還畢竟修文陰有待玉樓何許淚潛潛

揭秀碩一叙直是范德機小傳評其詩尤無

刺義但其母熊氏守節及母終哭之過哀未

德機詩

卷七
二十六

汲古閣

著而亡其孝行可風惜未表出又字亨父吳

州唐為父志其墓曰亨父獨立特行余愚乎

不以東漢君子例之知心哉是集与揭曼碩

集皆芙蓉江園仲榮見贈者仲榮孺學工詩間

以孩事誦二女未十齡皆聖妙入神其富大

士像高士圖答全部本州當与管夫人並傳

不朽幸已春大雪五日余擁爐仲榮字堂中

評詩論畫日夜不輟不為戶外冰三尺笑因

論及盧鴻州堂拈范曄梅詠盧鴻一篇共賞

更喜芳碩多形並訪勅予合梓元四大家詩
集九閱月而書成緘一編寄仲榮仲榮以兩
泚媛所贈趙松雪為接圖及顧阿瑛像見贈
喜而筆法卷末可勢第東坡與劉氏習習易
石否海隅毛晉後

德機詩

卷七
二十七

汲古閣

范德機詩卷七

終

揭曼碩詩目錄

卷之一

臨川女

夏五月武昌舟中觸目

張君壽先生鵠山隱居

送趙履道虞叔常還江右

寄題九江義門陳氏壽安堂

正月十二日尋盧學士船至漢口留詩為別

黃尊師高軒觀鶯因留宿

曼碩詩

目次

汲古閣

衡山縣曉渡

題王山仲所藏瀟湘八景圖卷走筆作八首

以事暫如武昌發臨川

女兒浦歌

送尹十六善叟謁告歸茶陵會葬賢兄處士

十韻

送黃五舅得武陵校官還辰州寓居省侍

貧交行

曉坐張先生朝陽軒

別武昌

南康夜泊聞廬阜鐘聲

春日雜言七首

夢兩雛

夢武昌

遊麻姑山五首

并序

廬學士奉旨南祀海嶽繇鍾陵相別聞尚畱

會稽有懷奉寄

病夜

曼碩詩

目次

得程翰林揚州消息

歸故園新居落成後作

山行

寄題馮掾東臯園亭

宿梁安峽夢故室有感時還盱江

送趙仲遠赴甌寧

山莊晚立有懷舍姪沆督穫臨川

哭王十良仲

雨述三篇

春莫閒居寄城西程漢翁十五韻

長風沙夜泊

何郎失鏡詞

贈青城侯尊師次人韻

贈友

曉出順承門有懷太虛

京城閒居雜言八首

去婦詞

四友詩

曼碩詩

目次

賦雙陸

泊安慶時再北游

漁父

高郵城

濟州初度

楊柳青謠

雜詩四首寄彭通復

柏堂詩

卷之二

汲古閣

獻張平章

題祝道士龍虎山先天觀圖

二貞詩

史館獨坐

周待制致樂堂詩

馬氏巖溪圖

山水圖

送道士薛玄卿歸江東

大明殿退朝和周待制

曼碩詩

目次
四

汲古閣

祖生詩

孤雌行爲鄧城節婦作

燕氏救兄詩

送華尊師以天壽節奉詔祀武當

送馬雍古御史撫喻河西

送周山人之遼東

李宮人琵琶引

題上都崇真宮陳真人屋壁李學士所畫墨

竹走筆作

集賢大學士趙國公王開府慶八十應制

陵陽牟景陽以名祖父之子孫負奇材勁氣

而與世抹撥自台州教授入掾翰林一語

不合竟棄去不顧以詩爲別

結羊腸詞

劉承旨父大司徒邢國公慶九十應制

小孤山次韻

贈別曾編修歸廬陵葬學士兄

寄題臨川西礪范氏寓居

曼碩詩

目次
五

汲古閣

尋舍弟將至東牢宿野店

贈王郎

沈逸人東觀招飲山館

畫鴨

題聶氏陶軒

送涂雲章訪舊武昌卻入京師

歸舟

小孤山曉發和蔡思敬韻

大信晚泊呈舟中諸公

白楊河看月

歌風臺和李提舉韻

題嚴陵獨釣圖

題鼯鼠食瓜圖

哭信州仙源觀徐尊師乃玄教大宗師張開府之弟子也

送蔡思敬還豫章有懷遼陽李提舉

孔林圖詩

壽櫟山詩一首爲吳真人公生朝作壽櫟山

曼碩詩

目次
六

汲古閣

其里山名

壽王副樞

李將軍歌一首送李天民赴邵武軍口巡檢

題桃源圖

送人歸豫章

送王畱守宣慰荊湖

題張尊師畫

送播州楊宣慰歸藩

寄題括蒼王氏東野二亭

畊雨 心遠

寒夜作

送唐尊師祠武當

送詹尊師歸廬山

贈淳真子

孤松篇壽王大學士

過何得之故居五首

送譚仲章歸長沙

我我亭詩

曼碩詩

目次
七

汲古閣

送鄭司獄歸衢州却赴調京師

題山水

題御馬圖

題山暉圖爲劉尊師作

題臨江同知問流民事蹟

寄題朱氏真村堂

送人從軍

題淵明歸去來圖

卷之三

題明皇出遊圖應制

送孔學文赴大庾巡檢

送李都事赴湖廣省幕

畫鷹

題張使君棄官學道詩卷

送戶曹掾于孔昭赴南臺掾

寄題胡氏園趣亭

題文瑞圖

題南頓孔氏復明詩卷

曼碩詩

目次

汲古閣

奉同柯博士甘內掾下直賦

賦得海上雲送良上人歸徑山

吳子高悼亡歸岳陽

秋夜作

進士張于高得邛州判官歸成都

題陶淵明歸興圖

寄題傅尊師兄弟所作寧壽道院

二月朔日雪中題歐陽少監所藏宋好古畫

竹

雲錦溪棹歌七首

御書雪林二字賜趙中丞應制

題胡虔汲水蕃部圖應制

題辛澄蓮華觀音像應制

杜節婦詩

題內府畫四首應制

韓滉土星像 曹將軍下槽馬圖

韓幹馬 宋徽宗成平殿曲宴蔡京圖

送秘書李道濟赴峽州幕

曼碩詩

目次

汲古閣

奉送全平章赴江西

題青山白雲圖

桃華鸚鵡

趙孝子

題姑蘇陸友仁所藏衛青印

盧山連尊師求真陽詩久諾而未作也一父

夢中得之因書以贈

贈項鍊師

送鄉人祐上人從師歸當陽

送蘇尊師歸茅山

寄題張齊公廟

題李安中白翎雀

寄題楊教授菊莊

番易蕭性困攜其祖將領所愛唐琴號霜鍾者還自和林求詩六月三日五門宣赦後

作

送王伯循編修赴南臺御史

寄題鄴下樊氏鍾秀園

曼碩詩

目次
十

汲古閣

題廖氏皆春堂

大駕既幸上都率奎章諸生之留京者讀書

宮南史館中得大熱疾勢危甚項君子虛

視之一藥而起爲賦五言一首爲謝

周氏敖山驛水木清華亭

題趙照磨虛舟

送毛真人還龍虎山

故中憲大夫嶺北行省左右司郎中蘇公志

道哀詩

題羅稚川所畫臨川羅益謙溪居圖

寄題武寬則湖山堂

十月十八日夜南郊齋宿夢先帝召見便殿

手賜橘花一枝有感而作

寄題上饒鄭氏菊莊

題四清圖

題新安許氏蘭秀軒

夢題墨梅

寄題永豐劉氏暖翠亭

曼碩詩

目次
十一

汲古閣

寄題信州德元觀何真人林園長春亭

題信上人春蘭秋蕙四首

蔡七祖真人得朱文公所書讀書二字以名

其齋請賦

送陰陽蕭教授赴瀏陽

賦得春鴈送張郎中省覲揚州

送聶大祝赴潮州錄事

題俞氏看雨軒

題江道士清虛館

賦得吳歌送人歸吳中

曼碩詩

目次
十二

汲古閣

揭曼碩詩目錄終

揭曼碩詩卷一

虞山 毛晉子晉訂

臨川女

我本朱氏女住在臨川城家世事趙氏業惟食農
耕五歲父乃死天復令我盲莫知朝與昏所依母
與兄母兄日困窮何以資我身一朝聞密言與盲
出東門阿母送我出阿兄抱我行不見所向途但
聞風雨聲行行五里餘忽有呼兄名兄乃棄我走
客前撫我言我與趙世親復與汝居鄰聞汝卽赴
曼碩詩 卷一 汲古閣
死扶服到河濱我身盡沾濡不復知我身汝但與
我歸養汝不記年泮泮遵旋路咽咽還入城城中
盡驚問戚促不能言望門喚易衣恐我身致患再
呼我母來汝勿憂饑寒汝但與盲居係汝母女全
我母爲之泣我鄰爲之歎喜我生來歸疑我能再
明況得與母居不異吾父存我今已十三溫飽兩
無營我母幸康彊不知兄何行我母本慈愛我兄
亦艱勤所驅病與貧遂使移中情當日不知死今
日豈料生我死何足憾我生何足榮所恨天地生

不如主翁仁誰能爲此德妻公名起莘

夏五月武昌舟中觸目

兩髯背立鳴雙槳短簑開合滄江雨青山如龍入
雲去白髮何人竝沙語船頭放歌船尾和蓬上雨
鳴蓬下坐推蓬不省是何鄉但見雙雙白鷗過

張君壽先生鵠山隱居

當日自期顏杲卿莫年羞見魯諸生膝兼多病終
難屈身爲長愁視轉輕日晏典衣畱客醉雨餘開
戶看兒耕淮雲楚樹晴如埽卧送年年江水聲

曼碩詩

卷一

汲古閣

送趙履道虞叔常還江右

趙子我同里虞郎我同年手折武昌柳送上西江
船買魚沽酒燒荻鞭夜下西塞寒山前西塞山碧
如苔君今去幾時來東風花開春水漲待君黃鶴
機頭望君吏公樓上

寄題九江義門陳氏壽安堂

匡廬之陰彭蠡涯七百餘載真良家
宋御書表其門曰真良家
冲和鬱勃吹不散飛落南山萱草花往時冠蓋如
流水撞鍾鼎食三萬指詔書十度復租庸每歲朝

廷仍貸米父慈子孝則四方紀淨綱明照閭里蓬

萊水淺昆明空天開地闢元氣通張公百忍澤未

竭王母千年桃始紅南山築堂三百步翠竹屯雲

森玉樹忠厚必有神明扶淳樸自是期頤具方瞳

綠鬢紅氍毹春酒搖蕩香扶踈公侯子孫始必復

日爲大夫人起居

正月十二日尋盧學士船至漢口畱詩爲別

晴江澹微瀾曳雲在曾嶽參差連舫出散漫羣鷗

遠始知遵漢廣遥睇高旆卷懷賢每忘賤臨流亦

曼碩詩

卷一

汲古閣

忘憂蒼茫景將入窈眇春猶淺新知遽相逢餘悰

何由展

黃尊師高軒觀鷺因畱宿

開軒南嶽下世事未曾聞落葉常疑雨方池半是

雲偶尋騎鶴侶來此看鷺羣一夜潺湲裏秋光得

細分

衡山縣曉渡

古縣依江次輕輿落岸隈鳥衝行客過山向野船

開近嶽皆雲氣中流忽雨來何時還到此明月照

沿洞

題王山仲所藏瀟湘八景圖卷走筆作

瀟湘夜雨

淅淅暗江樹荒荒楚天路穩繫渡頭船莫放流下去

遠浦帆歸

冥冥何處來小樓江上開長恨風帆色日日誤郎回

煙寺晚鐘

曼碩詩

卷一

汲古閣

朝送山僧去莫喚山僧歸相喚復相送山露濕人衣

洞庭秋月

顥氣自澄穆碧波還蕩漾應有凌風人吹笛君山上

平沙落鴈

天寒關塞遠水落洲渚闊已逐夕陽低還向黃蘆沒

漁村晚照

定從海底出且向平沙照漁網未全收漁舟還下釣

山市晴嵐

近樹參差出行人取次多板橋雙路口此世幾迴過

江天暮雪

孤舟三日住不見有人家昏昏竹籬處卻恐是梅華

以事覽如武昌發臨川

曼碩詩

卷一

汲古閣

江轉欲無路山迴忽似圍客程秋共遠物色晚多疑稍稍沙鷗集息息野樹稀武昌今夜夢定有故人知

女兒浦歌

女兒浦前湖水流女兒浦前過湖舟湖中日日多風浪湖邊人人還白頭

又

大孤山前女兒灣大孤山下浪如山山前日日風和雨山下舟船自往還

送尹十六善叟謁告歸茶陵會葬賢兄處士

十韻

八歲賴賢兄未埋猶望生旋聞日下葬敢戀世間榮得告如無及嚴期況有程意長看路短義重覺身輕鄉樹迎船出江雲入莫橫望山占驛候聽鴈作城更但使能臨穴猶堪略尉情死生今古異去住別離并尚足疇知已非貪美俗評恩恩不可盡迴首各沾纓

送黃五舅得武陵校官還辰州寓居省侍

曼碩詩

卷一

汲古閣

寧上山頭種禾黍莫向他鄉作羈旅山田得雨尚有年他鄉頗賴何人憐一身千里家何在全家更在沅湘外獨樹雞鳴楓葉飛荒村鴈沒蘆花碎親在窮邊望子還子在長途衣復單居無寸田出無僕明年作音官當食祿

貧交行

驅車涉廣川揚帆陟崇丘結交四海內中道多憊尤朔風厲苦節獨鶴橫九州朝拂三島樹夕過五城樓兩翅偶寒影曠然何所求登高臨大江日莫

萬里流時哉疏鑿人八年忘外畱出必益稷俱歸

與夔龍儔進退兩不疑功成垂千秋萬事日相攸

恩情若雲浮吾心苟不渝反覆安足仇自非天地

外何能獨忘憂

曉坐張先生朝陽軒

朝日照高樹幽人方啓關蕭寥塵外事風葉滿窗間

別武昌

欲歸常恨遲將行反愁遽殘年念骨肉久客多親

曼碩詩

卷一

汲古閣

故佇立望江波江波正東注

南康夜泊聞廬阜鐘聲

廬山三百寺何處扣曾雲宿鳥月中起歸人湖上聞入空應更迥近瀑正難分遙想諸僧定香爐上夕熏

春日雜言七首

日月朝朝新何物能獨久常恐天與地變化習已朽東風闐然來茫茫浩無首起視桃李樹睽豔一非舊如何楊子雲泯默空自守

又

朝出城西門孤墳何穹窿雄狐竄其西脩蛇出其東云昔有狂士七尺才且雄平生無所賴屠狗涉春冬一朝際風塵身貴位益崇死生好惡間咄咄生秋風氣驕日憑陵家國兩蒿蓬子孫分散盡空有牛羊蹤

又

羣歷楊柳枝蒙茸春草齊天天誰家婦采桑臨路岐零露沾其裳蛛絲卷其衣樹高身苦弱蠶飢行

曼碩詩

卷一
八

汲古閣

復遲辛苦事姑嫜宿簪減容輝見者皆歎息此心知獨誰良人日算至醉問爾何爲

又

唧唧田間雀啄啄常不給春水日已深網羅復相及既無養生具日夕湯火急多謝雲間禽無爲自羈繫

又

祝融九千丈瀟湘地底流洶湧洞庭野崩騰江漢秋上有飛仙人身披紫雲裘昔者嘗相遇緲若乘

丹丘同歌黃鶴渚共醉岳陽樓思之忽不見獨立悵悠悠

又

我有琅玕草欲贈江東客出門道路長卷袂空歎息靈苗世所尚良士余所惜神仙無千年耿耿誰復識

又

五歲能讀書十歲能賦詩十五事遠遊三十無所爲既垂俯仰責復爲隣里欺生計日已疎世態多

曼碩詩

卷一
九

汲古閣

瑕疵煌煌金張門徒隸皆光輝日晏賓客集軒車如風馳一笑擲千金片言委黃泥齊生獨抱瑟來往何逶迤

夢兩難

阿英十二能辟繡阿牛五歲貪讀書辟繡成縷無人織讀書有志令人惜汝父飄零汝母休吾親雖健俱白頭雨聲斷道風驚屋阿婆獨抱諸孫哭

夢武昌

黃鶴樓前鸚鵡洲夢中渾似符時遊蒼山斜入三

湘路落日平鋪七澤流鼓角沉雄遙動地帆檣高
下亂維舟故人雖在多少散獨向南池看白鷗

遊麻姑山五首 并序

湖北憲使程公間居盱上二年矣五月二
十日詔拜翰林學士又十日公與使者及
諸客同遊麻姑山輒以覽歷所止賦詩五
首

雲關

君子荷初服恩至若無榮穆穆芳雨散悠悠蒼山

曼碩詩

卷一
十

汲古閣

行危關擁霧黑飛術緣雲青苔蘚滑如積杉松窅
冥冥時逢負苓翁忽聞流水聲舉足向益高矯然
欲遐征徒隸各忘倦矧彼高人情

飛練亭

神工擲天紳挂之兩崖間萬古輪不盡誰能測其
端執割山石愁氣挾草木寒安得天風吹繫彼日
月還麻姑綠雲髮黝黝長不殘

湧雪亭

泉源出地底仰向雲中行壁厓瀉千丈亂石皆騰

瘴風霆日夜急雨雪虛空明不有神物扶茲山應
久傾噴薄側飛舄砰鉤愁百靈僊家信爲好喧聒
何由平

三峽橋

兩山東飛橋下壑不測淵誰開萬尋鐵逗此無窮
泉淙淙輓空曲洶洶投奔川陽光下照之忽作龍
騰天常恐桑田變中有瞿塘船

麻姑壇

嵯峨僊都觀遙望丹霞天後有千歲松前有百頃

曼碩詩

卷一
十一

汲古閣

田風日夏颿颿烟雲晝蔥芊羣彥一時集安知非
列仙持觴起相醺罷琴抗高言天道信悠邈人情
何拘攣靈君不可致落景詎少延仰雖慙冥冥俯
實憂元元主人顧坐客此中可忘年

盧學士奉旨南祀海嶽錄鍾陵相別聞尚宿
留會稽有懷奉寄

鍾陵一分手幾日過錢唐五日山陰路千峰海上
涼烟霞含景氣草木識天香夙昔經行處風流轉
不忘

病夜

素壁深窻獨客身
桃枝薑勝只爲鄰
極慙供給煩
賢友尚恐傳聞及
老親菴響戒寒相
應起燭花連
夜爲誰新多情造
物真豪縱盡力相
驅病與貧

得程翰林揚州消息

皇明屬休期側席
佇貞良游麟旣集
藪鳴鳳亦在岡
君子乘時興出餞
何輝光車馬塞江
介笳鼓凝羽觴
時秋風雨交四顧
野茫茫晨鉦激中
流飛旆忽異方蓄
思遵旋軌浮雲紛
北翔道路間邦畿
草

曼碩詩

卷一
十二

汲古閣

木墮寒霜暑景倏
易流悲來但徬徨
君懷經綸憂余負
災疾妨騫沉固異
趣情誼結中腸居
下衆所夷在賤誰
不忘宛緬廣陵翰
胡獨置我傍鬱悒
增愁思投袂睇莽
蒼自顧匪茅茹委
跡任空墻淵淵賢
達心恨恨情內傷

歸故園新居落成後作

親老身仍苦家貧
歲更凶掄材斤斧
後發地草萊中面
執看前跡歡呼集
衆功聊存今日意
敢望咎時同

又

漂轉何多歲艱難
且定居隣人供菜
果穉子進詩書稍
覺牛羊遠兼知蔓
草除此園三百載
亦復返吾初

山行

稍出羣山復涉溪
溪光山色冷相輝
青裙獨踞溪邊石
不顧行人自濯衣

寄題馮掾東臯園亭

時雨散繁綠緒風
滿平原興言慕君
子退食在丘

曼碩詩

卷一
十三

汲古閣

園出應當世務入
詠幽人言池流澹
無聲畦蔬蔚蔥芊
高林麗陽景羣山
若浮烟好鳥應候
鳴新音和且閒時
與文士俱消搖農
圃春理達自知簡
情忘可避喧庶云
保貞和歲暮委周
旋

宿梁安峽夢故室有感時還盱江

梁安峽裏杜鵑啼
絕壁蒼蒼北斗低
雲氣倒連山影合
石稜斜鬬浪聲齊
南風盡日迎歸客
落月空江夢故妻
一室十人分數郡
百年幾處候晨雞
送趙仲遠赴旣寧

仍爲令尹去如送武夷仙舊政閩人說新詩海客傳度關風撤暑下瀨月依船不奪循良意應知幕府賢

山莊晚立有懷舍姪沆督獲臨川

款款黃桑葉蒼蒼白竹峰居人爭野碓歸客背村鐘路暗緣溪溼山寒著霧濃阿咸收稻未辛苦闕相從

哭王十良仲

深谷可爲陵大海可爲田唯有死者窮無由覩青

曼碩詩

卷一
十四

汲古閣

天千古黃壤間萬古黃泉下精神與時息形質隨日化日落朝復生月缺望已盈不知死者別何時見形聲悲哉復悲哉已矣復已矣我友初五人今焉忽成四死者不復見生者長別離人生如春花美好知幾何欲爲生者歡復念死者苦死生日相尋歡樂如糞土

雨述三篇

江南臘月天未雪居者單衣行苦熱連山郡邑瘴益行豈獨領南與閩越通民穰穰度閩山十人不

見一人還明知地惡去未已可憐生死相追攀

又

近聞閩中瘴大作不問村原與城郭全家十口一朝空忍飢種稻無人獲共言海上列城好地冷風清若蓬島不見前年東海頭一夜潮來跡如埽

又

冬來一晴四十日三日南風當有雪不知閩領今何如念我故人書斷絕劍南判官心所親甌寧大夫政有神腐儒多事浪憂喜安得貽書兩故人

曼碩詩

卷一
十五

汲古閣

春暮閒居寄城西程漢翁十五韻

迢迢曾城阿峩峩鳳皇山下有隱淪士能爲淮漢言兩日一寓音五日一承顏每談經濟事恒及離亂間言辭多忼愴文字少凋殘不歎東逝川但憶南山田寧與無心遊不受衆目憐寒衣必峻嶒散步亦名園舒卷信在襟蕭寂固所安經春僂疾瘳撫時增懦孱羣書亂藥裏高臥掩荆關寒余屬久要朝詣常算還醜劣愧高情焉知君所觀日出衆鳥語蒼岑滿樓端申章寫深誼謏薄何由宣

長風沙夜泊

長風沙風沙不斷行人嗟行人嗟奈君何南風正
高北風起大船初灣小船喜移船更近大船頭不
獨風沙夜可憂但祝行人好心事長江何處是安
流茅屋參差數株柳時平尚置官軍守青裙老嫗
詫鮮魚白髮殘兵賣私酒魚賤可買酒可沽他人
心事知如何

何郎失鏡詞

團團如月不曾虧家人親置枕中時朝朝將正頭

曼碩詩

卷一
十六

汲古閣

上幘時時攜鑷鬢邊絲古文宛轉何人造失來始
覺今難討街頭不直半緡錢古銅終較今銅好向
人不敢再三尋客裏空疑同舍心萬里相隨一朝
別夜夜還瞻天上月

贈青城侯尊師次人韻

聞說名山采藥蹤多從雲去少人逢蜀江春老歸
難定燕谷寒來望轉濃案上僊經新長蠹匣中雄
劍舊降龍不知少日尋真處還在青城第幾峯

贈友

天道有恒運君子蹈其常時物自熙洽庶心亦惟

康鄙人寡慮思殊氣冒陰陽霜霰中夏零焉得不
摧傷先聖有遺訓血氣戒方剛懿彼老氏言舌齒
示存亡反躬實明哲撫已增忼慷正德詎云割率
欲乃非祥勿謂壘空明不足輸景光勿謂徑寸莖
不足載春芳推餘暨所闕懷哉安能忘

曉出順承門有懷太虛

步出城南門悵望江南路前日風雪中故人從此
去

曼碩詩

卷一
十七

汲古閣

京城閒居雜言八首

都城列萬雉樓觀切飛霞太液深蕩潏廣寒高差
戢重譯踰萬國流聲竟四遐既寵瑰異才復係勛
舊家忠厚跂行葦明照徹義娥永惟皇上德世世
襲亨嘉

又

冀北多良馬漁陽多壯士馬休伏槽檻壯士習農
器桑棗竟中州朝貢四方至外無烽燧警內有耳
目寄消搖放良時歡樂永不替

又

濟濟從臣內赫赫公與侯伊昔從我皇守邊瀚海
頭荷戈十餘載力戰如已憂寸策無遺用長智少
淹留勞多必重賞功大靡輕酬意氣相傾動恩深
身若浮天子乘六龍垂衣臨九州茅土亘河山甲
第隘莊馗四海仰光耀出入擁華駟富貴歟如此
寵祿信難侔從軍亦云苦眷言享斯丘

又

朝從獵城南暮從獵城北白馬喻飛翰輕裘如膏

曼碩詩

卷一
十八

汲古閣

澤塵起知獸駭風高驗鳥疾隻箭落雙鷺千金出
俄刻歸來拜恩寵樂飲過一石僮奴增意氣賓客
改顏色常恐文法士輕薄多瑕擿高門臨廣衢秋
風上荆棘

又

朔土高且厚民生勁而彊榆柳雖弱質生植益繁
昌桃李大於卷棗栗充餼糧誰謂苦寒地百物莫
得傷青青雲夢竹宿昔傲雪霜移植於此庭不如
芥與楊竹性豈有改繇來非本鄉

又

眇眇寒門士客遊燕薊城上無公卿故下無舊友
朋裘褐不自蔽藿食空營營四顧裁沴餘但聞號
哭聲日負道德懿敢懷軒冕榮節食慎所欲聊以
厚我生

又

高步覽九州誰獨無與親同室不相喻矧彼途路
人誘訕更驅迫巧詐日眩真共美爲善樂莫知與
善鄰未足保厥躬已謂貽子孫一言易爲義一恩

曼碩詩

卷一
十九

汲古閣

易爲仁世無魯東叟何以尉心神

又

哀飈驚野草日夜委鮮敷嗟哉白楊樹高高凌玄
虛朝遊車馬中夕息思故廬塵衿難爲潔野性非
京都貧賤不自保焉能戀簪裾賴有死與生可齊
賢與愚

去婦詞

江東有一士子留都下三年適娶一貴人
女爲妻久乃知其已有妻子矣一夕逃去

因託去婦爲之詩非徒欲傳其事抑以示

風戒云爾

輕合鮮義終苟容希禮遇遠結萬里昏多爲才名
誤始與君結好不知君有婦有女嫁他人俱懷託
遲莫青青墻下草生死墻下路娟娟道傍華零落
無處所女子失其身何以保貞素既乖百年意百
年誰能度對鏡空悲喑中心良難訴浮萍難爲託
一木無兩附棄舊屬新歡新歡漸成故寧當中路
析莫被他人去寧老阿母傍不受他人妬鵬身出

曼碩詩

卷一
二十

汲古閣

房闈兩絕無復顧所願嫁他人甘心西山樹

四友詩

四友者廣信王庭鈺良仲臨川李商弼良
佐武昌盧廷鸞子儀同里熊坦從正也李
亡已七年餘亦亡二三年余索居京師每
夕夢寐與四友相接傷其皆賢而無壽又
與余篤好迺作四友詩一以志余哀一以
槩見其平生云李得年二十二盧二十九
熊三十四王四十有九

三兄負奇偉十四已應門倉卒遘閔凶盜賊蔽丘

原衰經從伯父慷慨安其人豪橫劇狼虎瞋目莫

敢干降心相款密共稱孺子賢時應州縣役調笑

官長尊酬接雖靡鹽講習日多聞激烈忠憤際委

曲禮法間時平俗益康放志農圃言有集曰浮湖

感龍變嘗汎彭蠡見龍見遂步嚙思驚騫古笛振

哀鐵清琴繁素絃每傷古人逝迸淚尊酒前與我

初識面已誓爲弟昆誰謂天不仁中路遂離分寥

寥昂山阿黜黜硯井泉賓客一以散託夢與招魂

曼碩詩

卷一
二十一

汲古閣

嘉木不叢生猶爲造化欺繁霜凋其葉震風蕩其
枝利蟲蝕其根飢禽啄其皮豈無雨露滋不得干
雲霓李氏年弱冠博通三氏詞援毫捷飛電吐氣
裂豹螭信如海上潮直若琴上絲朗如九秋月溫
比三春暉志在躋聖賢寧復顧所私一悟生滅理
天地忽若遺君卒時一日晨與有數道人叩門謂
意有頃忽奄然坐逝父母聞而趨哭之迎謂父母
曰其兄弟多死生命也勿以爲憂既瞑一道人
撫其背曰檀檀槨槨生好處生好處復睜目視道
人厲聲曰佛法本無生滅遂卒癸卯二月也葬時
衆輿出城初不顏回蚤聞道短折非所悲茫茫後
能勝忽輕如羽

死者中夜獨漣漣

又

武昌故舊中盧生亦奇傑雄才傲當世高誼凌白日貧賤有相知富貴莫能折冠蓋如雲霧而獨與余密大德七年夏予有長沙役臨河與余分攬袂久嗚咽知心託生死誰能此離別千里竟相從風波復炎熱青天入杯酒歌嘯中夜激便欲乘滄溟迢遙送華髮行行亦云至終當與君析捨棹卽長途惆悵如永訣謂余平生懷時俗莫能達學不追

曼碩詩

卷一
二十二

汲古閣

古人終不願有室還聞起分教小邑傍蕭瑟始爲賢者哀那知遽淪沒樊山罷歡讌赤壁空流月佇立想音形音形一何濶

又

親友日凋謝況我情所鍾熊子三十餘亦在九原中高才祗促齡積善適爲凶天道不可依人命如飛蓬夢寐常相見爛若生相從亦知心不異矧復里閭同始君掾韶學我心實忉忉歸來已三年微疾竟永終薄祿不救飢一官非高崇獨令君子亡

碧血冷秋風鄰曲恩愛絕山川談笑空名家失金

匱樗櫟入公宮誰復繼粹溫徒用想春容千秋瓊

山路繚繞劔池東

賦雙陸

三五對參差高呼得采時猶疑雙出早每恨獨歸遲散地偏難入全功或誤奇極知妨日力聊足審安危

泊安慶時再北遊

夜泊淮西郡寒生客子衣酒家臨岸閉野燒映江

曼碩詩

卷一
二十三

汲古閣

飛雲盡月初出潮平風漸微前年城下路此際正南歸

漁父

夫前撒網如飛輪婦後搖櫓青衣裙全家託命烟波裏扁舟爲屋鷗爲隣生男已解安貧賤生女已得供炊爨天生網罟作田園不教衣食看人面男大還娶敵家女女大還作敵家婦朝朝骨肉在眼前年年生計大江邊更願官中減征賦有錢沽酒供醉眠雖無餘羨無不足何用世上千鍾祿

高郵城

高郵城城何長城上種麥城下種桑昔日鐵不如
今爲耕種場但願千萬年盡四海外爲封疆桑陰
陰麥茫茫終古不用城與隍

濟州初度

辭家計日逢初度遲日暄風在帝京曉起慈親望
天北行人初泊濟州城

楊柳青謠

楊柳青青河水黃河流兩岸葦籬長河東女嫁河

曼頌詩

卷一
二十四

汲古閣

西郎河西燒燭河東光日日相迎葦檐下朝朝相
送葦籬傍河邊病叟長迴首送見北去還南走昨
日臨清賣葦回今日販魚桃花口連年水旱更無
蠶丁力夫徭百不堪惟有河邊守墳墓數株高樹
曉相參

雜詩四首寄彭通復

日月麗中天列宿爛昭昭河漢高且深烏鵲以爲
橋寒霜昨夜降時菊委嘉苗地勢西北雄終歲皆
風飈玄工宰萬物時至有榮消常恐光景馳不得

與消搖

又

區區九州內橫從數千里誰設山與河愚者分表
裏京師天下本萬國赴如水珠犀從南來徇馬繇
西止浩浩荆吳船日夜行不已生材無定所一物
孰非已皇天仁且廣君道亦如此我思古唐虞當
日誰共理

又

巢由伏箕穎園綺居商顏洗耳甘自紫茹芝竟不

曼頌詩

卷一
二十五

汲古閣

還三傑足爲理五臣安可攀高尚誠所貴孔轍奚
獨環吾聞有隱淪多在衡霍間飯牛腹長飢百結
妻以寒懷寶羞自獻邈然老空山

又

脉脉我所思彭氏躡遐踪婉婉若處子未曾出房
櫳相望四千里踰年闕相從五月君寄書九月達
京中我書欲報君書到歲已窮豈不懷繾綣無繇
覲君容參差天際雲縹緲乘朔風羽翼不吾施翩
彼南飛鴻君有高世行我無適時功天命人得違

出處諒非同

柏堂詩

柏堂爲劉母熊夫人作也夫人有淑德年二十五而寡守志不嫁有子曰觀又賢作堂以奉其母請名於太史氏謂之柏堂而作是頌

鬱彼北堂言樹其柏其柏嶷嶷維木之特柏之始生于彼高陵雨露其凝金石其貞柏之旣成鳳臆鸞膺言樹斯庭霜雪是憑雪霜浩浩其柏矯矯有

曼碩詩

卷一
二十六

汲古閣

美君子而弗偕老其葉樂樂其節桓桓其居安安永世式觀我堂旣構我柏旣茂天錫眉壽保艾爾後

揭曼碩詩卷一

終

揭曼碩詩卷二

獻張平章

天歷肇玄朔坤輿集皇靈汴蔡旣榛夷南海淪炎精圖書入天府將帥功業成寶玉被親懿茅土列公卿庶類奮休祥群賢基太平明公紹鴻烈文采敵華聲出入三十年惕然心靡寧論兵體安危攬轡思澄清矧宅股肱地夙夜在王庭名高德並難位隆責匪輕聖心誠弘裕臣節美戰兢唐虞登變皇堯舜猶日升周召竭師保成康措王刑昌明願

曼碩詩

卷二
一

汲古閣

同濟援筆播芳馨

題祝道士龍虎山先天觀圖

聞說先天觀重重絕壁環烏啼青澗裏花落白雲間樵子能長嘯居人識大還洞門無處認唯有水潺湲

二貞詩

開右有姬氏者父子皆蚤世姑趙婦張皆以年二十五而寡守節不嫁作二貞詩

開右有姬氏父子蚤棄捐孀婦奉寡姑誓死各芳

年膏沐誰復理羅襦委篋間辛苦事蠶綠祭祀亦
靡愆父母既莫奪媒灼徒空言鳬鴈安所施幣玉
視如烟寧與枯瘁沒不爲歡樂存婉婉桃李花春
鳥何翩翩萬物各知時姑婦獨纍然

史館獨坐

地夏天逾近風高午尚寒虛庭松子落欹檻菊花
乾撫卷俱千古憂時有萬端寂寥麟父筆才薄欲
辭官

周待制致樂堂詩

曼碩詩

卷二

汲古閣

有堂渠渠在番之區維周壽母式燕以娛渠渠有
堂在番之陽維周壽母式燕以康斯堂何有有蘭
有芷垂佩榮榮維周之子斯堂何有有蘭有蓀垂
佩申申維周之孫曰烝曰嘗孔時且具維甘維旨
承于壽母母曰寧只福祿凝只升斯堂只我心平
只母曰嘉只福祿遐只升斯堂只我心和只

馬氏巖溪圖

何處幽巖下復有清溪瀉霧氣散長林湍聲落平
野石宜白鳥憩樹想玄猿把誰獨此安居居人云

姓馬

山水圖

幽人無世事高卧謝浮名山崦嵫時出溪流盡處
行還聞有漁釣相問扣柴荆不掃門前路莓苔滿
地生

送道士薛玄卿歸江東

知君此去漸難招只在人間已廓寥市上有時逢
賣藥山頭何處覓吹簫仙巖華落溪流滿鬼谷雲
開對影遙未必故山安隱逸海天涼月夜蕭蕭

曼碩詩

卷二

汲古閣

大明殿退朝和周待制

巍巍道德拱羲皇濟濟威儀陋漢光日射龍文宮
女扇風傳雞舌侍臣香中霄景氣浮雙闕下界歡
謠動八荒詞館小臣何以報皇圖聖壽與天長

祖生詩

浦城孝子身姓祖自憐性命如糞土生纔五歲遭
亂離有母更被官軍虜零丁二十八春秋母縱得
生何處求天地茫茫明月恨江山漠漠白雲愁忽
得母書驚母在看書未盡淚先流書云流落河南

縣河南踰遍無由見唐州境上忽相逢白髮蕭蕭
霜滿面誰知喜極情轉悲旁人更問初別時千生
萬死到今日始爲母子東南歸東南迢遞閩山路
入門猶記階前樹居人傳說盡相看雞黍提携竟
朝暮祖生母子真可憐少壯離別老大還同時鄉
井被兵者幾人骨肉能生全願生母子長壽考四
海升平永相保

孤雌行爲鄆城節婦作

有鳥有鳥雌雄相追哺雛未飽鳴且飛雛未長雄

曼碩詩

卷二
四

汲古閣

乃死子亦隨朝朝暮暮唯孤雌長林廣野風日美
步步不敢離故棲燕雀搖颺差復池迴身側腦遞
相欺誰憐孤雌心到死終不移更有許州鄆城徐
氏母一生抱恨守空閨

燕氏救兄書

千金之子不死市楚人竟殺陶朱子生者可殺死
可生千金爲重骨肉輕誰謂平陽有燕氏傾家乃
出而兄死弟再有兄兄見弟里閭驚嗟官吏喜鳴
呼安得天下之吏廉且循庶政如水無冤民

送華尊師以天壽節奉詔祀武當

靈時嚴漢祠神峰標楚甸羽人丹丘伯承詔馳嘉
薦華渚曜玉虹條風舞玄燕長淮雨中瀉喬嶽雲
間獻涉旬歷峻趾梯空蒼弘願授簡香始升揭虔
帝如眷天清翼軫動地肅玄武見飛響迥更聞奇
祥靜逾絢是有真侶蚤接諸方援胼胝負畚鍤
鑿翠蓄雷電金芝產齋房喬雲冠巖殿祈禱無歲
年會節方紛衍旣協時君降又樂明祀徧聖歷齊
堪輿豐澤周寓縣還歸報天子獨往奚所羨

曼碩詩

卷一
五

汲古閣

真人有道行

送馬雍古御史撫喻河西

我皇屬憂顧君子得安居孟春風且寒遺子以修
途四牡何翩翩迴首睇神都我懷正紆鬱轂函忽
已踰積雪被長轡萎者何時蘇歸彼蓮花峰上出
浮雲衢白日曠以縣下視若玄墟煙塵起西北原
野無定株行者中顧懷居者念其廬黃河洶東流
乃自崑崙渠四海豈不曠切若肌與膚親賢遠讒
人古以致康娛君子誠多材乃用在馳驅秦隴阻

關塞歲月浩已徂鞠躬盡明義足爲世所模

送周山人之遼東

物變風已暄庭虛雪猶在每與君子違偏驚歲年
改名山先夢到靈藥隨方采明日望行人雲槎隔
遼海

李宮人琵琶引

鄆縣亢主簿言有李宮人者善琵琶至元
十九年以良家子入宮得幸上比之昭君
至大中入事興聖宮比以足疾乃得賜歸

曼碩詩

卷二
六

汲古閣

侍母給內俸如故因亢且乞詩于余遂作

李宮人琵琶引其辭曰

茫茫青塚春風裏歲歲春風吹不起傳得琵琶馬
上聲古今只有王與李李氏昔在至元中少小辭
家來入宮一見世皇稱藝絕珠歌翠舞忽如空君
王豈爲紅顏惜自是衆人彈不得玉觴未舉樂未
停一曲便覺千金直廣寒殿裏月流輝太液池頭
花發時舊曲半存猶解譜新聲萬變總相宜三十
六年如一日長得君王賜顏色形容漸改病相尋

獨抱琵琶空歎息興聖宮中愛更深承恩始得遂
歸心時時尚被宮中召強理琵琶絃上音琵琶轉
調聲轉澁堂上慈親還佇立回看舊賜滿床頭落
花飛絮春風急

題上都崇真宮陳真人屋壁李學士所畫墨

竹走筆作

玉京灤水上仙館白雲鄉虛壁數竿竹清風生滿
堂微吟弄寒影靜坐佇幽香有客仍無事澹然方
兩忘

曼碩詩

卷二
七

汲古閣

集賢大學士趙國公王開府慶八十應制

昭代雍熙日詞林賦頌時紫宸丹詔出甲第五雲
垂裕廟青宮裏王公玉樹枝朝趨倍綺角夕侍接
龍夔際會真難及飛騰已在茲暴公初繡斧方叔
更藩維霜簡驚風裁天官肅羽儀還迎代邸入竟
被漢文知位望躋三少權衡俯百司每蒙天黼黻
直許國著龜鳳歛廣寒殿龍舟太液池羽觴春侍
宴玉座夜觀碁德業前賢繼辭華後進推高情睇
廣受餘事擬徵珪全道山河富瀛洲日月遲九卿

看綵服八表表麗眉皇覽逢初度殊恩介壽祺黃

封中使出玉食尚饗移國老陳嘉慶李韓公作序羣工

播盛辭禮非前代有施及老臣宜福祿何人竝忠

貞百歲期聖心誠念舊政用作臣規

陵陽牟景陽以名祖父之子孫負奇材勁氣

而與世抹掇自合州教授入掾翰林一語不

合竟棄去不顧以詩爲別

奇璞則之媒娥眉妬之具悄悄君子心皇皇百王

度高風集大木日夜如吼怒不畏枝葉殘但恐本

曼碩詩

八

汲古閣

根蠹曉登崇臺上天地一何巨白日光未吐羣星

爛無數仙人五雲車縹緲玉清路區區陰陽忠可

望邠可遇忽聞金鑾客歲暮仍南去不得與之同

頻足毛髮豎

結羊腸詞

正月十六好風光京師女兒結羊腸焚香再拜禮

神畢剪紙九道尺許長燃成對縮雙雙結心有所

祈口難說爲輪爲鐙恒苦多忽作羊腸心自別鄰

家女兒聞總至未辨吉凶憂且畏須臾結罷起送

神滿座懽忻雜顙頰但願年年逢此日兒結羊腸
神降吉

劉承旨父大司徒邢國公慶九十應制

聖主尊賢遂及親邢公盛事更無倫身躋九奏瞻

方碧兒過耆年鬢未銀鳩杖乍頒寧畏噎龍章游

拜欲忘身上公建土山河富光祿分壺雨露頻析

木天清雲五色梁園花發月重輪錫宴梁氏園三宮寵

錫驚殊數四座稱觴半老臣瑞錦爛熳迎化日兼

金條脫照芳春素烟冉冉晴熏上白雪冷泠豔曲

曼碩詩

九

汲古閣

新先世勲庸歸琬琰名家父子映冠紳三槐已驗

移居日五柳翻如寄傲人澗底桃花曾閱世枕中

鴻寶自願神詞臣欲繼莊生作才薄何堪論大椿

小孤山次韻

小孤山前一迴盼蒼然始識孤山面隔江疊嶂開

翠屏絕壁浮雲飄素練憶昔初蒙翰林聘艤棹探

奇不知倦捫蘿涉級至絕頂目極神開氣爲變大

江東滙彭蠡來晝夜崩騰奔海甸笳鼓遙聞日月

動帆檣忽度乾坤轉舟人不識造物奇但趣急赴

南風便蚤悟微官七載縛底用區區厭貧賤深窻
冷僻守編摩何異揚雄困雕篆重來勝地歲云暮
短景催人疾于箭天昏一火明山半石底猶疑有
雷電彭郎磯下寒浪湧坐客正說龍君傳人生可
喜還可憐世事堪違不堪戀明朝匡廬復入眼雖
有此境何由羨武城先生獨好事名山每恨遊難
徧豐城客子無一錢但當作詩乞如願

贈別曾編修歸廬陵墓學士兄

孟冬涼風厲謁告歸廬陵阿兄在九原歲暮豈違

曼碩詩

卷二

汲古閣

寧兄昔事武皇海內希英聲意氣動人主文采何
從橫時事一朝異長揖去躬耕令弟紹芳猷策足
在承明如何奄忽間南北隔死生方舟發京國日
落烟霧青萬感緣中來惕焉如有懲羈臣戀魏闕
一夕寬九升君子恩義重況此骨肉情情深不可
忘悠悠道路長山川日夕改我行殊未央稍出燕
冀都已涉齊魯疆高天罔四野悵望但茫茫道傍
多古墳塋域通相當荒草吹北風日夕下牛羊不
知何代人于此閱興亡自古既有死誰獨免摧傷

死者雖所同私懷詎能已塗路猶感傷況我兄與
弟世俗日衰謝常懼莫能起生者忽若遺誰復哀
其死念昔賢哲人一一去爲鬼詩書捐篋笥采采
當路子挾藻厠明庭幸與君子同矧在弱冠年已
獲承其風家本聖門後孝友世所隆何意手足親
一別曠音容及我南歸日舟楫復相從皦皦寒日
高冥冥厲征鴻落帆滄江際渺然忽西東努力慎
所託無爲謗勞躬

寄題臨川西礪范氏寓居

曼碩詩

卷二

汲古閣

蟾塘塘更西幽澗總堪題流水花間住孤禽竹裏
啼石稜苔自合山徑樹相齊久客成真隱故園應
已迷

尋舍弟將至東牢宿野店

歲暮尋吾弟山行兩舍餘入雲攀磴道落日及村
墟茅店溪邊冷松林石上疎如逢武陵客風景未
應殊

贈王郎

王郎楚狂士意氣飛秋霜讀書一萬卷下筆數千

行富貴視浮雲況肯矜文章十五恥閭里掉臂辭
故鄉夜宿東海月朝買西州航瞋目王公前結客
少年場一飲或一石一醉或一觴寧揖屠狗人不
與俗士當千金不易笑歲暮單衣裳阮籍在窮途
英聲連四方鸞鵠有時鍛反愧燕雀翔世無劇孟
交不及青樓倡燕趙如花人翠袂黃金璫不識豪
俊士空媚癡與狂王郎遠過我坐我枯藜床終夕
無酒飲撫髀歌慨慷平明別我去極目空茫茫

沈逸人東觀招飲山館

曼碩詩

卷二
十二

汲古閣

野館青山下晴軒積雨餘招尋蒙遠客寂寞愧閒
居空翠沾盃冷殘雲度谷虛從茲結朋好隨處問
何如

畫鴨

春草細還生春雛養漸成茸茸毛色起應解自呼
名

題聶氏陶軒

開軒南山下日對南山雲青松俯前楹秋菊被中
園翳翳修竹林清泉出其間歲晏農務息銜盃樂

餘間時從隣曲游共稱稼穡難達人貴知已俗士
多所牽以茲謝簪紱委心此南軒列植旣敷榮佳
興日以繁讀書教兒子餘事焉足言

送涂雲章訪舊武昌卻入京師

垂雲厲驚風萬里摩高圓蟠泥鼓巨浪豈顧九重
淵毛生入楚庭穎脫俄頃間粲粲一公子長嘯起
丘樊朝辭豫章臺暮過匡廬山大帆割鵝鵲極目
空波瀾黃鵠錦袍仙吹笙紫霞端相顧一笑粲青
春滿南天黃金築高臺更覺郭隗賢聯翩樂劇輩

曼碩詩

卷二
十三

汲古閣

相逐入幽燕平明九門開劍佩踰五千豈無一字
薦傾倒平生言東風杏花開待我薊門前

歸舟

汀洲春草徧風雨獨歸時大舸中流下青山兩岸
移鴉啼木郎廟人祭水神祠波浪爭掀舞艱難久
自知

小孤山曉發和蔡思敬韻

日落霞明錦浪翻厓傾石峭白雲閒乾坤上下雄
孤柱瓜蜀東南壯此關神物夜移風動地仙舟曉

度月漫山回瞻絕頂登臨處空翠冥濛杳靄間

大信晚泊呈舟中諸公

千家楊柳江當門東梁西梁兩岸蹲連櫓大艦集
日昏擬金伐鼓海上聞小江更出采石後前人立
功後人守大信花采石酒陌上相逢莫迴首

白楊河看月

白楊河上看明月昔人曾見今人別茅屋數家河
上村化作三山白銀闕波平風靜棹歌來萬頃沖
融鏡面開今夜江南憶遊子空瞻雲漢上昭回茫

曼碩詩

卷二
十四

漢古閣

茫萬里燕齊路北斗從橫泰階曙黃河東逝月西
流明日南風過洪去

歌風臺和李提舉韻

萬乘東歸火德開漢皇曾此宴高臺沛中父老謳
歌入海內英雄倒載回湯沐空餘清酒在風雲猶
是翠華來穿碑立斷蒼烟上靜閱人間幾劫灰

題嚴陵獨釣圖

何事玄纁入里閭羊裘暫脫就安車空令太史驚
同寢猶把狂奴視報書一出聊爲天子重諸公莫

道故人疎朝廷自足中興士且放桐江著老叡

題鼯鼠食瓜圖

種瓜中園予亦勤止瓜長而實汝則殘止雖則殘
止予敢汝仇天實汝生予將何仇汝食之甘既肆
既開實之食矣無傷予根根存而微惟予之窮根
盛而實惟乃之功

坐信州僊源觀徐尊師乃玄教大宗師張開
府之弟子也

玄霜搗罷世都遺葛屨蕉衫太古姿天上真人開
曼碩詩

卷二
十五

漢古閣

府日山中僊子閉門時空林雨過金芝老深谷雲
寒白鶴飢萬里馳書爲永別盧敖何處定相期

送蔡思敬還豫章有懷遼陽李提舉

來日能同去不同獨携別恨向秋風眼看亂葉渾
無定心與浮雲併一空黃獨山中歸自斲玉梅溪
上夢先通莫啗畱滯京華者更有遼陽送斷鴻

孔林圖詩

集賢待制周侯能修禮于孔林侍讀學士
商公圖之史官揭傒斯詩之

我我尼山蔽于魯邦薦生聖人維民之綱尼山之
下有洙有泗有蔚孔林在泗之洙維彼聖人教之
誘之凡厥有民則而倣之維彼聖人覆之載之凡
厥有民敬而愛之既誦其言亦被其服孰秣其馬
于林之側既誦其言亦履其武孰秣其馬于林之
下六轡既同周侯之東薦之侑之聖人之官其音
洋洋其趨踰踰其臨皇皇聖人允臧商氏圖之式
昭其敬載瞻載思罔不由聖

壽櫟山詩一首爲吳真人朝作壽櫟山其

曼碩詩

卷二
十六

汲古閣

里山名

峩峩壽櫟山瀕洞雲錦溪百里空翠合諸峯南斗
齊卧薪月窟桂坐聽搏桑雞臨深測地軸升高徑
天倪陰厓覆瓊藥陽岡敷紫莢縣泉聒空響飛樹
凌風嘶側畏援鳥墮幽恐漁人迷茲山不自高與
人作丹梯赤松棲其東王喬憇其西浮丘前捧擁
安期後提携神君領天官出入黃金閨梅花照羽
袂天書函紫泥歸期指松櫟千歲猶未稽食和養
靈源伏智掃荒蹊木公與金母大笑彭鏗低

壽王副樞

七袞懸車兩府稀五朝遺老百僚師寒梅看足行
陰處舊史評來坐歎時身退已將心共遠名高轉
覺世堪遺且陪嘉客霑春酒政待武公歌抑詩

李將軍歌一首送李天民赴邵武軍口巡檢

李將軍材且武儒冠換得兜鍪去身疑南極老人
星氣食陰山雪毛虎雕弧白馬金僕姑天地昂
此丈夫五十方爲求盜使人生何用苦詩書寄言

邵武諸官長不是尋常一腐儒時中書以吏部備選員多有十年不

曼碩詩

卷二
十七

汲古閣

得調者泰以爲閑廣諸道巡檢然多非其人而天民式稱是選老人星其常自喻

題桃源圖

江左龍虎山南十里有桃源者劉王二尊
師所辟也臨江范亨父爲之記余爲賦五
言詩十七韻

桃源非一處龍虎画難同內外關踰鐵高低石作
叢黃檗青劍北紫蓋白雲東蟾影當霄迴蛾眉抱
月弓六峯名千重藏曲折四面削虛空地戶吟風黑
天池浴日紅雪霜翻濺瀑雷雨瀉崩洪暗識後啼

遠晴聞鳥語工危龕三井秘絕澗九橋通江合仙
巖怒山連鬼谷雄劉王開闢後秦晉有無中時見
看桃侶頻逢採藥翁丹臺寒漠漠琳宇氣熊熊濟
勝非無具緣源恐莫窮烟霞俄變滅草樹杳龍葱
四序何勞誌羣愚倘擊蒙誰言武陵近十里上清
宮

送人歸豫章

積雨霽徂夏故人今日歸手持毛生檄身着萊公
衣玉樹挂秋月丹莢揚曉暉東湖徐孺子應怪久

曼碩詩

卷二
十八

汲古閣

相違

送王留守宣慰荆湖

舟楫連檣出薊丘弓刀千騎入荊州歌翻郢雪寒
暄變恩逐岷波日夜流雲雨暝連神女宅山川晴
繞仲宣樓豈無賢士堪招隱應向鹿門深處求

題張尊師畫

晨登翠微天氣穆清白雲覆谷飛露垂纓孤後遠
響衆鳥嚶鳴牽蘿涉澗穿石度陁半巖華氣萬壑
松聲神宮漠漠靈戶熒熒投陰迹影叩寂求膺素

髮老人笑而相迎弗問弗承悟彼長生玄玉流液
瑤草結英浩浩奔泉出與川平宛彼下人望我巖扃

送播州楊宣慰歸藩

祇奉綸言出夜郎恭陳壤奠入明光嘉名宣賜黃
麾外大宴恩陪玉座傍天仗影移低日月宮懸聲
動下鸞皇三呼拜舞君王德永共藩臣守四方

又

雙旌遙指洞庭西十乘聯翩度五溪龍虎親軍兼
使節犬狼諸獠入封提光昭廟祐恩波遠風動藩

曼碩詩

卷二
十九

汲古閣

維禮秩躋北望五雲高魏闕亦知憂顧在黔黎

寄題括蒼王氏東野二亭

畊雨

時雨布嘉澤羣物盡欣豫晨興集童僕東野從所
務謁鵲應侯鳴鵬黃翔高樹衆草萋以出流潦被
行路毚勉勤微躬寧復當世慮義農不我侍沮溺
諧所慕食力隨齊民常恐負空素眷言徇茲道卒
此年歲莫

心遠

窮居豈余志無營得長閒翳翳三畝宅顧樂彼南山灌木何蒼蒼雲鳥相往還已絕嬰世念況接仁里歡但願黍稷登春酒恒慰顏義和緩其轡萬物悠然安

寒夜作

疎星凍霜空流月濕林薄虛館人不眠時聞一葉落

送唐尊師祠武當

龍袞分香下絳霄羽衣承詔出清朝星臨翼軫南

曼碩詩

卷二
二十

汲古閣

垂閣神降虛危北極遙金殿壓雲開紫氣玉臺和月合笙簫蕃釐更爲吾皇祝下國時豐雨露饒

送詹尊師歸廬山

香爐峰色紫生烟一入京華路杳然雲碓秋閒春藥水雨犁春卧種芝田書憑海鶴來時寄劍自潭蛟去後懸忽報歸期驚倦客獨淹微祿負中年

贈淳真子

蕩蕩白玉京超超淳真子十一求神仙服事丘與李嵩洛二十載結茅白雲裏食是腸谷霞飲是王

池水鬼神莫能識百念吹不起一朝忽騰化徑去不可遮飛駟服五龍角巾搖三花朝發扶桑國暮宿河漢槎朝食千歲桃暮食五色瓜長揖青牛君高歌渡流沙還憇金陵邸調笑許史家日食五侯鯖安得厭胡麻春風長安陌落日邯鄲道迎人上青天送人入秋草竦身八極外天地忽亦老寄謝區中人全真以爲寶

孤松篇壽王大學士

大地東欲裂孤松高穆清橫睨泰華嵩俯察蓬與

曼碩詩

卷二
二十一

汲古閣

瀛天風四浩蕩身與元氣并根深本自固霜雪空崢嶸白晝甘露降半夜朝陽升飛枝陰扶桑勁氣摩撓搶羣鳳所託命百鳥徒嘲鳴冥冥廣寒宮丹桂亦虛生八萬四千人何時月常盈維此天一柱千歲所養成自非堯舜君工垂焉敢徵漢武作建章千門照西京掄材當此時餘柯了棟樑天地既有此未必終無情蒼蒼歲寒心永世仰堅貞

過何得之先生故居

五首

可憐古井門外依舊鐘樓屋西何處高唸痛飲黃

華翠竹都迷

先生有詩云一井當門東寒光照四隣又我住東街北鐘樓在屋西

又

心事巢由以上文章陶阮之間千古高墳保下白雲明月青山

又

軋軋機聲日莫依依楊柳春柔膝下中郎小女曾聽唱我高郵

先生常喜余高郵城詩相見即呼高郵城來每相對酒酣則朗誦數過

又

頭上烏紗分贈篋中綈楮相酬不道別時長別誰

曼碩詩

卷二十二

汲古閣

知愁是真愁

延祐五年冬十月余南歸以巾材一段見贈予以白楮被報之別時殊黯然也且手書其三代名字授予若有所屬然也

又

屋上青天未老門前白日常新他日咎夔稷尚安知不是斯人

送譚仲章歸長沙

君家雲陽下忽向雲陽歸行路有南北看山無是非三湘迴鴈盡孤劍白虹飛亦欲投簪去從君采蕨薇

我我亭詩

殷仲堪荅桓溫曰我與我周旋久寧作我

宜春黃元瑜取以名其亭曰我我爲賦詩

一首

我游于袁于龍之干有闢閑閑有環言言有構桓桓維集之安我居我處我笑我語有翼其所而敢予侮我植孔嘉我構孔華曾莫之迎而莫我多彼馳者子亦孔勞矣旣我覲矣亦莫我迷矣嗟殷氏之老猶弗桓是友我不我友將誰歸咎溫溫其和

曼碩詩

卷二十三

汲古閣

劉劉其清藹藹其芳煥煥其明嗟維古之人尚或予聽

送鄭司獄歸衢州却赴調京師

壯年執戟事明君一日上書天下聞不恨棲遲百僚底猶堪激烈萬人羣爛柯山遠迴孤棹析水天清望五雲盡說于公有陰德掉頭相別大江濱

題山水

野艇來無數山橋度有三寒雲依古寺落木帶羸驂迴首重重變幽尋處處堪平生雙眼力江北復

江南

題御馬圖

朱纓金絡轡黃帕錦鞍韉神閑意更逸初下赤墀前

題山暉圖爲劉尊師作

陵岑毓神秀草木咸光晶每覽靈景異變態如有情閃掩乍如羶飄浮忽相縈熊熊轉空曲奕奕連增城中有幽人居燕坐朝玉京窮陰亦朝徹無月恒夜明碧桃千歲花金芝四時榮猶疑地愛寶隨

曼碩詩
卷二
二十四

汲古閣

物弄華英

題臨江同知問流民事蹟

江北流民七十口三十餘年在江表朋凶結惡四百餘白刃差差歷村保崩騰所向如投空白晝擾金都市中頃由南昌入豐邑反賂守者爲先容長官坐堂寇入室妻子莫逃況金帛豈無鄉民敢相敵長官一揮翻辟易臨江貳守廉且武手縛其渠散其伍豈惟鄉民得按堵鄰境聞之皆鼓舞其渠在獄伍四歸大府上功民俗熙乃知一念敬厥職

萬事至難皆可爲人民社稷我所有安得坐視如雞狗人在雞狗猶愛之民社豈在雞狗後請君看取臨江守

寄題朱氏真村堂

深居魏亭北悃悃自無華風俗似太古生涯如小家飲醇猶恐過衣帛尚疑奢相與鄰人異詩書有五車

送人從軍

妙年好文仍好武一旦從軍氣如虎彎弓已作滿

曼碩詩

卷二
二十五

汲古閣

月圓拔劍更逐迴風舞悲笳四起旌旆愁蒼山偃蹇黃雲浮陣前手繫降王頸馬上仍懸猛將頭復誓義大身命小順天將軍古來少一戰功成六合清不用黃金印如斗

題淵明歸去來圖

清江皮使君治南恩有惠政一日自免去而歸老焉廬陵王實初賞其高節以淵明歸去來圖求中朝學士大夫賦詩還以爲壽僕用其意賦五言一首

吏事久見牽山澤曠游盤茲辰理還策乃得從所
歡悠悠川塗迥忽已造郊園風景一不異鄰曲皆
奮觀童稚識人情奔走向我前荒草雖誕漫松菊
了不干睠焉循初服常恐負昔言入室多美酒步
庭嘉樹繁曠然心神舒誰謂世路艱出處各有道
既倦當知還方春農事興念之每忘餐貴賤豈不
殊樂此農圃安堯舜垂衣裳巢許箕頽間漢祖除
暴秦黃綺在商顏彼皆賢達士今古胡不然永與
簪組辭婆娑養餘年昔聞陶彭澤今見皮南恩千

曼碩詩

卷二
二十六

汲古閣

歲仰高軌茲圖良足歎

揭曼碩詩卷二 終

揭曼碩詩卷三

題明皇出遊圖應制

明皇八駿爭馳道還是開元是天寶長安花發萬
年枝不識韶華醉中老奎章閣下文書靜袞衣高
拱唐虞聖莫言此畫徒爾爲千載君王作金鏡

送孔學文赴大庾巡檢

三孔諸孫紫綺袍俄辭俎豆事弓刀舟行揚子金
山淺路入梅華庾領高正爲凶年憂盜賊仍嗟微
祿誤英髦乘田委吏唯求稱一命猶堪愧彼曹

曼碩詩

卷三
一

汲古閣

送李都事赴湖廣省幕

堂堂李通甫起家掌邦憲直氣橫九秋神明激雷
電再登蘭臺上愛國心靡轉時當至治末有位日
兢戰崩騰五華山鑿翠起臺殿執筆佐御史力諫
明且辨斧質已在前獨立目不暇駭尋國多故災
異周八埏君復贊宣政赤手握銓選守法踰天官
反得官長怨我皇喬江漢撥亂啓天眷乾坤再開
闢日月重昭絢磊落收羣材疎戚共登薦君名一
朝起亦作丞相掾丹心益傾竭婉畫勤替獻好惡

古難同禍福巧相禪天子憂南紀藩宣必時彥下
逮曹屬微簡選亦精練君得南省佐聞者盡驚羨
偃倭辭闕庭飄搖出畿甸倭送盈路衢懇款陳志
願去年天下旱窮蹙無貴賤賑卹富及時本末須
竝見方春農事興不廢乃爲善又聞南中賊憑陵
及州縣黎獠本吾民撫綏在方面恩信足以懷逼
迫使生變況我聖天子轍迹昔所徧勗哉籌策良
無使空蹂踐京城雨初過草樹鬱蔥喬木多蚩
鴛高堂有新燕煩辭君勿謂君歌我其拊

曼碩詩

卷三
二

汲古閣

畫鷹

文梁五色條秋高意氣豪怒張兩目直霄漢豈與
短翮翔蓬蒿妖狐畫作猛虎嗥騶虞并與神麟逃
嗟爾飽食心空勞

題張使君棄官學道詩卷

至元天子朝萬國任丘使君謝病歸門前未罷車
馬客身上已著朝真衣致君堯舜在豪傑洗耳巢
由何是非棲雲觀裏青松樹唯有白雲終日飛
送戶曹掾于孔昭赴南臺掾

于君高材世難遇東曹未滿南臺去風雲在足那
得辭天地生人豈無故乃翁十年佐臺省一心用
法惟平恕君今豈必求多聞過庭一一皆可度南
臺所臨十憲府可詰寧惟在臧汙五方之俗有淳
漓萬事無憑生愛惡莫令水鏡惑妍醜長使陽春
伏霜露扶綱樹紀須自治護惡含姦適爲蠹況當
海內歲大侵父子相殘莫之顧郡縣非無賢守宰
貪卽爲能廉卽如願君努力事匡贊臺端鶚立皆
碩輔多言欲悔已莫追白髮蕭蕭歲年暮

曼碩詩

卷三
三

汲古閣

寄題胡氏園趣亭

日與世情遠學人聊治生畦蔬多品類樹果各生
成野老過偏數山禽近不驚詩書吾所好農圃也
須明

題文瑞圖

常德之龍陽居多蜀士祠事梓潼君甚嚴
祠前有池曰景星咸淳癸酉蓮兩葉竝蒂
者六劉初登進士第延祐甲寅兩花竝蒂
孫以忠登第天曆己巳華如甲寅城東三

雅湖蓮復三華並蒂海魯丁獲獨步丁馮
天澤聯貢而獲獨步丁登第好事者寫以
爲圖邀余賦詩

蓮華復蓮華並蒂更連莖並葉已不見三花兩花
更有情如何與人作佳瑞偏向龍陽水底生龍陽
家事梓潼君華華葉梓潼神好在龍陽士汝但
讀書更續文爲華爲葉汝莫論

題南頓孔氏復明詩卷

大明非有故復明還自然方其失明時萬事俱棄

曼碩詩

卷三
四

汲古閣

捐外雖無所睹內則常淵淵如未嘗有目不喜亦
不憐如明入地中明未嘗不全逍遙天地內如在
天地先不助亦不忘一氣自周旋不敢計此生敢
計時序遷剝乃復之始自坤還至乾忽如浮雲散
還我蒼蒼天昔非果失之今亦固有焉如何孔氏
家母子仁且賢先後俱失明其復皆十年十者數
之終如月晦必圓養之苟有道何疾非所痊願言
永保之毋或忽此篇

奉同柯博士甘內掾下直賦

暮出閭闔門解鞍坐前庭冷冷草露白華月隔林
生蟋蟀奮哀響鴻鴈流遺聲常恐芳景晏不知寒
節并萬物肅將歛孤懷徒自盈捉衿激長謠淒泊
諒難徵

賦得海上雲送良上人歸徑山

蕩蕩無邊涯悠悠何所之孤飛若有意羣往更無
疑稍拂搏桑樹還經若木枝迎陽成五色乘陰忽
四垂作態離仍合多情去卻追因風過別島和月
下蓬池且任從龍去寧知到岸時惟應學空者澹

曼碩詩

卷三
五

汲古閣

泊與相期

吳子高悼亡歸岳陽

都門落葉滿遊子去京畿忍聽離鸞操遙逐秋鴻
飛愁霜曉入鏡淚雨夕沾衣烟樹黃河岸風帆采
石磯平沙迴渺漫寒雨曖熹微客心閑轉切鄉書
近却稀夢聞兒女泣行將童僕依竊慕漆園放誰
云潘岳非乘濤慣不險迴江望若圍武昌未易到
更向岳陽歸

秋夜作

露下氣逾肅月高寒欲流落葉階前樹疎鐘城北
樓衰年對急景歸心臨莫秋當世非無意才薄徒
淹留

進士張于高得邛州判官歸成都

邛竹山前負弩迎去年曾是一書生天寒劍閣猶
車馬雪滿繩橋正甲兵卽恐徵求民力竭莫將憂
患客心并六千餘里關河路不盡深期遠別情

題陶淵明歸興圖

家貧無酒飲聊欲試弦歌去家百餘里邈若異山

曼碩詩

卷三
六

汲古閣

河江上日多風浩浩水增波門前五柳樹繁蔭空
婆娑林田已收成歸計當如何

寄題傳尊師兄弟所作寧壽道院

鍾榮之山千萬峰琵琶塵湖相疊重兩翁入谷起
臺殿半夜空山聞鼓鐘猛虎如逢澗邊石飛龍却
是雲間松黃庭書罷人難見鴻寶拔殘手自封度
經采芝隨鹿跡登厓望日躡雲蹤已知塵世惟堪
笑不是神人定少逢辟穀有方桃更美園基無地
橘相容但餘一念封人祝未與人間萬事慵

二月朔日雪中題歐陽少監所藏宋好古画

竹

農朝下延閣貽我翠琅玕微霜著節勁細霧入林
寒欹枝偏稱遠壓葉更宜攢孤石覆逾潤橫坡晴
不乾況茲春雪裏相對五雲端誤當裁汗簡誰擬
截漁竿惟應湘浦上歸共幽人觀

雲錦溪棹歌七首

雲錦溪中雲錦鮮好在高秋八月天西蜀錦江那
得似西湖綠水更須憐

曼碩詩

卷三
七

汲古閣

又

纔過浮石是藍溪溪上青山高復低山中泉是溪
中水尋源直到華山西

又

藍溪南去到藍洲水底蘄蘄石不流迴望朱官雲
霧裏白雲深處更高樓

又

宮前梨浦白茫茫岸上人家不似牆能到此中還
有幾行人莫厭棹歌長

又

楊金橋望玉真臺臺下橋頭人往來崇文宮裏看
華去安仁縣裏賣薪回

又

挹僊亭下薛公橋紛紛抵暮更連朝唯有橋西楊
與柳無情長繫木蘭橈

又

溪上層層雲錦山垂楊盡處是龍灘不是孤舟來
逆上何人知道世途難

曼碩詩

卷三

汲古閣

御書雪林二字賜趙中丞應制

聖主揮毫臨祕閣親臣執法坐崇臺祥雲五色從
天下彩鳳雙飛映日來政欲清如林上雪已聞聲
奮地中雷君臣千載明良會咫尺薇垣接上台

題胡虔汲水蕃部圖應制

沙磧茫茫塞草平沙泉下馬滿囊盛曾於王會圖
中見真向天山雪外行聖德只今包宇宙邊庭隨
處樂農畊生綃半幅唐人筆畱與君王駐遠情
題辛澄蓮華觀音像應制

至人不可測宴坐青蓮華珠纓被玉體白豪貫彤
霞從何得此相來置玉皇家

杜節婦詩

結髮事夫子白首以相期諧宴方婉嬾生死遽分
離室中無長男堂上無老姑生計日蕭條誰分心
不渝良馬不亂羣仁鳥不亂行昔者爲夫婦今忍
遂相忘生爲董家女死作杜家婦安能若流水東
流復西注春秋陳時祀蘋藻宿所共一朝祭無主
焉得不忡忡灼灼庭中花落落俱爲實賤妾在空
閨志願從此畢

曼碩詩

卷三

汲古閣

題內府畫四首應制

韓滉土星像

五行土居中百獸牛有功土行降爲神騎牛髮翁
翁有土復有牛惟神賜年豐 韓滉意政與皇
心同

曹將軍下槽馬圖

曹霸畫馬真是馬宛頸相摩槽檻下卓犖權奇果
如此豈有世上無知者朱絲不是凡馬韁天閑十

二皆龍驤曾從天子平四方畫圖仿佛餘驪黃
山之陽春草長

韓幹馬

韓幹畫出曹將軍幹惟畫肉猶逼真昂藏四顧欲
飛去老奚安知馬有神想當此馬未畫時朝刷吳
越暮燕秦頓轡長鳴風動地不數驂驅與騏驎當
時用舍那知許粉墨蕭條尚雄武千金駿骨何足
論萬世長留羣玉府

宋徽宗成平殿曲宴蔡京圖御畫御記

曼碩詩

卷三
十

汲古閣

東京諸蔡滿周行延福成平樂未央千畝松篁籠
玉殿九霄風露濕霓裳君臣契合同堯舜禮樂光
華邁漢唐明日圖成仍作記千秋留與監興亡

送秘書李道濟赴峽州幕

蓬萊道山芸閣裏赤甲白鹽蓮幕中十載同朝君
獨去三年佐政我難同大河水滿中宵雨鉅野樹
涼清曉風夷陵江頭幾日到迎親應先南飛鴻

奉送全平章赴江西

聖主思南土明公起集賢直期凋瘵後共致太平

年金虎分符重文龍賜服鮮權綱兼將相標格近

神仙天地三江外星辰北極邊丹心齊出處素志
在陶甄請述江南事都非大德全但微扶弱美竟
坐抑強偏無復同憂樂徒令舞智權平疇吹泐泐
暗室伏戈鋌貪耽明相訓忠良默自憐民心隨日
壞世態與時遷況復兵饑接仍聞疫癘纏誅求殊
未已蠹賊轉相挺若擬寬憂顧先須解倒縣久飢
寧擇食多病但求痊一語堪懲勸微機足轉旋已
知平似水更道直于弦遙想聞公至渾如望歲然

曼碩詩

卷三
十一

汲古閣

九重天上別百丈霧中牽日月明金節山河入画
船四方初息馬五月正鳴蟬豐樂田多黍生香澤
有蓮岱宗標魯地廬嶽壓湖水恠收崩浪山靈
掃瘴烟歡呼麟鳳出踴躍吏民先笳鼓趨雄鎮旌
旗覆廣川下車和氣應袖手頌聲延膏雨侵淮甸
仁風扇海壖忠貞真世篤調變有家傳赤子皆同
體蒼生且息肩龔黃須警策方召在蕃宣

題青山白雲圖

蕭寥青山曉迢遞白雲生衆樹春已暗高原人未

畔方思看桃去復擬采苓行深谷無機事白髮枕松聲

桃華鸚鵡

嶺外經年別花前得意飛客來呼每慣主愛食偏肥才子憐紅紫佳人學綠衣狸奴亦可怕莫自戀芳菲

趙孝子

廬陵趙孝子四歲父行賈一去三十年家惟大母母大母已云沒而父行不歸兒長亦有婦母子聯

曼碩詩

卷三
十二

汲古閣

相依從父自北來汝父久已死母子哭且問父死何鄉里聞汝父死時不知汝父處汝但欲往問京師多舊故再拜別阿母行行至京師自念不見父兒死無歸時乃有曾老者往昔與父善言汝父死處濱州利津縣徒跣二千里薄言至利津朱琪張文輩一一陳所因死以某年月葬以某木棺姓名某所題近在城南端城南冢累累翳然榛莽中極目千萬塚誰能識其蹤行哭七日餘欲死不得所生者無由知死者豈能語解髮繫馬鞍負之墳墳

遇吾父倘有知髮解鞍自墮俄至一墳前鞍墮髮

自解開墳見前和題字宛猶在既見父姓名痛絕

心始安函骨陳野祭禽鳥聲爲酸隣老四面來驚

歎未曾有相帥報縣官縣官駭之久卽日上大府

大府咸異之次第聞中朝行子正南馳行子行且

傷哭踴如初喪路遙山川阻何時至故鄉故鄉既

云至墓祭無遲禮母子永不離萬事若流水聞者

盡稱孝見者皆感泣期爾百世昌望爾百祿集兒

今一無願願母長不老歲歲父墳前灑飯墳上草

曼碩詩

卷三
十三

汲古閣

題姑蘇陸友仁所藏衛青印

白玉蟠螭小篆文姓名識得衛將軍衛將軍今何在白草茫茫古時塞將軍功業漢山河江南陸郎古意多

廬山連尊師求真陽詩久諾而未作也一夕

夢中得之因書以贈

稽天之浸不可滅焦石之烈不可絕香爐峯頭按

羽節滿山桃華滿湖月

贈項鍊師

吾聞有一士邈在吳越間騎虎滄海上茹芝天台
山年約四十餘七星布其冠燕趙雖曠絕倏忽一
往還樵子常見之徑去不可攀又聞好賣藥往往
在市闌疾者得寸七立欲生羽翰吾常慕其人只
尺限河關道書讀萬過不如一承顏弱志揜昏氣
卑卑逐王官何爲浪自苦食息于人寰

送鄉人祐上人從師歸當陽

學道玉泉寺從師天子都流年春事半歸路客帆
孤山勢遙連蜀江聲不入吳故園如可到種芋有

曼碩詩

卷三
十四

汲古閣

遺區

送蘇尊師歸茅山

華陽隱居者聞復有蘇仙時向梅花下高枕石頭
眠劍匣出飛電琴心流暗泉閑來京闕下夜夜夢
雲邊

寄題張齊公廟

東安猛將張齊公十八棄父軍囚中至元召募起
亡命父子南伐收奇功酒酣一躍馬上立拔劍四
顧奔雷風十年轉戰江漢上萬里直挽安南弓乾

清坤夷四海一勲在旂常心帝室身封萬戶傳子
孫誓不偷生汙天秩天下豐盛大德年天子明聖
宰相賢小臣劉深射功利上疏自薦能開邊鬼方
寡婦號八百嫂叔操戈自爭國劉深一言取大官
遠帥官軍陵險阨五溪運糧數萬家哭聲震動湖
南北發徒開道徑折節旣勤其民大求索斗量金
珠谷量馬谿壑之欲安可塞此時張公亦在行捐
軀力諫皆莫克折節薄險伏四起劉深夜遁張公
死鳥飛不度山川愁坐看英雄化爲鬼乃知自古

曼碩詩

卷三
十五

汲古閣

題李安中白翎雀

白翎雀白翎雀每見灤河河上飛平生未識百禽
性不敢籠向江南歸

寄題楊教授菊莊

歸人種菊處乃在東海涯幽香發清真正色間奇
葩百種猶未愜千株寧足多寒分石橋月晴通赤

城霞特起表陰圮羅生騁陽阿門巷掩蒿萊荒徑絕經過飲露咀其英孰知年歲遐

番易蕭性淵攜其祖將領所愛唐琴號霜鍾

者還自和林求詩六月三日五門宣赦後作

嵩州昔有蕭將軍讀書學劍天下聞南隨龍馬渡江去尚有孤琴傳子孫孤琴云是唐人斲昔日軍中自行樂至今猶存殺伐聲一鼓哀風振寥廓將軍之孫才且良文能作賦武蹶張秦皇城下飲白馬祁連山中射白狼時平好文不好武抱琴却歎

曼碩詩

卷三
十六

汲古閣

儒衣誤昭王臺上看青春彭郎磯頭夢歸路日長史館幽且閑正冠拂琴爲我彈京城六月日如火霜鍾半夜鳴空山南風自有虞廷操可惜同心不同調捐琴決眼望青天今日天門有新詔

送王伯循編修赴南臺御史

朝辭禁苑暮南臺驄馬翩翩道路開佐邑已知爲治最經邦正賴濟時才人情好惡非相遠民力凋殘實可哀鵬鶚秋天須搏擊郊原恐有鳳麟來

寄題鄴下樊氏鍾秀園

鄴都雄地理樊氏好園林庭戶花陰合池臺樹色深佳時惟飲酒永日自彈琴車馬如相訪流泉可洗心

題廖氏皆春堂

時清日月明心和寒暑平東風扇萬物花間語流鶯農興水泉動蠶起桑柘榮牛羊被原隰麟鳳在郊垌少者擊壤歌老者鼓腹行不知天壤內何物異吾生常願天子聖四海無苛征夔龍滿廊廟韶歌九成

曼碩詩

卷三
十七

汲古閣

大駕既幸上都率奎章諸生之留京者讀書宮南史館中得大熱疾勢危甚項君子虛視之一藥而起爲賦五言一首爲謝

天台項子虛乃是列仙儔賣藥都市中疑是韓伯休欲見不可得不見忽相求神清骨秀聳蒼松倚丹丘又如霜空月下照千丈流時有揭子者卧病城南阪馳往施寸七大暑生清秋人言死復生仰視行雲浮長揖忽不見思之生白頭

周氏敖山驛水木清華亭

周家亭子敷山上斷隴連岡紫翠開晴日捲簾幽
鳥下微風倚柱白雲來松間漁艇時俱放竹外樵
歌晚獨回咫尺紅塵車馬地已如弱水限蓬萊

題趙照磨虛舟

剡木作孤舟乘風到處遊寧求觸無怒政用載能
浮歸共唯明月行隨只白鷗浩然江海上何懼復
何憂

送毛真人還龍虎山

手綰銀章主秘祠翩然歸去忽如遺塵湖龍井雲

曼碩詩

卷三
十八

汲古閣

間上鳳曲鸞歌月下歛香逐蘅薇深更入氣交梨

棗靜偏宜南屏風雨平坡雪爭似山中夢覺時

山在上都南七十里歲從至上都夏秋姑馬平
坡在大都西四十里西山之上冬春居焉蓋皆所
掌秘祠所在

故中憲大夫嶺北行省左右司郎中蘇公志

道哀詩

蘇公廊廟姿推擇起爲吏論議動引經舉措必由
義惟時方大旱謂咎在冤滯決獄天乃雨凶年化
豐歲流聲滿山西憲府立羅致慷慨平生懷遂佐

直指使受命按邊鄙正色行使事邊臣既威服使
亦免顛躓六曹收雄材兩府資遠器激昂天下事

往往見謀議十載拘掾曹彌年困文字雖云富匡

贊豈足盡材藝一命厠省僚勾稽得深弊銓選班

爵冗出入錢穀細竝緣出多門穿穴肆姦利有如

水上萍驅去還復至因風一披蕩蹙得免蒙翳再

命主賊曹持平獨丕蔽恒求情中實動究法外意

功罪必誅賞善惡俱惕厲三命叅宥密令聞益昭

晰和林跨大漠肇造此根柢東際瀚海頭西控流

曼碩詩

卷三
十九

汲古閣

沙裔北窮陰山外南倚兩都勢連營刻萬里倉庚

千萬計鎮以磐石宗重以分省寄憶昔大德末成

廟方厭世桓桓忠獻王功大更多智武皇旣踐阼

宮闕始清閼越邸矜微勞寵極心乃異國有社稷

臣讒乃惑聰膚遂輟股肱任往重藩屏繫有威如

雷霆有恩若元氣畊鑿比中土什五相錯置士忘

遠戍苦民見太平治道路無拾遺商旅畢懷惠忠

獻一朝沒武皇亦遐棄駿尋延祐中權相擢天位

磨琢既入血掉尾恣狂獬戕賊骨肉親迫逐見危

墜天人共震怒降災及茲地大雪深丈餘人馬相枕斃重爲朝廷憂夙夜靡寧志除吏超五等聞者盡驚避蘇公拜郎中卽日辭九陛厚祿非所榮高爵非所貴彼民亦天民安得皆坐視兼程到官所發廩急周濟死者何嗟及存者再生遂閭閻漸蘇息竭力補黥劓飛書九重天請爲兵民備募粟實塞下慎勿憚勞費天子賜問勞名王致金幣至今賴長策當時已多忌如何方賜環及國竟長逝都人走相哭行子爲歔歔崩騰朔風迅慘澹浮雲曳

曼頌詩

卷三
二十三

汲古閣

蒼松拔其根黃鵠鍛其翅幸哉有令子名已注蘭記千秋常山下豪傑一揮涕

題羅稚川所畫臨川羅益謙溪居圖

迢遶臨川郡決漭元獻里浮上君子廬閉戶青林裏連山烟景晏斷岸寒沙靡日暮孤舟還荒村隔流水

寄題武寬則湖山堂

祝融九千七百丈六月飛雪灑洞庭攸輿學者武寬則石鼓齋中窮六經氣橫瀟湘波浪白思入嵩

華烟雲青四千餘里到京國倒插五色鳳皇翎河西猛將今太尉一見握手坐廣庭立呼愛子俾受業豈獨汝學我亦聽援肩虎頭日持側長刀大劍羅青熒動陳忠義破肝膽衆目睽腸開心局丈夫爭遇豈偶爾縱不我聽我則寧嗟予官冷材力薄每辱奇俊哀矜塤天晴風靜輒過我如病得瘥醉得醒不爲湖山勞夢寐不爲富貴疲心形始知卓識出天性豈彼狗苟蠅營營方今夔臯滿廊廟洪恩婁降無濫刑長材用世何不可大夫列卿如拾

曼頌詩

卷三
二十一

汲古閣

螢君如得位立行志慎勿學我空星星我今老矣何所稱白雲深谷寒烟汀

十月十八日夜南郊齋宿夢先帝召見便殿

手賜橘花一枝有感而作

淚盡易號不可攀傳宣忽降白雲間大華拜舞君王賜夢斷齋廬月滿壇

寄題上饒鄭氏菊莊

上饒多隱者鄭氏善爲方移居倪陽里種菊今成莊近取徧吳楚遠求至帝鄉品類百十餘顏色不

可常漑以玉井泉樊以柳與楊晨興卽造之不憂
露沾裳有時忘飢渴餐之以爲糧門無催租吏家
有白玉郎華前撫鳴琴華下列壺觴興至輒痛飲
飲罷卧其傍自謂得菊趣不知與菊忘但恐秋景
晏繁露結爲霜盆盛虛室中虛室仍面陽重簾護
夕氣疎牖逗朝光亂以青青蒲水石儼成行重得
隱者心不辱桃李場玩物焉足計歲晚託餘芳

題四清圖

一清曰王右軍平生富事業獨以能書聞遂令吳

曼碩詩

卷三
二十二

汲古閣

越士至今學者猶紛紛于嗟乎王右軍

又

二清曰軒轅彌明偶然吟石鼎狂怪使人驚遂令
韓吏部至今妄得狂怪名于嗟乎軒轅彌明

又

三清曰玉川子忍窮吟月蝕天高叫欲死獨對烹
茶婢白頭赤脚老無齒于嗟乎玉川子

又

四清曰林和靖周程明聖學韓范輔王政獨對玉

梅花山色湖光耿相映于嗟乎林和靖

題新安許氏蘭秀軒

蘭生兮深谷漱流泉兮蔭木綠葉兮披披玉幹
兮紫莖植之兮堂下播芳馨兮菲菲兮揚揚
思君子兮高堂絃琴瑟兮會友嘉肴苾兮薦芳襲
芳兮佩秀宜君子兮多壽

夢題墨梅

霜空冥冥江水暮江上梅花千萬樹無端折得一
枝歸一雙蝴蝶相隨飛

曼碩詩

卷三
二十三

汲古閣

寄題永豐劉氏暖翠亭

孤亭萬竹中危坐自生風近與山光合遙連野氣
通鳥啼深不見泉響靜偏聰束帛休相汗先生道
未窮

又

雞山俯鶯溪亭子畫堂西流水茭蒲合陽林竹樹
齊耕桑烟外集賓客雨中攜萬事俱塵土詩成手

自題

寄題信州德元觀何真人林園長春亭

長春亭榭倚雲開，百里湖山入座來。
流水繞階時自照，好花如幄手親栽。
青雲每指尋真路，白髮頻登望母臺。
墓在前山六月神龍起，潭井人間幾處待風雷。

題信上人春蘭秋蕙四首

深谷暖雲飛重巖，花發時非因采樵者。
那得外人知。

又

孤芳不作榦奕葉，自含滋白石蒼苔。
路落花流水。

曼碩詩

卷之三
二十四

汲古閣

時

又

山深風露冷何處，有華開直入雲林去。
香沁石澗。

來

又

幽叢不盈尺，空谷爲誰芳。
一徑寒雲色，滿林秋露香。

香

蔡七祖真人得朱文公所書讀書二字以名

其齋請賦

今人題扁古人書，孔李通家意未疏。
萬箇猶嫌栽竹晚，百圍曾見種松初。
黃庭義密從心得，白髮身閒對客梳。
近有方平消息否，紅蓮成碧藕成車。

送陰陽蕭教授赴瀏陽

青草茫茫接洞庭，瀏陽江上好談經。
遙瞻紫蓋爲南嶽，仰見長沙是壽星。
日晏投書招楚客，夜闌鼓瑟感湘靈。
下簾高坐金錢滿，贖買鹽梅寄在廷。

賦得春鴈送張郎中省覲揚州

東風吹歸鴈，離離翔天側。
朝發衡陽浦，夕過陰山。

曼碩詩

卷之三
二十五

汲古閣

磧嘹唳浮雲中，萬里才一息。
眷言思親者，相望有南北。

送聶太祝赴潮州錄事聶天曆潛邸舊人

三載從容禮樂間，糾曹新拜度梅關。
春風忍過金陵道，夜月重經黃木灣。
盜賊數州相應起，甲兵諸道幾時還。
憑君細講安民策，莫遣邊防一日閑。

題俞氏看雨軒

慘澹來何處，崩騰忽滿城。
遙連四山黑，近灑半江明。
可愛華間濕，偏宜竹上聲。
中宵未可住，高枕寄。

餘情

寄題王氏笑閑亭

問子亭何在臨川野水濱得閑消日微笑看浮雲野鳥依岩樹隣家遺澗芹題詩託幽興長想白鷗羣

題江道士清虛館

遺紛極玄覽宴坐白玉京日月朗朝夕河漢流無聲冉冉兩玉童雙吹紫鸞笙下視九州浮以四大瀛藹劫猶一瞬逍遙樂泰清

曼碩詩

卷之三
二十六

汲古閣

賦得吳歌送人歸吳中

三月酒如澠高堂絲竹停繡筵雙鳳影珠箔亂鶯聲疊應紅牙拍辭傳金縷名絲雲低不度芳塵暗自驚花發長洲苑日照闔閭城且奉千金壽寧忘萬里情

揭文安公少時撰功臣列傳見推於平章事

君晚年以遼金宋三史為己任得編作史之

法未卒業而告殂會稽楊錢崖作父偕強伯

兩孝孝光輩祭之于孤山之巔同控天新孫

父之歿詔史筆不再見也至其父子自為師

友君臣相為親重及以譴余金一事見注於

蜀州本傳已具載矣海陽毛晉淺

揭曼碩詩卷三

終

曼碩詩

卷之三

文淵閣

元四家詩二十六卷

江蘇巡撫
採進本

明毛晉編晉有毛詩陸疏廣要已著錄是編凡虞

集詩八卷楊載詩八卷范梈詩七卷揭傒斯詩三

卷集詩乃晉以意摘抄非其完本且四家各有專

集亦無庸此合編也